



IBLIOTECA NAZ.  
Vittorio Emanuele III

XXV

D

37

NAPOLI

XIV  
2  
32

Proibito





IOANNIS WIERI.

2

*Illustrissimi Ducis Iulie, Cliviae, &c.  
quondam Archiatri*

# OPERA OMNIA.

QUORUM

Contenta versa pagina exhibet.

*Editio nova & habemus desiderata.*

Accedunt Indices Rerum & verborum copiosissimi.



AMSTELÆDAMI.

Apud **PETROUM TANDON BARDE**, sub Signo  
*Montis Parnassi.*

MDCCLXX.

E L E N C H U S  
O P E R U M  
I O A N N I S W I E R I.

I.

DE PRÆSTIGIIS DÆMONUM, & Incantationibus ac Veneficiis Libri sex. Ab auctore sexies aucti & recogniti, juxta Exemplar Basiliense 1583.

II.

LIBER APOLOGETICUS, & Pseudomonarchia  
Dæmonum.

III.

DE LAMIIS LIBER, & de Commentitiis Tejuntis.

IV.

DE IRA MORBO, ejusdem Curatione Philosophica,  
Mæica & Theologica Liber.

V.

OBSERVATIONES MEDICÆ RARIORES,  
quibus accedit, Liber secundus, nunc demum ex Germanico Idiomate, in Latinum translatus.

*Magnificis, Nobilissimis, Amplissimis, Spectatissimisque*

D O M I N I S

D. CORNELIO DE GRAEF,

Toparchæ de Zuyd-Pols-broeck, &c.

D. IOHANNI HUYDECOPER,

Equiti, Toparchæ in Maerseeven, Neerdijck, &c.

D. HENRICO SPIEGEL.

D. SIMONI VAN HOORN, I.V.D.

POTENTISSIMÆ AC TOTO ORBE CELE-  
BRATISSIMÆ CIVITATIS AMSTELODAMENSIS  
CONSULIBUS MERITISSIMIS, DIGNISSIMIS.

U T E T

D. NICOLAO TVLPPIO,

Medicinæ Doctori celeberrimo.

D. CORNELIO WITZENIO I.V.D.

EJUSDEM CIVITATIS EX CONSULIBUS  
THESAURARIIS FIDELISSIMIS.

*Magnifici, Nobilissimi, Amplissimique Domini*



Hemistius cognomento *ἐνφραδὴς*, (quod interpretari licet SUADAM) amænissimum aurei seculi germen, cum animadverteret Imperatorem, quasi quendam terrarum

Deum,

Deum, maxima veneratione ab hominibus coli,  
pretiosissimisque muneribus, maxime coronis au-  
reis & gemmeis communi civitatum gratulatio-  
ne donari; ne ipse tot obstrictus nominibus, in eo  
munerando defuisse videretur; excogitavit ali-  
quid sane Constantino suo dignum. Coronam  
scilicet non auro gemmisque distinctam, non  
duodenis radiis antiquoritu illuminatam; sed ex  
pulcherrimis Philosophiæ floribus, ex viridissimis  
Academiæ lauretis concinnatam: quam ipse te-  
xuerat συλλεξάμενος ἐκ τῶν Πλάτωνος καὶ Ἀριστοτέλους λει-  
μῶνων. Næ eo munere & Philosophiam velut in fo-  
lio Imperatorio collocavit, & tanto aliorum mu-  
nificentiam intervallo antecessit; quanto fortunæ  
bonis verissimi animorum thesauri, hoc est, sa-  
pientiæ inventa antecellunt. Verum pace The-  
mistii dictum esto. Superiori seculo, JOANNES  
WIERUS Domo Graviensis, Medicus & Philoso-  
phus undiquaque doctissimus, non quidem Prin-  
cipi alicui, sed VERITATI atque corporis animiq;  
SANITATI, sertum longe floridius ad pulchritudi-  
nem, ad venustatem gratius, atque ad diuturnita-  
tem perennius, in Horto Sapientiæ ex omnium  
coronamentorum elegantia elaboravit. Dum  
enim *veteres avias* (ut cum Persio loquar) *de pulmine*  
*revellit*, diaboli ejusque satellitum fraudes dete-  
gendo,

gendo, innoxios Magiæ suspicione liberando, il-  
 los qui alimento se non indigere jactabant, pro-  
 stituendo, ac denique morbis conclamatis præsi-  
 dium non ex Orco, sed interioribus Medicinæ  
 penetralibus sollicitando: quicquid eruditum ex  
 officina Sapientum prodierat, quicquid ut in Ar-  
 ce collocandum in Palladia incude ab hominibus  
 limatissimis erat fabricatum, quicquid ex arcanis  
 Encyclopædiæ mysteriis, ex Ecademi Heroo,  
 meliore metallo formata ingenia deprompserant,  
 quicquid denique omnis ætas, omnis regio, o-  
 mnes Philosophorum labores pepererant, in  
 hanc suam Coronam, quasi Gygis aut Apollonii  
 thesaurum, elegantissima artificiosissimaque ma-  
 nu congescit: ut ei merito velut Ἰσὴ Ἀἰγυπτίῃ  
 vestibulo elogium istud πάνσοφον inscribas, Ἐγὼ  
 ἐμὲ πᾶν τὸ ὄν καὶ γεγονὸς καὶ ἐσσόμενον. Non diffi-  
 tendum, Invidiam, quæ comes solet esse vir-  
 tutis, atro loliginis succo non tam inficere, quam  
 obscurare laborasse præfulgidum Coronæ hujus  
 jubar; at quam irritò conatu, patet ex gemina A-  
 pologia huic nostræ Editioni superaddita. At,  
 cum nihil sub Sole sit constans & stabile, atque  
 ipsa sidera suas habeant maculas & Eclipses, Co-  
 rona hæc toto alias orbe celebratissima, per præ-  
 posterum studium, aut verius fatum hominum

nostri ordinis , (Typos suos ut plurimum destinantium Æternitati librorum deteriorum) parum quin dissoluta, si non ignorantiae tenebris oppressa fuit. Eoque, ego, qui nomen meum inter eos profiteor, quos Magnus Erasmus sæculorum sospitatores vocare solet, officii mei esse ratus sum, pro restauranda hac corona , omnes librorum lemniscos ad eam pertinentes conquirere, quod persuasum haberem, lumen quod ex iis radiat, cujuscunque conditionis hominibus tum erudiendis tum oblectandis servire plurimum. Ac quoniam nullum detrectavi laborem, sub inde Herculeo parem, nec ullis pæperci sumptibus (permagno feci, dum per totum ferme orbem dispersos libros colligo , & quosdam ex Germanico idiomate in Latinam linguam transferri curo) Deus è cœlo conatui huic benedixit: atq; eodem favente hanc præfulgidam coronam omnibus suis lemniscis & ramentis instructam, primus congesti , ordinavi, polivi. Quum vero hæc ipsa ritu & cæremoniis amplius initianda sit; nulli occurrerunt, præter vos , Viri Magnifici, Nobilissimi, & Amplissimi, quibus ea offerri mereatur. Vos enim per virtutem eruditi, per eruditionem optimi, tanta prudentia & laude civitatis maximæ, & sub alio quoque sole potentissimæ. Quietem & felicitatem

rem procuratis, ut obstupescant peregrini, ringantur injuria. Gloriosissimo Imperat. Ferdinando I. quærenti, qua ratione tanta hominum multitudo, quam tum Noriberga mænibus suis complectebatur, in officio contineri posset, Joannes Tucherus Consul respondit: *Bonis verbis, & asperis pænis.* Iisdem artibus, vos quoque, cives & inquilinos vestros in officio continetis; simul, non modo Mercurium iis quam propitium redditis, dum urbem vestram (quæ jam diu audit orbis Epitome) Orientis & Occidentis divitiis locupletatis; sed Minervam quoque faventissimam; dum omnigena ornamenta literaria, & liberalium ingeniorum exercitia, quibus celeberrimæ quoque Academiae destituuntur, velut Mercurialis strepitus linimenta, regiis impensis procuratis. Patiamini ergo, Domini Clementissimi, hanc coronam, quam sera posteritas Colophonio calculo comprobabit, foribus vestris & Tholo publicæ Bibliothecæ (quam instructissimam habetis) suspendi, simul favete conatibus hujus vestri civis, qui Deum rogat bono reipublicæ perennare atque feliciter rem gerere possitis, simulque manet

Amstelodami  
Ido Idc lx.

*Magnificarum Dominationum Vestrarum  
humillimus cliens*

PETRUS VANDEN BERGE

VINCE  
TE  
IPSVM.



Ioannes Sculp.

IOANNES WILHELMVS

ANNO ETATIS LX SALVTIS M D LXXVI

Εἰς τοῦτο αὐτὸν ἵσταται  
τὸ πνεῦμα τοῦ Θεοῦ.

Ὡς αὖτ' ἡ ψυχὴ τοῦ ἀνθρώπου  
ἐκείνη πνεῦμα καὶ ἀνθρώπου  
φάρμακα ἐκ τοῦτο ἵσταται  
ὡς αὖτ' ἡ ψυχὴ τοῦ ἀνθρώπου  
ἐκείνη πνεῦμα καὶ ἀνθρώπου

Εἰς τὸν αὐτὸν.

Τὸ πνεῦμα τοῦ Θεοῦ  
ἐκείνη πνεῦμα καὶ ἀνθρώπου  
φάρμακα ἐκ τοῦτο ἵσταται  
ὡς αὖτ' ἡ ψυχὴ τοῦ ἀνθρώπου  
ἐκείνη πνεῦμα καὶ ἀνθρώπου



# V I T A

## IOANNIS WIERI.

Florus  
circa an-  
num  
1570



GERMANIA est universa in superiorem & inferiorem distributa: quæ Belgium & Gallia Belgica appellatur. In hac natum accepimus JOANN. WIERUM Latino cognomento Piscinarium, quo apud exteros notior fuit, domo honestissimâ,

Joannis  
Wier.  
Piscina-  
rius da-  
tus.

patre Theodoro, matre Agnete, sub annum Christi millesimum quingentesimum, decimum quintum, in oppido circa Mosam ad Brabantia limites sito, Gravia nuncupato. A puero ad literas adhibitus statim indolis egregiæ documenta dedit præclara. Pervenit deinde in Henrici Cornelii Ægrippæ notitiam: cujus aliquandiu se usum esse institutione fatetur: cum & præceptorem & herum suum venerandum \*vocat. Apud hunc scribit legisse se partem librorum Steganographiæ Trithemii scriptum, cum figuris & spirituum nominibus, eamque inscio illo exscripsisse. Quid verò de ejusmodi senserit, \* ibidem indicat: præstigias, inquit: ostentant, non miracula: quæ non DEI adiuvantia; sed permissione ob hominum incredulitatem, & dæmonum pactione sortiuntur effectum.

Gravia  
oppidum  
ll. Cornel.  
Ægrippæ  
præceptor  
Wieri.

\* Wier.  
l. III. de  
præstigi-  
is. c. 12.  
& 13.  
Steganog-  
raphia  
Trithemii.

\* Lib. 1. de  
præstigi-  
is. cap. 6.

Quemadmodum autem omnes, quotquot in literis excelluerunt, multa tulerunt & fecerunt: ita & ipse literis abditus primis earum jactis fundamentis, publica ad Lycea sese contulit, illud poëta cogitans:

— tentanda via est, qua me quoque possim

Tollere humo, victorque virum volitare per ora.

E. Germania itaque egressus Lutetiam Parisiorum venit, ac medicis potissimum operam dedit. Lutetiâ Aureliam accessit, ubi Natalis Ramardi, medici regii filios duos, Natalem apud S. Lazarum in suburbiis Priorem, & Ioannem cum Ioanne Verreto nepote, instituendos suscepit: eosque paulò post Parisios

Lutetiam  
venit  
Wierm.  
Indo Aureliam.

\* \*

sios

\* Anno 1514. *sios reduxit. Eo autem tempore Aureliam venit, quo tragiædia accidit, cum Pratoris Aureliensis uxore defunctâ & monachis mendicantibus: quam Sleidanus describit. Generis igitur humani, ubi à DEO discesseris, artem conservatricem, medicinam dico amplexus, & ab iis quæ sunt egrègiè instructus, magnis itineribus eo in studio progressus est: celeriterque ad metam, insignibus doctoralibus non precariò obtentis, pervenit.*

In Africam profectus.

\* lib. 2. cap. 15. Et in Cretam.

*Peregrinatione deinde susceptâ, in Africam trajecit, ubi quæ viderit circulatorum & Theraphim genera, ipse recenset in commentariis de præstigiis dæmonum. Pervenit & in Cretam insulam: ubi hoc se, quod ferè fidem superet, vidisse narrat. Rusticus in quodam tumultu sagittâ circa dorsum impactâ, vulneratus fuit; evulsâ sagittâ ferrum in thorace est relictum. Chirurgus vulnus sanat, frustra quasitâ cuspide. Post biennium juxta alvum ea excidit semiexesa. Hac ipse.*

Fit archiater princip. Clivensis.

\* Anno 1520.

*Domum ad suos reversum, ut virtus latere nescit, illustrissimus princeps Guilielmus Clivia dux, ad se eum invitavit: ut à curâ corporis ac valetudinis sibi esset. Id officium cum viginti vel triginta quasi annis fideliter obiisset: non suo solum principi acceptus gratusque; sed & compluribus aliis comitibus ac magnatibus à medicina, verèque*

Puella si ne cibo & potu vivere crederetur. Sed falsò.

*Accidit ipso tunc in aulâ Clivensi agente, quod silentio involvendum minimè videtur. Unnæ in comitatu Marchie, fuit puella quædam duodecim annorum Barbara, à lethali decubitu nihil cibi aut potus adsumfisse credita. Eam cum WIERUS vidisset toto corpore benè habitam & agilem, sed ventre collapsò: meram imposturam esse, ingenuè testatus est. Tandem impetrat ut examini suo in adibus, quas Clivia habebat, principis decreto committeretur. Hic puella clam observata statim detecta fuit versutia & dolus: dum ubi ubi potuit, clanculum esculenta & poculenta surripuit. Tametsi verò pœnam &*

parentes virguncula & ipsa puella cum sorore, antea ciborum subministratrice, meriti essent: tamen WIERO deprecante princeps illis ignovit, senatu Unnenſi seriò reprehensò; qui sibi tam stupide à puellâ passus esset imponi. Hac fuit comœdia illius catastrophæ, paulò latior illâ, quæ \* *Eslingensem virginem* \* De qua Crusine lib. 11. part. 1. cap. 10. animal. mansit.

Tandem satis concessit vir benè de Repub. literaria, quin & de ſagarum genere meritis. Nam apud ducem illum dum versatur, non sine suspiriis aliquoties vidit multos Christiani vulgi, præsertim vetulas, ob veneficii suspicionem in carceres compingi: quæstionibus subjici; flammis exuri. Id ei ansam præbuit; ut laudatum multis scripserit opus de veneficiis & ſagis: in quo quantum in Theologiâ, in Iurisprudentiâ, Medicina, Philosophiâ profecerit; re ipsâ declarat; argumenta ex illarum disciplinarum fontibus desumpta adserendo. Etsi autem eo scripto operam non luit, cum ex magistratibus non pauci eo nomine gratias ipsi egerint: quippe qui prudentiores cautioreſque eo scripto facti essent: non defuerunt tamen; qui in eo & reprehenderent non pauca; & in certamen provocarent. Inter hos fuit Paulus Scalichius, Joannes Campanus Leo Suavius: nec Joanni Brentio usquequaque satisfecisse videtur. Opus de veneficiis & ſagis. Adversaria Wierii.

Floruit amicitia virorum eâ tempestate magnorum. In Gallia familiariter usus est multis non obscuri nominis viris, potissimum medicis. Gerardo Fabro Cadurcano, Vitali Besumbæo, Joachimo quodam ex Provinciâ oriundo, Michaële Villanovo, & aliis. In patria verò Joanne Echio, Bernhardo Cronenbergio, Huberto Fabro medicis Colonienſibus, aliisque permultis in germaniâ & extra eam doctrinæ laude claris viris. Amici.

Corpore fuit satis compacto viribusque integris adeò, ut de se commemoret \*: dies aliquando quatuor illasè absque omnino cibo & potu sanum vixisse: imò longius ferre jejunium potuisse: Valerius lib. de commentis. jejuniis.

uisse : nisi quid gravius sibi ex continuis vigiliis fuisset veritus.

• Lib. de  
praestig.  
cap. 14. Fratres habuit duos Arnoldum & Matthiam : cum quibus domi paterna hoc se observasse \* scribit admodum puerum , non sine ingenti terrore. In tabulato (sub quo forte dormiebant) aservabatur magna lupuli copia , unde quæstum pater faciebat.

Lares fa-  
mularum  
praestig. Quoties igitur venturi essent emptores : lares narrat fuisse auditos : atque saccorum per scalas devolutorum strepitum imitatos , omine semper fausto & veraci. Audit enim diabolus mercatores , aliquò mercium causa profecturos , de illis antea inter se colloquentes : videt iter ingredientiæ. Itaque apud eos , ad quos illi tendunt , sua antè agitât ludibria ; ut pronunciaffe futura videatur.



# MARTINI SCHOOCKI

Professoris in Academia Groningæ &  
Ommelandiæ Judicium de libris

JOANNIS WIERI, inscriptis

DE PRÆSTIGIIS DEMONUM.

**V**T invidia eminentia præ cæteris petere solet, ita sapientes atque eruditos perpetuo comitatur, quod soli non solum audiant, sed re ipsa quoque sint homines. Maxime vero infesta est ingenii monumentis, in quibus post cineres & favillas quoque certo vivere possent, nisi ea suppressere, non quidem è vulgo homines, sed illi ipsi, qui docti haberi cupiunt, omnibus modis laborarent. Fatum hoc non hujus illiusve solum libri, aut Scriptoris, sed omnium, quotquot in librariis & Bibliothecis noti sunt. Plato, cui ipsa Invidia testimonium hoc perhibere cogitur, quod fuerit omnium, quicumque scripserunt, aut locuti sunt, & copia dicendi & gravitate princeps, per scomma aureus vocatus est ab Epicuro: in illius quoque Dialogis plerique confusionem jam olim notarunt, atque si credimus Athenæo, contra illos librum quoque scripsit Theopompus Chius, contendens plerosque mendaces & inutiles esse. Discipulus Platonis Aristoteles, quo nihil politius aut acutius se nosse testatur Marcus Cicero, florentibus adhuc Athenis, scriptorum & morum suorum Censores expertus fuit Aristoxenum, Timæum, & Epicurum, atque nequid dicam de novitiis ipsius adversariis, ipse Gregorius Nazianzenus cum stomacho hæc alicubi pronunciat: *Abjice Aristotelis minute loquacem sagacitatem, abjice mortiferos illos super anima sermones, & universa humana illa dogmata.* Ciceroni ipsi, Romuli nepotum di-

fertissimo, ridicula poëmata non modo Juvenalis tribuit, verum M. Cato eum *ridiculum consulem*, Papirius vero Præliis aut *velitem*, aut *consularem scurram* vocavit. Ciceroni jungendus Demosthenes, oratorum Græcorum princeps. De illo apud ipsum Ciceronem, qui alias eum admirari solet, hæc legas in Oratore: *Nobis non satisfacit ipse Demosthenes, qui quanquam unus eminet inter omnes in omni genere dicendi, tamen non semper implet aures meas.* Nè quis irascatur æmulo Demosthenis Æschini, qui applaudente ex parte Dionysio Halicarnassæo, dictionem summi viri, ut morosam & elaboratam nimis traduxit. Similiter Strabo Geographorum maximus, de Herodoto non dubitavit scribere, quod in historia sua *nugetur, atque condimenti loco prodigiosas fabulas orationi immisceat.* Quod Herodoto, contigit quoque Thucydidi, quem quamquam Cicero agnoscit esse *rerum gestarum pronuntiatorem sincerum atque grandem*, plurimi tamen Flavio Josepho teste, variorum mendaciorem eundem æcufarunt. Virgilius Maro, quem Vellejus Paterculus Latini carminis principem vocat, non Grammaticorum solum, sed, ipsorum virorum principum sinistra judicia incurrit. Ennii stercora gemmis illius Hadrianus Princeps prætulit, Augustique pronepos Caligula divinam Æneidem convitiis incessere, & parum quin proscribere, instituit. Cornelius Tacitus, in quo laudando Lipsius modum invenire non potuit, quemque parentem suum Tacitus Augustus vocare solet, (si fides Emilio Ferreto habenda) non satis Latine scribit, ejusque dictio, judice Alciato viro summo, præ illa Pauli Jovii, aspera & sentitio alicui similis est. De Seneca Philosopho, insigni illo morum magister, hoc judicium fert Fabius Quintilianus, quod *in Philosophia parum diligens fuerit, ususque corrupta in eloquendo oratione, rerum pondera minutissimis senten-*

ten-

*tentiis frerit.* At cur privis exemplis colligendis immoror? Nunquam ulli adhuc scripto, ad unguem licet facto, omnibusque statuis emendatiori, hoc contigit, quod Phidiæ Minervæ, quæ digna habita fuit, ut extra invidiæ atque obrectationis regnum in arce collocaretur. Ut alios omittam, hos invidiæ & malevolentiae insultus expertus fuit JOANNES WIERUS, Medicus non modo experientissimus, verum vir quoque undique doctissimus, cum elaboratissimum opus de Præstigiis dæmonum evulgasset: in quo cum abeat à recepta sententia, iisque obloquatur, qui anilibus conjecturis mori, rogo destinare solent homines Magiæ duntaxat suspicione laborantes; non modo habitus fuit publice Magiæ diabolicæ fautor & patronus, verum etiam graphicus Magus. Ne quid enim dicam de Bartholomæo Fayo, qui passim in suo *Energumeno* hoc nomine eum notat & reprehendit; Joannes Bodinus vir doctus & scriptis plurimis celeberrimus, ex professio hoc egit in peculiari libello annecti solito illius Dæmonomaniae. Summa accusationis est hæc, quod WIERUS ipse fateatur se non modo exscripsisse Joannis Trithemii Steganographiam, quam in museo Magistri sui Agrippæ repererat, sed lib. 2. cap. 5. de Præstigiis, fateatur se fuisse Agrippæ discipulum, atque lib. 3. cap. 35. hunc vocet *Magistrum suum fidelis memoriæ, itemque venerandum præceptorem.* Sed an propterea Magus habendus WIERUS? Quid si Cornelium Agrippam virum longe doctissimum falso Magiæ insimulari pertendisset, (hoc modeste docere solum instituit d. lib. 2. cap. 5.) haut magis peccasset, atque multi viri summates, quos duces secutus vir hoc seculo summus Gabriel Naudæ integrum caput xv. Apologiæ, scriptæ pro iis, qui per calumniam Magiæ insimulati fuerunt, excusando Agrippæ

pæconsecravit. Quam Apologiam antequam vidissem, persuasissimum mihi erat, Agrippam, juvenem fortè, Magicis sacris irretitum mature resipuisse, maxime cum hoc ipse innuat in Præf. præmissâ ad libros de Occulta Philosophia, qua non modo veniam petit, sed notat quoque censoria virgula libros à se prima ætate conscriptos. Commendat ergo WIERUS Agrippam, sane supra seculum suum eruditum, qualem fuerat expertus, & familiariter, cum eo per domesticam consuetudinem conversando, noverat. Vitio quoque WIERO verti non debet, quod exscripserit Steganographiam Abbatis Trithemii. Calculum suum lib. 2. de Præstig. cap. 6. adjicit calculo Caroli Bovilli, atque nihil sani in toto hoc scripto agnoscit. Quanquam Naudæus d. lib. cap. 17. Trithemium ab omni Magiæ specie liberare nititur, quod & ante eum fecerat Tannerus Jesuita, cui hic non convenit cum socio suo Delrione. Steganographia ipsa Trithemii calculo multorum specimen exhibet artis Notoriæ, videturque docere Cryptographiam. Legi velim Anonymi (sed qui putatur fuisse Orthodoxus Theologus) Epistolam, qua anno sexto hujus seculi, secundum Editionem Francofurtensem, hanc ipsam Steganographiam obtulit Philippo Electori Palatino, atque diligentius attendi protestationem ipsius Trithemii, amolientis à se crimen Magiæ, quæ ibidem occurrit. Ut ut sit vero, hæc non tangunt WIERUM, ut neque juvenilia & inconsiderata Cornelii Agrippæ scripta: quique his argumentis moventur, ut putent WIERUM ad ordinem Magorum non modo relegandum esse, sed & Doctorem singularem Magiæ habendum, æque procul à sana mente, atque à candore absunt. Quid facias tamen? hodie adhuc inveniuntur, quibus volupe est cum mortuis luctari, cum tamen Larvæ his parcere consueverint



verint Talibus aliud non oppono , quam illud Maronis:

——— *Iam parce sepulcro,*

*Nec Patris Anobis cineres, Manesve revele.*

Interim tamen non omnia probanda sunt, quæ in libris WIERI de Præstigiis Dæmonum, & in libris, De Lamiis, occurrunt. Tria præ aliis jure merito in illis argui existimo. 1. Quod in Scriptura nullibi Magia, ut illicita condemnetur. 2. Quod nulli unquam cum Diabolo, de exercenda ad tempus aliquod Magia, pactum inierint, confessionesque Magorum deliriis esse accensendas. 3. Ac proinde nefas esse, ob crimen Magiæ aliquem ultimo supplicio afficere. Quæ Paradoxa licet vir prudens & salutis proximorum suorum quam studiosus, tueri instituerit, quod videret à crudelibus magis quam severis iudicibus, quotidie multos innocentes, quasi Magos, ad ignem rapi, speratamque bonorum confiscationem iudici crudeli & avaro dictare tormenta, ipsi Phalaridi ignota; nihilominus hæc ipsa jure summo nominatim in authore ex Pontificiis notarunt præ aliis Bodinus, Fayus, Binsfeldius, Martinus Delrio, Adamus Tannerus, Paulus Layman (hi tres posteriores fuerunt Jesuitæ) pluresque alii, quos longum foret enumerare. Ex Augustanæ vero Confessionis Theologis, & Reformatis, nominatim Brentius, Hemmingius, Danæus, Raynoldus, Perkinsus, & qui primo loco adduci debuisset Jacobus Magnæ Britannix Rex in sua Dæmonologia. Nec tamen æque WIERUS deliquit, atque Reginaldus Scot nobilis Anglus, cujus liber jussu laudati jam Regis in Anglia combustus fuit, quod aperte Magiæ crimen non modo negasset, sed etiam ex professo oppugnasset. WIERUS, etiam ante editos libros de Præstigiis, adversarium habuit Thomam Erastum, non modo Medicum & Phi-

\*\*\*

loso-

lofophum incomparabilem, verum etiam Theologum judiciofum, qui vifo Apologetico WIERI, mox eodem anno, five anno fuperioris feculi feptuagesimo octavo, evulgavit refponfum, oppido quam eruditum, in quo licet folide ad argumenta WIERI refpondeatur, non tamen Magiæ WIERUS arguitur, fed ut vir doctus commendatur. Quod, ut publice conftet, lubet paucula ex Epiftola Dedicatoria hic repræfentare. *Ita ergo ibi Erastus*: Inventus eft vir doctus, qui miferatione infelicium muliercularum permotus, pro magis ut arbitror, quam recto ftudio earum defenfionem fufcepit, Nec me infcio fecit, fed ante annos aliquot de confilio fuo certiozem me reddidit. Ego viciffim ei refpondi, non modo non ingratum mihi hoc fore, fed jucundiffimum. Quin etiam obteftatus fum, ut, fi errare nos videret, audacter nos confutaret. Equidem non de cauffa aut vitiofa nuce, fed de hominum, pro quibus Chriftus mortem fubire acerbiffimam dignatus eft, falute agitur: ac proinde non fceleratus folum, verum etiam immaniter impius juftè cenferi poffem, fi crudelem & falſam opinionem humaniori, & veriori ſententiæ anteponerem. Mori certe malim quovis mortis genere, quam ſciens & prudens, in re tanti momenti errare: præſertim cum error in talibus non fit ſimplex lapſus, fed periculofus & cum pernicio aliquorum conjunctus. Quamobrem ſerio eundem rogavi, ut publice hominum ſalutis cauſa argumenta ſua, quibus meam ſententiam refelli poſſe arbitraretur, vel privatim communicaret, vel publice omnibus expendenda proponeret, me, ſi rectiora docuiſſet, publice quoque gratias libenter acturum eſſe, five privatim five publice erudiſſet. Res eſt in annos aliquot dilata, & cum nihil ſperarem amplius, tandem circa principium hujus anni tanto ante intentata confutatio prodiit. Ego  
eam

eam cum avide perlegissem, & meliora me visurum frustra expectavissem, mirum est, quam fuerim demiratus. Nihil enim prorsus, quod quidem momenti alicujus esset, deprehendi, quod non antea solide à me confuturum fuisset. Itaque sic mecum ratiocinari cœpi: Si vir tantus, & in hac ipsa quæstione tam exercitatus tot jam annis nihil excogitare potuit, quo vel tua infirmaret, vel sua corroboraret, satis manifestum est, quanta causæ, quam defendis, bonitas sit. *Hactenus Erasmus.* Non diffiteri licet præter jam dicta, alia pariter occurrere, quæ jure merito aliquis arguat. At, quisquis eruditus, & simul candidus est, semper cogitat illud Horatii:

———— *Non ego paucis  
Offendar maculis, quas aut incuria fudit,  
Aut humana parum cavit natura.*

Eoque (ut finiam) existimo bene de Republ. literaria promeritum fuisse Typographum, quod scripta WIERI diu desiderata nitidioribus Typis exscribi curarit. Adfer modo, benevole Lector, candorem & mentem defæcatam, atque (ut persuasum habeo) non minus mihi, quam Typographo applaudes. Quod reliquum, Vale.

## Judicium ejusdem de reliquis

WIERI scriptis.



Quod dubius essem, an Typographus, quid WIERI, prater ejus libros de Praestigiis Daemonum, divulgatus esset, de his solummodo, simul succurrendo Authoris innocentia, judicium meum interposui. At, quam supra eos se voluerit tollere, qui uni lucro student, nullisque sumptibus pepercerit, quod omnia scripta viri, supra quam dici possit, eruditi, colligeret, atque in unum volumen redigeret, conducendo etiam nonnullos, qui ea, quae Germanica solum legebantur, Latina toga induerent; ulteriori ejusdem desiderio satisfacere volui, atque libere profiteri, quid censeam de reliquis scriptis, quae posthac nostri MONTANI studio & diligentia uno volumine comprehenduntur, quum antehac ullo vix precio comparari possent. Quantum ergo ad libros de Lamiis, diffiteri non possum, me ratione variorum in alia omnia à WIERO discedere; suspiciendam tamen, & maxime commendandam puto, non minus omnigenam ipsius eruditionem, quam studium justitiae, imo conscientiae. Quis ita rerum imperitus, qui ignoret; plurimos utriusque sexus homines, ductos fuisse & ulticibus flammis traditos, nullam aliam ob causam, quam quod avarus iudex, contra eos produxisset quosdam viros Belial, qui contra innocentes quadam Magiae Specimina, ab iis quasi exercita, probassent? Item, tales iudices, justos quoque ab hominibus sui commatis haberi consuevisse, quod per dira tormenta & Phalaridi quoque ignota, confessionem criminis atrocissimi extorsissent vitae suae prodigiis. Qui licet haud aliam ob causam se reos prodiderint, quam ut tormentis eximerentur, iudici tamen nomen decusque per innocentiam suam procurarunt, quod ex formula egisset. Si cui vero placuerit attendere ad illa, quae disputat WIERUS, circumspice-

*specius versabitur; maxime, si urna judiciali assideat: nec inani-  
bus suspicionibus omni ratione destitutis, tantum tribuet, ut iis  
equuleum destinet. Certe hoc collegisse videor, quod ex quo scri-  
pta WIERI prodierunt; per Germaniam, Galliam, &  
Belgium, ratio submoverit suspensiones, qua Majorum aro,  
sufficere videbantur ad aliquem, velut veneficum submoven-  
dum. Liber de fictitiis Ieiuniis, errori populari expugnando de-  
stinatus, tum per liquidas rationes docet, admirationem non  
mereri apud natura consultos, ad qua vulgus obstupescere so-  
let; tum etiam prostituit aruscatores, per speciem religionis,  
ex talibus ludibriis questum facere solitos. Cum hoc WIERI  
libro conferri meretur eximius Tractatus & excellentissimi Phi-  
losophi Fortunii Liceti de Feriis Altricis anima: Atque, si  
quis instituerit utrumque inter se contendere, na eximium ope-  
ra pretium fecerit. Porro in Tractatibus Medicis Author no-  
ster singularis est, &, quasi sub Herculis fidere natus esset,  
non nisi adversus morborum monstra fertur, Hydropem, Quar-  
tanam, &c. Scorbutum, seu, Sceletyrben Plinii, morbum mul-  
tis populis Endemium, natura prasidiis expugnari atque profligari  
posse, ex primis docuit. De Varenis (morbus est per West-  
phaliam nimis quam familiaris) primus & solus forte egit.  
Atque, cum adversus illum prasidia potissimum Magica ad-  
hiberi inter Westphalos consuevissent, ipse ostendit circa natu-  
ram matrem, Paenorum proverbium cum ratione usurpari pos-  
sem, quo dicitur eadem terra & ciconias & serpentes proferre.  
Tractatulum ejusdem Germanice scriptum, cum a filio Henrico  
submitus esset, tanti fecit vir Celeberrimus Henricus Sme-  
tius, Medicina Professor Senior in Academia Heidelbergensi,  
ut eum, Latine a se conversum Miscellaneorum Medicorum  
libro tertio, velut Emblemata quod, inserere voluerit. Qua ha-  
bet de morbo Gallico, (utinam non modo Gallis, sed & omnibus  
Christianis ignoto!) Sudore Anglico, Pestilentia Epidemica,  
atque Iliaca Passione, talia videntur mihi, (qui alias, nec pro*

MART. SCHOOCKI JUD. OPER. IOAN. WIERI.

*Medici filio me gero) ut, illorum evulgatione, homines tam diu devotos sibi reddiderit, quam ipsi cum morbis luctabuntur. Qui tam feliciter cum corporis Tyrannis congressus erat, experiri quoque voluit, quid & quantum posset circa animi morbos. Eoque elegit ejusdem insaniam, (Iram innuo) quæ cum sit plurimorum peccatorum fons, quomodo illius vena obstrui possint, non minus Philosophicè & Medicè, quam Theologicè ostendere instituit. In quo quid præstiterit, ipse, benevole Lector, dijudica. Librum hunc inventu antehac rarissimum, & parum quin auro contra carum, Montanus Typographus reliquis WIERI scriptis sociavit: eoque dignum judico, cui Resp. literaria hoc nomine gratias agat, quam obstringet se aeternum, si, non nisi libros cum WIERI scriptis paria faciente sive optimos, exscribere posthac instituerit: quod facturum auguror, imo voveo.*

AUGUSTISSIMUM TOTIUS OR-  
 BIS CHRISTIANI CÆSAREM, REGES  
 SERENISSIMOS, PRINCIPES ET DUCES  
 ILLUSTRISSIMOS, COMITES GENEROSOS, ET  
 QUOSCUNQUE ULLUM MAGISTRATUM  
 GERENTES, TAM SECULARES QUAM  
 ECCLESIASTICOS,

*Libellus supplicis.*

**N**VICTISSIME Imperator, Reges & vi-  
 ri principes, quibus ordine legitimo, ratio-  
 nibus gravissimis gladium ad coercendam  
 merito supplicio maleficorum effrenem mo-  
 bedtentiam: ad eos verò qui se rectis poli-  
 tiæ legibus inculpatè submittunt, vigilanter defenden-  
 dos, coque nomine tranquillitatem reipublicæ ritè con-  
 stitutæ sedulò conservandam, commendavit Rex ré-  
 gum, & Dominus dominantium: vobis demissa ora-  
 tione hunc supplicem libellum cum omni subjectione  
 reverenter offero, ex cordis penetralibus orans, obse-  
 crans & obtestans quàm humillimè, ut concedere non  
 dedignemini in illis dæmonum præstigiis, quibus à re-  
 rum primordiis tam densas hominum oculis offudit te-  
 nebras ille primus universi mali architectus: & in iis  
 quas senescente mundo demum idem ille veterator mil-  
 le artifex in deliris stupidisque quibusdam mulierculis  
 fabricatus est in Christianæ Europæ foedissimam labem,  
 hominum errorem crassissimum, cædem insontium fre-  
 quentissimam, & vulnus conscientiarum magistratus  
 haud profectò leve: concedere inquam clementer, mi-  
 hi minimo obsequentissimoque vestro clienti, tempus  
 apud vos proponendi his sex libris meam qualemcunque  
 sententiam. Quæ si supremi ordinis vestri punctum non  
 rule-

tulerit, eam uti meritò exhibendam explodendamque,  
ut quàm ocysimè, ita & libentissimè palinodia suppri-  
mere non gravabor, rationibus argumentisque nervo-  
sioribus convictus. Sin verò authoritatis vestræ calculo  
ea confirmabitur, operæ precium me fecisse, in animum  
inducam: non minori denuò supplicans studio, ut huic  
sententiæ tum locus detur, semosa vetustatis religio,  
& opinionis tot seculis imbibitæ affectu posito: si quan-  
do in vestri Imperii regnis, provinciis & ditionibus se  
offerat occasio deliberandi, judicandi & pronunciandi  
de causis illis diabolicis; & potissimè de Lamiarum  
negocio hætenus tam multifariis tricis involuto. Hoc  
modo serenioris mentis oculo hujusmodi dæmonum lu-  
dibria diseretum iri, omnesque verè Christianos non  
tantam eorum esse potentiam cognituros, ut dubito mi-  
nimè: sic quoque minus innoxii sanguinis, quem avi-  
dissimè sitit ille ab initio homicida, fundetur: nec ita  
quietis publicæ, cui ipse tragædiarum author invidet  
summopere, compages luxabuntur: & conscientiæ ra-  
tione pungentur aculeo: satanæ item imperium indies  
magis ac magis collabascet, atque Christi regnum lon-  
gius latiusque præpagabitur.

P R Æ-



# P R Æ F A T I O

De totius Operis argumento.

**R**em profectò arduam, & omnino tenuitatis meae vires  
exuperantem aggressum me esse fateor, qui cum fraudu-  
lenti spiritibus, larvis & mundi dominis in theatrum  
prodire, luctarique audeam: quum tot illi habeant  
modos fallendi incomprehensibiles, & cuniculos, occultosque cla-  
bendi recessus; quibus ob essentia subtilitatem, motus celerita-  
tem, vita longissima usum, & voluntatis perversitatem, longè  
lateque crassitiem nostram terream eludant, ut quibuscunque  
eos adoriaris rationibus, defraudatum te esse palàm videas.  
Quaquam vera hac esse non inficiar: in alia tamen nutritus  
schola; atque ab aliis institutus praeceptoribus, quàm Plato  
ethnicus apud supersticiosos suos Aegyptios & vates Memphi-  
ticos, vel Proclus apud suum Marcum, demonum clientem; Act. 9.  
ex D. Pauli, vasis electi, & pugilis adversus spirituales astutias  
in caelestibus invicti consilio, manibus indubitata fidei firmissi-  
mis arripui doctrinam Conditoris cali & terra, omniumque qua Philip. 2.  
in eis sunt, & verbum Christi (in cujus nomine horum spiri- Ephes. 6.  
tuum genua flectuntur, ipsique dicto citius fugantur) gladium  
quippe spiritus ancipitem, tentaturus quid cum divini luminis  
radio & rationum machinis, in luce cum rectoribus tenebrarum  
seculi hujus potero, in eo potissimum fraudium genere, quo illi  
hactenus tam densas hominum oculis offuderunt acubulas, ut quò  
se convertere securè debuerint, tanquam in ipsa caligine palpi-  
tantes, ignorarint quamplurimi. Id autem est ille incantamen-  
torum labyrinthus: cujus ut, invento qualicunque filo, explican-  
di commonstrarem viam multò aliam, quàm hactenus observa-  
tam videre licuit, hoc institui Opus. Ne verò obscuritatem gi-  
gneret orationis perpetuitas, in sex illud distribui libros: ut ejus  
ordo tamen, quasi rectè instituta rerum aconomia, suis conve-  
nienter cohereret partibus.

\*\*\*

Cate-

ARGU-  
MEN.  
libri Pri-  
mi.

Ceterum quum universum id negotium sit demonum præstigiis ac dolo implicatum, ut ad eorum quæ in reliquis dicentur libris, intelligentiam sterneretur via, in Primo libro, diabolus quid sit, quæ ejus origo, qui primi dolosi ejus conatus, perniciosique progressus ab Eva in rerum primordiis, ad hæc usque tempora, quæ item ipsius potentia, quid etiam prorsus non possit: quodq; limites illi à Deo præfigantur, ultra quos ferri nequit, describitur.

SE-  
CUNDI.  
Magi in-  
famæ.

TER-  
TII.  
Lamia.

Hinc, quid per suam clientelam operetur, ostensurus: ad magos infames, demonum operâ quasunque præstigiis oculis nostris destinato studio multisariam objicientes, divinationumq; variis larvis alios deludentes, & medicina sacra suis imposturis satanicis fædè conspurcantes, progredior: quos etiam Tertio libro à Lamiis segrego, ut quæ sexu inconstantes, fideique lubricæ, & ætate non satis mentis compotes, diaboli ludibriis magis sint obnoxia: qui in illarum vim imaginativam sive vigilantibus sive dormientibus se insinuans, quasunque formas ipsis inducit, ea dexteritate concitatis in hunc dolum humoribus & spiritibus, ut nihil aliud illa sciant, aut queant fateri, quàm rerum à demone ex Dei abstrusa voluntate vel consensu peractarum, aut plagarum hominibus bestiisve invecetarum, sive designatorum flagitiorum, aut malorum pronatorum natura ductu, se effectrices esse: quemadmodum mentem quoque ladi, multisariisque imbuti imaginibus, sæpe in iis quorum cerebrum atrabilis vel ejus vapor vitiait, spectamus. Nullos quoque libros eas habere, nullos exorcismos, characteres, aut similia monstra, velut magi infames: nullos etiam præceptores alios, præter lesam à demone mentem, aut corruptam imaginationem: unde & à Magis illis infamibus non parum differre, omnibus erit perspicuum. Hi namque viri sunt sæpe docti & cordati, sed curiosi longius etiam peregrinantes, ut artem imbibant demoniacam, quæ saltem præstigiis & rerum ludibria, præter naturalem morem ostendant: illa verò ut plurimum famina, eademque vetula, & mente titubantes,

res, domique latentes : in quarum, uti organorum convenientium, phantasmam propè torpidam, velut sedem suis studiis accommodatam, in melancholia morbo, mœrore, vel extrema desperatione, ut spiritus est, illabitur : nec tam prestigiis deludens, quàm quacunque hominum infortunia, calamitates & interitus tanta vehementia imprimens, ut qualia quantaque ea sint, se perpetrasse, ut dixi, arbitrentur : à quibus tamen hæc fuerunt alienissima & prorsus insontes. Has itidem à veneficis, quos <sup>Venefici. quædam abierunt.</sup> Græci dicunt, separo : qui veneno vel propinato vel illito, vel eo loco ubi halitu feriat collocato, homines vel bestias ladunt. Sic plurimum interesse inter prophanos magos, lamias & veneficos intelligitur : de quibus tamen, velut iisdem hæcenus confuse actum, disputatum, & pronunciatum est.

Ut autem hac innotescerent clarius, Quarto libro eos qui Lamiarum maleficio affici putantur, propono, demonstrans eos à demonibus exerceri, vel obsessos esse, ex occulta Dei permissione, citra ullam ullius Lamie aut hominis alterius cooperationem. QUART.

Hinc iusto ordine, libro Quinto, ad eorum qui ejusmodi maleficio colli si creduntur, curationem, infinitis partibus aliam quàm hucusque observata sit, me conféro : ubi, quacunque curationes illicita à demoniis in sui regni confirmationem efficta, per vetitas conjurationes, caracteres, ligaturas, periaptia vel appensa, annulos, sigilla, imagines, & similes umbrarum furias, sacrosancta Scriptura autoritate & rationum pondere convincuntur, explodunturque : ut ab iis facibus, velut expurgato Augia stabulo, liberata mentes, in quacunque afflictione ad ordinata à Deo remedia posthac confugiant, puris manibus in calum sublatis, ac medicina sacra in hoc negotio incorruptius conscientia syncerore tractentur : qui præcipuus fuit hujus instituti mei laboris scopus. QUIN.

In hac tamen gravi meditatione aliquandiu supra quàm dici potest occupatus, tantumque non (novit ille quem nihil latet) excruciat, quòd vetulas illas dementatas, à damone illusas, La-

mias vulgò dictas, quæ nihil flagitii singularis commississent (non enim loquor de veneficis) tam atrociter, sine ulla commiseratione multis in locis in caliginosos squalidosque carceres, horrida umbrarum hospitia & demoniorum domicilia inconsideratius precipitari, inde in carnificinam truculentius rapi, ac demum flammis devorandas temerè obijci viderem: propriaque amentium aniculatum confessioni stari, nec satis inter Lamias & veneficas discerni: & Magos sacrilegos, in lege veteri multatos graviter, jam impunius, imò cum laude apud plerosque versari: non potui non inquam argumenti ratione, conscientie impulsu actus, meam hac de re sententiam qualemcunque, quinque iis libris adjungere & Sextoque libro velut appendice declarare, quid & quibus rationibus nixus, sentiam de punitione Magorum infamium, à CHRISTI veritate rempubl. cum

Ad. 13. Simone & Elima avertentium, eamque sedatam turbantium: quid item de modo puniendi Lamias à diabolo seductas, velut

Heretici. melancholia agitatas, vix autem hereticas (eæ enim mente illaesa, sed prae fracta constant:) postremò etiam, quid de veneficorum supplicio statuendum existimem, subjunxi: ubi locum habere videtur promulgatum ex Dei voluntate Moysis editum, Gracè à Septuaginta senioribus redditum, & velut explicatum in varia illa Hebraicarum vocum significatione, quæ præstat à deo traditam.

Contra veneficam edictum Moysi. Exod. 22. Lev. 24. cap. 8. an. itq. Iuda.

Veneficos (vel ut Hebraei habent, veneficas) non sinetis supervivere. Ad. Venena usurpantes legem hanc quoque refert Iosephus Iudeus.

Nec sibi hic leges à me arrogantiùs præscribi crimentur Magistratus, aut legum periti: hoc enim meum fuisse institutum minimè, testor Deum: sed ex commiseratione meditationem meam solummodò aliis cordatioribus & piis viris, necnon veritatis inquirenda potius, quàm opinionis inconsideratius multis seculis imbibita affectu defendenda studiosis, excutiendam sereno mentis oculo, summiſſe offero. Qui operaprecium me præstitisse agnoscent, ingenuam hanc libertatem bene interpretentur:

tentur : qui secus censebunt ; ignoscant benevolenti. Interim mea qualiacunque argumenta , quibus toto hoc Opere nitor , *divu ratiōi* conferri cupio , dum in consilium vocantur Speculator & Iohann. Andr. titulo de Sortilegiis : aut Summistæ, Hostiens. Gosfridus Reinerius in Summ. de Sortilegiis : Canon in cap. 1. & 2. ubi Alb. post Iohan. And. de sortil. in antiquis : Alb. conf. 55. 1. volum. incip. Casus talis , per Oldrad. consilio illo 210. incip. Regularis : vel etiam recentiores post gl.<sup>ap</sup>nc. accusatus. §. de hæretic. initiis : Alber. de Rosatis in Dictionario , super Verbo Sortilegium : sive Bonif. de Vitalin. in titul. de Sortilegiis , in tractatu Criminalium : aut Matth. de Afflict. in constitution. Neapolit. de malis & noxiis medicamentis , parte tertia : item auditor ejus Grillandus , aut etiam 2. Lib. Sylvestri Prieratis de Strigomagus : seu Bonavent. super 3. Sent. Quibus autem firmamentis sua scripta munierit quilibet author , horum librorum collatione manifestius intelliget aquus Lector.

Porrò de re ipsa & materia , quoniam ad veritatis doctrinam , & Ecclesia CHRISTI quietem , ac proximi utilitatem spectat , non est quòd multis agam : quum ~~per se~~ huiusmodi , ut quantum libet inrelegantem sit sortita artificem , satis tamen ipsa per se , omnium oculis sese queat & debeat commendare : præsertim ob res non paucas in lucem magis erutas , qua hætenus vel ut incognita , vel ut obscura latuere. Solitum verò esse apud Græcos olim proverbii loco , hominibus parum sciis in re præclara versantibus objici , Proba quidem materia , si probum nacta fuerit artificem , non ignoro : at cuilibet liberum permitto de artificis opere statuere , quod illi libitum erit. Quod enim ad me attinet , ut nullius vel nasuti Mommi , aut perspicacis Aristarchi reprehensionem , sive severi Catonis censuram deprecor , si merear : ita nec auram popularem , aliâque laudem magnopere venor , bona fretus conscientia , qua hanc aggressus sum telam. Dies erit , quando unicuique à Domino laus sua accedet : dummodò illius accrescat gloria , & satana tyrannis imminuatur , abunde satis erit factum meis votis.

# IOANNES EWICH

*Doct̃or Medicinæ.*

**D**Æmonis exortum, studium, viresque, dolosque,  
Qui velut in media luce videre cupis:  
Qui quæ carminibus sit vis, & quanta nocendi,  
Si desint sacris philt̃ra parata modis:  
Qui misere variis homines cruciatibus actos  
Nosse cupis, quaque hos arte levare queas:  
Tandem quæ pœna infandæ legitima sectæ,  
Infanti ut parcas, constituenda siet:  
Hunc lege, quem IANUS WIERUS condidit arte,  
Iudicio, & magna sedulitate, librum.  
Vive opus eximium, meritumque attolle trophæum,  
Victa est Circeæ turba prophana scholæ:  
Vive etiam æternos, Authôr, fœliciter annos,  
Non erit ingenii fama sepulta tui.

## IOANNES BRACHELIUS LL.

*Licentiatus ad Lectorem.*

**C**Um Deus immensi spaciola volumina cœli  
Conderet, & medio suspenderet æthere terras,  
Ornaretque polum stellis, atque æthera nimbis:  
Ille sibi pariter famulos, divina creavit  
Corpora, qui tenues ferrent sua jussa per auras,  
Quique procul curis agerent terrestribus ævum.  
Horum de numero genitor justissimus unum,  
Sic meritum, Stygias cœlo detruxit ad undas:  
Illic & manicis & dura compede victus,  
Ad scelorum pœnas sedet, æternumque sedebit,  
Tristia commissæ persolvens crimina culpæ.

Quas

Quas tamen interea fraudes, quasque improbus artes  
 Nocte dieque fruatur miseris, quæ retia tendat,  
 Quidve potis, si fortè tibi cognoscere curæ est,  
 Hoc lege, Lector, Opus, docti monumenta WIERI:  
 Hinc optata feres, hinc te tua vota docebis.  
 Insuper & magicis quæ sit fiducia rebus  
 Attribuenda, modò crudelia pharmaca desint:  
 Quave veneficiis pressò medicaberis arte,  
 Quamvis satis dignam pendent sub iudice poenam  
 Sagarum furiale genus, miro ordine narrat.  
 Sed tibi cur tantos memorande WIERE labores  
 Sumpseris, haud equidem sat adhuc discernere possum.  
 Publica me, dicis, moverunt commoda. Sed quis  
 Publica nunc curat, præclaraque pectora vulgò  
 Suspicit, & meritos rebus perfolvit honores?  
 Tu tamen hoc festam nimium solabere mentem,  
 Quòd tua non ullo moritura est tempore fama.

## E J U S D E M

Εἰς τὰ τῆ βίῃρι περὶ μαγείας ὁκλάσιχον.

Δαίμονα τὸν συγερὸν τὸν ἀτάσθαλα μηχανάοντα,  
 Τῷ σθένει ἡδὲ βίῃν μεγάλην, καὶ ἐπὶ κλοπὸν ἦθ',  
 Στερίγγα τε νυκτερινὰν καὶ ψεύδεα πολλὰ γούτων,  
 Οὐ μόνον ἐκ τῶτων ἐδάης πεφιλημένε βίβλων.  
 Ἀλλὰ καὶ ὡς μάλλης τὸ γοητικὸν ἄλγος ἀλάλκειν  
 Ἀνέρι, τὸν φίλτροις γρυῖς φαρμακόμενα δάμασεν.  
 Τίς δὲ τελευταῖον τίσις ἔσται. ὦ διὰ πολλὸν  
 Ἐλλαχὼν εὐχῇ ἐν ξυμπᾶσι βροτοῖσι βίῃρι.

IN

I N  
I O A N. W I E R U M

Illustriſſimi Clivorum Ducis  
Archiatrum.

E. C A R. U T E N H O V I I F.

*Alluſionum Lib. I.*

E P I G R A M M A.

**I**LLE VIA tota totoque ERRARE videtur  
ERRO vagus cœlo, doctæ WIERE mihi,  
Qui Paracelſiſtæ latitans ſub nomine ſectæ  
Nomen ab ERRANDO credidit eſſe tibi.  
Ni quòd ABERRANTES recto de tramite, rectam  
(Ceu Paracelſiſtas) cogis inire viam.  
Nam neque cognomen tibi DEVIUS indidit ERROR,  
Quem neque tranſverſum DEVIUS ERROR agit.  
Non VIA tartarei quæ fert Acherontis ad undas  
LATIOR: Anguſtum dat tibi nomen ITER.  
Fit VIA VI quæ nos ſupera ad convexa polorum  
Ducit, & acclivi ſurgit in aſtra VIA.  
Tu modò qua ducit VITÆ VIA, perge, beatæ,  
VIQUE tibi cœloſterne WIERE VIAM.  
Sic fueris Latia VITÆQUE VIÆQUE CUPIDO,  
Argolicæque BIOY voce WIERUS ΕΓΩΣ.

ΟΥ ΘΕΝ, ἀρεῖς μυθίαν καὶ χαρίτων, ὁ-ΒΙΟΣ.

A U.



# AUTHORES

*In hoc Opere citati.*

**A** A.  
 Abdias Bab. *Episc.*  
 Abenezra.  
 Accurius.  
 Aelianus. Aelius Gallus.  
 Aelius Spartanus.  
 Aetius. Aeneas Sylvius.  
 Henr. Corn. Agrippa.  
 Aias.  
 Albertus Crantz.  
 Albertus de Rosar.  
 Albertus Mag. *Teutonicus.*  
 Albucasis.  
 Alchindus *Arabs.*  
 Alciatus. Alcimus.  
 Alexander Aprodiseus.  
 Alexander I.  
 Alexander ab Alexan.  
 Alexander Benedictus.  
 Alexander Trallianus.  
 Almanfor.  
 Aloysius Cadamustus.  
 Amatus Lusitanus.  
 Ambrosius Magirus.  
 Ambrosius. Andreas Mafius.  
 Andreas Thevet *Angoul. hist.*  
 Andreas Vesalius.  
 Angelonius.  
 Angelus Politianus.  
 Anselmus Parmensis.  
 Antiphon.  
 Antonius Benivenius.  
 Apollonides.  
 Apollonius Molon.  
 Apollonius Tyaneus.  
 Appion Grammaticus.

Apulejus. Arator. Aratus.  
 Archelaus. Aristophanes.  
 Aristippus. Aristoteles.  
 Arnoldus de Villa nova.  
 Artemon. Artephius.  
 Asclepiades. Athanasius.  
 Athenæus.  
 Athenagoras.  
 Athenorodus. Averrhoës.  
 Augerius Ferrerius.  
 Augustinus.  
 Augustinus Steuchus Eugub.  
*Episc. Kifam.*  
 Aufonius. Avicenna.  
 Azaravius.

B.

**B** Aldus.  
 Bartolus.  
 Bartholomæus Anglicus.  
 Bartholomæus Pisanus.  
 Basilius Magnus.  
 Bassianus Landus.  
 Beda.  
 Benedictus Victorinus *Favent.*  
 Benno Cardinalis.  
 Bernardus.  
 Berno. Berosus.  
 Bias Prieneus.  
 Boccatus. Boëtius.  
 Bonaventura.  
 Bonifacius de Vital.

C.

**C** Cæsar Constantinus.  
 Jul. Cæsar Scaliger.  
 Hier. Cardanus.  
 Carolus Bovillus.

\*\*\*\*\*

Car.

Carpocrates.  
 Caspar Peucerus.  
 Cassianus.  
 Cassiodorus.  
 M. Cato. Catullus.  
 Celsus. Chilo.  
 Chrysippus.  
 Chrysostomus.  
 Cicchus Asculus *Florent.*  
 Cicero.  
 Cyprianus.  
 Cyrillus.  
 Claudianus.  
 Clemens *author libr. Recogn.*  
 Beat. Clemens de Constant. *A-*  
*postol.*  
 Cleopatra.  
 Coelius.  
 Columella.  
 Constant. Imperat.  
 Cordus. Cornelius Nepos.  
 Costaben Luca *Hebr.*

D.

**D** Amascenus.  
 Damon.  
 David Kimhi.  
 Decretalia.  
 Democritus Abderites.  
 Diodorus Siculus.  
 Diogenes.  
 Dion Nicæus.  
 Dionysius.  
 Dioscorides. Duris.

E.

**E** Duardus.  
 Egeſippus.  
 Egnatius. Empedocles.  
 Epicurus. Epiphanius.  
 Erasmus. Eucherius.

Eurycles. Euripides.  
 Eusebius. Eustachius.

F.

Gabr. Fallopius.  
 Ferdinandus Cortheſius.  
 Ioan. Fernelius.  
 Leon. Fioravantus.  
 S. Fontainus.  
 Hier. Fracaſtorius.  
 Franciscus Morand.  
 Fulgentius Placiades.  
 Fulgoſus.  
 C. Furius Creſſinus.

G.

**G** Alenus.  
 Garcias ab Horto.  
 Gaudentius Merula.  
 Gaufridus Antioſod.  
 Gellius.  
 Georgius Agricola.  
 Georgius Piſtorius.  
 Georgius Sabinus.  
 Gerſon. Geſnerus.  
 Gyraldus. Giſelbertus.  
 Gordonius.  
 Gotfridus Reinerius.  
 Gratianus. Gregorius.  
 Gregorius Nazianzenus.  
 Grillandus.  
 Grugna Stryac.  
 Guidus Cauliacenſis.  
 Guilielmus Brabantinus *Hiſt.*  
 Guilielmus Malmes *Hiſt.*  
 Guilielmus Placentinus.  
 Guilielmus Turnerus *Angh.*  
 Guilielmus Vatignana.

H.

**H** Arpocraton.  
 Haymo.

Hector

Hector Boëthius *Hist.*  
 Helinandus.  
 Heliodorus.  
 Henricus *Inst.*  
 Helmoldus.  
 Hermes.  
 Hermogenes.  
 Heracletus.      Herodotus.  
 Hesiodus.  
 Hieronymus.  
 Hilarius.  
 Hildebertus.  
 Hildegardis.  
 Hippocrates.  
 Hippol. Marfil.  
 Homerus.  
 Honorius.  
 Horatius.  
 Hugo Cluniacensis.  
 Hugo Eterianus.  
 Hugo de S. Victore.

I.

**I**acobus de Chusa.  
 Iacobus *D. in Leichtenburch.*  
 Iacobus Meyerus.  
 Iacobus Ruffus.  
 Iacobus Sprenger.  
 Iamblichus.  
 Iason Pratenfis.  
 Idiota.  
 Igmarus Remensis *Archiepisc.*  
 Ioan. And.  
 Ioan. Anglicus.  
 Ioan. Baptista Porta.  
 Ioan. Francif. Picus.  
 Ioan. Franc. Ponzivibius *Placentinus.*  
 Ioann. Genadius.  
 Ioann. Guinterius *Ander.*

Ioann. Herold.  
 Ioann. Kentmannus.  
 Ioann. Langius.  
 Ioann. Leo African.  
 Ioann. Nider.  
 Ioann. Salisberienfis.  
 Ioann. Sleidanus.  
 Ioann. Vasseus.  
 Iodocus Damhouderius *Brug.*  
 Iosephus.  
 Irenæus.  
 Isodorus.  
 Isogonus.  
 Isychius.  
 Iulianus Apostata.  
 Iulianus Philosophus.  
 Iulius Cæsar.  
 Iulius Obsequens.  
 Iustinus.  
 Iuvenalis.

L.

**L**abeo.  
 Lactantius.  
 Lælius.  
 Lærtius.  
 Leo.      Leonides.  
 Levi Gersonis filius.  
 Lilius Gregorius Gyrard.  
 Lysimachus.  
 Livius.  
 Lucanus.  
 Lucianus.  
 Lucretius.  
 Ludovicus Cælius Rhod.  
 Ludovichus Milichius.  
 Ludovic. Roman. *Patrit. Hist.*

M.

C. Manilius.  
 Marcellus.

\*\*\*\*\* 2

Mar-

Marcus Heremita.  
Marcus Marius Fryschius.  
Martianus.  
Marfilius Ficinus.  
Martinus de Arles. Marullus.  
Matthæus Curtius.  
Matth. de Afflict.  
Matthiolus.  
D. Maximus.  
Maximus Tyrius.  
Melanchthon.  
Memphodorus.  
Menander.  
Mercurius Trismegistus.  
Mesue. Methodius.  
Publ. Mimus.  
Moses Ægyptius.  
Moses Bar-cepha Syrus Episc.

N.

**N** Auclerus.  
Neratius.  
Nicephorus. Nicolaus.  
Nicolaus Monardis.  
Nonius.

O.

**O** Ctavianus.  
Oenomaus.  
Olaus Magnus.  
Oldralus.  
Olympiodorus.  
Origenes.  
Ovidius.

P.

**P** Amphilus.  
Paulinus.  
Paulus Ægineta.  
Paulus Venetus.  
Pausanias.  
Petrarcha.  
Per sius.

Petrus Aponensis de Ebano.  
Petrus Argelas.  
Petrus Alphonsus.  
Petrus Bellonius.  
Petrus Bembus.  
Petrus Blesens.  
Petrus Cantor.  
Petrus Cluniacensis.  
Petrus Damianus.  
Petrus Lombardus.  
Petrus de Palude.  
Petrus Pomponatius.  
Petrus Præmonstratensis.  
Pherecydes.  
Philarchus.  
Philastrius.  
Philo.  
Philochorus.  
Philostratus.  
Phocylides.  
Picatrix Hispanus.  
Pythagoras.  
Platina. Plato.  
Plautus. Plinius.  
Plinius Iunior.  
Plotinus. Plutarchus.  
Pogius Florentinus.  
Pontanus.  
Porphyrius.  
Possidonius. Primasius.  
Priscianus Philof.  
Proclus. Propertius.  
Prosper. Psellus.

Q.

Quintilianus.  
R.

**R** Abanus.  
Rabi Ismaël.  
Rabi Moses.  
Rabi Simon.

Radul.

Radulphus. Ravifius.  
 Raymundus.  
 Remigius.  
 Reuchlinus.  
 Rhafes.  
 Robertus Anglicus.  
 Rogerius Bachon.  
 Rondeletius.  
 Ronfæus. Ruffius.  
 Ruffus Ephesius.  
 Rupertus.

S.

**S** Aadias.  
 Sabellicus.  
 Salonius. Savonarola.  
 Saxo Grammaticus.  
 Saxoniz Chronicon.  
 Sebastianus Franc.  
 Sedulius. Seneca.  
 Serapion Aſcalonites.  
 Q. Serenus. Seſtius.  
 Severus Sulpitius.  
 Silius. Sigebertus.  
 Iac. Sylviuſ.  
 Sylveſter Prioras.  
 Synefius.  
 Smaragdus.  
 Socrates.  
 Solinus. Sophocles  
 Sophronius. Soranus.  
 Speculator.  
 Strabo.  
 Suetonius.  
 Suidas.

T.

**T** Acitus.  
 Tarianus Aſſyrius.  
 Tertollianus. Terentius.  
 Thebit. Themifon.  
 Theocritus. Theodoretus.  
 Theodorus Byzant.  
 Theognides.  
 Theophrastus.  
 Theophrast. Paracelf.  
 Theophylaſtus.  
 Thomas Aquinas.  
 Tibullus. Timagenes.  
 Ioan. Tritemius.

V.

**V** Alerius Maximus.  
 Valerius Flaccus.  
 Valeſius de Taranta.  
 Varignana. Varro.  
 Vegetius. Viſtor.  
 Vincentius. Virgilius.  
 Ulpianus.  
 Ulricus Molitor.  
 Volaterranus.  
 Vopiſcus.

X.

**X** Anthus.  
 Xenocrates.  
 Xenophon.  
 Xiphilinus.

Z.

**Z** Onaras Hiſt.  
 Zeno.  
 Zoroaſter. Zozimus.

D. G U I L I E L M O,

Clivæ, Juliæ & Mont. Duci, Comiti Marchiæ ac Ravensburgi, Domino in Ravelstein, &c, suo Domino

Clementissimo, perpetuam in Christo Jesu felicitatem precatur

IOANNES WIERUS Medicus.



Controversiæ de Religione.

Nam pernicioſa varietate fanaticarum & peſtilentium opinionum, quibus hoc ævo miſere orbem concutit Chriſtianum Satan, non minimi eam momenti eſſe ſentio, Princeps illuſtriſſime: quam idem ille velut per diſiſſimum ſeminarium, mentibus hominum inſeruit incantamentorum nomine. Eſſi enim multifariam in religionis noſtræ controverſiis, vel ob diverſos ceremoniarum ritus, vel non aequè intellecta Scripturæ loca, animi diſtrahantur; ſententiæque varient, faces ſub dente antiquo ſerpente: non tamèn inde tam deploranda ſubſequitur calamitas, quàm ex ſemel imbibita, ipſius inſtinctu, perſuaſione de eo mali genere, quod hominibus & beſtiis citra veneni vel propinationem vel applicationem, inferre creduntur quadam dementate anus, quas Lamias vel Sagas nuncupant. Licet enim ex prioribus quidem diſceptationes hinc inde oriantur diverſæ vel pro hominum affectu; vel prout cuilibet ſua ſatisfacere mens videtur, aut pro talenti à Deo donati pondere & qualitate: tamen momenti tantum ea ſæpius non habebunt, ut aut animæ ſalutem aliquo attingant modo, aut etiam amicitias omnino turbent, vel diſſuant. At quàm execrabilem à Deo alienationem, quàm conjunctam cum dæmone neceſſitudinem, quanta inter proximos odia, quàm rixoſas vicinarum ſæctiones, quas ruſticorum ſimilitudines, qua urbium diſſidia, quàm frequentes inſontium cædes, parente tragædo diabolo, gignat ſecundiſſima illa calamitatum mater, opinio nimirum concepta de Lamiarum maleficiis (non

Rom. 14.

Opinio de Lamias.

# EPISTOLA NUNCUPATORIA.

(non inquam veneficii) prodigiosa potestate, quotidiana docet experientia. Et quum pauci sint morbi, quorum causas ad Lamiarum opus non referat, perversè in religione Christiana institutum vulgus, vix alius hominum pròdo comperitur, cui universum hoc impietatis negotium penitus sit notum, & justior de hoc actionem instituendâ occasio incumbat, quàm medicorum: quorum eo incredulitatis genere ita turbantur animi, & aures radantur, ut nihil in iis aquè concrepet apud egrotos, quàm mordax illa falsaque innocentium muliercularum de inscripto ejuscemodi malo criminatio.

Quam Camarinam aliquandiu non tam virulentum expirantem fetorem, cum paulatim sana ex Dei verbo institutione prorsum interituram spes esset, eam denuò graviter moveri, ut contagionis virus jam multò longius latiusque cum plurimorum pernìcie, procellarum spiritu horribiliter afflante, exhalet, quàm hactenus unquam, indies magis ac magis sentio. Tanta vigilantia quamcunque observat occasionem veterator ille, somnolenter hujus artes permittentibus ijs, quorum intererat die noctuque doctrinæ Evangelicæ machinis, ipsius propugnacula concutere, funditusque evertere. Dum itaque ad gravem hanc impietatem silentio connivent Theologi plerique omnes: dum opinionum falsitatem in morborum causis, eorumque impiis curationibus tolerant Medici: dum sententias ex persuasione, longa annorum serie & præscriptione non tam ratione discussa, quàm præjudicio quodam citra contradictionem usurpata, hic pronunciant Iurisperiti: dum denique neminem audiam, qui mortalium misertus, aut totum hunc Labyrinthum nobis aperuerit, aut saltem exitiali medendo vulnere manum admoverit: opera mihi precium facturus videbar, si ego velut

Causa  
scriben-  
di.

garritu saltem aliis veterum excutere: & arduam hanc rem, qua nostra religioni Christiana summa sit contumelia, altius perscrutandi, discutiendique, qualemcunque ansam fusiori oratione & quantulacunque demonstratione subministrarem. Et si non eram nescius, prava opinionis sine ratione

Prava

per-

opinio,  
inexpia-  
bilis tin-  
ctura.

*pertinaciam, inexpiablem esse tincturam, & quae elui nequeat, ut scitè à Galeno nostro scribitur, his verbis: Ici si d'iciqua l'acqua d'auratoe è tincta, et non si può più lavare, et non si può più lavare, et non si può più lavare. Sic enim educatos, ad respicientiam aut veritatis frugem non posse reduci arbitratur. Tam non facile est, novam rem ad communem hominum mentem & assensum accom-  
modare.*

*Nec tamen hoc meum institutum quisquam calumniabitur, quasi nimis Suffenus, minusque tenuitatis meae conscius, quicquam pra aliis intelligere, aut posse, mihi temere praesumam. Quàm sit mihi curta supellex, probè novi, & me certius nemo: atque hoc scio, quod nescio. Nemini hinc prejudicatur. Accedunt quotidiana meditationes, & professiones assidua, quae cerè ferias ejusmodi lucubrationibus sedulo donandas, mihi praripiunt: ut hoc nōmine superioribus venationibus Hambachi institutis, dum tua Celsi, atque ejusdem illustri generoseq; soboli ex officio inservirem, hūc potissimum studio vacaverim.*

*Complures igitur alios infinitis partibus longè meam hanc tantiam superare potuisse & posse etiamnum penitioris veritatis inquisitione, oratione luculentiore, & demonstratione evidentiore, magisq; nervosa, cum ob ingenii acumen, ac doctrinae excellentiam, tum verò maxime propter amplioris ocli acceptionem, non modò libenter & ingenuè agnosco, sed quoque palam libere profiteor. At interea jejuno meo scripto felicia illa ingenia provocatum iri sperare volo, ut vel dicendo, me rectius etudiant, qui ejusmodi collationum solet esse fructus: vel, tacendo meam hanc sententiam ab inolita religioso illo seculo opinione ac dià ratiōe dissonantem, comprobent. Hac ratione reportasse me ex laboribus usuram satis uberem confidam: nec me praestita paritabit opera, si saniore doctrina in veritatis cognitionem revocer, aut saltem in rara paucisq; audita opinione confirmer. Etenim ut naturam in profundo veritatem penitus abstruxisse, rectissimè docuit De-  
mocris-*

Veritas  
in pro-  
fundo ab-  
strusa.



*mocritus: ita eam vigilantius inquirere, investigare & rimari decet. Id siquidem cum majori aequitate conjunctum est: quam sententiam, quam temerè quis amplexus sit, pertinaciter defendere.*

*Argumentum autem hujus commentationis nostræ partim est Theologicum, quo diaboli artes & studia. Sacrarum literarum testimoniis produntur: & quo iis modo tutissime obviam iri possit, docetur, Partim etiam Philosophicum, dum naturalibus convincuntur rationibus vana satanæ ludibria, & corrupta sagarum imaginatio: Partim item Medicum, ubi secundum naturæ legem, morbos, eorum causas & symptomata Lamiis perperam hætenus imputata, oriri demonstratur. Partim id etiam Iurisprudentiæ placita spectat, quum de magorum infamium, Lamiarum & veneficorum pænis, pro delicti qualitate & magnitudine, alio quam hætenus usurpatum est modo, differatur.*

*Historias autem inferni passim varias, eo potissimum fine, quod quum tam diversa tamque multifaria sæpenumero in hoc satanæ negotio à multis referantur: ex nostrarum narrationum collatione, & qualicunque explicatione, citius in actionum præstigiarumque demoniacarum, & rerum multijugarum cognitionem ac judicium perveniri posse arbitratus sum.*

*Ne autem hic mei ingenii metas & professionis limites temere præfractæque opinione, nimis proprio fisis cerebro, transfussisse censerer, hæc mea mecum plerisque doctissimis, etiam ex tua Celsæ familia viris, Theologis, Legum peritis, & collegis excellentissimis, eo animo legenda excutiendaque proposui, ut horum censura vel starent, si ratione niterentur: vel caderent, si convincerentur erroris: vel mutarentur, si qua aut additione aut castigatione egerent. Nec enim quicquam eodem tempore simul inchoatum ac absolutum fuit.*

*Iam vero si maleficarum Malleum hoc absolvisse pensum quis objiciat, is ubi illius libri congestas à Theologis, Henrico Institoris & Iacobo Sprenger ineptias absurdas, sæpe etiam impias, legerit: & cum hoc nostro scripto, affectu omni sejuncto, contulerit: sen-*

Argumenti operis. Theologicum, Philosophicum. Medicum.

Juridicum.

Curvarum inferentium historiarum.

Malleus maleficarum.

rit: sententiam profectò aliam omnino, imò contrariam me  
sustinere ac defendere intelliget. Penelopes enim telam  
relexere, atqumque agere, sane lubet minimis. Pauca qui-  
dem in hanc rem dixit Vlricus Molitor, Sigismundi Bohemiae  
regis consiliarius, in Dialogis de Lamiis & Pithonicis: nonnihil  
quoque de strigibus scripsit Ioannes Franciscus Picus: Abbas  
item Spanheimensis Ioannes Tritemius quaestiones quinque  
Maximiliano Casari proposuit: nostra quoque lingua argumen-  
tum hoc attigerunt quidam Germani: quo autem iudicio, ope-  
ris nostri collatione innotescet.

Ceterum præter multas gravesque causas, quæ ut tuæ Celsi-  
tud. has meas qualescunque cogitationes consecrarem, me im-  
pulerunt, hæc quoque induxit potissimum: quod quum jam in vi-  
cesimum sextum annum tuæ Celsitud. à medicinis fuerim, ac di-  
versas sapenumero in tuæ Cels. aula audierim de Lamiarum  
jam denuo in amplissimis ditionibus tuis renatarum, potentia  
& incantamentis sententias: vix à nemine tamen certio-  
rem, meæ consonam magis, & è veritatis fontibus erutam penitius,  
me unquam hîc cognovisse, atque illam quam aliquoties à tuæ  
Celsitud. ore his hauserim auribus, velim nolim fateri cogor: ni-  
mirum Lamiæ nemini ulla voluntate maligna quacunque dira  
imprecatione, aut intuitu malicioso nocere posse: sed vitata per  
occultos demonis cuniculos phantasia, eas tanquam melanco-  
lia agitas, in mentem sibi inducere, quæcunque mala ab ipso  
satana illata, vel naturali occasione ex abstruso Dei consilio pro-  
gnata, abs se perpetrari. Vbi enim actionum modus ad truti-  
nam vocatur, & earum organa indagine circumspiciore obser-  
vantur, luce clarius mox omnium oculis patet rei iduaria &  
falsitas. Veneficium solummodo à *επιφροσύνης* vel veneficis, ve-  
neno vel propinato vel illito, noxiè fieri in hominum & animan-  
tium internecionem, doctè, prudenter & piè concedit tuæ Celsitu-  
do. Hinc fit, quòd non multorum more, pœnam delusis aniculis  
statim severe infligi jubeat: sed matura deliberatione prius de  
veneno dato exactè inquirit, post si de ea indubitanter constet, le-

Senten-  
tia du-  
cis Cli-  
ven, de  
Lamiis.

Venefi-  
cium.

gum

gum præscripto satisfieri, à Deo ad hoc constituta tua Cels. velit.  
 Hoc profectò accedit meritò ad reliquas præclarissimas & in-  
 numeras animi ingeniique dotes quibus ita quotidie quam nactus  
 es Spartam ( & à tua Cels. celebrari solitum ) adornas,  
 illustrasque, ut & tuorum & vicinorum omnium oculos in te  
 convertas. Nihil hic præter institutum dicam, de non vulgari  
 tuæ pietatis studio: cujus ut plurima, & quidem memorabilia,  
 ita imitatione dignissima possem adducere exempla, ni hinc po-  
 tius inclementiam expectandam, quàm favorem, vererer. Sit  
 autem hoc unum, quod neque solem exorientem unquam videas,  
 neque vesperi te lecto componas, quin ardentè prius fuis ad  
 Deum precibus, à sacra lectione te totum, & omnes tuæ Cels.  
 subiectos, ipsius patrocinio fideliter commiseris. Nihil addam de  
 temperantia in potu, quo unico nomine non modò tuis subditis  
 omnibus numerosissimis exemplar existis admirabile: sed et tui  
 ordinis illustrissimis, eisdemque potentissimis heroibus optimo  
 præluces jure: ut ebriam tuam Celsitud. vidiſſe neminem, non  
 minima laus sit imò ratam esse velis Assueri regis legem, qua  
 ne quis poculorum certamen urgeat, severè cavetur. Sed ta-  
 men non sic inflectere sensus Humanos edicta valent, quàm vita  
 regentis. Quo fit, etiam, ut nemo te presente non solum dejerare,  
 verum etiam jurare audeat. Conſcius est enim unusquisque,  
 quàm Celsitud. tua odio plusquam Vatiniāno prosequatur omnes,  
 qui assiduis suis dejerationibus tremendum Dei nomen  
 prophanare non erubescunt: qua blasphemia omnes propemodum  
 horribiliter concrepare aulas, est quoddam Christianæ religionis  
 homines meritò doleant, lugeantque, plagis hinc enatis palam visis.  
 Taceo continuos in quorumcunque libellorum supplicum,  
 & aliorum scriptorum quotidie affluentium lectione,  
 maturaque responsione labores: quo vel unico incomparabili  
 exemplo, verè paternum affectum erga commissum tuæ tutelæ  
 subditorum gregem, quis non exosculetur? quibus ut nec  
 contemptum hic Karolorum nomen, in aliorum ore innatans affi-  
 duè, unquam à tua Celsitud. objectum fuisse, quis audit,

Mores  
 principum  
 plus le-  
 gibus  
 valent.

Esth. 1.  
 Claud.

Ketill.

ita

ita sapenúmero eos blandissimo filiorum nomine dignaris: nec quicquam usque adeo tua Celsind. studio curaque esse norunt omnes, quam tuam rempublicam in summa tranquillitate perpetuo conservare: id quod cum rara, imò divina prudentia proximis aliquot annis turbulentissimis, unde quaque bellico strepitu circum maximas tua Cels. ditiones saviente, nec tamen eas concussiente, testatus es. Nec postremam meretur laudem, quinimò apud omnem posteritatem propagandam, quod velut doctorum Mecenas, singularem facias interdum ingeniorum delectum in iis, quos ad exteras regiones & praeclaras in quacunque facultate Academias tuis impensis ablegari, ali, studiorumque curriculum feliciter perficere voluisti, quo aliquando tua Cels. & reipublica decori usque esse queant: ut ea ratione insignibus doctrina, Prudentia, existimatione, & rerum cognitione usque viris, illustrem illum tua Cels. comitatum esse ornatum, ad reliqua celeberrima tua aula ornamenta, non immerito referri debeas. Minus tamen id mirum videri debet, quod ipse doctus, eruditus semper eo prosequutus sis studio, ut quibuscumque honorariis & stipendiis eos in tuam amplissimam pellicere accireque familiam, jam inde à quo princeps es, non intermiseris. Sic providentia non vulgari factum est, quod hic in venerando ordinis Senatorii confessu, primo sit dignata loco tua Cels. virum doctrina multisjuga, nec vulgari prudentia, rerumque variarum usu & eximiis animi corporisque dotibus clarissimum, D. Henricum Barzium cognomine Olislegerum, Ll. Doctorum & Cancellarium Clivensem vigilantissimum, patriaeque amantissimum. At prorsus calamo hic imperasse praestat, quam leviter oratione jejuna verè heroicas tua Cels. virtutes omnem omnium laudem post se relinquentes attingisse: quas non aliorum relatu cognovi, sed hisce oculis in tua Cels. velut in lucidissimo speculo quotidie contueor. Tali itaque ac tanto Principe patrociniū non denegante, mordaces vitilitatorum insolescentium dentes haud difficulter victurum me confido: praesertim cum à meis partibus in procinctu stare invictam veritatem non dubitem. Precor Denique opt. max patrem Domini nostri JESU CHRISTI, ut quod pro sua bonitate immensa in tua Celsind. feliciter coepit, majore sui Spiritus accessione uberius augeat, ad nominis sui gloriam, Celsind. tua salutem, & florentissimarum ditionum tuarum felicitatem.



D E  
**D I A B O L O,**  
 E J U S O R I G I N E,  
 S T U D I O E T P O T E N T I A.

L I B E R P R I M U S.

D E  
*Diaboli Origine, quando sit creatus, quæ ejus  
 essentia, & de illius lapsu.*

C A P. I.



ÆMONUM præstigias & incantamenta explicaturus, à primario eorum autore Diabolo, hujus artibus, studiis & potestate exordiar: ut eo cognito, illiusque autoritate ac existimatione perspecta, evidentius cunctas ejus actiones unusquisque dilucido mentis oculo introspicere, & posthac minus impeditè penitusque dijudicare queat.

§ 2. Religionis autem Christianæ sacram amplexus doctrinam, fideique indubitatæ confessionem, quemadmodum Aristotelis & Peripateticorum, adeoque Sadducæorum, non esse dæmones in rerum natura contendendum, placita prorsus rejicio: sic & Platonis cōmentitiā distinctionem omnino approbare, aut etiam Porphyrii, Pselli, Procli, Plotini & Iamblichi opinionibus subscribere nequeo, qui copiose quidem de dæmonibus, verum multa, quæ non videre aut cognovere, tanquam rei notæ historiam conscripserunt.

*Peripatetici negant dæmones.*

*Ath. 21.*

*Fabula de dæmonibus.*

*Gen. 1.*

*Hebr. 1.*

§ 3. Omnipotentem itaque universi architectum Deum, ante aspestabilis hujus mundi opificium, corpoream illam cæli machinam admirandis spirituum ordinibus in ministerium pulchre ornatam condidisse, ex historia sancta Moïsis, divinæ Majestatis legati, atque

*Angeli quando creati, Exod. 31.*

A

fidelis-

fidelissimi scribæ ( cum quo facie ad faciem quasi cum amico loqueretur esse Deum , perhibet Sacrarum literarum veritas ) firmiter credendum est.

Angeli  
quid  
Dionys. de  
Divin. no-  
min.

§ 4. Boni vero hi spiritus erant omnes, quemadmodum omnia à summo bono creata: namque nimirum intelligentes, *ἀσώματοι*: essentia sua divinæ naturæ quadantenus conformi, sed finita: à quibus agnosceretur & coleretur Deus, eo, quo ipse vellet & præscriberet, modo: quibus & suam vicissim bonitatem in omni æternitate communicaret, quare illis excellentem intelligentiam, eximiam perspicaciam, notionesque æternæ & immotæ justitiæ suæ illustres; tanquam radios de æterna sapientiæ suæ luce accensos indidit. Ac de angelorum quidem natura, præter alios, Nazianzenus scribit in Oratione *οὐκ ἔστι δὲ ἀγγέλους βέλους ἰσχυρία*: unde vero *ἀγγέλους διωκόμενους*, idem etiam *οὐκ ἐστὶ γυνήθλια*.

Dæmonum.  
origo.  
2. Pet. 2.  
Iud. epist.  
16. 4.  
Lac. 10.

Esaiæ 41.

Apoc. 12.  
Esaiæ 14.

§ 5. Sed ubi quidam, ob dotes, quibus condecorati erant, præstantissimas, proprio effrærentur arbitrio, & adeo inolescèrent, ut sese tandem Deo conferrent; non servantes suum originem, relinquentes suum domicilium, ac precantes: eos honoribus nudatos, ministrorum suorum numero exclusit iratus Deus, repulit ac præcipientes egit, vinculisque perpetuis sub caligine ad magni illius diei iudicium servavit. Huc illud Esaiæ varicinium de superbissimi Babyloniarum regis (quem Luciferum vates nuncupat) factu & altissimi lapsu contorquent quamplurimi. Hic draco ille magnus, in terram projectus cum suis angelis, serpens antiquus, qui vocatur Diabolus & Satanas ut Joannes ait, tortuosus serpens Esaiæ. Hunc casum non solum hostri & Hebræorum Theologi docent: verum etiam Assyrii, Arabes, Egyptii & Græci suis dogmatibus confirmant. Homerus sub Ares dæx nomine eum obscurasse videtur. Alii per *παλαιὸν ὄφιν* eundem tacite significasse, & graphice hujus angeli supercilium depinxisse volunt.

Qui ausu similem regi componere sedem,  
Non veritus summi regis, nec fulminis ictus,  
Patulati carpens sublimia tecta tonantis,  
Cum superimpositum Pyndo subvertit Olympum  
Ira Iovis, terramque dedit sub tartara pestem.

Opin.

§ 6. Pherecydes idem dæmonum lapsum describit: & Ophion, hoc est, serpentem dæmoniacum, rebellantis, & à divinæ mentis placito deficientis exercitus caput & antesignanum fuisse tradit. Eandem

dem ruinam & Trismegistus in Pimandro depingit: vetustissimum Empedoclem, dæmones ~~de montibus~~ *de montibus celo ruentes* vocantem, eorum casum novisse, significat Plutarchus in sermone de Fœnore.

§ 7. Eleganter hic Augustinus | *Quæris unde diabolus? Inde utique, unde & cæteri angeli. Sed cæteri angeli in sua obedientia persistenterunt, ille inobediendo & superbiendo lapsus est angelus, & factus est diabolus.* Item de Vera relig. cap. 13. Diabolus, in quantum angelus est, non est malus: sed in quantum perversus, proptia voluntate. Magis enim seipsum quam Deum diligendo, subditus ei esse noluit, & intumuit per superbiam, & à summa essentia defecit. Item De civit. Dei, VI 11: 22: Dæmones esse credendum est spiritus nocendi cupidissimos, à justitia penitus alienos, superbia tumidos, invidentia lividos, fallacia callidos, qui in hoc quidem aëre habitant, quia de cæli superioris sublimitate dejecti, merito irremissibilis transgressionis in hoc sibi congruo velut carcere prædamnati sunt. Nec tamen, quia supra terram & aquas aëri locus est, ideo & ipsi sunt meritis superiores hominibus, qui eos non terreno corpore, sed electo in auxilium Deo vero pia mente facillime superant. Sed multis plane participatione veræ religionis indignis, tanquam captis subditisque dominantur, quorum maximæ parti mirabilibus & fallacibus signis sive factorum sive prædictorum deos se esse persuaferunt. Vide eundem contra Julian. VI. 9. & de Nat. boni adv. Manich. 33. & 1. Hypognoft. contra Pelag.

§ 8. Hi ergo spiritus antea divini, cælestes, puri, lucidi, nullius malitiæ conscij, Dei solius nutum observantes, in ministerium emittendi propter eos, qui hæredes futuri essent salutis, angelicam essentiam non omnino perdidierunt: sed perditissime, originali justitia & lumine gratiæ privati, vitiarunt, denigrantque, ut jam aërei, mundani, obscuri, tenebricosi, & ( uno verbo ) immundi malique dicantur & sint. Ac licet lumen intellectus naturalis etiamnum obtineant, lapsus tamen poenam infinitis partibus durior, obscurata obfuscatæque divinæ sapientiæ luce sustinent: & graviores expectant, quam ex transgressionibus genus humanum. Quanquam si hoc quoque supremæ prudentiæ radios, quos in primorum parentum amnis de suo æterno lumine dens incenderat, retinisset, plurima perspicacissimæ acuminis intueretur clarius, penitus intelligeret, certiusque dijudicaret: quæ nunc hebetato mentis oculo, ceu solis faciem, per densas nubes aut aëras in aere nebulas conspicit.

*Tract. in  
Joan. 42.*

*Heb. 1.  
Psal. 101.  
& 104.*

*Spiritus immundi & mali.*

*Ephes. 2. 6.  
1. Corinth. 2.  
Zach. 13.  
Matth. 23.  
12. Marc. 1.  
3. 5. Luc. 8.  
9. 11. Matth. 23.  
19. Judic. 9.  
Genus im-  
mundum.*

*Genes. 1.  
Genes. 2.*

*Qui Theologi quibus in locis de demonum lapsu ;  
causa lapsus, & natura scripserint.*

CAP. II.

*Lib. 1. ad  
Monimum.*

**D**e causa lapsus angelorum scribit in hæc verba Fulgentius: Superbia tunc initium sumpsit, quum angelus adversus Deum elatus, & ipsa elatione prostratus, per concupiscentiam (quæ est radix, omnium malorum) volens usurpare quod illi datum à Deo non fuit, à Deo discessit & cecidit: in quo si sterisset, non cecidisset. Sed per concupiscentiam malam, qua concupivit plus extra se, minus factus est in se: quam concupiscentiam licet explere nequiverit, opere tamen retinuit voluntatem. Sic ipse sibi jam factus est pœna, ut supplicium esset semper voluntas mala, tanquam cæco ipsa cæcitas sua.

§ 2. Et Alcimus in lib. de Peccato Originali:

*Angelus hic dudum fuerat: sed crimine postquam  
Succensus proprio tumidos exarsit in ausus,  
Se semet fecisse putans, sumi ipse creator  
Quod fuerit, rabido concepit corde furorem,  
Autoremque negans: Divinum consequar, inquit,  
Nomen, & æternam ponam super æthera sedem,  
Excelsa similis, summus nec viribus impar.  
Talia jactantem præcelsa potentia celo  
Fecit, & ejectum prisco spoliavit honore:  
Quique creaturæ præfulsit in ordine primus,  
Primas venturo pendet sub iudice pœnas.*

§ 3. Quoniam autem à veteribus Theologis cum de lapsu demonum, tum de causa lapsus, illorumque natura tam eleganter & copiose scriptum est, ut actum agere videar, si ea omnia hic congregarem, indicabo veluti digito autores & loca, quæ haud difficulter consulens lector studiosus. Id eo libentius & necessario magis facio, quod instituti sit mei, aliena non meis, sed cujusque authoris verbis in omni nostra scriptiōne repræsentare. Sic enim nullius aut laudem interverti, aut sensum detorqueri, lectoris studio ac judicio consuli; mihi autem, & vero ipsi veritati optime caveri existimo. Scribunt igitur de tribus illis Epiphanius lib. 2. tomo 1. hæresi 64. Athanasius in lib. de Virginitate: & in Quæstionibus sacræ Scripturæ, quæstione 6. Gregorius Nazianzenus, oratione 1. de Reconcil.

monach.



monach. τὰν ἀγγέλων πύξας idem describit ἐν τῇ πρὸς διολογία. Græg. Nyssenus de vita Mosæ. Basilius Magnus, in serm. Quod Deus non sit auctor malorum. Chrysostomus hom. 15. in cap. 1. Joan. in homil. de Adam & Eva. Cyrillus in Dial. de ador. in spirit. Ambrosius Epistol. 84. Eusebius de Demonst. Euangelica, Lactantius lib. 2. cap. 9. Damascenus lib. 1. cap. 18. Ilychius lib. 4. in 13. cap. Levitici. Hieronymus in epist. ad Antonium, & Adv. error. Joa. Hierosolym. Antonius epistola 2. Prudentius in Hamartigonia. Gregorius Moral. 11. 17. & in cap. 9. Job. lib. 9. cap. 2. & lib. 2. in cap. 2. primi Reg. & lib. 3. in caput 7. primi Reg. item Moral. in Job IV. 13. Leo ad Turbium Asturicensis episcop. & serm. 4. de coll. eleemosyn. Prosper de Vita contempl. 111. 23. Primasius in cap 1. ad Rom. Joha. Cassianus coll. vi 11. 10. Paulinus epist. 4. Sedulius in cap. 1. ad Rom. Theodoretus quæstion. 19. & 24. in Genes. Eucherius lib. 1. in lib. Reg.

§ 4. Unde sit diabolus, annotat & Rabanus de Sermon. propriæ. IV. 10. Idem lib. de Modo pœnitentiæ cap. 18. In Ecclesiasticum, 111. 3. & in epist. Rabani & Fuldensium monach. ad Orgarum archiepisc. Haymo in Psal. 18. 81. 143. In Apocal. 1. 2. & super Euangel. serm. 3. post Invocavit, & super 3. caput Osee. Hincmarus ad Hincmarum Laudunensem cap. 44. Idiota cap. 2. de Vera pœnitentia. Gisfelbertus in lib. Altercat. cap. 3. Radulphus lib. 8. cap. 1. in Levitic. Anselmus. Cui Deus homo, 1. 7. Idem in 12. cap. Matth. In 10. cap. prioris ad Corinth. In cap. 1. ad Ephes. In 3. cap. prior. ad Timoth. Ibidem cap. 6. In Dialogo de casu diab. cap. 3. Petrus Damianus in epist. cujus iniurium, Prodigium. Rupertus in Joan. I. vii. 7. & lib. viii. 8. in eundem. in Apocal. vii. & viii. 13. 18. & x. 17 & xi. Eandem. & xii. 21. & in Marth. v. 5. & xii. 26. In Exod. 111. 10. Lib. 1. De Victoria verbi Dei, 1. 8. 21. De glorif. 111. 8. Petrus Alphonsus Tit. 10. Honorius in Psal. 18. Hugo de S. Victore in eulogio de sponsa. Bernardus serm. 5. de verbis Esajæ, & serm. 27. inret parvos, & serm. 17. super Cant. Lombardus lib. 2. distinct. 6. Petr. Blesensis epist. 34. Petr. Cantor cap. 13. de Invidia, & cap. 15. de Humilitate. Hildeburtus epist. 31. Hildegardis lib. 1. Visione 2. Hugo Eterianus lib. de regressu animarum ab inferis, cap. 9. Bartholomæus

Anglicus de proprietatibus rerum, 11. 19.

*Quare & quomodo Evam deceperit diabolus, &  
primum corruperit mundum.*

C A P. III.

*Diaboli er-  
ga Deum  
odium im-  
medicabile.*

PORRO ex illa sui exclusione, repulsa, ac ignominiosa ex pa-  
triis sedibus deturbatione, tam ingens, *et curiam* & immedicabi-  
le erga Deum odium conceperunt hi spiritus, ut, quæ cum offen-  
dere, vel ejus gloriam labefactare, aut, quod admiranda providen-  
tia fabricatus fuerat mundi opificiam, deformare, vitare & cor-  
rumpere posse viderentur, acerrimâ indagine investigare, & studio  
indefesso conari ceperint.

*Gen. 1.*

§ 2. Ac primum nobilissimam inter creaturas, clarissimo sa-  
pientiae cœlestis lumine illustratam, absque labe Deo societate con-  
sociatam, primam parentem nostram Evam adoriuntur: quam par-  
tium amissi status dolore, partim alienæ felicitatis invidia à Deo a-  
lienate, sui que exitii sociam reddere satagunt, deluduntque astu  
quam blandissimo, & ubi nullus videbatur subesse fucus, submota  
comminationis certissimæ mortis opinione, his scilicet verbis: Ne-  
quaquam moriemini. Deinde fraudulenter elusis & abjectis præ-  
ceptionibus à Deo datis, Evam erigunt falsis pollicitationibus in  
spem longe majorum ornamentorum, excellentiorisque potentiae,  
hoc modo: Deus novit, quod ipso die, quando comederitis ex  
ipsa arbore, aperientur oculi vestri, eritisque sicut dii, scientes bo-  
num & malum. Idem profecto laqueus, quo semetipsos statim à  
creatione sua & allectos & irretitos fuisse sentiebant. Sic perfe-  
cerunt tandem, ut misera à mandato descisceret, sequeretur-  
que consilia in suam internecionem contra Deum instituta atque  
ordinata.

*Hostis Dei  
factus homo  
ex inobedi-  
entia.*

§ 3. Nam Satan jam malus, malum transgressione edoctus, &  
causæ sui lapsus probe conscius, quod nimirum præscriptas sui mi-  
nisterii metas fastu transilire cogitasset, in idem studium Evam per-  
trahere conatus est gratæ persuasionis illecebris, quod ab esu vetito  
oculis Evæ & Adæ referatis, diis adæquarentur, scientes bonum  
antea solummodo cognitum, & malum nondum notum. Nec illi,  
subsequenturæ ex inobedientia calamitatis præscio, labor fuit ina-  
nis: licet illa se à serpente falsam, sero agnosceret, confiteretur-  
que. Violata siquidem obedientia, factus est hostis Dei homo, in

pœnas

pœnas illapſus transgreſſioni divinitus conſtitutas, condemnatio-  
nem nempe, diaboli tyrannidem, ac mortem tam hanc, tam æter-  
nam: denique & exutus honoribus, dignitate & dominatu, qui-  
bus maxima cum authoritate ipſum ornat Deus.

§ 4. Proinde Tatianus Aſſyrius contra Græcos: Verbum, in-  
quit, ante creatos homines produxit angelos, utraq; vero crea-  
tura, arbitrii ſui libertati permiſſa eſt, &c. & paulo poſt. Poſtquam  
vero homines callidiorem quendam, utpoſe provectiorem ætate,  
ſequuti ſunt, & divinæ legi ſe opponentem pro Deo habuerunt,  
tum verbi potentia & hujus dementiæ authorem, & obſequutos ei  
homines, commercio ſuo privavit: & qui ad imaginem Dei factus  
erat homo, potentiore ſpiritu jam exutus, mortalis fit: angelus au-  
tem ille primogenitus in dæmonem mutatur: & alii phantaſmata  
ejus ſequenti dæmonum exercitui deputantur, & propter arbitrii  
libertatem ſtultitiæ ſuæ permittuntur. Scite admodum quoque  
Auguſtinus hic ſcribit ad Julianum comitem: Diabolus eſt ange-  
lus per ſuperbiam ſeparatus à Deo, qui in veritate non ſtetit: &  
doctore mendacii, quia ab ipſo primo inventum eſt mendacium.  
Alibi interſerit: A ſemetipſo deceptus, alterum decipere conſepi-  
vit. Ipſe eſt adverſarius effectus generis noſtri, inventor mortis,  
ſuperbiæ inſtitutor, radix malitiæ, ſclerum caput, princeps om-  
nium vitiorum, perſuaſor turpium voluptatum. Hinc ergo, cum  
illum primum hominem à Deo factum, Adam patrem omnium no-  
ſtrum intueretur, videretque hominem ex limo terræ ad imaginem  
Dei factum, pudicitia ornatum, temperantia compoſitum, chari-  
tate circumdatum, immortalitate veſtitum: æmulus atque invidus  
tantam beatitudinem hominem accepiſſe; quam ipſe dum angelus  
eſſet, per ſuperbiam agnoſcitur amiſiſſe, invidie ſtatim inſatiabilis  
homicida, primumque parentem noſtrum tantis & talibus bonis  
expoliavit, & nos interemit.

§ 5. Hoc auſpicato primi conatus ſucceſſu effrenatius inſole-  
ſcentes hi maligni ſpiritus, poſſimum recepto à Deo rursus in gra-  
tiam homine, multa impoſita, ac promiſſione facta de C H R I-  
ſ T O, mulieris ſemine caput ſerpentis contrituro, & mediato-  
re apud Deum, pro genere humano, adverſus eorum violentiam:  
deinceps porro furere, variisq; modis ferocius inſidiari occipiunt,  
machinari omni arte doloque ea, quæ ad promiſſionis hujus de-  
pravationem, abolitionemque in Dei contumeliam, & hominum

perni-

*Quando  
creati an-  
geli, &  
quales.*

*Contra Ju-  
dæos. Paga-  
nos & Ar-  
rianos cap:  
2.  
Diabolus  
quid.*

*Hominem  
ante lapſum  
ſtat.*

Cain Ab-  
elem occidit.  
Genes. 4.  
Joan. 8.

Genes. 6.  
Genes. 7.

perniciem facerent. Sic Cainum, tertium, hominem, invidiæ fa-  
cibus mox inflammant in Abelis justis, numero quarti, crudellem cæ-  
dem homicidæ ab initio : sic deinde Caini sobolem, & universum  
generis humani figmentum paulatim ea malitiæ scelerumque tum  
magnitudine tum multitudine depravarunt, ut Deum fecisse homi-  
nem pœnituerit : eumque prorsus, exceptis octo in arca conserva-  
tis, aequatum inundatione absorpsit.

*Quid in alterius mundi initio machinatus sit diabolus,  
& quando Magia infamis cœperit.*

C A P. IV.

Diluvio  
mundus in-  
terit.

Exectatio  
Chami.  
Gen. 9.  
Magia in-  
famum in-  
venit.  
Clem. lib. 4.  
Recognit.

Jovis Ham-  
monis ora-  
culum.

Dodonaum.  
Epirus Do-  
dona.

Sodoma &  
Gomorra.  
exinim.  
Gen. 19.  
Esaias 13.  
2. Petr. 2.  
Epist. Jud. 6

**H**ic deletio propemodum hominum genere, ob prosperas  
suas machinationes, exoptatosque successus triumphum se  
acturos his spiritus sperabant. Quapropter siccata aquarum dilu-  
vie, statim in alterius hujus mundi renascentis quasi infantia, in  
Nohæ patris inebriati irrisiōnem, pudendis ejus denudatis, Cha-  
inum filium minorem, ut inde patris exectationem audierit, exti-  
mulant.

§ 2. Cujus filium Mistrain, ab his spiritibus haud subie insti-  
tutum, magiæ infamis blasphemam impietatem primum comperis-  
se, atque hinc Ægyptiorum, Babyloniorum & Persarum ducem ori-  
ginem, postea docebitur. Ad Nohæ irem sobolem, Jovis Ham-  
monis oraculum, tanquam à Chamo (quod nomen Hebræi aspira-  
tione paulo duriore pronunciant) refertur alicubi : quemadmo-  
dum Dodonæum ad Dodanum, Nohæ nepotem, qui Epirum, Do-  
donam prius vocatam, occupavit, excoluit, suoque insignivir no-  
mine : ut sanctas patrum Ecclesiæ sedes in prostibula dæmonum,  
impendio flagitiosa, degenerasse sit verisimile.

§ 3. Horrendas vero idololatrias confestum à diluvio, Noha  
adhuc supersistere, indefesso dæmonum studio in Ecclesiam Dei ir-  
rupisse, quas in sua posteritate non sine ingenti animi dolore mise-  
rum senem contueri & tolerare oportuit, cum prohibere non posset,  
testatur sacra Historia.

§ 4. Inde tam inauditis turpissimæ libidinis furiis, populosis-  
simas Sodomorum & Gomorræ civitates exagitar ille spirituum cœ-  
tus, ut ne decem quidem in tanto numero inventi sint justis : &  
missis à Domino de cælis sulphure & igne, subversæ sint urbes il-  
læ, &

1a, & in cinerem redacta, cum tota planitie, omnibus habitatoribus, simulque germine terræ.

§. 3. Hinc uestigio Loth egrossum, ebrietate & incestu cum filiabus nefario graviter vulnerat. Nonne & Esau de innocentis fratris Jacobi nece inferenda, strenuè sollicitat? Post & in justum Josephum æmulatione fratres excitavit, propemodum fraticidas factos: Illum etiam, objecta adulterii occasione captiosa, tandem perdere voluit. Nonne etiam, quò Israël em numeraret, Davidem excitavit satanas & urpestilentia inde ceciderint virorum septuaginta millia.

Levi obis  
incestu.  
Gen. 27.

Gen. 37.

Gen. 39.

2. Reg. 24.  
1. Paral. 21

*Quomodo pro Diis haberi voluerint demones, & præsidere regionibus: eorumque in hoc officio nomenclatura.*

C A P. V.

**E**U S M O D I denuò felicibus auspiciis audaciores redditi demones, in hujus mundi principatum exules protervius grassati sunt, cultisque simul multifarios & oracula inde diversa divinis contraria effinxerunt, ac ad ea invitarunt pellexeruntque animas vacillantes: ita ut universum propè orbem pedetentim quasi obsidione quadam subjugarint, obstreperumque divinæ legi, & contumacem, atque idololatriarum & contemptus eorum, quibus morem gerere decuit, ac cujuscunque vitiositatis plenum reddiderint.

Demoni  
ut dii no-  
bri.

Tertullia in  
Apolog. ad-  
versus gentes,  
cap. 23.

De diu gen-  
tium Lilius  
Gregor. Gy-  
rald.

De cogitanti-  
bus, deo-  
rum. Iulian-  
us Aurel  
Lest. &  
Germanicus  
libro sex  
Joannes  
Herold.

Demoni.  
pro diis ho-  
min. & co-  
rum nomi-  
na. Beli  
Beelzebub.  
Lactant. li.  
2. cap. 15.  
de Orig. evr.

§. 2. Eo demum audaciæ & petulantis fastus excrevit horum insolentia & ars, ut pro diis haberi apud perios imperitosque voluerint, & præsidere regionibus, populis, insulis, montibus, fontibus, locis, urbibus, vicis, familiis, tanquam proprii, tutelares & patrii: quorum nomenclaturas partim Historia sacra, partim Origenes, Tertullianus, Apulejus, Diódorus Siculus, partim alii recentest historiographi & scriptores haud ignobiles. Eorum vero nominum explicatione, ut plurimum studia dæmonum prodion dubium est.

§. 3. Sic BEL, vetustum, nihil, confusum sonans, Babyloniorum habebatur deus: Esajæ 46. Daniel. 14. BEELZEBUB, dominus muscæ: qui omnibus retia tendens, muscam saltem, id est, infirmum capit. Spurcissimum Accaronitarum idolum, qui sunt quidem in regione Judææ, sed impii. 4. Reg. 1. Ab hoc principem dæmoniorum Beelzebub nuncuparunt Hebræi: Mat. 10. 12. Mar. 3. Luc. 11. Plutonem Græci, ut Trilmegistus, *Amisardoxu*

*De Priap.  
Hermaphrodit.  
Dionysio,  
gentium  
deu. Sic.  
li. 5. ca. 1.*

dixerunt: plerique Latini Sumanum, quasi summum deorum man-  
nium: à gentibus Priapus appellabatur. Serapin & Proserpinam,  
malignorum dæmonum primarios vocat Porphyrius. B A A L, ido-  
lum aut dominans vel subiciens, aut possidens, nomen idoli à Si-  
doniis ad Judæos profecti, Samariæ & Moabitarum numinis:  
Martem Græci putant. Num. 22. Rom. 11. Id Gedeon destru-  
xit, Jud. 6. B E E L P H E G O R, dominus hians, aperiens, nudus, aut  
dominus hiatus sive nuditatis, Moabitarum deus: Osee. 9. 11.  
Num. 25. Deuteron. 4. Sic & Phegor: Num. 25. Denter. 3. 4.  
Josue 22. Sunt qui Archenn Priapum fuisse sentiant, qui in carnis  
ocio celebratur. A D R A M E L E C H, pallium regis, sive magnitudo  
vel potentia regis vel consilii, idolum Sepharvaim: quæ fuit Assy-  
riorum urbs: 4. Reg. 17. A N A M E L E C H, afflictio sive responsio  
regis, deus Sepharvaim. Succor Benoth, tabernacula filiarum, Ba-  
byloniorum nomen. N E R G A L, explorans, aut lucerna tumuli,  
idolum Cutixorum, qui ex Perside erant ac Media oriundi: Iose-  
phus xi. 2. A S I M A, delictum, idolum virorum Emath. N I B H A S,  
prophetans, aut potius loquens visionem, aut fructus visionis, deus  
Heveorum. T A R T A C, concatenatus, Heveorum nomen: 4.  
Reg. 17. N I S K O C H, tentario delicata, idolum adoratum à Sen-  
nacherib rege Assyriorum: 4. Reg. 19. C H A M O S, quasi palpians,  
aut quasi recedens, vel auferens, Moabitarum nomen: Numer. 21.  
3. Reg. 11. 4. Reg. 23. Ierem. 48. Ammonitarum, Iud. 11.  
M E L C H O M, rex vel consiliator eorum, idolum, quod colebant  
filii Ammon: 4. Reg. 23. 1. Paral. 20. Ierem. 49. D A G O N, frum-  
mentum, aut dolor, vel denique piscis eorum, Philistinorum ido-  
lum: Iudic. 16. 1. Machabæor. 10. A S T A R T E, quod à caula  
sive grege dici videtur, nomen dex Sidoniorum, à Solomone  
cultæ: 3. Reg. 11. 4. Rég. 23. Venerem Sidoniam fuisse pleri-  
que arbitrantur.

*Asaroth.  
Lib. 6. cap.  
24. anti-  
quit. Ju-  
daicæ.  
21. pag.  
v. 270.*

6 4. Sumplisse præterea quandoque nomina hos spiritus à  
pessimis hominibus, aut pessimorum hominum habitationibus, in  
litteris Sacris compertimus. Sicut A S T A R O T H, Palæstinorum fuit  
deus, Iosepho teste: quem sustulerunt Judæi Solomonis jussu,  
1. Reg. 7. Item deus à Solomone adoratus, 4. Reg. 23. Et  
quanquam significet greges, aut etiam divitias, faciens explora-  
tionem sive vineam legis: fuit tamen olim nomen civitatis Og regis  
Basan, in qua habitaverunt Gigantes: item urbis Amorrhæorum.

5. Le-

§ 9. Leguntur & alie in Bibliis, horum numinum nomenclaturæ: ut BAALIM, plurali numero: 1. Reg. 7. 2. Paralip. 28. Jeremiz 2. BAALBERITH, dominus fœderis: Jud. 9. REMPHA: Act. 7. REMMON, id est altitudo: 4. Reg. 3. ADONIS, in Hebræo Thammiz, hoc est consumptus, seu incendium, Syrum est: Ezech. 8.

§ 6. Narrat Philo, fuisse Amorrhæis septem simula chra aurea, quas vocabant Nymphas sanctas: quæ invocatz ostenderunt Amorrhæis per singulas horas opera eorum, & nomina eorum: nomina mulierum, quæ fuerant uxores septem virorum peccatorum, qui eas consecraverunt post diluvium, videlicet Chanaan, Phut, Selath, Nembroth, Abirion, Elat, Desuat.

§ 7. Deus Waldat: Abd. episcop. Babyl. lib. 8. Hist. Apostol.

§ 8. Adorabantur & vituli aurei: 3. Reg. 12. Militia cœli: 4. Reg. 17. Regina cœli: Hieremiz 44. quam cœli machinam intelliges.

§ 9. Sic olim Pomerani grandem nucem divino honore sunt prosequuti: & à certo equo generoso nigri coloris Stetinenfes belli omen capiebant.

*Chron. Sax  
in vita Ottonis  
lib. 3.  
cap. 21. &  
libro 2.  
cap. 21. 22.*

*De provinciarum Diis, Græcorum idololatria, Romanorum  
deorum distinctione & sacrificiorum numero. Item  
quod in Dei populum pervaserit idololatria.*

C A P. VI.

COLUERUNT & reliquæ provinciæ suos deos: Ægyptii, Osirim & Isidem: quorum filius Anabis, quoddam canibus gauderet, in specie canis etiam ab isidem cultus est. Unde Virgilius inquit:

*Provincia  
ram dii.*

*Omnigenumque deum monstra & latrator Anubis.*

§ 2. Nam quædam, ait Strabo, animalia sunt, quæ Ægyptii universi colunt: quemadmodum ex animalibus terrestribus tria, bovem, canem, felem: ex volatilibus accipitrem atque ibim: ex aquatilibus duo, lepidotum piscem, & oxyrinchum. Sunt alia, quæ quisque seorsim colit: ut Saitæ & Thebani ovem, Latum piscem Nili Latopolitani, lupum Lycopolitani, Cynocephalum Hermopolitani, cepum Babylouij qui sunt juxta Memphim, aquilam Thebani, leonem Leonopolitani, capram & hircum Mendesium, murem araneum Athribitæ. Item alij aliud. Persæ ignem Orimafda ab ip-

*Strabo l. 16  
& lib. 17.*

lis nuncupatum; Æthiopes Metoen incolentes, Iovem & Bacchum; Arabes, cum Baccho Venerem, & Diasaren: Boeoti Amphiarzum, Aphi Mopsam, Scythæ Minervam, Naueratiæ Serapim, Syri Astartem, Norici Tibillanum, Mauri Iubam, Macedones Gaburum, Poeni Vraunum, Samos Iunonem, Paphos Venerem, Lemnos Vulcanum, Naxos Liberum, Lampaceni in Hellesponto Priapum, in Diomedea insula, Diomedem. Sic Delphi colunt Apollinem: & quemadmodum canit Ovidius in Fastis.

August. de  
civitate  
Dei,  
xviii. 18.  
Vide lib. 4.  
cap. 22.

*Pallada Cecropide, Minois Cræta Dianam,*

*Vulcanum tellus Hyppylea colit:*

*Iunonem Sparte, Pelopidaeque Mycone,*

*Pinnigerum Fanni Menalis ora caput.*

§ 3. Mythæ simulacrum tale quoque fuit apud Persas, ut Leonis effigiem præ se ferret, tiaramque gestaret. Quæ quidem effigies ærisque manibus cornu bubula comprimebat: Ad cujus sacra in atrum sacerdotes, ut olim Hiberi quoque in Patricij atrum, conveniebant, & Apollinem clara voce Mythram vocabant, ac bovem cornibus ex auro educabant, & Mythæ immolabant.

§ 4. Ut mæscæ insuper facerent, litatum est Cyrenaico Asbæri: quemadmodum Herculi Canopio, ut culices minus infestarent. Sic & nomen invocabatur Apollinis Parnopxi, ut à muribus non arroderentur casei vel aliud simile: Boeotiorum enim lingua Parnopion mus est.

Græcorum  
diælatia.

§ 5. Græci, quorum post Ægyptios vanitas, præcipua & superstitione celebratur, ad hæc cælo Iovem, mari Neptunum, intimis terræ cavernis & recessibus Plutonem præfecerunt, ac horum singulis alios infinito numero adjuuxerunt: Saturnum & Cybelem Iovis item Mercurium, Apollinem, Martem, Iunonem, Minervam, Venerem, Dianam Ephesiorum deam, Adorum 19. Neptuno Nereum, quem *αλκυον* & *πέρων* nominarunt, Latini Portunum, & cohortes Nympharum. Imo singulis in natura corporibus adesse peculiare nomen, ut crederetur, persuasit diabolus: eamque opinionem, numinum illorum sese specie ostentans, auxit & confirmavit.

Romanorum  
dij.

Iovis.  
Dij majores  
gentium, Vesta.

§ 6. Nec ferè pauciores deos Romani habuerunt. Inter quos numerantur ab antiquioribus pro evocandis fulminibus, Statores, Tonantes, Feretrij, Iupiter Elicius: Deinde dij majorum gentium, Iuno, Vesta Trojanorum dea: quam profugus Æneas in Italiam transtulit. item Minerva, Ceres, Diana, Venus, Iupiter, Mars, Mercurius,



ius, Neptunus, Vulcanus, Apollo, qui ab Ennio enarrantur, & Consentes dicuntur, eum Iove de rebus omnibus consultantes. Quibus octo adijungebantur, ut coadiutores, selecti dii nuncupati, Ianus, Saturnus, Genius, Plutus, Bacchus, Sol, Luna, Tellus. Penates, Iuno & Minerva: Dii communes, Mars Latio venerandus erat, quia præsidet armis: item Bellona, Victoria: Dii geniales, Terra, aqua, ær, ignis, sol & luna, quibus natali die quisque sacrum faciebat, quod rerum gignendarum & producendarum vim obtinere existimarentur. Genij duo, Lares, quos privatarum rerum, triumviri viarumque & urbis curam agere opinio erat. Unde appellabantur inferiores ac minorum gentium dii, & Præstiti Ovidio Fastorum v. dicti,

*Quod præstent oculis omnia tua suis;*

id est, quod res omnes consequentur & tueantur in ædibus: pacato enim & quieto numine domum possidere putabantur.

§ 7. Affinxerant & deos indigetes: qui ex hominibus ob eximias belli & pacis artes & bene merita, inter deos erant relati. His ac cedebant dii patrii & tutelares, & reliqua familia Fannorum, Sylvanorum, Satyrorum, Lemurum. Rabbi Abraham, auctor libri Zenor Hammor, scribit in illum locum Genes. 2. Quod creavit ut faceret, significari demones illos familiares, ut sunt Fauni, Satyri, incubi, penates & similes, qui quidem sint creaturæ, sed imperfectæ, quod Deus vespere sabbathi præventus, illos non perfecit. Ex hinc est, quod fugiunt sabbathi sanctitatem, quærentes montes & tenebrarum lacubula, in quibus delitescunt usque ad finem sabbathi, & tunc revertentes infestant homines, quibus & damnum dare conantur. Quæ meræ sunt nugæ.

§ 8. Potentissimum suum numen Thor appellarunt Gothi, aliorum Odhen, ortium Frigga. Varro, qui Ethnica numina singulari conquisivit diligentia, supra triginta millia commentitiorum deorum reperisse se, literarum monumentis tradidit. Hinc etiam rituum & sacrificiorum excrevit numerus, quorum sexcenta sexaginta sex genera Ægyptiis in usu fuerunt: Græcis & Romanis non multo pauciora. Et quanquam hi ab illis deorum numero & sacrificiis olim superati putantur, factam tamen temporis successu multam vicissitudinem, Romanosque superstitionis victoria potitos esse, dolens vereor.

§ 9. Infinitum esset hic enumerare reliquarum gentium barbararum

Consentes.  
Dii selecti:  
Penates.  
Dii communes.

Dii geniales.

Genij.  
Lares.

Præstiti.

Indigetes.  
Dii patrii  
& tutelares

Olaus Magnus Hist.  
Sept. 111.  
3. Idem  
Gnomon  
& Hesiodus.  
Deorum  
numerus.  
Sacrificio-  
rum nume-  
rus apud  
Ægyptios.

rarum numina: cujusmodi sunt Viti, Rugievithi, Porevithi, Porenu-  
 ij & Stanitæ (aliis Snuatiræ) apud Rugianos, de quibus amplè Sa-  
 xo Grammaticus Danicæ histor. l. xiv. & Crantzius de Vandal.  
 rebus, v. 12. 13. Zuantevith apud eosdem meminit Heimoldus 11.  
 12. & 13. de rebus Sclavorum. Apud quos & Prove idolum in  
 sylvis & lucis degens: apud Polabos Suma muliebre numen: apud  
 Obortiros Rodigast deus cultus; item Podaga, Siuva: Flins apud  
 Vandalos Lufatiam incolentes; Triglas triceps apud Sretinenses:  
 similiter Heronitus, qui lingua Latina Mars dicitur, Wolgasti deus  
 fuit. At horum memoriam perdat unicus ille omnipotens Deus.  
 quemadmodum & quæ Turci sunt numina sortiti, quibus honorem  
 divinum, uti & Romanensibus motis est, defecunt. Est enim apud  
 hos Hartschiptetesch cognominatum, hoc est, peregrinationis adju-  
 tor, quem implorant peregrini.

§ 10. Ascikpassa amoris patronus habetur, imploraturque in  
 matrimonio prolis impetrandæ causa, vel in partus discrimine, vel  
 maritatis litigantibus. Vairpassa dissidentibus patrocini-  
 um conserere creditur, nunc se juvenem, nunc senem hominibus o-  
 stendens. Schleichpassa conturbatis & afflictis solatium præbere  
 dicitur. Chiridirelles viatoribus in necessitate constitutis auxilio  
 esse solet: Quem in viatoris forma equo insidentem apparere invo-  
 cantibus ferunt.

§ 11. Coluntur & quidam dii, qui pecorum & cæterorum ani-  
 malium curam gerunt, & qui pro pluvia elicienda aut serenitate in-  
 ducenda invocantur. Quorum alter Goivelmirschin, alter Bat-  
 scumbassa nuncupatur. His butyro litant, & calido pane, quem pas-  
 sama vocant.

§ 12. Prolixior verò in recitando gentilitiorum deorum catalo-  
 go fui, ut in suis exorcismis & preculis sub barbararum & ignotarum  
 vocum pallio sæpe dæmonia regi meminertint, qui illas usurpant li-  
 berius.

§ 13. Deos gentium dæmonia esse, affirmat regius ille vates  
 David: quæ dicuntur etiam in Sacris literis dii gentium, terrarum,  
 & dii populorum terræ, 2. Paralip. 32. dii populorum, 1. Pa-  
 ral. 16. dii terræ, Jud. 3. idola nationum, Sapient. 15. dii mon-  
 tium, 3. Reg. 20. dii filiorum Seir, 2. Paralip 25. dii Damasci, 2.  
 Paral. 28. Dii autem alieni frequenter nuncupantur, quales ex æ-  
 de Domini abstulit Manasses, 2. Paral. 33. item Iosias, 4. Reg. 23.

§ 14. Nec

Ide c. 70.

4.

In Chron.  
Saxon.

In vita  
O. tenu  
lib. 2. cap.  
21. 22. &  
l. 3. cap. 5.  
Josav. Cu-  
stentianus  
de Turci-  
rum reli-  
gione.

Dii gen-  
tium dæ-  
monia.  
Psalm. 95.

§ 14. Nec solum abominanda hæc idololatriæ portenta inva-  
luerunt, pervagataque sunt omnes gentes: verum etiam in populum  
Dei molimine diaboli pervaserunt, virusque seminarium sparserunt.  
Nam deos Laban patris sui, & foci Jacobi, furabatur Rachel fu-  
giens. At Jacobus tandem domui suæ, & omnibus qui secum erant,  
præcipit inquam: Abjicite deos alienos, qui sunt inter vos, mun-  
damini, & immutate vestimenta vestra. Itaque eos illi cum inauri-  
bus, quæ in illorum auribus erant, dederunt Jacobo, quos subter  
querum, quæ erat juxta Sichem, ille defodit. Vituli item simula-  
chrum adorant, eique sacrificat populus Israel in deserto, dicens: Isti  
sunt dii tui, ô Israel, qui fecerunt te ascendere de terra Ægypti. Ac  
tria millia virorum è populo ob hanc impietatem interficiuntur à  
Levitis uno die. Et Judic. 10. filii Israel rursus fecerunt malum in  
oculis Domini, colueruntque Baalim & Astaroth, & deos Aram &  
Syriæ, deos Sydon, & deos Moabitarum, & deos filiorum Ammon,  
deos denique Palæstinorum: deserueruntque Dominum, & non  
servierunt ei. Item, particeps idolorum Efraim, Osee 4. & Eze-  
chielis 8. 18. & multis aliis locis.

*Idolola-  
tria in pop.  
Dei.*

*Genes. 31.  
Gen. 35.*

*Exod. 32.  
Vituli ado-  
rantes.*

*De humani sanguinis victima, à diabolo inventa, celebrataq;  
in populo Dei, apud Græcos, Romanos, & alios. Item  
de divinatione ex mactatorum hominum visceribus.*

#### C A P. VII.

SUB hoc quoque fraudulento blasphemiarum, sacrificiorum &  
vaticiniorum prætextu (quod magis deplorandum) teterrima  
flagitia & horribiles cædes fabricatus est mille artifex ille, in cœtu  
Israelis sancto: ut is abjectis contumacissimè legibus cœlestibus &  
oraculis, sanguine humano litaverit, filiosque & filias per ignem  
duxerit, in gratiam & cultum Moloch idoli Ammonitarum, in valle  
Gehennon. crudelitate plus quam ferina.

*Humanæ  
sanguinis  
victima.  
2. Paral. 33.  
Hierem. 32.  
Tsal. 106.*

§ 2. Quum etiam Græcis & Romanis, in nefanda ac multiplici  
idololatria, multa sint communia: & ut alia plura, ita quoque ritus  
certorum sacrorum Romani à Græcis sint mutuati: eò deum in-  
sanæ & inhumanitatis utrosque redegit diabolus, ut ad sua ipsius  
jussu humano quoque sacrificarent sanguine. Hoc enim autore,  
vaticinia Tiresiæ & Calchantis jubeant mactare humanas victimas:  
sanctiebantque præsentem *idololatriam*, atque prodigiosam illam de  
plu-

*Sapient. 14*

*Tiresia &  
Calchantis  
vaticinia*

*Creontis fi-  
lius victi-  
ma.  
Iphigenia  
hystia.*

*Menalip-  
pus, Come-  
tha.*

*Aristode-  
mus filiam  
& scipsum  
ugulat.*

*Lib. 6. de  
bello Gall.*

plurium deorum numero opinionem. Tiresias pollicetur Thebanis victoriam: sed ea lege, ut Creontis filius mactatus sit victima pro patria. Calchas vaticinatur de Troiæ excidio, & successus spondet: at simul Agamemnonis filiam Iphigeniam immolari jubet. Ionibus remedium desiderantibus ab oraculo Delphico, adversus sævissimam lueem in tota vicinia horribiliter grassantem: respondet Delphicum numen, Non remittendam pestem, nisi offeratur Dianæ Triclaræ Menalippus cum Comethone, quam in Dianæ templo ipse stupraverat: & nisi annuatim eodem tempore pro Menalippo elegantissimus juvenis, pro Comethone puella venustissima ad Dianæ aram mactetur. Idem Messeniis in longo illo & diuturno bello, quod cum Lacedæmoniis gesserunt, consulentibus de exitu, prædicit victoriam: verum ea conditione, si virginem incorruptam de Æpytidarum familia Deo sacrificarent. Ibi quum Aristodemus, unus ex præcipuis familiæ Æpytidarum, gratificaturus patriæ, filiam, quam habebat unicam, destinasset immolationi: alius quispiam amore puellæ adactus, quò miseram servaret, ex se gravidam esse, & idcirco Deo litari non posse, fingit. Quo audito, pater effreni exardescens iracundia, evestigio interemptam filiam dissecat: paulo post noctu secundum quietem sæda specie lauciatæ & concisæ filiæ à Satana representata, graviter animo dejectus, ad tumultum ejus semetipsum jugulat. Androgei etiam cædes expiari scilicet non poterat, nisi Athenienses quotannis septem adulescentes & totidem puellas in Cretam Minotaurum devorandas mitterent.

§. 3. Nationem esse omnium Gallorum admodum deditam religionibus, scribit Cæsar. Atque ob eam causam, qui sunt affecti gravioribus morbis, quique in præliis periculisque versantur, homines aut pro victimis immolant, aut se immolatuos vovent, administrisque ad ea sacrificia Druidibus utuntur: quod pro vita hominis, nisi vita hominis reddatur, non posse deorum immortalium numen placari arbitrantur, publica quoque ejusdem generis habent instituta sacrificia. Alii immani magnitudine simulachra habent, quorum contexta viminibus membra vivis hominibus complent: quibus succensus, circumventi flamma exanimantur homines. Supplicia eorum qui in furto aut latrocinio, aut aliqua noxia sunt comprehensū graviora diis immortalibus esse arbitrantur. Sed cum ejus generis copia deficit, etiam ad innocentium supplicia descen-

descendant. Non igitur immerito tantæ immanitatis administros & vates tam Barbaros, quos Cæsar Druidas vocatos dicit, Bardos Lucanus appellat:

*Druidæ  
Bardis.*

*Vos quoque, qui fortes animas belloque peremptas,*

*Landibus in longum vates demittitis ævum;*

*Plurima securi sudistis carmina Bardis.*

§ 4. Tertullianus in Apologetico refert, in Africa infantes palam Saturno fuisse oblatos usque ad proconsulatum Tiberii, qui sacerdotes ejus religionis in patibulis suspendebat. Summè id placuit illi, qui ab initio homicida fuit. Eodem autore, à Gallis seniores Mercurio offerebantur: ejusmodi oblatio ludus erat lætus Tauricis. In civitate Enchadarum, quidam Jnpiter in ludis sanguine humano perfundebatur. Cum Bellona, belli dea, paciscuntur sanguine ex lumbis effuso. In officio divino nobiles pueri caduntur omnes, astantibus parentibus; qui, ut perdurent, hortantur. Temixititz in America, idola sanguine hominum oblatores conspersa fuisse, author est Ferdinandus Cortesius.

§ 5. Gothi quoque suum majorem deum Odhen, id est fortio-rem, armis præsentem, semper crudelissimo placere cultu, morte scilicet captivorum. arbitrati bellorum præsidem convenientius humano conciliari cruore, à quo omnem belligerandi industriam tam absolute didicissent, ut devictis Europæ & Asiæ potentissimis imperiis, summum fortitudinis nomen reportarint. Item Froe, Upsalensis deorum satrapa, deus sanguinis postea habitus, humanorum corporum hostias mactavit. Teurates & Hesus idola quondam fuere Gallorum, quibus etiam non nisi sanguine humano sacrificabant, teste Lucani versu:

*Et quibus immitis placatur sanguine diro*

*Teurates.*

§ 6. Inter multiformia Sclavorum numina præluce Swantenith, deus terræ Rugianorum, utpote efficacior in responsis, cujus intuitu cæteros quali semideos æstimabant. Unde etiam in peculium honoris quotannis hominem Christianum, quem fors dederat, eidem litare consueverunt.

*Helmold.  
capite 58.  
de rebus  
Sclavor.*

§ 7. Talia certè, non ab illa æterna mente, justa, casta, misericorde, rerum tam conservatrice quam conditricè: sed proculdubio ab authoribus dæmonibus oriebantur, qui veri Dei odio, inde usque à rerum primordiis, in conscientias & corpora hominum qua-

vis occasione immanissime sævierunt, & multiplice eorum cæde plurimum delectati sunt, adeo etiam, ut voluptatem hanc, quam ex successu talium latrociniorum capiunt, risu nonnunquam inter dira sacra prodiderint. Quis enim alius ejus risus auctor fuisset, qui ex jugulo virginis ac puellæ illius ortus traditur, quam Mithridates aruspicum jussu Furiis immolabat? Accidit hoc L. Sylla, Q. Pompejo Coss. attestante Julio Obsequente. Hinc philosophi tradunt, dæmones nidoribus sacrificiorum affici: incantationibus item, quæ plerumque sanguine fuso, suffumigationibus adhibitis celebrabantur, præfuisse. At ô miseræ deceptionis errorem, tale numen colere, quod colentium supplicio magis placatur, quam pietate & officio.

*Capitulum in  
Epist.*

*Divinatio  
ex visceri-  
bus mæstæ  
torum homi-  
num.*

§ 8. Atqui ἀρβύτωνταις, id est, divinatione ex mactatorum hominum visceribus, primum solumque diaboli instigatione usum Heliogabalum imperatorem, turpissimum & flagitiosissimum monstrum, accepimus. Qui paulo post hujus immanitatis plusquam beluinae pœnas meritò dedit, quando crudeliter interfectus, & in latrinam abjectus, inter excrementa computruit.

*De diaboli vatibus, enthusiastis, Tythiis mulieribus,  
& plerisque Sibyllis.*

#### C A P. V I I I.

*Enchir.  
sæptæ.*

Utr porro suam in hoc mundi theatro tragœdiam idoneis deinceps cohonestaret organis, & suis undiquaque communiret membris, enthusiastas & vadicicos ministros quoque finxit dæmon, æmulatione, veri Dei, qui per prophetas sanctos cum patribus locutus est, ne cedere Deo videretur scilicet, & in graviores hominum ruinam.

*Tythia va-  
tes.*

*Levit. 19 20  
1. Reg. 28.*

§ 2. Adhibuit insuper ejusdem artis fœminas, vates Pythias, quæ pene apud singulas fuere gentes, atque adeo Dei populum etiam conspurcarunt: ut Moses lege lata strictissime caverit, ne consulerentur, easque lapidibus obrui jussit. Ejusmodi consultationis diras luit pœnas Saul rex.

*Sibyllæ.*

*Ambros. in  
Commentia.*

*in epistolam  
prior. ad  
Corinth.*

*Vide post in*

§ 3. Huc pertinent pleræque famosæ Sibyllæ, à dæmone velut conductæ, ad ipsius tegui, quod in genere humano instauraret, conservationem & confirmationem. Ex quarum libris ad varias insanias compellebantur Romani: ut apud alios plerosque, tum apud

apud Zozimum videre est: à quo multa citantur carmina, Gentilium superstitione plena, licet Sibyllæ vel Erythræ, Babyloniarum vel Cumanæ opus heroico scriptum carmine, Christi præconia declararit. Ex prophetarum tamen vaticiniis, potissimum Esajæ & Davidis, non obscure ea quoque colligere potuit diabolus. Mansit tamen ejusmodi varum præcipua autoritas & observantia usque ad Christum, æterni Dei filium. Quo nato, prodeunteque ut legationis suæ ministerio ex Patris cœlestis voluntate perfungeretur, cessarunt passim in orbe terrarum oracula, & quæcunque impiarum divinationum genera; testibus Athanasio, Justino, Augustino, Eusebio, Lactantio, Plutarcho, Plinio: conticueruntque dæmones ubique, & tanquam ranæ Scriphiæ obmutuerunt: ac desertis quibuscunque enormis suæ nequitiæ latebris, cesserunt, non quidem ultro, verum compulsi, partim quidem horrendo metu omnipotentis vindicis CHRISTI: partim verò condemnationis sui, quam præ foribus jam esse cernebant. Quandoquidem eo CHRISTUM missum probè norant, ut satanæ opera pessundaret, demolireturque, & genus humanum in integrum restitutum vindicaret adversus diaboli technas rabiemque, ex his Zachariæ vaticiniis divina voce longe antea traditis: Eritque die illo, dicit Dominus exercituum, excindam nomina idolorum è terra, ne ultra eorum fiat mentio: & pleudopropheta & immundum spiritum de terra auferam.

§ 4. Si postea tamen adhuc fuisse audita responsa quis objiciat, ea certè tam fuerunt rara, læsa, manca, & omnino inutilia, ut nullo haberi loco debeant. Pulchre igitur & vere Athanasius inquit: Olim dæmonia inani specie ludibriisque rerum intricabant homines, infessis alibi fontibus, alibi fluviis, lapidibus aut lignis, atque ira præstigiis fatuos in furotem agebant: nunc vero quum apparuit Dei verbum, spectra hujusmodi & ludibria imaginum cessaverunt.

*De uno eodemque diaboli cultu in dissitissimis regionibus,  
& quam varie in Christiana Europa illudat.*

C A P. IX.

TANDEM & hoc non sine singulari studio & ratione machinatus est diabolus ( quanquam peculiare quasdam cæremonias coluisse

luisse pletosque non diffiteatur) ut non solum in longissimè diffisis totius orbis partibus, uti olim apud Gallorum Druidas, & remotissimos Indorum Gymnosophistas, unus idemque ejus cultus observaretur: sed & (quod multo magis mirandum, vel potius dolendum) in Christiana nostra Europa apud diversissimas regiones, in cujuscunque materiæ vel nominis idolis, non dissimili ritu honor sibi haberetur.

*Id cujuscunque materiæ vel nominis idoli colitur diabolus.*

§ 2. Hanc cæcitatē apud commoda suis præstigiis organa auxit, voce, cantu, capitis nutu, aversione, inflexione ad latera, manuum gesticulationibus, aut aliis moribus: eoque modo indicia propitiæ vel averfantis atque abhorrentis voluntatis edidit ex statuis: profanavitque loca, quæ certe erant domicilia & sedes doctrinæ cœlestis, sanctissimæ scholæ patrum, & *παλῶν καὶ νέων ἀνθρώπων*: in quæ velut conversa suæ impietatis & superstitionis latibula, suas blasphemias in Deum contumeliosas, & hominum generi exitiales eructare atque evomere conatus est. Imò in hac mundi senecta nutantibus technis illis manifestis, se in vero Dei templo collocat, & hominum mentibus dominatur, in lucis angelum transformatus. Hac ratione, se, graviore divinæ majestatis contemptu, atque hominum exitio, magis ulciscitur.

*In vero Dei templo se collocat diabolus.*

*1. Corint. 3. 6 2. Corint. 11. 4*

*Campanarum baptismi & accursus.*

§ 3. Hac pertinent ludibria, quibus nostros homines etiam addegit, ut, nisi sacro baptismo, regenerationis lavacro, ad Christi solummodo membra pertinente, & exorcismis, tantum ubi è sua sede deturbandus est dæmon, ab illis, qui ejus pellendi singulare donum habent, applicandis, etiam campanæ & tintinnabula expientur, sanctificenturque, sponsoribus & testibus, in sacrilegam uberioris auri expilationem, undique convocatis, res illas inanimatas mortuasque è turribus à diabolo ablatum iri, simplicibus persuasum sit. Quinimo foveæ & stagna ostenduntur, quæ etiam vidi, si dignus sum, quo ejusmodi non baptizatas consecratasque campanas à dæmone ex turribus proximis inuectas esse, asseveranter dicebant: audiri que earum sonum nocturna hora duodecima in Nativitatis Christi solennibus, vel etiam singulis quatuor anni temporibus, quæ vocant: & eum commori, qui audierit. Sic fit, ut à sono caveant imprudentes, nec inveniantur, qui audierit. Quod si aliquem audire contingeret, is proculdubio à dæmone ob impietatem illuderetur. Interim tamen hisce religionis nostræ præstigiis illi detinentur. Nec ita pridem eo loci prope Abbatiam Knechtstein



stein ductus sum, ubi firmiter adhuc credi hoc sacrilegium coram  
 audiui: monstratur fovea, turrisque ostenditur. Propterea perquam  
 prudenter & piè Cæsar Maximilianus inter gravamina sedis Ro-  
 manæ à Germanis non toleranda, campanarum consecrationem  
 recensuit in hæc verba: Suffraganei excogitaverunt, ut solum ipsi,  
 & nullus alius sacerdos, Laicis campanas baptizarent.

§ 4. Credunt deinde simpliciores, ita affirmantibus suffraga-  
 neis, tales campanas baptizaras, dæmones & tempestates pellere.  
 Quapropter innumeris plerunque adhibentur compadres; præcipue  
 vero, qui fortuna pollent: exorantur, qui baptizantis tempore  
 funem, quo campana ligata est, tangunt, ac suffraganeo præcinen-  
 te (quemadmodum in parvulorum baptizazione fieri solet) omnes  
 pariter respondent, ac campanæ nomen ingeminant, vesteque nova  
 (quemadmodum & Christianis fieri solet) campana induitur. In-  
 de ad sumptuosa properatur convivia, quibus præcipue compa-  
 tres, ut eo largius munera offerant, adhibentur: necnon suffraganei,  
 & eorum capellani cum multis aliis ministris regaliter pascuntur.  
 Nec hoc satis est, sed & suffraganeo mercedem persolvere necesse  
 est, quam illi munusculum vocare solent. Inde evenit, ut aliquaau-  
 do etiam in parvis villis centum floreni in tali absumentur & ex-  
 pendantur baptizazione. Quæ res non solum superstitiosa, sed  
 etiam Christianæ religioni contraria, ac simpliciorum seductio &  
 mera exadatio est. Verum etiam episcopi, ut suffraganeo vel vi-  
 lissima oblatæ possint mercede, talia & adhuc absurdiora tole-  
 rant. Res igitur tam nefanda & illicita merito aboleri debet.

§ 5. Scribit itaque in hæc verba, scite ad modum Lactantius: *De Orig.*  
 Ita hominum credulitatem mentita divinitate deludunt dæmones, *III. 11. 17.*  
 quod illis verum aperire non expedit. Hi sunt, qui imagines & si-  
 mulachra fingere docuerunt: qui, ut & hominum mentes à cultu  
 veri Dei averterent, & fictos mortuorum regum vultus, & ornatos  
 exquisita pulchritudine statui consecrarique fecerunt, & illorum  
 sibi nomina quasi personas aliquas induerunt. Sed eos magi & ii, *Magi.*  
 quos vere maleficos vulgus appellat, quum artes suas execrabiles *Malefic.*  
 exercerent, veris suis nominibus cient, illis cælestibus, quæ in Sacris  
 litteris leguntur. Hi porro incesti ac vagi spiritus, ut turbent omnia, &  
 errores humanis pectoribus infundant, serunt ac miscent falsa cum  
 veris. Ipsi enim cælestes multos finxerunt esse, sed veritatem men-  
 titis nominibus involutam ex oculis abstulerunt. Et paulo post:

Illi autem, qui desciverunt à Dei ministerio, quia sunt veritatis inimici, & prævicatorum Dei, nomen sibi, & cultum deorum vendicare conantur: non quod ullum honorem desiderent (quis enim honor perditus est?) nec ut Deo noceant, cui noceri non potest, sed ut hominibus: quos nuntur à cultura & notitia veræ majestatis avertere, ne immortalitatem adipisci possint, quam ipsi sua nequitia perdidit. Offundunt itaque tenebras, & veritatem caligine obducunt, ne Dominum, ne Patrem suum norint: & ut illiciant facili, in templis se occultant, & sacrificiis omnibus præsto adsunt, eduntque sæpe prodigia, quibus obstupescit homines, fidem commodent simulacris divinitatis ac numinis. Et post: Itaque sibi apud homines, qui eos nesciunt, autoritatem ac timorem pariunt. Hac versutia, & his artibus, notitiam veri ac singularis Dei apud omnes gentes inveteraverunt. Suis enim vitis perditis sæviunt, & grassantur, ut perdant. Idcirco etiam humanas hostias excogitaverunt, ipsi hostes humani generis, ut quam multas devorarent animas. Plura ibidem.

*Obsecrum  
diaconi in  
dubium.  
De reg. Da-  
nia. l. xiv.*

§ 6. Nec mirum, ait Saxo Grammaticus de Rugianis, si illorum numinum potentiam formidabant, à quibus supra sua sæpenumero punia mevinerant. Siquidem mates in ea urbe Karentina, cum sceminis in concubitu accitis, eorum exemplo coherere solebant: nec ab ipsis morando divelli poterant. Interdum utrique periculis è diverso appensi, inusitato nexu ridiculum populo spectaculum præbuere. ea miraculi sceditate solennis ignobilibus statuis cultus accessit: creditumque est, earum viribus effectum, quod dæmonum erat præstigiis adumbratum: qui statuis demolitis, Rugianorum templa & urbes destruxerunt.

*Sermon. 4.  
Simile  
quiddam  
apud Gre-  
gorium legi-  
tur lib. 29.  
Moralium,  
super illud  
Job: Divi-  
datur affus  
super ter-  
ram. Item  
apud Leo-  
nem pont.  
Ser. 8. Na-  
turalis.*

§ 7. Sed artificiose nimis maligni hujus conatus varios describerem audi Augustinum in Sermonibus communibus: Quid pravius, quid malignius, quidue adversario nostro nequius? qui posuit in cælo bellum, in paradiso fraudem, odium inter primos fratres, & in omni nostro opere zizania feminavit. Nam in comestione posuit gulam, in generatione luxuriam, in exercitatione ignaviam, in conversatione invidiam, in gubernatione avaritiam, in correctione iram, in præfulatu sive dominatione superbiam. In corde posuit cogitationes malas, in ore posuit loquutiones falsas, in membris operationes iniquas: in vigilando movet ad prava opera, in dormiendo ad somnia turpia. Lætos movet ad dissolutionem, tristes autem ad desperationem.

desperationem. Sed, ut brevius loquar, omnia mundi mala sunt ipsius pravitare commissa.

*Vnde tam admirandas res, & potissimum vaticinari  
possunt demones.*

# C A P. X.

**N**ec mirum est, varia & infinita ejus generis hos spiritus conari. Quum etenim tenuis sint substantiæ, sua tenuitate, subtilitate, celeritate incredibili, sensuum acrimonia, & lumine naturæ lucidiore, quibus omnibus terrenorum corporum inhabilitatem & sensuum tarditatem longe lateque præcellunt, multa Dei permissu, partim vere, partim præstigiöse intelligunt, & possunt. Quibus accessit, teste Augustino, diuturnioris temporis beneficio, quo eorum vita à primo ævo proronditur, comparata insignis rerum longe majorum experientia, quam hominibus ob brevitatem vitæ momentaneam potest evenire. Idcirco quædam admiranda faciunt: & quædam, potissimum ob Scripturæ sanctæ & vaticiniorum cognitionem, prædicunt, vel etiam probabili conjectura consequuntur: nonnunquam etiam, quæ ipsi facturi sunt, prænunciant, quibus homines alliciunt, inescant, seducunt & defraudant.

*Vnde tam  
admiran-  
da possunt  
demoni.*

*De spir. &  
ant. cap. 28.*

§ 2. Quo nomine illis mirabilem prudentiam, acutum ingenium & tenacem memoriam tribuit Plato in Epinomide. Quapropter tradit Clemens, istos, quum sint dæmoniaci spiritus, & multo citius scire aliqua, & multo perfectius: non enim tarditate corporis degravantur. Hinc addit: Et ideo, quæ medici longo tempore & labore plurimo assequuntur, hæc illi, tanquam spiritus, absque mora ulla, & sine difficultate cognoscunt. Non ergo mirum est, si plus etiam aliquid, quam homines, sciunt: sed hoc metuendum est, quod ea, quæ sciunt, non ad salutem, verum ad deceptionem proferunt animarum, ut per hæc eas cultum falsæ religionis edoceant. Hic Tertullianus sic disserit: Omnis spiritus ales est, hoc angeli & dæmones, igitur momento ubique sunt. Totus orbis illis locus unus est: quid ubique geratur, tam facile sciunt, quam enunciant. velocitas divinitas creditur, quia substantia ignoratur. Sic & authores interdum videri volunt eorum, quæ annunciant, & sunt planè malorum nonnunquam, bonorum tam-

*Regen. 14.*

*In Apolog.  
adversus  
gentes.  
cap. 22.  
Divinationis  
demonum  
unde.*

men

men nunquam. Dispositiones etiam Dei & nunc prophetis concionantibus excerpunt, & nunc lectionibus resonantibus carpunt. Ita & hinc fumentes quasdam temporum sortes, divinitatem æmulantur, dum furantur divinationem.

§ 3. In oraculis autem quò ingenio ambiguitates temperent in eventus, sciunt Cræsi, sciunt Pyrrhi. Sic præscivit diabolus ex *Daniel. 8.* Esajæ & Danielis oraculis ( quorum uterque adolescentem Alexandrum expresse delineat ) eum ipsum Alexandrum superato Dario, potiturum Asia universa, translaturum Imperium à Babyloniiis ad Græcos. Propterea Delphicam vatem consulenti, & ab invita responsum extorquenti, tandem ipsa in hæc verba prorumpens, respondit: Invidus eris Alexander. Postea ad Persas exercitum traducendi, prodigia offudit multa. In aditu Asiæ, simulachrum Orphei sudore maduit. Hinc Alexandro ad extremum cum Dario confligente, aquila è sublimi supra ejus verticem sese librare, & in adversos hostes trajicere visa est. Ludibria haud dubie dæmonii hæc erant, adornata ad prodigiorum & auguriorum, quibus tunc si debatur, observationes confirmandas. Darium è diverso, ancipitibus somniis in falsam victoriæ spem erexit.

§ 4. Prænovit ex Esajæ prophetiis, fore ut Tyrus destruatür à *Esajæ 23.* Macedonibus. Ita enim ille ait: Vlulate naves maris, quia vastata est domus, unde venire consueverant. De terra Cethim revelata est eis. Terram vero Cethim Macedoniam esse, asserunt plerique & ab Homero *lunius* Macedones vocatos. Quidam tamen per terram Cethim, Cyprios intelligant. Inde quum fuso fugatoque Dario, copias ad Tyrum admovisset Alexander, præmonuit quendam, qui civibus prænunciaret, Apollinem civitatem deserturum esse: ut quum eventus responderet, idolorum existimationem stabiliret.

§ 5. Ex iisdem Esajæ & Danielis vaticiniis præscivit, fore ut Assyriorum monarchia pessum iret, & in potestatem redigeretur Medorum ac Persarum: & quidem à Cyro, cujus nominatim Esaias meminit. Unde conjectatus est, Cræsum etiam de regno Lydiæ periclitaturum esse. Quare & aliquanto ante *Esajæ 44.* ~~peritum~~ Gygis, quod in Cyri tempora incidere eum prospiciebat, amissurum regnum Lydiæ prædixit, consultus ex oraculi Delphici sede: & postea cum regnum adeptus esset Cræsus, ut opum suarum fiducia insolentem, superbientem, & regnum Persicum affectantem everteret,



preces juvenem docuit, quæ nihil aliud sonant, quam, JESU Nazarene pro nobis crucifixe, miserere nobis: subveni miseris peccatoribus, ut revertamur ad fidem. Hactenus ille.

*Puer damo-  
nicus.*

§ 8. Puerum hunc à dæmone actum fuisse, qui in eo loqueretur, & sua ederet varicinia, contrarius docuit eventus. Nullus etenim intestinarum dissensionum Belgicarum exitus vel ea sequenti æstare, vel tercio post anno, quo hæc scriberem, quum nihil etiam rumoris adhuc de regis adventu spargeretur: quinimo ne quidem adhuc anno 1581. quo hæc recuderentur. Spiritus autem Dei ne in re minima quidem aberrare aut allucinari potest. Hic facile innotescit ille Gabriel, qui & punctum temporis, quo Zelandiæ Midelburgum in deditioem veniret, annunciare per juvenis os potuit ob celeritatem incomprehensibilem, quia spiritus est. Idem quoque ad illiusmodi modum orandi puerum incitavit, ut suis variciniis falsis & imposturis cautius fidem conciliaret. Hac ratione veritatem mendacio commiscere perpetuo solet. Addam hoc, ne angelum quidem Dei futura scire, ut de se testatur. 4. Esdræ 4. Quid præterierit, scio: quid autem futurum sit, ignoro.

*Christum, & ad quid missus esset, prius norunt damones,  
quam Apostoli: & quare illum tentavit diabolus.*

#### C A P. XI.

PERHIBET sacræ scripturæ autoritas, diabolum prius CHRISTUM penitus novisse, quam ipsi quibuscum ille loqueretur, & familiariter degeret, Apostoli: ut etiam ante CHRISTI mortem resurrectionemque sciverit, testatusque fuerit invitus, ad quid venisset CHRISTUS: nimirum, quo cognitum faceret Satanam, ejusque fraudes: illius actiones demoliretur, atque regnum everteret. Qua propter metu judicii divini æternarumque poenarum contremiscens, & tantum non deficiens, in obsesso ante CHRISTUM procidente, magna exclamavit voce: Ah, quid rei nobis tecum est, JESU Nazarene? venisti ad perdendum nos. Novi te qui sis, nempe sanctus ille Dei. Et increpavit illum JESUS, dicens: Obmutesce; & exi ab homine. & cum projecisset illum dæmon in medium, exiit ab illo, nihilque illi nocuit. Et post: Exhibant & dæmonia à multis, clamantia & dicentia: Tu es CHRISTUS ille filius Dei. Et increpans, non sinebat ea loqui, quod scie-

*Marc. 1.*

*Luc. 4.*

sciebant ipsum esse CHRISTUM. Hic Athanasius: Dæmonis, inquit, sermonem compescebat CHRISTUS, ne simul cum veritate, etiam suam iniquitatem promulgaret: ut nos etiam assuefaciat, ne talia curemus, etiamsi vera loqui videatur. Illud alias etiam pios postea latuisse, Sacrarum literarum testimonio docetur: ut alii eum Heliam, alii Joannem baptistam, alii Hieremiam, alii unum de prophetarum numero esse dicerent. Petro autem pronuncianti, Tu es CHRISTUS ille filius Dei viventis: respondit CHRISTUS, Beatus es Simon bar Jona, quia cato & sanguis non revelavit tibi, sed Pater meus qui in cælis est. Id quod Petro à patre cœlesti hic revelatum asserit CHRISTUS, hoc ipsum & Satan novit, & palam testatus est, non rogatus. Hinc ipsius ingenii acumen liquet, cujus ope res etiam abstrusissimas, nostrisque sensibus apprimè alienas, novisse potest.

Math. 16.  
Marc. 8.  
Luc. 9.  
Jean. 6.

§ 2. Huc facit illud puellæ Pythiæ, de Paulo & Barnaba clamantis testimonium: Isti homines servi Dei excellissimi sunt, qui annunciant vobis viam salutis. Atque id genus testimonia ab Astaroth & Berith idolis, & à dæmonio obsessis, de Bartholomæo apostolo, Thoma & aliis data legimus. Veritatem vero hic confitentur dæmones, non ut populum ad audiendam amplectendamque eorum doctrinam permoveant: sed exhorrescentes & reformidantes ministerii Evangelici virtutem, & sui condemnationem ac expulsionem ex obsessis: quæ hospitia si obtinuissent, statim Apostolorum ministeria seditione potuissent conturbare, aut inchoata post opprimere, novis rumoribus disseminatis per Pythiam vatem, obsessos & idola, quæ apud stultum vulgus magno habebantur loco. Addatur & illud mali spiritus responsum: Jesum novi, & Paulum scio, vos autem qui estis? Item: Quid rei nobis tecum est, JESU fili Dei altissimi? Venisti huc ad cruciandum nos ante tempus. Obsecro ne nos torqueas.

Act. 16.

Act. 19.  
Math. 8.

Marc. 6.  
Luc. 8.  
Genes. 3.  
Micha. 5.  
Math. 12.  
Luc. 1. 2.  
Esaja 7.

§ 3. Enimvero semen mulieris contritum caput serpentis, prophetarum de CHRISTO nascituro etiam in Bethlehem Judææ vaticinia: præfinitum hinc tempus, JESUM in divæ virginis utero, superveniente Spiritu sancto, & virtute Altissimi obumbrante conceptum, ex angeli Gabrielis annunciatione, admirandam ejus raritatem, longinquum magorum ex Oriente iter, ut eum adorarent, sciverat dæmon. Quapropter inter spem & metum, Herodis animum diris contra JESUM inflammavit facibus, ut inter infan-

rium Bethleemiticorum bimulorum ætateque juniorum deplorandam cladem, JESUS simul internecione absumeretur. Atqui salutifero magis Dei consilio suos collabescere conatus, infringique, re ipsa experitur diabolus.

§ 4. Ne quid tamen incredibili ejus audaciæ & fastui incomparabili decederet, atque ut adoratione, peculiari Dei prærogativa honoraretur, vel Christum certius tunc cognosceret, ipsum in solitudine tentat: illique in præaltum montem adducto, omnia mundi regna, ac eorum gloriam ostensam se daturum, si se prostratus adoraverit, ausu plusquam sacrilego pollicetur: quum divinam majestatem in hominum regnis atque imperiis solam dominari, eaque cui liber tradere constet. Porro Christum jam certo cognitum, voluit etiam perditum: quare, ut eum proderet; in cor Judæ Simonis Iscariotæ immisit, in quem post ossulam à Christo porrectam ingressus est. Tantum enim hujus solertissimi artificis contra Deum & genus humanum est odium, ut quicquid machinetur, sit in Dei contemptum, & hominum detrimentum perniciemque, fraude & extremo dolo caute rectum.

*A Christo  
vult adorari  
diabolus.  
Matt. 4.  
Marc. 1.  
Luc. 4.  
Dan. 4.*

*Multa studia Diaboli, & opera breviter comprehensa.*

C A P. XII.

CÆTERUM ut instituti incratio certius citiusque innotescat, & paucis, veluti fasciculo uno, quædam ex dæmonis actionibus & potentia colligam. Quum angelica ejus essentia non interierit, sed male propriæ voluntatis affectu degenerarit, accreveritque tam diutino tempore eximia rerum observatio & usus insignis: magnæ illum esse constar virtutis, calliditatis incredibilis, sapientiæ plus quam humanæ, perspicacitatis acutissimæ, vigilantia summæ, artificii technas struendi perniciosissimas furo speciosissimo incomparabilis, maliciæ infinitæ, odii erga genus humanum *αὐτὸν ἐχθρὸν*: atque hoc nomine cum se penumero (permittente, vel saltem conivente Deo) admirandas faccre res, & se in bestias, statuas, specus, latebras, cavernas ingerere, in quercus Dodonæ Molossidis in Epipro, unde Dodonæum oraculum frequentatum est, insinuare: apud Ægyptum ex Hercule, Apolline, Minerva, Diana, Marte, Jove, Api bove, Latona in urbe Buti, furiosis sacerdotibus Apollinis in Colophone, Thebis in Bæotia, & in Læbadia ex Trophonio, ex

*Diaboli  
studia &  
potentia.*

*Strabo  
Geog. lib.  
16.*

VACCA



yacca Memphi, ex bove Mueo Heliopoli, ex crocodilis in Arsinoc, ex Amphiarao vate in Attica, responsa date, humana voce, nutu, aliove gestu, affectis subinde gestibus furentium, nonnunquam ebriorum, alias trementium, aut ridicule gesticulantium: quandoque somniis, amphiboliis interdum, plerunque & ænigmatibus: quia ignorat Diabolus quousque toleraturus sit Deus, aut permissurus, quæ intendit & fruit.

§ 2. Et sane Deum quibusdam sagacioribus hominibus has ejus rethnas jam olim sæpe detexisse, testis est Valerius Maximus, hisce verbis: Nec me præterit de motu & voce deorum immortalium humanis oculis auribusque percepta, quam ancipiti opinione æstimatio versetur: sicut de transitu Junonis in urbem. Captis enim Veiis à Furio Camillo, unus militum simulachrum Junonis Monetæ fertur interrogasse, an Romam migrare vellet? Deamque respondisse, velle se. Quamvis unus vocem audiverat, omnes tamen sibi persuadebant, eandem se percepisse. Tradunt alii simulacrum annuisse tantum: alii unum hoc inter milites & vulgum sparsisse. Quo factum est, ut non simulacrum, sed ipsam cælo Junonem petitam portate se credentes, Læti in ea parte Aventini montis, in qua nunc templum ejus cernimus, ut inquit Valerius, collocarent. Hic videmus & qua arte, & quam ob causam ludat in idolis illa Dei simia.

Lib. 1.  
cap. 2.

Livius.

§ 3. Cæterum alia religionis opinione legitur in divæ Irmgardis comitissæ vita, quomodo tertio Romæ peregrinata, D. Pauli templum fuerit ingressa, inveneritque crucifixi imaginem prorsus conformem ei, quæ in templo metropolitano D. Petro sacro Colonix ante sacrarium visitur. Hic prostrata orationique intenta audit vocem ex ore imaginis cruci affixæ, hunc in modum: Chara & electa filia Irmgardis, te oro ut mox ubi Coloniam redieris, in D. Petri templo crucifixum in altari ante sacrarium, mihi admodum simile, salutes. Hæc posito peregrinæ pileo, gratiisque actis, se facturam recepit, si modo digna haberetur: simulque hoc simulacrum vidit à cruce detraxisse brachium dextrum, quo electæ suæ sponsæ Irmgardis benedixit. Inde rursus gratiis Deo dictis propter longum illud iter nec frustra nec temere factum, Coloniam reverisa est, & præfato loco provoluta ante crucem, sic inquit: Mihi singulare, idque haud leve mandatum Romæ à cruce & imagine in æde D. Paulo sacra, tibi mire conformi datum est, quæ scilicet salu-

lutari te plurimum voluit. Ad hæc è vestigio Colonienfis crux caput inclinans, inquit: Gratias ago electa mea filia. Ex hoc rumore episcopus cum solenni pompa venerabile sacramentum in hujus simulacri capite includit, quod repente etiam seipsum rursus eo modo contraxit occlusitque, ut non fuisset divulsus videretur. Hic multa contigisse miracula, & perpetuum ea ratione in lampade foveri lumen narratur. Hæc eadem comitissa insignem pagum Suchtelen in Juliacenfi ducatu legavit D. Pantaleonis hæredibus Coloniz, quare huic etiam in vicina sylva erectum fuit sacellum, quo religionis ergo Martis die post Pasche solennia confluere solet ingens eorum multitudo, qui vel morbo vel alia calamitate premerentur.

§ 4. At quum ejusmodi prodigia nostro non videantur seculo, nec judicium arti medicæ permittatur, hic Theologis non illibenter cedo: quemadmodum & in similibus quæ in hanc remnissis religiose traduntur in Chronici Casinensis lib. 4. cap. 68. item in Schedelii ætate quarta: in Vincentii lib. 26. cap. 12. lib. 27. cap. 23. 84. 98. 99. 100. 101; lib. 29. cap. 6. 7. 8. 9. 10. multisque locis aliis: uti & in continuatore Sigeberti, & ab Helmoldo in Chronici Sclavorum cap. 8. 43. 70. in Chronic. Saxoniz: item lib. 1. vitæ Bernhardi, cap. 10: in Othonis Frisingensis lib. 7. cap. 32. in Austria Cuspiniani.

*Diabolus  
quemodo  
vaticinetur*

§ 5. Potuit adhæc Diabolus ad Jovis Hammonis oraculum inquirendum in extimo sinu Libyæ, apud Garamantes, ultra Cyrenem, in solitudinibus vastis, torridis ac siccitate sterilibus, Cambyfen Cyri & Alexandrum instigare: item Pythium Delphis præ cæteris, cultu, religione, fama, opibus & donariis celebratius reddere. Novit & vaticinari ex certis indiciis vel conjecturis, sive rerum retroactarum observatione, ut hinc etiam cogitatus & sen sa pervidisse quandoque credatur: quanquam interim fallat & fallatur, tenebras offundat, veritatem caligine obscurat, atque etiam mentiatur. Nam rogatus dæmon, Porphyrio teste, etiam quæ non novit, constanter affirmat: & quæ novit, si semel vere, decies illa falso refert.

§ 6. Potest quoque plerisque locis in simulacris sua exercere ludibria, ut ad ea ex longinquis regionibus confluant imprudentes, ea venerentur incauti, adorent, eorum opem implorent in rerum angustiis, in valetudine adversa, & quacunque afflictione: quo à veri Dei cultu & ejusdem filii invocatione ad suas imposturas in  
inte-

interitum eos avocet. Sic Gallorum rusticis hanc fuisse consuetudinem scribit Severus Sulpitius, dæmonum simulachra candido tecta velamine, misera per agros suos circumferre dementia. Nec Satanae difficile est, animarum corporis mole exutarum figuram mentiri, circa monumenta versari, in cœmiteriis oberrare, spectris perterrefacere hæredes aut alios, ut ad illicitos cultus, veritam religionis ergo peregrinationem, justorum & parentalium præscripta forma per solutionem damnosam, imperitos, minusque Deo fidentes cogat. Visum est & spectrum, quod à presbytero flagitaret absolutio- Lib. 1. in  
vita D.  
Martini.  
nem, quia citra confessionem decesserat. Conatur itidem imbecilles fide præcipientes agere, sortes vero diversis modis semper impugnare, si qua ratione eos agere transuersos posset: item desperantes, credulos, maleque sanos pollicitationibus & gloria ditare, in spem felicitum successuum illectos perimere, aut tristitiam eventuum metu in- Eraslib 21  
epist. penult.  
jecto cruciare. Mich Psill.

§ 7. Novit adhæc varias ostentare formas, inania idola arte mira conformare, visus organum turbare, oculos perstringere, falsa pro veris singulari dexteritate ne agnoscantur, proponere: quæ vere sunt, ut non appareant, velare: & quæ revera non existunt, ut esse appareant exhibere: se in mille species transformare, Præterquamque agere: & ut canit Poëta,

*Tum varia illudant species atque ora ferarum.*

*Fiet enim subito sum horridus, atraque tygris,*

*Squammosusque draco, Et fulva cervice leæna,*

*Ant acrem flammis sonitum dabit:*

*Omnia transformans sese in miracula rerum,*

*Ignemque horribilemque feram fluviumque liquentem.*

*Ving +  
Georg.*

§ 8. Consvievit & hominum mentes multifariis phantasmatum ludibriis vitare, vigilantes perturbare, dormientes in somniis terere, peregrinantes à recto itinere seducere, errantes atque etiam alios quandoque ridere, alias terrore concutere, multa labyrinthis opinionum inextricabilibus implicare & innectere, retriora mala plerumque boni specie ferere, & veritatis confessione in suam illicere nassam, graviusque fallere.

§ 9. Solet quoque lac vaccarum cohibere, & ne in buryrum coalescat impedire: vinum aliunde adferre, claustra reserare: præterea occyssime res varias, velut panni lacinias, ossa, ferramenta, clavos, acus, aciculas, fila, eorumque globulos, intortum capillitium,

*Julius Ob-  
sequens, de  
Prodigiis.*

tium, ligna, idque genus portenta in vivorum extremas fauces, nec penitus, quo ore rejiciantur, ingerere: in mortuorum ventriculum & partes alias præstigiis aptas, & post mortem sectas ligna, cultros, & quæcunque vis alia, fallaciter arte dolosa inter secandum inferere: nec solum talia ostentare, sed etiam partes vitales prius ex astantium oculis in ejusmodi anatome auferre ac summovere, quam animadvertatur. Neque vero per alium, neque alia ratione in extorum nefanda observatione apud veteres olim ea procurata fuere miracula, ut Cæsari Dictatori exta sine corde sint inventa: Posthumio vero consuli, Catoni, Decemviris, Herennio, Lucilio Lupo immolantibus in plurimis victimis modo jecur, modo caput jecinoris defuerit.

§ 10. Similiter ex parte postica & uteri collo novit implicatos crines, atenæ copiam, clavos ferreos, ligna, vitra confracta, stupam, lapides, ossa, & similia præstigiis movere, offuscata interim oculorum acie: insecta auribus furtive immittere, quæ postea vel prodeant, vel evolent. Hæc à me visa sunt alata, ex auribus cujusdam virginis Hentricæ nomine, misere à dæmonio exagitata, desumpta. Proclive illi quoque est, ulcere corpus defædare, pudenda meliceride vel ulcere sanioso inficere, evirationis persuasionem falso inducere, corpora tota obsidere, eaque sursum ac deorsum distrahere, quando & quamdiu à Deo permittitur. Hujusmodi violentam virginis prædictæ sublationem in arce Caldenbroce apud Geldros, Deo juvante, alias intrepide relucando impedire valui: à morsus tamen interius inflictu, quo manus meas mire impetebat, in horribili illa subvectione, anxie cavendum erat. Cur enim non tam meos promovere conatus in juvando, quam dæmoni permittere sua studia in lædendo, potuit Deus?

§ 11. Assuevit præterea varie corpora transferre, eorumque humores commovere, originem nervorum in cerebro turbare, quo atrocissimis rarissimisque convulsionis speciebus, jactu tractuque incredibili, & quasi crepantibus sonitu horresco juncturarum compagibus, in admirationem, diffidentiam, sinistram de aliis opinionem, ad mendacia, verita auxilia & cædes, homines compellat. Ad hunc modum nervos & musculos præter voluntatem inordinate crudeliterque convellere potest: plerumque ~~trahere~~ *trahere* ciete, ut cervix una cum corpore immobilis maneat, & in neutram inflectatur partem, sed juxta in utramque partem intendatur: subinde ~~trahere~~ *trahere*

*267099*

*diſtorſer* vel tensionem ad anteriora excitare valet, ut caput, cervix, reliquumque corpus, jugularibus venis mirum in modum circum collum distentis, contrahatur: quandoque *indistorsus* vel tensionem ad posteriora citare tam vehementem solet, ut caput in dorsum & scapulas graviter convellatur, cruribus interim contractis: item diversas horribilium convulsionum facies, multifariam & inæqualiter in membris producere: nonnullis totum corpus, ceu articulis tormento luxatis divulsisque enervare, aut palpitantium, trepidantiumve musculorum speciem inferre: quibusdam os & oculos truculenter intorquere, septum transversum in homine ita constringere, ut spiratio vix difficulter duci queat, arteriis interim pulsantibus leviculum inferens impedimentum, sed ventriculum singulibus frequentibus convellens. Interim hic præstantissimos sæpe medicos ludificat, qui ejuscemodi morborum dira contuiti symptomata, imò larvas, ad naturales ea referentes causas, frustra curationem medicamentis tentant.

§ 12. At aquam etiam conjurationibus sacratam se formidare impense, gestibus & voce in corporibus quæ obsidione coercet requirit, simulat: quemadmodum se naribus extrahi, virtute radicis incluse annulo ex Solomonis, ut fertur, doctrina naribus admoto. Deinde multa observare assolet, artificioseque imitari, seu vere seu falso: plurima eorum quæ acta aut prodita sunt, incredibili solertia ratiocinari & colligere: varia ex noris naturalibus argutissime elicere, penitissimeque eruere: diversa in imperiorum & hominum privatorum negociis moliri, mira astutia contexere telam longam, variam nobisque inextricabilem, qua inopinato insperatoque implicantur & irretiuntur certe plurimi: tandem homines, bestias, aerem conturbare, prodigia meteoris similia in cælo effingere, figuras confligentium exercituum exprimere, clangores tubarum, armorum strepitus, ferientium se mutuo & ex istibus collabentium sonitus, voces eiulantium aut exultantium imitari, scelerate abuti natura rerum ad generis humani perniciem, callide exitiosas præstigias physicis effectibus conformare, & multa in ordine causarum suo tenore progressuque agentium confundere, mala quanta potest calliditate attrahere & urgere, in cervices nostras cogere & contorquere, bona abigere atque excludere: quinimo ea interdum suadere, sed propter mala: suadere quoque mala sub specie bonorum: dissuadere mala ut ducat ad peiora, tandem etiam cælum terræ miscere & involvere.

E

§ 13. Pro-

*Joseph. lib.  
8. antiq.  
Judæi. cap.  
2.*

*Adversus  
gentes. ca.  
22.*

§ 13. Proinde in Apologetico scite testatum reliquit Tertullianus, inquit: Dæmonum operatio, est hominis everfio. Sic Spiritualis malicia à primordio auspicata est in hominis exitium. Itaque corporibus quidem & valetudines infligunt, & aliquos casus acerbos: animæ vero repentinos & extraordinarios per vim excessus. Suppetit illis ad utramque substantiam hominis lædendam subtilitas & tenuitas sua multum spiritualibus viribus, licet & invisibiles & insensibiles in effectu potius quam in actu appareant: si poma, si fruges nescio quod auræ latens vitium in flore præcipitat, in germine exanimat, in pubertate convulnerat: si cæca ratione tentatus act, pestilentes haustus suos effundit. eadem igitur obscuritate contagionis, aspiratio dæmonum & angelorum mentis quoque corruptelas agit furoribus & amentitiis, fœdis ac fœvis libidinibus, cum erroribus variis: quorum iste potissimus, quod eos ipsos captis & circumscriptis hominum mentibus comedat, ut & sibi pabula propria nidoris & sanguinis procuret, simulachris imaginibus oblata: & quæ illi accuratior pascua est, qua hominem cogitatu veræ divinitatis avertat falsis præstigiis: quas & ipsas quomodo operetur, expediam. Omnis spiritus ales est. Reliqua Tertulliani verba supra recitantur Cap. 10.

*Mentiendo defunctorum spiritus, quibus præstigiis religiosos  
ludificare solet diabolus, ostenditur præscripta eorundem  
spirituum inquirendorum formula.*

#### G A P. XIII.

U t evidentius omnium oculis pateat, dæmonem quandoque etiam ordinis Ecclesiastici viris illudere, atque mortuorum sæpe animas imitari, ex Tractatu Jacobi de Chusa ordinis Carth. Theologiæ professoris, de Apparitionibus quorundam spirituum, & quomodo inquiri & agnosci debeant, si vere aut fecte appareant, ipsius verba fideliter hic adjungam, maxime quod mysterii loco præscriptum hoc conservari apud ejusmodi professionis homines non ignorem.

§ 2. Primo videtur expediens fieri jejuniū trium dierum cum aliquibus missarum celebracionibus, & devotis oracionibus, scilicet septem Psalmis pœnitentialibus sæpe repetitis. Quibus peractis, accersendi ac vocandi sunt quatuor aut quinque sacerdotes devo-  
ti. Cre-

ti. Crederem hoc aptius fieri per devotos religiosos à secularibus actionibus exocipatos, & mente in Deum elevatos, propter horrore & terrore propellendum: qui ad locum accedant, in quo spiritus se ostendere consuevit, cum humilitate cordis, & recta intentione, cessante omni superstitiosa inquisitione: non tamen sine certis ceremoniis, cum in collatione omnium sacramentorum & in missis ecclesia utatur ceremoniis. Assumatur igitur candelæ in die Purificationis benedicta, accensa, aqua benedicta & signum crucis, & si placeat, thuribulum cum thure: in accedendo orant septem Psalmos ac Evangelium sancti Joannis. Ingressi autem, locum aspergant & thurificent. Non tamen dico de necessitate omnia fieri sive requiri, sed æstimo ita expedire: quia non habeo de his fundamentum necessitatis ex Scriptura, sed aliqua exempla sanctorum super his legi. Stola etiam sancta non videtur esse inutilis. Ingressi igitur locum, flectentes genua, ut videtur, hanc humiliter per unum eorum dicant orationem sequentem: Domine JESU Christe, omnium secretorum cognitor, qui semper tuis fidelibus & parvulis revelare salubria & utilia consuevisti, quique in hoc loco spiritum quendam se ostendere permisti: humiliter obsecramus benignissimam tuam misericordiam per passionem tuam, & preciosissimi sanguinis tui pro peccatis nostris effusionem, ut digneris præcipere huic spiritui, ut sine terrore & læsione nostra & omnium hominum, se relever, significans famulis tuis, nobis vel aliis peccatoribus, quis sit, & cur venerit, & quid desiderium suum existat, ut tum exinde honorari valeas: & ipse, si possibile est consolari, & fideles tui iam sublevare, in nomine Patris & Filii & Spiritus sancti, Amen.

§ 3. Post hæc ad interrogatoria veniendum est, ut puto, sic dicendum: Obsecramus per JESUM Christum, tu spiritus ut dicas, quis sis: & si est aliquis inter nos cui velis respondere, & ut nomines eum, aut per signum eum significes. Est ne ille N. aut iste N. & sic de singulis, quotquot sunt præsentibus, nominando specialiter: quia expetrum est, quod non respondet cuilibet. Si autem aliquam vocem aut pulsum fecerit ad alicujus nominationem, illi committantur alia interrogatoria, scilicet, cujus hominis anima fuerit, & propter quid venerit, & quid desideret? Si suffragia pro se fieri desiderat: an in missis, an in eleemosynis: aut quot missas, tres, sex x. xx. xxx. &c. & per quos sacerdotes, religiosos vel seculares? & si jejunia, quæ, quanta, & quot, & per quas personas? Si eleemo-

synas, quas & quot & quibus personis? aut in hospitalibus aut leproforiis, aut aliis mendicantibus & pauperibus? & quod erit signum suæ perfectæ liberationis, & propter quas causas sit deputatus pœnis purgatorii? quia beatus Gregorius ponit in Dialogo multa exempla, in quibus animæ defunctorum per se expresserunt viva voce causas purgationis. Nulla tamen superflua, curiosa, inutilia, aut superstitiosa sunt ab eo investiganda, nisi ea per se proprio motu voluerit revelare. Et in diebus festivis & tempore sobrio, puto ante prandiū, convenientius hanc fieri inquisitionem: aut forte si tempore noctis, magis Deo placuerit, ut fieri solet. Sed si forte nullum signum appareret illa hora, ex tunc differendum est ad aliud tempus, donec iterum se spiritus manifestet, relicta ibi aqua benedicta & cruce: quia Dei occulto iudicio certis horis & personis, non omnibus se revelant. Nec timendum est, quod spiritus ille personam talem in corpore lædat, si est bonus spiritus: hoc non est expertum, ut credo, aliquando. nam jam expectat statum merendi aut demerendi: nec peccare amplius potest, sed est in medio statu inter bonos & malos, certus de sua prædestinatione: sed adhuc in satisfactionis statu, scilicet in pœnis ad tempus, &c. Quod si talis spiritus aliquem offenderet in corpore, jam suspectus esset, quod non esset unus de bonis, sed de reprobis, salvo iudicio divino.

¶ 4. Notandum secundum eundem doctorem: Non omnibus hominibus fortè expedit indifferenter prædictis revelationibus & apparitionibus interesse, nisi valde fortiter complexionatis, qui non de facili terrentur: quia per experientiam puto scire, quod aliqui visis istis aut locis pœnalibus, inciderunt in incurabilem infirmitatem. Oportet ergo dispositos esse tam in corporis complexionem, quam in animæ purgatione, qui de his investigare volunt. Quia enim non est proportio inter animam viventem in corpore, & animam exutam à corpore; ideo semper terrore apparent hominibus viventibus: nec mirum, quia etiam sancti angeli non nisi cum terrore magno etiam viris sanctis apparuerunt, sicut patet in plerisque locis sacrarum Scripturarum.

¶ 5. Secundo notandum de tempore apparitionis animarum, quo ad earum revelationem; credo, quod hoc pendeat ex divina voluntate, licet frequentius legamus noctis tempore tales factas, propter quietationem sensuum exteriorum, & curarum secularium cessationem, quando homo est magis capax ipsarum, ac magis dispositus.

*Tum facilius falluntur homines tenebrarum umbram terrent, & quod non fati dyndi-*



dispositus. Reperiuntur etiam tempore diei se animæ revelasse ac ostendisse. Quantum autem est ad se, ipsæ semper paratæ essent se ostendere propter celeriores liberationem.

*quæ audiunt & non videntur vel quæ videre videntur.*

§ 6. Tertio notandum, quod diversis appareat modis: non quidem semper apparent in corpore, aut in effigie corporali, sicut dæmones leguntur in assumptis corporibus apparuisse, ut in vita S. Martini legitur: sed invisibiliter, ut solum sonus, vox aut strepitus percipiatur à viventibus, scilicet percussio, sibilatio aut sternutatio, gemitus aut luctus aut planctus; aut plausio manuum, ut attentos reddant homines ad inquirendum & respondendum: unde creditur, quod in locis separatis ab hominibus se non ostendant, saltem ista causa liberationis scilicet, quæ cessante causa, cessat & effectus; licet in locis seorsum possint puniri.

*Quia ibi nullus saltem loci.*

*Quomodo & qua substantia commoditate tam varia machinetur Diabolus, ex Psello: interjecta historia de bestiola xamilitis dormientis ore egressa, & rursus ingressa.*

## C A P. XIV.

**A**TQUI fusiores, ea quæ diximus, aliaque similia agendi modum & rationem, Michaëli Psello explicavit quidam Marcus, dæmonii cultor eximius, in Chersoneso Græciæ contermina vitam solitariam degens. Dæmones, ait, licet sexu & propria lingua careant, corpus tamen illud æereum sibi concessum, pro arbitrio velut nubes vento flante, in varias formas mutant, contrahuntque atque extendunt; quemadmodum lumbricis videtur accidere ob substantiam molliorem, ductuque facillimam: neque solum magnitudine diversitas in eis accidit, verum etiam figuras coloresque variant multiformes. Corpus enim dæmonis ad utrumque est natura paratum, quæ enim ratione est natura facile cedens, sic in varias figurarum species transformatur: quæ vero æereum est, diversos aeris instar colores subit. Sed aer quidem extrinsecus coloratur; corpus vero dæmonis, juxta animi sui affectus, species colorum mutat, velut & hominis: sed longe melius, ut quod animæ sit obedientius. Omnia tamen celeriter dilabuntur, ob corporis mobilitatem, tenuitatemque. Sic tanquam vitæ apparet & mox occurtit ut fœmina: Leonis more fremit, saltat ut pardalis, latrat ut canis, atque ad utrisque formas se aliquando transfert.

*Psellus de dæmonibus. Marcus dæmonis cultor.*

*Lib. Coronarum 18.*

*Mustela similitudo bestiola videtur ex milite dormientis ore egredi, rursusque ingredi*

§ 2. Lubet non inelegantem hoc loco historiam apte interponere. Refert Helinandus monachus, se audivisse ab Ebaudo patruo suo, qui à cubiculis erat Henrico, Remensi archiepiscopo & Ludovici Gallorū regis fratri: quod Henrico archiepiscopo ætate quadam in itinere somnum meridianum capiente, miles quidam inter ceteros aperto & hiantē ore post prandium dormiret, è cujus ore visa est ab aliis vigilantibus quædam alba bestiola mustelæ similis exiisse, atque ad vicinam ibi rivulum procurrisse. Cumque sursum deorsum in ripa rivuli anxia cucurrisset, nec transeundi viam inveniret, quidam ex astantibus accedens, evaginatū gladium, rivulo angusto, veluti pontem faciens, imponit. Bestiola ilico rivulum super gladium transgrediens, longius procurrit, & sese subduxit. Paulo post redire visa, cum iterum notum pontem quæreret, atque eo jam sublato discurrens, transire non valeret, idem ille, qui antea, rursum rivuli ripas. imposito gladio conjungit atque abscedit. Tum transit bestiola, & ad dormientis adhuc patulum os rediens, videntibus omnibus ingreditur: ac ilico, qui dormierat expergiscitur, rogatusque, num quid in somno passus esset? respondit, se fessum esse, & fatigatum, tanquam ex difficili & longoitinere: in quo bis, super pontem ferreum, flumen transivisset. Unde socii collegerunt, cum, quæ ipsi viderant, vere somniasse.

*Lib. 7. cap. 52.*

§ 3. Mihi vero diaboli ludibrium esse videtur, qui, ut vigilantes socios falleret, aut animam hominis corpoream esse, ideoque interituram cum corpore, ipsis ostenderet persuaderetque, idolum hoc, extens dormientis corpus, & ingrediens, oculis objecit. Reperimus, inquit etiam Plinius, inter exempla Hermotimi Glazomenii, animam relicto corpore errare soliram, vagamque è longinquo multa annunciare, quæ nisi à præsentī nosci non possent: corpore interim semianimi, donec cremato eo inimici, qui Cantaridæ vocabantur, remeanti animæ velut vaginam ademerint. Aristei etiam visam evolantem ex ore in Proconneso corvi effigie, magna quæ sequitur fabulositate, &c.

§ 4. Simile quiddam de Guntiano rege legitur: neque id mirum est. Nam præter supradicta idem etiam Marcus, loco paulo ante citato, deinde refert. Spiritui, qui nobis inest, phantastico propinquant dæmones; utpote qui & ipsi spiritus sint: verba perturbationum & voluptatum nobis insinuant, non emittentes quidem vocem pulsatione quadam & sonitu, sed sermones suos absque

que sonitu, immittentes. At quonam pacto inquam, responderet Pſellus, sine voce sermones nobis ingerere possunt? Quid mirum, ait Marcus, si modo illud animadvertas, quemadmodum videlicet, qui loquitur, si procul loquatur, vehementiore clamore eget: factus vero propinquior, in audientis aurem susurrando subloquitur: qui, si posset cum ipso animæ spiritu copulati, nullo sono prorsus egeret: sed sermo ejus voluntate conceptus, nullo penitus sono audienti illaberetur.

§ 5. Et paulo post: Sicut aër presente lumine colores & formas accipiens, traducit in illa, quæ naturaliter accipere possunt, sicut apparet in speculis, rebusque quasi specularibus: sic & dæmoniaca corpora, suscipientia ab ea, quæ inanis est essentia phantastica, figuras atque colores, & quascunque ipsi voluerunt formas, in ipsum animalium nostrumque spiritum transmittunt, multa nobis negotia præbent, voluntates & consilia suggerentes, formas subindicantes, suscitantes memorias voluptatum, simulachra passionum frequenter concitantes vigilantibus atque dormientibus: Nonnunquam vero femina sſobis & inguina titillantibus incitantes, infanos & iniquos amores subjiciunt & subacuunt: præcipue autem, si humores calidos humidoſque ad id conducentes nacti fuerint. Sed hi Platonis galeam subinducentes, perturbant animas arte quadam, & sophistica fraude. Hactenus Marcus, quem magnam Irenæus & Epiphanius, magicæque imposturæ expertissimum vocant.

§ 6. Ille & de quodam genere ejus fascini, quo in distributione doni sœz gratiæ usus est, ita refert, quod solitus sit spectatorum & auditorum suorum oculos perstringere calice vino repleto, quod rubrum & purpureum subito apparere fecit, ut putaretur supernarum potestatum sanguis in calicem destillasse, &c. Plures ejus illusiones apud Irenæum lib. 1. cap. 9. & reliquis.

§ 7. Trithemius adhuc nullam figuram magis, quam hominis, dæmones sibi coaptare docet. Cæterum, quando ad hanc non invenerint convenientem aëris materiam, apparentem formam sibi eos inducere ait, prout contrarius vel humor vel vapor effingat, & sic in forma conspiciantur plerumque leonis, lupi, suis, asini, hippocentauri, hominis cornuti, etiam caprinis pedibus, quales variis in locis quandoque apparere: sicut de Morpheo filio Somni fabulatur poëta. Cui enim melius illud Ovidii conveniat?

*Excitat artificem simulatoremque figuræ*

*Morpheæ.*

Doce-

Docebitur hoc capitibus sequentibus per exempla, cum vetera, tum recentia.

*Exempla variae formæ larvarum & actionum demoniacarum memorabilia.*

C A P. XV.

**M**EMORABILIA variae formæ larvarum & actionum demoniacarum exempla describit C. Plinius junior, in hæc verba, & primum de Curtio Rufo. Tenuis adhuc & obscurus obtinenti Africam comes hæserat. Inclinato die spaciabatur in porticum: offertur ei mulieris figura, humana grandior pulchriorque: perterrito, Africam se futurorum prænunciam dixit. iturum enim Romam, honoreisque gesturum, atque etiam cum summo imperio in eandem provinciam reversurum, ibique moraturum. Facta sunt omnia. Præterea accedenti Carthaginem, egredientique navem, eadem figura in littore occurrisse narratur. Ipse certe implicitus morbo, futura præteritis, adversa secundis auguratus, spem salutis, nullo suorum desperante, projecit.

§ 2. Jam illud nonne & magis terribile, & non minus mirum est, quod exponam ut accepi? Erat Athenis spaciofa & capax domus, sed infamis & pestilens. In ea per silentium noctis sonus ferri, & si attenderes acrius, strepitus vinculorum longius primo, deinde proxime reddebatur: mox apparebat senex idolorum, macie & squallore confectus, promissa barba, horreni capillo, cruribus compedes, manibus catenas gerebat quatiebatque. Inde inhabitantibus tristes diræque noctes per metum vigilabantur: vigiliam morbus, & crescente formidine mos sequebatur. Nam interdiu quoque, quanquam abscesserat imago, memoria imaginis oculis inhærebat, longiorisque causa timoris timor erat. Deserta inde & damnata solitudine domus, totaque illi monstro relicta. Præscribebatur tamen, seu quis emere, seu quis conducere ignarus tanti mali vellet.

§ 3. Venit Athenas philosophus Athenodorus, legit titulum, auditoque precio, quia suspecta vilitas, percunctatus, omnia doceret: ac nihilominus, imo tanto magis, conducit. Ubi cæpit advesperascere, jubet sterni sibi in prima domus parte: poscit pugillares, stilum, lumen, suos omnes in interiora dimittit: ipse ad scribendum, animum, oculos, manum intendit, ne vacua mens audita simula-

chra

*Lib. 8. epist.  
ad Suram.*

*Damon  
mulieris  
formæ Cur-  
tio Rufo ap-  
paruit.*

*Sabellio.  
Exempl. x.  
3.  
Damonis  
idolo infam-  
is domus  
Athenis.*

*Athenodori  
philosophi  
obfirmatus  
contra da-  
monia terri-  
culamenta  
animi.*

chra & inanes sibi metus fingeret. Initio, quale ubique, silentium noctis, deinde concurti ferrum, vincula moveri. Ille non tollere oculos, non remittere stilum: sed obfirmare animum, auribusque prætereundum crebrescere fragor, adventare etiam, ac jam ut in limine, jam ut intra limen audiri respicit, videt agnoscitque narratam sibi effigiem: stabat, innuebatque digito, similis vocanti. hic contra, ut paululum expectaret, manu significat: rursusque ceris & stilo incumbit. Illa scribentis capiti catenis insonabât: respicit rursus idem, quod prius, innuentem; nec moratus, tollit lumen. & sequitur. Ibat illa lento gradu, quasi gravis vinculis: postquam deflexit in aream domus, repente dilapsa deserit comitem: desertus, herbas & folia concerpra signum loco ponit. Postero die adit magistratus: monet, ut illum locum effodi jubeant. Inveniuntur ossa inserta catenis & implicita, quæ corpus ævo terraque putrefactum, nuda & exesa reliquerat vinculis. Collecta publice sepeliuntur, domus postea reconditis manibus caruit.

§ 4. Item, apud Aetium M. Antonii fratris copiis, Cassius Parmensis, qui patres ejus securus fuerat, Athenas confugit. Ubi concubia nocte, cum solitudinibus & curis mente sopita, in lectulo jaceret; existimavit ad se venire hominem ingentis magnitudinis, coloris nigri, squallidum barba, & capillitio demisso: interrogatumque quisnam esset, respondisse, *καὶ δὲ μέγας*. Perterritus deinde tam terro visu, & nomine horrendo, servo inclamavit: sciscitatusque est, si quem talis habitus aut intrantem cubiculum aut exeuntem vidissent? quibus affirmantibus, neminem illuc accessisse. Iterum quieti & somno se dedit; atque eadem animo ejus obversata est species. Itaque fugato somno, lumen intro ferri jussit, puerosque à se discedere vetuit. Inter hanc noctem & supplicium capitis, quo eum Cæsar affecit, parvulum admodum tempus accessit. Facile hujus mortem poterat diabolus prænovisse, ex Cæsaris in hanc rem apparatu & verbis. Describit quoque Valerius, Julii simulachrum, quo post mortem C. Cassio suo interfectori apparuerit.

§ 5. Dionysius Syracusanus brevi antea quam interimeretur, confedit in sua domo, cogitationibus molestis gravatus: tum illi apparuit imago illa deformis, habitus satanici, scopis domum verrens & expurgans. Unde ille usque adeo extimuit, ut noctu solus in ædibus manere noluerit: sed quosdam amicos rogavit, qui cum ipso pernoctarent.

Max. 1.  
c. 5.  
*καὶ δὲ μέγας*  
apparet  
Cassio  
Parmensi.

Li. 1. ca. 6.

*Dionysium*  
*Syracusanum*  
extorruit  
speciem.

*Pintarchi  
vita Cæ-  
sar. paulo  
aliter.*

§ 6. M. Brutus, quum ex Asia contra Octavianum & Antonium aliquid grave moliretur, contigitur in suo cubiculo apud lumen consideret, ardua meditatus & animo volutans: interim animadvertit aliquem ad se cubiculum ingredi. Apertis oculis circumspiciebat, num quis ex familia vel ministris aliquid vellent: inopinato videt imaginem formidabilem & admitandum corporis tyrannici & agrestis. Hic Brutus multo animosior liberiorque Dionysio, sciscitabatur, Num spiritus esset, vel aliquis deorum, & quid vellet? Cui occulto murmure responder spiritus: Diabolus sum, & spiritus malus; in Philippiis deum me videbis. Inquit Brutus ingenuè, ut vir Romanus & magnanimus: Imo sine me te iterum videbo. Quum autem ex famulis studiosè inquireret, num ingredi aut egredi aliquem observassent? respondebant, Non. Hinc perterritus Brutus, infelicem instituti sui prælii successum verobatur: quemadmodum evenit.

*Aug. Poli-  
tici n. 18.  
e. 58.  
Monstruosa  
species appa-  
ret diaboli-  
tus.*

§ 7. Quum bellum inter se Romani Africanique gererent, & utraque in procinctu jam staret acies, extitit repente quidam monstruosa specie, pelle amictus furva, vociferans. Jubere Ditem patrem, deamque Proserpinam, fieri sacrum sibi, priusquam committeretur prælium. Quo viso perterriti Romani, protinus aram sub terra ædificaverunt, & statim, sacrificio facto, pedum viginti aggerem contexerunt, ut ea ab omnibus præterquam Romanis ignoraretur.

*Julius Ob-  
sequens.*

§ 8. M. Claudio Marcello & Lucio Valerio Flacco Coss. Romæ multis locis species togarum visæ fuerunt, & appropinquantium oculos eludebant. Unde respondebant aruspices, magistratum & sacerdotum interitum fore. Cajo Lepio, Lucio Domitio Coss. Fefalis ingens multitudo inter sepulchra lugubri veste, pallida facie interdiu gregatim ambulare visæ fuit, cum nil nisi spectra essent. Cajo Paulo & Hircio Coss. Cæsari unam bestiam immolanti, duplici extra apparuerunt. Tagen extispicinæ & aruspicinæ auctorem Cicero tradit ex Hetruscorum libris, cum terra araretur, & sulcus altius actus esset, repente ex sulco apparuisse pueri specie, sed senili prudentia; & eum, qui arabat, allocutum fuisse; & cum ejus aspectu obstupescens bubulcus exclamasset, populum in eum Hetruræ locum concurrisse: puerum multa locutum, sed nil nisi de notandæ aruspicinæ doctrina: quod omen populus excepit, & literis mandavit. Si verum hoc sit, quis dubitet, ipsum Tagen demonem fuisse in forma pueri declamantem? aut, ut cum Lucano loquar,

*Taget.*

*Lib. de Di-  
vinations.  
lib.*

loquat, — *Conditor artis Finxit ista Tages.*

§ 9. Quum magna esset Romæ exilimatio duorum senatorum Symmachi & Boetii, qui gener Symmachi fuit, eos Ticinum evocavit Theodoricus Gothorum rex, & diu captivos tenuit, quia aliquibus ejus decretis fuerant adversati, & forte quia impedierant, ne Arrianis ecclesiæ traderentur; & bona eorum publicavit, & tandem eos interfici jussit. Hanc injustam crudelitatem hæc secuta est poena. Non multo post eorum necem, cum cenanti propositum fuisset in mensa grande caput piscis, visus est sibi cernere caput Symmachi, horribili tictu & flammeis oculis minitantis ipsi. Repente itaque consternatus & tremens jussit se in lectum collocari, & accito medico Elpidio, narravit amicis terribilem illam Symmaghi speciem conspectam, & in deploratione sceleris sui paulo post extinctus est.

§ 10. Ingravissimo prælio Atheniensium & Persarum ajunt ante aciem terribiles sonitus esse auditos, & visa spectra, quæ Athenienses postea dixerunt fuisse speciem Panos, qui terrorem tantum Persis incusserit, ut fugerent. Inde Panici terrores postea dicti sunt, subitæ consternationes.

*Tanici terrores.*

§ 11. Saxones armatos, tradit Saxo, à Sclavis, horrenda forma, tanquam bono & optato omine, superne in vertice montis visio dæmone, fuisse interemptos: quia eo monstro veluti divinitus dati ducis adventu firmati, sumptis victoriæ auspiciis, ex improvviso Saxones eosdem prorsus occiderunt.

*Lib. 4. Hist.*

§ 12. Alexander ab Alexandro scribit, quendam suum familiarem, non ambiguit fidei hominem, amici funus curasse; & cum inde Romam revetteretur, nocte adveniente in hospitium viæ proximum divertisse, & ibi se animo & corpore fatigatum quieti dedisse. Cumque solus degeret, & adhuc vigilaret, ait repente amici nuper defuncti imaginem summo pallore & macie, ac eo ferme habitu oris, quali illum, cum ægrotaret, dimiserat, ad se accessisse: quem quum fuisset intuitus, & præ timore nec animo nec mente satis constaret, quisnam esset interrogavit. Ille autem cum nihil respondisset, exutis, ut videbatur, vestibus, in eodem, cui ipse incumbebat, lectulo se collocavit, ac prope accessit, quasi eum amplexurus. Alter vero, cum fere jam metu exanimis videretur, ad lectuli spondam secessit, illumque propius accedentem abegit: qui se repulsam pati videns, alterum torvo & minus familiari vul-

*Genial. dier. 1. 9.*

*Spectrum mirum.*

tu aspectat: resumptisque mox vestibus de lectulo surrexit, & cinctus calceatusque inde abiens, nunquam postea apparuit. Quotimodum familiaris ille percussus, gravi corripitur morbo, ut prope modum interierit. Addebat his, dum in lectulo cum illo luctaretur, se nudum illius pedem usque adeo gelidum contrectasse, ut nulla glacies huic frigori potuerit comparari.

§ 13. Ad hæc, Gordianus amicus meus, spectatæ fidei homo, mihi retulit, quum Aretium cum familiari suo profiscisceretur, & ab itinere, ut sit, longe aberrassent per difficilia & devia loca, ubi nihil viderent culti, sed saltem nemora, saltus nivei & inaccessi objicerentur oculis, & ipsa terreret solitudo, vergenteque ad occasum sole, labore fessi consedissent; tandem hominis vocem procul audiri visum est, quam sequuti, in proximo fastigio trium hominum conspiciunt imagines immanes & formidabiles ultra humanum modum, nigris & demissis tunicis, in veste lugubri funestaque, barba capilloque summisso, horribili facie. Qui quum voce gestuque ad se ipsos advocarent, ac jam prope illexissent, ingente interim corporis mole, longe humana majores apparuerunt: atque alius specie non absimili nudus, mirificos edidit saltus, gestusque indecoros. Quo spectaculo consternari fugam hi cepere; viamque arduam & præcipitem emensi, vix rustici demum vile hospitium, ubi diverterent, invenere.

*Tres visi  
damones.*

*Genal.  
dec. 4 19.*

§ 14. Idem Alexander ejusdem argumenti historias describit lib. 4. in hæc verba: Nuper amicus meus summus, ingenio & fide singulari, rem dictu admirabilem sibi evenisse narravit, ejus veritatem multorum comprobans testimonio. Se videlicet, cum apud sibi familiarem & conjunctissimum Neapoli diverteret, & nocte in tempesta hominis in via clamantis, opemque implorantis vocem audisset, accenso lumine accurrisse, & quid rei esset, inquisivisse. Ibi que dæmonem & dirum quoddam numen tetra & horribili specie conspexisse, quod juvenem vociferantem & reluctantem in via infestis manibus invadere nitebatur. Ad hunc prope accedentem miser ille accurrit, vestemque & manum, quam potuit tenacissime, apprehendit; multumque & diu frustra reluctatus, invocato numinis divini auxilio, vix tandem a dæmone se vindicat. Quum vero juvenem animo turbatum in domum recepisset, ut ab ipso dimitteretur, aut palliam relinqueretur, nunquam potuit effici: tantus enim illum invaserat horror, ut mente evicta sui non esset compos,

*De juvene  
parentem  
conmiseri-  
ro, & ab il-  
linoxerato,  
in signis  
conspicuum.*



compos, quum illi perpetuo ob oculos versari videretur illa species. Ubi tandem ad se rediisset, rem omnem, quo pacto habuerat, exposuit. Fuerat autem sceleratæ vitæ, contemptor Deæ & parentibus immorigerus: quos tunc objurgarat, contumeliasque & intoleranda probra in eos congesserat, ut ab illis consecratus diris execrationibus abierit.

§ 15. At ne cui hæc vana fictaque appareant, Thomas monachus homo minime malus, cujus fidem probitatemque in rebus non paucis expertus sum, serio mihi retulit, quum in monasterio & sacris ædibus, sitis in Lucanis montibus, cum pluribus altercatus fuisset, & post multa convicia rixasque animo perturbato solus secessisset per nemora, se speciem hominis vultu tetro, aspectu defotmi sævoque, nigra barba, promissis runicis, obviam habuisse. Qui rogatus, quid solus per devia oberraret loca? respondit, se equum, quo vehi solet, amisisse, & sua opinione in proximos excurrisse campos. Cumque per sinus invios equum una quæsitum pergerent, ad rivulum, in cuius alveo gurgites larebant formidabiles, devenerunt. Quare monachum calceos exuentem in faciliorem transitum, magnopere urgebat alter, ut in ipsius conscenderet humeros, transferendus ab eo, qui major erat corpore. Ille acquiescens, collumque amplexus alterius vada inquirentis, pedes ipsius non humana, sed tetra & deformi specie contuetur. Qua re animadversa, terrore perculsus, divinam implorat opem: atque e vestigio dæmonem & simulachrum illud dirum, audita invocatione divina, murmure querulo & turbine usque adeo valido profugisse asseverat, ut imminensem quercum ingenti colliserit impetu, & infractis ramis radicitus everrerit. Se autem consternatum & velut exanimem diu jacuisse: & nisi prævidisset, diabolum in vortices & voragines fluvioli præaltas ipsum præcipitaturum fuisse, atque interempturum, persuasum habet.

§ 16. Sed præ omnibus quæ audiverim aut viderim, res est admiratione digna, quam recenti memoria evenisse Romæ comperimus. Quum apud Gabios quidam infimæ fortis & obscuris natalibus adolescens, furiosus, corruptorum morum & facinorosæ vitæ, parentem obiurgasset, conviciisque proscidisset, iis agiturus furiis. dæmonem invocat, cui se devoberat; Romamque meditat, ut gravius aliquod flagitium in patrem moliretur. In itinere dæmonem facie hominis truculenta, sordida barba & capillo, vesteque obsoleta & squalida obviam habuit: qui comitatus, tristitiz & anxietatis

ris causam ex juvene pereundatur. Hic, sibi quid altercationis fuisse comperire, & scelus aliquod jam animo constituisse, respondit. Cui dicitur, sibi eandem obvenisse sortem ait, peregendumque ut suas simul ulciscantur injurias. Cumque nocte appetente ad urbem pervenissent, in proximo diverterunt hospitio, unaque incubuerant. Juvenis vero somno oppressi jugulo manus injicit pestilens ille comes: quod jam infregisset, nisi alter expergefactus Deo supplicasset. Unde furiam illam terentiam tanta vi stridula & impetu cubiculum dicitur exeundo collisisse, ut digna & rectam diruerit, regulasque penitus perfegerit. Hoc spectaculo perterritum, & fere mortuum adolescentem vidofitatis & antea vite penituit: Qui alio afflatus spiritu perosus scelera, boni exempli vitam procul à populi tumultu egit. Hæc Alexander.

*A dæmonis  
exagitatus  
juvenis pa-  
rentibus im-  
morigerus,  
resipiscit.*

§ 17. Mercurius Alexandræ Abbas nocte præventus, etnuncum fortè sepulchrum subiit cippo submerso, ut in eo somnum caperet. Ubi vocem audire imaginatus est ex iis ossibus redditam, quibus dormiens incumbere: Venirem, si possem: sed premor pondere super me cubantis. Tum ille: Exi, inquit, & abi, si poteris: ego hic, te vel notente, pernoctabo.

### *Alia Larva Demoniacæ.*

#### C A P. XVI.

**F**ACTAM olim Hectoris & Achillis fuisse mentionem in aula Imper. Maximiliani primi narratur. Qui ubi à quodam isti consiliario vehementius laudarentur tanquam viri robore & fortitudine præstantes, se optare eorum effigies & magnitudinem contueri, ait Imperator. Erat iisdem forte diebus in aula magus infamis, se id tuto præstare posse jactans. Quo cognito, ab Imperatore accitur, suæque artis specimen edere jubetur. Se id quidem facturum citra læsionem respondit, si modo tantisper, dum hi viri apparerent, sileretur. Fide taciurnitatis & præmii accepta, in circulo ingenti cum solio regio collocat Imperatorem magus, inde quædam ex libello submurmurat; protinusque ostium eo modo pulsat Hector, ut universa contremisceret domus: eoque aperto, ingreditur sua panoplia instructus, longe splendens in manu hastam gestans ferream, oculisque flammeis terribilis. Statura superabat quosconque grandes nostri seculi viros. Postea simili corporis majestate apparuit Achilles, vultu

vultu torvo Hectorem intuitus, crebroque hastam ferrugineam, quasi Hectorem invadens, vibrans. Et quum delato Cesari, bonore, ter hunc eundo & redondo prateriissent, mox evanescere. Hos insequutus est larvatus vates David, corona & magnificentia regia insignitus, citharamque portans, atque erat hujus, quam priorum duorum, plausibilior vultus. Hic quoque suo incessu ter Maximilianum in regia cathedra sedentem citra ullius honoris dilationem prateriit, indeque disparuit. Rogatus ab imperatore magus, cur honorem denegasset David? respondit, cuncta regna à Davidis regno vinci, & Christum æterni Dei filium ex Davidis stemmate ortum esse.

§. 2. Tibicen quidam Hammelæ Brunsvicorum ad eliciendos glances conductus, sequenti rependit sadinore ingratitudinem, cum illi ex pacto non satisfaceret. Anno siquidem M. C. C. LXX. X. IV. die XXVI. Junii, hunc tibicinem, Omnicolorem nuncupatum ob vestis varietatem, centum & triginta pueri per plateam inde nomen, ut audies, sortitam, non procul extra civitatem usque ad Calvarie locum sub Koppen nuncupatum, ad viam communem Boream versus situm, sequi periere, nec unquam postea apparere. Hæc ita in annalibus conscripta, Hammelæ in archivis religiose custodiuntur. Leguntur & in libris templi sacris, atque in ejusdem vitris pista conspiciuntur: cujus rei oculus equidem testis sum. Nevastior præterea Magistratus in historia hujus confirmationem suis codicillis publicis inscribere solet conjunctim, Anno Christi, &c. & exitus puerorum anno, &c. Observatur vero in hunc usque diem ad perpetuam rei gestæ memoriam, quod tympani sonitus nunquam in eadem admittatur platea, per quam egressi pueri, si forte isthinc aliqui adducuntur sponfa, donec ex illa exierit: nec etiam choreæ in eadem educuntur. Hinc & nomen consequuta est platea, Burselosestrass. Mane post septimam horam contigisse hoc fertur, & fuit in puero. Numero consulis filiam jam plenis nubilem ænis, quæ simul evanuit. Puer vero quidam non nihil sequatur, nec dum vestitus, volens suas adferre vestes, rediit domum: interea autem evanescere omnes in exigua fovea colliculi, quæ mihi ostensa est. En diabolum tibicinem sanguinarium.

§. 3. Sunt item, qui referunt, episcopum quendam die in solitudine vidisse Benedictum VI. pontificem I. S. I. post mortem equo nigro insidentem: eumque interrogasse, quid causæ esset, cur mortuus equo nigro veheretur? tum Benedictum hominem rogasse, ut pe-

*Omnicolor  
damm  
san. Hammelæ.*

*Platina de  
vitu Pontif.  
Benedictus  
est avus pon  
tifice equo  
nigro post  
mortem ve  
hens.*

ut pecunias, quas occultaverat (locum indicat) pauperibus suo nomine erogaret: quæ antea datæ fuerant eleemosynarum nomine, nihil ei profuisse, quia ex rapinis partas constabat. Facit mandata episcopus: & statim episcopatu se abdicat, monasticam amplexus vitam.

*Namcler. l. 1.  
generat. 15.  
Benedicti  
nomi.*

§ 4. Legitur etiam, pontificem Benedictum IX. anno 1056. à diabolo in sylva jugulatum fuisse, visumque postea ab eremita horribilem hirsutumque velut ursum capite asinino. Rogatus metamorphoseos hujus causam, respondit: se talem apparere, qualis vixisset.

*Ser. Salpi-  
tius in vita  
Martini  
lib. 1. item  
in vita Cle-  
mentis.*

§ 5. In vitis patrum quoque, ut D. Martini, Anthonii, Eulogii, atque aliorum, exempla extant non pauca. Inter alia legitur, monachum quendam *Magistru*, habuisse patrem non procul degentem qui filium invisurus, securim comportabat, qua in reditu ligna domum conferenda caderet: quare dæmon in angeli specie huic apparuit monacho, diabolum in patris forma cum securi adventare, ut eum jugulet, nuncians, affirmansque se ea causa prævenire admonitum eremitam, ut is Satanæ conatus præverteret, prius illum occidens, quam ab eo interficeretur. Itaque ratus patrem accedentem salutantemque esse diabolum, confestim illum interemit, & vicissim monachum dæmon e vestigio strangulat. Fabula esse videtur: si tamen vera sit historia, diabolum spiritum non alio convinci oportuisse gladio, quam spirituali, ignoravit monachus.

§ 6. Eadem fide scribitur D. Bernardo occurrisse dæmonem, qui jactabat se versiculos septem in Psalmis Davidicis scire, quos qui recitasset quotidie, non posset non in cælum pervenire. Instabat Bernardus, ut indicaret, quinam essent. Quumque ille recusaret, Nihil agis, inquit Bernardus, quandoquidem singulis diebus totum evolvam Psalterium, in quo tui quoque septem versus insint, necesse est. At dæmon veritus, ne tanti boni dedisset occasionem, maluit suos versiculos indicare. Atque hoc tantum bonum, cui simile in Evangelio non legitur, cæcæ dæmoni acceptum ferunt plerique.

*Eras. l. 22.  
epist. penult.*

§ 7. Addam non injucundum larvatarum animarum spectaculum. Quidam parochus sub diem Parasceves clam immisit in cimiterium vivos cancos, affixis ad latus cereolis ardentibus. Qui cum reperent inter sepulchra, visum est noctu terribile spectaculum, nec quisquam ausus est accedere propius. Hinc rumor atrox. Consternatis omnibus, parochus è suggestu docet populum,

has

has esse defunctorum animas, quæ Missis & eleemosynis flagitarent à cruciatu liberari. Fucus ita proditus est, reperti sunt tandem unus & alter, cancer inter rudera facem extinctam gestantes, quos parochus non recollegerat. Id genus similia, & alia tum vetera tum recentia tetriculamentorum ludibriorumque diabolicorum testimonia, possem recensere multa: at quum ea infinita multifariaque sint, & cuiusvis obvia, cognitaque, iis longiori enarratione immorati, supervacaneum existimo: potissimum, quoniam multiplicem ejus argumenti historiam, commodiori occasione sequentes suppeditabunt libri.

§ 8. Non tamen erat prætereundum, huc obiter apparitionum & figmentorum fatanicorum ingentia posse convelli plaustra ex libro Conformitatum, ob conformitatem B. Francisci cum vita Domini nostri Jesu Christi, sic inscripto à fratre Bartholomæo Pisano, approbaroque à fratre Heinricho ordinis fratrum Minorum generali ministro, anno 1389. 2. Augusti, ac impresso Mediolani apud templum sancti Satyri anno 1510. finitoque die 10. April. Hic Alcoranus Franciscanorum alicubi nuncupatur. In eo legitur, dæmonem per mulierem Ravennatem nomine Zantefem, confessum fuisse cuidam Iacobo presbytero Bononiensi, Franciscum occupare Luciferi cathedram: eundem quoque Jesu Christi esse vexilliferum, atque ea ratione Regi proximum, nec ullum ecclesiasticum ordinem esse Christo viciniorem cœtu Franciscanorum; & Franciscum gloriose latus Regis regum claudere: sedere item supra omnes cœli sanctos, excepta Dei matre, S. Joanne baptista, & Joanne Evangelista, & Apostolis.

*Conformitatum liber.*

*Franciscus Luciferi successit, & Christi vicinissimus.*

§ 9. Mirum est cognovisse Satanam, Franciscum in ejus successisse locum, & illum in cœlis servari ordinem, quum à lapsu revocare eò gradum nequiverit. At id ipsum visione observasse Rudolphum episcopum Erfurtensem, factum eo nomine monachum gregis Franciscani: duos item cives Venetos hoc vidisse scilicet, velut & fratrem Pacificum ecstasi in cœlos raptum, alibi in eodem veritatis opere narratur.

*2. Pet. 2. Videntur autem manuisse Rudolphus episcopus Erfurtensis.*

§ 10. Legenda item antiqua asseverat, monachum expulisse dæmonem, qui de Francisci sanctitate rogatus, respondit: nato Francisco, mox metu tanto fuisse percussus universum illud dæmonum collegium, tamque graves turbas motas, ut extremum adesse diem fuerint veriti. Quum vero hic se falsos viderent, inter sese dicebant,

G

puerum

puerum certe natum esse, qui averno graviter turbato, horrenda ipsos clade afficeret. Quare Beelzebub princeps euestigio in omnem terram suos ablegat investigatum, ubinam locorum hic puer mundo apparuisset. Tandem intellexere, Franciscum esse hunc, quem nimis coarctaturum Tartara, habuerunt persuasissimum. Quocirca, ut è medio rolleretur, infanti insidiabantur: sed frustra. Angelus enim Domini in peregrini forma venit ad Francisci matrem, domusque famulam, præmonitum, ut ob diaboli insidias singularis haberetur pueri ratio. Quare dæmones indignanter dixerunt: Esto, si Franciscus tolli nequit, ejus tamen ordinem persequemur, vexabimus & affligemus.

§ 11. Alibi adhæc in dicto volumine scribitur, Satanam ex obsessa femina fassum esse, cum Christus Deum patrem festinare videret ob populi peccata ad extremam mundi punitionem finemque, cum rogasse patrem, ut Franciscum sibi adjungeret, in portanda cruce manus auxiliatrices ministraturum. Inde in Francisco apparere quinque vulnorum stigmata, à Christo illi, ut suo coadjutori & in omnibus ipsi simili impressa. Sed, ne ultra clepsydram in hac narratione morer, manum de tabula.

*Monachos mentiti Dæmones à Georgio Sabino carmine depicti, Eleg. III. Similes item à Melanchthone ejusdem socero delecti.*

C A P. XVII.

URBS antiqua jacet celebri contermina Rheno,  
 Vangionum longe non ea distat humo:  
 Nescio qui Nemetes banc incoluisse feruntur,  
 Sunt ubi Francorum busta quaterna Ducum.  
 Cæsareis sedes fuit illa cohortibus olim,  
 Nomen ob id Graium Spira vocata tenet.  
 Hic humili modicis à stirpe cohortibus olim  
 Exiguæ quidam navita puppis erat:  
 Qui calamo pisces linoque madente solebat  
 Fallere, jam radios sole regente suos.  
 Is dum forte leves hamos ac retia tractat,  
 Non procul à ripa lubricæ Rhene tua:  
 Accipit per obscuræ tenebrosæ crepuscula noctis.

Obtulit

Obtulit ignoti se nova forma viri.  
 Atro testus erat monachum simulante cucullo,  
 Utque solent raso vertice tonsus erat:  
 Nauta propinquant, consueto more salutans,  
 Ecquid agis seræ tempore noctis? ait.  
 Ille sub hæc: Adsum longinquis missus ab oris  
 Nuncius, ipse tua me rogo lintre vehas:  
 Ut cito transmissio contingam flumine ripam.  
 Dixerat, assumptum navita lintre tulit,  
 Jamque fere medios cursus nox atra tenebat,  
 Flexaque lenta pigri plaustra Bootis erant:  
 Cum procul in viridi venientes margine ripæ,  
 Quinque cuculligeros rursus adesse vider.  
 Exoptatque illis piscator, ut ante, salutem,  
 Quoque velint media pergere nocte rogat.  
 E quibus unus ait: Nos magna pericula cogunt,  
 Obscura tutas carpere nocte vias.  
 Omnibus invisi sumus, intentatque nefandam  
 Sacrificis nobis turba profana necem.  
 At te si quis amor tangit, si cura piorum,  
 Transvehe navigio corpora nostra tuo:  
 Ut tumidas lati superemus fluminis undas,  
 Neve moraturis impediamur aquis:  
 Sic optata tuis fortuna laboribus adsit,  
 In tua sic multas retia piscis eat.  
 Annuit, & remo propellens navita Cymbam,  
 Mox jubet adducta scandere puppe ratem.  
 Sed mihi quis, dixit, solvet mercede laborem?  
 Alter ad hæc: Nullas seis quod habemus opes:  
 Raraque percipimus discordi muncta valgo:  
 Non tamen ingratos nos habiturus eris:  
 Si nos in solido rursus fortuna loeabit,  
 Præmia pro tali digna labore feres.  
 Solverat extremo piscator margine navem,  
 Jamque fere medias illa secabat aquas:  
 Sidereas remonent subeuntia nimbila stellas,  
 Præcipiti fertur puppis & ista noto:  
 Incipiunt nigris horrescere fluctibus undæ,

Sævaque tempestas imbris orta furit.  
Ipse repentino fassus pallore timorem  
Nauta, Quid hæc, inquit, vult nova causa mali?  
Nulla tamen pluvix venturæ signa norabam,  
Sol ubi flagrantæ æquore merfir equos:  
Nulla lacus usquam circumvolitabat hirundo,  
Ulla nec est oculis ardea visa meis:  
Tum nec Luna nigro surgebat pallida vultu,  
Clarus & occiduo lumine Phœbus erat.  
Talia jactanti, disturbant verba procellæ,  
Impediuntque graves ora loquentis aquæ:  
Pene procellosi subverſaque turbinis idu  
Navis, & insanis fluctibus hausta fuit:  
Ardua sublata tendens ad sidera palmas,  
A' superis orans navita pſcit opem.  
Quid facis? è monachis ait unus, & improbe, dixit,  
Desine voce tua sollicitare Deum.  
Mox gravi tollens immanem pondere contum,  
Nauta parum felix quo prius usus erat:  
Illius hoc humeros pulsataque terga fatigat.  
Cæsus ad extremam dum fuit usque necem.  
Proditus est tandem perversi dæmonis astus,  
Detectusque fuit fraude patente dolus.  
Vana recesserunt in inanes corpora ventos,  
Manſit & ingratus nave relictus odor.  
Mox quoque purgato fugerunt nùbila cælo,  
Et rediit pulsas aura serena notis.  
Territus hoc monstro gelidum sine sanguine corpus  
Tollit, & ad ripam navita puppe redit.  
Isthic in viridi procumbit languidus herba,  
Donec ab Eois sol fuit ortus aquis.  
Mane sub Oceanum pulsus Hyperione stellis  
Ducitur à puero prætereunte domum:  
Omnia commemorans præsentibus æger amicis,  
Clausit adhuc illo fata, suprema die.  
Postera quum croceis fulgens aurora quadrigis  
Protulerat roseas ore nitentè genas.  
Accidit & similis diverso tempore casus;



Acta sed eventu res meliore fuit.

Summa procul radiis feriente cacumina Phœbo,  
Carpebat solus mane viator iter.

Qui Nemetum postquam digressus finibus esset,  
Primus ubi positus distat ab urbe lapis :

Adventare nigro tectum velamine currum  
Conspicit, hic monachis currus onustus erat :

Ordine quem juncti septem traxerè jugales,  
Quarta sed ablato defuit axe rota :

Qui manu flexas auriga tenebat habenas,  
Tetribili naso conspiciendus erat.

Attonitus curru stat prætereunte viator,  
Nec monachos illos, spectra sed esse videt.

Evolat extemplo sublatus ad æthera currus,  
Mistaque cum fumo flamma sequuta fuit.

Tristis & infaustum belli mortalibus omen  
Horrida per nubes arma dedere sonum.

Ille statim rediens, quæ viderat indicat urbi :  
Est ea res certa cognita vera fide.

Hæc igitur vobis, alius quos sustinet orbis ,  
Carminibus duxi significanda meis.

Expositurus eram, si res interprete egeret ,  
Spectra quid infesti dæmonis ista velint.

Effera Germanos agitat discordia reges ,  
Proque cuculligeris impia bella parant.

Hæc ea tempestas, hic impar ordo rotarum ,  
Hæc & cum fumo lucida flamma fuit.

Sed Deus est nobis orandus ut arma quiescant ,  
Ille precaturis mitia fata dabit.

§ 3. Narravit item alias doctissimus Melancthon, se habuisse  
amitam : quæ ubi mortuo marito assideret foco tristior, en domum  
ingrediuntur duo : quorum hic in mariti specie , se maritum esse  
mulietis defunctum dicebat : alter longus Franciscani monachi  
formam induerat. Hic maritus ad focum accedens , mœstam salu-  
tat uxorem, eamque sine metu esse jubet, asseritque se venisse, ut  
quædam ei mandarèt. Hinc longum monachum tantisper in hypo-  
caustum secedere vult. Inde sermonem exorsus , sacrificulos tan-  
dem conduci, qui missas recitent, maximopere orat, obsecrat &

obtestatur impense: atque discessurus sibi dexteram porrigi cupit. Perterrefactæ autem, exhorrescentique, quum se nihil damni facturum promitteret, dexteram illâ dat: *Quæ*, etiam si non læderetur, tamen usque adeo uri videbatur, ut semper manserit nigra. Postea evocat Franciscanum, & simul egressi, incunctanter evanescent.

§ 4. Eiusdem præterea relatâ auditum est, Lutheri ædes accessisse monachum, fores vehementer pulsantem. Cui quum famulus aperiret, ac sciscitaretur, quid vellet: num domi esset Lutherus, quærit monachus. Re cognita, Lutherus cum ingredi jubet, quod nullum multo tempore vidisset monachum. Ingressus hic, habere se quosdam errores Papisticos ait, quorum nomine libenter cum ipso conferret: proposuitque syllogisticos, quibus haud difficulter à Luthero solutis, alios protulit explicatu minus faciles. Unde offensus nonnihil Lutherus, in hæc prorupit verba: Multum mihi facessis negotii: aliud etenim, quod jam agerem, erat. simulque surgens, loci à monacho propositi explicationem ostendit: atque in ejusmodi collatione, manus monachi esse avium unguibus non dissimiles animadvertens, inquit: Tunc is es? ausculta, sententia hæc adversus te pronunciata est. & mox locum in Genesi commonstrat, Semen mulieris conteret caput serpentis. Inde subjungit, Nec cunctos tu degluties. Hoc dicto victus dæmon, indignabundus secumque murmurans abiit, eliso crepitu non exiguo, cujus suffimen tetri odoris dies aliquot redolebat hypocaustum.

*Res naturales & artificiales quandoque judicari demoniacas.*

C A P. XVIII.

*Res naturales in mundo.*

*Ignis fatuus.*

PLERAQUE oculis nostris subinde obversantur, quæ præter naturæ legem dæmonum ludibria & actiones censentur, licet ea certis de causis & rationibus haud obscuris ipsa rerum parens natura produxerit: hujusmodi est ignis ille fatuus, quem candelam ardentem etiam vocant. Qui exhalatio est ad infimam aëris regionem elevata, & ibi per antiperistasis incensa. dum enim ascendit, à frigore regionis mediæ repellitur, & quasi saliens apparet, loca decliviora perens. Unde etiam ad aquas noctu ducere sequentem videtur: imo quandoque non sine horrore vel ambulantes vel equitantes sive navigantes aut præcedere aut insequi apparet, di-

tius

tius in aëre perdurans. Tale meteoron Plinius Castorem & Pollucem nominat.

§ 2. Ejusmodi etiam existit ignis lambens animantium crines & pilos, hominum item vestes. Tali nimirum exhalatione per aërem dispersa, collisa ac inflammata dictis partibus adhærente. Atque ejusmodi ignes non urentes & innoxii frequentius videntur in locis humidis, viscosis, putridis, palustribus & fumosis: ut & in coquinis, convallibus, cœmiteriis, sub patibulis, & ubicunque multa computruere cadavera, unde exurgunt fumi pingues, crassi & viscosi, sed minus calidi, quam ut in supremam aëris regionem ferantur: qui ita continue exeuntes incenduntur per collisionem, ut dixi, sicut ex duobus collisis silicibus elicitur ignis.

§ 3. Stellam adhæc terræ nonnulli herbam nuncupant, quæ vulgo Lunaria dicitur, & folliculo rotundo semina includit: Is notæ apertus, usque adeo lunæ radios admittit, ut lucens videatur stella. Loci incolæ id videntes, tanquam spectrum maleficum fugiunt. Hac veneficia quidam parant. Hac dæmones iritant. Hac suum Mercurium fixum stabilemque reddunt Chymici. Lunariam Græcam nominat doctissimus Gesnerus.

§ 4. Sotigenes Alexandri præceptor, tertio volumine de Visu, rationem asserre conatus est, quamobrem aliqua collucere in tenebris videantur. Flammulenta, inquit, hæc quadantenus naturam ætheris & quintæ elementi participant. Ea cognatione fieri, ut ad motum sibi aërem, aut perspicuum aliud, corpus illuminent. Quod autem id maxime noctibus faciant, rationem esse, quia tunc majus lumen absit. Alioquin evenire interdum, ut exiguum eorum lumen quasi exoleseat & offundatur in magno. Nocturno ergo cum resurgent, aërem proximum & circumfusum leviter sublustrant: non ita tamen ut alia item possint videri, sed ut sola se vendicent à tenebris. Atque hoc facit exilitas portionis ejus, è qua proficiscitur manatque lumen. Nam & ipse quoque ignis, quamvis splendorem suum latius & diffusius mittat, adeo ut asserat etiam alia: tamen si remotior sit, caligant oculi in cætera, ipse ad conspectum sui vix sufficit.

§ 5. Sic multa sæpe pro miraculis habentur, & præter naturam rerum accidere putantur in hominibus, quæ tamen & naturalia sunt, & sæpe fiunt. Ut quod Servio Flacco, Q. Calphurnio Coss. Romæ infans genitus fuerit posteriore naturæ parte solidus: & alius Sergio Galba, M. Scauro Coss. Nursiæ, qui, voce tamen missa, expiravit: & Fesul-

*Ignis ambulans,*

*Lunaria.*

*Res naturales mixte*

& Fesulis C. Perpenna, M. Perpenna Coss. ex ancilla. Nos enim in medicis nostris observationibus raris neque novum hoc esse docuimus, ut puer nascatur sine foramine naturæ, quod excrementum aut humorem aut aliud transmittat, neque ratione naturali, neque remedio carere. Ut nec illud, quod fœmina mutetur in marem, quod infra lib. I v. cap. 24. pluribus explicabo: licet dæmoniacum esse forte putent plerique. Huc quoque facit lib. IV. I 6.

*Lib. de Incant.*

*Miracula  
manuum  
dexteritate  
à circulatori-  
bus edici vi-  
dentur.*

*Turca cir-  
culator.*

§ 6. Quamplurima insuper imperitoribus visa miracula, manuum expedita agilitate & industria quotidie ab histrionibus & jocularioribus fieri videmus, miramurque. Narrat Pomponatius, se Mantuæ & Patavii quendam ejus generis hominem Reatum nuncupatum vidisse, qui incredibilia operabatur, eaque dæmonum arte perfici, vulgo credebantur. Quare ab hæreticæ pravitatis inquisitoribus subditus quæstionibus, bona fide occulto ostendit fraudulentas esse suas actiones, merasque manuum agilitates, & à multis, scilicet creta intelligentia colludentibus, peragi. Proinde dimissus, interimitur tandem à quodam, quem deceperat.

§ 7. Turca quidam passim per Italiæ urbes oberrans, inter cætera miranda, quæ vendenda populo exhibebat, manuum dexteritate peracta opera, pistillum ferreum prægrandem pugni illusione, item sola manuum contorsione infringere videbatur.

§ 8. Quidam circulatoriæ artis non imperitus, mihi alias falsus est, in ejusmodi miraculorum exhibitione fucum ab his jocularioribus foveri, quod prius idonea ad ejusmodi spectaculum appararint organa: quæ manuum celeritate, dum spectatorum oculos sermone vario in se defixos sevocant deludentque, multipliciter variant.

*Insigni im-  
postura cir-  
culatorum.*

§ 9. Insignem hujus factionis hominum imposturam jocularitem recenset Julius Scaliger, uti & Matthiolum. In vinum radices ejusdem pulverem, cujus gustatu fauces convelluntur, immiscunt: & cui fucum facere volunt, jubent, ut in hoc vino intinctum digitum, quasi prægustandi causa, sugat: Tum ilico digitum in vino madidum in os inditum, sibi mordicus non sine dolore & clamore premit invitus. Interea perinde atque blanditiis morientem consolatur circulator, temporum carpique arterias alio quopiam oblinat medicamento: deinde nummum in terram projectum ut tollat, hortatur. Ibi ille pronus, primum sese nequit attollere: mox, unguinis vi amens factus, concidit: statimque ejus more qui metuit ne mergatur in aqua, natat, ac vociferatur simul se fluctibus obrui. Ergo à cir-

à circulatorè erigitur: deinde quasi se vindicaturus, primum malefìcium obliquo & torvo vultu exprobrare, mox hominem aggredi videtur: postremo fugientem circulatorem persequi, donec absterfo tandem illiri medicamenti veneno, ad sese redeat. Menti autem restitutus, quasi qui evaserit è mari naufragus, capillum vestimenta que veluti vela torquere exprimere que, brachia tergere, & nares emungere conspicitur. Hæc non sunt fabulæ. Non enim multorum desunt testimonia, qui viderunt, quique imposturam suspicantes, suis & amicorum famulis ( quod Pragæ contigit ) hæc fieri jussèrant.

§ 10. Funambulorum præterea, sive schænobaton, gressus æquilibrès vel æquati ad libram, aut ponderibus utrinque librati, naturæ miracula augere solent. Fuit talis superioribus annis per omnem Italiam satis notus, Venetianello cognominatus, eo quod & Venetus natus, & parvæ staturæ esset. Is non solum in eo negotio tantæ dexteritatis & peritiæ fuit, ut modo sacco insutus, liberis tamen manibus, quibus æquilibrium dirigebat, modo unicuique pedi pelve rotundissima supposita, modo pilis magnitudinis ovi durissimis ac rotundissimis plantæ pedum subligatis, funi à palatii Bononiensis turri per medium forum ad cacumen domus alligato liberrime ingrederetur: sed ejus etiam roboris ac firmitatis, ut posset ossa crassissima cruræ boum in genu illisa confringere: tres clavos ferreos, crassos, ut digitus auricularis, manibus sudario involutis contorquere simul velut igne maceratos: trabem longum viginti pedes & amplius, crassum vero pedem unum, humeris impositum aliquandiu erectum sine manuum ope gestare, ex unaque scapula in alteram trajicere. Vidit & retulit hæc mihi filius meus Theodorus jureconsultus, omnium prædictorum oculatus cum aliis compluribus testis.

*Funambuli.*

*Venetianello.*

*In animalibus quadam artificialia quandoque videri demoniaca.*

#### C A P. XIX.

Q U I D ? in ipsis animalibus brutis quæ non miracula tum arte tum exercitatione sagacitas humana excitat ac edit revera? In suburbio Memphis apud Ægyptios Bebelloch nominato, cum ejusmodi multa quotidie vulgo repræsententur, tum plerumque histionum quispiam, ubi nonnihil præstulerit, ad alinum con-

*Miracula in brutis.*

*Joan Leo in Afric. descript lib. 8.*

H

versus

*Asini mira  
docilitas.*

versus alta voce Sultanum magni operis ædificium meditari ait, proinde opus ei fore omnibus Alcairi ( sic enim tunc Memphis vocatur ) asinis ad calcem, lapides, & alia id genus deferenda. Tum asinus repente in solum prolapsus, pedes in ærem attollit, ventrem turgescit, atque oculos non secus claudit, quum si exanimis esset. Interim astantibus histrio asini casum conqueritur, obnixè rogans ut ad alium emendum sibi subsidium impetiant. Coacta viritum qua potest pecunia: Ne existimetis, inquit, asinum mortuum. Helluo enim pauperratis domini sui conscius, hoc de industria confingit, ut munusculis illi collatis, pabulum sibi emere queat. Deinde ad asinum conversus, ut evestigio resurgat, monet. At ille dum se non dimoveret loco, frequenter fustuatio cæditur. Quo nec excitato, fabulam repetit histrio, & iterum ad plebem inquit. Scitote Sultanum edictum tulisse, ut cras populus omnis spectandi triumphæ causa civitatem exeat, ac omnes scemina venusta & nobiles pulcherrimis asinis inequent, illique vicissim avenam & præstantem aquam Nili præbeant. Vix hæc verba absolvit histrio, quin asinus in pedes erectus, profilat fremens, ac ut lætabundus exiliens. Tum fabulam prosequens histrio: Vici, inquit, nostri Præfectus à me commodato petiit elegantem hunc meum asinum pro deformi & vetula sua uxore. Ad hæc verba asinus veluti dolens, aurículas complicat, & altero pede claudicans luxatum se fingit. Tum histrio: Tibi iraque arident juvenculæ? Asinus caput inclinans, annuere videtur. Age igitur, hic plurimæ sunt juvenculæ, indiça, quæ tibi præ cæteris placeat. Asinus spectatorum coronam conspiciens, sceminam honestiorem seligit, ad eam procedit, & capere contingit. Spectatores multo risu & clamore: Heus, inquit, asini mulier.

*Jean. Le  
African.  
Hister.  
lib. 9. Camel  
li saltatio.*

§ 2. Sunt & qui camelos ad certos modos saltare docent. Camelum juvenculum per semihoram in loco instar hypocausti præparato, cujus pavimentum igne calefactum sit, constituunt. Tum pulsante quodam foris tympano, camelus non ad sonum, sed ob ignem subiectum, quo pedibus offenditur, modo crus unum, modo alterum, veluti saltatores, erigit: Cui exercitio per annum vel menses decem assuetus, in publicum deductus, auditò tympano, temporis quo calorem sub pedibus sentit reminiscens, confestim saltat: ac supra idem pavimentum consistere se existimans, pedibus alternatim reductis saltare videtur: atque ex usu naturam formans, id perpetuo observat.

§ 3. Ma-

§ 3. Mahometus, ex disciplina præceptoris sui Sergii monachi, columbam assuefecerat, ut in aure sua pascereetur, quam Spiritum sanctum impostor simulabat, & eam sibi secreta Dei consilia nunciare jactabat, quoties ob pabulum ad aures advolaret. Hoc impia plebs non animadvertibat, delusa scilicet à dæmone, cujus intererat his fundamentis exædificari sectam infandam. Columbam autem illam, quæ S. Athanasii per urbem euntis aures prætervolabat, statim hæretici & Arriani schismatici sic accipiebant, ac si magus esset sanctissimus Athanasius, instinctu profecto ejusdem artificis, quo suspectam ejus doctrinam redderet.

§ 4. Cæterum, ut gentem suam ventri somnoque deditam homo subdoluſ Mahometus porro magis falleret, taurum quandam nutrit, qui pabulum ex foliis Mahometi manibus capere consuevit. Huic intra cornua librum impiissimum à se conscriptum, Alcorani titulo, colligavit, & astante simplici plebe altiori voce in abdito quodam loco latentem evocavit. Cumque multa de legibus declamasset, erumpens subito taurus, multis ab eo prostratis volumen per mediam plebem in manus Mahometi deponit, veluti cœlitus missum munus. Quod nebulo reverenter accipiens, quædam ex iis populo mox explanavit. Hoc commento se regem, Sergium prophetam fecit. Columba enim literis aëreis schedam sic inscriptam attulit in collo suo: Quicumque tauro jugum imponet, rex esto. Sergio jugum adferente, Mahometus id tauro facile imposuit: & ut rex à plebe divino munere datus salutatur. Ita Alcoranus sacrum volumen esse creditur. Adeo hæc omnia divina putabantur.

Taurus  
Mahometi.

*De diaboli machinationibus & earum fine pauca Patrum  
sententia, & quarundam index: ac quare demones  
hominibus adversarios constituerit Deus.*

C A P. XX.

Utrporo latius dæmonum innotescant studia, citiusque finiam, adhuc paucas huc spectantes, nec ad nostram institutionem inidoneas Patrum sententias obiter annectere placuit.

§ 2. Amare, docet D. Clemens, immundos spiritus inhærere corporibus hominum, ut ipsorum ministerio cupiditates suas explant: & ad ea, quæ ipsi desiderant, inclinantes animæ motus,

Li. 2. Recog. Cur immundum corpus se immoretur cupiant demones.

H 2

fuis

suis eos parère libidinibus cogant, ut efficiantur ex integro vasa dæmonum.

*Quomodo  
in corpora  
ingrediendi  
locus datur  
dæmonibus.  
August. su-  
per Iohann. 3.*

§ 3. Et lib. 4. Dæmones habere desiderium immergendi se corporibus hominum, hæc causa est: Spiritus sunt, habentes propositum conversum ad malitiam. Per cibos ergo & poros immoderatos ac libidinem, peturgent homines ad peccatum; eos tamen, qui peccandi propositum gerunt. Qui dum videntur naturæ necessaria velle complere, non tenentes modum per luxum, ingrediendi in semetipsos dæmonibus faciunt locum. Donec autem naturæ mensura servatur, & modus legitimus custoditur, Dei clementia ingrediendi in homines facultatem eis non tribuit. Ubi vero aut mens ad impietatem declinaverit, aut corpus immoderatis cibis & potibus adimplebitur, tanquam voluntate & proposito eorum, qui se ita negligunt, invirati, quasi adversum eos qui à Deo positam legem solverint, accipiunt potestatem.

§ 4. Er post: Dæmones quantum viderint fidem in homine crescere, tantum ab eo refugiant. Si tamen in aliqua infidelitatis parte resederint, cum tempus invenient, cogitationes subjiciunt cordibus hominum: & illi nescientes, unde hæc veniant, suggestionibus dæmonum, quasi animæ suæ sensibus, credunt. Sugerunt ergo aliis, occasione corporeæ necessitatis, delicias sequi: aliorum iracundiam excusant per abundantiam fellis; aliorum insaniam nigri fellis vehementia colorant; sed & stultitiam quorundam ob phlegmatis multitudinem extenuant. Quod etsi ita esset, tamen hæc singula molesta esse corpori non possent, nisi ex ciborum potuumque redundantia. Qui cum iusto amplius sumuntur, abundantia eorum, quam decoquere naturalis non sufficit calor, crudefcit in venenum quoddam. Idque in visceribus venisque omnibus sentiriæ in modum redundans, motus corporis insanos reddit, & turpes.

§ 5. Cyprianus in serm. 2. de Zelo & livore: Circuit ille nos singulos, & tanquam hostis clausos obsidens muros explorat & tentat, an sit aliqua pars membrorum minus stabilis & minus fida, cujus aditu ad interiora penetretur. Offert oculis formas illices, & faciles voluptates, ut visu destruat castitatem. Aures per canoram musicam tenrat, ut sonus dulciori auditu solvat & molliat Christiani vigorem. Linguam ad convicium provocat, manus injuriis lacerantibus ad perulantiam cordis instigat. Ut fraudatorem faciat lucra



lucra opponit injusta? Ut animam pecunia capiat, ingerit pernicioſa compendia; honores tetrenos promittit, ut cœleſtes adimar: ostendit falſa, ut vera ſubripiat. Er quum latenter non poteſt fallere, exerte & aperte minatur, terrorem turbidæ perſecutionis intencans, ad debellandos Dei ſervos inquietus ſemper, & ſemper infeſtus, in pace ſubdolus, in perſecutione violentus.

§ 6. Idem lib. 1. epiſt. 8. Vitæ linguam diaboli venenatam, qui ab initio mundi fallax ſemper & mendax, mentitur, ut fallat; blanditur, ut noceat: bona promittit, ut malum tribuat: vitam pollicetur, ut perimat. Lucem nunc quoque verba ejus, & venena manifeſta ſunt. Pacem pollicetur, ne perveniri poſſit ad pacem. Salutem promittit, ne, cui promittit, veniat ad ſalutem. Eccleſiam ſponder, quum id agat, ut, qui illi credit, in totum ab Eccleſia pereat. In tract. de Idolorum vanitate, ubi de Romanorum diis & de dæmone Socratis quoque agitur, hæc leguntur: Spiritus inſinceri & vagi, qui poſtea quam terrenis vitiis immerſi ſunt, & à vigore cœleſti terreno contagio receſſerunt, non deſinunt perditū perdere, & depravati errorem praviratis infundere.

§ 7. Docet Auguſtinus, De doct. Chriſt. 11. 24. illos ſpiritus, qui decipere volunt, talia procurare cuique, qualibus irretitum eum per ſuſpiciones & conſenſiones ejus videant. Recte itaque Laſtantius: Illicita, inquit, deſideria immittit dæmon, ut aliena contaminent, quibus habere propria ſine delicto licet. Objicit quippe oculis irritabiles formas, ſuggeritque fomenta, & vitiis pabulum ſubminiſtrar: tum intimis viſceribus ſtimulos omnes conturbat ac commovet, & naturalem illum incitat atque inflammāt ardorem, donec irretitum hominem implicatumque decipiat.

§ 8. Eadem ſenſit & prodidit Athenagoras philoſophus Chriſtianus: οὗτοι οὖν δαίμονες αἰθερὶ φροσίνῃ ἔχουσιν, & ἐν ἐκκλησίᾳ φροσύνῃ; Si quando dæmon cuiſpiam compareret mala, mentem labefactat prius. Tatianus ſcriptum reliquit ad Gentes in Apologetico: δαίμονες οἱ πολλοὶ ἐκκλησίᾳ ἐξοκίλῃσιν, τὰς μεμνημένων παρ' ὅμων ψυχὰς διὰ ἀγνοίαν τῆς εὐαγγελικῆς ἐξηγήσεως. Dæmones, air, in multum ſcelus prolapſi, animas apud nos initiatorum per inſcitias & apparentias deſecerunt.

§ 9. Proinde voluit Deus (authore Laſtantio de Vero cultu vi. 4.) qui homines ad hanc miliriam genuit, expeditos in acie ſtare: & intentis acriter animis, ad inviſibilis hoſtis inſidias vel apertos impetus vigilare: qui nos, ſicut periti & exercitati duces ſolent, va-

riis captat artibus, pro cuiusque natura & moribus sæviens. Aliis enim cupiditatem insatiabilem immittit, ut opibus suis tanquam compedibus illigatos à via veritatis excutiat. Alios inflammatur iræ stimulis, ut ad nocendum potius intentos à Dei contemplatione detorqueat. Alios immoderatis libidinibus immergit, ut voluptati & corpori servientes, ad virtutem respicere non possint. Aliis vero inspirat invidiam, ut suis ipsi tormentis occupati, nihil aliud cogitent, nisi eorum, quos oderint, felicitatem. Alios inflammatur ambitionibus. Ii sunt, qui ad gerendos magistratus omnem vitæ suæ operam curamque convertunt, ut fastos signent, & annis nomen imponant. Quorundam cupiditas tendit altius, non ut provincias temporali gladio regant, sed ut infinita & perpetua potestate dominos se dici velint universi generis humani. Quos autem pios videt, inanibus implicat religionibus, ut impios faciat. Iis vero, qui sapientiam quærunt, Philosophiam in oculos impingit, ut speciem lucis excæcet, ne quis comprehendat aut teneat veritatem. Sic hominibus obstruxit aditus omnes, & obsepit omnes vias publicis latas erroribus: quos ut discutere possemus, ipsumque authorem malorum vincere, illuminavit nos Deus, & armavit vera eælestique virtute.

§ 10. Et in procemio de Opificio Dei: Ille colluctator & adversarius noster, scis quam sit astutus, & idem sæpe violentus. Is hæc omnia, quæ illicere possunt, pro laqueis habet: & quidem tam subtilibus, ut oculos mentis effugiant, ne possint hominis provisione vitari. Ejus cibus est ebrietas, inquit Hieronymus, luxuria, fornicatio, & universa vitia. Hæc blanda sunt, & lasciva, & sensus voluptate demulcent, statimque, ut apparuerint, ad usum sui provocant. Et apud Synesium: Mortalium calamitates epulæ sunt malorum dæmonum.

§ 11. Eleganter iterum Lactantius: Hi spiritus, inquit, contaminari ac perdiri per omnem terram vagantur, & solatium perdicionis suæ perdendis hominibus operantur. Itaque omnia insidiis, fraudibus, terroribus complent. Adhærent enim singulis hominibus, & omnes ostiatim domos occupant, ac sibi Geniorum nomen assument. Sic enim Latino sermone dæmonas interpretantur. Hos in suis penetralibus consecrant, hos quasi terrestres deos venerantur, & quasi depulsores malorum, quæ ipsi faciunt & irrogant. Qui, quoniam spiritus sunt tenues & incomprehensibiles, insinuant se corporibus hominum, & occulte in visceribus operi valetudinem viciant, morbos citant, somniis animos terrent, mentes furoribus

qua-

*In epist. ad  
Damasium.  
Cibus dia-  
boli.  
Lib. 1. de  
providentia.*

*Lib. 2.  
cap. 1.  
Orig. err.*

*Genii.*

*Dæmones.*

quatiunt, ut homines his malis cogant ad eorum auxilia decurrere.  
Idem I I. 17. & I I I. 29.

§ 12. Diaboli opera sic explicat Alcimus in lib. de Peccato originali:

*Sed quod vivaces portendit in abdita sensus,  
Quodque futura videt; rerumque arcana resignat,  
Angelici fervens superest natura vigoris.  
Horrendum dictu, signisque notabile monstrum.  
Nam quicquid toto dirum committitur orbe,  
Iste docet, scelerumque manus ac tela gubernat.*

§ 13. Cæterum, ne prolixiori sententiarum catalogo, in explicandis dæmonum conatibus mire variis monstrosisque, delicatulo lectori nauseam concitem, nec defuisse videar, quibus confirmator ventriculus multiplicia ejusmodi condimenta appetit & amplectitur, loca solummodo præcipua, ubi cum primis eorum essentia, affectus, potentia, studiorum perversitas, fraudulentæ artes & inexplicabiles furæ apud scriptores antiquos deteguntur, commonstrabo, ut eorum quæ sita lectione satiari queant, quibus fuerit lubitum. Erunt autem alia, quam hujus libri cap. 2. recensentur.

§ 14. Epiphanius lib. 2. tomo 2. & libro 3. tomo 1. Faustinus libro 1. de Fide contra Arrianos. Dionysius de Divin. nomin. cap. 4. Athanasius de Beatitudine filii hominis. Ambros. Epist. x. 80. & 84. Augustinus de Civit. Dei lib. v. 9. VI I I. 22. IX. 18. 20. x. 21. Quæstionum veteris & novi Testamenti quæst. I I. 27. 98. In Joan. tract. 49. In Apocal. homil. 10. Item Genes. xi. 16. De consens. Euangelist. I I I. 3. De spir. & an. cap. 17. 26. 28. symbolo ad Catechum. I I. 1. Chromatius in cap. 5. Matth. Theophylactus in Matth. cap. 12. in Marci cap. 1. in Joan. cap. 10. in Luc. cap. 10. 13. 14. in epist. ad Coloss. cap. 2. Idem ad Philip. cap. 2. ad Thessal. cap. 3. item super Abacuc cap. 1. 2. in Nahum. cap. 2. Basilii epist. 141. & in serm. de exhortatione ad baptismum. Greg. Nyssenus orat. I I. de pauperibus amandis. Leo serm. 6. in nativitat. Dom. Theodoretus in dial. tertio inpatibili, & in I I. cap. ad Corinth. epist. 2. Eucherius lib. 4. in libros Regum. Isychius libro. 5. in 16. 18. capita Levitici. Chrysostomus homil. 53. in 28. cap. Genes. Item de Lazaro: in secundum cap. ad Ephes. Cyrillus in Levit. lib. 3. & lib. 4. contra Julianum. Olympiodorus in Ecclesiasten capite. 4.

7. 9. Cassio-

7. 9. Cassiodorus in cap. 3. Cantic. Philastrius in Catal. hæreticorum. Maximus in homil. hyemali. Marcus heremita. Salonus in Ecclesiasten. Synesius lib. 1. de Providentia. Gregorius in 1. cap. Job. lib. 2. cap. 4. in 5. cap. Job. lib. 6. cap. 16. in 10. cap. Job. lib. 9. cap. 25. in 19. cap. Job. lib. 14. cap. 18. in 30. cap. Job. lib. 20. cap. 22. in 37. cap. Job. lib. 27. cap. 17. in 39. cap. Job. lib. 30. cap. 13. item lib. 31. cap. 17. & in 40. cap. Job. lib. 32. cap. 11. & lib. 33. cap. 8. Idem lib. 2. in 3. cap. 1. Reg. & lib. 4. in cap. 10. primi Reg. Item lib. 5. in 11. cap. 1. Reg. lib. 5. in 13. cap. 1. Reg. & lib. 5. in 14. cap. 1. Reg. item in Cantica Cant. in Ezechiel. lib. 1. homil. 2. 3. 12. item in Euangelia hom. 11. 14. 23. 27. 39. in Psalmos pœnitential. & libro. 2. indict. 10. epist. 22. lib. 4. indict. 13. epist. 38. & lib. 2. Moral. in Job, cap. 26. 40. 41. Rabanus in admonit. ad populum, quam Reghinario chorepiscopo misit, & lib. 3. in Ecclesiasticum, cap. 1. & lib. 5. cap. 1. & lib. 6. in eundem, cap. 3. 9. lib. 8. in eundem, cap. 7. & lib. 9. cap. 1. lib. 4. de ferm. propriet. cap. 10. Haymo super 7. cap. Osee: item super cap. 3. Cantici Cantic. idem super 17. Psal. Idiota cap. 2. contemplation. de morte. Angelomus in 4. cap. lib. 1. Reg. Remigius in Psal. 30. de duobus diaboli laqueis, quibus insidiæ fiunt fidelibus, nimirum terrore & errore: & in Psal. 71. Smaragd. in Euang. Luc. cap. 8. in Joan. cap. 14. in epist. Pauli ad Ephes. cap. 4. Radulphus lib. 6. in Levit. & lib. 20. cap. 2. in eundem. Berno lib. de contemn. divinat. dæm. Anselmus in Euangel. enarrat. & in 11. cap. 2. ad Corinth. Rupertus lib. 1. in Joan. cap. 1. lib. 6. in eundem, cap. 6. item lib. 9. & lib. 11. cap. 14. & lib. 12. cap. 16. in eundem: lib. 2. in Matth. cap. 2. lib. 7. cap. 8. & lib. 13. cap. 26. in eundem item lib. 5. in Apocalypf. cap. 9. lib. 7. cap. 12. & lib. 11. cap. 20. in eandem. item lib. 2. in Zachar. cap. 5. & lib. 1. in Abacuc, cap. 1. Hildegardis lib. 2. visione 1. 6. Bernardus ferm. 17. & 32. super Cantic. ferm. de diversis affect. animæ. Petrus Blesensis epist. 49. Lombardus lib. 2. dist. 3. 8. Petrus Cluniacensis lib. 1. de Miraculis, cap. 14. 17. & lib. 3. epistol. 24. Barth. Anglicus. lib. 2. de proprietatib. rer. cap. 20.

*Machinationum diaboli signa.*

§ 15. Miraculorum vero, machinationum, & apparitionum diaboli quis finis unquam, & velut ex professo alius, quam erroris furorisve

furorisve manifeste impii, blasphemii, & in Deum contumeliosi, aut sceleris alicujus confirmatio præceptiove, aut approbatio vel portectio?

§ 16. Hunc autem, Lactantio teste, constituit homini Deus adversarium, nequissimum & fallacissimum spiritum, cum quo in hac terrestri vita sine ulla securitatis requie dimicaret. Nam ut victoria constare sine certamine non potest: sic nec virtus quidem ipsa sine hoste. Ira quoniam virtutem dedit homini, statuit ei e contrario inimicum, ne virtus torpens, naturam suam perderet. Noluit enim Deus hominem ad immortalem illam beatitudinem delicato itinere pervenire.

*De opif.  
Dni. c. 19.  
20. Quare  
dæmonem  
hominibus  
adversarium  
constituam  
Deus.*

§ 17. Sic & Theophrastus: Quia certamen est vita nostra, noluit Deus extra hanc vitam dæmones esse, ut certantes nobiscum nos probatores monstrarent. Nam si non essent adversarii, neque coronæ essent, uti subjicit in Luc. cap. 8. Similiter & Berno de divinatione dæmon. contem. Neque diabolus removet à principatu mundi hujus: quia adhuc opus est opera ejus ad exercitia certaminum & victoriarum beatorum. Si enim dæmonibus auferatur libertas arbitrii, nullus ultra oppugnabit athletas Christi. Nullo enim oppugnante, nec certamen aliquod erit: & sublato certamine, nullum erit præmium, nulla victoria.

*In Marc.  
capite 5.*

*Nomina diaboli, ipsius studium prodentia, quibus  
nuncupatur in Sacris literis.*

#### C A P. XXI.

**S**U A vero nomina apte ipsius studium & fabricam prodentia, sortitur diabolus tum alibi, tum maximè in sacrosancta Scriptura: quæ hic recensere lubet, ut, præter nomenclaturas supra recitatas copiosius, quibus Deum mentiebatur Satan, ejusque sibi honorem assu- mebat, denominationibus nunc his, qualis est affectu & opere, cognoscatur plenius. Ipsa siquidem nominum diversitas, diversa illius vitia commonstrat, cui nomina mille, mille nocendi artes. ne quis præter ordinem, novum hic dæmoniacorum nominum catalogum contexi arbitretur.

*Behemoth.  
Job. 40.  
Dæmonum  
nomina, ip-  
sorum stu-  
dia pro-  
dentia.*

§ 2. Elephas ubi in Jobo describitur, Behemoth vocatur, id est bruta, ut Græcis frequenter *θηρ*. Et quidem plurali numero, designatur ejus vastitas. Sub allegoria vero elephantis, Satanæ poten-

tia docetur. Behemoth (respondens Dominus è turbine, ipsi Jobo inquit) fœnũ comedit rini bovis: hoc est, paleas igne comburendas. Ecce virtus ejus existit in lumbis ejus, & robur illius in umbilico ventris sui. Illecebris enim veneræ voluptatis, quæ circa lumbos & umbilicum præcipue sentitur, frequenter impugnat. Ossa ejus velut fistulæ æris, & cartilago ejus quasi laminæ ferri. Ad duritiem diaboli ista referuntur, quoniam à malicia, quam semel amplexus est, nequit dimoveri, ære & ferro obduratur. Quem arbuta tegunt umbra sua. Hoc illud est, quod in Psal. legitur de impio: Sedit in insidiis in occultis, ut interficiat pauperem, dum attrahit eum.

*Tsaf. 9.*

*Leviathan.* § 3. De Leviathan idem fere aliis verbis prædicatur, quod de Behemoth: & vis naturæ dæmoniacæ exprimitur, supra modum potens atque versuta: quæ utique cuncta humana subverteret, nisi divini arbitrii habenis coerceretur. Vide integrum Jobi caput 40. & 41. Sonat autem Leviathan, sibi traditus, vel appositio: qui verbo Dei & rebus quibuscunque addit: Esajæ 27. Job. 3.

*Asmodæus.*

§ 4. Asmodæus, spiritus vel deus cæcitaris, destructor, dissipator, aut delicti abundantia, vel peccatorum abundans, sive ignem mensurans: Tob. 3.

*Mammona.*

§ 5. Mammona, voce Syriaca, cupiditas pecuniæ aut divitiarum: Matth. 6. His ille imprudentium mentes implicat, ne Deo servire queant, cum mammonæ experiri famulari.

*Diaboli.*

§ 6. Diabolus Græcis, calumniator. Matth. 4. Joan. 8. Apocal. 12. & alibi sæpius.

*Dæmon.*

§ 7. Dæmon & Dæmonium, sciens, callidus, & multarum rerum peritus. Matth. 4. 7. 8. 9. 12. 15. 17. Marc. 16. Jac. 2. *ἀνὴρ τοῦ δαιμόνιου*, scio. Plato quoque in Cratylo arbitrat ex Hesiodi sententia, dæmones quasi *δαιμόνας* dici, hoc est, prudentes & scientes. Sic autem eos dici ob terrorem, vult Eusebius. Philo de mundo: *αἱ δαιμόνες* vocat Moses appposito nomine, quos *ἡσυχὰς δαιμόνας* Græci appellant.

*Cacodæmon.*

§ 8. Cacodæmon, perverse sciens. Quoscunque verustas deorum cultu venerata est, omnes *κακὰ δαιμόνας* fuisse, author est Porphyrius. Dicitur & malus dæmon: & dæmon *βασίλειος*, id est, nocentissimus, in Symposio septem sapientum.

*Satan.*

§ 9. Satan, Hebræis à *שׂטן* adversarius, qui obsistit atque obtrahit: Job. 1. 2. Zachar. 3. Item Satanas, Matth. 4. 12. 16.

Marc. 1.

Marc 1. 3. 4. 8. Luc. 10. 11. 13. 22. Joan. 13. Apocal. 12. Basil. in concione, Quod Deus non est autor malorum. Licet Moses Barcephæ Syrus à *ΒΟ* Sat, quod Syris & Chaldæis significat recedere, deducat in lib. de Paradiso parte 1. cap. 28.

¶ 10. Abaddon Hebraice, perditor, aut perdens: Græce *Ἀβδδων*, Apoc. 9. *Abaddon.  
Ἀβδδων.*

¶ 11. Deus hujus seculi, sensus incredulorum excæcans: 2. Corinth. 4. Uti in Psalmo: Dii gentium dæmonia. sic & Ephes. 6. *πονηροὶ* Paulus vocat impios hos spiritus. Deus dicitur: ut, Quorum deus venter est: quemadmodum Augustinus annotat adv. Faust. xx1. 2. non enim simpliciter deus est, sed illis deus existit, qui Christo illum anteponunt, ut ait Cyrillus. Et hæc, ne duos cum Manichæis deos faciamus.

¶ 12. Principatus, potestates, mundi domini, rectores tenebrarum hujus seculi, spirituales astutiæ in cœlestibus, à Paulo inscribuntur hi spiritus: Eph. 6.

¶ 13. Legio, quia multi sunt: Mar. 5. Luc. 8.

¶ 14. Princeps, cui potestas est ætæ, qui est spiritus nunc agens in filiis contumacibus: Ephes. 2.

¶ 15. Princeps hujus mundi: Joan. 8. 12. 14. 16. Habens mortis imperium: Heb. 2. Qui seducit totum terrarum orbem: Apoc. 12.

¶ 16. Rex super universos filios superbix: Job. 41.

¶ 17. Celsitudo quæ tollitur adversus cognitionem Dei: 2. Corinth. 10.

¶ 18. Adversarius noster diabolus, qui ut leo rugiens obambulat, quem devoret inquirens. 1. Pet. 5.

¶ 19. Homicida ab initio, qui in veritate non permansit: mendax, & pater mendacii: Joan. 8. Author peccati: 1. Joan. 3.

¶ 20. Spiritus, A&. 16. Spiritus Dei, propter ministerium dicitur tanquam Dei carnifex: spiritus Dei malus, 1. Reg. 16. Spiritus nequam, malus, 1. Reg. 16. A&. 19. Pessimus, Jud. 9. Spiritus mundi, 1. Corinth. 2. Spiritus ad vindictam creati, qui in furore suo confirmaverunt tormenta sua, & in tempore consummationis effundent virtutem: & furem ejus, qui fecit illos, confundent, Eccles. 39. Spiritus, qui non confiteretur Christum in carne venisse, spiritus Antichristi: 1. Joan. 4. Spiritus Egypti, & vertiginis, qui fecit errare Egyptum in omni opere suo, sicut errat ebrius & vomens:

vomens: Esajæ 19. Spiritus fornicationis, Oseæ 4. Spiritus Pythius, vel divinationis: Levit. 20. Aq. 15. Spiritus mendax. 3. Reg. 22. Spiritus immundus: Zach. 13. Matt. 10. 12. Marc. 3. 9. Luc. 6. 9. 11. Aq. 5. Apocalyp. 16. Spiritus impostor: 1. Timoth. 4. Spiritus dæmoniorum: Apoc. 16. Spiritus mutus & surdus: Matth. 9: 12. Marc. 7. Spiritus iræ vel furoris, Job. 4. Psalmo 17. Spiritus soporis: Esajæ 29. Spiritus timoris: 2. Timoth. 1.

§ 21. Angelus nuncius & minister, Job. 4. 1. Corinth. 6. Roman. 8. 2. Pet. 2. Epistol. Jud. Angelus Domini: Psal. 34. Ita vult Hieronymus, 1. Paral. 21. Angelus vel nuncius satanæ: 2. Corinth. 12. Angelus crudelis: Proverb. 17. Angelus abyssi: Apoc. 9. Habens iram magnam: Apoc. 12.

§ 22. Accusator sanctorum fratrum, Apocalyp. 12. Loliorum seminator, Matth. 13. Marc. 4. Luc. 8. Tentator, *ὁ πειράζων*, Matth. 4. 13. 25. Luc. 4. 8. Joan. 6. 8. 13. 1. Thess. 3. Ultor, Psal. 8. Fortis, armatus, atrium tenens. Matth. 12. Marc. 3. Luc. 11. Hostis, Psal. 8. Malus, Ephes. 6. 1. Joh. 2. Malus ille, Matth. 13. Quoniam omnium scelerum princeps est & inventor, per excellentiam vocatur *ὁ μισθός* Inimicus, Luc. 10. Invidus, Sapient. 2. Meretrix Babylonica, bestia habens septem capita, &c. Apoc. 13. 14. 16. 17. 18. Abominatio desolationis, Matth. 24. Dan. 9.

§ 23. Venator: illius astus, laqueus: timor nocturnus, sagitta volans in die, pestis in tenebris grassans, exterminium meridiana, Psal. 90.

§ 24. Volucres cæli, Matth. 13. quia semen verbi Dei, quod in duro solo & nullo compunctionis vomere proficisso cecidit, rapiunt protinus, & absument. Aquila, Oseæ cap. 8. Si exaltatus fuerit ut aquila: Haymo. Aspis & basiliscus illis dicitur, quos primo congressu superat. Aspis quippe morsu, basiliscus aspectu statim perimit, Psal. 90. Leo, quia aperto matre nos invadit, ut dilaniet. Draco, quia occulte nobis insidietur, viroso afflatu perdens, Esajæ 13. 34. Psal. 90. Apoc. 16. 20. Viro autem iusto promittitur: Super aspidem & basiliscum ambulabis; & conculcabis leonem & draconem. Draco magnus, Apoc. 12. propter insidiarum multitudinem. Draco rufus, Job. 41. propter homicidium. Serpens, scorpio: Genes. 3. Luc. 10. Mera enim venena sunt,



sunt, quicquid diabolus suadet. Unde tamen suos liberat. Salvator, dicens: Ecce dedi vobis potestatem calcandi super serpentes & scorpiones. Serpens antiquus, Apoc. 12. propter occultas insidias & seductionis diuturnitatem. Serpens tortuosus, Esajæ 27.

§ 25. Ohlim, onocrotalus, ericius, ibis, corvus, struthio, onocentaurus, satyrus, lamia, milvus; ululæ vel ziim Hebraice, Esajæ 13. 34. Perdix, malleus, thaninim: Hieronymus in epistola ad Damasum.

§ 26. Locustæ similes equis in prælium paratis, quia feroces dæmones: & super capita earum tanquam coronæ similes auro, quia superbi: facies earum velut facies hominum; & capilli sicut capilli mulierum, quia utrique sexui insidiantur: & dentes quasi leonum, quia quos vicerint, perimunt: loricas sicut loricas ferreas habent, quia in malitia obdurerunt: aliis perstrepunt, quia velociter omnia permeant: caudas scorpionum aculeatas gerunt, quia unus eorum finis est nocendi hominibus. Et habent super se regem, angelum Abyssi, cui nomen Hebraice Abaddon, Apocal. 9.

§ 27. Eodem modo & apud Ecclesiasticos scriptores varia diabolo imponuntur nomina. Bestiam intelligibilem appellat diabolus Isychius, quæ capiti homines cautelam & custodiam suam negligentes: probatque testimonio Petri, Adversarius vester, &c. lib. 2. in 7. cap. Levit. Et libro 7. in cap. 26. Levit. Dæmones sunt bestię ex similimalicia, primum sicut latentes, deinde ut venenum importabile & mortiferum habentes. Bestia fœtæ. Gregor. vi. 16. in cap. 5. Job. Serpens Assyrius ille draco, omnem humanam libertatem servituti suæ subiecit: Andr. Hierosolymitanus. Coluber antiquus, Rabanus lib. 5. in Ecclesiastic. cap. 1. Pardus, Rabanus lib. 6. in Ecclesiastic. cap. 9. Ursus, ob crudelitatem, Gisbertus in lib. Altercat. cap. 19. Lupus spiritualis inimicus, Theophil. in Joan. cap. 10. Serpentem Luciferi, veneni productorem, ferocem belluam, leonem humanis carnibus viventem, ac basiliscum appellari in scriptura, scribit Euseb. de Demonst. Euang. 111. 5. Corvus, Beda 111. 8. Apostata angelus, Rabanus de Serm. propriet. 1. 5. In Ecclesiastic. vi. 3. Fur, adulter, Beda lib. 2. in Job. cap. 7. Lapis caliginis, idem lib. 2. cap. 1. Hypocrita & simulatus, idem 111. 3. Umbra mortis, 1. 12. Mors, Concilium Toletanum 12. cap. 11. Desertices potentia, Greg. Nazianze-

zianzenus. Sophista, maleficus, idem orat. 1. de Reconcil. monach. Senex, stultus rex, Salonijs in Ecclesiasten, Peccatum, Theodoretus in cap. 7. ad Rom. Jumentum iis, quos luxuria inflammavit: avis iis, quos superbia evehit: Greg. Moral. xlv.

*Diaboli  
membra &  
expressa  
imagines.*

§ 28. Plerisque tamen hisce nominibus Satanæ quoque membra nuncupari possent: velut Joannis sexto, Judas diabolus à Christo nominatur. Sunt & ejus figuræ imaginesque expressæ, Phrao, Antiochus rex Babylonis, Assur & omnes impii.

*Nomina demonum ex actionis varietate apud Ethnicos: distincta quoque ex officiis apud Latinos: Dæmones familiares, Virunculi terrei & montani, Sibyllæ albae, atque quorundam gentiliorum & poetico-  
rum demonum nomenclaturæ.*

C A P. XXII.

DIVERSE ad hæc pro actionis varietate frequenter Ethnici dæmonio commutarunt nomina: ut quod variis formis aut spectris sub meridiem, quando inferis parentatur, calamitosus jubente Hecate obversatur, *ἡμπεύς* nominant: quemadmodum Aristophanis interpret docet. Nominis ratio est: quia uno incedat pede, ut Eustachio placet: vel (ut alijs) quia alterum pedem habeat æneum. Id genus terculamenta dicuntur quoque à Græcis Hecatæ, quod ab Hecate immittantur.

*De spiritibus  
quoque  
alii Suidæ  
in dictione  
ἡμπεύς.*

*Hecatæa.*

*ἡμπεύς.*

*ἡμπεύς.*

§ 2. *Δαίμονες* etiam vocant, quod terrorem incutiat representatione vel imitatione. Erant & dæmones quidam Dionysiaci, asperi & immites. Sunt quos *ἡμπεύς* nuncupant, quasi dicas ludificatores. Qui vero dæmon intervertere & elidere res bonas ac salutares, calamitates autem & incommoda tum inferre, tum, si impenderent, maturare, atque in capita nostra cogere, & velut per præceptagere, omninoque ad scelera & flagitia propellere, indeque in discrimina vitæ adducere, vel in subitum præcipitare exitium putabatur, *ἀλτρίτης, ὀρθροῦτος, παλαῖος, & δαίμονες κυρίως τῆς ἀγῆς* appellarunt antiqui. Qui ad vitæ tædium & dispendium urgent dæmones, *ἡμπεύς*, assessores illis vocantur. Diabolicam virtutem, cuiusmodi fuerat in Simone mago, paredrum dici, annotavit Eusebius: & sic deinceps.

*ἡμπεύς.*

*Ternistratores.*

§ 3. Ternistratores dicuntur etiam dæmones, quod triplici cal-

le ad

le ad animarum properent interitum : verbo nempe, cogitatione, & opere.

§ 4. Ex officiis quoque dæmones distinxêre Latini. Ut hi, qui regionum administrationi præsidere censentur, ante recitati Penates dicantur : qui pacatius ædes possident, Lares : aut, si quando exterreant, domosque incursionibus infestent, Larvæ. Qui autem nobis singulis designati sunt, Genii mali. Item Manes, quos Græci Heroas indigitarunt : & iracundos occurrentibusque infestos fuisse Menander signat. Hos Lemures Latini veteres appellare solent, Italis Folletæ dicuntur, & Eimpeusæ.

*Penates.  
Lares.*

*Larvæ.  
Genii mali.  
Manes.*

*Lemures.  
Folletæ.*

*Eimpeusæ.  
Terre vir-  
runculi.*

§ 5. Sunt & ex Larum & Larvarum familia, qui vulgo nostrati dicuntur Terrei virunculi : jam, detectis nonnihil manifestis dæmonum imposturis, infrequentiores quam olim. Horum duplex genus. Sunt enim aliqui nites : merito Lares familiates nuncupandi. Qui in domibus concubia potissimum nocte versantur, atque ministrorum munia peragere, auditui apparent, descendere scilicet è gradibus, ostia aperire, struere ignem, haurire aquam, cibum & quæcunque alia cuique domui consueta apparare, quum prorsus nihil faciant. Horum plerique rerum quoque futurarum ex occultis indicii præscii, ea, quæ paulo post comperimus perfici, antea administrare audiuntur : ut etiam brevi adfore mercatores signis prænuncient, qui merces venales sint ablaturi.

§ 6. Id quod aliquoties in ædibus parentum Theodori & Agnetis ( quorum Deus pro ineffabili sua misericordia meminerit in resurrectione justorum ) observavi puer, admodum territus, una cum fratribus Arnaldo & Matthia : ubi quum in tabulato ingens lupuli asservaretur copia, si quando venturi essent emptores, præcedenti nocte per gradus dejici eo modo audiebantur sacci, quorum vitatem subsequens ostendebat dies. Omen id ut fastum, plausu semper excipiebatur. Quum enim de rebus suis statuant mercatores, aliquo mercium causa profecturi, de iis antea loquuntur, ingredi que se earum nomine iter fatentur. Quod intelligens diabolus, sua his, ad quos contendunt mercatores ante ostendit ludibria, quam illi adveniant. Tempus siquidem suppediat locorum distantia. Ita & prænovisse & prænunciare videtur dæmon, quæ jam fieri cæpta sunt.

*Terrici fa-  
miliates  
dæmones.*

§ 7. Alii tertrici sunt, familiam quocunque modo vel turbantes, vel exterrentes. Hos dæmones etiam in subterraneorum, ut

Theo-

*In lib. de  
Animant.  
subter-  
ranean.  
Anneber-  
gus dæmon.*

*Snebergius  
dæmon.*

*Cabali.*

*Virunculi  
montani.*

*Guteli.*

Theologis placet, substantiarum numero habitos, in quibusdam versari fodinis, tradit vir eruditissimus, ac metallicarum rerum investigator acerrimus, Georgius Agricola: truculenti autem & aspectu terribiles, plerunque metallicis infesti atque inimici sunt. Talis fuit Annæbergius ille, qui operarios duodecim amplius flatu interfecit, in specu, qui Corona rosacea appellatur: eo nomine relictus, quantumvis argento dives esset. Flatum vero emittebat, ex rictu. Equi enim specie habentis procerum collum, & truces oculos, dicitur visus. Ejusmodi etiam fuit Snebergius, nigro cucullo vestitus, qui in fodina Georgiana operarium è solo sublatum, in superiori loco maximæ illius concavitatis quondam feracis argenti collocavit, non sine corporis attritu. Quæstuosam admodum fodinam deferere apud Turcas cogebatur Judæus à dæmone metallico, hominibus frequenter in forma capræ aurea cornua gerentis apparente.

§ 8. Psellus certe, cum sex genera dæmonum definiat numero, hoc cæteris pejus esse dicit, quod ipsi amicitui sit crassior materia. Quidam philosophi hos & similes dæmones, qui nocentes sunt, & natura improbi, nominant brutos, & rationis expertes. At sedatos illos Germanorum alii, ut etiam Græci, Cobalos vocant: quod hominum sunt imitatores. Nam quasi lætitia gesticantes ridet, & multa videntur facere, interim nihil plane efficientes.

§ 9. Alii virunculos montanos nominant, staturam significantes, qua plerunque apparent: nempe nani, tres dodrantes longi. Videntur autem esse seneciones, & vestiti more metallicorum: id est, vittæto indusio, & corio circum lumbos dependente induti. Hi damnum non solent dare metallicis, sed in puteis & cuniculis oberant: & quum nihil agant, se tamen in omni laborum genere videntur exercere, quasi modo fodiant venas, modo id, quod effossum est, in vasa infundant, modo machinam versent tractoriam. Quamquam vero interdum glareis operarios lacessunt, rarissime tamen eos lædunt. Nec lædunt unquam, nisi prius ipsi cachinno aut maledictio fuerint lacessiti.

§ 10. Itaque non admodum sunt absimiles dæmonibus, tum his, qui raro hominibus apparent, quum quotidie partem laboris domi perficiant, & curent jumenta: quibus quod nostri causa benigne faciant, generique hominum sint, aut saltem videntur esse amici, nomen imposuerunt Germani (Gutelos siquidem appellant) tum Trullius

Trullis vocatis, quos sexu tam mulieris quam viri ementito, cum apud alias nationes, tum maxime apud Sijonas in famulatu fuisse ferunt.

§ 11. Sed dæmones montani potissimum laborant in his specubus, è quibus metalla jam effodiuntur, vel ea effodi posse spes est. Quocirca à laboribus non deterrentur metallici: sed omen inde capientes, alacriori sunt animo, & vehementius laborant, coque exoptant.

*Dæmones  
montani.*

§ 12. Narrat Trithemius de quodam dæmone, qui familiaritate singulari hominum usus egerit in diœcesi Hildesiana, potissimum in episcopi aula, ubi culinæ ministeria obibat. Ipsius verba referam, fides rei sit penes lectorem. His temporibus spiritus quidam malignus in diœcesi Hildesheimensi multo tempore multis visibiliter apparuit in habitu rustico, pileo caput opertus, unde & vulgo Pileatum cum appellabant rurales, hoc est, ein Hedeckin, lingua Saxonica. Iste spiritus Hurgin multa mirabilia fecit, & delectabatur esse cum hominibus, loquens, interrogans & respondens familiariter omnibus, aliquando visibiliter, aliquando invisibiliter apparens. Neminem læsit, non prius læsus: sed injuriarum seu irrisio num memor, vicem irrogantibus sibi contumeliam impendit.

*Spiritus  
familiaris.*

*Hedeckin,  
Hurgin.*

§ 13. Cum Burcardus comes de Luca per comitem Hermannum de Winsenburg fuisset interfectus, & comitatus ipse Winsenburgensis in direptionem videretur expositus, præfatus spiritus dormientem in lecto suo Bernhardum episcopum Hildesheimensem accedens, cum excitavit, dicens: Consurge, ô calve, exercitum convoca, quia comitatus de Winsenburg, propter homicidium vacuus & desolatus, tuo facile parebit imperio. Qui surgens, milites suos commonuit, comitatum invasit & obtinuit, quem Ecclesiæ Hildesheimensi de Imperatoris consensu in perpetuum conjunxit. Eundem quoque pontificem non rogatus idem spiritus sæpè de multis periculis avifare consuevit.

§ 14. In curia ejusdem præfulis frequens apparens, coquis ministrare plerumque satis diligenter consuevit, crebrosque in culina cum ipsis miscere sermones. Unde, cum jam ex consuetudine familiaris factus, à nemine timeretur, puerulus quidam in coquina ferviens eum despicere, subsannare, & contumeliis afficere cœpit, & quoties potuisset, immunditias coquinæ in eum effudit. Qui cum sæpe magistrum coquinæ rogasset, ut puerum ab injuriis suis compe-

K

feceret,

fecerit, minitatus se tandem injurias ulturum, irridetur ab eo dicente: Tu spiritus es, & puerum times? Cui dæmonium respondit: Quia puerum tuum ad petitionem meam emendare contemnis, ego quantum illum timeam, post dies paucos tibi ostendam. His dictis, spiritus abscessit iratus. Non multo post, cum die quodam post vespeream puer solus in coquina fatigatus dormiret, venit spiritus, & suffocatum in frustra conscidit, ollæque impositum ad ignem coquere cœpit. Quod magister coquinæ cum percepisset, spiritui maledicere cœpit. Qui exacerbatus, assaturam postero die pro episcopo & curialibus ad ignem in verubus positam, compressis desuper bufonibus horrendis, veneno & sanguine eorundem aspersit. Rursusque contumeliis affectus, per pontem in foveam de alto illum præcipitavit. Supra muros civitatis & castelli vigiliis nocturno tempore diligentissime peragens, omnes custodes vigilare coegit.

§ 15. Vir quidam longe profecturus, cum uxorem haberet impudicam, quasi per jocum dixit ad spiritum Hutgin: Bone socie, tibi commendo uxorem meam, donec revertar, vide custodias eam. Cumque viro absente cum adulterio mulier portionem suam poneret, & amatores multos successive tentaret, ita se spiritus iste invisibiliter medium semper interposuit, projectisque in terram de lectulo viris, nullum pervenire vel ad tactum ipsius scæminæ, taceo de commixtione illicita, permisit. Sic mulier singulis noctibus & fere singulis toto tempore horis novos semper introduxit amatores. Quos tamen spiritus, mox ut eam contingere tentassent, procul in terram projecit. Tandem revertenti marito, & adhuc longe à domo esistenti, spiritus commissarius lætus occurrit, dicens: Gratus est mihi valde tuus adventus, quo liberer à tam inquieto labore, quem mihi imposuisti. Cui maritus: quis ergo tu es? Ego sum, inquit, Hutgin, cui pridem abiturus, uxorem commisisti tuendâ. Ecce custodivi eam tibi, licet cum maximo & continuo labore, ab adulterio salvam. Sed oro te, ne illam mihi deinceps custodiendam tradere velis. Malo enim totius Saxonix porcos, quam unam ipsam uxorem custodire tuam, tantis me dolis circumvenire, tantis viis torque modis abuti suo corpore tentavit.

§ 16. Innumera quoque alia tam seria quam ridicula spiritus iste miracula fecit, quæ omnia nec facile scribi possunt, nec, si scriberentur, multorum credulitatem invenirent. Idiotam quendam & simplicem hominem clericum ad synodum citatum, per annum

lum factum ex foliis lauri, aliis quibusdam additis, aliquanto tempore doctissimum reddidisse ferunt. Tandem à præfato episcopo Bernhardo per censuras Ecclesiasticas eliminatus, de provincia recedere compulsus est.

§ 17. Familiares quoque referuntur dæmones, privatorum hominum se nutum observare simulantes. Tali consiliario fictus legitur Socrates, quem Deum appellavit Apulejus: de quo peculiarem hujus vide librum, & Serm. 26. & 27. Maximi Tyrii philosophi Platonici. Unde hoc consequutus est, ut nihil suo juvante Deo vitæ finem veneno coactus sit facere. Quemadmodum Q. Sertorius, qui cervam Dianæ, ut prædicabat, numine afflatam, consultricem habuit, nullo suæ deæ monitu edoctus, domestica fraude periit. Eadem ratione Numam quoque Romanorum regem, nympham Ægeriam coluisse, consuluisseque, memoriæ proditum est.

§ 18. Pueri quoque incorrupti & violenter necati animam, adjuramentis ineffabilibus à se evocatam assistere sibi, & per eam omne quod juberet fieri, jactabat Simon Samaræus. Erat autem familiaris illi diabolus: quem pueri animam esse prædicabat, ut divinitatem suam mentiretur cautius.

§ 19. Benedicti III. pontificis Romani tempore, in urbe Moguntinensi dæmonium quoddam, sub cujusdam sacrificii pallio, dum aquam lustralem spargeret, quasi familiare esset, latitans, illum accusabat, quod ea nocte cum procuratoris filia concubuiisset: ut Siegbertus atque Vincentius tradunt.

§ 20. Huic numero accensendi dæmones, qui hominibus plerisque peculiaribus tanquam familiares, morituri alicujus notas vel gemitu vel strepitu vel pulsatione in claudenda clavis theca futuri cadaveris, sive etiã in commonstrando pullato funeris adhuc ignoti, subsequutori tamen comitatu, sub ipsa meridie vel alias ostentant.

§ 21. Ludibria insuper quædam diaboli ad nostræ ætatis crepundia, ante doctrinam Evangelii, è superstitionum tenebris minus evolutam repurgatamque, in Germaniæ nostræ locis plurimis observabantur, familiaria adeo, ut publicæ Lemurum (Albas mulieres, & Sibyllas albas vernaculo sermone appellabamus) choreæ hoc vel illo loco celebratæ narrantur. Eratque hoc latuarum genus apprimè infestum puerperis, & infantibus lactentibus, cunis adhuc inhzrentibus.

§ 22. Quod etsi olim erat frequentissimum, cum Satanæ præsti-

*Dæmones  
familiares.*

*Clemens,  
Reugn. 1.*

*Alba mulie-  
res. Sibyl-  
la alba.*

giis nimium tribueretur, Christo; ejus supplantatori ac nostro patro-  
no unico ignavius adhererent animi, diabolo ludente, ridente, variis-  
que artibus, quibus ad se imperitam multitudinem illexerat, impium  
cultum stabiliente: tamen post puriorem ferventiorumque Evangelii  
prædicationem mentibus hominum insonantem, id usque adeo eva-  
nuisse, est quod Deo gratias agamus summis, ut ne leviam quidem e-  
jus vestigia videantur reliqua. Hoc dæmoniorum genus intellexis-  
se apparet Hieronymum, ad Paulam super obitu Blesillæ in epistola  
sic scribentem: Quid causæ est, ut sæpe bimuli & trimuli, ac ubera  
marerna lactantes, à dæmonio contumpanantur?

*Deum.*

§ 23. Deum nuncupatum cacodæmonem veneratur rex  
emporii Indiæ celeberrimi Calechur, confusus illi factum à Deo po-  
testatem judicandi orbis terrarum, & tribuendi unicuique pro be-  
nefactis videlicet & malefactis mercedem meritam. Ejus imagi-  
nem, ut monstrum horrendum ingens, sedentem capite redimito  
diademate, Romanorum pontificum modo, scribit Ludovicus Ro-  
manus patricius regem habere in sacello suo. Hoc autem illi acce-  
dit, quod diadema ipsius ternis insignitur cornibus. Deum vere ma-  
ximam Tamerani appellant incolæ.

*Navi-  
gal. v. 2.*

*Tamerani.  
Agua.*

§ 24. Agnan vocatum dæmonem nunc hac, nunc alia forma  
videre Americanos, ab eoque multum infestari, tradit frater Andreas  
Thevet Angoulesme, in observationibus suis in America cap. 35.  
& 36.

*Grigri.*

§ 25. Grigri dictum dæmonium apud eosdem in Canada &  
Guinea, maxime vero in eorum sylvis conspicitur.

§ 26. Habent etiam suos dæmoniorum sacerdotes aut vates,  
Pages vel Charoibes vocatos. Horum aliquis, postquam dies no-  
vem ab uxoribus abstinuit, in novo quodam tuguriolo, importatis  
ad victum, ut regio ferr, necessariis, mundo lecto à virgine an-  
norum duodecim strato, rotus decumbit solus, semoro po-  
pulo, invocans dæmonem quem Hovioulsira nuncupant, per  
horæ & amplius spacium, adhibitis suis ceremoniis. Facta dein-  
de invocatione, dæmon tandem accedit, inspirans quæ scire desi-  
derabat vates. Exauditur etiam aliquoties advenientis strepitus &  
rugitus ab astante populo, qui tum acclamar: Præcamur, ut vera  
proferas, & denuncies prophetæ nostro intus operienti. Paulo post  
rebus intus peractis prodit vates, ac à dæmone intellecta longe ex-  
plicat.

*Hovi-  
oulsira.*

§ 27. No-



§. 27. Nomina adhuc ridicula admodum, frequenter sibi *Vide lib. 4.*  
dant dæmones rogati. Sic cum in obsessis nomen alter alterius *cap. 11.*  
haud ita pridem Hammonæ coram pastore inquireret, unus pluma-  
rum fascem, vel plumifascem se nuncupati, alter planipedis sibi no- *Pinnifas-*  
men esse, tertius roseam arborem se appellari respondit. Ita qui sce- *ci. Plani-*  
lestus & vaferas in Kentorpio cœnobio tragedias tum movebat, *pes. Ro-*  
Elsæ familiaris, Hornuæ se vocari dixit. *sa arbor.*

§. 28. Dæmones fictitii & poëtrici, ut Matuta, Oceanus, Galla- *Hornuæ.*  
cia, Phorcis, Saturnus, Opis, Jupiter, Juno, memorantur à Platone *Dæmones*  
in Timæo, à Marco in libro De universitate. *poëtrici.*

§. 29. Commenticiorum horum & futilium nominum, quo-  
rum nullus est finis, enarrationi diutius immorari rædet. Orandus  
sedulo & ardenrer Deus per filium, ut nostros animos, nativum  
suum templum, ab illius maligni conspurcatione & sordibus expla- *2. Cor. 1. 5.*  
re, clementerque conservare dignetur.

*Distinctio demonum secundum Theologos & philosophos.*  
*Item bonorum & malorum demonum differentia.*

C A P. XXIII.

SUNT etiam ex Theologorum schola, qui malos dæmones in  
novem distribuunt gradus, veluti ipsis novem angelorum ordi-  
nibus adversantes. Quorum primi, *Judei dicitur*, hoc est, falsi dii di-  
cuntur, qui assumpto divinæ majestatis nomine, pro diis coli vo-  
lunt, sacrificiisque & adoratione honorari: sicut Satan ille  
Matth. 4. Marc. 1. Luc. 4. Hos supra latins recensui. Secundo  
habentur loco spiritus mendaciorum. Cujusmodi fuit ille, qui *Judei dicitur.*  
egressus est spiritus mendax in ore prophetarum Achab. Hoc dæ- *3. Reg. 22.*  
moniorum genus sese oraculis immiscet, & Pythiorum vatum divi-  
nationibus ac prædictionibus homines ludificat. Tertio ordine  
censentur iniquitatis vasa, qui spiritus sunt inventores malorum,  
omniumque artium pravarum. Qualis apud Platonem Theutus il-  
le dæmon, qui ludos & aleam docuit. Vasa furoris, Esajæ 13.  
Vasa iræ, Jeremiæ 50. Vasa mortis, David Psal. 7. Quarto loco,  
ultores scelerum. Quinto præstigiatores, qui miracula imitantur, *Ecles. 19.*  
& Magis infamibus maleficisque inserviunt, atque ita populum se-  
ducunt. Sextæ classi assignantur aëreæ potestates, se tonitruiis, *Apos. 13.*  
fulminibus & fulguribus miscentes, corrumpentes aërem, pestilen-

K 3

tias.

tias & alia inducentes mala. Septimam mansionem tenent furæ, seminatrices malorum, discordiarum, bellorum, & vastationum. Octavam, criminales & exploratores. Postremam, tentatores & insidiatores, qui singulis adesse hominibus creduntur, mali Genii idcirco nuncupati.

*Dæmonum  
varia apud  
diversos di-  
stinctio.*

§ 2. Nolo hic dæmones in igneos, æreos, aqueos, terreos, subterraneos & lucifugos: in Joviales, Saturnios: in orientales, occidentales, meridionales, septentrionales: in diurnos, nocturnos, meridianos: in sylvestres, montanos, campestres, domesticos, cum Psello & reliquis Magis fecernere. Nec eorum itidem numerum & officia secundum duodecim signa zodiaci, juxta decurios cæli, quinarios, triplicitates, elementa, planetas, & reliquam Magorum, bonos interim dæmones prætexentium, commenticiam scenam recensere: aut Marci cujusdam imbibitas ex dæmonum institutione opiniones, à Psello recitatas & creditas, enarrare inquam nolo, hic doctrinæ sacrosanctæ & religionis nostræ ( ut in exordio fassus sum ) limitibus contentus.

*Dæmonum  
differentia  
secundum  
philosophos.*

§ 3. Philosophi, qui dæmones esse crediderunt, trifariam eos dividerunt. Alii immortales, & omnes malos esse putant, ac imbecilles, ut Psellus. Qui cum esset Christianus, Christianorum sententiæ subscripsit. Alii mortales, aliosque bonos, alios malos, potentes, sed qui metu mortis sibi prospicerent. Tertia Platoniorum est discretio, qui eos immortales, potentesque ac nobis familiares, partimque bonos, partim malos esse affirmant. Omnium adhuc philosophorum is est consensus, naturales esse dæmones, quos Plato veneficiis, incantationibus, magicæ, *μολύβδῳ*, sacerdotumque artibus & oraculis præficit.

*Bonorum  
& malorum  
dæmonum  
distinctio.*

§ 4. Porro clare, & Proclo apertius, bonos à malis dæmonibus distinguit Jamblichus de mysteriis. Dii, inquiens, angeli, dæmones boni non apparent phantastico modo, sed proprio prorsus, & vero. At spiritus mali, phantastico, fallacique, simulant deorum præsentiam, dæmonumque bonorum. Idcirco cultorem suum jubent esse justum, ut ipsi videantur boni, sicut & dii. Quoniam vero natura sunt mali, rogati mala inferre, libenter inferunt, atque nobis ad injusta conducunt. Hi sunt omnino, qui & in oraculis mentiuntur & fallunt, & turpia consulunt atque peragunt. Dii autem bonique dæmones neque fallunt unquam, neque conferunt ad iniqua. Est insuper malorum natura dæmonum sibi inconstans, instabilis,

*Clemens.  
Recog. IV.*

lis,secumque diffidens,alias alia suadens. Superiorum vero natura sibi constat assidue, eundemque servat semper in actione tenorem. Dæmones malos arbitratus est bonos Plato interdum, & Porphyrius,& multi alii Platoniorum,nam Plato suam eam philosophiam ab Ægyptiis,cæterisque barbaris,Plutarcho iudice,hauserat.

§ 5. Amussis autem,qua interstinguuntur spiritus,ita proponitur à Petro apud Clementem Recogn. I I I. Ille qui à malo est,signa,quæ facit,nulli profunt: illa vero,quæ facit bonus,hominibus profunt. Nam dic quæso,quæ utilitas est,ostendere statuas ambulantes? latrare æreos aut lapideos canes, salire montes, volare per ærem,& alia his similia,quæ dicitis fecisse Simonem? Sed quæ à bono sunt,ad hominum salutem deferuntur: ut sunt illa,quæ fecit Dominus noster,qui fecit cæcos videre,fecit surdos audire,debiles claudos erexit,linguores & dæmones fugavit,mortuos fecit resurgere,& alia his similia,quæ etiam per me fieri videtis. Ista ergo signa,quæ ad salutem hominum profunt,& aliquid boni hominibus conferunt,malignus facere nequit.

§ 6. A'divo Antonio,quemadmodum perhibere D. Athanasium scribitur,hac ratione discernuntur. Sancti spiritus plausibili & sedato vultu apparent. Non enim contendunt,neque clamant,nec vox eorum auditur,quum occulto instinctu gaudium & fiduciam peccatoribus infundant. Dominus siquidem fons & origo lætitiæ cum iis est. Quare tum animus noster minimè turbidus, sed lenis placidusque,lucis angelorum radiis illustratur:tum idem cœlestium munerum studio flagrans,cupit ab hoc corporis hospitio & mortali domicilio exonerari,festinatque cum iis,quos videt,ad æternum illud tabernaculum. Licet adhæc quis,pro humanæ fragilitatis sorte,primi intuitus fulgore nonnihil terreatur:tamen tanta eorum est gratia,ut omnem repente tollant metum. Ita Gabriel quum Zachariæ in templo loqueretur;& angeli,quando divinum virginis partum pastoribus nunciarent;ut & ii,qui circa Dominicum corpus excubias agerent,securis videntium se mentibus ostendentes,ne metuerent,imperabant.

§ 7. Malorum vero spirituum vultus truces,sonitus horrendi,cogitatus sordidi,plausus gestusque dissolutorum juvenum vel latronum,unde confectum animæ timor,& sensibus torpor incutitur. Accedit & odium Christianorum,monachorum mœror,tædium suorum,recordatio & metus mortis,cupido nequitiae,lassitudo virtutis, cordis hebetatio.

Joan. 6.  
Luc. 1.

Luc. 1.

§ 8. Si igitur post timorem horrore concepto successerit gaudium, & ad Deum fiducia, atque ineffabilis charitas, auxilium præsto esse memineritis, quod animæ securitas, præsentis divinæ majestatis indicium sit. Sic namque & patriarcha Abraham Deum videns, gavisus est: & Joannes præsentiam Mariæ sentiens, quæ in sacri ventris hospitio universitatis gestaret parentem, exultavit præ gaudio in utero matris. Sin vero injectus timor duraverit, hostis est, qui apparet, qui non modo reficere nequit, quemadmodum Gabriel paventem virginem secutam esse jubet. Sed & pavorem duplicat, & usque ad profundam impietatis foveam, ut nimirum ipsi genua flectant, mortales impellit. Proinde misera gentilitas edicti divini ignara, falso dæmones deos opinata est.

Luc. 15;  
Esd. 90.

Tob. 12.

§ 9. Subjungam & hanc distinctionem, quod angeli nos ament ac tueantur, diabolus vero & nos & Deum odit: Gaudent illi de nostro bono: de quo contristantur dæmones. Cavent illi, ne offendamur: hi offendunt; ut in Apocalypsi, in Tobiae filio, & Jobo apparet. Nuncii item angeli inter Deum & homines, precesque offerunt: diabolus autem hominum accusator.

§ 10. Cæterum, qui angelorum atque dæmonum distincta nomina, officia, loca & tempora penitus curiosiusque intelligere vult, ea in Rabi-Simonis Templorum volumine requirat, ac in ejusdem libro Luminum, & in tractatu de Magnitudine statuat, in tractatu item Templorum Rabi Ismaelis, tum etiam in omnibus fere commentariis libri Formationis, &c.

*Quod diabolus non omnia, & nihil sine Dei consensu potest:  
& quare Deus illi multa permittit, constitutis limitibus.*

#### C A P. XXIV.

Agendi li-  
mites dia-  
boli consti-  
tuntur.

**Q**UANTUM Deum omnipotentem & misericordem, suo consilio, & nostro merito, ut dæmon sua ludibria & tyrannidem in cujuscunque ordinis homines exerceat, quandoque permittere, ex præcedentibus sit palam: non tamen indulget ei, connivetque ad omnia: nec infinitam, nulli se astrictam limitibus licentiam concedit: alioqui uno momento à diabolo eneati interiremus omnes: sed metas constituit, quousque illius actiones tolerare velit (interea tamen nos clementissime alarum suarum umbraculo complexos custodit, fovet & patrociniatur) quibus tam anguste

*Citra dā  
assensum, ne  
tantillum  
quidem po-  
test Satam.*

guste satanam coërcuit, ut citra ejus assensum, ne in bestias quidem aliquid possit, multo minus in homines. Exemplum habes Matthæi 8. ubi porcos ingredi nequivit, nisi singulari. CHRISTI permissione.

§ 2. Nec unquam illi Deus in homines vel tantillum concedit, nisi ut vel probentur, si boni sunt: vel castigentur punianturque, si peccatores, præfixis terminis, ultra quos ferri non sinitur. Ut infideles, ait Clemens, à fidelibus, & pii discernantur ab impiis, permissum est maligno uti his artibus, quibus singulorum erga verum parentem probentur affectus. Sic Deut. cap. 13. permissæ tentationis explicatur causa: Si surrexerit in medio tui propheta, aut qui somnium se vidisse dicat, & prædixerit signum aut portentum, & evenerit, quod loquutus est, & dixerit tibi, eamus, sequamurque deos alienos quos ignoras, & serviemus eis: non audies verba Prophetæ illius, aut somniatoris: quia tentat vos Dominus Deus, ut palam fiat, an diligatis eum, an non.

§ 3. Pulchra Gregorii est sententia Satanae voluntà semper iniqua est, sed nunquam potestas injusta: quia à semetipso voluntatem habet, sed à Domino potestatem. Quod enim ipse facere, inique appetit, hoc Deus fieri non nisi juste permittit. Formidari ergo non debet Satan, qui nihil nisi permissus valet. Similiter fere idem in 19. ca. Job. li. 14. cap. 18. & li. 2. Moral. in Job, cap. 16. & in 23. ca. Job. 16. ca. 18. & in 40. cap. Job, lib. 32. cap. 11. & dialog. lib. 3. Item Cassianus asserit, potestatem nocendi non esse positam in arbitrio dæmonum, Collat. 7. cap. 21. Terminum vero hunc statutum esse, author Clemens existit, ut nisi quis prius fecerit dæmonum voluntatem, dæmones in eo non habeant potestatem.

§ 4. Permittit Deus, ut præstigiis miracula quædam Mosis, adminiculo diaboli imitentur magi Egyptii, virgasque in dracones videantur vertere, flumina sanguine tingere, ranas ex fluminibus evocare. At cyniphe ex terræ pulvere productos, vel muscas domus Egyptiorum solas infestantes, vel sæda hominum & pecorum ulcera, aut reliqua Mosis opera imitatione mentiri, minime conceditur, ut à solo Deo ea proficisci cogerentur fateri.

§ 5. Annuebatur satanae, ut regem Babyloniorum Nebucadnezar in furorem actum, & ab hominum usu, in solitudinem propulsum, forma misere defœdata, durissime affligeret & exagitarer totum

*Quare dia-  
bolo aliquid  
in homines  
permittitur.  
August. in  
Evang.  
Joan.  
tract. 7.  
item serm.  
241. de  
Tempore. 2.  
de Trinit.  
111. 8.  
Recog.  
Theodore-  
tus quæst.  
12. in Dent  
& lib. 3. de  
Diu &  
angel.  
Moral.  
11. 6.*

*Reg.  
VII.*

*Exod. 7. 8.*

*Exod. 1. 9.  
10. 11.*

*David. 4.*

Job. 1.

Tobia 3.

Zach. 3.

Matt. 4.

Luc. 22.

tum septennium : ne autem animæ vim faceret, prohibebatur. Interea nec penitus illum rejicit Deus, nec pœnis obrutum deserit : sed exacto septennio liberatum à furiis, regno restituit. Itidem illi Deus assensit, ut in fortunas & corpus Jobi faviret : ne tamen animam illius læderet, mandato cavit. Concedit ut septem viros Saræ virginis vita privaret dæmon, propter effrenem in illam affectum, cujus illi erant indigni matrimonio. At in castum juvenem Tobiam, nihil illi licuit. Quum Josue princeps sacerdotum (per quem JESUS significatur) coram Dei angelo consisteret, permissum est satanæ ad dextram stare, ut ei adversaretur. Christum ad hæc tentare permittitur, sed usque ad aras. Petrum expetivit satanas, ut cribraret sicut triticum : nec illi concessum est.

1. Joan. 3.

§ 6. Nec ullo modo admittendum sentio, vel levissimum quiddam illum posse, cui ex sacrosanctis literis vel probæ monetæ libris exemplum vel *αἰτιολογία* non attestentur : quum huc maxime veteris & novi Testamenti monumenta, prophetarum concio, Christi adventus spectent, ut diabolus, ejus artes, conatus & potentia innotescant, nervus illius infringatur, opera dissolvantur, regnumque pessum eat.

Quid in  
diaboli per-  
missa poten-  
tia conside-  
randum.

Natura  
quid.

§ 7. Quapropter si quid præter omnem fidem ad diaboli potentiam relatum audiatur, non confestim fugiendum est ad illud imperitorum axioma, diabolum videlicet Deo permittente hæc & illa indiscriminatim posse. Considerandum siquidem, quis ea in re majestatis divinæ à rerum primordiis fuerit ordo & modus, num hunc contraveniat, quod accidisse narratur, quum nihil promiscue aut citra ordinem condiderit universi ordinis causa, imo ipse ordo. Unicuique enim rei suam essentiam, formam, proprietatem, vires & munus indidit, ut quodcunque conditum vel agere vel non agere debeat queatque ex insito Naturæ (quæ nihil aliud est, quam ordinaria Dei potestas, cunctis rebus pro sua cuique conditione indita) motu, & extra hanc inditam à principio potentiam, nihil id ipsum possit : neque aliud huic, quam quod ea ratione potest, à Deo conceditur : alioqui sibi ipsi Deus adversaretur; quod ab eo est perquam alienum.

§ 8. Hujusmodi ordinis constantiam jactis primum universitatis fundamentis animadvertimus in spiritibus, quomodo nimirum angeli puriores in locis & ministeriis cœlestibus versarentur, Deum glorificantes, & quæ illis maxime usui sunt, qui ipsi puritatis sin-

cra-

ceritarisque *δυναμεις* proximiores sunt vel esse possunt, tum & aliis annunciantes administrantesque, quemadmodum hujus libri cap. I. plenius explicui: ita & dæmones illis puritate, ob arbitrii captivitatem & suæ sinceritatis primo inditæ depravationem, inferiores, spiritusque crassiores inferiora sortiti loca, puta aërem & eo demissiolem regionem, in iis vagantur, Dei nutum observantes, cujus sunt ministri vel in probandis vel castigandis vel puniendis ex Dei voluntate hominibus, nec aliter. Hac ratione, quicquid agit, ut Dei minister operatur.

§ 9. Cæterum quando eosdem falsis persuasionibus ad cuiuscunque mali perpetrationem excitare conatur, non ut Dei spiritus vel minister agit, sed uti depravatus sui arbitrii spiritus, quo suæ corruptionis consortes efficere studet, quos ex indiciis externis in hoc vel illud vitium pronos, induci facilius posse colligit. Ut itaque spiritus est impurus & tenebricosus: ita se sui similibus adjungit insinuatque. Tale ex abstrusa Dei ordinatione & permissione opus est diaboli. Nec aliud unquam à mundi creatione ipsum potuisse, ex sacris Bibliis & historiis veris intelligetur.

§ 10. Eodem modo & de hominis insita primitus potentia sentio. Ut autem clarius intelligatur, exemplo quid velim, ostendam. Si à divina majestate mihi permittatur, ut per aëra cum avibus volem, aut per terræ viscera cum lumbricis serpem, vel in aquis cum piscibus degam: id certe nequirem, quia Dei ordinem ab origine constitutum, & insitam mihi à Deo naturalem potentiam contraveniret, quum me hominem de limo terræ, & ex ossibus, nervis, ligamentis, carne, venis, arteriis, sanguine & spiritu compaginatum crearet, hujusque compositionis virtute in terra degerem, eamque excolerem, & quicquid hanc spectaret, sedulo curarem, ex eaque viverem: spiritu vero divinitus indito, cœlestia mihi curæ & studio essent.

§ 11. Ita ab initio volucris levioribus, ut in aëre volent altius, mandatum: succo autem terrestri saburatis, in terram dimissus inclinent. Aquarum hospitium piscibus commissum. Arboribus & plantis terræ superficies præfixa est. Lumbricis & vermibus eam altius persulcandi facta est potestas.

*Non vero ut celeres pascantur in æthere cervi,  
Aut freta destituant nudos in littore pisces,  
Sive pererratæ amborum finibus exul,  
Aut Ararim Parthum bibat, aut Germania Tigrim.*

L 2

§ 12. Non

§ 12. Non minus spiritibus suæ potentiaæ leges & limites præscripti, ultra quos ne latum pilum ferri queunt, etiam si Deus conniveret, cunctaque permetteret. Nihil autem permittit, quod in suo ordine fieri nequit. Hic Dei omnipotentiaæ nihil derogatur, sed dæmonis impotentia ostenditur. Ex omnipotentia porro divina non quicquid concludendum. In scholis dicunt, à posse ad esse non valere consequutionem. Deus non agit contra verbum suum & seipsum. Probandum esset, hoc vel ipsum Deum velle.

§ 13. Ita sancti Patres etiam de omnipotentia loquuntur. Tertullianus dicit contra Praxeam: Plane nihil Deo difficile sensi: quidvis de Deo confirmare poterimus, quasi fecerit, quia facere potuerit. Non autem, quia omnia potest facere, ideo credendum est illum fecisse: sed au fecerit, inquirendum, &c. D. Ambrosius scribit ad Chromatium Epist. vi. 37. Quid ergo ei impossibile? non quod virtuti arduum, sed quod naturæ ejus contrarium. Impossibile, inquit, est ei mentiri. Impossibile illud, non infirmitatis est, sed virtutis & majestatis: quia veritas non recipit mendacium, nec Dei virtus levitatis errorem. D. Hieronymus ad Eustochium De custodia virginitat, inquit: Audenter loquar, quum omnia possit Deus, suscitare virginem non potest post rainam. Augustinus De civ. Dei v. 10. Deus dicitur omnipotens faciendo quod vult, non, faciendo quod non vult. Item: Potestas Dei non minuitur, cum dicitur mori fallique non posse. Mox: Propterea quædam non potest, quia omnipotens est, &c. Theodoretus quoque dicit, non indefinite pronunciandum esse, Deo omnia esse possibilia. Nam qui hoc absolute dixit, omnia & quæ bona sunt, & quæ contraria, simul dixit.

§ 14. Non oportet Dei potentiam esse errorum latibulum. Diabolus sibi multa assumit, quæ non potest. Creare ne muscam quidem hic potest ( hoc siquidem solius Dei munus est, qui cujusunque veræ essentiaæ unicus fons est & origo ) nec id officii ulla sibi tribuere potest creatura, sit vel angelus vel homo. Concubitum item exercere, eoque generare nequit dæmon. Desunt enim ei organa & materia, illis animalibus solum ab initio mandata, quæ carnem, sanguinem, spiritum & ossa, quibus carent dæmones, habent, Vides quantam hic ruinam facit falsissima illa cunctipotentiaæ diabolica persuasio.

§ 15. Imo à me asseritur, illum nihil omnino posse extra indi-  
tam



ram ei à rerum origine vim, quæ ipsius essentia consona est, & ei naturalis dicitur. Ex hujus potentia quicquid operari potest, Deo annuente, concedendum ei est: verum in eo exsequendo sæpius etiam freno coercetur, ut, quod velit & possit, non efficiat. Ad vindictam quidem Dei minister est, exsequutor justitiæ ejus & torror, in eo genere, quod naturali virtute valer, neque amplius.

*Haymo in  
cap. 1. He-  
bræus.*

§ 16. Eadem ratione citra negotium convulseris, vulgarem de Lamiarum viribus objectionem. Has nimirum rerum miracula humanas vires superantia, diaboli adminiculo præstare. Imo nec hæ extra connatam naturæ humanæ virtutem quicquam valent, etiamsi millies cooperetur dæmonium. At potius ob sexum & ætatem ex corporis inidonei constitutione. frigida, humida, crassa & torpida, tenuis substantiæ dæmoniacæ opus impediunt, ut, si ille harum cooperationem requirat, in sui operis exsequutione turbetur inhibeat: que. Multa siquidem huic ut spiritui sunt naturæ ductu possibilia vel naturalia, quæ ob humanæ essentia crassitiem & tarditatem, nostræ naturæ metas longè lateque vincant.

§ 17. Si recluderis, urgeasque ex spirituum communione miracula edi: & quemadmodum se piis clarisque hominum spiritibus adjungunt angeli boni, tenues & puri, ut eorum preces in cælestibus apud Deum exsequantur; eodem modo dæmones, ut crassiores spiritus impuris malevolisque hominum spiritibus se conjungere, ut eorum vota & voluntatem perficiant: respondeo: Ut quidem hæc quadantenus permitto, non tamen sequitur inde, naturalem hominis potentiam ita augeri, ut amplius vel aliter extra insitam ab initio vim quid valeat: at solum à spiritu vitioso spiritus & voluntas depravatur, ut, quod naturæ impetu queat, male & perverse velit & exequatur: nec propterea quocunque plagarum & afflictionum genere quoslibet ex illius precibus affici posse concedendum.

§ 18. Quod autem hujusmodi homines maleferiati desiderant, hoc præstigiis vel in eorundem phantasia vel in aëre exhibet præstigator, ut decipiantur, qui ex naturæ corruptela simili afficiuntur sympathia. Sic utriusque fieri potest voluntas, quatenus naturæ ordo permittit. Nec Deus summe bonus & justus aliter concedit, quam ut pravorum sit communio tum in voto tum in actu; at limitate, ne pro arbitrio lædere queant. Bonorum vero libera est & voluntas & actio, qui nihil volunt, nisi in summo bono, hoc est

Deo, qui infinitus est, nec ullis circumscribitur limitibus.

§ 19. Proinde, non quidvis concedere justissimum Deum asserendum est; sed ea solum, quæ naturalis ordo divinitus constitutus postulat: In cujus notionem si ex ordinatis rerum principiis & ratione pervenire nequiveris, in veritatis libros mentis oculos converte, lucidoque radio contemplare, quid, hætenus diabolo concessum sit. In iis enim velut in tersissimo speculo, totius harmoniæ & divinæ ordinationis ideam, evidentissime cernis. Ad quam *αἰτιολογία* quadam facile referri poterit, quicquid in hujusmodi meditatione tibi remoram objicit.

*Quæ diabolo sunt impossibilia: ubi multa maleficia illi hætenus falso attributa recensentur.*

C A P. XXV.

*Diaboli  
impossibilia.*

*Gen. 19.  
Exod. 7. 8.  
9. 10.  
Vide lib. 2.  
cap. 8.  
Exod. 14.  
15. 17.*

*4. Reg. 4.  
Joan. 6.*

PORRO quemadmodum mirificas Satanæ vires actionesque præstigiosas confessus sum: ita quoque machinetur, fabricetur, architectetur, moliatur, formet, reformet, fingat, mutet quadrata rotundis, artem quæcunque jactet, oculos præstringat: plurima tamen illi ~~impossibilia~~ atque impossibilia proponam, constanter negans, illum aut illius angelos vel minimum corpus posse creare, sive res ex nihilo condere, aut vere pro suo nutu transmutare, aut iis aliam induere formam, virtutem, vel proprietatem. Nequit corpus in salis petram revera immutare, quod uxori Loth contigit. Nec potuit virgas in dracones vere convertere, nec aquam in sanguinem, nec gignere ranas; nec cyniphes vel pediculos ex pulvere producere, nec mare sejungere, ut nudis transiretur pedibus, nec aquam amaram reddere simpliciter dulcem, neque eam idæ petra elicere, quæ cuncta Moses præstitit. Non item res exiguas reddit ampliores, quod in seminibus & quibuscunque creatis à Deo quotidie fieri videmus. Oleum quoque in vasis viduæ vacuis auxit Helisæus: & panibus quinque hordeaceis piscibusque duobus tot hominum millia cibavit Christus, relictis duodecim fragmentorum cophinis. Nec sua virtute potest aquam in vinum transformare, elephantiacos mundare, cæcis visum, surdis auditum, claudis gressus firmitatem restituere, aut ullum morbum vere sanare, vel steriles fœminas fœcundas reddere. Nequit etiam diabolus cum suis membris, alicui vitam dare, aut extinctos ad vitam revocare: aut  
corum

eorum animas in manu Dei existentes, & in Domino obdormientes, è sua quiete turbare: vel institutum divinitus naturæ cursum impedire (quemadmodum Josue Amorrhæos expugnante, & postea Ezechia convalescente, ac Domino Jesu in cruce pendente, revera factum legimus) destruere aut mutare.

*Sapient. 3.  
1. Thess. 4.*

*Josua 10.  
Esaia 23.  
Ecd. 46.  
Dionys. ad  
Poly. ar.*

§ 2. Nec quoque penitus destructa redintegrare potest: non cælo deducere lunam: nec quæ adhuc in herba sunt, aut satas alio traducere messes: non honestos bonosque homines diligere, non improbos odisse: non introspicere ac integre pernoscere sensus & cogitata hominum contra Platonem in Epinomide: non duras, asperas & acutas materies, per solidas corporis partes illæse, aut per strictiores meatus magnitudini materierum certa proportionem aut dimensionem secundum naturæ legem neutiquam respondentes, in ipsa corpora immittere: non ad ullum malum (in quod nocte diuque ipse totus malus, malignaque voluntate quoscunque pessimos mortales vincens, sponte propendet, nec vitiata natura aliter potest) ullius hominis imperio vel arte, vel ex fœdere compelli: non se in hominum corpora pro sua voluntate, aut ad alicujus malitiosæ & maleferiæ anus arbitrium imprecationemve insinuare, nec ejusdem dicto è corporibus egredi: non denique prævidere prius, quomodo fata mundi, imperiorum aut privatarum rerum dispensaturus sit Deus, quam illa voce divina promulgantur declaranturque.

*August. de  
Definit. Ec-  
clesiastic.  
dogmatum.*

§ 3. In Decretis legitur: Quisquis credit posse fieri aliquam creaturam, aut in melius deteriusve immutari, aut in aliam speciem vel similitudinem transformari, quam ab ipso omnium Creatore, pagano & infideli deterior est. Omnibus itaque publice annuncandum est, quod qui talia credit, & his similia, fidem perdidit: & qui rectam fidem non habet, hic non est ejus, sed illius in quem credit, id est diaboli. Nam de Domino nostro scriptum est: Omnia per ipsum facta sunt.

*1. parte 2.6.  
q. 5. epis-  
copi.*

*Joan. 1.*

§ 4. Scribit Psellus Platonici & Christianus, dæmonia sæpe hominibus divitias polliceri, irem gloriam, victoriam, aurorem, cum tamen tradere ex se non possint: quippe quæ nullum imperium habeant. Sed visu tandem quædam inania suis cultoribus asserunt, varia prorsus & instabilia, quæ tamen impii divina esse spectacula putant. Hinc multa, quæ tanquam vere gesta, hæcenus diabolo & illius mancipiis attributa sunt, ut fraudulenta aut præstigiola,

gioſa, vel non eo, quo apparuere, modo revera exiſtentia, collabefcere oportet: quemadmodum luculentis porro demonſtrationibus, ſuſius in ſequentibus docebitur libris.

*Diabolum ignorare hominum cogitationes, ſententi-  
patrum oſtenditur.*

C A P. XXVI.

Q UUM mire controverſum hæcenus apud eximie etiam præ-  
dentie viros fuerit, num ſenſus hominum noſcat diabolus, li-  
cet hic ſacroſanctæ Scripturæ teſtimonia ſatis ſuperque meam ſtabi-  
liant ſententiam, ubi Deus ſolus *επισκοπος*, cordis cognitor & in-  
ſpector agnoſcitur, Act. cap. 1. 15. & Sapientie cap. 1. ſcrutans  
corda & renes, Apoc. cap. 2. tamen, ut præfractionibus nimis in ſa-  
tanicarum virium prærogativam inclinantibus ſatiſſiat, corollarii  
vice, patrum quorundam ſcripta huc facientia adjicere volui, ut &  
hujus ſtationis præſidia in poſterum deferant adverſarii.

*Idem Ra-  
banus lib. 4.  
de ſermo,  
prophetis,  
cap. 10.*

§ 2. Auguſt. de Eccleſiaſt. dogmat. cap. 81. Internas animæ  
cogitationes diabolus non videre, certi ſumus: ſed motibus eas  
corporis ab illo & affectionum indiciiſ colligi, experimento didici-  
mus. Secreta autem cordis ſolus ille novit, ad quem dicitur: Tu  
ſolus noſti corda filiorum hominum.

§ 3. Anſhelmus in caput 6. Matth. Dæmones non poſſunt co-  
gitationes intelligere, niſi aliquibus ſignis indicantur. Ibidem in 15.  
cap. Sunt arguendi hac ſententia, qui cogitationes à diabolo im-  
mitti putant, & non ex propria voluntate naſci. Diabolus eſt adju-  
tor, & incentor malarum cogitationum poteſt eſſe, non author: quia  
nec interiora, niſi per quorſdam habitus & geſtus exteriores, novit.  
Verbi gratia, ſi pulchram mulierem vos crebro inſpicere viderit, cor  
amoris jaculo vulneratum intelligit.

§ 4. Haymo ſuper Euangel. ſer. 4. poſt Oculi: Diabolus non eſt  
author malitiarum, ſed incentor potius. Incentorem poſteſt eſſe, non  
author Non enim poſteſt interiora cordis noſtri rimari, ſed ex geſtibus  
intelligere quid cogitemus. Joannes Caſſianus Collat. 7. cap. 15.  
Nulli dubium eſt, quin poſſint ſpiritus immundi cogitationum no-  
ſtrarum attingere qualitates, ſed indicii� eas ſenſibilibus forinſecus  
colligentes, id eſt, aut ex noſtris diſpoſitionibus aut verbis & ſtudiis,  
in quæ propenſius conſpexerint nos inclinari. Cæterum illas, quæ  
necdum de internis animæ prodierunt, adire omnino non poſſunt.

D E

# DE MAGIS INFAMIBUS,

LIBER SECUNDUS.

DE

*Quibus nominibus magi infames & venefici, in veteri  
Testamento significentur.*

C A P. I.



QUANQUAM mota interdum quæstione, vel disputa-  
tione instituta de Lamiarum actionibus, sacre mox obji-  
ciantur Scripturæ testimonia, in quibus magi vel malefi-  
ci, siue incantatoris aut venefici, vel etiam præstigiato-  
ris, ut alii interpretantur, nomen legitur, eoque denotari nuncupa-  
tas vulgo Lamias vel sagas, mox indistinctius asseratur: comperio ta-  
men, prodigiosos hos homines cum suis artibus, præstigiis, illicitisque  
divinationibus, varie à Rabinis & Hebræis interpretibus exponi, di-  
versis etiam nominibus reddi à nostris Latinis: nec Hebraismo exacte  
vel Latine translationi consonare Græcam. Manifestum id erit, si  
contextum Hebraicū cum quacunque versione non oscitanter con-  
ruleris, Rabinorumque & interpretum judicia attentius observave-  
ris omnibus his locis, ubicunque ulla horum portentorum fit men-  
tio: velut Exod. cap. 7. 8. 9. 22. Levit. 19. 20. Deut. 18.  
Hierem. 27. Daniel. 2. 4. Reg. 21. 2. Paral. 33. & reliquis,  
Ob ejusmodi diversitatem interpretum, & dissidia, prædictis in lo-  
cis virum undequaque doctissimum, & linguarum peritissimum D.  
ANDREAM MASIUM consului, qui voces Hebraicas, rem magi-  
cam spectantes, atque hic usupatas numero septem, his explicuit  
verbis.

¶ 2. Primam, videlicet **ששף** Chasaph, video constanter in vul- *Chasaph.*  
garibus Latinis Bibliis ita redditam, quasi id maleficium significet,  
quo à dæmone demerati homines, per malas artes pecudibus, se-  
getibus, imo etiam ipsis hominibus nocent, aut saltem nocere se  
existimant: à quibus facinoribus maleficus vocantur, quos lex Mo-  
sis,

M

è vita

Mechasse-  
pha.  
Vide & post  
in epit.  
priori ad  
Brent.

Josephus  
Ant.

Jud. IV. 8:  
intelligit  
eos, qui ve-  
nenum u-  
surpant.  
Vide post  
VI. 21.

Φαρμακός  
Φαρμακός  
κός.  
Φαρμακός  
unde Ari-  
stoph.  
Φαρμακός  
δὲς ἑστίν-  
λαγ.

è vita sublato voluit, Exodi 22. hoc decreto. מכשפה לא תהיה : hoc est, Maleficam non pateris vivere. Nomen enim מכשפה Mechassepha, quo lex hic utitur, à כשף Chasaph desectitur : positum-que est in Fœminino genere, ut ajunt interpretes : non quod viros impunes lex esse velit, sed quia ille sexus ob genuinam simplicitatē dæmonis insidiis frequentius pater. Quare Græca tralatio, quam Septuaginta senioribus ascribimus, decretum illud liberius reddidit Φαρμακὸς ἐπιμελιώτης : hoc est, Veneficos ( ut Masculino genere fœmininum comprehendam ) non retinebitis in vita.

§ 3. Animadverto autem prædictum vocabulum כשף Chasaph, & quæ ab ipso deducuntur : vix usquam in prædicta tralatione Græca aliter exponi, quam ut veneficium significant : hoc est, hisce Græcis vocabulis, Φαρμακός, Φαρμακός, Φάρμακον, & quæ hujus sunt inflexionis. Nam & vulgo etiam creduntur illi, quos vocamus maleficos, nefarias suas artes non sine medicatis quibusdam rebus exercere atque efficere : ut taceam authores tum Græcos, tum Latinos.

§ 4. Abenezra autem apud Hebræos magni nominis scriptor, dicit vocem כשף Chasaph proprie ad præstigias spectare : hoc est, eas delusiones, quibus res aliter atque se habeant, nostris oculis exhibentur. Quod ut ipsi concedamus, tamen mihi sane non videatur facile ex sacra Scriptura id evinci posse : tamen Danielis secundo capite, ubi legimus, Nabugodonozere inter alios somnii sui interpretes adhibuisse etiam מכשפים Mechassephim : si præstigiatores veritas, non video, quid illi ad explicandum somnium adferre sua arte potuissent, quæ tota fallax & delusoria est.

§ 5. Quare ejus loci interpret, Levi Gersonis filius, summus in illa gente philosophus, ait, Mechassephim esse eos, qui artem profitentur astrorum, genios cœlo deducendi, atque in characteres quosdam certis horis siderumque cursibus fabrefactos concinnatosque pelliciendi, & illectos in eorum hominum, quos velint, aut commodum aut incommodum incitandi, vel ad quævis etiam alia officia adigendi, veluti ad præfagia significationesque rerum abditarum. Malachiæ cap. 3. vers. 5. mechassephim & memaphim, id est, malefici & adulteri, conjunguntur.

§ 6. Ego vero, si meum judicium etiam requiris, putarim illud vocabulum late patere, atque ad quamvis magicam artem spectare : & in hac sententia video etiam esse vulgus Hebræorum. Video tamen

tamen Syros illa voce uti pro *καταγγέλλω*, hoc est, rem divinam facere, aut sacris operari, item precari suppliciter & magno studio. Et quia Syri sic illo themate utuntur, probabile est, olim Hebræos quoque illos pristinos sic usurpasse. Sæpe enim fit, ut vocabulum aliquod in vicina conservatum lingua inveniat, quod è sua periit. Sicut Ligures hodie lotum arborem aut fructum fabam Græcam vocant. Latini autem, quid sit faba Græca, nunc ignorant.

§ 7. Secunda vox erat *קסם* Kasam, ea videtur, etiam Hebræis authoribus, peculiariter ad futurarum rerum præfagia pertinere. *Kasam.* Quare & in Græcis Bibliis ubique, quod sciam, significatione verbi *καταγγέλλω*, quod vaticinari significat, redditur: veluti Deut. 18. Jerem. 27. & alibi. In Latinis vero Bibliis (loquor aurem semper de vulgari tralatione) interdum vertitur ariolandi, interdum divinandi verbo: ut in iis locis, quos jam citavi. Est autem etiam ubi in bonam partem accipitur, pro eo qui subtilioris ingenii sui perspicacitate futura prævidere aut conjicere potest, & quod facto opus est, perspicere. Sic enim uritur Jesaias cap. 3. vers. 2. cum inter alios, qui rempublicam conservare apud Hierosolymitanos possent, istos etiam enumerat.

§ 8. Tertia *עבון* Onen, in Latinis Bibliis aliquando observare somnia, ut Deut. 18. & 2. Paralip. 33. aliquando augurari, ut Jer. 27. interdum etiam divinare, ut Micheæ 5. vertitur. In Græcis vero, nonnunquam *οἰωνίζωμαι*, id est, augurari, ut Jer. 27. *οἰωνίζωμαι* plerunque etiam *ἀποφθίγγωμαι*, oracula edere, Micheæ 5. Vereres Hebræorum dicunt id verbum ad eos proprie pertinere, qui temporum momenta supersticiose observant, atque alia fausta rebus gerendis, alia infusta præscribunt. *οἰωνίζωμαι* *ἀποφθίγγωμαι*

§ 9. Quarta *נחש* Nahas, Deut. 18. & 2. Paralip. 33. Latine vertitur, observare auguria: Græce vero, ut ea, quæ proxime præcessit, *οἰωνίζωμαι*, vox est in Bibliis frequens. Hebræi dicunt, ad eas conjecturas accommodari proprie, quibus rerum præsentium futurarumque statum nimis curiosa & sane delira religione conjicimus ex fortuito quopiam eventu: velut ex dextro aut sinistro avium volatu, aut animalis cujuscumque occurso, vel membri nutu, tinnituve aut lapsu, sternutatione item, singultu, cantu, cribrum motu: & quæ sunt aliæ hujus generis mille superstitiones apud mulierculas in vanissimo usu. *Nahas.* *נחש*

§ 10. Quinta *הבר* Habar, Latine incantare, Græce *ἰσχυρίζομαι* *ἰσχυρίζομαι* incantatores.

traducitur. Utuntur Hebræi ea, quando arcana quædam verba à Magis missantur, quibus efficacia inesse mira putatur. Quis illud est Virgilii nostri:

*Frigidus in pratis cantando rumpitur augur.*

§ 11. Et ego vidi, qui verbis sisterent feras, relique jactum expectare cogere: & qui secundum illud & domesticum animal, quod Rattum dicimus, simulatque conspexissent, quovis loco quasi attonitum aut stupidum subsistere, nec se loco movere compellerent (sive id visu solo, sive incantatione effecerint) donec non ex insidiis, sed protensa manu apprehensam strangalarent. Quin & David ejusmodi miracula fieri per incantationes, satis videtur de aspidē surda significare. Cujus mentionem facit Psal. 57. aut juxta Hebræicos codices, 58. Quo loco nititur verbo isto חָבַר Habar: & simul etiam verbo שָׁח Lahas, quod idem significat.

Lahas.  
Ob.

§ 12. Sexta vox חַי Ob, plerumque redditur in Latina translatione Python, aut Pythonicus spiritus: ut Deut. 18. Esa. 19. 1. Reg. 28. & 4. Reg. 23. ac alibi crebro. Interdum etiam, sed ut mihi videtur, minus proprie, magus: ut 2. Paral. 33. In Græca autem fere semper ἰγασεῖν: nisi quod 4. Reg. 21. & 23. interpretetur δαιμόνιον, & nescio an usquam alibi. Significat vero vox חַי Ob, Hebræis utrem aut lagenam: unde & eos dæmonas, qui obscuris vocibus, ex semotioribus corporis humani partibus, veluti ex axillis, aut sceminarum pudendis responsabant, quasi ex utre aut laguncula, חַי Ob, aut plurali numero Oboth, ea gens vocavit. Græci vero apposita voce appellarunt ἰγασεῖν, aut ἰγασεῖρας, eo quod ex ventribus hominum profarentur. Quam vocem Græcam imitati Latini quidam, non ineptis ventriloquos dixerunt.

ἰγασεῖν  
μυθῶν.  
ἰγασεῖ-  
ρας.  
Part. 2.  
conf. 26.  
7. 3.

§ 13. Accommodantur autem illa vocabula proprie ad ipsos malos spiritus: interdum tamen etiam ad ipsos homines, qui illos patiuntur. Ejus generis dæmonium nobilitavit olim apud Athenienses quendam Euryclem magum, ut author est Aristophanes in Vespis: ubi ait, se supplicitiis suis comædiis multum commodi aculeis: Reipub. Atheniensium, quas, Euryclis imitatas oraculum & morem, in aliorum poetarum ventres ingressas, clam recitandas curavit. Ab illo Eurycle (ut doctissima commentaria Græca ostendunt) vates ejus generis postea dicti sunt ἰγασεῖν, & ἰγασεῖρας vel etiam ἰγασεῖρας. Puellam quoque cujus in Actis Apostolorum

Vide lib. 2.  
cap. 14.

cap. 16.



cap. 16. fit mentio, ventriloquam fuisse, author est D. Augustinus in eo libro, quem de doctrina Christiana composuit. Sed de hoc satis.

§ 14. Postrema vox Hebræa erat **לִידוֹנִי** lidoni, quam ab Hebræo verbo **לָדַד** iada, quod scire atque cognoscere significat, deductam puto. Quamquam non ignorem, quas nugis Hebræi adferant de animali quodam terigeno, humana forma, cui nonnisi Jadda fingunt, & cujus ossa vaticinentur illi, qui lidoniam vocentur. Est enim illa gens nimis quam stulta, in eiusmodi anilibus deliciis & fingendis & credendis. Vocabulum lidoni vertitur Latine aliquoties Divinus, ut Deuter. 18. Levit. 20. & fortasse alibi: non nunquam etiam ariolos, ut Levit. 19. item 4. Reg. 23. Esaiæ 19. Grece vero interdum **ἰνιδῶν** ut 2. Paral. 33. Levit 19. & 20. Interdum autem **ἰνιδῶν**, quod illi, quam dixi, etymologię appositissimum est, ut 1. Reg. 28. 4. Reg. 21. & 23. Est autem ubi vertitur, **ἰνιδῶν** **ἰνιδῶν**, qui est terra cluniter: ut Esaiæ 8. & 19. Quod an ad oraculum est terra redditum spectet, an vero ad manes sepulchris exciendos, quale 1. Reg. 28. narratur factum, non satis scio.

§ 15. Equidem putarim, vocabulum hoc lidoni, omne demonum vaticinantium atque responsa dantium genus complecti: illosque ab rerum omnium cognitione, quam profiteantur, sic esse appellatos. eam vero, quæ hanc proxime antecedit, dico **וִּיחֹב** Ob, horum certam speciem, ex ventribus scilicet, aut a villis, aut aliis secretioribus humani corporis partibus obscura voce profantium significare. Cujus rei vel id argumentum esse potest, quod in universis Bibliis hæc duæ posteriores voces, vix altera sine altera scriptæ usquam habeantur. Certe ultima hæc lidoni, nusquam omnino, nisi mox post illam penultimam. Atque ita fiet, ut illarum septem vocum, quas commemoravimus, priores quinque ad hominum superstitionis vanitates, aut veneficia etiam, quibus vel res abditas cognoscere, vel miracula efficere se posse putant, videantur spectare: duæ vero postremæ, ad ipsa malorum demonum, aut demoniacorum hominum (ut sic dicam) oracula.

§ 16. Hic præcipua illa horum monstrorum vox non erat prætermittenda, nimirum **חַרְטוּמִּינִי**. Sic eos dici ait Rabbi Levi, qui naturali modo mirabilia faciunt, aut facere censentur ab his, qui eorum dexteritatem minus diligenter observant. Aben Esra interpretatur, qui secreta qualitarum rerum & naturæ cognoscunt. At tales non fuisse, res ipsa docet, quam naturali potentia illi produci

effectus, quales Exod. 7. & 8. leguntur, nequivissent. Enimvero sic sui silentiagi naturalium rerum periri, Deo grāti, nihil in ejus contumeliam præfractè molientes. At Hartummim in Exodo, potius magi fuere infames: qui, ut diaboli mancipia, nihil non præstigiis demoniacis conati sunt, impiorum oculis rerum simulacra obijcientes, ut Mofi & Aaroni legatis Dei, fides derogaretur: qua ratione præstigiatores dicendi potius essent.

§ 17. Est autem aliarum nationum vocabulum, ab Hebræa lingua alienum & peregrinum, usurpatum tamen ab Hebræis, velut Genes. 41. vers. 8. & 24. item Exod. 7. v. 13. & 24. & cap. 8. vers. 7. & 18. & cap. 9. vers. 11. Adhæc Daniel. 1. vers. 20. denique Daniel. 2. vers. 2. D. Hieronymus in Gen. vertit Conjectores: in Exodo, Maleficos. Et sane Exod. 7. vers. 13. qui primo vocantur Hachamin, id est sapientes, & Mechassephim, hoc est malefici, ut quidam volunt, mox dicuntur illi ipsi Hartummim Mezeraim, hoc est, incantatores Ægyptii: unde colligi potest, quales sint Hartummim. Idem in Daniele interpretatur Hariolos. Rab. Isaaci Nataris sententia est, hoc nomine vocatos esse ab Hebræis quosvis, qui intergentes singularem profitebantur sapientiam; præsertim, quum ea ad superstitionem pertineret.

*Magus il-  
lusor, &  
Lamia de-  
lusa, & ve-  
nificus eo-  
dem nomi-  
ne Germa-  
ni dicun-  
tur.*

§ 18. Nostis adhæc Germanis uno eodemque nomine Zauberer nuncupatur magus, ex professo illusor, & frequenter eruditus. Saga vel Lamia ob mentis imbecillitatem & corruptam phantasiam à diabolo delusa, & venenum studio usurpans veneficus. Hinc evenit, ut quando sagarum fir mentio, vel veneficorum, mox Pharaonis præstigiatores, longe à sagarum & veneficorum actionibus alienos opponant, æquivoco Germanico falsi.

§ 19. Proinde omnes scriptores Germanicos, quorquor me hæcenus in ea lingua legisse corrigi, graviter in hoc argumenti genere impegisse, etiam si speciosos librorum foribus præfixerint titulos, atque sacræ Scripturæ testimonia produxisse videantur, palam restari minime pudet: maxime, quod in aëre turbando morbisque conciliandis nimium eos Lamiis tribuere, gladiumque strictum & fasces inflammandos crudelissimis carnificibus sine judicio, discretionem, vel ulla commiserationis nota imprudentius subministrare videant.

§ 20. In ea opinionum varietate, ne renebras offundat nominum confusio, ad hoc nostrum institutum variis de causis libuit, Magum in-

gum infamem à Lamia & venefica sejungere : ut clarius , exulceratissimo hoc nostro seculo , & in hoc negotio , adhuc tam indocto , res innotescant (cui usui voces servire oportet) & hi internoscantur , de quibus mihi sermo est : atque palam videatur , ubi ab aliorum male inolita opinione , rationis & sacrosanctæ Scripturæ basi innixus firmissime , non temere dissentiam. licet his hominibus , ac eorum artibus , quædam esse communia non diffitear.

*Quid magus infamis, γυναικα & θυγατέρα.*

CAPUT. II.

**M**AGI itaque infamis nomen generalius erit , nec tam augmentis constrictum cancellis : Lamiatum vero & veneficarum appellatio strictioribus circumscribetur limitibus. Magus enim nuncupo , qui à dæmone vel ab aliis , aut è libris voluntarie edoctus , præscripta aut barbarorum ignotorum aut cognitorum verborum formula recitata , submurmurata , applicatave , vel characteribus quibuscunque aut exorcismis , dirisque execrationibus aut ceremoniis , solennibus ritibus , aut rebus plerisque adjunctis , pro suo arbitrio , dæmonium in præstigiosum , fallax , vel alioqui ludicrum ministerium , illicite evocare conatur , ut ascititia sese vel conspicua ostendat imagine , vel aliter prodatur , ad quæsitam vel voec vel susurro respondeat , vel picturis , vel notis , vel quocunque alio modo : vel qui aliud opus , simili ratione præter naturæ legem , perficere nititur. Sub hoc etiam nomine illos omnes comprehendo , qui ab Hebræis , Græcis & Latinis hic variis dicti nominibus , superstitione modoque vetito furura prædicunt.

§ 2. Magorum artem omnem ac potentiam aspirationibus dæmonum constare , perhibet Lactantius : à quibus invocati , visus hominum præstigiis obæcantibus fallunt , ut non videant ea , quæ sunt , & videre se arbitrentur ea , quæ non sunt. Sic Clementis & fratrum oculos effascinat Simon magus , ut patris Faustini vultui facies videretur impressa Simonis : Petrum vero deludere poterat minime. Hoc vere incantare , fascinate , effascinare dicitur : γυναικα Græcis , ἡ μάγισσα vel etiam βασκαίνω , (quanquam duæ hæ voces minus generales existant) qua dictione Paulus usus est : Οὐκ ἔστιν ἡ μάγισσα , quis vos incantavit , & oculis veluti præstigio imposuit , ut non crederetis veritati ? De oculis delusis Paulum intellexisse , testantur sequentia.

*Magus infamis.*

*Magiam Egyptiorum ipsam prædicant Calaisru apud Heliodorum de Histor.*

*Æthiopica ex Egypto ad est. magia antistes duplicem facit.*

*Orig. error. II. 15.*

*Clem. lib. 10 Recog.*

*Incantare Fascinare. γυναικα & βασκαίνω. ἡ μάγισσα. βασκαίνω. Gal. 3.*

§ 3. Est

*Præstigi-  
um.*

*Fascinum.*

*Magia in-  
fama.*

*ἐπεδή.*

*γυνήσια.*

*θυρία.*

*August. lib.  
10 de Civ.  
itate Dei.*

*πλῆθ.*

*μαγεία  
omniumdam  
græcorum.*

*Athenam  
ex Cicerone,  
lib. 9.*

*4. Reg. 21.  
2. Paral. 33.*

§ 3. Est autem plane præstigii genus, ut id, quod sit, non videas: tum quod non est, te videre putes: ita visus intuentium præstingitur. Fascinum id, fascinationem, incantationem, maleficium vel carmen appelles licet: Magiam voce Persica, magicen, magiam infamem, magicam artem, immundorum spirituum commercii inaspicantem: Græce ἐπεδή & ἐπιδή, quæ dicas excantatricem: vel celebriori voce, γυνήσια, incantationibus & carminibus nefariæ curiositatis arte compositis concinnatam, quam honestiore vocabulo etiam θυρία vocare audent, licet quodam discerniculo: quasi illius cultores, ut artibus illicitis deditos, putent damnandos: hujus vero patronos, laudabiles. quamvis utrique sint ritibus dæmonum fallacibus obstricti sub angelorum nominibus.

§ 4. Quandoquidem & Porphyrius quandam quasi purificationem animæ per theurgiam, cunctanter tamen & pudibunda quodammodo disputatione promittit: reditum autem ad Deum hac arte præstari cuiquam, inficiatur omnino. Quibusdam vero consecrationibus theurgicis, quas πλῆθες nuncupant, idoneam fieri atque aptam susceptionem spirituum & angelorum ad videndos deos (vel certius, meo quidem iudicio, dæmones colludentes) arbitratur. Hanc & Augustinus rejicit.

§ 5. At μαγεία esse boni, ad bonum aliquod, dæmonis advocacionem, Græci quidam suco illito volunt: cuiusmodi fuerunt Tyanei Apollonii vaticinia. γυνήσια autem mortuos excitare: unde etiam ἐπὶ τῶν γυνών, id est à luctibus, deducunt, qui ad sepulchra edi noctu assueverunt, atque noxios dæmones in subsidium permoveere & excire credebantur: & ob id illa aspergine lustralis aquæ & tædarum igne expiabantur, ne dæmones ea vel obsiderent, vel laderent. Hanc artem omnium placita legum exterminant execranturque. Hinc inter sacrilega Manassis regis flagitia, quibus Deum irritavit, connumeratur, quod fuerit maleficus, magiam excruecit, & Pythionem consuluerit.

*Magia origo, & qui primi ejus cultores: insuper  
Magici libri patribus falso inscripti.*

C A P. III.

*Laëtant.  
Eusebium.*

HUJUS artis originem ab angelis prævaricatoribus deducit Apud Clementem Petrus lib. 4. Recog. referens, eos docuisse

cuisse homines, quod dæmones artibus quibusdam obedire mortali-  
libus, hoc est magicis invocationibus cogipossent, ac velut ex  
fornace quadam & officina maliciæ, totum mundum, subtrahendo  
pietatis lumine, impietatis fumo repleverint. Ita introducendum di-  
luvium. Cham vero superstitis Noe filius, cuidam ex filiis suis, *Non multo  
seam Bero-  
sus scribit.*  
& Perfarum ducitur genus) male compertam magicæ artis tradi-  
dit disciplinam.

§ 2. Hunc gentes, quæ tunc erant, Zoroastrem appellave-  
runt: admiratæ primum magicæ artis authorem, cujus nomine  
etiam libri super hac plurimi habentur. Hic à dæmone, quem im-  
portunius fatigabat, igne succensus concrematur. Hujus cineres,  
tanquam fulminis ictus reliquias, colligentes hi, qui erant primo  
decepti, deferunt ad Persas, ut ab eis tanquam divinus è cælo lap-  
sus ignis, perpetuis conservaretur excubiis, atque ut cælestis Deus  
coleretur. Plura ibidem: & quomodo hinc templa sint constru-  
cta, imagines erectæ, mysteria, ceremoniæ ac sacrificia instituta,  
ut eo licentius peccarint homines, idola nec videre, nec audire,  
nec in aliquo moveri scientes.

§ 3. Sic Plinius, quoque in Perside à Zoroastre ( qui Persa *Berosus.  
li. 30. ca. 1.*  
Oromasi filius erat, quem aliqui filium Nohæ Cham putant ) or-  
tam magiam commemorat: fulius ejus originem, quando & à qui-  
bus cœperit, & celebrata fuerit, enarrans. Justinus in sua Epitome  
hunc Zoroastrem, qui magicam reperit artem, & de eadem centum  
millia versuum ab Hermippo commentariis illustrata composuit,  
Bactrianorum regem fuisse scribit, qui ( teste Eusebio de Tempo-  
ribus, & in x. de Præp. Euang. ) plus 800. fere annis ante tem-  
pora Trojana fuit, quo etiam tempore Abraham & Ninus, quicum *Velaterr.  
x. 4. Orif.  
1. 4. Phri-  
sogenf. 1. 6.  
Gnidus,*  
bella gessit, vixerunt, cum ageretur annus ab orbe condito M. M.  
c. l. x. x. v. Moriens Assyriis prædixit, si cineres suos conservarent,  
ipsorum regnum non periturum. Præceptorem in hac vanitate ha-  
buir Agonæen, quem aliquot annorum millibus ante Trojanum  
bellum fuisse celebrem, quidam sentiunt ex Cosmographica suppu-  
tatione, qua Trojam annis 4020. post mundi creationem captam  
numerant.

§ 4. Methodius scribit, anno 340. Jared surrexisse viros malæ  
artis inventores, iniquos & omni nequitia plenos, ex filiis Cain, *In suis re-  
velatio-  
nibus,*  
ut Jobeth & Tholuscol filios Lamech, qui cæcus fuit, quorum do-  
minatu

*Zamolxis*

*Tythagoras*

*Straboni*

*lib. 16.*

*Magi. Contra*

*Almadalem &*

*Alchindum*

*de effectibus*

*projectorum*

*radiorum*

*Joan. Fr.*

*Trism. lib. 7.*

*cap. 5. & 6.*

*ex professo.*

*Curt. lib. 6.*

*Philosfr. in*

*vita Apolloni.*

*Volaterr.*

*Anthrop.*

*xlii. 8.*

*Dion Nica-*

*nus & Xi-*

*philinus in*

*vita Antio-*

*nni Philo-*

*sophi. Sui-*

*das. Crinit.*

*lib. 5.*

*cap. 11.*

*Fulgos.*

*lib. 6.*

*cap. 11.*

*Philosfr. in*

*vita Apolloni.*

*Volaterr.*

*lib. 13.*

*cap. 4. Ad-*

*versus*

*Apolloni*

*Tha. magi.*

*ca. Picus.*

*lib. 7.*

*cap. 10.*

*Contra Por-*

*phyrium &*

*illius lib. de*

*responsis.*

*idem lib. 7.*

*capito 4.*

*Plin. xxxv.*

*Volaterr.*

*lib. 13.*

minatu diabolus eos convertit ad omne genus magicarum artium.

§ 5. Zabulum & Zamolxidem in illicitas artes pronos, hanc primos excogitasse, vel potius propagasse, ut à patre diabolo haud dubie natam, ferunt alii.

§ 6. Horum vestigia sequuti sunt Almadal, Alchindus & Hipocus ex Arabum turba, Apuscus, Zaratus & Cobares apud Medos, Marmaridius apud Babylonios, Zarmocenidas apud Assyrios, Abbaris item apud Hyperboreos, Thesphection apud Aethiopes, Arnaphis apud Aegyptios, Julianus apud Chaldaeos, vocatus Theurgus, filius Juliani philosophi, qui lib. 4. de daemonibus scripsit, sub M. Antonino: Cambyfes & Zamares, Charondas, Dæmogorgon (aliis Damigeron) Eudoxus, Hermippus, Gobrias. Existerunt & alii clariore antistites, ut Trisnegistus Mercurius, vel Hermes, qui tempore Moisi vixit apud Pharaonem, quem mare rubrum absumpsit: Apollonius Tyaneus, Dardanus, Gog Græcus, & Germa Babylonius.

§ 7. Recentiore vero magiam (quam Cypriam dixerent) ex Perside invecram esse in Græciam, prodiderunt Græci, à quodam Hostane Persa, qui Xerxem bellum Græciæ inferentem comitatus, femina artis portentosa undique sparsit, infecto quocunque comaeaverat mundo. Hanc ad rabiem, non aviditatem modo scientiæ ejus, Græcorum populos egisse, asserit Plinius. Inde Hostanes secundus, Alexandri Magni comes, artem hanc illustravit.

§ 8. In universum deinde orbem magiæ studium est transfatum. Hunc & coluere Antisthenes Atheniensis, discipulus Socratis, & Diogenis præceptor, author librorum de arte Magica: Onomacritus apud Athenienses Musæi socius, Athenis ab Hipparcho expulsus: Thrasyllas etiam ob hujus peritiam Tiberio Cæsari admodum gratus: Sempronius Rufus, natione Iberus, præstigiorum nomine à Severo Imperatore in insulam relegatus, deinde ab ejus filio Antonino revocatus: Ceticus quoque, Hermogenes, Philetes, Cyprianus qui D. Justinam virginem Aglaio amatori frustra conciliare nisus est: item Didius Julianus, & Antoninus Heliogabalus.

§ 9. Porphyrius à posteriore gentilitate maxime cultus, & inter Platonicos, ob excellentiam, philosophus cognominatus, sed hostis ille Christi asophos vel misosophos potius appellandus, cujus præceptor Plotinus Italiciæ scholæ Platoniciæ patronus, ut Jambli-

Jamblichus Ægyptiacæ, & Proclus Asiaticæ. Hic habitus omnium Platonis mysteriorum consultiſſimus, cujus librum de Sacrificio & magia non minus graviter quam acerbè perſtringit Joa. Franc. Picus de Prænotione ſuperſtitioſa VI 1. 5. Hi ſimul operam dederunt, ut cum ſtudio & labore inſanirent, philoſophi alioquin ſua laude digni. Amphionem quoque Thebanum & Orpheum magicis artibus valuiſſe, tradit Pausanias. His adde Apulejum Medaurenſem non alia de cauſa fictum in aſinum fuiſſe commutatam, quam ob magicarum vanitatum peritiam. Item Artephium, qui in Compendio ſtudiſ Theologiæ affirmat, ſe petagraſſe omnes Orientis regiones exquirendæ ſapientiæ gratia, & ad Tantalum perveniſſe in aureo throno ſedentem, deque cœleſtibus, de natura, de moribus docentem, qui nihilominus ab Artephio ſit doctus.

cap. 3. An-  
thropy. He-  
rodot. in  
To'phym-  
nia Dian.  
in Tiberio.  
Dion. &  
Xiphilin. in  
Antiquis.  
Capitulinus.  
Spartianus.  
Volaterr.  
lib. 3. An-  
thro. Dion  
& Xiphil.  
in Antoni-  
no. Porphy-  
rius.  
Plotinus.  
Jamblichus.  
Proclus.  
Joan. Pic.  
l. 2. c. 5. de  
Tran. di-  
vin.

§ 10. Illuſtrata hæc magia eſt, & fere abſoluta à Democrito Abderite, qui Dardani Ægyptiorum magi peritiſſimi libros de Magia conſcriptos, & in ejus monumento abditos eruit, atque juſtiſ commentariorum voluminibus ex diſciplina Apollonicæ Capſidenis & Dardani Phœnicum explicavit. Ab illo Dardaniæ dicuntur artes. Unde Columella:

*At ſi nulla valet medicina repellere morbum,  
Dardaniæ veniunt artes.* —

Et Choæſtes apud Valerium Flaccum:

*Maximus hos inter Stygia vocit arte Choæſtes.*

Item: *Hercule non pavido ſetis mulcere leænas.*

Et apud eundem:

*Nec non ſerpentes dirò exarmare veneno*

*Doctus Atyr, tactuque graves ſopire cheydras,*

*Ac dubiam admoto ſobolem explorare ceræſte.*

Syllius  
lib. 1.

§ 11. Eodem Dardani exemplo duodecim libros à ſe de hoc præſtigiæ genere concinnatos, in ſepulchro ſecum recondi voluit Numa Pompilius, rex & pontifex Rom. Extant & de hoc artiſicio Hermetis libri.

§ 12. Non hi erant prætermittendi præſtantiſſimi philoſophi, Pythagoras, Empedocles, Democritus & Plato, qui ad hanc artem diſcendam (Plinio auctore) navigarunt, exiliis potius, quam peregrinationibus ſuſceptis. Hanc reverſi prædicarunt, hanc in arcanis habuerunt. Quin & Pythagoram, Platonemque, ob eam capeſſendam Memphiticis vates acceſſiſſe, & pene totam Syriam, Ægyptum,

Lib. 10.  
cap. 1.

Platarch.  
in vita Na-  
ma. Contra  
monſtroſa

*Pythagora  
facta scri-  
psit Timon.  
Philosophus.*

tum, Judæam, & Chaldæorum scholas perlustrasse, compertum est. Enimvero hanc apud Chaldæos, religionem etiam in sapientiam philosophicam commutantes, Assyrios, Persas, Arabes, Ethiopes & Indos plus ab initio cultam fuisse atque celebratam, quam apud ullas alias gentes, constat.

*Ægyptii  
natura su-  
perstiosus.*

§ 13. Ægyptios adhæc, natura supersticiosos, ac in aniles fabulas & histronica commenta religionem vertentes, inprimis ea clauisse, quod potissimum apud eos dæmonum viguerit cultus: quibus nihil studiō majori fuit unquam, nihil prius, quam ut quibuscunque possent modis, à vera Dei & naturæ contemplatione abreptos, transversos homines suis illaquearent vafra mentis. Ita Græci amantes & perquam studiosi novarum & ingeniosarum inventionum, in Pyrronias disputationes religionem transfuderunt, quemadmodum Romani dominationis naturā cupidī, eam ad suos similiter inflexerunt attemperaruntque affectus, & imperio conformarunt politico: quā ratione utrique dæmonum artibus manum quoque pronius dederō. Extiterē & Choatræ populi, incantatores non vulgares, quorum latus juxta Mæotim, Plinio teste, Valerius Flaccus. Argonaut. v. 1.

*Centoras Et diros magico terrore Choatras.*

*Herod.*

Neuri Scythiæ populi instantatores quoque habitus famosi.

*Naturalis  
magia  
quid, &  
quas com-  
mendatio.*

§ 14. At quanquam naturalem magiam plerosque eorum authorum coluisse obijcietur, plurimum tamen eosdem superstitionis impie infamisque magiæ admiscuisse comperitur: ut naturalis illa gætiæ & theurgicæ illecebris confusa, malorumque dæmonum imposturis irretita, non satis secernatur: alias penitissima illa naturalium rerum abstrusarum speculatio & cognitio, vera nimirum philosophia, sanctiorque magia, à sapientibus solenni plausu excipienda, colendaque, à me hic non elevatur, cui etiam nulla ex parte quicquam derogatum volo.

§ 15. Rabini Hebræorum asserunt, antiquos patres ad Sannædriū, hoc est, consilium & judicium magnum admisisse neminem, nisi magiæ peritum, & guarum septuaginta linguarum. Adhæc quos Græci philosophos aut philosophos, Chaldæi etiam magos vocant, ut in Daniele testatur D. Hieronymus: hos commendat veritatis historia, Matth. 2. Momentum enim, locumque nati filii Dei, ex prophetiis, quas in illo regno & Babylonico Israëlitiæ captivatis tempore sparserant, stellæ monitu agnoscunt. Quam quidem stellam.



stellam non fortuito illuxisse, neque ex materia physica naturæ du-  
ctum inflammata exarsisse, verum divinitus accessisse, ut Christi na-  
tivitatem designaret, ipsosque ad locum, in quo erat, deduceret,  
intelligunt.

§ 16. Superiorum vero infamia vel hinc magis elucescet, quod  
in Divinationibus Cicero scribit, in Persis augurari magos, & divi-  
nare, congregarique in fano commentandi causa, arque inter se  
colloquendi. Et quod gravius multo est, in lib. de Sacrificio &  
Magia Proclus, dum hanc naturalium sympathiam cognationem-  
que, & si voles, compassionem latissime demonstrat, etiam nu-  
minum advocacy uti solitos magos, per hujusmodi rerum con-  
sensum, tradit. Eos quoque multæ idololatricæ occasionem dedis-  
se, fabricatos temere superstitionum & falsæ credulitatis plurima  
genera, testatur Laërtius. Ex quo artis liquet ignominia, quod nu-  
minis appellatione prætexta, ad dæmonum inclinans versutias, im-  
peditissimis & ipsa erroribus obretita, minus providos in interitum  
præcipites rapiat.

§ 17. Sed utinam posterioribus Magis ea mansisset religio,  
quæ Magorum Persarum erat, & Ægyptiorum sacerdotum, &  
Druidum Gallorum! qui nefas esse arbitrabantur, eam magiæ sacra  
literarum monumentis committere, ne vulgo innotescerent. Ita  
tandem fuisset sperandum, illud prodigiosum diaboli artificium, at-  
que generi humano exitiosum, prorsus interituum. Quemadmo-  
dum & jam Theologis & Medicis quocunque moliminis genere  
conandum, ut artium hæc perniciosissima, fraudibus plena, & reli-  
gionis nostræ sacris quam longissime exulet, & ÷ divinæ Medici-  
næ castris omnino procul exterminetur: quum utranque suis fac-  
tis exorcismis, barbaricarum vocum preculis, obscurorum nomi-  
num recitatione, factos sancti eloquii abusu, ligaturis, periaptis,  
carnibusque ad salutis & vitæ hominum perniciem conspiciantur.  
Sicuti apud Judæos secretiorem divinæ legis interpretationem,  
Cabala nuncupatam, identidem ab ea deſcedatam vitiatamque le-  
gimus: ut Cabalistica ejusmodi magia, Christum incomparabilia  
effecisse miracula, astruere non exhorrescant perfidi Judæi.

*Cabala à  
magia in-  
fami vitia-  
ta.  
Libri ma-  
gici.*

§ 18. Et hodie adhuc titulis, quos præ foribus splendidos  
suspendunt hi magi, eminentis circumferuntur libri sub nominibus  
Adæ, Abelis, Enoch (quem diviniorem ante ceteros fuisse asseruit  
vetustas) item Abraham, Aaronis, Danielis ob somniorum explicatio-

*Emes.*

*Antiq.*

*Jud. viii.*

*2. Vide Jo-*

*quenti li. 3.*

*cap. 22.*

*eam de Se-*

*lomo opo-*

*nionem sci-*

*te delatam.*

*Justin.*

*lib. 16.*

*Lib. 30.*

*cap. 1.*

*Lib. 1. &*

*2. contra*

*Appionem.*

*Magi pro-*

*fana.*

*Ex magis*

*multi hare-*

*tici pro-*

*dicere. 1.*

*Timoth. 3.*

*Simon Sa-*

*maris ma-*

*gis, 'hare-*

*sim sem-*

*narum.*

*Abdias*

*episcop.*

*Bab. lib. 1.*

*certam ;*

*Apofol.*

nem, Solomonis ( insigni conjectura ita ex Josepho augurantur sacrilegi, indoctis artibus irreperentes ) adhuc Zachariæ Babylonii, Pauli, Honorii, Cypriani, Thomæ, Hieronymi & Eboracensis tujafdam : ut ob speciosa hæc nominum lenocinia magis artideant, illuciantque & citius fidem sortiantur.

§ 19. Verum acrius intuenti, aperte se prodit horum furciferorum circulatorumque fallax præstigium, & nostro ævo jam pridem confecta sese profitentur ipsa volumina. Joseph quoque Israelis filio, ex peculiari Dei munere vaticinanti, somnia interpretanti, in fratrum ministerium à providentia divina segregato, Christique typum gerenti, eam aspergit maculam Justinus, illum magicas novisse artes, easque ad Moysen & reliquos pervenisse scribens. Idem de Moysen tradit Plinius, & Tacitus : quem etiam Ægyptium sacerdotem dixere non valde diligentes ( teste Capnione ) quidam rerum scriptores, ut Strabo Cosmographiæ lib. xvi. Magum item & fallacem eum appellat Possidonius, & Lysimachus, & Appollonius Molon, & plerique alii, similiter Appion : quos mendacii, ignorantie & insanie insinuat Josephus multis argumentis.

§ 20. Eam labem in primitiva Ecclesia quoque multis Christianis illeverunt gentes, qui tantum differebant à magis, quantum à tenebris lux, à mendacio veritas, ab ima vanitate, summa & sincera pietas. Hos Origenes defendit. Nec sane illud mirum, quum plures ab hæreticis & impostoribus libros sub titulo Servatoris nostri Jesu fuisse editos, non solum Hieronymus in 13. Ezechielis commentario testis sit : sed & Augustinus in 1. de conf. Evangel. affirmet, fuisse gentiles quosdam temporibus suis, qui jactarent se vidisse & legisse libros aliquot Christi ad Petrum & Paulum, in quibus scripta esset summa totius artis magicæ, ex cujus peritiis Christus, dum viveret, tot tantaque miracula edidisset : Quorum infamiam quatuor argumentis eodem in loco breviter refellit.

§ 21. Ex eo magorum collegio etiam ingens hæreticorum numerus in Ecclesiam irrepsit, qui sicut Jannes & Jambres testiterunt Moysi, sic & illi Apostolicæ veritati oblatrantur. Horum princeps extitit Simon Samaritanus, qui Romæ sub Claudio Cæsare propter hanc rem statua donatus est, cum hac inscriptione : SIMONI SANCITO DEO. Hic tandem velut in aëre volans, à dæmonibus vectus, Petro orante exaltatus dilabitur, misereque interiit. Ejus blasphemias prolixè recensent Clemens in Itinerario, Irenæus, Egeippus de Exc.

de Exc. Hierosolymit. 111. 2. Eusebius, Nicephorus Eccles. hist. 11. 27. Ambrosius in Hexaemero, Fulgosus vii. 11.

§ 22. Menander magus Simoni successit, ipse quoque genere Samarita: neque solum ejus expressit impietatem, sed longe superans, majoribus portentis efferebatur, sese Servatorem dictitans ex olympo ad cælum demissum, docebatque nullo pacto angelos ab hominibus vinci aut cogi posse, quam artis magicæ disciplina & baptismo, ab eo traditis, ex quibus immortalitatem humano generi provenire assererat. Quæ omnia ex libris Irenæi refert Eusebius 111. 4.

§ 23. Ex illo Simone tanquam ex hæresium seminario, pullularunt per multas successiones, monstrosi Ophitæ, turpes Gnostici, jactantes omnem intelligentiam sibi datam non cælitus, sed à spiritu impostore & ventriloquo: impii Valentiniani, Cerdoniani, Marcionistæ, Montaniani, & multi alii hæretici, propter quæstus & inanis gloriæ aucupium mentientes adversus Deum, nec quicquam utilitatis aut beneficiorum conferentes hominibus: ac decipientes, & in errorem perniciemque præcipitantes.

§ 24. Huc pertinet famosissimi magi Cynopis historia, quicum Joanni Evangelistæ, jussu Domitiani in Pathmo insula, quæ est una ex Sporadibus, exulanti, controversia erat. Exemplum quoque leguntur apud Josephum Antiq. Jud. xx. 6.

*Qui magiam infamem posse coluere, & funestus  
quorundam interitus.*

C A P. IIII.

SUPERIORUM magorum nugamenta itidem insulse sequuti sunt, Appion Grammaticus, Julianus apostata, Robertus Anglicus apud Helvetios misere mortuus, Rog. rius Bachon, Petrus Apontensis Conciliator dictus, Albertus Teutonicus, Arnoldus de Villanova, Anselmus Parmensis, Picatrix Hispanus, vel author libri ad Alfontium sub Picatricis nomine, Cicchus Asculi Florentinus, & plerique alii obscurioris nominis scriptores, deplorati certe ingenii homines. Qui, quin se magiam tradere pollicentur, non nisi aut deliramenta quædam, nulla ratione subnixæ, aut superstitiones, piis omnibus indignas congesserunt.

§ 2. Quorum plures etiam in hac arte florentissimos. fama multiplos, & quam miserrime hoc mundo defunctos fuisse, se partim cognovisse, partim testantibus fidelissimis hominibus audivisse, asserit

In Reg-  
rium Bach.

scribit

Joan.

Franc.

Picus VII.

7. & con-

tra Petr.

Apontensem

ac Alber-

tum 1 v. 9.

& VII. 5.

& 7. de

Præst. su-

perst. ve-

lut & ad-

versus In-

derum Bra-

chmanum

& Gymno

sophiarum

Archiopam

magica.

VII. 9.

*Lib. 2. de  
verbo  
miris.*

eximium illud olim Germaniæ decus Joannes Reuchlinus, linguarum peritissimus. Quandoque enim ejusmodi societatis jure devinctos, vel ancipitibus falsisve præstigiis ad mentiendum permotos perdunt dæmones, & judicibus vinciendos, excarnificandos, enecandosque produnt: vel ipsi tragico aliquo tristisque supplicio interemptos abripiunt. Solent tali quidem honore & remuneratione, tenebrarum potestates suam afficere clientelam.

*Zaroes &  
Arphaxat  
Magi ful-  
guris ictum  
mortui.  
Cynope ma-  
gus a flu-  
tibus absor-  
ptus.*

§ 3. Ita Zoroastrem absumpserunt flammæ, ac Simonem magum altissimus casus. Zaroes & Arphaxat magos in Persidis civitatibus ludificantes homines, ipsa hora martyrii Simonis & Judæ apostolorum fulguris ictu exustos fuisse, tradit Abdias Bab. episcopus lib. 6. certam. Apostol. Sic & Cynopem magorum principem, Joanne evangelista orante, fluctus absorpsisse legimus. L. Piso primo Annalium auctor est, Tullum Hostilium regem, ex Numæ libris, eodem sacrificio, quo Jovem cælo devocare conaretur, quoniam parum rite quædam fecisset, fulmine ictum. Amphiarus Argivus vates & augur, cavere sibi non potuit, quin primo die, quo Thebas veniret, hiatu terræ absorberetur.

*Statinus in  
Thebæide.*

§ 4. Maxentius Imperator artibus magicis (quibus exercendis erat aprior, quam Imperio) deditus fuit, & mulieres prægnantes interdum secuit, aliquando infantum recens natorum viscera inquisivit. Quandoque arcanis quibusdam rationibus dæmones accivit, eorumque responsis bellum, quod sibi à Constantino & Lycinio parari senserat, amoliri conatus est. At quod hic sui conatus impii fortitus est autoramentum? Victus aliquot à Constantino præliis, cum suis tandem in flumine mersus periit, ponte Milvio rupto, quem scaphis conjunctis, ut transire posset, ipse fecerat, & in proprium apparat exitium. Christiani dixerè, interitum Maxentii similem fuisse Pharaonis pœnæ.

*Eusebii.  
12. 9.*

*Methorin  
magus occi-  
ditur.*

§ 5. Scribit Olaus Magnus 111. 4. de gent. Septent. quod Methorin quidam arte magica insignis, excellentem fidei dignitatis, vel potius divinitatis opinionem sibi assumens, simplicium animos præstigiis artis fama seductos, ad præstigiola libamenta sibi pendenda adduxerit. Hic, cum esset summus deorum pontifex, sacrificia ceremoniasque ita distinxit & ordinavit, ut discretus superum cuique cultus & libatio observaretur, asserens deorum offensas communibus sacrificiis aut permixtis ceremoniis expiari non posse. Tandem sceleribus ejus detectis, concursu populi occiditur:

tur: occisusque pestifera cadaveris sui contagione plurimos perimens, tumulo extrahitur, ac palo infigitur, quemadmodum vanitatis ipsius meruerant præstigiæ.

§ 6. Et ejusdem libri cap. 18. hæc narrat: Colebatur etiam inter alia Aquilonis numina, magus quidam Hollerus nomine, non minori fraude, quam singulari superstitione, divinitatis opinionem & cultum sibi in gente curiosa vendicans. Is, siquidem parem cum Orhino amplitudinem in medio deorum assecutus, adeo armorum & præstigiarum usu clarus evasit, ut ad trajicienda maria osse, quod diris carminibus obsignavisset, navigii loco uteretur: nec segnias eo, quam celerrimo velorum ventorumque usu, præjecta aquarum impedimenta superaret. Tandemque ut divinitas ejus ostenderetur esse mortalis, ab æmulis suis truculentissima morte est interemptus.

*Hollerus  
magus truci-  
datus.*

§ 7. Præterea Oddonem, Danicum piratam maximum, tradit absque carina altum pererrasse mare, & hostilia sæpe navigia concitatis carmine procellis evernisse, ac postremo peritior hoste circumventum, gurgite submersum esse, qui marinos vortices præstigiis carminibus olim calcare consuevit.

*Oddo ma-  
gus sub-  
mergitur.*

§ 8. Joannes Faustus ex Kundling oppidulo oriundus, Cracoviæ magiam, ubi olim docebatur palam, didicit, eamque paucis annis ante quadragesimum supra sesquimillesimum, cum multorum admiratione, mendaciis & fraude multifaria in diversis Germaniæ locis exercuit. Inani jactantia & pollicitationibus nihil non potuit. Exemplo uno artem ea conditione Lectori ostendam, ut se non imitaturum, mihi prius fidem faciat. Hic sceleris ergo captus Batoburgi in Mosæ ripa ad Geldriæ fines, barone Hermannio absente, initius ab ejus facellano D. Joanne Dorstenio tractabatur, quod huic viro bono nec callido, pluriam rerum cognitionem artesque varias polliceretur. Hinc & tamdiu vinum, quo Faustus unice afficiebatur, prompsit ille, donec vas evacuaretur. Quod ubi Faustus intelligeret, atque Graviam sibi abundem esse, ut raderetur barba, diceret alter: vinum is, si adhuc curaret, artem denique promittit singularem, qua citra novaculæ usum, tolleretur barba. Conditione accepta, arsenico conficari eam citra ullam præparationis mentionem jubet. Adhibita illinitione, tanta successit inflammatio, ut non modo pili, sed & pellis cum carne exureretur. Cum stomacho idem ille mihi facinus hoc non semel re-

*Faustus  
magus sa-  
muit.*

consuit. Alius mihi non incognitus, barba nigra, reliqua facie sub-obscura, & melancholiam attestante ( spleneticus etenim erat ) quum Faustum accederet, incunctanter hic ait : Profecto te fororium meum esse existimabam ; pedibus tuis mox observatis, num longæ & incurvæ in illis prominerent ungulæ : ita hunc dæmoni, assimilans, quem ad se ingredi arbitraretur, eundemque affinem appellare consuevit. Hic tandem in pago ducatus Wirtenbergici inventus fuit juxta lectum mortuus in versa facie, & domo præcedenti nocte media, quassata, ut fertur.

§ 9. Ludimoderator apud Gossarienses ex Fausti magi, vel verius insausti mali doctrina instructus, modum, quo caninibus in vitro coerceretur Satan, didicit. Ut itaque impediretur à nemine, die quodam in sylvam abiit : ubi in magica execratione abestranis apparuit dæmon horrenda admodum forma, oculis flammis, naribus ad cornu bubulimorem intortis, oblongis dentibus, aprinis non dissimilibus, genis selem referentibus, & in universum terribilis. Hoc idolo terrefactus hic prostrernitur, jacerque horas aliquot semimortuus. Tandem respiranti non nihil, atque ad civitatis portas progredienti, quidam familiares obvii, vultus mutati, pallorisque causam rogant. Hic tremens & velut faribundus obmutuit, domumque ductus horrendos edere sonos, & prorsus insanire cepit. Anno tandem exacto fari denuo incipit, & ea specie sibi dæmonem apparuisse narrat. Cœnz vero Dominicæ communionem ubi tum celebrasset, tertio post die se Deo commendans, calamitosa huic viræ valedixit.

§ 10. Quidam item magus in pago, vix ab Jhena oppido dimidium miliare, medicinam fecit : liteque inter hunc & vicinum fabrum lignarium orta, hic alterum conviciis acerbioribus irritavit. Postmensis aliquot periculoso afficitur utrobo faber, priusque offensæ veniam precatur, magi operam implorat : qui dissimulata injuria, jubet ægrotum in potione uti radice, cui à Verre nomen est ( sic legitur ) cum aliis venenatis herbis. Ea bibita tam atrocibus exercetur cruciatibus indies magis ac magis auctis, ut tandem cum morte vitam commutavit. Homicidii accusatur magus à fabri conjuge & consanguineis. Causa vero ad magistratum Jhenensem delata, vinculis ille coercetur : & quæstionibus subditus rem omnem confitetur ; ac in primis, quod vindictæ studio fabrum perdidisset. Subjungens, attem se edoctum fuisse à vetula non procul ab

cul ab Hercinia sylva degente. Item dæmonem sibi semper præsto fuisse, communefacientem inspirantemque, quid consilii tam absentibus quam præsentibus præstari oporteret. Quare palo affixus, Vulcano consecratur.

§ 11. Alloquutum se plurimos asseverat Joa. Franc. Picus, *De Prænot.* qui vana spe futurorum delusi ab apparente sibi dæmone, per inita *superb. 14. 9.* pacta vocato, usque adeo vexati fuerunt postremo, ut optime secum putarent actum, ne vitam amiserint. Alium quoque intellexit ab ejusdem sociis adhuc vivis, à dæmone quinquaginta ferme *Magus vi-* *vis a dia-* *bolo abla-* *tus.* abhinc annis vivum ablatum, nusquam comparuisse, dum curioso cuidam & male sano principi Trojæ oppugnationem repræsentare, quasi in scena, pollicitus esset, Achillemque & Hectorem introducere præliantes.

§ 12. Comes item Matiscenensis, magicæ factionis, hora prandii coram multis Baronibus & militibus abreptus fuisse à dæmonibus legitur, ac ter circum civitatem Matiscensem velocissime vectus cunctis videntibus, atque ter miserabiliter exclamasse, Succurrite cives, succurrite: unde tota civitas fuit commota, atque ille factus perpetuus dæmonum comes, ut fufius docet Hugo Cluniacensis.

§ 13. Recenti adhuc memoria, Anno 1530, sacerdoti in *Sacerdoti* *in cryſtallo* *theſaurus* *ostenditur à* *dæmone, &* *ab eodem* *appreſentur* *in ſpecu.* cryſtallo thesauros Noribergæ ostenderat dæmon. Hos cum loco perſoſſo ante urbem quæreret sacerdos, adhibito amico ſpectatore, & jam in ſpecu arcam vidisset, atque ad eam cubantem canem atrium, ingreſſus ſacerdos in ſpecum, opprimitur interficiturque, ruen- te cacumine, & ſpecum rursus complente.

§ 14. Saltzburgi incantator jactabat, se omnes in vicinia ad miliare serpentes poſſe in unam perducere foveam, & interimere. Quod cum tentaret, tandem antiquus & ingens proſerpit ſerpens. Quem quum carmine in foveam compellere niteretur, ille exiliens, incantatorem velut cingulum amplectitur, trahitque in foveam, & enecat. Hæc magicæ hujus ſtipendia, hi ſimulatæ fructus amicitia, hæc ementia phialæ, annulî, carceres, ficti compedes, & veſana per- nicioſaque ludibria.

§ 15. Recte igitur ac pie Petrus Lombardus ait: Dæmonum *Sententia-* *rum. 11.* *diſt. 7.* ſcientia & virtute exercentur artes magicæ, quibus tamen tam potestas quam ſcientia à Deo data eſt vel ad fallendum fallaces, ſicut Ægyptios: & etiam in ipſos magos data eſt, ut eorundem ſpirituum

operatione viderentur admirandi, à quibus erant damnandi: vel ad monendum fideles, ne tale quid facere pro magno desiderant: vel ad excercendum seu probandum justorum patientiam. Nec putandum est, dæmonibus hanc rerum visibilibus materiam ad nutum servire: sed Deo potius, à quo hæc potestas datur.

*De libris quibusdam magicis.*

G A P. V.

**P**RÆTEREA non eximios tantum viros, sanctos patriarchas & Dei angelos tam sceleratorum execrandorumque dogmatum jactant authores, hi magi: verum etiam libros à Raziele & Raphaele, Adæ & Tobiae angelis, traditos ostentare non erubescunt, ut hoc fucō suam pulchre adornent Empusam. Hi vero libri, ut & superiores, penitus introspicienti præceptorum canonem, rituum modum, verborum consuetudinem, characterum genus, barbarum constructionis ordinem, indoctam phrasim, sententiarum vim, res insulas, manifeste sese produnt, & inscriptiones esse adulterinas supposititiasque, nec nisi summas imposturas eos continere, ac non ita pridem ex unius conspirationis volutabro cunctos nostra ætate scaturisse, minimeque Chaldæorum & Hebræorum linguam vetustatemque respere: nec duplicem Egyptiorum characterem, unum in sacris, alterum in profanis agnoscere, commonstrant. Interim tamen à perniciosissimis abominationum architectis veræ sapientiæ ignavis fabricatos esse ex genilitiis quibusdam observationibus, nostræ religionis ceremoniis, veluti ex insidiis, ut circumveniant citius, studio immixtis insertisque multis ignotis nominibus & signaculis, ut stupori terrorique sint rudioribus, simplicibus & incautis, mentis sanæ dubitet nemo.

§ 2. Optimo jure his annumeretur abominabilis libellus nuper in lucem ab impio homine emissus, tributusque Hent. Corn. Agrippæ, meo olim hospiti & præceptorī honorando, ultra annos quadraginta jam mortuo, ut hinc falso ejus manibus jam inscribi sperem, sub titulo quarti libri de Occulta philosophia, seu de ceremoniis magicis: qui insuper clavus librorum trium de occulta philosophia, omniumque magicarum operationum jactatur. Sed

*Parturiunt montes, generatur ridiculus mun:*

meræ sunt nugæ, & scopæ dissolutæ, ut nihil ex eo certi constituere queas, etiam si hujus vanitatis studiosissimus singula, quo jubet author.

Cap. 3.  
Libri magici.

Quartus  
liber de oc-  
cultæ philo-  
sophiæ im-  
pium. Car-  
danus lib.  
19. de sub-  
til. alio ti-  
tulo ejus. li-  
bri memi-  
nit.



thor ordine, industrie prosequaris, inchoesque ex figura mundi, collectis literis ab ortu corporis planetæ secundum successionem signorum per singulos gradus, atque ex singulis gradibus ab ipso planeta aspectis, facta projectione à gradu ascendenti, ut ille proponit, & fusius nugaciusque docet.

§ 3. Idem dictum volo de tabulis, per quas malorum spirituum nomina extrahuntur: & de calculatione, quam Ægyptiis literis tradidisse Trismegistus dicitur. qui etiam omnium primus extitisse fertur, qui de nominibus spirituum eliciendis tractat. Fabrica quoque exquisita in hoc libello subsequitur de characteribus bonorum & malorum spirituum: quos tamen ita effectos esse ad deceptionem, nec iis quicquam inesse virium, quilibet sanæ indolis haud difficile judicabit. Accedit & tabula, per quam figuræ quædam malorum spirituum familiares, & imagines inveniuntur, sub quarum forma invocantibus occurrere & compatere illi solent: item formæ familiares spiritibus Saturni, Jovis, Martis, Solis, Veneris, Mercurii, Lunæ. Pentacula describuntur quoque tanquam figura quædam sacra, à malis eventibus nos præservantia, & ad malorum dæmonum constrictionem & exterminationem adjuvantia: malos etiam spiritus allicientia, nobisque conciliantia, quæ ex characteribus, picturis, nominibus bonorum spirituum varie componuntur, quibus abominabilis, imo blasphemus sacræ Scripturæ adhibetur abusus.

§ 4. Inter reliquas preces, rogatur etiam malus spiritus ad cogendos homines, cujus nomen similiter inferitur. Fitque hoc, si ad malum rendit operatio, ut ad vindictam, pœnam vel destructionem. Præterea, si quis versiculus in Psalmis, vel aliqua parte literarum sacrarum, desiderio nostro congruus habetur, ille orationibus immiscetur: & post orationem ad Deum, quandoque oratio convertitur ad exequutorem illum, qui minister in præcedenti oratione optatur, sive unus sit, sive plures: sive angelus, vel stella, vel anima, vel ex Heroum numero aliquis.

§ 5. Subsequuntur & variæ consecrationes rerum aliarum, tum libri, per quem malorum dæmonum ministerio plurimum quidam utuntur, cui spiritus inscripti proclivem obedientiam sacro quodam suo juramento voverunt. Hic post consecrationem conservatur religiose, ne extra institutum aperiatur. Fumi certe & anicularum deliramenta.

§ 6. Idem sentiendum de invocatione bonorum spirituum ibi  
 O 3. descrip-

descripta, ubi post deliria multa, recitatur genibus flexis Psalmus, Beati immaculati in via, cum divinis & angelicis nominibus: eoque finito surgit actor, & incipit ab Oriente in Occidentem continuo vortice intra consecratum circulum circuire, donec verrigine correptus humi in circulo procumbat. Ubi quiescens statim in eam sin rapitur, in qua is se prodit, qui cuncta auunciabit.

§ 7. Sic & oracula per insomnia redduntur, si post alia ex præscripto administrata, lectum ingreditur actor cogitatu illi rei in hærente, quam cognoscere desiderat, eoque indormiat modo. Hisce somniis haud dubie insinuat se diabolus, quando res imaginationi cogitationique tam valide impressæ adhuc in organis imaginationi inservientibus hærent.

§ 8. Quæ etiam in mali spiritus invocatione requirantur, eadem religione prosequitur. Ubi adhibentur quoque consecratæ res, necessariæ tam ad defensionem invocantis & sociorum ejus, quam etiam ad vincula & constrictionem spirituum: quales sunt sacræ chartæ, laminæ, picturæ, pentacula, gladii, sceptræ, vestes, ex materia & colore convenienti. Apponuntur & sedilia pro spiritibus, qui quoque invocati ad potum & esum invitantur.

§ 9. Inde pestilentissimus subjungitur libellus, Heptameron inscriptus, sive elementa Magica Petri de Abano: quem, ut reliquos id genus omnes, inter lætionis rejectæ libros, Vulcano cum primis consecrare decet. In eo circulus & ejus compositio describitur, item nomina horarum & angelorū eis præsidentium, barbara nimis, quem admodum & angelorum quatuor anni temporum nomenclaturæ: consecrationes quoque & benedictiones circuli ac suffumigiorum, exorcismus ignis cui superponuntur fumigiæ, vestis & pentaculum factum die & hora Mercurii, crescente luna, in charta, membrana scilicet hædi, ubi prius super illo dicta fuerit missa Spiritus sancti, & aspersa baptismatis aqua.

§ 10. Succedit modus operationis, exorcismus spirituum æreorum impius, oratio ad Deum blasphema, in quatuor mundi partibus recitanda in circulo, deinde visiones & apparitiones virtute exorcismi excitatæ, cum invocatione horrenda exorcistæ: nomina item angelorum absurda diei Dominici, & ejus conjuratio, ut & singulorum torius septimanæ dierum.

§ 11. Occasione hujus libri Agrippæ ascripti, silentio involvi diutius ob veritatis prærogativam non patiar, quod in diversis ali-

*Elementa  
Magica  
Petri de  
Abano.*

*Usus missæ  
& aquæ  
baptismatis*

*Agrippa  
à columna  
vindicatur.*

quot scriptoribus legerim, diabolum forina canis ad extremum Agrippæ halitum comitem ipsi fuisse, & postea nescio quibus modis evanuisse. Satis equidem mirari hic nequeo, tantæ existimationis viros tam insulse aliquando loqui, sentire & scribere ex inanissimo vulgi rumore. Canem hunc nigrum mediocris stature, Gallico nomine Monsieur [quod Dominum sonat] nuncupatum, novi ego, si quis alius, familiarissime, quem nimirum non raro, ubi Agrippam scdaret, loco ex pilis concinnato alligatum duxi: at vere naturalis erat canis masculus, cui alias femellam fere colore & reliqua corporis constitutione similem, quam Gallice Madamoselle [Dominam] appellabat, me præsentē, adjunxit.

§ 12. Causam autem huic falsæ opinioni dedisse opinor, partim quod canem hunc pueriliter nimis amaret [ut sunt quorundam hominum mores] oscularetur plerumque, aliquando & à latere hunc sibi admooveret in mensa, quemadmodum & in eodem simul lecto sub lodice noctu pateretur, ubi conjugem Mechliniensem Bonnx repudiasset anno tricesimo quinto supra sesquimillesimum: velut & in musæo, ubi inter supellectilem chartaceam, certe insignem, perpetuus erat Agrippa, atque in ejus mensa Agrippæ & mihi in studiis communi, inter utrumque semper jaceret hic canis. Partim adhæc, quod, licet in dicto hypocristo inter chartas continuo deliresceret meus herus, nec toto octiduo vix semel prodiret, quicquid tamen in diversis regionibus ageretur, fere norat. Hoc alii imprudenter, huic cani, ut dæmoni, dum adesset, acceptum ferebant. Sed revera à doctissimis quibusque viris ad illum undequaque scribebatur quotidie. Anno supradicto Bonna Lugdunum profectus, capitur à rege Francisco, quod liberius nonnihil in ipsius matrem alias scripsisset: sed quorundam intercessione liberatus, Gratianopoli in Delphinatu post aliquot menses in Domino obdormiit. Tum ego Lutetix Parisiorum agebam.

§ 13. In hoc catalogo recensendus libellus Arbatel de magia veterum, inscriptus, magicæ impietatis plenus, uti constat ex aphorismo 16. 17. 21. 24. 25. 27. & alibi, secus licet splendide polliceatur in fronte, nimirum Pneumaticam magiam veterum tum magorum populi Dei, tum magorum gentium, pro illustratione gloriæ & philanthropias Dei.

*De Joanne Trithemio, ejusque libro Steganographia inscripto.*

C A P. VI.

*In epist. ad  
Germanum  
Gamaum  
Reg. consi-  
liar. Trithemius. Ste-*

*ganogra-  
phia. Trithemius.*

STEGANOGRAPHIÆ Joannis Trithemii abbatis Spanheimensis, in hæc verba meminit Carolus Bovillus : Ad Trithemium diverti, quem reperi magum, nulla philosophiæ parte insignem. Ejus Steganographiam evolvi velitatione nonnullorum capitum perlegens initia. Vix horas duas librum in manibus habui : abjeci enim eum illico, quod terrere cœperant me tantæ adjurationes, ac tam barbara atque insolita spirituum (ne forte dicam dæmonum) nomina. Univerſa vero hujusmodi nomina [quoad videre visus sum] ignotæ linguæ sunt. Aut enim Arabica, aut Hebraica, aut Chaldaica, aut Græca : Latina pauca, aut ferre nulla. Innumeri autem sunt characteres, quibus adjurationes singulæ notantur.

*Daniel. 13.*

§ 2. Quod in epistola ad Boscium Trithemius scribit, verba esse plana, lucida, sine omni literarum aut vocabulorum transpositione, ita ut omnes legant & intelligant : secretum tamen illius qualecunque erit, manere ignotum : hæcenus vera loquutus sit. Nam in tota hujusmodi Steganographia passim sanctissimas ac piissimas orationes inserit, quæ ad amicorum epistolarum loco mittantur : re autem vera lachrymæ sunt crocodili. Id enim mihi facere videtur, quod D. Dionysius in epistola ad Sosipatrum de Apollophone sentit. Divinis adversus Deum nefarie uritur, ac per mundanam inanemque sapientiam, divinam sapientiam evacuare molitur. Quod autem sine adjutorio spirituum omnia pollicetur se facturum, recte ( ut ait Daniel ) in caput suum mendacia confingit : manetque puto angelus Dei bonus, ut fecet eum medium, dissolvatque sædus iniquum, quod cum nocentibus angelis iniisse ac sanxisse, palam ex ipso opere declaratur.

*Ordo Steganographia.*

§ 3. Porro, si tunc memini, hunc ipsum in Steganographia illa ordinem servat. In primis spirituum ipsorum nomina digerit : hinc eorum adjurationes disponit, ac singulorum characteres subscribit : postremo figuras distinguit, è quibus pro adjurationibus singulis apta spirituum nomina, quoties necessitas ingruerit, depromere atque elicere liceat. Partitur autem in hujusmodi figuris, spiritus ipsos in quatuor Imperatores, Duces, Comites & Servos. Imperatores vero rotius orbis esse tantum duodecim, quotquot & venti à philosophis esse traduntur. Ex his quoque quatuor designat præcipuos,

puos, Orientis, Meridici, & Occidentis & Septentrionis: quos, ut magnos, Imperatores appellat. Sub quolibet Imperatore statuit Duces, puto trigenos aut quadrigenos. Sub Ducibus singulis rursus Comites, majore numero: & Servos sub Comitibus innumeros.

§ 4. Hoc igitur pacto, ad artis suæ effectum convertitur. Cum vult dissito amico sua aperire consilia, ( hæc enim vocat secreta ) scribit epistolæ loco orationem quandam miræ sanctitatis & devotionis fūco affectatam, eamque charactere cujuspiam duodecim Imperatorum imprimit, & ad amicum, qui ( ut ait ) noverit artem, mittit. Exceptam igitur chartam aperit is amicus: & in calce epistolæ, charactere imprimis cujusnam sit Imperatoris, attendit. Si est Orientis princeps, versus ad Orientem, literas, in eam cœli plagam patentes expandit, requiritque confestim ex suis libris, quibus adjurationibus princeps ille cogatur, ut suorum quempiam subditorum ad se mittat. Elicit autem adjurationes duas, ac primam quidem super patentes adhuc literas: spectansque in auroram profert. Qua rite prolata, mittit ilico Imperator ille quendam suorum aut Ducum aut Comitum aut Servorum, qui protinus advocans, sit viro eminens visibilis, velut nebula aut caligo in aëre pendula. Ubi deinde secundæ conjurationis verba explovit, spiritus ille propius accedit, cominusque ad ejus aures expertita amici secreta propalat & nunciat.

§ 5. Sunt autem ( quod sentiam ) adjurationes ipsæ haud continua oratio, sed aggregatio quædam nominum ipsorum spirituum ad varium quendam magicæ artis modum ordinatorum, suntque hujusmodi nomina ( ut dixi ) omnia ferme ignota, velut Arabica, &c. Memini item me in ipsius opere ira legisse: Hi autem spiritus perniciosissimi sunt, & nequam. Odio quam maxime habent lucem, tenebras diligunt. Forti adjuratione opus est, ut ad necessaria nostra cogantur. Quod si in his adjurandis territus, pauxillum trepidaveris, aut in explendâ adjuratione ( sive vocabuli omissione, sive seriei immutatione ) aberraveris, te illico necabunt.

§ 6. Hos igitur tam in vindictam paratos, quis adeo erit mente captus, ut bonos clementesque spiritus esse probeat? Vidi in eo Opere adjurationes nonnullas, quas vocat potentes, quibus possit unusquisque, qui assidue cupit spirituum uti ministerio, alligare apud se spiritum, ac cogere, ut in ejus domo maneat semper, eique in cunctis famuletur. Cæterum in semotissimo, ut ait, à turba loco is

P

spiritus

spiritus locandus est, ne temere ad se ingredienti necet, &c. Satis superque me fecisse videor, si tibi hæc exposui, quibus liquidius & viri, & artis, quam pollicetur, fuci, ne dicam mendacia, tibi patefcant. Hactenus Bovillus.

§ 7. Quem tamen mendacii & impietatis accusat Trichemius, sepurgans in Præfatione libri Polygraphiæ ad Maximilianum Imperatorem. Librorum Sreganographiæ partem scriptam cum figuris & spirituum nominibus apud Henr. Corn. Agrippam felicitis memoriam, ego ipse olim legi, arque eo infcio excuspi.

§ 8. Stadio in argumentis famolorum quorundam librorum describendis longior fui, ut iis cognitis promptius de reliquis ejus farinæ blasphemis censeatur.

§ 9. Hic disciplinæ & artis fons, origo & firmamenta, ac sacrilegi negotii methodus: cujus tamen vi obedire manes, cogi numina, turbari sidera, elementa servire, ejusque inexpugnabili potestate & cæca numinum coactorum violentia, stupenda supra naturam se opera perficere, sibi persuadent, jactantque insipientes, bis certe miseri homines. quod vani testantur exitus, & post imensa laboriosaque studia frustrati eventus. Præstigias ostentant, non miracula: quæ non Dei assistentia, sed permissione ob hominum incredulitatem, & dæmonum pactione sortuntur effectum.

§ 10. Hujus scholæ artes jactantur, ars Almadel, ars Nororia, ars Bulaphiæ, ars Artephii, ars Paulina, ars Revelationum, & similia impietatis monstra plura, neutiquam toleranda: quæ hoc ipso sunt magis exitialia, quo indoctis apparent diviniora.

*Magici ar-  
tes qua-  
dam.*

### *Incantationum varii modi.*

#### CAPUT. VII.

**I**NCANTATIONUM VETO diversissimum odum omnibus seculis extiterunt modi. quorum unus alio crebrior, hoc vel illo tempore fuit, atque hisce vel aliis locis celebrior. Hæc refer universam illud præstigiarum genus & illusionum, quibus malefici hi, qui se honestiori Magorum nomine appellari volunt, phantasmata phasmataque edunt, multa miracula fraudulenter ostentantes, plerumque Gæticis incantamentis, conjurationibus ineptis, illicitis gentilitiis sacrificiis, imprecationibus, mentione divinorum nominum, recitatione verborum sacrorum aut barbarorum, sive adhibito quocunque mystere:

mure: nonnunquam plantis, animalibus, eorumque partibus, præter rem vel superstitiose vel dolose admotis: interdum etiam certis suffumigiis, luminibus, coliriis, ~~medicamentis~~ seu alligationibus & suspensionibus: insuper metallis, aut arte fabrefactis corporibus, simulachris, imagunculis, annulis, sigillis: characteribus hoc vel illo modo usurpatis, quibus admirandas rebus imprimi vires commentantur: irem speculis, & similibus hujus magicæ artis monstris organisque.

§ 2. Quibus licet interdum aliquid virtutis naturalis inesse potest, tamen ut plurimum ad eorum constructionem aut usum adhibentur nefande vel sacra Dei oracula, voces sive sententiæ, vel blasphemæ vocum diabolicarum deblateratio. A quibus vim omnem manare propagarique in hæc media, ac ab iisdem pendere confidunt, dæmonio interea colludente coöperanteque, imo rem omnem Dei permissu, ob magi impietatem & astantium incredulitatem expediente, quam elusus incantator alioqui frustra machinaretur. Hoc equidem ad omnes horum hominum mirificas, naturalisque potentie cursum & modum exuperantes actiones, semel hic dictum responsumque volo.

*In actionibus illis magorum naturalis cursus superantibus dæmon operatur, Dei permissu, ob magi impietatem, & astantium incredulitatem.*

§ 3: Enimvero eoque horum hominum animos satanicæ hujus professionis æstrum pervasit, ut credidit sit, id genus imposturis dæmoniacis omnino perfici quæ requiruntur, aut naturis rerum vel novas indui vires, vel priores adimi, infirmari aut vegetari, sive naturæ cursum mutari, fulmina cieri, tonitrua, ventos, pluvias inopinato concitari vel sedari, serpentes feritate violentiaque exui, bestias indomitas coerceri, ferrum rumpi, morbos infligi & curari, manes ac umbras evocari, & [ut Apulejus ait] animas agiles reverti, pigrumque mare colligari, & nova corpora creari. Nec portentosas eas res enumerare hic lubet, quas cum Coracessia, Callicia, Menaide, Conrinthade, Aproxi, à Pythagora celebratis herbarum nominibus, ad hoc certe aptis, si non excogitatis, ut sono tercant: & cum Democriti Chirocineta, Agloaphotide, Marmaritide, Achemenide [qua in hostium aciem coniecta, trepidare agmen, & terga dare, scribit Plinius] Hippophanade, Adamantide, Cynocephalæa Appionis, similibusque terrificis plantarum monstris, apud magos usurpatis, & jam singulari Dei bonitate in hominum utilitatem memoriæ excussis, penitusque abolitis, quandoque prorsus sublatas volet Deus.

*Lib. xxiv. 17. & 111.2.*

§ 4. Imensus siquidem est harum fallaciarum actionum & rerum numerus, quas latere præstat. Saltem incautos nimisque credulos præmouisse utile est, ne impie huc quoque attractis divinis nominibus, vel sacræ Scripturæ verbis inique contortis fallantur, seducanturque, quemadmodum hæcenus factum animadvertimus: ut hoc nomine, quo gravissime delinquitur, se purgent excusentque, quod nimirum nomina sacrosancta invocent, verbumque Dei commisceant in hoc opificio diabolico, ubi scelere horribili sanctissimum Dei nomen profanatur, atque abusu abominando Scriptura conspurcatur divina.

§ 5. Et quanquam iniquis impiisque his rationibus dæmones se accersere, aut iis imperare possent, maleferati hi homines gloriosius jactent, & ad horum illicita murmura nutumque illi obedire videantur, quasi obstricti compulsique: interim tamen suos hos dominos & imperatores, sibi magis devinctos servilesque habent, ut quibuscunque dæmonum spectris, larvis aut propositis imaginum dolis seu ludificantibus formis, fidem adhibere cogantur: unde tamen ipsis nunquam usque adeo multum commodi sperandum, nisi quod sibi hac ratione magis placeant, aliosque in admirationem pertrahant, tanquam rerum non vulgatarum aut curiosarum peritiis. Interim ab his cogi se simulant dæmones: quanquam venire optent, teste Porphyrio, ut suis deinde alios præstigiis irretiant.

§ 6. Sic quendam se vidisse Joannes Fernellius scribit, vi verborum spectra varia in speculum derivare, quæ illic, quæcunque imperaret, mox aut scripto aut veris imaginibus, ut ille ait, ita dilucide exprimerent, ut prompte & facile ab assidentibus omnia internoscerentur: Audiebantur quidem verba sacra, sed obscænis nominibus spurce contaminata. cujusmodi sunt elementorum potestas, horrenda quædam & inaudita principum nomina, qui Orientis, Occidentis, Austri, Aquilonisque regionibus imperent. Hæc ille.

§ 7. Et si vero hujusmodi formæ & literæ appareant, à præstigiatore mendacique parente nostris oculis objectæ: non tamen non debent esse præstigiöse, mendacæque vel mendaciis involutæ, ut mercedem requisitam dignamque curioso hominum studio reponeat liberaliter, naturæ suæ immemor nunquam.

§ 8. Incantamentorum etiam peculiare modos apud Septentrionales observatos, his verbis describit Olaus Magnus: Inter Bøthnicos

Lib. 1. de  
obditiu re-  
vino caus.



ethnicos homines Septentrionis passim reperiebantur malefici ac magi, tanquam in proprio loco, qui per summam ludificandorum oculorum peritiam suos alienosque vultus variis rerum imaginibus adumbrare noverant, fallacibusque formis veros obscurare conspessus. Nec solum pugiles, verum etiam feminae & tenerae virgines pro voto suo larvas livido squalore terribiles, faciesque adulterino pallore distinctas, ab aëris teneritudine mutuari consueverunt: & rursus a legato nubile inumbrationis vapore, præteritas ori tenebras sudis perspicuitate discutere. Tantamque vim carminibus eorum adfuisse constat, ut rem remotissime positam, & quantalibet nodorum confertione perplexam, à longinquo soli sibi conspicuam ad contritum evocare posse viderentur. Talibusque præstigiis id ipsum hoc modo demonstrant.

*Hist. de gent. Septent. 111. 19. Incantationum modi apud Septentrionales.*

*Saxo Grammat. Hyster. Dan. v. 11. init.*

§ 9. Scire cupientes statum amicorum aut inimicorum, longinquo terrarum spacio, quingentorum vel mille miliarium inde distantium, Laponem seu Finnonem hujus rei peritum, dato munere, linæ scilicet vestis aut atcus, rogant ut experiatur, ubinam fuerint & quid agant amici vel inimici. Quocirca conclave ingreditur, uno comite uxoreque contentus, ranam æneam aut serpentem malleo super incudem præscriptis idibus concutit, carminumque murmure hinc inde revolvit: continuoque cadens in ecstasim rapitur, jacetque brevi tempore ut mortuus. Interea diligentissime à prædicto comite, ne quodvis vivens culex aut musca, vel aliud animal enim contingat, custoditur. Carminum namque potentia spiritus ejus malo dæmone ductore à longinquis signa (annulum vel cultellum) in testimonium expeditæ legationis seu commissionis reportat. Illicoque resurgens, eadē signa cum cæteris circumstantiis conductori suo declarat.

§ 10. Idem de Ventis venalibus, I. I I F. 18. illud miraculum tradit. Solebant aliquando Finni inter alios gentilitatis errores, negotiatoribus in eorum littoribus, contraria ventorum tempestate impeditis, ventum venalem exhibere: mercedeque oblata tres nodos magicos, non Cassioticos loro constrictos, eisdem reddere: eo servato moderamine, ut ubi primum dissolvissent, ventos habere placidos: ubi alterum, vehementiores: at ubi tertium laxassent, ita sævas tempestates se passuros, ut nec oculo extra proram in evitandis scopulis, nec pede in navi ad vela deprimenda, aut in puppi pro clavo dirigendo, integris viribus potirentur. His addit Olaus: In-

*Venti venales.*

sana certe sunt documenta, quæ nostra excogitavit credulitas, ut acris torqueremur. Utinam facesseret à mentibus hominum tale figmentum: quod esse falsum, & nullius momenti, etiam à majoribus est ostensum.

§ 11. Sed hæc gens Aquilonaris, arte hæc post susceptam Christianæ religionis confessionem, legis inhibitione, nunquam visa est uti palam: nec alios eam, nisi cum viræ discrimine, docuit. Multa alia ejusmodi maleficorum opera enarrat Olaus impudenter satis, in ejusdem libri capitibus diversis, quæ profecto non semper fidem merentur: proinde in iis recensendis brevior esse volui. Ventos tamen ita magis sedari, testatur Herodotus quoque lib. 7. de præfæctis Xerxis: quod ii triduana tempestate quadringentas naves amittere, donec quarto die magi incisiones faciendo, & veneficiis incantando, ventum Thetidi & Nereidibus sacrificando, tempestatem compescuerunt: sive eadem tempestas aliter cessarit. Sic & Ephesii notulis quibusdam & vocibus magicis utentes, in omni negotio victores evadere putabantur.

*Revisum.*

*Lib. 1. de  
Asino  
aurum.*

§ 12. Interjiciatur hic Apulæji commentum, cujus hæc sunt verba: Athenis, proxime & ante Pæcilem porticum, isto gemino obtutu circulatorem aspexi equestrem, spatham præcuram mucrone infesto devorasse: ac mox eundem invitamento exiguæ stipis venatoriæ lanceam, qua parte minatur exitum, in ima viscera condidisse, & ecce pone lanceæ ferrum, qua bacillum inversi teli ad occipitium per inguen subit, puer in molliriem decorus insurgit, inque flexibus tortuosis, enervam & exossam saltationem explicat, cum omnium, qui aderamus admiratione: diceres Dei medici baculo, quod ramulis semi amputatis nodosum gerit, serpentem generosum lubricis amplexibus inhaerere.

*Ritus incantationum Aræphii. De varietate lib. 1. 91. Pastores indifferenter magici. Sic & Numa Pompilius, teste Quidano dicitur.*

§ 13. His adde varios incantationum ritus cultoris magicæ Aulæiæ maximi Aræphii, à Cardano enarratos: ut hinc non solum dolosos, sed & mente captos esse ejusmodi magos, quis jure censseat. Adhæc, à Græcorum plerisque, literis proditum est, fuisse Pasetem quendam, inter magicæ vanitatis consecratos primæ notæ, qui carminum potentia refertissimum repente convivium hospitibus discubituris præmonstrare consueverit: idque, cum libuit, mox evanuisse rursus, ut nihil omnino apparatus videretur, discumbentibus omnibus fame & siti elasis. Si quid precio comparasset, id agebat, ut erogati nummi in venditorum loculis apparerent, illis interitu ludifi-

ludificatis. Unde proverbium, Paseris semiobulus.

§ 14. Simile quid passum esse Menippum Lycium machinatione sponsæ, literarum inonumentis traditum invenitur, in nuptiis: ubi aurea supellex & imaginarium argentum, velut fumus effluxere, ad ministri & coqui ac reliqua familia increpata evanuit. Accium Navium Târquinio Prisco rege & multis aliis præsentibus cotem novacula per incantamenta divisisse, fertur.

§ 15. Tucciam virginem Vestalem incesti criminis ream Romæ, cum præcatione cerra aquam cribro hausisse, anno, urbis 609, commemorat Plinius. Hujus & Tertullianus meminit in hæc verba: Quid ego de cæteris ingeniis, vel etiam viribus fallaciæ spiritalis edidisse? phantasmata Castorum ( qui scilicet toties Romæ victorias nuntiarent ) & aquam cribro gestatam, & navem cingulo promoram ( à Claudia Vestali ) & barbam tactu irrisitam? ut & numina lapides crederentur, & Deus verus non crederetur.

§ 16. L. Domitio tûre quondam revertenti, juvenes gemini angustiore forma ex occursumperasse traduntur, nunciaret Senatui ac populo victoriam, de qua incertum adhuc erat, atque in fidem veritatis adeo permulisse malas, ut è nigro rutilum, ærique similem capillum redderent: unde Ænobarborum cognomen. Suetonius. Habet etiam hoc hominum genus suos modos, quibus vinum vel buryum & id genus alia, numerata prius pecunia, ex locis dissitis, Satanæ opera adferri jubet. Tales aliquot insignes nostro ævo novit Germania.

§ 17. Magos adhuc ipsos, quibuscum dæmon colludit, non est mirum quandoque vel transferri subito, vel ita apparere: quum plerosque dæmonum vexationibus obnoxios, vel eorum ludibriis deditos, transvchi nonnunquam alio sciamus. Sic Pythagoram uno momento & in Thuriis & in Metapontis fuisse, Apollonium adhuc è Smyrna celegrime Ephesum verbo dicto translatum esse, ferunt historiz. Tam autem verum est, eodem momento illud effectum fuisse, quam certa ea historia, qua traditur, Ambrosium eadem hora Mediolani fuisse & Turonis in Martini exequiis. Eiusdem fidei erit, quod literarum monumentis commissam legitur de Joanne Teutonico Halberstadii sacerdote Metropolitano, mago insigni, hunc nimirum artis suæ magicæ potentia, ipsa nocte Nativitatis Domini tribus locis celebrasse missam, Halberstadii unam, alteram Moguntiz, tertiam Coloniz, anno 1271.

§ 18. Præ-

*Menippus  
Lycium de-  
lusus à sua  
sponsa.*

*Philost. a-  
pud Vola-  
terr. in vi-  
ta Apolla-  
nii. Cic. 1.*

*de Divi-  
nat. Plin.  
ca. 6. de vi-  
ru illustrib.  
Volaterr.*

*Anthrop.  
x 111. 3.*

*Aqua cri-  
bro hausa,  
Lib. 28.*

*cap. 2 Val.  
Max. li. 8.*

*cap. 1. In  
Apolog. ad-  
versus  
gentes*

*cap. 32.*

*Ænobar-  
borum co-  
gnomen  
unde.*

*Magi &  
dæmoniari  
transferun-  
tur inter-  
dum.*

§ 18. Præstigiator quidam magicus Magdæburgi equulum in theatro frequenti per circulum transilientem ostentabat certa stipe: in fabulæ exitu paucam se apud morrales collegisse pecuniam questus, se in cælum conscendere velle ait. Hinc in sublimi ejecto fune, consequitur in altum equulus: præstigiator quasi cum cauda retenturus, quoque ascendit: cujus uxor maritum apprehendens affectatur, iridem ancilla, ut viderentur ascensu contiguos velut concatenati, simul aëra petere. Hæc dum populus ad stuporem spectaret, cuidam civi eo forte declinanti, quærentique quidnam rerum ibi ageretur? responsum est, circulatorem cum equulo in aëra conscendere. Hic se statim vidisse eum in vico ad diversorium abeuntem asseveravit. Illusos itaque se ubi animadverterent spectatores, discesserunt. Porro universam ejusmodi quavis arte comparatam dæmonum necessitudinem, cunctamque earum delusionum rationem, pestiferam fraudem esse, in extremum hominum exitium introductam, neminem efficiari decet.

*Præstigiator magi-  
tor magi-  
in aëra  
cum equulo  
conscendere  
videtur.*

### *Magorum Pharaonis actiones præstigiæ.*

#### CAPUT. VIII.

CÆTERUM ut omnium obrutui hæc magorum fabula & potestas, vel potius ludibria magis pateant, penitusque cognoscantur, agere oculis non delusis contemplemur, solerique indagine investigemus magorum vel maleficorum Pharaonis conatus, opera & potentiam: sic & illis satisfiet, qui, cum deceptarum mentequæ læsatum quarundam muliercularum sit mentio, confestim ad voluntarios Pharaonis magos confugiunt, quasi eadem utrorumque sit professio: quam longe lateque differre sentio.

*Exod. 7.  
Veritas  
transfor-  
mationis in  
opere Moysi.*

§ 2. In manu Moysi, electi omnipotentis Dei ad Pharaonem legati, virga revera in vivum, Dei verbo, transformatur draconem. Quo argumento se, à Deo cæli & terræ; & omnium, quæ in eis sunt, conditore unico (cujus quippe solius est creare, & res vere transmutare) missum esse testatur. Quod autem id ipsum à Pharaonis Magis, carminibus factum dicit Scriptura, rem altius introspectiens, non eandem quæ à Mose vere ostensa est, metamorphosin intelliget: sed saltem draconis præstigiiosam formam, obrutibus regiis offusam apparuisse. Quare etiam mendax draconis magicæ vanitatis facies, in præstigiij revelationem, à vero Moysi dracone devorabatur: ut mendacium à veritate absorberetur vinciturque.

*Præstigia  
magorum  
Pharaonis.*

§ 3. Propte-

§ 3. Propterea, Josepho teste, Moses inquit: Jam declarabo manifeste, non esse hæc præstigas veritatis speciei parum cantis imponentes: sed ipsissimam Dei virtutem, argumentum omnipotentis illius voluntatis apud incredulos futuram. & cum dicto virgam in terram mittit, jubens ut fiat draco. Quæ mox dicto parens, Ægyptiorum virgas, quæ draconum specie reprobant, unam post aliam aggressa, omnes ad unam devoravit. Enimvero si verus extitit magorum draco, dæmonis ope ex virga ita transformatum esse oportuit. Inepam autem prorsus esse, ut in vivam bestiam transmutari queat, virgæ materiem, cuius liquido constat. Quemadmodum creare etiam ex nihilo, vel rem in multo dissimillimam, aut etiam contrariam pro suo arbitrio vere transfundere essentiam, penes diabolum est minime.

*Antiq. Judaic. II. 5.*

*Augus. 3. Trinit.*

*Li 3. Reg. 1. De cor. divinat. dæmon*

§ 4. Corpoream materiam non subijci potentie dæmonis, quantum ad transmutationem ipsius ad formam, confirmat Augustinus: Non est putandum, inquiens, istis transgressoribus angelis ad nutum servire hanc rerum visibilium materiem, sed soli Deo. Fatendum tamen, dæmones etiam celeritate incredibili, quibusdam rebus emotis, serpentes, dracones, vel quid aliud earum loco subijcere posse. Magi signa videbantur potius facere, quam faciebant, ait Clemens. & Berno: Sæpe ipse dæmon ludificat hominum mentes, ut videre videantur, quæ non sunt, tanquam ea, quæ sunt. Recte item Jamblichus de Mysteriis: Quæ fascinati imaginamur, præter imaginamenta, nullam habent actionis & essentiae veritatem. Ejusmodi namque finis est magicæ artis, non facere simpliciter, sed usque ad apparentiam imaginamenta porrigere, quorum mox nec vola (quod dicitur) nec vestigium apparet.

§ 5. Eodem censendum modo de reliquis signis: quod nimirum Moses elevans manum, virga ferierit fluminis aquam coram Pharaone & servis ejus, quæ tota mutata est in sanguinem: mortuique piscibus tantus extitit fœtor fluminis, ut Ægyptii de ejus aqua bibere non possent, toraque Ægyptus sanguine redundaret. Idem suis incantationibus Ægyptiorum magi effecerunt, à quibus plerique omnes Ægyptii, idololatræ & idonea Satanæ organa pendebant: quorum oculis cujuscunque coloris aur imaginis spectrum fraudulenter offerre, Dei permissu, dæmonio facile erat, ut cor illud Pharaonis (quod Deus præviderat fore, ut induraretur) justo Dei judicio, majori occallesceret durtie, meritamque tandem ille lurer pœnam.

*Aqua in sanguinem mutata.*

Q

§ 6. Ma-

§ 6. Magorum autem fuisse præstigias facinus illud, vel hinc palam est, quod unicus ille *Ægypti* fluvius Nilus in sanguinem conversus erat, ejusque pisces computruerant opera Mosis servi Dei. Nec ulla præterea erat reliqua universæ *Ægypti* aqua non tincta: ut *Ægyptii* omnes undique circum flumen aquam effodere cogerentur, quam biberent. Unde proculdubio colligendum, magos tantummodo pauculæ aquæ antea in vase conservatæ, vel effusæ, rubicundam præstigiøsæ faciem ostendisse suis carminibus vel fascino, ut Scriptura testatur: hoc est, ludificante dæmonum operatione.

§ 7. Hi etenim agitis ad hanc delusionem commodis humoribus, spiritum opticum vel visivalem quibuscunque imaginibus imbuere queunt: quemadmodum plerisque melancholicis usu venire observamus. Sic in hypochymatis vel suffusionis oculorum initio ex humoris affluxu ad visus organa veluti pusillos culices obversari intelligimus, interdum quasi lucentia quædam corpuscula, plerumque veluti caliginosa se oculis offerre, nonnullis tanquam lanarum filamenra & araneorum telas apparere, quibusdam circa lucernas circulos videri. plerisque item regio morbo laborantibus, propter suffusam bilem omnia lutea & flavescencia sese ostendere apparet: atque hæc sunt magis vel minus, hac vel illa forma, secundum humorum & spirituum visivorum constitutionem, quemadmodum naturæ peritis cognitum & perspectum est.

*Ranas & Effluvia*

*Exod. 8.*

*Genes. 1.*

*Creare spiritum Dei est.*

§ 8. Quid aliud dicendum de ranis ex *Ægypti* fluminibus educatis, quibus terra cooperta est, Aarone ex Dei mandato manu virgam in fluvios & lacus protendente? Magorum ranas solummodo fuisse eadem ratione mere imaginarias, hinc luce meridiana clarius evadit, quod tantam ranarum colluviem eos creare oportuisset, minus Deo omnino peculiare, nec ulli unquam creaturæ, multo minus Satanæ ejusve clientelæ concessum. Singularis hæc Dei ab initio fuit & mansit prærogativa, qua neminem dignatus est.

§ 9. Præterea si veras in terram ex aqua magi produxissent ranas, utique & reducere universum hoc ranarum genus eadem arte potuissent. Proclivius etenim multo fuit, visas in nativum naturalemque suum locum, fluvium nimirum & lacus repellere, quam in domos, penetralia, cubicula, cubilia, furnos, cellas, loca hisce animalibus aliena, immo adversissima, primum eas non apparentes excire, ubi illis moriendum est: quum in aquis, ut designato his vivario, libere victitent: aut saltem vitam illis adimere, quibus donasse vide-

videbantur, factillimum fuisset. Vel quam sortitos credemus magos nocendi aut perficiendi potentiam, si ne ranas quidem lædere, aut carminibus, quibus educæ putabantur, tantum abigere valuerunt? Hoc usque adeo nequiverunt, ut Pharaon rex posito priore supercilio, coactus fuerit suos adversarios Aaronem & Mosem hortari, ut Deum pro depellendis à se suoque populo tanis deprecarentur. Quod etiam ita factum est, definitoque die ranæ sunt exterminatæ à domibus: lisque mortuis in cumulum coacervatis, fœtebat regio.

§ 10. Sic Pharaonem etiam invitum Domino Deo incomparabili honorem deferre oportuit: quemadmodum & ipsos magos, penes quos ea potestas minime fuit. Nam quum Deo non amplius præstigias permittente, cyniphes vel pediculos, tum homines tum bestias infestantes producere, Aaronem & Mosem imitati, nequicquam tentassent: coram Pharaone confessi sunt, Digitus Dei est hic, quasi dicerent: Digitus vel potentia Dei est, quæ vere progignit & condit ex pulvere, vel etiam nihilo, quicquid pro suo arbitrato vult, & quando illi placitum est. Id vero, quod à nobis effictum vidisti, Satanæ digitus est, qui nihil unquam revera procreare, sed phantasticam solum rerum imaginem dolose ostentare potest. Quare nos ejus clientes, ministrotum ipsius omnipotentis Dei veritatem imitati sumus, præstigiis quibus te ac tuum populum hæcenus illusimus, Deo vero ob tuam incredulitatem & cordis duritiam connivente. At cessat jam illa permissionis hora, ut non amplius Satanæ ludibriis superfit locus, sed Dei viventis veritati testimoniū perhibere cogamur.

§ 11. Ita Dei manum jam agnoscunt, qui ei antea suis imposturis derogarunt. Dei gloriam prædicant, qui eam suis fucis prius obscurarunt. Nec postea vivum usque adeo glorificassent Deum, nisi antea impediti, frustra suam tentassent artem. Nec Deo tam justa puniendi contumaces occasio fuisset reliqua, nisi prius ad præstigias connivisset: deinde impediisset, quo se suamque potentiam noram faceret, ostenderetque illam longe esse aliam, ac veluti ex diametro pugnantem cum ea, quam Ægyptii idololatræ & magi in veri Dei contemptum hæcenus adeo venerati essent. Justinus Martyr in explanationibus quæstionum Christianis propositarum quæst. 26. asserit, magorum Pharaonis miracula non fuisse vera, sed spectantium fascinatione oculorum opera dæmonum. Hos Ægyptios incantatores Jannem & Jambrem fuisse, Pharaonem vero hunc Cenchreem Ægyptium regem, scribit Fulgosus v. l. c. 11.

Q<sup>2</sup>

§ 12. Sed

1. Timot. 3.

§ 12. Sed quid pluribus opus? cum ex eo quod Thessalonicensibus scribit D. Paulus de Antichristo, permultos ab eo signis & prodigiis mendacibus seductum iri, haud obscure colligatur, ea, quæ à magis ostententur, esse ficta. Uti tamen eorum haud improbo interpretationem, qui mendacia dici contendunt, quod homines ad mendacia pelliciant, ut causa ex suo effectu aut nomen aut *in 17. 18. 19.* fortiri solet: ita quoque concedant oportet, ut *14. 15. 16.* explicemus falsis, admittantque utranque explicationem, quam his verbis affirmat D. Augustinus: Mendacia dicuntur signa & prodigia, vel quia videbuntur & non erunt, vel quia homines ad mendacia deducunt. Quin & Avitus Alcinus episcopus Vienneſis, qui clauit sub Zenone & Anastasio Impp. anno 490. eleganti carmine exprimit, quam ruemur sententiam, lib. 2. de Peccato origin.

*Legifer ut quondam vates sub rege superbo,  
Dum nova monstraret jussi miracula signi,  
Commovit livore magos, ut talia tentent,  
Accumulentque suas calo fervente ruinas.  
Illis suppeteret forsân si recta potestas,  
Demere, non etiam festinent addere monstra,  
Æmula sed signis tantum, non æqua viribus.*

Æmula, inquit, signis, non æqua viribus.

§ 13. Non abs re hic etiam Decretorum testimonium accivero, in quibus hæc legantur: Nec mirum de magorum præstigiis, quorum in tantum prodiere maleficiorum artes, ut etiam Moli in illis signis resisterent, vertentes virgas in dracones, & aquam in sanguinem. In gentiliū etiam libris legitur, quod quædam maga Circe socios Ulyssis mutaverit in bestias: item de sacrificio, quod Arcades de suo Lycæo immolabant, ex quo quicumque sumerent, in bestiarum formas converterentur. Sed hæc omnia magicis præstigiis potius fingeantur, quam rerum veritate compleantur. Ut ergo ipsi errores ignorantibus manifesti fiant, de eorum proprietate atque inventoribus juxta traditionem majorum patrum dicere congruum arbitramur. Magi sunt, qui vulgo malefici ob fascinorum magnitudinem nuncupantur. Hi sunt, qui permissu Dei elementa concutiunt, turbant mentes hominum minus confidentium in Deo, &c. Hucusque decreta.

*In 2. parte.  
caus. 26.  
question. 5.  
episcopi.  
Augusti de  
Civ. Dei.*

*Pythia*



*Pythia mulier in Endor, non Samuelem, sed hujus imagine  
diaboli spectrum excitavit.*

C A P. IX.

**H**INC ut ad mulierem in Endor maleficam, vel Pythonis spiritui imprægnatam, meo proposito objiciendam, confugiatur, per me licet: quum nullum hic æque atque sacre Scripturæ testimonium admittam. Ea Samuelem excitasse legitur, è terra ascendentem, solito corporis habitu & vestitu, ac futura in Dei manu adhuc posita prædicentem. Ecclesiastici quoque author tradit, ipsius Samuelis hæc acta & vaticinia fuisse, quum ait: eum dormivisse, regi notum fecisse finem vitæ suæ, & exaltavisse vocem suam è terra, & vaticinatum esse, delendam esse impietatem gentium.

1. Sam. 28.

Ecclef. 46.

¶ 2. Etsi vero historiæ circumstantiæ, & Jesus Syrach asserere videantur, ipsum apparuisse Samuelem: penitus tamen rem intuenti ostendam, non ipsum Samuelem, sed illius imagine diaboli spectrum, Pythiæ sceminæ libenter obsequutum, ut ludificaret, visum fuisse.

A Pythia  
famina non  
Samuel sed  
hujus ima-  
gine spe-  
ctrum dia-  
boli excitur.

¶ 3. Primo diserte severoque edicto à mortuis quæri veritatem vetuit divina vox, multa mortis constituta: nec per eos doceti vult vivos, nec ab iis aliquas expectare patefactiones. Non invenitur in re consulens mortuos: qui hoc facit, est *ἀσέλευμα* Deo suo: hoc est, res talis, quam odit Deus, abominatur, & in æternam abjicit damnationem. Proinde nos suo verbo, in quo sese & voluntatem suam expresse declaravit, inniti firmissime voluit Christus, inquiens: *Μοσεν habent, & prophetas.*

A mortuis  
non qua-  
renda ve-  
ritas.  
Levit. 19.  
20. Dent.  
18.  
ἀσέλευμα  
Luc. 16.

¶ 4. Adhæc, piorum animas maleficarum carminibus è designata à Deo sede evocari, & in corpora inhumata compelli, vel falsissimum est: vel ne in sinu quidem Abraham, loco beatis assignato, tutæ existant eorum animæ, in Domini manu conservatæ. At Satanam nihil unquam ab hac morte in sanctorum animas potuisse, nec bonos spiritus magicis artibus obedire: nec secretas semel à corporibus & collocatas in definitis sedibus animas, si revocentur, redire, ut Ethnicis persuasum erat, confessum est hætenus: sed adsciticia se illarum imagine ostentant demones. Quocirca non à mortuis ipsis, verum à demonibus illorum habita vestitis, *νεκρομαντεῖα* responsa accipiebant: quæ, si illi integris & expressis mortuorum corporibus cernerentur, *νεκρομαντεῖα* in vero tenues, nebulo-

Magorum  
carminibus  
non obedi-  
unt beatorum ani-  
ma.

νεκρομαντεῖα  
tenues.

Q 3

fas &

οὐκ ἔστι  
τοῦτο.

fas & evanidas sibi circumfunderent umbras, *σκιάς τινος* nuncupabantur. Vere D. Chrysostomus ait: Non anima defuncti est, quæ dicit, Anima talis ego sum: sed dæmon, qui hæc, ut homines decipiat, sic confingit. Ibidem: Animæ sunt in loco certo, & expectant iudicium, neque se inde possunt commovere.

§ 5. Antea quoque Samuel plus minus biennio mortuus fuerat: & ejus corpus si non omnino computruerat, tamen ita deformatum fuisse certum est; ut eximia illa specie viva, qua antea innotuerat, & qua se nunc denuo fideus hic sistit Samuel, apparere nequiverit. Neque etiam deorum magnificentiam referre potuisset cadaverosum corpus, quilibet novit: quum tamen deos è terra ascendere, se contueri affirmaret divinatrix. multo minus quivit loqui & vaticinari iste Samuel.

2. Cor. 11.

§ 6. Quorum etiam Samuelis piissimi vatis tamdiu sepulci corpus, pallium consueta eodem momento, ex impiæ fascinatricis mulierculæ imperio incorruptum assumpsisset, quod in sepulchrum secum non assumpsit, nec eo amiciebatur mortuus? Hoc autem sanctissimi viri spectrum ostentare, facile fuisse illi, inficias ire nolo, quise in lucis angelum transformat, cum primis apud impium regem, tum perditam Satanæ servulam.

§ 7. Deinde cum ipsa historia paulo ante testetur, Deum contumaci & abjecto regi ipsum consulenti, responsa dare noluisse, vel per viventes prophetas aut sacerdotes, vel per somnia: multo minus per divinum vatem ex morte suscitatum, quem nec vivum audire voluit Saul, vel per angelum è cœlis missum, respondit regi, quem in furore suo omnino repudiarat. Quo etiam nomine motus Saul, Pythiam divinatricem professionis ergo, publico edicto juxta Dei voluntatem ex Israele exulantem, furtive vero latentem, iniqua ratione consulere statuit: quasi indignabundi animi institutum fuisset,

*Flectere si nequeo superos, Acheronta movebo.*

Ideo non potuit non odille & execrari hoc factum Deus, & justo iudicio deploratam illusionem dæmoniaca Saulis impietatem contra suum & ipsius præceptum, contra etiam conscientiae testimonium designatam punire; ut in præfracti Saulis mentem Satanæ fascinum merito permiserit. Nec novum aut inauditum hoc est, ubi quos pertinacis impietatis homines esse prævidet, præscitque, magis solet excæcare, indurare, spiritui mendacii relinquere, & in repro-  
bam

bam tradere mentem. Exemplo sit Pharaonis inviſta perrinacia, *Exod. 7. 8.*  
fides mendacibus ſpiritibus data, & extrema inde puniſio. *9. 10.*  
*11. 14.*

§ 8. Quod parro hiſtoria commemorat, Samuelem ſenem pal-  
lium indutum indigne tuliffe, quod è ſua quiete excitus eſſet, at-  
que cum Sauli regi loquutum vaticinatumque fuiſſe: hinc non  
convincitur, verum exiſtiſſe Samuelem hoc ſpectrum. Quoniam  
diabolo, ſpiritui mille artifice, non ſit difficile quaecumque for-  
mam mentiri, quidvis fingere, ſimulare, & de futuris jam antea va-  
ticinio pareſactis prædicere: maxime vero, de quibus manifeſta  
præluſia, & eventus minime dubii indicia in foribus fere videban-  
tur. Nec ignoravit Satan, certiffima eſſe, quæ Sauli vaticinatus  
fuerat vir Dei Samuel. Ideo à Samuele antea prædicta repetit, po-  
ruitque non temere conjecturam facere ex apparatu hoſtium ma-  
gnifico & inſtructis copiis, item ex dictis, factis & circumſtantiis re-  
liquis belli præſentis, quam ſortem in eo conſpectu aſſequeretur  
Saul: poſſimum cum ipſum à Deo abjectum, nec reſipſcentem,  
& adverſus Dei mandatum poſtreſmo Pythiam vatem diaboli man-  
cipium conſulentem, in ſua haberet poteſtate, atque pro ſuo impel-  
lere nutu, & præſentis prælii objicere poſſet exitio. Ideoque Sau-  
lem mortuum teſtatur Scriptura in tranſgreſſione ſua, qua prævari-  
catus erat contra Dominum: nempe contra Domini verbum, quod  
non cuſtodivit, & quod Pythonem conſuluit interrogando, neque  
requiſivit Dominum: ob hoc interfecit eum, tranſlato regno ad  
Davidem filium Iſai.

*1. Par. 10.*

§ 9. Porro ſi Jeſu Syrach teſtimonium urgeatur, quanquam  
( Hieronymo teſte ) illi ab Eccleſia non concedatur authoritas  
dogmata confirmandi Eccleſiaſtica, nec rerum earundem contro-  
verſias dirimendi: hæc tamen quoque addere libet, ne pia hujus  
libri doctrina elevati putetur, Jeſum Syrach ſolummodo ex primo  
Samuelis libro hiſtoriam proponere: quod factum eſt, ſimplici  
enarrare oratione, quemadmodum legitur, ut ad aviræ virtutis  
æmulationem poſteros invitaret, provocaretque: Samu-  
elis item laudes ſuccincte recenſere: minime diſſerere voluiſſe, verane an fi-  
cta fuerit Samuelis appetitio.

*Jeſu Sy-  
rach antho-  
ritas.*

*Illuſionem  
fuiſſe Sa-  
mueli ap-  
paritionem,  
conſent  
Hebrai.*

§ 10. Inter Hebræorum autem Rabbinos quanquam pauci  
aliter ſentiant, tamen Pythonum opus eſſe, fere omnes cenſent: &  
nihil aliud præter præſtigias, vanitatem, mendacium & deceptionem.  
Samuelem intelligunt ſpiritum Pythonicum, qui induerat  
Samue-

Samue-

Samuelis speciem: item Samuelem visum esse dicere Sauli. Mulier videbat Samuelem, neque tamen audiebat eum alloquentem Saulem: sicuti nec Saul videbat Samuelem, hoc est, illusionem illam diabolicam, quæ videbatur illi Samuel. Sunt inter eos, qui hæc omnia mulieris purant arte conficta, quæ ex certis conjecturis sic deluserit Saulem. Kimchi contra adversarios sic arguit: Si Deus suscitavit Samuelem, ut futurum eventum indicaret Sauli: cur eventum illum non magis revelavit per somnia aut per prophetas, aut per sacerdotum oracula, quam per maleficam mulierem? Saadia vero, & Ajas, quod ipsa mulier, cum præter solitum morem miranda videret, stupefacta, cœperit magna clamare voce, hanc veram fuisse visionem, non quidem mulieris arte, sed Dei virtute apparentem, falso existimant.

*De vero Samuele non evocato à divinatrice, Patrum quorundam sententia.*

C A P. X.

*Quæst. 27.  
item pars. 2.  
caus. 26.  
quæst. 5.  
Nec mirum*

CÆTERUM, ut huic nostræ sententiæ roboris aliquid accrescat, caudi argutissimi sanctioris Theologiæ censorem Augustinum, lib. Quæstionum veteris & novi Testamenti: Indignum facinus æstimo, inquit, si secundum verba historiæ commendetur assensus. Quomodo enim fieri poterat, ut arte magica attraheretur vir & nativitate sanctus, & vitæ operibus justus? aut, si non attractus est, consensit: quod utrumque de viro justo credere absurdum est. Si enim invitus adductus est, nullum suffragium habet justitia: si autem voluntarius, amisit meritum spirituale, quod positus in carne quæstiverat: quod valde absurdum est, quia hinc qui justus recedit, permanet justus. Porro autem hoc est præstigium Satanae, quo ut plurimos fallat, etiam in potestate se habere justos confingit.

2. Cor. II.

§ 2. Quod Apostolus inter cætera ait: Ipse Satanas transfiguratur se in angelum lucis. Ut enim errorem faceret, in quo & ipse gloriaretur, in habitu viri justi & nomine se subornavit: ut nihil proficere spem, quam prædicabant Dei cultoribus, mentiretur, quando hinc exeuntes justos finxit in sua esse potestate. Sed hoc quosdam fallit, quod de morte Saul & filiorum ejus non sit mentitus: quasi magnum sit diabolo, ante diem, occasum corporis prævidere, quum signa soleant quædam apparere morituris, quippe à quibus Dei protectio

rectio amota videtur. quanto magis diabolus, quem angelica maiestate sublimem prophetica oracula fuisse testantur; de cuius magnitudine Apostolus ait: An ignoraris altitudinem Satanæ? Quid mirum ergo, si imminentem prope mortem potuit prævidere, cum hoc sit, unde fallit, & se in Dei potestate vult ad orari?

§ 3. Nam tanta hebetudine demens effectus est Saul, ut ad Pythonissam confugeret. Depravatus enim causa peccati, ad hæc se conlulit, quæ damnaverat. Sed si quis propter historiam, ut ea, quæ verbis expressa sunt, putet non prætermittenda, ne ratio historię inanis sit: recte faciet quidem, si tamen minime istud ad veri rapiat rationem, sed ad visum & intellectum. Saul namque reprobis factus, poterat bonum intellectum habere. Historicus enim mentem Saulis & habitum Samuelis descripsit, ea, quæ dicta & visa sunt, exprimens: prætermittens, si vera, an falsa sint. Quid enim ait? Audiens in quo habitu esset excitatus, intellexit (inquit) hunc esse Samuelem. Quid intellexerit, retulit: & quia non bene intellexit, contra Scripturam alium adoravit quam Deum: & putans Samuelem, adoravit diabolum, ut fructum fallaciæ suæ haberet Satanæ. Hoc enim nictur, ut adoretur quasi Deus. 1. Reg. 28.

*Idem scribit Raba-  
nus ad Be-  
nasum ab-  
bas. in epist.*

§ 4. Si enim vere illi Samuel apparuisset, non utique vir justus, permisisset se adorari, qui prædicaverat Deum solum esse adorandum. Et quomodo homo Dei, qui cum Abraham in refrigerio erat, dicebat ad virum pestilentię, dignum ardore gehennæ, Cras mecum eris? His duobus titulis subtilitatem fallaciæ suæ prodit improvidus Satanæ: quia & adorari se permisit sub habitu & nomine Samuelis, contra legem: & virum peccatis pressum, quum magna distantia peccatorum & justorum sit, cum Samuele iustissimo futurum mentitus est. Verum potest videri, si de Samuelis nomine taceatur, quia Saul cum diabolo futurus erat. Ad eum enim transmigravit, quem adoravit.

§ 5. Idem ad Simplicianum, ubi ultro citroque quæstionem de excitato Samuele agitasset, tandem ait: Quanquam in hoc facto potest esse alius facilius intellectus, & expeditior exitus, non ut vere spiritum Samuelis excitatum à requiæ sua credamus, sed ali-quod phantasma & imaginariam illusionem, diaboli machinationibus factam: quam propterea Scriptura nomine Samuelis appellat, quia solent imagines rerum earum nominibus, quarum imagines sunt, appellari. Quis enim, qui hominem pictum dubitet vocare

*Li. 2.  
quæst. 3.  
Eadem scri-  
re ad Dul-  
citium,  
quæst. 6. &  
in libello de  
cura pro-  
meritis  
agenda.*

R

homi-

hominem? quandoquidem & singulorum quorumcunque picturam cum aspicimus, propria quæque nomina incunctanter adhibemus: veluti cum intuentes tabulam aut parietem, dicimus, Ille Cicero est, ille Salustius, &c. quum aliud nihil sint, quam pictæ imagines.

§ 6. Et paulo post: Si vero liquido constat, nominibus earum rerum, quarum imagines sunt, easdem imagines appellari: non mirum est, quod Scriptura dicit Samuelem visum, etiam si forte imago Samuelis visa apparuit, machinamento ejus, qui transfiguratur se velut in angelum lucis, & ministros suos velut ministros justitiæ. Jam vero, si illud movet, quomodo à maligno spiritu Sauli vera prædicta sint: potest & illud mirum videri, quomodo dæmones agnoverint Christum, quem Judæi non agnoscebant.

§ 7. Cum enim vult Deus etiam per infimos & infernos spiritus aliquem vera agnoscere, temporalia duntaxat, atque ad istam moralitatem pertinentia: facile est, & non incongruum, ut omnipotens & justus, ad eorum pœnam, quibus ista prædicantur, ut malum, quod eis impendit, antequam veniat prænoscedo patiantur, occulto apparatu mysteriorum suorum, etiam spiritibus talibus aliquid divinationis impertiat: ut quod audiant ab angelis, prænuncient hominibus. Tantum autem audiunt, quantum omnium Dominus atque moderator vel jubet, vel finit. Unde etiam spiritus Pythonicus in Actibus Apostolorum arreptatur Paulo apostolo, & evangelista esse conatur. Miscet tamen isti fallacias suas: & verum, quod nosse potuerint, non docendi magis, quam decipiendi sine prænunciant. Et forte hoc est, quod quum illa imago Samuelis, Saulem prædicet moriturum, dixit etiam secum futurum: quod utique falsum est, &c. Idem lib. 2. de Doctrina Christiana, capite 26. ait, Samuelem hunc fuisse imaginem sacrilegio excitatam. Et autor libri de mirabilibus sacre Scripturæ, si is sit Augustinus, negat verum fuisse Samuelem, cap. 11.

§ 8. In recitandis his Augustini sententiis copiosior fui studio, quod haud ita pridem monachum audierim, qui in publica concione ipsius Samuelis spiritum vetè evocatum fuisse, ex Augustino defendere conatus sit. Nostro huic sensui calculum addit Tertullianus, in libro de Anima dicens, Diabolum illuisse & mulieri & Sauli, & illius oculis, hujus vero auribus imposuisse. Justinus Martyr in explic. quæst. § 2. dæmonem Samuelis habitu & figura apparuisse

paruisse affirmat. Origenes in historia de Bileamo ait, Bonos spiritus non obtemperare carminibus magicis.

*De necromantia, quid sit, & qui ea usi fuerint.*

CAPUT. XI.

**N** *νεκρομαντεια* vero, & *νεκρομαντεια*, eam vocant, quæ sacrificiis solenni ritu institutis & peractis, atque diris execrationibus ab Orco manes educit, accitofque de futuris sciscitatur: ita Samuelem mulier excitasse putatur in Endor.

*νεκρομαντεια.*  
*νεκρομαντεια.*

§ 2. Hanc Æneam quoque exercuisse traditur, quum in Italiam venisset, occiso Miseno tubicine. Apud Lucanum quoque Erichthonem maleficam Thesellam, fascinatricemque evocasse mortuum narratur, qui belli Pharsalici eventum Sexto Pompejo denunciat. Dicitur & Apollonius Romæ verbis occulte pronuntiatis, puellam nuptiarum die resuscitasse, cujus illum nobilem scriptorem Philostratum testem esse miror. Idem gloriatur se Achillis animam ab inferis evocasse, ut corporis sui molem ostentaret, & ad interrogata de gestis in bello Trojano ipsi responderet: Non, inquit, sicut Vlysses terram effodiens, agnorum sanguine manes Achillis eduxi: sed omnes adhibui precēs, quas placandis heroum animabus sacerdotes Indorum dici jubent. Appion quoque Grammaticus memoriarum prodidit se umbram Homeri evocasse, ut ab eo percontaretur, cujas esset, & quibus parentibus editus.

*Lib. 6.*  
*Erichthon*  
*malefica.*

*Philostr. lib.*  
*4. in Apollonii vita.*

*Herat.*  
*lib. 1. Ser.*  
*Sat. 8.*

§ 3. Sed eadem est ratio, & mera dæmonii ludibria, si ea videbantur ita acta esse: iis enim mire erat exposita antiquitas, Dei ignara. quemadmodum ea & ad herbarum facultates usque adeo fuit attonita, ut ad vitam revocari mortuos herba quapiam crediderit. Sic Xanthus historicus in primo lib. Historiarum scripsit, occisum draconis catulum herba quapiam resuscitatum, quam magi Balim vocant. Eadem Thilonem, quem draco interfecerat, vitæ restitutum: & Juba rex Mauritaniae, herba itidem in Arabia hominem vitæ redditum esse tradit. Hoc autem quum fieri nequeat, illos in lipothymiam vel animi deliquium illapsos, vel aliqui morbo prope victos, admota illa herba vires vel excitante, vel etiam naturæ respirantis virtute quasi revixisse fuisse visos, mea est sententia.

*Plinim.*  
*xxv. 2.*

*Balim.*

§ 4. Nec verò ex Israelis cætu hic solus deliquit Saul, nec etiam soli Ethnici dæmones mortuorum umbris involutos consuluerunt.

Quos, quum nescirent Deum, minus mirum est varias exquirendæ voluntatis divinæ, placandorum numinum, & explorandorum futurorum rationes effinxisse. Sed & in reliquum Dei populum pervasit furor ille, qui etiam usque ad hoc nostrum seculum in quibusdam male sanis perduravit ingeniiis. Usitatissimam etenim superioribus annis fuisse consuetudinem acciendorum & interrogandorum manium, norunt majores: & hac de re peculiaria & magna volumina fuisse confarcinata, eademque in quibusdam scholis palam proposita, sunt qui meminerunt. Nobis autem cura mandata incumbit, ut omnem consociationem cum dæmoniis & eorum ministris execremur, ne eorum usu polluamur, & oscitantia vel securitate eorum retibus implicemur incauti.

*De divinationibus Magicis.*

CAPUT. XII.

**P**ORRO ritus, quibus commoveri eximo animas, producique illi arbitrabantur, item variarum divinationum magicarum monstrosas species, prodigiososque modos, Satanz artificio in æternam hominum perniciem dolose confictos, in historiis annotatos, & ab Ethnicis usurpatos, erudite in doctissimis suis Commentariis, de Præcipuis divinationum generibus describit multijugæ lectionis vir CASPAR PEUCERUS. Ubi licet plurima lectu dignissima, atque huc facientia, comperies: nos tamen & alia non pauca nec observatione indigna sequentibus capitibus proponemus.

*Divini.*

§ 2. Et Incantatores quidem, ariolos, aruspices, augures, pythonissas, genesianos, saltrores, sortilegos discernit divus Augustinus libro de Natura dæmonum: id quod in Decretis annotatum etiam est 26. q. 3. & 4. c. igitur. Divini autem omnes dicuntur, quum vel inita cum dæmonibus manifesta societate varicinantur, vel superstitiosis quibusdam artibus, quæ ex occulto cum dæmonibus pacto scaturiunt, mancipati idem efficiunt. Vel sit Divinatio, alicujus rei affirmatio, quæ neque ex causis, neque ex verisimilibus signis est collecta. Ad species veniamus.

*Incantationes.*

§ 3. *Incantationes* describit Psellus, & eam fuisse in usu apud Assyrios ait: sed & Chaldæis & Ægyptiis familiaris fuit. Ea etiam nunc hodie utantur Turcæ, licet non nihil diverse. In pelvim aqua reple-



repletam imponebantur aureæ & argentæ laminæ, lapidesque pretiosi characteribus certis signati: & postquam consueta essent prolata verba, quibus dæmon exciebat, proponebatur quæstio. Tum primo quidem sonitus tenuis absque voce audiebatur, qui signum erat ingredientis dæmonis: post aqua inundante, voces exiles ex ea emergebant, quibus ad quæstionem respondebatur: aut opera data exiles admodum, ne mendacii coargui posset dæmonium in his quæ non noverat.

§ 4. Γαρματισία hoc à priori discrepabat, quod non voce, sed γάρμα-  
τισία. picturis responsa expediebat. Collocabantur vasa vitrea, rotunda, aquis conferta limpidissimis, & circum collocabantur accensi cerei: cumque evocatio dæmonis secreto murmure finita, & quæstio relata esset, adhibebatur puer impollutus, aut mulier prægnans, quæ vitra studiose accurateque intueretur, ac circumspiceret, roga-  
retque, imperaret & flagitaret responsa. Ea tandem imaginibus aquæ impressis, & per vitra pellucida renitentibus, diabolus ostendebat.

§ 5. Κατοπτρομαντία, ex nitidis tersisque divinat speculis, in quibus propositarum rerum imagines efficit, redditæ à diabolo fulgent. Ea usus est Didius Julianus imperator: & pleraque Saranæ moniti prævidisse, quæ acciderunt, scribitur. κατοπ-  
τρο-  
μαντία.

§ 6. Κρυπτομαντία, ex crystallis fabrefactis atque expolitis, colludente in his diabolo (in plerisque enim minora speciales materias alterius conditus delitescit) depictas notas atque figuras eventuum ac rerum quæsitaram, quasi vaticinans suis Magis renunciat. κρυπτο-  
μαντία.

§ 7. Δακτυλομαντία appellatur, quando ex annulis ad certos cæli positus fabrefactis, vel diabolico ritu consecratis divinant malefici. At, qui veritis his divinationum dæmoniarum modis utuntur, nimis impune inter Christiani nominis homines degunt quamplurimi. Ex simili officina nuper quidam annulum eadem religione sacratum heroi obtulit viginti coronatis venum, ejus scilicet virtutis, ut felicem consequeretur eventum in quocunque lusus genere, quamdiu hunc comportaret. Cujus rei ut faceret periculum, assumpto annulo luser, & quidem fortuna annuente, benignaque. Quo successu ille cæus coronatos numerat, reditque ad consueta negociationis exercitium & luser, ac perdidit duplo plus, quam antea lucrifecerat. Expertus itaque se delusum, annulum infringi jubet. δακτυλο-  
μαντία.

ιδρυμα-  
τια.

§ 8. Ἰδρυματία varie usurpabatur. Aqua implebatur cyathus, annulusque filo suspensus ex digito librabatur in aquam: atque sic conceptis verbis postulabatur rei quæsitæ declaratio, vel confirmatio. Si quod proponebatur, verum erat, annulus suo nutu, non impulsus, cyathum feriebat constitutis ictibus. Hanc exercuisse N. mam Pompilium, & excitos in aquam deos consuluisse tradunt. Ex- tant & alii ejus modi.

δουχα-  
ματια.

§ 9. δουχαματία perficiebatur oleo & fuligine in unguem pueri alicujus impolluti illitis, folique obversis. Confici enim ex mix- tione olei, fuliginis & radiorum solarium simulacra rerum expeti- tarum, opinio erat: quæ tamen formabat mille artifex diabolus, ut ex hac mixtura in ungue reddi ac refulgere viderentur.

καταπο-  
ματια.  
ἀξιομα-  
τια.

§ 10. καταποματία, & ἀξιοματία, ad perstringendos atque detegendos occultos scelerum autores, & res alias obscuras mani- festandas, Magi utuntur. Hanc securi perficiunt rotando palo infi- xa, aptataque ad normam, & cum præfatione, ordine enumeratis suspectorum nominibus. Ad cujus vero mentionem securis vel le- vi impulsu se circumagat aut nutat, eum cu ipse reum peragunt. Sic apud Homerum produntur proci Penelopes, sed adhibito lapide Ga- gate, & prunis imposto.

§ 11. Illam administrant cribro forcipi imposito, & forcipe bi- nis tantum apprehenso atque elevato digitis: itidemque adjuratio- ne facta per sex verba, nec sibiipsis nec aliis intellecta, dies, nves, je- schet, benedæset, donuina, eniremaus: deinde suspectorum nomi- nibus recitatis, quocunque nominato cibum vel tremat, vel nutat, vel volutatur, eum reum statuunt. at quam vere, testatur omnis dæ- monum veritas. Potuit & ille, qui cribrum in forcipe sustinebat di- gitis, illud pro suo arbitrio commovere.

κεφα-  
λαιομα-  
τια.

§ 12. Κεφαλαιοματία, asini capite super prunas affato, nescio quibus perficitur ritibus, olim Germanis familiaris.

Ορμανία

§ 13. ορμαντία, cum ceræ liquefactæ, & in aquam distillantis figuræ observabantur, Turcis etiamnum in usu.

ἀερομα-  
τια.

§ 14. ἀεροματία ex ætris partibus ac motu sumpta, velebatur ab Aristophane in Nubibus.

ἐλφομα-  
τια.  
αλφομα-  
τια.  
αλφομα-  
τια.

§ 15. αλφοματία describitur à Theocrito in Pharmaceutria: & αλδροματία quoque, quæ in frumento farinæ commisto conside- rabatur. τυρματία per caseum fiebat: ιχθυοματία vero per pisces, olim à Tyrelia & Polydamante celebrata & usurpata.

§ 16. καπο-

§ 16. *κατομαρτία* ex fumo capiebatur incensi seminis papave-  
nis, aut sesami prunis injecti. κατομαρτία

§ 17. *βοτανομαρτία* per herbas instituebatur, veluti per salviae βοτανο-  
μαρτία.  
Dion.  
folia: *συκομαρτία*, per folia fici: *λικομαρτία*, per thus.

§ 18. *δαφνομαρτία* per laurum. Nam ex ejus ctemata strepitu δαφνο-  
μαρτία.  
Iliad. 7.  
Lib. 2. Eleg.  
Lib. 2. Eleg.  
futura colligebant: ex fragroso quidem secunda, testibus Porphy-  
rio, Eustathio in Homerum, Tibullo. At laurus bona signa dedit:  
ex Tacito autem adversa. Unde Propertius:

*Et tacet extincto laurus adusta foco.*

Antiphon, Philochorus, Artemon, Serapion Afcalonites, & ex re-  
centioribus Fulgentius Planciades affirmant, qui lauri frondes sub Tarrhas. in  
Claud. lib. 2.  
de rapt.  
Troj. sep.  
Calvus Re-  
dig. lib. 5.  
pulvinari capiti suppositas habuerit, vera hunc somnia noctu visu-  
rum. Hinc Claudianus inquit, — *Venturi praescia laurus.*  
Quapropter & Apollini deo fatidico sacra fuit, & hinc Laurus A-  
pollinea, Delphica, Fatidica dicta.

§ 19. Ita fructus arboris cujusdam apud Canibales invenitur,  
cucurbitae minori non absimilis, oblonga sive ovali forma, quem Maraka.  
Tamaraka.  
maraka & tamaraka nuncupant. Hunc illi, pulpa exetrip-  
ta, granis milii, lapillisve, aut re simili implent, variisque plumarum  
generibus superne exornant: deinde inferiori parte petrusum bacil-  
lo adaptant, quem tetræ insigunt. Hujusmodi fructus binos aut  
ternos in singulis tuguriis servare magna cum reverentia apud eos  
moris est. Existimant enim, quum hunc fructum manibus pertra-  
dant, crepitantemque ob milii grana injecta audiunt, cum suo se  
Tonpan, id est, deo sermones conferre, atque ab eo quædam re-  
sponsa accipere, sic à suis persuasi Paygi. Divinatorum genus hoc  
est, qui suffitu herbae petun & quibusdam obmurmurationibus, illo-  
rum tamataka divinam facultatem tribuere perhibent.

§ 20. *τισομαρτία*, cum cineri digito bacillove res, de qua di-  
vinandum est, inscribitur: isque sub dio exponitur. quæ enim reman- τισο-  
μαρτία.  
nent literæ, non dissipatae ventis aut confusæ cinere, ordine suo do-  
cere de re quæ sita putantur.

### *De sortilegio*

C A P. XIII.

**K***ατομαρτία*, Sortilegium. Quod genus duabus de causis hic  
explicare libet. Primo, quod non exoleverit adhuc, ut supe-  
riora.

riora pleraque divinationum genera, sed & à vulgo & à prudentioribus etiamnum quandoque observetur, heu ! nimis impie. Secundo, quod videam à nullo sortilegioium species diligenter investigatas, ac distincte traditas.

*Sortilegi.*

*Le 4. Etym.*

*Sort. habetur*

*26. q. 1. c.*

*Sortilegi &*

*26. q. 4. c.*

*Igitur genus*

§ 2. Isidorus autem Sortilegos esse scribit, qui sub nomine fidei religionis per quasdam, quas Sanctorum seu Apostolorum vocant sortes, divinationis scientiam profitentur, aut quarumcunque scripturarum inspectione futura promittunt. Superstitionis genus, cui dæmon occulte saepe colludit. Hinc sortes variae, puncta figuræ jactatae, taxillorum jactus, plumbeæ figuræ in aqua projectæ, in apertum librum repentinus oculorum intuitus, occurfus alicujus sententiæ ex improvviso, & alia vasa indicia, quæ uno sortium nomine comprehenduntur.

*Sortes.*

*ἀστυλα-*

*λαμας.*

§ 3. Diversas autem species, *κληρομαντίαι* faciunt: ut *ἀστυλαμαντίαι*, quæ per talorum jactus fit, & ex numero oblato sumitur, cum de re numerata, veluti de numero matrum, uxorum, liberorum, villarum, & aliarum rerum quaeritur: aut cum numerus jactus comparatur elogio. Libri enim, ejusmodi elogiorum sunt omnibus de rebus & negotiis: ex quibus cuilibet assignatus est suus & situs taxillorum, & numerus quomodocunque cadentium: qui, cui elogio respondere deprehenduntur, id vaticiniū ac responsum ad quaestionem propositam esse demonstrant. Tales libros etiamnum cum figuris & numeris alearum excusos, Galli plerumque animi causa habent.

§ 4. Orta prorsus fuit hæc divinationis superstitio à Pythagoreis, ut & *ἀριθμομαντία*. elementis illi literarum certos tribuebant numeros, numeris vim occulti futurique præsagam. Vide Archid. in c. accusarus. §. sanc. de hæret. lib. 6. & in summa confess. in tit. de tortil. 2. & 3. quaestionibus Hostien. & Ray. in summa, eodem tit. Et S. Thom. secunda 2. quaest. 95. in tit. de superstit. vers. ad quartum dicendum.

*ονομαντ.*

§ 5. *ονομαντία* sumitur ex cujuscunque quaerentis nomine, per elementa scilicet ejus, eorumque figuras.

*ἀλκ-*

*τρίομ.*

§ 6. Huic quidem persimilis est *ἀλκτευμαντία*, sed ridiculo mirabilique modo & invento exercetur. Locus enim circumscriptus in circulum, distribuitur per partes vigintiquatuor æquales: in quarum unaquaque, litera Alphabeti scribitur, & unicuique literæ granum frumenti imponitur. Inde gallus ad hoc enutritus dimittitur: & observantur ex literæ, quarum ille grana depascit. Valens imperator

perator cum mire perplexus ac anxius esset de Successoris sui nomine, gallus vaticidus & Alestriomanticus depavit grana imposita his literis Θ. Ε. Ο. Δ. quibus Theodosius significabatur. Vide quomodo colludat huic impiæ persuasioni dæmon.

§ 6. *ἰπριτοίας* similem Histronum Memphiticorum recenset Joannes Leo, qui exiguas aviculas capsulæ in abaci formam constructæ annexas ostendant, quæ rostro sortium chartulas tam dextram quam sinistram ominis extrahunt. Qui sortem suam scire cupit, obulum aviculæ objicit: quem rostro excipiens, in capsulam deferit; deinde progrediens, responsi chartulam eodem rostro profert. Quomodo his quoque nugis dæmon colludat, ac utatur ad superstitionem animis inculcandam, facile colligitur ex dicto Leone, qui pèjus quam in chartula sorte accepta conscriptum erat, accidisse sibi postea conqueritur.

§ 7. Jam ad *συχηματωρίας*, quæ repentino in librum apertum oculorum intuitu, ex sententiæ versusque ad quæstionem facientis occursum sumitur, modo ad numerum jactarum alearum, modo sine eo. Et quoniam poemata pro vaticiniis, ut poetæ pro yatribus habebantur, in iis potissimum exercebatur. Hinc & in publicis causis Sybillina carmina ita observabantur, & inter privatos Græcos Homericæ, Latinos vero Virgiliæ.

§ 8. Socrates audiens in carcere recitari Achilleum illud apud Homerum.

*ἡματι κεν νεστέω φημι δεικαρζος ἰνολέω :*

prædicebat Æschini se post triduum moriturum. Alexandro Severo obvenit hic Virgilii versus,

*Tu regere imperio populos Romane memento.*

Post annos aliquot Imperium adeptus fuit Romanum Brutus: exquirens is successum prælii Pharfalici, in hunc Patrocli versum incidit,

*δὲλα μοι ποῦ δὸν ἔχ' Ἀντὶς ἔκταται ὄψις.*

Claudio Imperatori obvenit,

*Tertia dum Latio regnantem videris ætas:*

Nec ultra biennium imperavit. Eidem inquirenti de fratre occurrit versus, qui & Gordiano juniore post, ex sexto Æneidos,

*Offendunt terræ hunc tantum fata. —*

Decem & septem diebus à suscepto Imperio interfecus fuit.

§ 9. Opilius Macrinus, num ad Imperium perventurus esset,

S

scire

*ἰπριτ.  
Li. 1. de-  
scrip. A-  
fric.*

*συχημα-  
τωρίας.*

*7. Iliades.*

*Æneid. 6.  
Valer. lib.  
1. cap. 5.*

*Iliad 16.*

*Æneid.  
lib. 6.*

scire desiderans, in hos incidit Homeri versus,

*Ulad. 2.*

ὁ γάρ, ἡ μάλα δῖος οὐα τοῖσιν ἡ μάχῃσι  
οὐδ' ἴβιν Ἀλκίαν, χαλκῶν γ' οὐ γόνοιο δ' αἰσῶσι.

Sane senex ad imperium pervenit, nec diutius quatuordecim mensibus id retinuit, occisus ab Heliogabalo. Adriano Imperatori dubitanti de animo ac amore Trajani erga se, sortes hæ Virgilianæ obvenire ex sexto Æneidos,

*Quis procul ille autem ramis insignis olivæ,  
Sacra ferens? nosco crines, intusque menta  
Regis Romani.* —

Post adoptatus à Trajano, successit ei in imperio Romano. Claudius secundus Aureliani imperatoris prædecessor, inquirens de posteritate sua, incidit in illud primi Æneidos libri:

*Hic ego nec metas rerum, nec tempora pono.*

Genus ejus per longam posteritatem stetit.

*Sortilegia.*

§ 10. Et hæc fere sunt & sortiam & sortilegiorum genera. Quæ non solum, à sortibus ex urna capiendis, aut aliunde legendis ita dicta mihi videntur, sed etiam à lectione. Nam & versus sorte obliti legebantur, ut supra demonstravimus: & sortes etiam fuisse acceptas pro syngraphis, aut scriptura Oraculorum, responsumve,

*Lib. 1. cap. 6.*

constat ex Delphicis sortibus. Valerius Maximus scribit, legatos ad Delphicum oraculum missos ob exundationem lacus Albani, retulisse sortibus præcipi, ut aquam ejus lacus emissam per agros diffunderent. Ethinc sortilegos dictos existimarem, qui sortes istas ex charta vel membrana vel cortice legissent. Horatius in arte Poëtica:

— *Et divina futuri*

*Sortilegia non discrepanti semina Delphi.*

§ 11. In his autem omnibus speciebus demonem suas artes, suasque præstigias non omittere: sed fere semper adhibere, vel inde constare potest, quod & impiis viribus fiant, & non nisi ad credulitatem impiam hominibus inculcandam, idolomaniam stabilendam, & crudelitatem exercendam:

*Ovid. 15.  
Metamorph.*

— *Duraque jacent Agamemnona sortes  
Immetriam seu nati matrem Diane.*

## De Pythonich &amp; pythia.

## CAP. XIV.

Quaquam supra de Pythonicis nonnihil attigimus, quia tamen ibi nihil explicare voluimus aliud, quam nomina tantum, quibus sacre literæ magos appellant infames: hic Pythii vox accuratius nonnihil explicanda prius, ob frequentem ejus usum, erit, quam longius progrediar.

§ 2. Apollinem vero Pythium quidam dicunt ob nocentissimum draconem *νύκτωρ*, in infantia ejus jaculis interemptum. Unde spiritus ille, quo afflati futura prædicebant, Pytho vocari coëptus est. Alii Pythium oraculum *ὡς τὸ πύθιον*, id est, à sciscitando Pytho unde & Pythium oraculum. fortitum nomen putatur, quod de futuris occultisq; & ignotis consultebatur. Ab oraculo autem oppidum, cui alioquin Delphorum nomen erat, *νύκτωρ*: & Apollo, quem hominis specie ex solido auro conflatum, in templo venerabantur, ac præsidere loco fingeant, Pythii nomen adeptus est.

§ 3. Mulierem quæ cum habitu dæmonem excipiebat, atque ipsius incitatione Græce vaticinabatur, Pythiam ob eandem causam, & *πύθια* vocabant, & *πύθια*. Chrysostomus de Pythia vel Apollinis oraculo ita perhibet: Dicitur hæc Pythia fuisse scemina, quæ super tripode divaricatis cruribus malignum spiritum inferius immisissum, partesque genitales è quibus loqueretur subeuntem excipiens, furore repleteret, & crinibus sparsis spumansque ore debaccharetur, funderetque insana oracula.

*Pausanias in Phocien. Strabo lib. 9. Pythia mulier. ὡς ἡ πύθια.*

§ 4. Methodius Hieronymi testimonio, adversus Origenem librum condidit *ὡς τὸ πύθιον*, ut ait Sophronius. Nam tertio *ὡς τὸ πύθιον* Origenes dæmonem Pythonicum quosdam à tenella ætate possidere scribit. Divinando etiam magnum præstabat quæstum suis dominis puella illa in Aëdis Apostolorum, Pythonis spiritum habens. Videntur quoque hæc vates se prius aqua Cephisi fluvii præterlabentis Delphos proluisse. Quo fit, ut Lucanus dicat, Fætidica Cephisus aqua. Vel potius ex ea potasse, ut qui ex Gallo Phrygiæ flumine bibebant, statim furebant. Unde Galli sacerdotes Cybeles dicebantur, de quibus idem Poëta sic:

*Æt. 16.*

— Crinemque rotantes,  
Sanguinei populi ulularunt tristia Galli.

Semetipſos enim caſtrabant, & inter ſacrificandum furioſorum inſtar erant. πυθωνικὸν & αὐθαγὸν dicuntur Plutarcho, ſaridico ſpiritu correpti.

§ 5. Nunc porro ipſum divinationis genus, quod γασημαλία vocatur, conſiderabimus. Licet autem divinatio ſit ſpiritus in humano corpore concluſi, ratione tamen loci partiſque, ex qua profectur, diverſa eſt. In γασηματία enim ſpiritus incluſi pectori, cujus os ſίφρος nominatur, vel ſuggerebant, vel vindictis compreſſiſque linguis obſeſſorum, ipſi per os efferebant requiſita præſeitraque vaticinia. At γασημαλία, vel γασημαλία vaticinia profert ex ventre ſpiritibus turgido.

Lib. 2.  
ſap. 1.

4 Reg. 23.  
Ait. 16.

ἱſαſαεί-  
ται.  
mulieres  
quomodo  
vaticinan-  
tur.

Antiq.  
ſc. VII.  
10.

§ 6. Quare, qui hoc divinationis genere obſidentur, Ventriloquos ab Auguſtino, ab Ariſtophano ἰγγασημύτης appellari diximus: nec aliter prolata fuiſſe vaticinia tum Pythonicorum, quorum in Sacris literis ſit mentio, tum Pythiarum apud Delphos: licet alioquin ratione ſexus diſcrimen aliquod ſit, id, quod nondum animadverſum video. In mulieribus enim ſonus horum vaticiniorum ex genitalibus partibus edebatur & audiebatur. Nec enim alia via ex Pythiis Delphicis dæmon pronunciare ſolitus fuit, quam diductis ſceminibus per inguen.

§ 7. Quin & Tertullianus, auctor graviffimus, affirmat ſe ventriloquas viſiſſe ſceminas, è quarum pudendis vocola quædam, dum ſedebant, excitabatur, reſpondebatque ſciſcitantibus. Denique Cælius Ludovicus, patrum noſtrorum memoria ſceminam ſe ventriloquam crebro viſiſſe Rhodii, Italiæ urbe & patria ſua, ſcribit: ex cujus pudendis vocem immundi ſpiritus perreneum quidem, ſed tamen prorfus intelligibilem, ſæpe audierit de rebus præteritis aut præſentibus mirificam: at de futuris plerumque incertam, ſæpe etiam vanam & mendacem.

ἱſαſαεί-  
μους  
viri quo-  
modo vati-  
cinantur.

§ 8. At in viris hi ſpiritus impuri tanta turpitudine vaticiniorum ſuorum voces & ſonum edere non poſſunt: ſed per honeſtiorum corporis partem, os ſcilicet, eloqui coguntur, ut ſupra dictum eſt de Euricle ab Ariſtophane celebraro: cujus Veſpas cum anno Chriſti M. D. LX. Pariſiis Hadrianus Turnebus (tum Græcarum literarum, poſt Philoſophiæ & Eloquentiæ regius profeſſor) interpretaretur, audientibus meis filiis Theodoro jam jurisconſulto, & Henrico medico, palam teſtabatur olim ſe Lutetiæ viſiſſe perſimilem illi Ariſtophanis Euricle hominem aſtutum, Petrum Brabantium:



cium: qui quoties volebat, roties ex ima parte corporis, ore quidem aperto, sed labiis immotis loquebatur, & hac sive arte, sive exercitatione, sive dæmonis impostura multis passim imponebat.

*Petrus  
Brabantium, ven-  
triloquus.*

§ 9. Nam cum Lutetiæ virginem quandam formosam, sed patre orbatam, deperiret, nec matrem superstitem inducere posset, ut eam sibi desponderet: tandem cum ultro citroque hac de re colloquantur, vocem edit è corpore, qua demortuus mulierculæ maritus de pœnarum gravitate conqueri videbatur, quas ob uxoris diffidentiam in purgatorio perpeteretur, quod ea filiam à Brabantio toties expetitam, oprimo viro denegaret. Quibus illa questibus exterrita, virique miserta, petitioni nebulonis assensit. Quem tamen non tam filiam, quam dorem ei à patre in testamento constitutam ambiisse, satis apparuit. Sex enim mensibus post, ubi puellæ bona decoxisset, uxore socruque relicta, Lugdunum au- fugit.

*Confissa  
mortui de  
Purgatorio  
querela.*

§ 10. Ibi mercatorem quandam ac trapezitam prædivitem obiiisse intellexerat. Qui cum haberetur injustissimus, eo quod omnia per fas ac nefas in vira corrasisset, filium Cornutum, ejus unicum hæredem, in porticu pone cœmiterium obambulantem, adit: & eo se missum innuit, ut, quid opus factu esset, doceret. Cæterum dum ei de patris anima potius, ac fama, quam morte cogitandum esse dicit, vox inopiharo inter loquendum, partem referens, exauditur. Quam cum Brabantius ex ventre claret, se tamen expavescere mirum in modum simulabar. Monebatur autem hac voce filius, quem in statum pater injustitia sua decidisset: & quantis purgatorii cruciatibus tum sui, tum ipsius causa exagitaretur, eo quod iniquorum eum bonorum hæredem reliquisset: quamque nullo modo liberari posset, nisi justa à nato expiatione facta, & debitis, in eos eleemosynis collatis, qui maxime tum temporis egebant: eos autem esse Christianos à Turcis capros. proinde viro, quicum loqueretur, crederet: hunc ad redimendos eos Constantinopolim à piis hominibus ablegatum, ejusque rei ergo divinitus ad eum missum. Cornutus, homo minime malus, etsi his audinis dolum haud animadverteret: quia tamen durum videbatur istud de pecunia verbum, se deliberaturum respondit, & Brabantium eo loci postredie redire jubet. Inretea anxius, de loco subdubitabat, in quo vocem exaudierat, quod umbrosus esset, ac opacus, & hominum insidiis Echoque aptus. Quare postero die

*Alius ejus-  
dem doli.*

cum in alium apertum, planum, nullisque vepribus aut umbris impeditum locum dedacit. Ubi nihilominus eadem inter loquendum repetebatur canrilena: hoc etiam addito, ut Brabantio statim sex Francorum millibus numeratis, tres in singulos dies Missas redimeret pro salute patris: alioquin nullam apud inferos fore redemptionem. Unde filius conscientia ac religione obstrictus, licet ægre, totidem tamen Brabantii fidei commisit, omni legitimo accepti solutique testimonio neglecto. Pater ignibus ac Vulcani ictibus liberatus, in posterum quievit, nec filium amplius interpellavit. Verum miser Cornutus dimisso Brabantio, cum solito lætior esset, idque reliqui mensarii satis admirari non possent, mox ut sciscitantibus causam aperuit, adeo statim irrisus fuit à cunctis, quod & nummis & cerebro emundus & expurgatus esset, ut præ mortore post aliquot dies mortuus, & patrem ad inquirendam ex eo rei veritatem insecutus fuerit.

§ 11. Libro de Divinatione dæmonum contemnenda, professorum ejusmodi divinationum opiniones confutat errorisque; convincit Berno, quemadmodum testatur epistola ad Meginfredum.

### DE ITPO MANTE'IA, Circulatoribus, & Theraphim.

#### C A P. XV.

*Muhazzimin.*  
*Zairagia.*  
**R**EPERITUR Fessæ in Africa circulatorum magorumque genus, quod Muhazzimin vocant. Hi omnium promptissime dæmonia dicuntur ejicere. Et quia illorum vaticinio nonnunquam succedit eventus, dici non potest, quam ea res eorum existimationem augeat: quem ejicere nequeant, spiritum æcreum esse, asserunt. Modus autem adjurandi dæmonis hic fere est. Primo characteres circulosque nonnullos in foculo aut alio quovis loco depingunt: deinde signa quædam in dæmoniaci manibus ac fronte describunt, illumque miris modis fumigant: postea carmen componunt, ex dæmone sciscitantur, qua & quomodo huc intraverit, quis sit, quod illi nomen: tandem, ut exeat, præcipiunt.

*Zairagia.*  
§ 2. Sunt & alterius generis, qui regula quadam Cabalistica (Zairagia appellant) operantur. Hæc autem multis continetur scriptis. Naturalis siquidem scientia putatur: neque alios Fessæ reperiatis, qui majori cum fide magisque indubitanter ad interrogata respondeant. Verum hæc ars difficillima est. Qui enim huic operam

operam dare vult, non minorem Astrologiæ, quam Cabalisticæ cognitionem habeat necesse est. Joannes Leo Africanus testatur *Lib. 1.* in descriptione Africæ, se vidisse quendam ejus artis peritum in unius figuræ descriptione integrum consumpsisse diem, & figuras in hunc fere componi modum.

§ 3. Primo circulos multos in majori circulo ducunt: in primo crucem formant, in cujus extremitatibus quatuor mundi plagas appingunt, Orientem Occidentem, Austrum & Aquilonem: in centro ubi lineæ concurrunt, utrumque notant polum: extra primum circulum, quatuor depingunt elementa: deinde circulum in quatuor secant partes, & sequentem circulum in totidem: post hæc quamlibet partem in alias septem secant quarum quamlibet characteribus majusculis Arabicis insigniunt, adeo ut quodlibet elementum vigintiocto habeat characteres. In sequenti circulo septem Planetas notant, in alio duodecim zodiaci signa, in sequenti duodecim mensium Latina nomina, in alio vigintiocto lunæ domicilia, in alio trecentos sexaginta quinque anni dies depingunt: extra hunc vero quatuor ventos cardinales annotant. Deinde unam tantum rei propositæ literam sumunt, atque per omnia ante enumerata multiplicant, productumque characteris numerum quodammodo dividunt, atque pro characteris ratione loco aliquo collocant, utque elementum illud exigere videtur, in quo reperitur character sive figura.

§ 4. His omnibus ita peractis, figuram animadvertunt, quæ cum numero jam producto convenire videtur: cum quo eodem modo procedunt, veluti cum priore progressum, donec vigintiocto characteres habeant, ex quibus unam dictionem colligunt: ex dictione vero oratio conflatur, quæ ad rem ipsam in quæstionem vocatam respondet. Ea porro oratio semper in carmen prioris speciei cadit, quod Arabes Ethauil appellant, componiturque ex octo syllabis, & chordis duodecim juxta Arabicæ linguæ metricam. Carmen igitur ex iis characteribus compositum, verum atque indubitatum rei propositæ præbet responsum (ut credunt) primo quid quærat, deinde rei quæsitæ sententiam.

§ 5. Hi autem raro errare dicuntur, quod Cabalisticam admirandam reddit. Et quanquam naturalis habeatur, nihil tamen se vidisse affirmat Joan. Leo, quod non præternaturam porins sit: & ita scribit porro. Memini me quondam in loco aperto collegii regis

regis Abulunam ( quod Fessæ vilitur ) in areâ levigato matmore strata insignem vidisse figuræ descriptionem. Atque quodlibet latus quinquaginta erat ulnarum : hujus duæ tertiæ partes in occupabantur, quæ ad figuram pertinebant : tres vero descriptionem faciiebant, quorum quilibet suum tantum curabat locum, duravirque ea descriptio per integrum diem.

*Libri de  
Ibn artibus.*

§ 6. Hujusmodi quoque aliam Tuneti à quodam artis peritissimo descriptam vidi : cujus pater duo volumina commentationum in ejus artis Canones conscripserat, quos qui exacte sciunt, summo habentur ab omnibus pretio. Ego solum tres, Tuneti unum, Fessæ vero duos videre potui : duas quoque in ejus artis regulas, Explicationes, & Commentarium Margiani cujusdam, ejus parentis quem olim Tuneti vidi, & aliud ab Ibn Chaldim historiographo conscriptum. Artis regulæ cum Commentariis possunt quinquaginta aureis haberi Tuneti.

*Fessæ tria  
divinorum  
genera.*

§ 7. Breviter, Fessæ tria in universum sunt fatidicorum & divinorum genera : primi, ut diximus, Geomanticis vel Gyromanticis utuntur figuris. Alii aquam catino vitreo infusam olei guttula admixta, lucidam & transparentem reddunt, in qua tanquam in speculo dæmones confestim se videre affirmant, qui exercitum numerosum repræsentant : quorum nonnulli in itinere sunt, alii rivum transmittunt, alii terrestre prælium gerunt : quos quietos interrogant, dæmonibus nutu manuum vel oculorum indicio respondentibus. ô temeraria credulitas ! Vitreum vas pueris interdum vix octavum egressis annum in manuum dant, à quibus, num hunc vel illum dæmonem viderint, interrogant. Permulti eo dementiæ rediguntur, ut in his nugis magnam pecuniæ vim profundant.

§ 8. Tertium genus est mulierum veneficarum, quæ se cum dæmonibus habere familiaritatem affirmant : dæmones autem aut rubros, aut albos, aut nigros appellant.

*Turcarum  
magica divi-  
natio.*

*Supra ca-  
pit. 12.*

§ 9. Hodie adhuc in cœmiterio vel foro publico Constantinopoli divinandi artem proficuntur, victum hinc quæritantes. Turcæ viri & mulieres cum primis Ægyptiæ, ab initio idololatæ. Hi in arena notatis figuris, vel ejectis colligatis aleis, & notarum numero collecto, in libro nescio quid legentes submurmurantesque vaticinantur : vel ceram cum oleo confundentes, donec refrigerit expectant, ex apparentibus deinde characteribus divinant. Nonnunquam

nunquam ex aqua, speculo, vitro, & id genus similibus organis præfagiunt, haud dubie ab impietatis & *ἀσεβείας* magistro ita instructi, ut eos longa annorum serie, quasi ab uberibus maternis, virulentum ejusmodi lac exuisse, minime hæsuerim.

§ 10. Sic de quodam divino, Diophanes nomine, refert Apulejus: Corinthi nunc apud nos passim Chaldaeus quidam hospes, miris totam civitatem responsis turbulentat, & arcana fatorum stipibus emerendis edicit in vulgum, qui dies copulam nuptialem affirmet, qui fundamenta mœnium perpetuet, qui negotiatori commodus, qui viatori celebris, qui navigiis opportunus. Mibi denique proventum hujus peregrinationis inquirenti, multa respondit, & oppido mira, & satis varia. Sed hæc omnia falsa esse, testatur Sibylla Erythræa, *ἡ σιβυλλὴ ἐρυθρὰ τὰ δ' ἔειπεν, ἅπαντα ἀνθρώπων ἐπιφανέειν ἔμελλεν*. *Lib. 2. de Asino. La Hantius de Orig. err. 11.17.*

§ 11. Theraphim imagines futura annunciantes, ad hunc fiebant modum, teste Elia Levita: Mactabant hominem primogenitum, cujus caput torquendo præscissum, postea sale & aromatibus condiebatur; inde capiti subdebatur lamina aurea, cui nomen spiritus inscriptum erat: coramque eo in pariete locato candelæ incendebantur, & adorabatur.

*Magistorum vatum oraculis non esse credendum, nec eos esse aduendos.*

#### CAPUT. XVI.

**A**T omnes hi prædictionum modi *ἀναισθητοί* dicti, qui nullas in natura causas habent, severissime in Lege divina prohibentur, ubi diversis appellantur vocibus: ut semper apud omnes gentes divinationum imposturæ fuerunt varix. Sic Deuteron. cap. 18. Non inveniatur in te divinus, qui divinando futura prædicat, neve aruspe, hariolus, augur, præstigiator, astrologus, Pythii consultor, magus aut nectomantis.

§ 2. Ubi per *קסם* quidam intelligunt *כרד* experimentatorem, qui sortilegio aut stipulatione investigat, num utile sit itineri se committere, aut opus aliquod inchoare. Plerique sentiunt esse generale vocabulum ad omnium divinationum species. Per *מעון* vero intelligitur is qui ex *עבכים*, id est, nubibus aut ex astris responsa dat, & dicit hunc aut illum diem cavendum in his vel illis

T

electio-

electionibus, quæ tamen astrorum influentiis non ita subjiciuntur: puta, si uxorem duxeris, aut domus fundamenta jeceris sub ejusmodi aspectu, erit inauspiciatissimum. Per **מרחש** intelligitur **מבית בער פרה** qui avium volatum intueretur, & garritum observaret, ut augeretur: velut cum ex crocitante corvo mortem alicujus prædicit.

§ 3. Mirandum igitur magnopere, eousque prudentiam hominibus cripi, ut audire, dicto parere, compelli, ligarique spiritum naturæ nobilissimum, malitia autem ob rebellionem nequissimum, propria virtute hominis, natura eo inferioris, & malignitate pene non imparis quandoque, arbitrentur: quasi se homini præter naturam dedere voluerit is, qui Deo creatori, natura invitante, subjici recusavit. Qui ergo naturæ fœdus violavit, hinc in usum nostrum servabit pactiorem?

§ 4. Adde, mendacem mendacique parentem, quæcunque vera ad falsitatem. & quæcunque bona ad malitiam intorquere. Quis nisi luxatæ mentis huic fidat, ut de futura veritate percundet, quam vel nullo modo sciat, quia ejus naturæ est minime nota, vel desuper non revelata: aut, si sciat, malitioso astu mendacius involvat. quod si pure eam quandoque proferat, vel coactus id facit; vel, si sponte atque libenter, malo tamen animo, pessimoque sine proposito. ut scilicet perniciosius offendat in posterum, & veritate qualicunque, quæ in rebus agendis parum emolumenti allatura sit, prolata, demum sub alia (quæ nisi integre pernoscatur, sit grave incommodum vel exitium paritura) atrocius lædat, & mendacium ipsum, ceu venenatam escam & exitialem hamum, cautius tegat Tartareus ille piscator. Stultus itaque ille, qui hunc consulum abit: at stultior multo, qui inde redit, nisi rescipiscat.

§ 5. Interim non inficior, cum ille rerum naturas cognoscat, multa ex causis naturalibus eam prius scire, quam ab humano intellectu percipiantur: & tanto exactius, quanto ejus ingenium est sublimius: ea autem ignaris velut fur prænunciat, præsertim quorum in actu viderit initia: ut vaticinari & occulta rerum prænovisse credatur. Copiose, doctè, & pie in hanc rem, contra magicas prænotiones, disputat libris novem de Prænot. maxime vero libro 7. Joannes Franciscus Picus, philosophus insignis. Chrysostomus in Evangelium Joannis, Homil. 18. Prædictio, inquit, futurorum immortalis Dei duntaxat opus est. Quod si aliquando

dæmones aliquid prædixerunt, stultum & incautum vulgus deceptum. eorum namque vaticinia passim falsa deprehenduntur. Nonnihil in hanc rem quoque dictum est libro 1. capite decimo.

§ 6. Certa itaque permanet Origenis sententia: Qui ad vana Lib. 3. in  
166. contendunt auguria atque veneficia, divinationes ac philacteria atque incantationes, horum gressus conturbantur, horum opera impediuntur, ab ipsis Dei visitatio recedit, ipsos sancti angeli derelinquunt, & cum ipsis diabolus permanet, infatuans mentes eorum, obrundens corda illorum, abstrahens à vero sensu eorum, &c. Addam & Petri Blesensis verba epist. 49. Mendacii pater veritatem exhibet umbratilem frequenter, donec infidelitatis filios secum præcipitet in gehennam. Sic ergo scientia Christiani nil debet de futuris inquirere, sed illius dispositioni humiliter obedire, qui disponit omnia suaviter, cujus consiliarius nemo fuit, &c. Non labores noscere tempora vel momenta, quæ posuit pater in sua potestate. Futurorum enim explorare notitiam auguriis aut aliis illicitis modis, diabolica tentatio est, & æternæ damnationis occasio, &c. Frequenter evenit rerum prodigia certos exitus obtinere, eis tamen nulla fides adhibeatur: licet enim vera sæpe pronuncient, sæpius tamen & periculosius mentiuntur. Nec se tamen moveat, quod quandoque ex dispensatione divina talia personæ commendabiles acceperunt leguntur.

§ 7. Adde & D. Antonii præclaram sententiam: Ut concedamus paulisper, si dæmones vera nunciarent, respondere mihi, quis fructus est nosse venientia? Nunquid aut sciens hæc, aliquando laudatus, aut punitus est nesciens? In hoc unusquisque sibi præparat seu tormenta seu gloriam, si vel negligat scripturarum mandata, vel faciat. Nullus ob id nostrum hanc arripuit vitam, ut habeat præscientiam futurorum: sed ut præceptis Domini obediens, amicus incipiat esse de servo. Curandum est, non præseire, quæ veniunt, sed implere, quæ iussa sunt.

§ 8. Quare Phavorinus apud Gellium detertere volens & de- Lib. 14.  
cap. 1. pellere adolescentes à genethliacis istis & quibusdam aliis id genus, qui prodigiosis artibus futura omnia dicturos se pollicentur, & persuadere eos nullo pacto adeundos esse consulendosve, huiusmodi argumentis concludebat: Aut adversa, inquit, eventura dicunt, aut prospera. Si dicunt prospera, & fallunt, miser fies, frustra expectando: si adversa dicunt, & mentiuntur, miser fies, fru-

stra timendo. Si vera respondent, eaque sunt non prospera, jam inde ex animo miser fies, antequam è fato fias: si felicia promittunt, eaque eventura sunt, tum plane duo erunt incommoda: & expectatio te spei suspensum fatigabit, & futurum gaudii fructum spes tibi jam defloraverit. Nullo igitur pacto utendum est istiusmodi hominibus res futuras prælagientibus.

*Astrix facinus Joannem Galeacii in astrologum.*

§ 9. Subjungam hic novum inauditæ crudelitatis exemplum, quo Joannes Galeaceus divinationes Astrologicamque vanitatem putavit esse refellendam. Astrologus, qui de eventu gravissimarum rerum felici prædictione judicare consuevisset, cum Joannis Galeacei vultum intentis oculis, ut ajunt, acerrime contempleretur: Cogita, inquit, de rebus tuis quam maturime: nam diu inter homines agere, & hujus seculi lucis usura frui non potes. Cui cum ille: Quid ita? Propterea, inquit, quod astra, quorum ego regiones & situs ipso natali tuo die notavi, mortem tibi nondum juvenutis limites egresso, non obscure denunciare videantur. Cæterum Galeaceo captiosissimo interrogationis genere sciscitanti: Age vero tu, qui hæc natalitia prædicta, tanquam deum sequeris, quam diu victurus es? Respondit Astrologus, Curriculum vivendi factorum benignitate contigisse sibi satis diuturnum. Verum, inquit ille, ne unquam posthac bonitate & clementia factorum stulte confisus, majorem forte quam par est, de longinquitate vitæ spem capias, morieris eveſtigio, contraque opinionem tuam; nec te poterit conjurantium aſtorum toto cœlo vis ulla, tam cæco judicio clariſſimorum hominum satis contumeliose illudentem, ab exitio vindicare. simulque cum dicto hominem in vincula abripi & strangulâri jussit.

§ 10. Porro exquisitioreſque artium harum diabolicarum enumerationem permitto illis, qui eas didicerunt, ac magistri doctotisque sui consilio, ducta & opera, exercere perpetuo suo aliorumque exitio adent, quos in nefarium suorum scelerum communionem perditissime adducunt. Dolendum autem hanc pestem immaniter in totum Christianum orbem proſerpere, grassarique nimis: maxime ubi vox Evangelii obscurius sonat, & nescio quibus gentilitiis, & dæmoniaco astu non dubie in hominum deceptionem excogitatis superstitionum ritibus divini cultus veritas conspurcari videtur.



*De quorundam Sacrificorum & monachorum magica  
divinatione, medicationeque falsissima.*

C A P. XVII.

SUM adhuc locum in familia turgidorum Pythio spiritu, hic inveniunt Magorum albo inscribendi merito; nec ulla ratione prætermittendi, plerique sacrifici & monachi, ut indoctissimi, ita & incomparabilis impudentiæ, perditissimæque impietatis homines (viris piis, quos unice veneror, nihil detractum hic volo) qui medicinæ sacræ, quam ne primis quidem labris eos gustasse constat, cognitionem mentientes, facile cuivis vulgari ( Consulares, vel alicujus doctrinæ, judicii, existimationisve viros nominare pudet ) de morbo sciscitanti, consiliumque quærenti, è maleficio vel incantatione esse morbum progenitum, ore mendaci respondere persuadereque non verentur.

§ 2. Pythii insuper hi vates sæpenumero incantatricem vel sagam notoria sua arte per indicia, si diis placet, indigitare nefarie audent: honestæ alicui, inculpatæ ac piæ matronæ hoc cauterium crebro inurentes, à quo illa nunquam, vel ejus soboles, ne in tantam quidem posteritatem, sanari poterit. Enimvero non rerum suarum sagèssisse se arbitrantur, quod morbum mendaciter commententur: nisi etiam infantes calumniis opprimant, odiaque plus quam Vatiniana apud hoc credulum nimis hominum genus concitent, litibus integras vicinias personate faciant, amicitias divellant, sanguinis necessitudine constrictum unionis vinculum dissolvant, ad pugnas promoveant, carceres procurent, cædes tandem varie architectentur aut eorum qui infontem denotatam hujus maleficii ficti effectricem vel vindicare, vel illi patrocinari student: aut etiam hujus feminæ ab aliis cæse, sive à magistratu male instituto puniæ. Horum vivum si me testem dixerò, mentiar minime, etiamsi indignatione rumpantur ilia Codro, aut ejus sectæ asseclis.

§ 3. Ita hos ecclesiasticos scilicet! viros, eximia sui instituti mancipia, religionis potissimum pallio, strenuam sibi navare operam & experitur & gloriatur heros illorum Beelzebub: qui ob pecuniæ aucupium, aut falsæ existimationis cupidine prarientes, hoc modo suas aliorumque animas dæmonibus prostituunt & devo-

T 3

vent:

*Medicina  
artium ve-  
tustissima.*

vent: medicinam artium ut vetustissimam, ita & utilissimam, maxi-  
meq; necessariam, ejusmodi incantationum opinione in naturalibus  
morbis ad vitæ & salutis perniciem defœdantes. Extat falsissimum  
cujusdam doctissimi viri in hujusmodi impostoribus similem ἱερμῶν  
ιατρομόναχον epigramma Græcum:

παμμάχων ἔχθραι μονάχων μαρτύρια ἱερμῶν,  
οἷς ἱατρῶν παίδες αὐτομολῶν ἀπέβη.  
ἰδὺ' ἱερμῶν θύραις μίαν μονάχους τ' ἱατρῶν τι  
ἀσκήσεις τέχνην, δις νεκροτομῆς ἰόν.

Sed & Latinum ejusdem aliud haud immerito istos *ψυχολόγους* ap-  
pellat:

*Vixisti monachus monachorum dedecus Hermes,  
Nunc medicorum idem dedecus es medicus.  
Fallor? an, ut fueras monachus ψυχολόγος olim;  
Idem Hermes medicum nunc ψυχολόγος eris?*

*Commen-  
tum cujus-  
dam pasto-  
ra.*

§ 4. Ex horum numero quidam nugaci Dialogo nuper Germa-  
nice ( Latine etenim ob incitiam non potuit ) typis effuso scribit,  
mulieri cuidam ventrem in eam extumuisse molem, ut uterum ge-  
rere censeretur: & quum ante Bacchanalia se partum edituram spe-  
raret, eoque frustraretur, hanc ad ipsius opem confugisse: qui pro-  
pinato pharmaco se expulisse duos nucleorum ceraforum jam par-  
tim germinare inchoantium, partim ad digiti altitudinem natorum  
cantharos ( quartas vulgus dicitur, sex libris mensura propemo-  
dum æquivalentes ) addito juramento asserit. Mendacii vero im-  
pudentia hinc cognoscitur, quod nusquam in alia cavitate huic ex-  
cretionis idonea, quam intestinorum sinu contineri potuerint nuclei.  
Si autem novem circiter menses, à ceraforum postremo natorum  
tempore in illis impacti, tumorem tantum excitarint jam egermi-  
nantes: quæ via quæso interea temporis per intestina arctissime nu-  
cleorum mole infarcta, distentaque naturalibus patuit excrementis?  
Mirum, quod eidem commento non assuerit, scæminam hanc medi-  
camenti oblatis operatione, eadem opera nucleorum germen emit-  
tentium acervo agrum consevisse: vel nisi eos expulisset, potuisse  
actis loco bene stercoreato ( cum venia id mihi dicere ob rei insulsi-  
tatem liceat ) radicibus, post paucos menses læta gignere protru-  
dereque in apertum ædrem cerasa.

§ 5. Idem ille in celebri apud Geldros oppido, ubi olim me-  
dicinam publico feci stipendio, in virginum arctius oclularum cœ-  
nobio,

nobio, uni valetudinis nonnihil afflicta, maleficium esse, quo ex-  
 erceretur, persuasit: nec id nisi missæ sacrificio super puellæ ven-  
 trem celebrato, tolli posse, addit. Quo permissio, peractoque, cam-  
 primum maleficio cœpisse exagitat, quum leviter antea naturali af-  
 ficeretur malo, postea sæpenumero monasterii gubernatrix (quam  
 Matrem appellant) nobilitate, ætate & probitate veneranda ex-  
 postulavit. Suos interim, qui ipsum ob religionis forte nomen ad-  
 mirentur, habet ridiculus hic actor & ineptiarum scriptor, etiam  
 officio pastor: cujus, quamquam mihi intrus & in cute noti, nomi-  
 ni parcit calamus, ob conscientiam, quæ modestiam imperat, alio-  
 runque vitia tegi vult. Quare & alios similium maleficiorum reos,  
 ejusdem ordinis homines penitus mihi cognitos, prudens præter-  
 eo. Qui nisi respiciant, quod ex animo illis optarim, timendum,  
 ne de iis dixerit Iesaias: Percussimus fœdus cum morte, & cum  
 inferno fecimus pactum.

§ 6. Huc referendus facit ille magus, qui à dæmoniis edoctus,  
 & extencbratium officina proserpens, tragicæ comedix actum nu-  
 per exhibuit ad hunc modum. Qui Hambachi in ducatu Juliacen-  
 si suam præstat operam in cuniculis insidiandis Petrus, ubi haud ita  
 pridem anno 1563. in principio Augusti, equum suspenso cervici  
 cymbalo, pascuis mandasset unde exili-rat: ille rarus equum furto  
 abductum, adiit sacrificum Pythium Gerardum nomine, vicarium  
 in Blatsum, diocesis Colonienfis: qui consulto prius suo veritatis  
 magistro, furem cum equo Rhenum Bonnæ trajecisse, ac in diver-  
 sorio proximo venditurum asservit. Ipse responsioni fide appolita,  
 incunctanter insequitur, rogatque in Rheni trajectu, num talis  
 equus ibi esset transvectus: quod factum esse intelligit, common-  
 straturque equi ductus ab uno loco in alium. Tandem post dies  
 aliquot continuo itinere pervenit Hacckenbergum in comitatu Se-  
 nensi, ubi virum offendit armatum, qui ipsius videbatur insidere  
 equo. Hunc adortus, de equo sibi restituendo, quem suum esse  
 asseverabat, strenue agit, consideratque qua parte non satis muni-  
 ta hunc confodere posset, si forte ad pugnam veniretur: in quem  
 soluiam finem fabulam hanc machinatus fuerat mendax ille & san-  
 guinarius homicida ab initio. Post multam altercationem actor  
 hic contrectat equitesticulos, quos suo equo exemptos sciebat,  
 color alioqui & forma omnino respondebant. Ita hic culpam de-  
 preccatus, rem omnem ordine recenset, domumque redit. In itinere  
 autem

autem intellexit, mox post ejus abitionem equum inventum fuisse mortuum, altero pede posteriore casu trajecto per funem collo alligatum, unde solvi nequiverat: quæ mortis causa extitit. Sic innotuit hujus execrandi vatis & sacrifici veritas, digno certe flagello punienda. Alter autem sumptus & jacturam circiter dalerorum decem in eo itinere fecerat: hinc graviter adhuc malefico sacerdoti coram me minitabatur.

*In maleficium, & divos, inscitiam suam & errores  
referunt indocti medici & chirurgi.*

## C A P. XVIII.

**N**ec interim aliorum quoque ineptorum hominum, medicinæ cognitionem impudenter doloseque jactantium, unicum esse asylum inficias eo, ut, quum morbi essentiam, multoque magis ejus curationem, ignorent, coganturque ex imperitia velut cæci de coloribus judicare, maleficium mox esse affirmant. Hoc velamine suam dolose regunt in artis sacræ operibus inscitiam, elabunturque non secus quam indocta illa chirurgorum turba, confestim ad divos, velut Quirinum, Antonium, vel qualemcunque alium, refert gangrænam vel sphacelum vel phagedænam, aut ulcera alia maligna sive curatu conrumacia: quæ tamen ab initio non usque adeo fuerunt prava, quam paulatim illorum, solum ex quibusdam unguentorum formulis incerta periculosaque *μειρίμ*, medicantium ignorantia, in ejusmodi maliciam degenerarunt. At calumniam, aut potius juste in eos instituendam actionem, hoc maleficii nominis prætextu caute declinare student hi vere malefici.

§ 2. Cujusmodi etiam existunt plerique homines, qui nuper ignis chymici fumo insolescentes, ex Theophrasti Paracelsi schola se ortos gloriantur: peculiariter arrogantia, *φιλαυτίας*, & inanis gloriæ mancipia: qui voce Stenrorea, pollicitationibus & sesquipedalibus verbis nihil non possunt, in hoc pulchre suum imitati magistrum: ut memoriæ commendarint voces non sani hominis spurcissimas, quibus medicam artem veterem & sacrosanctam insectantur, calumniantur, rejiciunt, pedibusque contereere satagunt, nova ementiti principia cum vocibus novis: quæ nec ipsi quidem intelligunt, nec rationibus defendunt, contenti verborum inutilium, quibus sua Paracelsus opplevit scripta, congerie & acervo. Hic se medi-

*Theophrastus  
sive Paracelsus.*

medicinæ monarcham, veræque artis inventorem jactat: talem illum quoque habent, colunt & venerantur ejus sectatores.

§ 3. Hactenus itaque latuit illa artium utilissima, & cumprimis in conservando genere humano, si quid aliud, necessaria. Nihil hic est quod singulorum à Deo creatorum vires à retum primordiis cognoverit Adamus, nihil item quod à medicis corpus patris aromatibus condiri voluerit Josephus, nihil quoque quod pro medicis leges promulgarit ex Dei jussu Moses. Vanum similiter elogium Jesu Syrach, quo medicos propter necessitatem ab Altissimo conditos, honore debito affici voluit: Ineptum adhæc, quod similitudinem ab eo, quod in rerum natura non existeret, sumpserit Christus, docens, medico non opus esse bene haberi, sed ægroto. Lucam quoque medicum, & quidem dilectum appellasse D. Paulum, testatur veritatis liber.

§ 4. Hi certe veterem coluere medicinam rationi innixam, usque confirmatam, quam etiamnum nos usurpamus. Nihil hic de venturo in extremis diebus medicinæ Monarcha & inventore, Paracelso Theophrasto. Neque hic chymiam baud levem medicinæ partem elevo, quam magnifacio, uti & omnes mecum veteris medicinæ cultores: eamque nunc mire exornari, est quod arti nostræ gratuler: ejus quoque potentia contra quoscunque morbos extrahi spiritus, & olea, pulveres & sales confici ex sulphure, vitriolo, antimonio, & id genus mineralibus reliquis, uti & metallicis, libenter agnosco, ut qui illa penes me habeam, nec infelicitè utar.

§ 5. Ut vero institutum prosequar, hujus scholæ, ut videri & dici voluit, antesignanus, & fidei nobilitatis oberro (cujus nomen interitu quam propalatione dignius) intra menses tres ad nobilem accitus, in terra Juliacensi ischiade aliquandiu crudeliter excruciatum, cui ex præpostera curatione in tumorem attolli cœperat femur sinistrum, intra mensem huic bonæ valetudinis restitutionem addixit: graviter in eum injectus medicum, qui sub juncturis cauterium antea impressisset, quod tamen ab hoc Paracelsista denuo contra omnem rationem tempore & loco inconvenientissimo inustum est. Hic primum exhibitò aliquot diebus pulvere sudorifero, imbecillitatem corporis totius ægroto accivit.

§ 6. Elapsis diebus circiter tredecim, quum in deterius cuncta vergere animadverteret eger, inquit: quid si jam primò numerate mensis dies

sis dies auspicemur? respondit alter: Non: quandoquidem Colonia oleum in igne adhuc foveo, quo femori illito, prodibit, etiam si in eo lateat dæmonium. Hinc oleum applicat, & alternis fere diebus cochlear propinat vini sublimati in pulverem purgantem aliquandiu infusi: cui suum quoque miscuerat calcinatum, ut ille vocat. Ita factum est, ut quartanam febrem simplicem, duplicem & triplicem ægroto concitaverit brevi. En hujus artis potentiam: Probatum est.

§ 7. Interim in horrendum tumorem excresecbat femur illud, nulla imminutione facta ex ardenti vino toties purgante: de xtrum interea femur contabescibat ex diutina ulceris fluxione, quod sponte proruperat. Cruciatu præterea intolerabiles lenibat quandoque, vigilasque perpetuas horis pauculis infringebat exhibitione pilularum ad formam stercoris muris appratarum, unde & Stercus muris Paracelsi nuncupatur. Has cum vino Mulvarico propinabat etiam in ipsa febre, quas multa cordis angustia consequbatur.

§ 8. Hoc opiatum stercus ex Ducatorum veterum auro purissimo vi chymica extractum prædicabat: & quum hac ratione ægroto ei ducatos Hispanicos & Roseos nobiles, quos vocant, in amplio rem ejus stercoris confectioem numerasset: reversus ille ex dicta hospicii sui urbe, aurum illud non satis purum fuisse asserit, ut aliud adhuc accederet, ab hoc artifice naturalis alterius caloris quam chymici potentia decoquendum: id tamen, quod impurius judicabatur, ad nobilem non redibat. Hyperici adhuc, Fuga dæmonis nuncupati, floribus sacculo infutis, capitique subditis: item corallo cervici appenso, circumligatoque supra utrumque carpum, maleficia arcere clam conabatur.

§ 9. Ultra menses duos in curatione hac Paracelsistica perseveratum est. Simulatque igitur extrema imminere videret, hic non medicus, sed monarchæ Paracelsi sectator ptinarius, domum revertitur, allaturus ex fumo chymico potentiora: rediturum autem se post bidduum triduumve, pollicetur. Proinde quibus reveheretur equis, mittit æger: morbum prætextit curator, & paucis diebus post, ad ægrotum hunc nobilem, nuntium ablegat cum literis fidele ejus fodalitium, quibus Paracelsistæ morbum depingit: quod nimirum vomitis tribus vel quatuor granis pulveris, ab uno vomitu cum multa angustia postea evomisset corium, carbones varios, arenam lapideam, setas porcinas in crucium figuram compositas, & id

& id genus monstra plura: & quod aliud nullum ipse pharmacum admitteret, quam quod in cistula apud nobilem relicta conservaretur, eamque se desiderare. nec Paracelsistam secus credere subjungebatur, quam Lamiam, quæ ipsum hoc infecisset maleficio, ipsius quoque probata sæpe medicamenta impediisse, ne eum sortirentur effectum: calamitoso adhæc morbo per incantamenta nobilem hunc mutilasse. Eas penes me habeo literas.

§ 10. Nam in extrema illa desperatione, ne nostram ægroto afflictiſſimo denegaremus operam, rogabar una: cum illustrissimi nostri Principis chirurgus. Temere autem huic nihil polliceri voluimus: solum vero jam decem diebus admoliti manum, cataplasmatibus anodynis suppurantibusque cruciatuum intolerabilium lenimen induximus, ac pus promovimus eo studio, ut ex femore ante dies quinque secto, pus album perfectissimum paulatim effluere siverimus: & postea ultra libras ejus decem ferme in olla reservatas effluxisse non mentiar. Accessit etiam non nihil mutationis in quartanarum triade: non enim ea malorum hydra omnino superari potuit, eo potissimum anni tempore hyberno in corpore usque adeo corrupto, labefactatis visceribus, & prostratis ex dolorum immensitate viribus, qui menses aliquot continuo cum decubitu supino affixere lecto. Quare licet ægrotum hunc iri consumptum nos judicaremus, à Deo tamen alii sperabant gratiam & auxilium.

§ 11. En inscitæ pallium, carmina, incantamentum & maleficium. Naturales enim morbos pati nobilem ægrotum, experiebamur nimis. Nec pharmaca Paracelsistæ alio fuisse læsa maleficio, quam malefico igne chymico, & rei ignorantia, testabatur ipse effectus. Pulveris enim sudorifici uncia media quotidie bis sumpta, sudorem extorsit copiosum: vini sublimati cum cathartico pulvere prius confusi cochlear, alvum turbavit, movitque: stercus muris narcoticum ex opio nimirum apparatus, stuporem somnumque induxit: cauterii actualis ulceratum stigma, cum eschara, adhuc apparuit: quorsum itaque hæc à suo opere carminibus præpedita fuere?

§ 12. Si insuper vera est epistola missæ narratio, Paracelsistarum oculos fuligine chymico obducos, facile suis quisquiliis perstringere valuit indefessus ille ab initio impostor. Figmentum vero fuisse in eum finem adornatum, ne palàm fieret fucus & inscitia, censent cordatiores. Quinetiam intelligunt, ex purissimo auto &

lapidibus pretiosis vi ignis dissolutis, eorum medicamenta non semper confici, id quod tamen impudenter satis jactant, ut millium exactione liberiori ægrotorum cistas exonerent. Interim nihil minus quam aurum vel gemmæ, medicamentis inest.

§ 13. Et quidem recte, quum nihil ad rem nostram sæpe faciant: sed venena, aut venenata ut plurimum ægrotis ingerunt: & si quæ salutaria per se noscuntur, iis tale empyreuma ab ignis vehementia sæpenumero imprimitur, ut pro benignis reddantur venenosa, urentia & caustica. Quanquam ignis chymici potentia liquores, olea & pulveres apparari, quibus summa inest tenuitas & virtus admirabilis, non sum nescius. His nihil derogari, quinimo debitam attribui laudem volo. Mihi solum controversia est cum iis, qui sub hujus artis prætextu & ignorantia maleficium commentantur, falsoque ægrotis ejus rei fidem imprimunt.

§ 14. Memoriae ferme exciderat, eundem nostrum Paracelsum magnifico Legum Doctore, venerando seni, in maligna tibiæ exulceratione consuluisse, ut hydropiper aquæ Rhæni, in fluminis adversi medio exhaustæ immersum, parti affectæ applicaret, & paulo post aliud similiter imposteret, atque dies aliquot in ea curandi methodo peristeret, ablataque herbas inter tegulas lapideas curvas seponeret, vigilanti inspectione observans, num ea putrescerent, contabescerentve; quemadmodum enim illæ siccarentur, eodem modo & tibiæ ulcus siccitatem consequitur addicebat. Quatuordecim diebus, mutationem ulceris fore, ægroto pollicebatur, mensem integrum perseveranti frustra. Magica certe medicatio, hoc medicorum genere digna.

*Ad diænos, morsus canis rabidi curationem, & epilepsiam, referunt inepti medici.*

C A P. XIX.

*Erron non est offerenda morsu canis curatio.*

**H**OC item albo dignabor eos, qui canis rabidi morsus curationem apud D. Hubertum Ardennatem, ex præscripto emendicandam impie censent: & qui epilepsiam D. Ioanni, Cornelio, Valentino, aut Egidio consecrant. Næ hos eorum, qui ad divinos aut Pythiam familiam confugiunt, pœnam non immerito subituros rimendum est. Non inconvenienter hic adducam obiter, sententiam ex senioris Hippocratis, vel alterius memorabilis viri (ut vult Gale-



Galenus) libello de Morbo sacro aut Comitiali, quem Epilepsiam Græci dicunt: in quo, quum prius, divini nihil amplius huic inesse malo quam aliis morbis, demonstrasset, sic inquit: Qui primi hunc morbum sacrum esse pronunciarunt, tales homines mihi fuisse videntur, quales etiam nunc sunt magi & expiatores & circulatores, & quidam arrogantes, qui se vehementer pios esse simulant, & amplius quid scire. Hi itaque consilii ac inentis inopix obvelantes ac prætexentes divinitatem, quum nihil haberent, quod exhibitum prodesset, ut ne manifesta fieret ipsorum ignorantia, sacram hanc esse affectionem pronunciarunt: & rationibus idoneis collectis, curationem constituerunt sibiipsis secutam, expiamenta offerentes, & incantamenta, & à balneis abstinere iubentes, & à cibis multis ac ineptis ad hominum ægrotorum esum, &c.

§ 2. Deinde pallium nigrum non esse habendum præcepere: niger enim color mortalis est. neque pedem supra pedem habendum esse, neque manum supra manum: hæc enim omnia curationis impedimenta esse. Omnia autem hæc divinitatis gratia apponunt, velut amplius quid scientes, & alios prætextus proferentes, quo, si sanus æger, evadat, ipsis gloria & dexteritas ascribatur: sin moriatur, in tuto positæ sint ipsorum excusationes: habeantque prætextum, quod ipsi non sint in causa, sed dii. Neque enim medicamentum aliquid edendum aut bibendum exhibuerunt, ut ipsi in causa esse videri possint.

§ 3. Et paulo post: Talia itaque dicentes & excogitantes, amplius quid se scire simulant, & homines decipiant, proponentes his lustrationes ac purificantes, quum verba ipsorum magna ex parte se ad Deum & dæmonium extendant. Atqui mihi sane non de pietate verba facere videntur, velut ipsi putant, sed potius de impietate: & quod Dei non sunt, pietasque ac divinitas ipsorum impia est ac scelestæ, velut ego docebo. Si enim & lunam abolere, & solem obscurare, tempestatemque & serenitatem facere, pluvias item ac siccitates, & mare sterile, itemque terram, & alia huiusmodi omnia, se scire præstentur, sive ex factorum mysteriis, sive ex alia quadam professione aut meditatione hanc potentiam jactent: qui talia studio habent, impii sane mihi esse videntur, & deos non esse putare: neque si sint, aliquid posse, neque ullum aliquid extremum etiam malum prohibere. Quod quum faciant, quomodo non ipsi infesti sint? Si enim homo incantamentis ac

*Contra veri  
fatos medi-  
cos, & sa-  
crilegos  
magos,  
exama  
Hippocratis  
sententia.*

*Qui se po-  
tenteriam  
habere vi-  
ri jactant,  
impii sunt.*

sacrificiis utens, & lunam abolebit, & solem obscurabit, & tempestatem ac serenitatem faciet, non utique ego horum aliquid divinum esse putaverim, sed humanum, si divinitatis potentia ab humana voluntate superatur, & in servitutem redacta est.

§ 4. Fortassis autem hæc non hoc se modo habent: sed homines visus indigi, multa & omnigena moluntur & evariant, tum in alia omnia, tum in hunc morbum, in singulis affectionis speciebus causam Deo ascribentes. Non enim senel, sed sæpius eorundem mentionem faciunt. Siquidem enim capras imirentur, & si palatum edant, & frendant, & si dextris partibus convellantur, Matrem deorum causam esse ajunt. Si vero acutiores & concitiores sonum emittant, equo assimilant, & Neptunum authorem esse dicunt. Sed, si aliquid stercoreis etiam emittant, quod sæpe quibusdam contingit, præ morbo coactis, Hecates Enodiæ appellatio additur. Si autem tenuiorem & densiorem vocem edant, velut aviculæ, Apollo Nomius, id est pastor: si vero spumam ex ore remittant, ac pedibus calcitrant, Mars causam habet. Quicumque porro pavores noctu ingruunt, timoresque ac deliria, & exultationes è læco, terroresque ac fugæ foras, Hecates insidias esse dicunt, & heroum insultus, expiamentisque utuntur ac incantamentis, & scelestissimum ac impiissimum ( meo sane judicio ) faciunt numen.

§ 5. Expiant enim morbo correptos sanguine, itemque aliis scelerebus inquinatos aut injustos, aut ab hominibus intoxicatos, aut qui scelestum aliquod facinus perpetrarunt: quos contraria his facere oportebat, sacrificare nimirum ac precari, & ad templa progressos diis supplicare. Nunc vero horum quidem nihil faciunt: verum expiant, & alia expiamenta terra occultant, alia in mare projiciunt, alia ad montes deferunt, ubi nemo attingat, neque conculcet. Oportebat autem ea ad templa deferre, ac Deo contri-  
bucere, siquidem Deus est author. Non tamen ego puto hominis corpus à Deo inquinari, sordidissimum scilicet à purissimo. Verum, etiamsi contingat ab aliquo inquinari, aut quid perpeti, cupierit utique à Deo purgari ac purificari magis quam inquinari.

§ 6. Deus itaque est, qui maxima ac scelestissima peccata purgat & putificat, & liberatio nostra existit: ipsique terminos templorum ac delubrorum diis designamus, ut nullus, qui non purus sit, eos transcendat: & ingressi respergimur, non velut, qui inquinc-

*Passeri nimirum religiosi, idolorum nomina cum nostra religionum diu commutaverunt, quibus varias illas epilepsia species deducaverunt.*

*Christiana Hippocrati senectia.*

mur, sed, si quod etiam prius scelus habemus, purificemur. Et de expiationibus quidem sic se res habere mihi videtur. Hic vero morbus nulla re diviniore reliquis mihi apparet: sed naturam habet, quam etiam alii morbi, & causam unde singuli gignantur. Naturam autem & causam ab eodem Deo fieri, à quo etiam alia omnia. Hactenus Hippocrates. cuius argumenta, ut nostro instituto non inutilia, fusius commemorare visum fuit.

*Magicas artes esse vanas comperit Nero, easque & eorum sectatores damnavit Moses.*

CAPUT. XX.

**A**T cum Plinio & Mosis edicto, telam enarrandis breviter fallacium magorum operibus contextam absolvo. Tradit ille, ætate sua principem Neronem vanas falsissimasque comperisse artes magicas. Quippe, inquit, non citharæ tragicque cantus libido illi major fuit, fortuna rerum humanarum summa gestiente in profundis animi vitii: primumquæ impetare diis concupivit, nec quicquam generosius voluit. Nemo unquam ulli artium validius favit. Ad hæc, non opes illi defuere, non vires, non discendi ingenium, aliaque non patiente mundo. Imensum & indubitatum exemplum est falsæ artis, quam dereliquit Nero.

Lib. 30.  
cap. 2.

*Magicas  
artes vana  
esse compe-  
rit Nero.*

§ 2. Magus ad eum Tiridates venerat, magos secum adduxerat, magicis etiam cœnis eum \* initiaverat: non tamen, quum regnum ei daret, hanc ab eo artem accipere valuit. Proinde persuasum fuit, intestabilem, irritam, inanem esse, habentem tamen quasdam veritatis umbras: sed in iis veneficas pollere artes, non magicas. Nero in exquirendis magicis artibus paulo curiosior, quod nullum certæ veritatis signum argumentumve perspexisset, eas sustulit.

\* alias in-  
vitaverat.

§ 3. Eo etenim earum vanitas proserpserat, ut sapientibus etiam ethnicis odio essent, & execrabiles. Interdicuntur quoque & damnantur earum affectatores severissimo Dei mandato in Levitico, tum etiam Deuteronomio: Non inveniatur in te ducens filium aut filiam in ignem, divinans divinationem, observans dies, non divinans ex sortibus, non incantans aut exercens præstigias diabolicas: non consulens Pythonem, non interrogans mortuos: quia abominatio est Domino omnis faciens hæc. Quod vero hi

Levit. 19.  
20. Deu-  
ter. 18.

tole-

Esaie 47.

tolerarentur, audirenturque, Esaias vaticinatur casum & interitum Babylonis, cui & inprimis exitio fuit hujus teterrimæ artis studium, quum ad ultimum à Cyro rege sub Persarum imperium redigetur. Ita clamat divinus vates: Venient tibi duo hæc subito in die uno, sterilitas & viduiras, propter multitudinem maleficorum tuorum, & propter duriciem incantatorum tuorum vehementem. Et subjicit: Sta cum incantatoribus tuis, & cum multitudine maleficorum tuorum, quibuscum negotium tibi fuit ab adolescentia tua, si forte juvari possis ab eis. Merito itaque apud priscos semper in quæstione fuit, incantamenta valerentne aliquid, quum meræ sint præstigiæ.

D E  
L A M I I S,  
LIBER TERTIUS.

D E  
*Quid Lamia sit.*

CAP. I.

*Amplius  
Dion. La-  
mia tur di-  
lla, indicat  
Doris Ly-  
bicornum  
lib. 2.  
Foll. 6.*



UNC ad Lamiaë historiam me confero, vulgo Strigæ, à Strige ave nocturna & infausta, quam pulchre depingit Ovidius:

*Sunt avidæ volucres, non quæ Phinæia mensis  
Gutturæ frandabant, sed genus inde trahunt.*

*Grande caput, stantes oculi, rostra apta rapinæ,  
Canicles pennis, unguibus hamis inest.*

*Nocte volant, puerosque petunt nutricis egentes,  
Et vitiant cunis corpora rapta suis.*

*Carpere dicuntur lactentia viscera rostris,  
Et plenum poto sanguine guttur habent.*

*Est illis Strigibus nomen: sed nominis hujus  
Causa, quod horrenda fridere nocte solent.*

*Sive igitur nascuntur aves, seu carmine fiunt,  
Nemineque in volucres falsa figurat anus.*

¶ 2. Plura ille de Strigibus & virga aurea, qua fugantur, quam albam

*Fabulosum  
hoc est,  
scribit Pli-  
nius lib. 11.  
Svix.*

albam esse dicit: & post, ex alba spina sumi, adjecit:

*Virgaque Janalis de spina sumitur alba,*

*Qua lumen thalamis parva fenestra dabit.*

*Post illud nec aves cunas violasse feruntur,*

*Et rediit puero, qui fuit ante, colos.*

Συός, σείγλος, Helychio. Leguntur & hi versus apud Festum corrupti, hoc pacto:

*Σύενα πομπῶν πυλίστομα, σείγλα τολαδῶ*

*ὄρνις αἰώνιον ἱξλαδὸν πυλίστομα. id est:*

*Syrnia noctivaga ableges, volucrumque sinistram,*

*Feralem striga velivolis immitte carinit.*

Infauftam strigem, puerpetis maxime infestam, Hebræi לילית lilit dicunt, Esaïæ 34. א ליל, quod nox est, quia nocte volat: unde & in quatuor cubiculi parietibus, in quo decumbit puerpera, scribunt לילית, sulte putantes, tale dæmonis terculamentum & injuriam ea ratione arceri posse. De hac lilit multi multa insulse nugantur. Nabam Armenis dicitur Lamia. Volatica antiquitus nuncupabatur, teste Festo.

Lilit.

Nabam:  
Volatica.

§ 3. Sagam adhæc vocant à satagendo pletique: nonnulli à Sago. fagiendo: Aliam vero etymi occasionem longius petitam in Saxonica doctissimi viri Joannis Becani comperies: sed aliis placet, à sagan voce Hebræa derivari, sacerdotem seu vatem denotante. Autumnam veteres Gotbi dicebant, vel Hellerum, hoc est, secreto cum inferis & dæmonibus colloquentem: unde & herba mandragora hellerumna dicta est, quam & Germani Alrun appellant. Nostratibus Hex & Zaubersche vel Zaubetin nuncupatur ejusmodi dementata mulier. Gallis Sorciere: Italis Jannara, incantatrice, streca, stiga, maga, fattureja: Hispanis Bruxa.

Alrunna.

Sorciere,  
Streca,  
Bruxa.

§ 4. Hanc autem dico, quæ ob fœdus præstigiosum aut imaginarium cum dæmone initum, qualiacunque mala vel cogitatione vel imprecatione vel intuitu vel re ludicra atque ad institutum opus inepta designare putatur: velut ærem insolitis ignire fulminibus, tonitruo terrifico concutere, damnosa grandinis insueti multitudine ferire, tempestates excitare, segetem in agro lætam alio transferre aut depopulari, morbos præter naturam hominibus bestiisque ciere & mederi, paucis horis longissime evagari, choreas cum dæmonibus ducere, epulati, succubum agere, vel cum dæmonibus coire, seipsam & alios in bestias commutare, & mille mon-

X

struosa

strosa rerum ludibria ostentare. ut hinc facile constet, quam longo intervallo à magis infamibus nostra distet Lamia.

§ 5. Ad cujus longiorem descriptionem facient quorundam poetarum (licet peculiare illud nostrarum Lamiarum genus, quod ob opinionem maleficii hominibus & brutis in exitum eo, quo audietur modo, illati, nostro seculo comburitur, eos non novisse existimem) fabulosi versus, ex perversæ opinionis officina deprompti. ut Virgilii libro 4. *Æneidos*, ubi Dido ad Annam sororem ait:

*Hinc mihi Masile gentis monstrata sacerdos,  
Hec se carminibus promittis solvere mentes,  
Quas velit, aut alius duras immittere curas,  
Sistere aquam fluvius, & flumina vertere retro,  
Nocturnosque ciet manes: mugire videbis  
Sub pedibus terram, & descendere montibus ornos.*

§ 6. Et in damone, seu Pharmaceutria,  
Eclog. 8.

*Carminibus Circe socios mutavit Ulyssis. Item:  
Pinus equum domitor; quem capta cupidine conjunx,  
Aurea percussus virga, versamque venonis  
Fecit avem Circe, sparsitque coloribus alas.*

*Eclog. 8.  
7. Metamorph.*

Onnipotentiam quoque Circes maleficæ prædicat Homerus. Item:  
*Frigidus in prætiis cantando rumpitur æguis.*

§ 7. Quibus non apud Ovidium gloriatur malefica?

*Cum volui, ripis ipsis mirantibus, amnes  
In fontes rediëre suos: concussaque sisto,  
Stantia concutio cantu fresa: nubila pello,  
Nubilaque induco: ventos abigoque, vocoque:  
Viperæ rumpo verbis & carmine sauces:  
Vivæque fixa, sua convulsæque robora terra,  
Et sylvas moveo: jubeoque tremiscere montes,  
Et mugire solui, mæveque exire sepulchris:  
Te quoque Luna traho. —*

Item de Medea legitur:

*Verbaque ter dixit placidos facientia somnos,  
Quæ mare turbatum, quæ flumina concita sistunt.*

Et paulo post:

*Ter se convertit, ter sumptis flumine crinem  
Irroravit aquis, ternis & hiatibus ora  
Soluit.*

Et de eadem:  
*Et misc-*

*Et miserum tennes in jecur urget acm. Item:*  
*Carmine lasa Ceres sterilem vaneſcit in herbam,*  
*Deficiunt laſi carmine fontis aquæ.*  
*Illicibus glânder, cantataque vitibus uva*  
*Decidit, & nullo poma movente fluunt.*

*Epist. 4. 3.*  
*Amor eleg.*  
*6.*

*Horatius: Quæ sidera excantata voce Theſſala,*  
*Lunamque cælo deripit.*

*Epod. 5.*

§ 8. Et Tibullus de fascinoſitice:

*Hanc ego de cælo ducentem ſidera vidi,*  
*Fluminis ac rapidi carmine vertis iter.*  
*Hæc cantu funditque ſolum, manosque ſepulchris*  
*Elicit, & tepido devoras oſſa rogo.*  
*Cum lubet, hæc triſti depellit lumina cælo:*  
*Cum lubet, æſtivo convocat orbe nives.*

*Lib. 1.*  
*eleg. 2.*

Item de incantationis vi copioſe ſcribit Lucanus:

*Mens haſti nulla ſanie polluta veneni,*  
*Incantata perit. Paulo poſt:*  
*Ceſſavere vices rerum, dilataque longa*  
*Hæſit nocte dies, legi non parnit æther,*  
*Torpnit & præceps audito carmine mundum.*

*Lib. 6. de*  
*Tello mæſſ.*

Et paulo ante:

*Carmine Theſſalidum dura in præcordia ſinxit,*  
*Non ſatis adductus amor, flammisque ſeveri*  
*Illicitis arſere ignes.*  
*Gens inuiſa diſi, maculandi callida cali,*  
*Quos genuit natura mali: qui ſidera mundi,*  
*Juraque fixarum poſſunt pervertere rerum.*  
*Nam nunc ſtare polos, & flumina mittere norunt,*  
*Æthera ſub terras adigunt, montesque revellunt.*

Item:

§ 9. C. Manilius Aſtronomices ſux lib. I.

— *Linguis dixere volucrum,*  
*Conſultare fibras, & rumpere voebus angues;*  
*Sollicitare umbras, immoque Acheronta movere,*  
*In noctemque dies, in lucem vertere noctes,*  
*Omnia conando docilis ſolertia vincit.*

Apud Maronem adhæc ſacra inferis Magica ſe facturam ſimulans *Æneid. 4.*  
 Dido,

*Unum exuta pedem vinculis in veſte recincta*

X 2

Teſta-

*Testatur moritura deos :*  
videlicet è ritu & consuetudine nocturnorum sacrorum & maleficiorum : ut & apud Ovidium,

*Metam.*  
VII.

*Egreditur testis vestes induta recinctas,  
Nuda pedem, nudos humeris infusa capillos.*

1. *Serm.*  
Sat. 1. 5.

§ 10. Apud Horatium tamen malefica succincta est.  
*Vidi egomet nigra succinctam vadere palla  
Canidiam.* —

*Sine calceis tamen & capillo passo,  
Pedibus, inquit, nudis passoque capillo.  
Quod autem Horatius addit,*

*Serm.* 1. 2.

— *Scalpere terram*

*Unguibz, & pullam divellere mordicus agnam  
Ceperunt :* — eo facit, quod maleficæ solebant in scrobibus

*Metam.*  
VII.

sacra facere diis inferis : ut apud Ovidium,

*Hand procul egesta scrobibus tellure duabus.  
Sacra facit.* —

Quod quidem & ab Homero in *Odyssæa* cantatur.

*Æneid.* IV

§ 11. Nec est de nihilo à Marone dictum,  
*Falcibus & messe ad lunam queruntur ahenis.  
Pubentes herbæ.* —

Quandoquidem & æri vim medicatam inesse credebatur, ut ahenis potius falcibus à malefica secarentur herbæ, quam ferreis. Et ad lunæ lumen lætæ herbas efficaciores maleficiis censebatur, quod lunam maleficiis præesse existimaretur, & herbas sua quadam spuma & saliva inficere. Lucanus :

*Donec suppositas propior despuet in herbæ.*

*Lib. 6. bell.*  
*Æneid.*

§ 12. Ubi vero Lucanus agit de maga illa Thessala manes evocante, maleficiæ materiem affingit :

*Huc, quicquid sæm genuit natura sinistro,  
Miscetur : non spuma canum, quibus unda timori esse  
Viscera non lyncis, non duræ nodus hyenæ  
Desuit, & cervi pasti serpente medulla:  
Non puppim retinens Euro tendente rudentes  
In madis eebentis agnis, oculique draconum:*

& reliqua. Huc faciunt Grugnæ Stryacis Carossæ Macaronicorum libri 5. Carmen mire festivum est, ridiculumque Italicis dictionibus singulari lepore & artificio ubique immixtis.

§ 13. Quan



§ 13. Quanquam poetarum assertio, vel etiam contradictio, parum ponderis hic apud me obtinet: tamen ut curiosioribus satisfiat, libet paucis hæc tela obiter eodem retorquere arcu. Si quid Medea, hac arte cumpnimis celebris, hic potuisset, minime prætermisura erat, à Jasone victa, cum clamaret:

Ovidius  
vii.  
Metamorph

—Si possem, sanior essem:

*Sed trahit invitam nova vis.* —

Maleficiis Medæ præponderabat Jasonis forma. Sic Lucianus in  
ἀσπ: τίς γάρ ποτε δούλῳ μαγείας τὸν ἴππον, ὅντα τὸ τέχνης κρείσσον.

§ 14. Adhæc Cierce Solis & Persæ nymphæ filia, non procul à Cajeta Campaniæ urbe habitans, maga formosissima, quæ quicquid vellet, posse repellere, allicere, ligare, impedire, evocare credebatur, suum nequivit remorari Vlysssem: magisque sine arte Vlyssi devincta est, quam Vlysssem cum omnibus suis artibus vel vinxerit, vel deluserit. Sic de Vlysse cecinit Ovidius:

de Remediis  
am. 1a

*Nulla recanatas deponunt pectora curas,*

*Nec fugiet vivo sulphure victus amor.*

*Quid te Phasiacæ juverunt gramina terræ,*

*Cum esperes patria Colchæ manere domo?*

*Quid tibi profuerint Circe Perseidos herbæ,*

*Cum tibi Neritias abstulit antra rates?*

*Omnia fecisti, ne callidus hospes abiret:*

*Ille dedit certæ lintea plena fugæ.*

*Omnia fecisti, ne te ferus ureret ignis:*

*Longum in invito pectore sedit amor.*

*Vertere quæ poterat homines in mille figuras,*

*Non poterat animi vertere jura tui.*

*Diceris his etiam, cum jam discedere vellet,*

*Dulichium verbis detinuisse ducem:*

*Non ego, quod primum (memini) sperare solebam.*

*Imprecor, ut conjunx tu meus esse velis:*

*Et tamen, ut conjunx essem tua, digna videbar:*

*Quod dea, quod magni filia Solis eram.*

*Ne properes, oro, spacium pro munere posco:*

*Quid minus optari per mea vota potest?*

*Et freta mota vides, & debes illa timere:*

*Utilior velis postmodo ventum erit.*

*Quæ tibi causa fugæ? non hic nova Trojare surgit,*

X 3.

Non

Non aliquis socios rursum ad arma vocat.  
 Hic amor & pax est, in qua male vulneror una,  
 Totaque sub regno terra futura tuo est.  
 Illa loquebatur, navem solvetat Vlysses,  
 Irrita cum velis verba intlere noti.  
 Ardet, & assuetas Circe decurrit ad artes,  
 Nec tamen est illis attenuatus amor.  
 Ergo quisquis opem nostra tibi poscis ab arte,  
 Deme beneficiis carminibusque fidem.

§ 15. Porro quod Virgilius in Damone dicat,  
*Carmina vel cælo possunt deducere Lunam:*  
 Atque apud Horatium gloriatur Canidia,  
*Polo deripere Lunam vocibus possum meis:*  
 Et saga apud Ovidium jactet,

Metam.  
 VII.  
 Libel. de  
 epilepsia.

*Te quoque Luna traho.* Hoc scite ab Hippocrate diluitur. Si enim, inquit, homo carminibus Lunam deducere cælo posset, tum certe Deus & mens divina, astrorum conditor & rector, hominum potestati, magorumque incantamentis (quod dicere nefas est) esset obnoxius. Sed hanc fovet ejusmodi opinio causam.

al. Agla-  
 onice.  
 De pra-  
 cept. com-  
 muni. Lu-  
 na unde di-  
 catur cælo  
 deduci.  
 Lib. 1.

§ 16. Aganice ut Plutarchus refert, Hegetoris Thessali filia, siderum in plenilunio defectus perita, ac temporis gnara quo luna objectu terræ umbra obnubilaretur, quum hæc mulierculis credulis præfaga futuri prædiceret, præcantatione lunam subducere cælo credebatur. Tamen Pirithoum prius à cælo detraxisse lunam, fingi à poetis, non ignoro. Hæc Propertius ita ridet:

*Sit nos, deductæ quibus est fallacia lunæ,  
 Et labor in magicis sacra pascere focis:  
 En agendum domina mentem convertite nostræ,  
 Et facite illa meo palleat ore magis.  
 Tunc ego crediderim vobis, & sidera & amnes  
 Possse Cyrenæis ducere carminibus.*

Cep. 39.  
 40.

Quorundam poematum hujus argumenti explicationem, etiam circa Libri hujus finem competies.

§ 17. At apud hæc poetarum commenta locum merentur infinita historiarum, fabulis fabulosiores, xi libris Metamorph. sive lusus asini conscriptæ à L. Apulejo Madavrensi, philosopho Platonico. Ex iis accipe duas, ut cum his conferantur, fidemque patem fortiantur illa, quæ frequenter adhuc nostro hoc ævo à male credulo ac de-

ac dementato vulgo tanquam vera narrantur, licet sint mendacia mera, quibus etiam facile ab aliis datur fides.

§ 18. Cauponam reginam hoc modo describit: Saga est, & divinipotens, cœlum deponere, terram suspendere, fontes durare, *Apuleji-  
fabula l. 1.  
de Miferi-  
cor.* montes diluere, manes sublimare, deos infirmare, sidera extinguere, tartarum ipsum illuminare. Amatorem suum, quod in aliam temerasset, unico verbo mutavit in feram castorem: quod ea bestia captivitate metuens, se ab insequentibus reprecissione genitalium liberat: ut illi quoque simile, quod Venerem habuit in aliam, proveniret. Cauponem quoque vicinum, atque ob id æmulum, deformavit in ranam: & nunc senex ille dolium innatans vini sui, adventores pristinos in fece submissus, officiosis ronchis raucus appellat. Alium de foro quidem, quod adversus eam loquutus esset, in arietem deformavit: & nunc aries ille causas agit. Eadem amatoris sui uxorem, quod in eam dicacule probum dixerat, jam in sarcinam imprægnationis obsepto utero, & repigrato sætu, perpetua prægnatione damnavit. Et, ut cunctis numerant, octo annorum onere misella illa, velut elephantem paritura, distenditur.

§ 19. Et lib. 2. de Pamphile, Miloni nuptui tradita, hæc scribit: Maga primi nominis, & omnis carminis sepulchralis magistra creditur, quæ furculis & lapillis, & id genus frivolis inhalatis, omnem istam lucem mundi sideralis, imis tartari & in vetustum chaos submergere novit. Nam simul quenquam conspexit speciosæ formæ juvenem, venustate ejus sumitur, & ilico in eum & oculum & animum detorquet. Minus morigeros & viles fastidians, in saxa & in pecua, & quodvis animal puncto reformat. Alios vero prorsus extinguit.

§ 20. Longioris moræ in iis recensendis me pudet: quare si-  
gmentorum enarrationem obsignabo cum his Apuleji verbis lib. 1. Næ istud mendacium tam verum est, quam si quis velit dicere, magico susurramine amnes agiles reverti, mare pigrum colligari, ventos inanimes expirare, Solem exhiberi, Lunam desquamari, stellas evelli, diem tolli, noctem teneri.

*Lamiarum Professionis modus ineptus, nec coharens.*

C A P. II.

*Professio  
Lamiarum  
modus ine-  
ptus, nec  
coharens.*

**A**TQU, ut omnia Satana instituta minime cohærent, variaque  
& mendacia comperiuntur: ita & professionis modus ineptus

*Prima se-  
cunda par-  
tis q. 2.  
cap. 2. 3.*

ptus mancusque est, ac diverse à quolibet ejas factionis reo, quæ-  
stionibusque subjecto narratur. Exempla sunt obvia in malleo ma-  
leficarum, libro sic scripto, ubi legitur: Modus profiteri du-  
plex est. Unus solennis, per simile, ad votum solenne: alius pri-  
vatus, qui seorsum dæmoni quacunque hora fieri potest. Solennis  
inter eos fit, ubi Lamix in certam concionem statuto die veniunt,  
dæmonem in assumpta effigie hominis vident: qui quum de servan-  
da sibi fide admōuerit, successumque in rebus mūdānis prosperum  
& vitæ longitudinem promiserit, quæ præsentēs sunt, novitiā sus-  
cipiendam ipsi commendant. Et dæmon, si in abneganda fide, cul-  
tu Christianismi, & extensa muliere (sic enim beatissimā virgi-  
nem Mariam nuncupant) & in sacramentis nunquam venerandis  
invenerit novitiā seu discipulum proclivem, tunc dæmon manum  
extendit: ac viceversa discipulus seu novitiā stipulata manu, illa  
servaturum se pollicetur. Hinc dæmon subjungit, ea non sufficere:  
sed omagium deinde petit, continens, ut anima & corpore se in  
æternum illi dedat, & pro viribus alios quoscunque utriusque sexus  
illi adjungere velit. Addit denique, ut certa unguenta ex ossibus  
& membris puerorum, & præcipue renatorum fonte baptismatis,  
sibi conficiat, per quæ omnia sua instituta ipsius adminiculo explere  
poterit. Hunc modum nos inquisitores (scribunt Mallei malefi-  
carum authores) cognovimus in oppido Brisiaco Basiliensis diocæ-  
sios, plene à saga juvencula informati.

*Non ma-  
num, sed  
ejas for-  
mam ex-  
tenda, cum  
spiritum car-  
nem & ossa  
non habeat.  
fallax na-  
que est sti-  
pulatio nec  
ullius mo-  
ment.*

§ 2. Deinde post legitur: Præfato inquisitore mihi referente  
intellexi, in ducatu Lausanensi quosdam magos coxisse & come-  
disse proprios infantes. Modus autem discendi ralem artem fuit,  
ut dixit: quod magi in certam veniant concionem, & opere eo-  
rum verisimiliter dæmonem in ascititia hominis specie conspiciant,  
cui discipulus necessario dat fidem de abnegando Christianismo, de  
eucharistia nunquam adoranda, & de calcando super crucem,  
quando latenter posset. Fuit insuper fama communis, Petro judi-  
ce in Boltingen narrante, quod in terra Bernensium tredecim infan-  
tes à Lamiis essent devorati: quamobrem etiam in tales particidas  
fatis duriter exarserat publica justitia.

§ 3. Alius postea juvenis, tamen nxoratus, hunc refert ordi-  
nem: Oportet primo Dominico die, antequam aqua benedicta con-  
secratur, discipulum futurum cum magistris templum ingredi, &  
ibidem abnegare, &c. Deinde omagium præstat magisterulo, id est;

parvo

paruo magistro : ita enim dæmonem , nec aliter , vocant. Sequitur postremo : De utre bibir , ut audies : quo facto , statim intrinsecus sentit se imagines nostræ artis concipere , & principalibus ritibus hujus sectæ imbui , confirmarique. Quum aut modum , quo infantes comederent , à saga capta inquireret Perius : hæc respondit , illum talem esse. Infantibus nondum baptizatis insidiamur , vel etiam baptizatis , præsertim quando crucis signo & orationibus non muniuntur. Hos in cunabulis , vel ad parentum latera jacentes , ceremoniis nostris occidimus : quos , postquam putantur oppressi esse , vel aliunde mortui , ex sepulchro clam suffuramur , & in olla decoquimus , donec evulsis ossibus , velut cera fere porabilis efficitur. De solidiore materia unguentum facimus , nostris voluntaribus , artibus & transvectionibus commodum : de liquidiore vero humore , utrem implemus : ex quo quicumque biberit , additis ceremoniis paucis , <sup>Unguentum terribile.</sup> evestigio nostræ artis conscius redditur , & magister. Hæc ille. <sup>Potus tætarum.</sup>

*Professio Iam: aram diluitur , ostenditurque fædus esse præstigiosum , stultum , & nullius ponderis.*

C A P. III.

QUAM hæc non cohæreant , sint absona , indignaque quibus fides vel leviter adjungatur , quilibet , dummodo non omnino mentis velit esse inops , & præfractæ concepta opinione præoccupatus , facile judicabit. Fædus autem esse præstigiosum , phantasmare aut imaginatione , vel phantastico præstringentis spiritus corpore fallaciter apparente : vel nervis opticis seu visoriis indita subdole , quam Satan vult , specie , commotis huc humoribus & spiritibus idoneis : vel sibilo , susurro aut murmure in organis auditus , vitiatæ formis imagini respondente , spiritus maligni arte excito constatar stabilitumone , ac inde nullius esse ponderis , haud obscure cognoscitur : potissimum si diversa contrahentium essentia , contractus forma , modus , & circumstantiæ , perspicaci mentis acie inspiciantur , atque rationis fideique nostræ æquilibrio exactius pensculentur.

§ 2. Sic plerasque omnes adiones Lamæ hæcenus attributas , quas suas esse , malefana quoque faretur , ex corrupta à præstigiatore virtute imaginativa , non Lamæ , sed ipsius Satanæ existere , palam fit. Huic etenim minime opus est alterius adminiculo in sua potentia

rentia ostendenda, aut actionibus declarandis, qui nec ullius voluntate aut imperio cogitur quam Dei, & hujus ministrorum bonorum: malis non coactus, sed sponte & quidem libenter obsequitur, Deo permittente, maliciosus ille veterator, secus licet fingat, simuletque, teste Porphyrio, ut suis præstigiis nos magis irretiat. Non autem strictè colligari pactum imaginatum, doloque malo mendaciter ab altera parte initum necesse est, quum à præstringente spiritu apud stupentem, nec mentis compotem satis hominem, aliter fieri nequeat.

§ 3. Siquidem quod dæmon extensa manu firmaque stipulatione lamiam recipiat, falsissimum esse neminem dubitare oportet, quum carnem & ossa, quibus manus constat, non habeat spiritus, ipsa Veritate teste. Tatianus adhæc contra Græcos scribit, dæmones omnes non carnea, sed spiritali concretionem constare, qualis est æris & ignis: quæ corporum constitutio à solis illis perspicui potest, qui spiritu Dei muniantur, non item à cæteris hominibus quos anima regit.

§ 4. Præterea dolosa hæc stipulatio, maxime in perniciosum finem confecta, sine réstibus aut vadibus contra Dei voluntatem nisi tantum habebit momenti, ut nulla queat rescindi ratione, & necessario ejus virtute alter alterius voluntatem sequi, illiusque præcepto morem gerere compellatur: quæ pactum illud prius in baptismo ex peculiari Dei voluntate & mandato, solennibus verbis verè sancitum, & quidem interpositis fidejussoribus, tanquam prærogativâ non præponderabit? Alia profecto contractus est firmitas inter Deum veracem & sanæ mentis homines. Quicquid ille stipulatur & in suo verbo addicit, hoc fideliter & indubitate præstat, nec data manu præstigiosa deludit, non fallat, nec convivatur, vel similibus tebus ludicris quibuscùm paciscitur, nequiter fallit dementatve, quemadmodum hic commentitio carnali corpore amarius. Disparitatem hic qui negaverit, nescio quid veritatis idem sic admissurus.

*Fidem  
Christi-  
nam abne-  
gantes.*

*Gal. 5.*

§ 5. Atqui fidem Christianam hic abnegasse anum miseram, objicies. Et nos, quotquot aliam salutis viam quærimus, quam Christum Jesum, ejus præcepta observantes, vestigiisque insistentes, viva in ipsam fide per dilectionem operante, fidem abjicimus, reipsa testari mente sana, quod illa vel ætate stupida, vel sexu inconstans, vel impotentia mentis lubrica, vel animi morbo desperans,

rans, aut imaginariæ aut maligni arte delusa fecisse putatur. Aures Pauli verbis, quibus fidem Christianam vere abnegantes, & doctrinis dæmoniorum adherentes, non modo scite depingit, sed & digito simul commonstrat, paulisper accommoda: Spiritus certo loquitur, quod in posterioribus temporibus desciscient quidam à fide, attendentes spiritibus impostoribus, & doctrinis dæmoniorum, per simulationem falsiloquorum, cauterio notatam habentium conscientiam, prohibentium contrahere matrimonium, jubentium abstinere à cibis, quos Deus creavit ad vescendum cum gratiarum actione fidelibus & iis qui cognoverunt veritatem.

1. Timot. 4.

Doctrinis  
dæmonio-  
rum adha-  
rentes.

§ 6. Item: Illud sciro, inquit, quod in extremis diebus instabunt tempora periculosa. Erunt enim homines sui amantes, avari, fastuosi, superbi, malefici, parentibus immorigeri, ingrati, impii, carentes affectu, nescii fœderis, calumniatores, intemperantes, inimici, negligentes bonorum, proditores, præcipientes, inflari, voluptatum amantes potius quam amantes Dei: habentes formam pietatis, sed qui vim ejus abnegarint. Et istos avertare: ex his enim sunt qui subeunt in familias, & captivas ducunt mulierculas oneratas peccatis, quæ ducuntur concupiscentiis variis, semper discentes, nec unquam ad cognitionem veritatis venire valentes. Quemadmodum autem Jannes & Mambres resistebant Moysi, ita & hi resistunt veritati: homines mente corrupti, reprobi circa fidem. Sed non proficiunt amplius. Siquidem amentia eorum evidens erit omnibus, quemadmodum & illorum fuit. Hæc Paulus.

2. Timot. 3.

Pietatis  
vim qui  
abnega-  
runt, circa  
fidem re-  
probi.  
Exod. 7.

§ 7. Ad chrisma in fœderis contractu è fronte exemptum, quemadmodum plerisque aliis persuasum, si confugas, licet vel unico verbo hic satisfacere possem: id tamen ne plus facesset negotii, tutius erit respondere: Si qua vis sit chrismatis, eam non in externa illinitione magis consistere, quam in externa aquæ superfusione in sacramento Baptismi, qui fide intercedente sanctificatur, atque ita confirmatur, ut si postea centies aqua corpori infusa abluatur, imo tota cutis abradatur, nihilominus ex charactere fide impresso permanet baptismi essentia: etiam si ejus virtutem homo quandoque lapsu abneget, tamen si resurgat, à peccatis ad vitæ emendationem penititudine conversus, eadem stabit baptismi semel administrati energia.

Chrismatis  
vim, si qua  
est, non posse  
externa  
excensione  
velli.

§ 8. Ratio chrismatis erasi erit eadem apud resipiscentem, si ita volens: alioqui vel vulnere scincipiti inflicto, aut putrido ulcere ea

in parte exorto, illud quoque interire sequeretur: quanquam etiam non vere synciput in foedere collidi crediderim, sed imaginarie: quemadmodum reliqua multa hic contingere animadvertimus, quo credulum hoc malefanorum hominum genus persuasione mala iuducatur, ut se diaboli retibus jam inde implicatum usque adeo, servumque credat, quasi omnis resipiscentiæ via deinceps sit præclusa, quo hac ratione tandem extrema cogiret moliturque: quamvis non magis huic, imo multo minus, ut viciata phantasia deluso, quam quibusvis aliis graviter peccantibus, conversionis locus erit præcisus. Petrus siquidem, antea brevi à Christo præmonitus, contra conscientiae testimonium ter Christum, addito etiam juramento, negat: atqui agnito errore, lachrymisque fuscis, in gratiam recipitur. De hoc, uti & impresso charactere, vide lib. 6. cap. 2. 2. ubi plura de foederis vanitate.

Matth. 26.  
M. arc. 14.  
Luc. 22.  
1. 13.

*Fœderis vani demonstratio reliqua.*

C A P U T. IV.

*Ceremonia  
non posse  
occidere  
pueros.  
Infantes  
mortui ex  
sepulchris  
effudi delu-  
sorium est.*

*Totus ille  
Stygias  
imagina-  
rius, ut &  
sequens.*

**A**D HÆC, quod ullis ceremoniis pueros occidere quis possit, falsissimum est, meraque Saranæ suggestio, ac inanis credulitas. Item quod illos ex sepulchris clam effodiant, nihil esse nisi diabolicam persuasionem ex imaginativa vi corrupta, aut alto somno vitiata, palam constabit, si monumenta inspiciantur, unde eos extractos esse narrant: ibi etenim reconditi adhuc invenientur. Nec hæsitare volo, eodem modo in mentem illis inductam esse infantis decoctionem in olla confectam, donec exemplis ossibus caro redederetur potabilis.

§ 2. Tam enim id existit inhumanum, reetricum, crudele, & credidit difficile, ut si vel meis intuerer hoc oculis, citius hujus horribilis spectaculi fascino eos mihi præstrictos crediderim, quam nefandum hoc & plusquam tragicum, omnemque exuperans fidem condimentum vere apparatus esse fatear. Sed esto, quod ex Stygia palude proserpant ejus unguenti artifices horricæ stiges, quæ omnem humani sensus imaginem prorsus exuerint: cedo tamen, unde illi unguento ea virtus, ut si quis eo inungatur, fiat sceleratarum voluntatum, execrabilium artium, & transvestitionum incredibilium particeps? vel si eo sedile aut lignum illinatur, mox alter huic innixus, peracta feratur: quemadmodum sagæ persuasum habent.



bent, & Malleus mæficarum testatur? Non libet hic anxie de mortuæ, puriæque & virulentæ hujus carnis decoctæ temperamento & viribus disceptare, siquidem in rerum natura eam ita paratam non inveniri, firmiter credo: idem de liquidioris materiæ in utre, ut dictum est, conservatæ præparatione, potatione & virtute dictum volo.

§ 3. Interim negandum non est, miseræ has mulierculas ita formis virtuti phantasticæ impressis, à dæmonio dementatas, non aliter ac si hæc ita vere fierent, scire: uti fere omnes illarum præter naturam actiones, imaginariæ saltem videntur: & propterea questionibus adactæ, flammisque propinquæ, sua aperte confitentur flagitia per somnum vel simulachrum illis solammodo cognita. Id ipsum confirmatur in Decretis, ad hunc modum: Quædam mulierculæ inservientes satanæ, dæmonum illusionibus seductæ, credunt se alia nefanda quoque agere, puta parvulos à lacte matris avellere, assare & comedere: domi per caminos seu fenestras intrare, & habitantes variis modis inquietare: quæ omnia & confumilia solum phantastice accidunt eis. Cum ea vero, quæ fossula facta, & lotio infuso, vel aqua, digitoque moto se tempestatem ciere arbitrat, colludit dæmon aërem turbans, ut illam, sibi addictam in officio contineat.

*In secunda  
parte,  
caus. 26.  
q. 5. Epist.  
capi. Et  
Angustin.  
de spiritum  
& anima  
cap. 28.  
Vide &  
cap. 9. hu-  
ius lib. &  
cap. 11.*

§ 4. Hujus ergo ex utre portionis tartareæ, sed imaginariæ in foedere usus, ipsum quoque præstigiosum esse, præter multam ejus diversitatem aperius demonstrat: lubetque hic cum Horatio dicere:

*Ne quodcumque volet, poscat sibi fabula credi,  
Non prænse lamæ vivum puerum extrahat alvo.*

*2. Carm.  
ode 36. 2.*

Pacti item vanitatem id quoque docet, quod eo imito ceremonias quasdam contra Ecclesiæ statuta cogantur observare: quemadmodum diebus, Dominicis jejunare, aut sextris feriis (ut ajunt) carnis vesci, aut crimina in confessione celare, vel tempore elevationis in terram spæcere, vel sub Mille actione verba proferre inutilia, vel aliquid simile designare: ita Mallei referunt fabricatores.

§ 5. Hæc qualia & quanta sint delicta, quilibet pius tenuiter modo Sacrarum literarum cognitione tinctus, intelligit. Etenim quam dies Dominicus sit audiendo. Dei verbo, orationibus & divino cultui cum primis consecratus, his nemo fructuosus vacarit, quam qui mentem à cibi nebulis serenam conservavit. Est (inquit

*Die Domi-  
nico utili-  
ter jeju-  
nare.*

*Math.* 17. Christus) aliquod dæmoniorum genus, quod non nisi orationibus & jejniis ejicitur. Sobrios hinc nos esse jubet Petrus, & vigilantes ad orandum, quia adversarius noster diabolus tanquam leo rugiens obambulat, quærens quem devoret. Item Paulus docet suos *1. Corint.* 7. Corinthios: non fraudetis vos invicem, nisi si quid ex consensu pro tempore, ut vacetis jejunio & precationi. Ita jejunium & oratio fere conjunguntur, & quidem ordine optimo: ut quod apud Tertullianum legitur, jejunare die Dominico nefas existimari, non immerito mirer: minusque Melchiadis Papæ edictum videatur commendandum, quo ne die Dominico jejunaretur, cavet.

*Carnium vesci dictum à pont. Rom. vetitu quando liceat.*  
*Math.* 15. § 6. Quod vero carnibus vesci, urgente necessitate (si modo ablit offendiculum, contemptus & gula) liceat diebus à Pontifice Romano vetitis, alii defendunt ex his Christi verbis: Audite & intelligite: non quod ingreditur in os, impurat hominem: sed quod egreditur ex ore, hoc impurum reddit hominem. Item ex Paulo ad Coloss. 2. Ne quis vos judicet in cibo aut potu, aut in parte diei festi, aut novilunii, aut sabbathorum, quæ sunt umbra rerum futurarum, corpus aurem Christi. Et post: Si mortui estis cum Christo ab elementis mundi, quid quasi viventes in mundo, decretis tenemini? Ne retigetis, ne gustatis, neque contrectatis: quæ omnia ipso pereunt abusu, juxta præcepta & doctrinas hominum, quæ verbatenus quidem speciem habent sapientiæ per superstitionem ac humilitatem animi, & læsionem corporis, non per honorem aliquem ad expletionem carnis.

*1. Timoth.* 4. § 7. Ad Timotheum hic quoque scribit: Spiritus certo loquitur, quod in posterioribus temporibus desciscerent quidam à fide, attendentes spiritibus impostoribus, ac doctrinis dæmoniorum, per simulationem falsiloquorum, cauterio notatam habentium conscientiam, prohibentium contrahere matrimonium, jubentium abstinere à cibis, quos Deus creavit ad sumendum cum gratiarum actione fidelibus, & iis qui cognoverunt veritatem: quod quicquid creavit Deus, bonum sit, & nihil rejiciendum, si cum gratiarum actione sumant. Sanctificatur enim per sermonem Dei, ac precationem. De his si commonefeceris fratres, bonus eris minister Jesu Christi; enutritus in sermonibus fidei, bonæque doctrinæ, quam usque secutus es. Cæterum prophanas & aniles fabulas rejice. Hæc Paulus. Item: Omne quod in macello venditur, edite, nihil interrogantes propter conscientiam. Domini siquidem est terra, & plenitudo ejus. § 8. Ad-

§ 8. Adhæc, quod ex pacto certa celare crimina in confessione cogantur Lamiz: quis amabo singula distincte enarrabit peccata, quum plerunque omnes nostri cogitatus, verba & actiones sint peccatorum labe conspurcata? aut quonam divinæ voluntaris testimonio, exacta illa nostrorum scelerum enarratione opus esse convincentur? Quo ordine ea recensuit publicanus ille in templo, aut latro in cruce?

*Celare crimina in confessione.*

*Lucæ 18. & 23.*

*In terram quare tempore elevationis.*

*Verba inutilia sub Missa proferre. Crucem calcare secreto.*

*Ante lustrali aqua consecrationem templum ingre-*

*di die Dominico.*

*Leb. 1. de doct. Christi. & legitur 2.6. q. 2. e.*

*illud quod est. Leb. 3. in Job.*

§ 9. Tam quoque grave est delictum, in terram tempore elevationis spure, quam sputum in ore continere: & æqualem poenam merentur verba inutilia tam sine Missa, quam sub ejus actione prolata. Huc adducatur, commissum in calcanda secreto cruce flagitium: item, quod die Dominico ante lustralis aquæ consecrationem templum ingrediantur: & mille alia anicularum deliramenta, eo huc adducta à dæmone, ut sub religionis prætextu superstitionem impietatemque invcheret & stabiliret.

§ 10. Hic præstigioli fœderis netvum palam cernit quilibet pius. Rectissime ergo Augustinus ait: Omnes artes hujusmodi vel nugatoriz, vel noxiæ superstitionis, ex quadam pestifera societate hominum & dæmonum, quasi pacta infidelis & dolose amicitiz, penitus sunt repudiandæ. Et Origenes: Incantationes diaboli sunt seductiones, dæmonum irrationes, idololatriæ fex, animarum infatuatio, atque cordium scandalum. De illiusmodi pacti nullitate nonnihil postea in Anacephal. libro. 6. cap. 25.

§ 11. Superioribus nugamentis ex Psello accensere libet de Euchetis & Gnosticis, qui nefanda sacrificia perpetrare dicuntur, ut dæmonia toto concipiant pectore. Conveniunt die quo passus est Salvator, vespere statutum in locum, una cum puellis sibi notis: & post quædam sacra extinctis luminibus, mistum congregiuntur sive cum fotore, sive cum filia, sive cum qualibet. Nono rursus mense revertuntur, puellasque accerunt, & infantes jam natos ab his elevant, perque totum corpus pueros tirentucidunt, & circumfuso sanguine phialas implent, corpora cremant, cinerem cum sanguine miscent.

*Eucheta & Gnostici. Vide Epiphanius de hæresibus.*

§ 12. Hoc condimento epulas & pocula condant, tum sua inter se, tum aliorum clam quoramenque possunt. Existimant enim hoc sacrificii & alimenti genere, tanquam maxime profano, characterem divinum nobis impressum, ac dæmonia procul accerrem, penitus aboleri, itaque dæmonia liberius ingredi. Gnostici (ut Irenæus

*Carpocrates  
magiam  
sceleratam  
publice do-  
cuit.*

(ut Irenæus attestatur, vir & Christianus & eruditus) vocabulo à scientia ficto, præbuit incunabula Carpocrates. His enim præstigijs Simonis magi, non urille clam, sed publice ac palam tradebat: & velut pro summis ac optimis studiis laudem confessam & publicam de nefariis actibus, à deceptis auditoribus requirebat, & imaginas tenebras in luce publica petorabat, de amatorijs duntaxat somniisque immixtis, ac dæmonijs paredris, aliisque similibus fraudibus.

*Sceleratissima fra-  
trum Nea-  
polit. ejcti.*

§ 13. Huc spectat horrenda historia, quam de Fratricellis Neapolitanis Joannes Genadius scribit: Tempore Ludovici Bavari Imperatoris, in contemptum religionis Christianæ fratres Neapolitani, dissidentibus Papis, flagitiosam quandam, finul & turpissimam excoptabant sectam. Enimvero convenientibus in antris locisque abditis, quos in eam turpitudinem allexerant, vitis & forminis, sacerdotes qui inter ipsos habebantur, ut crimen honestate prætexerent, divinas laudes Christiano more præcinebant. Quibus intempesta nocte peractis, sacerdos pro concione quædam præfatus ad confirmandos in nefario errore animos, in eo maxime erat occupatus, colendam esse ante omnia charitatem, quam esse omnium virtutum caput, sacræ literæ testarentur, & hanc potissimum inter homines auctore Deo conciliari posse, si Spiritu sancto bini masculus & femina venereo complexu jungerentur.

§ 14. Cum igitur, quam quisque oculis prænotarat, extinctis luminibus viciasset, tunc demum peracta sacra censebantur. Ii enim in publica professione docebant, non hoc esse Christi testamentum, Pacem meam do vobis, pacem meam relinquo vobis: sed n. Crescite & multiplicamini, & replete terram. Quo compressu si quæ concepisset, deportari ad sepertum sacerdotes jubebant, qui solenni more in loco sacrificijs dicato convenientes, infantulum subiecto igne ad cineres usque comburebant, quos urna exceptos ceu rem sacram reponebant: cumque erat aliquis in collegio sacerdotum cooprandus, illis cineribus in vino epotis initiabatur. Quod si pontificem eorum maximum moti contigisset, ut omnis abesset invidia, & res non humano, sed divino consilio agi videretur, hic erat in demortui locum, alterius subrogandi statutus modus. Infantem illo flagitio conceptum ad locum sceleribus destinatum jussu mater haud invita deportabat, & ubi vulgo astante, sacerdotes confederant, tam diu per compimentes manus in orbem tradebant, donec miserrimus infans periret ut. Hæc gesta sunt sub Ægydio episcopo Romano, apud Neapolim.

*Quæ*

*Qui homines demonum illusionibus artibusque magis  
sunt expositi.*

C A P. V.

**H**ic porro id hominum genus potissimum impetitur, quod tali est temperamento, vel à causis externis aut internis movetur, ut à dæmonis spectro appetitum, vel illius suggestionem tentatum, senti organum illius voluntati non ineptum, ex fucata inductione facile præstet. Hujusmodi sunt melancholici, & ob jacturam vel qualemunque aliam causam tristes, teste Chrysostomo, cujus hæc verba sunt : Omni diabolica actione potentior ad nocendum est mæroris magnitudo : quia dæmon quoscunque superat, per mærorem superat. Sunt item Deo diffidentes, impii, illicite curiosi, perverse in religione Christiana instituti, invidi, impotentis odii, maliciosi, vetulæ vix mentis compotes, simileque lubricæ fidei (qui enim facile credit, facile & recedit) vel insignis maliciæ mulierculæ.

*Apia sala.  
na organa.*

*Li. 3. de Pro-  
videntia ad  
Stagirium  
monachum.  
Ob mæro-  
rem multos  
superat da-  
mon.*

*Clemens li.  
2. Recog.  
August. lib.  
2. de doctri-  
na Christi.  
ca. 24.*

§ 2. His ut instrumentis congruis insidiatur quibuscunque potest modis diabolus, suo tempore & loco: singulos, ut cujusque animi studia & affectus ex certis indiciis cognoverit, peculiari aliqua ratione adoritur, infestatur, illicit, vel assumpta plausibili forma, vel cogitatione imaginationeque varie agitata & corrupta, donec tandem ipsius proposito consentiant, se ipsius persuasioni dedant, quicquid in mentem ille ingerat credant, tanquam fœdere obligati, ab illius nutu pendentes, ipsi o btemperantes, vera omnia esse quæ suggerit rati, formas in imaginativa virtute vel phantastica ab eo ingestas revera substantialiter (ut sic dicam) existere confidentes sanctissime.

§ 3. Nec aliter sane queunt, quum illorum mentem ex primo assensu imaginibus inanibus vitiant, confopitis vel concitatis in hoc opus corporis humoribus & spiritibus, ut hac ratione ad organa ac-oom modata species aliquas inducat, perinde ac si extrinsecus ea occurrerent vere, non solum dormientibus, verum & vigilantibus: at que hoc modo aliqua foris vel existere vel fieri putentur, quæ tamen revera nec sunt, nec fiunt, nec sæpe in rerum natura existunt. Ea est horum immundorum spirituum subtilitas incomprehensibilis prope, & fraus insatigabilis, sensus hominum eludens. Sic & veterum Ægyptiorum sensus obsedisse dæmonem, docet apud Clemen-

tem D. Petrus.

*Libry.  
Recog.*

*De sexu fæminei Credulitate ac fragilitate:*

## CAP. VI.

*Sexus fa-  
minei cre-  
dulus.**Genes. 3.  
1. Tim. 3.**2. cap. 3.**Homil. 23.  
in prin.*

**P**LURIMUM vero hac sexum fæmineum, nimirum temperamen-  
tatione lubricum, credulum, maliciosum, impotentis animi,  
& ob ejus affectus, quibus diffculter imperat, melancholicum: cum  
primis autem effœtas, stupidas, menteque titubantes vetulas indu-  
cit subdolos ille veterator. Quo nomine Evam convenientius suæ  
persuasioni organum, non Adam, in rerum primordiis, quum duo-  
solum existerent homines, aggressus est: quam levi etiam dispu-  
tationis velitatione vicit. Hinc D. Petrus non injuria mulierem vo-  
cat infirmius vasculum. Et Chrysostomus (si is est) in 2. parte Ho-  
miliarum in Matthæum: Sexus, ait, mulierum incautus & mollis est:  
incautus, quia non omnia quæ videt aut audit, cum sapientia & ra-  
tione considerat: mollis autem, quia facile flectitur, vel de malo  
ad bonum, vel de bono ad malum.

*Declamat.  
333.*

§ 2. Idem in epistolam ad Corinth. 2. Homil. 23. dicit, mu-  
lierum proprium esse decipi. D. Hieronymus, aut (ut videtur) alius,  
in regula monachorum ad Eustochium, cap. 16. Debilis est nimium  
sexus quem geritis, ac fragilis, & mobilis, si suo relinquatur arbi-  
trio. Scitissime item: Mulierum genus, inquit Eleazarus apud Ati-  
steam, suorum affectuum sequax, atque in lapsum proclive, propter  
imprudenciam, & ejus naturam imbecillem. Quinilianus imbecil-  
lam rem esse ait fœminam. Mentis quoque imbecillitatem illis tri-  
buit Valerius Max. libro 9. Rer. mem. cap. 1. Cajus item pro Lu-  
cilla, apud Stobæum serm. 17. *ἡ δὲ γυνὴ δεινὴ εἰς πείραν, ὡς μάλα δεινὴ  
τὸ ἀπὸ γυναικὸς ποσὶ.* quibus significatur, mulierem ad credendum faci-  
lem esse, præsertim in calamitatibus. Scribit autem Fulgentius, cre-  
dulitatem deceptionum esse matrem. Mulieres facile decipi, & de-  
sperare citius quam viros, tradit Aristot. in prin. lib. 9. de Histor.  
animalium, & Albertus in initio lib. 8. de Animal. cujus bonam  
partem ex nono Aristotelis mutuatus est.

*Lit. 8.  
2. ad.*

§ 3. Hinc non inepte mulier (ut Varro interpretatur, & repetit  
ipse Lactantius, & D. Augustinus, si is est, sermone de tempore  
243.) à mollicie dicta esse videtur, immutata & detracta litera,  
quasi mollier. Quod & scribit Gratianus in 6. Sed illud. 32. q. 7.  
Ab Homero item mulieres peculiari epitheto *δυσήπρητοι* vocantur,  
tanquam molles. Ad animum molliciem hanc trahit Gratianus: uti  
etiam

etiam facit Glof. in cap. 1. de claud. despon. Fragiles adhuc esse mulieres, imbecilles, infirmas, & proinde deceptæ faciles, testimonio sunt leges, quæ earatione statuerunt multa: ut scribitur in l. si mulier. C. ad Velleianum. & in l. si pater. C. de sponfal. & in l. prima. §. penult. C. de rei uxor. act. & in l. ult. C. de donat. ante nuptias. & in l. sicut. ibi: sexus fragilitas. C. de præscript. 30. vel 40. annor. & in l. assiduis, post prin. C. qui potior. in pign. habean. & in l. quisquis. §. ad filias. C. ad legem Jul. majest. & in §. 1. ad fin. Instit. qui alien. licet, & in capitul. ex parte abbatissæ. extra, de Privileg. & in capitul.

§ 4. Adam. 33. q. 5. & 24. quæst. 5. Item l. 2. §. verba, in fin. in illis verbis, Infirmitas mulierum, & l. regula, statim post prin. D. de Jur. & fa. igno. & l. cujus bonis. D. de cu. fur. & l. deferre, in prin. D. de jure fisci. & l. 1. §. accusationem, ibi: propter sexus infirmitatem. D. ad S. C. Turpil. & l. 1. ibi, fœminæ infirmitatis. C. quan. mulier. tut. offi. fung. pot. & l. quisquis, nuper allegata. & l. nullus. C. de jur. fis. l. 10. & l. nullus solius. C. de decur. cad. l. §. & his consequens. versic. unde volumus. in Auth. de æqual. dor. & tex. in d. §. verba, ibi, propter sexus imbecillitatem. & in l. Imperialis, in prin. C. de nupt. & in §. 1. post medium, in Auth. ut immobi. ante nupt. dona. in illis verbis, Mulier quippe mariti seductionibus facile decepta, &c. & annotavit Lucas Penna in l. ult. col. 3. C. de privil. schol. lib. 12. Hinc secundum veterum Græcorum instituta, provide admodum ex lege tutores & curatores mulieribus dari solitos legimus, sine quorum arbitrio & autoritate nihil eis agere licebat, ut retulit Harpocrat. Martianus autem scribit, Minervam natam esse sine matre, quoniam in fœminis prudentia non est. Illius leguntur versus in hymno Palladis:

*Hanc de patre ferunt sine matris fœdere natam,*

*Provida consilia quod nescit curia matrum.*

Quare Plato satis incivilter dubitare videtur, utro in genere ponatur mulierem, rationalium animalium, an brutorum.

*De Melancholicorum depravata imaginatione.*

#### C A P. VII.

**P**ORRO ne imaginativæ virtutis instrumenta in his mulierculis hoc modo vitiari, & oculorum aciem perstringi, ut ante ostendi,

di, usque adeo absurdum videatur: animadvertit melancholicorum cogitatus, voces, visa & actiones: ac quam omnes sensus ex humore melancholico cerebrum occupante, mentemque immutante, in his sæpe depraventur, intelliges. Horum siquidem alii se esse bruta animalia credunt, ipsorumque voces & gestus imitantur. Nonnulli se vasa fictilia factos esse putant: ob id occurrentibus, ne collidantur, cedunt. alii mortem timent, quam sibi tamen consciscunt interdum. Plerique se criminis reos imaginantur, ut pavidi quemcumque viderint ad se ingredientem exhorrescant, veriti ne manibus ipsis injectis captivi abducantur, & ad tribunalia supplicio afficiendi pettrahantur.

§ 2. Quidam senex nobilis, quandoque de sede exiliens subit, ab hostibus se impeti credebat: quos arreptos, retro se in furnum confertim, sua quidem opinione, intrudebat. Alius metuebat, ne Atlas, universum tetraurum orbem sustinens suis humeris, defatigaretur, & onus excuteret lassus, cujus intolerabili ruina omnes opprimerentur. Item tres in Frisia non procul à Groninga eo correptos entusiasmo intellexi, ut se Deum patrem, filium & spiritum sanctum crederent, horreumque in quo subsistebant, esse Noë arcam, ad quam etiam multi similiter fere affecti, salutis ergo confuebant. Qui se totius mundi monarcham & imperatorem esse, ac ad se solum id spectare nomen crederet, novi melancholicum Italum: alioqui bene habitum, eloquentem, nec alio morbo læsum: mire interim in suis Italicis rythmis de statu Christianismi, de religionis dissidiis, de bellis in Gallia exortis & Belgio componendis, tanquam divinis effatis, sibi placentem: passim vero suum titulum hisce litteris evulgabat, R. R. D. D. M. M. id est, Rex regum, Dominus dominantium, Monarcha mundi.

§ 3. Athenæus lib. 12, refert de quodam Atheniensi, qui per-suasum habebat, omnes naves in Piræum appellentes esse suas, easque recenserebat, dimittebat ac deducebat: tanto autem appellentes gaudio excipiebat, ac si omnium rerum advectarum esset dominus: at si quid perisset, non quærebat amplius: si pervenissent incolumes, gaudebat: multa interim cum voluptate vitam agens, donec frater ejus Crito de Sicilia advectus, illum medico commisit, cujus opera à morbo liberatus fuit. Cæterum ad se reversus, se nunquam vixisse jucundius, dicere solet. Huc facit illud Horatii:

— Fuit haud ignobilis Argi,

Qui



*Quis credebatur miros audire Tragados,  
In vacuo letum sessor planorque theatro:  
Cetera qui vitæ servaret munia, recto  
More, bonus sane vicinus, amabilis hospes,  
Comis in uxorem, posset qui ignoscere servus,  
Et signo leso non insanire lagena:  
Posset qui rupem, & patens vitare patentem.  
Hic ubi cognatorum opibus curisque refectus  
Expulit elleboro morbum bilemque moraco,  
Et redit ad sese: Pol me occidisti amici,  
Non servastis, ait, cui sic extorta voluptas,  
Et demptus per vim mentis gratissimus error.*

§ 4. Scribit Paulus Grillandus, quendam Hispanum clericum & Decretorum doctorem anno ætatis suæ quadragesimo quinto Romæ quarundam juvenum monialium amore captum, quas & forma venusta sapius in monasterio visitans, verbisque & muneribus abblândiens, usque adeo deperit, ut nocte dieque, tam somnians, quam vigil, nil aliud, nisi earundem amplexus concubitusque meditarerur corde, verbo, gestis & signis: paulatim & evenit amentiz, quum clericus esset, ut se Ecclesiæ sponsum, & moniales ejusdem sponsas esse palam assereret hoc usus argumento, quod dicerentur sponsæ Christi, qui repræsentatur per Ecclesiam: hinc concludebat, sponsum & sponsas spirituales, hoc est, sacerdotes & moniales, posse simul carnaliter congrredi sine peccato, & Deum ita præordinasse, ac se putare summum bonum in ejusmodi congressu esse possum. Eadem insuper juvenculis sapius prædicabat. Tandem quoque orationes & preces nefarias componebat, quibus apud Deum & alios instabat sanctos, ut maximas vires in renibus posset consequi, in lumbis vero talem calorem, ut abundanter & sæpenumero suam posset explere libidinem: deinde ut D. Cecilia, Ursula, Magdalena & Clara ex dono specialis gratiæ mentibus monialium iisdem nominibus nuncupatarum infunderent, nullum fieri posse opus magis Deo meritorium, quam carnaliter commisceri, crescere & multiplicare, citra ullam personarum distinctionem, & voti castitatis læsionem, idque Deo placere magis quam holocaustum sive sacrificium: uriem illarum corda inflammarent amore ardeni erga sacerdotem ecclesiæ sponsum, ne ejus vota carnalia maxima cum humilitate adimplere, mandarique

*De Simil.  
ix. 17.*

ut veri patris parère gravarentur, &c. Hujuscemodi orationibus conscriptam schedulam quotidie ad mendicantium monachorum Ecclesiam deferrebat, ubi ipsius quoque Missæ solennitati intererat, datoque Julio pro elemosyna schedulam sacerdoti potrigebat, ut in Missæ celebratione, scilicet in Memento, preces illas Deo & sanctis virginibus prædictis offerret, cum devotione orando Deum & sanctas virgines, ut pia vota ipsius orantis exaudirent. Ita unum aut alterum monachum rudiorum simpliciorumque decepit. Accusatus inde & carceribus traditus, errore revocato & abjurato, veniam consequutus est, & ut alias cautior esset, ex mandato pontificis ex urbe ad tempus relegatur.

§ 5. Vidi, qui cibum & potum pertinaciter averfaretur, condemnationem imaginatus. Sunt, quos tam misere exercet plena scrupulis conscientia, qui nodos in lævi scirpo quatitantes, culpam imaginantur, ubi nulla est: & divinæ misericordiæ diffidentes, se orco destinatos, lamentatione sedulo nocte diuque deplorant. Novi, qui se fratrem multis inde miliaribus degentem videre diceret. Item, qui suis auribus semper obstrepere (masculorum concubitor) quemcunque obvium, etiam conjunctissimum quereretur: atque hoc nomine ad me is scribebat diserte, num quid consilii à me adhiberi valeret: quum in auditu organo virum esse alii existimarent. Mens autem huic sacrificio erat laxa: quemadmodum & illi, qui pollicebatur se Gabrielem aut Michaellem coacturum, ut ad se venirent, & illos de rebus magnis interrogaros responsum daturus. Sed cum ille rogaretur à Cardinale Tournone, ut id efficeret: respondebat, Se non posse, nisi preparato prius corpore multis jeuniis & orationibus nec nisi pro rebus reipublicæ Christianæ. Edidit hic librum de Phiala summi pontificis, & ejus partibus.

§ 6. Scio quoque, ubi sulphur & picem redolere maritum oclamarat melancholiæ vitium patiens conjunx, & cibum oblatum pipet respicere judicaret: quæ quam alienissima esse à rei veritate, cognoscebantur. Partes item pudibundas inflammatione putoreque ita viciatas asseribat, ut gangrænam suborituram pertimesceret, his interim locis ab omni vitio immunibus.

§ 7. Infinita alia huc coacervari possent exempla, ubi sensus omnes multifariam viciatos cœnas, ex unico illo humore, vel fuliginoso atræ bilis vapore, mentis sedem inficiente, unde phantastica illa procreari monstra constat. Imaginatricem quoque interdum to-

tam

tam ex aliis humoribus corrumpi, exolvique, docet Galenus de Sympt. differentiis, quemadmodum in catalepsi: plerumque autem vitari, ut in delirio: est, cum deficit atque debilitatur, quod in lethargo conringit.

§ 8. Quare idem non licebit diabolo, tanquam artificioso spiritui, et Deo connivente, in sensu organa sese insinuet, & humores sibi commodos vel vapores commoveat, vel aërem idoneū conferat ad organa: maxime delectu habito ex temperamento, etate, sexu vel alia causa externa aut interna apta: unde novæ species in imaginativa vi conceptæ, plerumque etiam spiritui visorio per nervum opticum communicentur, quo se vidisse vel designasse, mortis etiam periculo affirmare audeant delusæ hæc femina, quæ nunquam vel visa, vel in rerum natura extiterunt? Levia ejus rei argumenta in hypochymare oculorum vitio apparent. Merito igitur Thomas frequenter allegat illud Augustini in lib. 83. q. Serpit hoc malum daemonis per omnes aditus sensuales. dat se figuris, accommodat se coloribus, adhæret sonis, odoribus se subjicit, infundit se saporibus.

*De phantasia, & quomodo vitatur.*

C A P. VIII.

**D**E Phantasia sic scribit Jamblichus: Phantasia omnibus animæ *Phantasia.* vitibus est adnata, omnesque figurat atque effingit similitudines specierum, & apparitiones, visaque seu impressiones vitium aliarum transmittit in alias: quæ quidem à sensu micant, in opinionem excitat: quæ vero ab intellectu, secundo loco offert opinionem, sed in seipsa ab omnibus imagines suscipit. Hæc utique omnes actiones animæ fingit & exprimit, atque externas accommodat intimis.

§ 2. Hic Marsilius Ficinus Platonice, in explicatione Prisciani Philosophi Lydi, interpretantis librum Theophrasti de phantasia & intellectu, cap. 2. ait: Imaginatio actiones rationis effingit sub rerum sensibilibus conditione, ac potest ultra sensuum actus latius phantasmata promovere. Superat sensum: quia enim nullo movente, imagines edit, imaginatio est tanquam Proteus vel chamæleon.

§ 3. Idem lib. 13. cap. 1. de Theologia Platonica: Phantasia, inquit, quatuor sequuntur effectus: appetitus, voluptas, metus, dolor. Hi omnes, quando vehementissimi sunt, subito corpus proprium

*Imagina-  
tum: vii.*

proprium omnino, nunquam alienum afficiunt. Quid non fœtui adhuc matri unito, subita spirituum vibratione per nervos, quibus matrix cerebro conjuncta est, imprimit imprægnatæ imaginatio? ut si imaginetur malum granatum, illius secum notas proferat fœtus: si leporem, infans editur labello supremo bifido ac dissecto. Vehemens siquidem cogitatio, dum rerum species vehementer movet, atque identiden versat formam, quam continua imaginatione revolvit, fœtui imprimit. Spiritus enim interni atque humorum affluentia, rei firmiter cogitatæ inducit figuram. Quum amararam potionem alicui offerri contineantur plerique, in ore mox amarorem sentiunt, quem haud dubie vehementer movere imaginationem credendum est. Quibusdam ejusmodi cogitatione alvus eietur: nonnullis, quod mirabile est, ex alicujus rei aspectu, vel fragoræ etiam auditu (quod mihi quandoque usuvenit) stupefcere vel horrere videntur dentes.

*Spectra  
non vident  
fortes.  
Imagines  
fortes gi-  
gnunt timor  
amoris.*

§ 4. Theodorus Byzantinus in ea est sententia, viros fortes raro vel nunquam spectra videre: quod ipsi ob innatam constantiam hæc minime imaginentur. Nam solet timor, præ omnibus aliis affectibus, firmas in nobis gignere imagines: post amor. Scythæ, apud quos homines occidere sacrificium est, cum fortes natura sint ac institutis, neque mortuos neque lemures vident: sic nec latrones. Ejusmodi autem simulachra frequentius obvia sunt pueris, mulieribus, væcordibus, mollibus, atque ægrotis, qui propter imbecillitatem animi & corporis, assidua formidine vanisque insomniis quatiuntur.

§ 5. Aristoteles libro de Motibus animalium secundum communem commentationem, cap. 6. Alterant, ait, phantasiæ & sensus, meditationes. Phantasia vero & intelligentia habent rerum virtutem: aliquo enim modo species intellecta calidi & frigidi, aut delectabilis aut tristici, talis existit, qualis quidem & rerum unaquæque. Propter quod tremunt & timent intelligentes solum. Adde item, quod absentibus sensibilibus, phantasmata remanent, & imaginationes, teste Aristot. 2. Anim. & inde ex motu locali formarum sensibilibus remanentium in virtute phantastica, cum humoribus, in quibus sunt ut in subiecto, apparent aliqua, quæ non sunt. Sic in libro de Somno & vigilia idem inquit: Descendente plurimo sanguine ad principium sensitivum, simul descendunt formæ in imaginatione conceptæ. Est enim imaginatio thesaurus quidam forma-

formatum per sensum acceptatum. Qua ratione possunt dæmones humores & spiritus movere interiorum exteriorumque sensuum, atque ita ad organa species aliquas inducere, quasi extrinsecus dormientibus nobis, & vigilantibus vere occurrerent res ipsæ.

§ 6. Tradit præterea Aristoteles de Somnio, imagines, quæ apparent in somniis, ferri ad caput, & sensuum organa, sicut nubium elevantur imagines, & diversæ animalium facies repræsentantur in vapore aqueo vel terreo, qui à terra per solis calorem ad æris medium effertur: sic & somniorum imagines figuras capiunt diversas, halitus elevatos consequentes: unde vapor cholericus calidus & siccus flammam movere videtur: qui autem surgit halitus phlegmaticus, ex dulcedine, quando ad gustus organum fluit, cognoscitur, somniaque aquam spectantia gignit: sed ex vapore melancholico nigro apparet quiddam horribile, & quasi dæmonum imago: proinde huic velut materiæ suis ludibriis convenientissimæ, diabolus se non illibenter insinuat. Quod autem ex ebolera adusta, quæ melancholia est accidentalis, ascendit, sentitur ut mordax, vulnerans, acre, fellea amaritudine imbutum. Sic etiam quod ex sanguine puro evaporat, pulchrum apparet, & delectabile: cujusmodi est rosarum aut florum aspectus, choreæ, musica, & quæcunque voluptaria cum vanitate conjuncta. Et ad hunc modum fit illusio, ut pro qualitate imaginum, per somnum ex humorum halitu firmitus invecitatum, res ita visæ credantur esse veræ. Phantasma autem illusio, inquit Algerus, magicis congruit & diabolicis fraudibus: veritatis vero assertio divinis sanctionibus. Hinc & Anselmus asserit, Incantatores fascinare & deludere homines, ut credant verum esse, quod falsum est. *De Em-  
thar 1. 9.  
In cap. 3.  
ad Gal.*

§ 7. Dæmones vero, nati à Deo potestatem, species ejusmodi formandi, & eas in animales spiritus imprimendi, talibus formis ostendunt personas modo lætas, edendo, bibendo, saltando, canendo, Venerem exercendo: modo tristes, quæ nihil non mali fabricent vel patiantur: modo humanas, modo bestiales, modo opprimentes, modo volantes, & animæ sensus iis infigitur tanquam rebus ipsis. Hinc fit, quod homini aliquando videatur, se esse asinum sacco coopertum, plerumque aquilam volantem, nonnunquam cum Diana & ejus nymphis vel etiam alio muliercularum cœtu de loco ad locum transferri, ducere choreas, longius peregrinari, & quibuscunque aliis interesse deliriis. Ideoque talia iis fre-

A a

quenter

*Somnorum  
imagines.*

quenter in somniis & nocte contingunt, interdum non item, nisi melancholicis quibusdam & insanis: qui idem vigiles patiuntur, quod alii in somniis. Somnorum ejusmodi imagines appellat Varro, teste Nonio.

*p. p. 9. 70.  
ar. 2.*

§ 8. Nec mirum videri debet, dæmonem potentia sua naturali id valere, cum etiam homo infomnis & sanæ mentis pro suo arbitrio, quas velit in suis organis proponere producereque formas, atque in iis imaginatione conquirere, possit facile: quemadmodum ii omnes qui rerum experitum & absentium desiderio languent, experiuntur. Potest autem diabolus id facilius in consentaneis ipsius furo instrumentis, puta fœminis, aut animi morbo sauciis: quos ejusmodi simulachris, quibus delectari videntur, illudit, effascinatque. Et sicut in ebriis, phreneticis & melancholicis usus rationis vitatur, humorum & vaporum causa: non minus diabolus, qui spiritus est, eos concitare, suisque illusionibus accommodare, & rationem corrumpere Deo connivente potest, ut formæ rerum non existentium, tanquam res ipsæ apprehendantur, cogitatus vinciant, obversentur defendanturque. Hinc Thomas etiam docet, diabolum efficere posse, quod imaginationi formæ aliquæ præsententur imaginariæ.

§ 9. Adhæc, intellectum humanum posse juvari ab angelica intelligentia bona, ut aliquid cognoscatur ejusdem illuminationis ratione, testatur Dionysius. Quum enim intelligere censeatur quiddam pati, potest illa speciem quandam in intellectum imprimere, unde intelligendi actus elicitur. Diabolum autem id ipsum posse virtute sua naturali, quæ non est imminuta, persuadendo, non illuminando, quemlibet fateri oportet: quo vero quis illustratur magis, eo in veri cognitione accrescit uberius, magisque provide sibi ab imposturis præcavet, quas solas suis persuasionibus meditatur dæmonium.

*Quomodo phantasiam hominum corrumpat, & vaticinari  
videatur diaboli, sententia Augustini.*

#### C A P U T. IX.

*de Divinat.  
dam. cap. 3.  
& s. item  
de Spiritu  
& anima  
cap. 28.*

U<sup>T</sup> autem supradictis pondus accedat, Augustinum latius hic differentem adducere placuit: qui dæmones ejusmodi multa posse docet, duabus rebus veluti quadam prærogativa, sensus nimirum.

tum acrimonia, & motus celeritate: sicque hominum sensibus vel ingerere, vel prænunciare, quæ ipsi dæmones futuri sunt, nec ita ab hominibus præ terreni sensus tarditate dignoscantur discernanturve.

Accipiunt enim, ait ille, potestatem, & morbos immittere, & ipsum aërem vitando morbidum reddere, & perversis atque amatoribus terrenorum commodorum malefacta suadere, de quorum moribus certi sunt, quod sint eis talia suaderibus consensuri. Suadent autem miris & invisibilibus modis per illam subtilitatem suorum corporum, corpora hominum non sentientium penetrando, seque cogitationibus eorum per quædam imaginaria visa miscendo, sive vigilantium sive dormientium. Aliquando vero non quæ ipsi faciunt, sed quæ naturalibus signis futura prænoscent, quæ signa in hominum sensus venire non possunt, ante prædicunt, &c.

§ 2. Et post: Quid autem mirum, si quemadmodum medicus in corporis humani vel turbata vel modificata temperie, seu bonas seu malas prævidet valetudines: sic dæmon, in aëris affectione atque ordinatione sibi notas, nobis ignotas prævidet rempestares? Aliquando & hominum dispositiones, non solum voce prolatas, verum etiam cogitatione concepras, cum signa quædam ex animo exprimuntur in corpore, tota facilitate perdiscunt, atque hinc etiam multa futura prænunciant, aliis videlicet mira, qui ista disposita non troverunt. Sicut enim apparet concitior animi motus in vultu, ut ab hominibus quoque aliquid forinsecus agnoscat, quod interim secus agitur: ita non debet esse incredibile, si etiam leviores cogitationes dant aliqua signa per corpus, quæ obtuso sensu hominum cognosci non possunt, acuto autem dæmonum possunt.

§ 3. Adhæc lib. de Trinitate III. 2. docet, facile esse spiritibus nequissimis, per aëra corpora facere multa, quæ mirentur animæ terrenis corporibus aggravatæ etiam melioris affectus. Si enim corpora ipsa terrena nonnullis artibus & exercitationibus modificata, in spectaculis theatricis tanta miracula hominibus exhibent, ut hi, qui nunquam viderant, talia narrata vix credant: quid magnum est diabolo & angelis ejus, de corporis elementis per aëra corpora facere, quæ caro miretur: aut etiam occultis inspirationibus ad illudendos humanos sensus, phantasmata imaginum machinari, quibus vigilantes dormientesve decipiat, vel furentes exagitet?

§ 4. Quare ad Simplicianum scribit: Fallacia satanæ, atque i-

Lib. 2. qua-  
stio. 3.

maginum simulandarum callida operatio, decipiendis humanis sen-

*Lib. de Di-  
vin. dama-  
num cap. 6.*

sibus multiformis invigilat. Fallit autem studio fallendi, & invida voluntate, qua hominum errore lætatur. Sed ne apud cultores suos pondus autoritatis amittat, id agit, ut interpretibus suis signotumque suorum conjektoribus culpa tribuatur, quando vel deceptus fuerit, vel meritus.

*Cap. 12.*

§ 4. Vitiatam quoque phantasiam pulchre depingit libro de Cura pro mortuis agenda, his verbis: Similia sunt somniis nonnulla visa vigilantium, qui turbatos habent sensus: sicut phrenetici, vel quocunque furentes modo. Nam & ipsi loquuntur secum quasi vere præsentibus loquantur, & tam absentibus quam præsentibus quorum imagines cernunt sive vivorum sive mortuorum. Sed, quemadmodum hi, qui vivunt, ab eis se videri, & cum eis se loqui nesciunt (neque enim revera ipsi adsunt, aut ipsi sermocinantur, sed turbati sensibus homines talia visa imaginari patiuntur) eodem modo & hi, qui ex hac vita migraverunt, sic affectis hominibus videntur quasi præsentibus, cum sint absentes: & utramque eos aliquis imaginarie videat, omnino nescientes. Huic rei simile est etiam illud, cum homines alius quam si dormirent, subtrahuntur corporis sensibus & occupantur talibus visis. Ex his enim apparent imagines vivorum atque mortuorum: sed cum fuerint sensibus redditi, quoscunque mortuos vidisse se dixerint, vere cum eis fuisse creduntur: nec attendunt, quæ hæc audiunt, similiter ab eis absentium atque nescientium quorundam etiam imagines visas esse virorum.

*Cap. 28. 26.  
q. 5. epis-  
pi ex concilio  
Lamii-  
rum nostrum  
confessionem  
phantasiam  
esse, ex  
August. &  
Decret.  
constat.*

§ 5. Huc facit, quod lib. de Spiritu & anima tradit Augustinus, & Decreta docent: Quædam futura prædicunt dæmones, & quædam mira faciunt, quibus homines alliciunt & seducunt. Unde quædam mulierculæ post Satanam conversæ, dæmonum illusionibus & phantasmatibus seductæ, credunt se & profitentur nocturnis horis cum Diana Paganorum dea, vel cum Herodiade, vel Minerva, vel innumera mulierum multitudine equitare, vel earum iussibus obtemperare. Quapropter sacerdotes Dei prædicare debent populo, ut noverit hæc falsa omnino: & non à divino, sed maligno spiritu talia phantasmata mentibus fidelium irrogari. Ipse namque satanas, qui transfiguratur se in angelum lucis, quam mentem cuiusque mulierculæ cepit, & hanc sibi per infidelitatem subjugavit, ilico transformavit se in angelum lucis, in diversarumque formarum species & similitudines: & mentem, quam captivam tenet, in somnis deludens, per devia quæque deducit. Et quoniam solus hoc

*2. Cor. 11.*

pati-



patitur spiritus infidelis, nec in animo, sed in corpore evenire opinatur. Quis enim in somnis & nocturnis visionibus non extra seipsum deducitur, & multa videt dormiendo, quæ nunquam vigilando viderat? Idecirco nimis stultus & hebes est, qui hæc omnia, quæ in spiritu sunt, etiam in corpore accidere arbitratur: cum Ezechiel & alii prophetæ, Joannes etiam euangelista & Paulus in spiritu, non in corpore visiones viderint.

Ezechiel. 3.  
2. Corinth. 12.

*De phantastica transformatione hominum in bestias.*

C A P U T . X .

**D**e phantasticæ porro mutationis hominum in bestias opinione, recentior est memoria nostrorum fere temporum, quam ut inter oblitterata possit nesciri. Refert enim Guilielmus Malmesburiensis monachus, in sua historia, tempore Petri Damiani fuisse duas vetulas in via publica qua Romam itur, quales Augustinus appellat stabularias, id est, transeuntes ad hospitia pro mercede suscipientes (nam stabulum proprie hospitium venale & publicum dicitur) quæ in uno commorantes tugurio, una quoque arte malefica imbuitæ hospitem quandoque solum advenientem, in equum vel suum vel asinum mutabant, & certo pretio mercatoribus divendebant. Quodam die juvenem histrionicis gestulationibus victum exigentem, hospitio exceperunt, & in asinum verterunt, multum eo lucrificantes, qui gestuum miraculo distineret transeuntes: nam ad anus mandatum nutumque quocunque modo movebatur. Non enim illi intellectus perierat, sed loquela. Ingentem inde questum fecerant vetulæ. Quo cognito, vicinus care asinum redimit. Cætio tamen hæc à mulierculis adhibita est, ut custodiretur, ne in aquam descenderet. Servatus diu ab aqua, & tandem incautiores natus custodiam, in lacum proximum se conjecit: & ibi se aliquandiu volutans, propriæ restituitur formæ. Cumque ab eodem obvius sciscitaretur ejus custos, num asinum vidisset? ille se efferspondit. famulus ad heram retulit: hærns ad Apostolicum Leonem, virum eo seculo sanctissimum. Conviçtæ anus idem fatentur: dubitantem Papam confirmavit Petrus Damianus, vir eruditissimus, pro lato exemplo de Simone mago, qui suam Faustiniæ imaginem imprellerat. At hæc & similes nugæ eandem sortiantur fidem, quam Apuleji & Luciani metamorphosis meretur. Ex Vincentio hic

Videl. 4.  
c. 22. &  
l. 6. c. 12:  
hujus Operis. Vincent. in  
Spe. natur.  
lib. 3.  
ca. 109.  
Fulgosi.  
lib. 5. c. 11.  
Stabulum.

Mutari in  
asinum juvenis  
figmentum.

Lib. 11.  
Hist.

adde: Pudicam sceminam, in quam amore vesano exarserat Ægyptius quidam, à malefico in equam versam, & à D. Machario Ægyptio heremita restitutam.

Weg. n. 155.

§ 2. Si qui vero obuagari in Livonia & locis finitimis videantur lupi noxii, quos Lamias putant, Germanis Werwolff dicti, ii certe vel veri sunt lupi, in ejusmodi tragœdiam exagitati à dæmone, qui interim horum vagis erroribus & actionibus, delirorum *λυσαιθρία* phantasiæ organa impuit, vitiatque, ut ii se esse excursionum errorum & actionum auctores corrupta imaginatione arbitrentur fateanturque. Nec hoc quidem diabolo esse difficile, ex descripto *λυσαιθρία* morbo cuilibet constat, dum humores & spiritus in hæc ludibria idoneos commovet, potissimum quibus atræ bilis nebulae cerebrum viriare solent, cujusmodi existit fatuum monstrumque id genus hominum. Vel certe dæmones censendi sunt ejusmodi lupi, qui eam assumpserunt formam, ut male credulum hoc hominum genus magis irretirent suis vasraimentis, insontes gravarent, & sanguinis innocentis reum redderent magistratum.

Lib. 4. c. 12.  
hujus operis.

§ 3. Interea ii quise in lupos credunt transformatos, alto immersi somno, diaboli studio, alicubi jacere comperiuntur, quorum somnia iis confundit imaginibus, quas hominum oculis præstigiöse in pueris vel insectandis vel vorandis, sive armento lædendo, aut longe lateque hinc inde vagando objicit veterator ille. Ut certe non leviter mirari oporteat, inveniri viros cordatos, qui delusorum horum hominum confessioni tanquam veraci innixi, mortis sententiam contra eos pronunciare non graventur. Sed uno ab illis verbo mihi responderi velim, utrum vere in lupos transmutati homines credant, necne. Nec concedere, nec vere transmutare creaturas diabolum posse, satis superque demonstratum est libro 1. cap. 24. & lib. 2. c. 8. & lib. 4. c. 20. ubi ex professo penitissime excutitur hoc argumentum. Jam valeant hæc nugæ.

Sabellicus  
de Offensu  
12. 1.  
Cap. 24.

§ 4. Nullum hic locum habet, quod de sceminis in mares veris abstruso naturæ miraculo, Plinius, Sabellicus, Pontanus, & plerique alii scriptores non obscuri, qui libro sequenti adducuntur, tradunt: quum hic solum de phantasticis dæmonum illusionibus agatur.

*Quomodo & quare à demonio demententur Lamie, ut credant  
fateanturque se fecisse, quæ pro suis non potuerunt.*

## CAP. XI.

**C**ÆTERUM veteræ illæ, de quibus hic instituta est oratio, non  
absurde *ἐκ τῶν πνευμάτων* assimilati possent: qui velut rapti extra sese, *ἐκ τῶν πνευμάτων*  
sensuque omni, & motu privati, jacent exanimis similes, & post ceu  
ex profundissimo expergetæ somno, aut à morte ad vitam revo-  
cati, redunt ad sese, & miras fabulas, mira que commenta narrant.  
In hujusmodi vero cogitationes se ingerens dæmon, earum seriem  
texit, hancque variat mira arte & scite, reperitis præteritis, annexis  
præsentibus, & aspersis etiam quibusdam admonitionibus de futu-  
ris, ne in suspicionem anilium fabularum, aut temere cogitatarum  
ineptiarum veniant: inducta etiam persuasione, ut coram spectasse,  
quæ diabolus offudit, imaginentur, ita dementat eos, quos ad talia  
insurpat ministeria, ut sui prorsus non sint compotes: sed velut *ἐκ τῶν  
ἀλλοθιῶν*, ea agitent mente, in eaque intueantur, quæ dæmon obji-  
cit: ex sese nihil faciant, nisi quantum aliquando permittitur, & id qui-  
dem non est à natura alienum, sed ut plurimum apparet rediculum.

*Dæmonis  
indubium  
qui magis  
expofit.*

§ 2. At homines, Augustino teste, malarum rerum cupidi, oc-  
culto quodam judicio divino traduntur illudendi & decipiendi pro  
meritis voluntatum suarum, illudentibus atque decipientibus eos  
per varicatoribus angelis, quibus ista pars mundi infima secundum  
pulcherrimum ordinem rerum, divinæ providentiæ lege subiecta est.  
Id ipsum docent Decreta his verbis: His portentis per diabolorum  
fallaciam illuditur curiositas humana, quando id impudenter ap-  
petunt scire, quod nulla ratione competit eis investigare. Hæc po-  
testas immundis spiritibus ideo datur, ut perniciosos sibi aptent, hoc  
est, pravos homines seducant: illos scilicet, qui spernunt veritatem,  
& credunt mendacio, juxta Pauli sententiam: Sana doctrinam  
non ferent, sed ad sua desideria coacervabunt sibi magistros, pru-  
rientes auribus: & à veritate quidem auditum avertent, ad fabulas  
autem convertentur onerati peccatis: ducentur variis desideriis,  
semper discentes, nunquam ad scientiæ veritatem pervenientes.

*In secunda  
parte, caus.  
26. q. 5.  
Eps. 10.*

*2. Tim. 4.*

§ 3. Hos Paulus vocat filios contumaces, in quibus agit spiri-  
tus ille, cui potestas est aëris, eludens subtilitate & dolo inimitabili  
hæc sua instrumenta, in ipsius inductiones propendunt: nimirum  
has mentis acie læsas, effascinas, maleque feriatas mulierculas:

*2. Tim. 3.  
Eph. 2.*

quas

quas ita dementat, ut quicquid illarum phantasiz suggerit, aut quodcumque etiam malum ab ipso, vel etiam hominibus, Dei abstrusa permissione perpetratum est, aut quæcumque ludibria præstigiis conspicienda illis ostendit, ejus malefuadi suggestione, à se designata (licet phantasmate vel insomniis solummodo nota) perperam credant bis miseræ, quæstionibus subjectæ confiteantur, à propria confessione mortis sententiam audiant, dirisque tandem flammis devoteantur. Sic in ipsius verba juratis, animi & corporis oculorum aciem perstringit cacodæmon, sic sibi addictos demeretur, hoc devotæ illi mentis autoramentum. Hinc pulchre Augustinus: Maligni, inquit, spiritus, quos isti deos putant, etiam flagitia, quæ non admiserint, de se dici volunt: dum tamen humanas mentes his opinionibus velut retibus inducant, & ad prædestinatum supplicium secum trahant.

*De Civ. Dei  
De 11. 10.*

§ 4. Delusionum ejusmodi modus, & quid in iis dæmon valeat, & quid item nequeat, non inscite describitur in eo libro, cui Fortalitium fidei inscriptio est, ubi ita legitur: Decima differentia dæmonum est eorum, qui decipiunt quasdam vetulas, quæ Xurguminiæ sive Bruxæ nuncupantur. Sciendum ergo, esse quosdam homines apostatas in fide, hæreticos & falsos, qui seipsos voluntarie offerunt diabolo: qui & eos recipit, traditque artes inanes, quibus videntur ducentra evagari miliaria, & quatuor aut quinque horarum spacio redire: item destruere creaturas, sugentes eorum sanguinem, atque alia perficere maleficia pro suo nutu ex dæmonis voluntate. At à Satana misere decipiuntur, illudunturque non solum hæc, sed & qui eis fidem accommodant.

*Lib 5. de  
Bellis dæ-  
monum.*

§ 5. Veritas autem rei sic habet. Quando pessima hæc figmenta usurpare statuerint malæ mulieres, sè verbis & unctionibus consecrant dæmoni, qui eis ad opus suum utitur, & cujuslibet earum phantasiam regit, ducitque per loca ab ipsis desiderata: corpora vero earum sine sensu permanent, quæ umbra cooperit diabolus, ut nulli sint conspicua. Et cum in earum phantasias impleta esse, quæ voluerunt, observarit, umbra sublata, propriis motibus illas permittit. A loco autem non fuerunt amotæ, sed phantasiz idolum extitit, quale cacodæmon efformavit.

*Phanta-  
siam La-  
miarum  
quomodo  
regit dæ-  
mon.*

*Explicatio  
primi ca-  
nonis ex  
Concilio  
Aquir. 2.  
pars. caus.  
26. q. 5.  
Volum. 10.  
Traité de  
Lamiis.  
nu. 49.*

§ 6. Ad illum enim errorem tollendum, quod corpore transferuntur, emanavit illud c. episcopi, quod ex distinctione ac recitatione ejus ita probat Joan. Francisc. Ponzibius I. V. doctor: quia post-

postquam fecit mentionem, quod illæ mulieres testarentur se inequitate bestiis noctu, multaque terrarum spacia peragraré: dicatque plurimos hac opinione deceptos, existimantes aliquid numinis ac divinitatis esse extra unum Deum: mandat, ut paret in vers. quapropter, ea omnia reputari falsa, & non à divino spiritu, sed à maligno talia phantasmata mentibus hominum irrogari. Et reddens rationem in vers. siquidem: quia ipse Satan transfigurat se in angelum lucis. cum mentem cujusque mulieris ceperit, & eam per infidelitatem sibi subjugaverit, illico se transformat in diversarum species personarum, atque similitudines: & mentem quam captivam tenet, in somniis deludens, modo læta, modo tristia, modo cognitās, modo incognitas personas ostendens, per quæque devia deducit.

§ 7. Subjungit postea, quod hoc solus spiritus paritur: & quod infidelis hoc non in animo, sed in corpore evenire opinatur. Et adducit exemplum de Ezechiele propheta, qui visiones Domini in spiritu, non in corpore vidit: & quod Paulus non audeat dicere, se raptum in corpore. Ergo constat, quod venit ad determinandum, non solum talia fieri à spiritu maligno, non divino: sed etiam ea & illis similia fieri in spiritu, non in corpore. Et propterea sequitur, quod etiam in casu nostro, licet videantur hæ personæ dicere, se portari à dæmonibus sub hircorum forma, & similiter dicant se credere dominam in cathedra sedentem, esse dæmonem transfiguratum: quod tamen debet dici, hæc & alia, quæ se facere consentunt, phantastice & in spiritu sibi obvenire. Hæc Ponzibii conclusio: qualis etiam est Grillandi, eam exemplo probantis, quod in agro Sabino accidisse commemorabimus infra.

2. Corin. 11.

Lamius in spiritu equitatur. Ezech. 40. 2. Cor. 12.

Tract. de spiritib. q. 7. num. 6.

*An & quomodo & quando corpora per aerem deferre diabolus possit.*

# C A P. XII.

Nec mirum est hoc dæmonis studium, quo miseras animas ludificari, deridere ac torquere conatur. Ita etenim vult imitari atque æmulari, velut simia, quæcunque Dei opera, per angelos bonos expleta: quemadmodum Abacuc prophetam coma capitis ex Judæa in Babylonem revera brevi momento translatum legimus, & postquam suis Daniele placens refecisset, in eundem locum restitutum. Nec vero phantastice tantum in hominum mentibus cum hæc effice-

Diabolus summa Dei.

Daniel. 14.

An spiritus possint corpora transferre.

efficere, sicut dictum ac probatum est : sed etiam vere corpora surripere, ac per aëra ferre, tum ipsius & angelorum naturalis facultas ac *diuinitas*, mirus & experientia testantur.

*Matth. 4.* § 2. Ac primo quidem, quod Dominum nostrum **JESUM CHRISTUM** in pinna templi constituisse legitur. Omnia enim tentationis illius opera corporaliter ac sensibus corporeis fuisse percepta, & diabolus ei tum in humana specie apparuisse, est multorum Theologorum unanimes sententia. Verum in hoc discrepant, an Christus à demone fuerit delatus, & raptus; an vero deductus saltem, ut ipse pedibus eo conscenderit. Sed quoniam diabolicis hoc persuasionibus fieri oportuit, ut Christus eum sequeretur : secunda opinione rejecta, primam major Doctorum pars amplectitur. Dicit enim Euangelista, Statuit : non, adduxit, quemadmodum paulo ante, quod adduxisset eum in sanctam civitatem. Proinde asserimus, quoad Christum, eum corpore fuisse translatum à Satana.

*Thomas in 4 cap. Math vers. Diabolus autem. Diabolus Christum corporaliter transuevit. Thomas d. gl. Albert. Magn. ibid. Bonavent. 2. sentent. lib. 2. dist. 7. Damones, homines per aerem vehere posse. Tract. 99. 1. part. 9. 5. titul. de mirac. & tit. de demon. q. 16. art. 10. in fin. Heb. 2. Rom. 9. 1. Cap. 24.* § 3. Recte autem argumentatur Thomas, quod data possibilitate in uao, per consequens datur in omnibus aliis, qui sunt ejusdem ponderis & magnitudinis. Christus ergo cum per omnia nobis faceret conformis, excepto peccato : hominibus idem evenire posse dæmonis insultu, quid obstat ? Proinde dæmones nihil agere, nihil efficere, nisi quod *quæ rē oīem aērē, ac naturæ suæ proprietatem sit*, posse, jam ante Libro primo demonstratum fuit.

*Ang. lib. 3. de Trin. Dan. 14. Ath. 1.* § 4. Quicquid igitur agunt, non nisi volente quidem ac permitte Deo faciunt, sed sua tamen quadam naturæ facultate : ut in habitu & potentia sæpe majora possint, quam ipso actu, quem nos plerunque spectamus : nec ex eo reliquas eorum artes naturales expendimus, quas præstare non aliam ob causam nequeunt, quam quod non permittantur. Etenim angelicæ naturæ ac spiritibus non est contrarium, ut corpora quo Deus permittit deferant. Satan autem spiritus adhuc est : nec ex lapsu spiritualem ejus essentiam interiisse, jam in principio ostendimus. Atqui angelus per aërem detulit Abacuc : angelus Philippum ex itinere rapuit, ut inventus sit in Azoto : cur idem ergo dæmonem præstare non possit dicemus, si Deus permittat ? ut omnes sentiant Doctores & Canonistæ.

*Quomodo demon corpore transuevit. Tit. de demon. q. 16. art. 10.* § 5. Quæritur tamen haud temere, corporene assumpto, an sine corpore per se, corpus è loco naturali sursum (quod est contra motus corporei naturam) evehere possint dæmones ? Et Thomas quidem eos corpora putat assumere, ut naturaliter ac vere, sicut nostrum aliquis,

quis, hominem transportent: idque duplici ratione motuum ostendere nititur. Ego vero respondeo, primum hoc ipsos eodem facere modo quo angeli: & cum D. Augustino, An veto, si hoc angeli faciunt, ut quælibet animalia terrestria rapiant undelibet, constituantque ubi libet: aut eos sine labore non posse, aut onera sentire, credendum est? Quomodo omnia primogenita Ægypti, tantamque hominum multitudinem unica nocte potuit angelus occidere, ut non præ lassitudine destiterit?

*prima pars  
Tract. 99.*

*Lib. de ci-  
vit. 13.  
cap. 18.*

*Sine corpo-  
re an da-  
mon corpo-  
ra ferat.*

*Cap. 12.*

*Non semper  
diabolus  
corpora per  
aërem ferre  
possit.*

*Falsum.  
arte magi-  
ca homines  
deseri per  
aërem.  
Decameron*

§ 6. Secundo respondeo ac quæro, qui corpus illud assumptum, quod hominem bajulat ac portat, sine alio item corpore per aërem feratur? Naturale enim sit oportet. At sic in infinitum quæremus. Quare non est, quod dicatur, aut angelis aut dæmonibus corpora assumenda ad delationem alicujus circumscripti. Tertio, quotidiana experientia testatur, eos corporibus ad hanc rem nec egere, nec uti: quod ego vidi, & impediui Dei auxilio, sicut Libro primo narraui. Sunt alia multa exempla, quibus & homines à dæmonibus è loco in locum, per iusta tamen spacia, deserti ostenditur, & id ne assumpta quidem humana forma.

§ 7. Neque hinc absurdi quid consequitur, dæmonem scilicet hac ratione multa contra magistratum ac principes, adeoque rerum omnium ordinem effecturum: veluti captivos è carceribus eripere, deliberationes ac arcana principum per homines ipsos manifestare, & eos, qui in aliorum sunt potestate ac ditione, quocunque jure, suis restituere: quemadmodum dicitur, quo tempore Francisci primi regis Galliarum filii detinebantur obsides in Hispania, magum in Galliam evocatum è Germania fuisse, qui tanta credebatur prædictis potestate, ut posset regios pueros per aëra reducere, thesaurosque investigare & transferre.

§ 8. Boccatius etiam refert fabellam de nobili Lombardo, qui in universali expeditione Hierosolymitana, se meritum ingens existimans obtenturum, militiæ nomen dederat, ad occupandam terram Sanctam: discedensque conjugii suæ partem annuli signatorii reliquerat, cum hoc pacto, ut si intra triennium ab ea die non rediret, uxori liberum foret artha hac & symbolo neglecto, alteri marito nubere. Arille, cum in Judæa militaret, captus, ac in Ægyptum abductus, Sulrano, (quem jam olim in Europa peregrinantem, attamen ignotum, hospitio receperat pater ejus) propter parentis hospitalitatem, virique prudentiam ac dignitatem, mox adeo

placuit, ut, probatis diutina familiaritate ejus moribus, tandem cum post se secundum omnibus rebus suis præfegerit. Interea cedente die, ac vertente triennio, postremum in extremam incidit tristitiam. Cujus ubi causam Sultanus expiscatus fuerat, magum advocavit, qui illum in lectulo precioso consopitum, & magna auri gemmarumque vi onustum, postrema trium annorum nocte Papiam in summum templum deferendum curavit. Ubi ædituus eum mane conspiciens, refugit: ac interea, dum aliis de spectro narraret Ægyptio, obviam eum habuit ad ædes uxoris properantem: ac, nisi tum redisset domum, ab alio sponso vesperi ducta fuisset conjunx.

§ 9. At illud de Gallix Delphinibus non successisse, quæstores ætarii tam Caroli V. Imperatoris, quam Francisci primi Gallix regis norunt, & Helionoræ Caroli sororis & Francisci conjugis nuptiæ satis docuere. Hoc autem Boccatii figmentum est: ut & illud, quod ita referam, ut tradunt Galli, de S. Nicolao de Varenguille, quod duobus leucis distat à Nanceo: simile illi quod in Legenda S. Antonii de Hermogene legitur. In ergastulo detentus Lotharingus quidam Constantinopoli, tam robustus erat, ut Turcæ veriti, ne catenas ac vincula disrumperet, torquem ejus collo ferreum applicarent, quinque digitorum crassitudine latum, ac tres crassum, ferreis catenis innoxum. Huic cum in memoriam rediret sanctus patriæ suæ Nicolaus, eum comprecatus, ut intercederet pro se apud Deum, ita consopitur. Postero mane cum pagi ædituus templum referaret, captivum hunc in vinculis dormientem ad fores offendit: ille vero è somno excitatus, in fano S. Nicolai, quem invocarat pridie, se esse agnovit. Re pervulgata, populus accurrit: & post aliquot Alleluja decantata à sacrificiis, quatuor accersiti jubet fabros ferrarios, qui vinculis eum exonerarent. Quæ cum nulla viderentur humana vi posse dissolvi, ecce in conspectu omnium torques dissiliit, & veluti Cerbero,

*Tum stridor ferri, trassæque catene.*

§ 10: Sed hæc & ejusmodi conficta sunt: & ut accendant, minime verendum est. Neque enim justissimus optimusque Deus omnia permittit Satanæ, quæ vel is vellet, vel suæ naturæ subtilitate posset: sed ea demum, quæ decrevit ipse non ad superstitionem stabiliendam, sed tum saltem, cum aut nos ad frugem revocare vult, aut impios punire. Videbimus hoc in caupone, qui propter furtum ac perjurium evestigio sublatu à dæmone, nunquam postea

vifus

*Libello de præcipua Gallia ci-  
vitatibus  
& san-  
ctuariis.  
Ingen-  
tibus.*

*Quando  
corpora de-  
ferat da-  
mon, & an  
lammam.  
Lib. 1. c. 24.  
supra.  
Lib. 4.  
cap. 19.*



visus fuit. Quare nec in lamias nostras, quibus ætas decrepita, phantasia corrupta, & mens læsa, pœnæ loco sunt, dæmonibus hæc violenta ludibria exercere Deus patitur: non enim dæmoni col-  
ludit.

§ 11. Cæterum quomodo sine corporibus spiritus hi corpora per aërem gestent, etsi nos tam exacte nequeamus intelligere, quam possumus nostri motus tarditatem ac rationem: tamen haud admodum mirabimur, si consideremus, quam facile anima nostra carcerem suum & corpus hoc moveat, ut currat, saltet, ascendat. Spiritus enim & liberior & levior est substantia, ducens originem suam ex ipso lumine, quod aut supra omnia est elementa, aut ex summo certe elementorum: tum vero, si quæ ventorum sæpe vi contingunt recolamus: veluti, vaccas ex Iberia cis Pyrenæos delatas. Ecnephias enim & Typho non nisi repentini sunt flatus, quorum hic effert, ille defert, & illis ipso percussus correpta secum in cælum refert, sorbetque in excelsum. Ideo lapidibus pluit sæpe, quod vento sint rapti, & coctis lateribus. In ejusmodi tamen attritu & collisione nubium, dæmones tempestatibus se ingerere, fulmina & tonitrua exacuere, & illis adnitentibus culmina convellere, prosternere sata, trucidare armenta, evertere arbores, similiaque multa efficere, non diffiteor.

*Qui sine corpore assumpti, corpus per aërem ferre possit dæmon.*  
Lib. 1. c. 1: supra.

*Ecnephias. Typho. Tinnius*  
lib. 2. cap. 38. 34.

§ 12. Romæ in Aventino, in templo S. Sabinæ, quod olim fuit Dianæ sanum, saxum nigrum rotundum pender ab uno aræ latere, quo monachi dicunt diabolum petiisse S. Dominicum, Deo supplicantem: non ipsum tamen læsisse, adeo tremuisse ei manus & brachia. Ejusmodi saxea moles etiam Coloniz in templo metropolitano visitur, qua per ejus fastigium injecta, trium regum ( ut fertur ) corpora ibi in summo honore conservata atterere perderetque scilicet voluit diabolus: at ne ea læderentur, retrorsum saluisse perhibetur eadem fide, qua prius illud asseritur.

§ 13. Quemadmodum & illud Chronici Saxoniz, trium scilicet regum ossa, expugnato Mediolano, Reinholdum episcopum camelo imposta misisse Coloniam: ac camelo cum tanto thesauro in itinere perduto à custodibus, hos orationibus & jeuniis tantum obtinuisse apud Deum suum, ut per aëra iterum camelus ille reverfus reliquo cœtui se adjungeret. O crassum nimis & inauditum miraculum. At non levioris autoritatis mysterium in eodem traditur de colloquio Brunonis Hildesiani episcopi & D. Virginis Mariæ in

templo, dum ille octavam Nativitatis B. Mariæ aliquando solennem ageret. Cæterum supradictus ille mihi videtur esse modus, quo dæmonem res quasque corporeas sursum deorsum agere posse existimo, non tamen sine Dei arbitrio ac nutu.

*Corpus non nisi per justa spacia ferri, nec eodem tempore diversis in locis existere potest.*

## C A P. XIII.

*Locale loco  
suo convu-  
nere debet.*

*Matth. 19.*

*Matth. 19.*

*Luc. 18.*

*Corporum  
penetratio.*

*Aristot. 1.*

*Physic.*

*Joan. 20.*

*Luc 24.*

**A**T Q U I mutare essentiam creaturæ, aut efficere, ut unum corpus per aliud sine alterius vel utriusque injuria transeat, aut majus corpus penetret per spacium improporcionatum, ut ita dicam, loco; videlicet quod per foramina domorum exigua ingrediantur tales fœminæ: hæc per dæmones non magis fieri possunt, quam ut camelus transeat per foramen acus. Habetur hoc à C H R I S T O ipso pro *adversariis*. Corpus enim, & quicquid loco circumscriptibitur, hoc est, ut ita loquar, omne *mixtum* ac locatum, debet esse suo loco proportionatum. Alioquin corporum penetratio admittenda esset: quod contra naturam & omne physicum principium est.

§ 2. Nam quod ipse C H R I S T U S clausis januis ad discipulos intravit, id nihil aliud sonat, quam quod indicant præcedentia: Cum clausæ essent januæ præ metu discipulorum, Christus venit ad eos. Non autem, quod non reseraret vel apertæ fuerint. Cur enim non cederent præsentis corporis Christi, & ejus aperirentur claudenturque virtute? Ita veteres omnes sensere. Nam ingressus, corporis sui veritatem ostendit & Thomæ, cui manus suas & latus; & reliquis, quibus pedes porrigens ait, Palpate & videte, quia spiritus carnem & ossa non habet.

§ 3. Vel, si hoc magis placet, licet in resurrectione Christi veritas corporis manet, tamen proprietatibus etiam spiritus mirabiliter ornatur: quæ sunt, esse invisibilem, non moveri de loco in locum, juxta hujus seculi rationem, pertransire per solida corpora nullo impedimento, nullave corporum solidorum læsione, & innumera, id genus alia. Proinde quum Christus post resurrectionem habebat corpus spirituale, non necesse habuit januas aperire, & aërem incedendo dividere: sed, qui erat invisibiliter præsens, quum discipuli de ipso colloquerentur, exhibuit se juxta majestatis suæ

sux potentiam ex improvise visibilem, & in medio discipulorum sensibiliter stantem. Ut & hujus admirandæ revelationis modus fuerit evidens argumentum, quod à mortuis resurrexerit, & cœlesti fuerit gloria ornatus.

§ 4. Nihiligitur istorum quæ diximus, efficere poterit dæmon: multo minus, ut unum corpus uno momento diversis in locis existat. Cum enim omnia in mensura, numero & pondere disposuerit Deus, singula suum habent & pondus, & mensuram, & numerum. Quod *ἀτοπος, ἀμύγητος & ἀκίνητος*, sine tempore & loco movetur, infinitum est: id vero non nisi unum est. Reliqua ergo; veluti spiritus & corpus, & tempore moventur, & loco. Spiritus etiam substantiæ sunt, quæ à loco circumscribuntur: sicut & anima nostra in loco est, quia alicubi præsens est: & localis, quia quod alicubi præsens est totum, alibi non est.

§ 5. Dicunt Jureconsulti: Qui ubique est, nullo in loco esse censetur. At non in est animæ linea, superficies, punctum, sicut corpori: finita tamen est. Ubique vero infinitum est. Finiti autem ad infinitum nulla est proportio. Quod si anima tam est circumscripta, ut cum alicubi est tota, non possit esse alibi: quanto magis terrena corpora? Divus Augustinus etiam de Christo post resurrectionem ita sensit, ut dicat: Quomodo discipulorum, cum esset in terra, contrectatus est manibus: sic eorum, ascendens in cœlum, deductus aspectibus: & ita venturus est, hoc est, in eadem carnis forma & substantia, cui profecto immortalitatem dedit, naturam non abstulit: secundum hanc formam non est putandus ubique diffusus. Corpus enim non est, nisi quod per loci spatium aliqua longitudine, latitudine, altitudine, ita sistitur, vel movetur, ut majore sui parte majorem locum occupet, & breviori brevior, minusque sit in parte quam in toto.

§ 6. His proculdubio de causis beatus Germanus existimavit fieri non posse, ut mulieres nocte simul in caupona essent, & mariti lateribus accubarent. Legitur enim in ejus Vita, quod cum nocte quadam in diversorio mensa iterum à cœna sterneretur, admirans inquisierit ab hospitibus, cui cœna pararetur? eique responsum sit, bonis illis viris ac fœminis, quæ nocte vagantur. Itaque sanctus vigilare statuit, & ecce multitudinem ad mensam, virorum ac mulierum venientem: quibus ille mandans, ne abirent, tota familia excitata quæsit, num quem ex iis cognosceret? His omnes vicinos ac vi-

cinas.

*Corpus n-  
nam duo-  
bus in locis  
non est.*

*Sapient 11.  
Unus Deus  
ubique.*

*Quæst. ad  
Oros. 9. 41.  
August.*

*August. de  
Spir. &  
anima.*

*cap. 18.  
L. flum-*

*sum. 6. 1.  
cundam. de  
leg. 1.*

*Aristot. 8.  
Physic.*

*Epist. 146.  
ad Consen-*

*sum.  
Ad Dar-*

*dan epist.  
17. lib. 1.*

*cap. 2. de  
Orig. ani-*

*ma. ad Hie-  
ron. Quid  
corpus.*

*In vita S.  
Germani.*

*Lamias non  
esse domi si-  
mul &  
alibi.*

In S. Petri  
Ysa.

cinas esse dicentibus, singulorum ædibus perscrutatis, omnes in suis lectulis decumbentes invenit. Itaque statim omnes adjuravit: 'qui se dæmones esse confessi sunt. Sic & Simon magus eadem hora in conclavi cum Nerone, & foris cum populo loqui credebatur. Huc etiam pertinet, quod supra Capite septimo secundi Libri, de præstigiatore magico, Magdeburgi cum equulo in ætra conscendere viso, recensuimus.

*Lamias non invadere eos morbos, quorum se fatentur effe-  
trices esse: nec locum mereri in historiâ, sed inter sa-  
bulas, quæ hac de re leguntur, exemplis ostenditur.*

## C A P. XIV.

Lib. II.  
Hist. Sco-  
tor. lib. 15.  
cap. 80. de  
Variet. re-  
rum. Histo-  
ria mira de  
Duffo rege  
maleficio  
læso, si vera  
esset.

**A**DMIRABLEM bujus argumenti historiam ex Hædore Boc-  
thio historiographo proponam, ab Hieronymo Cardano ra-  
men refutatam: ut hinc de reliquis ejusmodi enartationibus eodem  
censeatur modo. ea ita habet: Duffus rex incidit in morbum, non  
tam gravem, quam cunctis vel eruditis medicis (Scotorum tunc vi-  
vendi modi, corporæque constitutionis, quos nondum peregrini  
invaserant morbi, habita ratione) cognitu difficilem. Siquidem sine  
ullo signo bilis, pituitæ, alteriusve peccantis humoris redundantiæ,  
vel ab humano temperamento lapsus, Duffum sensum afflixit. No-  
ctu enim sub perpetua vigilia decumbens, in sudorem immensum  
solvebatur: interdium vix dolore, quo nocte laboraverat, levatus,  
quieti se dabat. Corpus lenta conficiebatur tabe, effæto similli-  
mum. Hærebat cutis rigida, venas, nervos, & qua forma ac situ  
constituta essent ossa humana, spectantibus ostendens. Suavis ac  
uniformis spirituum à corde motus: quod tactu cordialis venæ,  
arteriæ deprehendere vitale humidum nihil temperie excessisse, de-  
monstravit. Vividus illi color, autium oculorumque vigor in-  
teger aderat, & temperatus: frequentior cibi potiusque appetitus.  
Hæc sanitatis signa in languente, multoque dolore afflicto, cum  
medici admirarentur, & quæ futurum erant partium, egissent, nihil-  
que invenissent, quo superfluous noxiusque sudor coerceretur, aut  
quod somnum provocaret, sed rex in horas magis magisque sudore  
& continua vigilia angeretur: verû ad patientis consolationem  
(nam eorum sententiâ, huic soli locus supererat) precati sunt, ut  
bene de salute speraret, nec sibi deesset: forte, ut externorum me-  
dicami-

dicaminum medicorumque, quos ipsi ocus acciret, ope, quod peregrinus & parum eis cognitus esset morbus, adventare vere, soleque (vitæ in animantibus assertore) ad nos redeunte, sanitatem consequeretur. Obortus est sub id tempus incerto auctore rumor popularibus susurris, regem veneficarum mulierum arte dæmoniacæ, & non naturali morbo tabescentem, per tam longa tempora corpore & viribus confici: eisdemque apud Fortes Moraviæ oppidum, magicam & sortilegam artem in regis perniciem exercere. Horum fama ilico ut ad regis aures pervenit, ne auctus rumor, repropalata, fascinatrices, ut supplicium evaderent, in fugam ageret: mittuntur in Moraviam, qui, an vera essent, quæ ferebantur, perquirerent. Missi nuncii, itineris causam dissimulabant, & veluti incundæ pacis gratia inter Duffum regem & conjuratos Moravos, Fortes adire: <sup>a</sup> noctuque in arcem admissi (steterat ea adhuc in regis fide) ob quàm venetant causam, Donewaldo arcis præfeco, ut imperatum eis erat, exponunt, ejusque fidem & auxilium ad negotium conficiendum implorant. Milites, qui in arcis erant præsidio, tenuit nonnihil hujusmodi rei suspicio. Nam ex profututa quadam (erat huic mater sortilega & incantatrix) dum blandiusculè eam tractaret amator, de regis valetudinis tempore, modo, perpetuitate, quibus Sortibus, quibus magicis carminibus uteretur Lamiz, posteaquam nonnihil audiverat, sodalibus indicavit, & illi Donewaldo, Donewaldus autem regis legatis: meretricemque tempestivam tanti facinoris nunciam (erat ea tum forte in arce) Donewaldus ad se accitam, quæstionibus, quo ordine cuncta gererentur, & in quibus ædibus, ubi fateri cogerat, mittit intempesta nocte milites ad rem omnem explorandam. Hi in sortilegarum ædes foribus vi reclusis, intrinsepentes, sagarum unam <sup>b</sup> cerum simulachrum ad regis Duffi imaginem dæmoniacæ arte (ut credere par erat) confectum, ligneo affixum veru ante ignem torrentem: Moravos alteram, carminibus recitatis liquorem quandam fundentem sensum supra statuam invenerunt. Prehensæ itaque ocus sagæ, conjectæque in vincula, & tractæ simul cum simulachro in arcem, rogæque

Cc

tæque

*Rumoris  
hujus auctor  
esse potius  
Satan.  
Quæsum  
hac aliquis  
novisset, nisi  
dæmonio-  
cum desi-  
gnasset, ubi  
dementias  
anus ad fi-  
liscium e-  
jusmodi o-  
pus perma-  
visse se so-  
verat.  
asparso dæ-  
monis opera  
eo rumore,  
de Duffi  
valetudine  
apud For-  
tes vitata  
à Lamis,  
mulierculas  
demoniacas  
dein in  
ejusmodi  
sudbriorum  
apparatum  
excitare po-  
tuit, ut  
Duffum &  
subditos in  
increduli-  
tate confir-  
maret, ead-  
em fami-  
narum pro-  
curaret, no-  
vasque in  
Moravos  
facies men-  
daciū in-  
cenderet: si  
vera sit hi-  
storia, quod  
minime*

*credo, b Quomodo simulachrum cerum liquefactum potuit ad regis imaginem confectum esse dignosci? Unde in sejunctissimo intervallo, vni totiens, liquoris infusi, simulachri & carminum recitatorum, in Duffum resultat potuit? Quomodo item rex in sudorem solvi quivit, & macie confici liquecente cera, quum cera igni admodum facile & brevi tempore defluat, regem autem longo tempore morbo hoc contabuisse narretur? Quomodo etiam ex consumpta cera mori subsequi? Ob præfatiiores, in figmentum hac anno. Delusus itidem fuit magister Joannes Legereti præfident Sabaudus, qui se magicam componere imagines potuisse confessus est, quibus Philippum Sabaudia ducem laderet,*

*c Huc spe-  
Habes illa  
Sathana  
vox, ut no-  
vu facibus  
regem &  
Moravos  
inflamman-  
tes, prater-  
quam quod  
illa mente  
delusa,  
mortis ob-  
falsam per-  
stitione ob-  
scuremur:  
si verum est  
quod scribi-  
tur, d Hic  
historiogra-  
phum basi-  
tare vides,  
an sagarum  
opera, vel  
quomodo  
omni sa-  
thana, ut  
Duffus con-  
valuerit.  
c De va-  
riet. rerum  
lib. 19.  
cap. 10.  
Superioris  
historia de  
Duffo reser-  
vata.*

etæque ad quid sub noctem carmina recitantes, effigiem regis igni exponerent? responderunt, dum simulacrum igni adhibitum toreretur, Duffum regem in sudore solvi: carminibus vero recitatis, perpetua teneri vigilia, & ad liquecentem ceram magicè confici: consumptam autem ceram, regis mortem continuo subsequituram: ita se malos dæmones do cuisse; ad facinusque exequendum, & mercede à Moravorum primoribus conductas fuisse. Perciti ira astantes ad anus verba, confraeto simulaculo, ut sagas scelus gravi luentes supplicio, flamma consumeret, extemplo curarunt. Fecerunt, sub tempus, quo hæc in Forressensi arce sunt acta, regem languore levatum, & nocte absque sudore quievissè: postridieque redeuntibus viribus, quæ erant humanæ facultatis, prompte egissè, perinde ac si nulla adversa valetudine antea fuisset detentus: verum, & ut res se habuit, Duffus recrefcentibus viribus sanitati brevi restitutus est.

§ 3. Post hujus historiæ, atque ejus argumenti aliarum enarrationem, in hunc scribit modum Cardanus: Doceamus, an inter tot miraculorum commenta quicquam veri subsit. nam maximam eorum partem fabulosam esse, atque confictam, vel ipsi, qui hæc constantissime astruunt, negare non audent. Quæ igitur Boëthius refert, condendæ historiæ haud jucundæ non ignavus author, alligendi lectores causa conscripsit: ut quos Scythica facta morefque, tum regionis descriptio non delectarent, fabulæ saltem tedium minuerent. Neque id vitiosum Historico: sed ubi historia per se sterilis est, licet eam jocis ac fabulis exornare. Quamobrem & jure ab his T. Livius abstinnit: & Herodotus juste damnatur, & Saxo Grammaticus laudatur. Tum vero maxime accedit, quod hæc Boëthius scripta invenit, & factum ipsum extra historiam est. In ipsa autem historia enarranda, utpote moribus gentis, bellis, præliis, numero caëtorum, aut nominibus eorum, qui præliis interfuerunt, quive strenue se gesserunt, familiarum initiis, causis bellorum, temporum ratione, gestis ac serie principum, quibus tanquam membris historia constat, fuit diligentissimus. Quinetiam in his, quæ ad historiam pertinent, nihil tam exiguum fuit (talìa autem sunt, regionis & urbium situs, magnitudo, oppida, insulæ, nemora, montes, plantarum nova genera, animalia quadrupeda, aves, serpentes, pisces, soli fecunditas, ventorum vicissitudines, cæli clementia, stagna, paludes, distantia, cæteraque omnia, quæ rara sunt, intelligendæ histo-  
ria ac-

riæ accommodata) quod neglexerit omiseritve, aut secus, quam esset, enarraverit. In talibus vero existimavit ornandam historiam, seu quod vera esse crederetur, alioquin sacris philosophiæ haud initatus.

§ 4. Quæ autem Berna & Pinnetus (quorum post, ubi de Incubo agitur, meminimus) & noster ille rusticus, vitrum, capillos clavosque evomens, & sonum contracti vitri in ventre, & horarum iæus in corde sentiens, aut videre, aut audire sibi persuadebant, partim vera, partim falsa esse reor. nam vere aliquid videre, diuque in visione perseverare, ni aliquid sit, quod videatur, absurdum est. Vident tamen quædam, tum audiunt: atque causam horum in atram bilem rejicere oportet, quæ partim cibis & potibus, & aëre & more, timoreque paupertatis, partim, à cæli constitutionibus, partim ex consuetudine aliorum delirantium contingit. Habebam ego olim amicum, cui contigit, ut in una harum vallium octodecim menses commorari cogeretur. Ubi redisset ad me, multa de his incredibilia, quamvis philosophiæ haud ignarus, enarrabat. admonui hominem, ne amplius talia proferret, ni pro fatuo haberi vellet, & vitæ periculum subire. Immiscuit itaque se negociis arduis: commutataque victus ratione, dum aliorum consuetudine fruitor, ad se rediit. Seminis quoque ac menstrui sanguinis retentio, pluribus causa est hujus morbi, aut ortus, aut incrementi.

*Historia  
hujus rustici  
lib. 4.  
cap. 7. po-  
tius deseri-  
bitur.*

§ 5. In universum, tribus maxime hæc deceptio constat: atræ bilis imaginibus, constantia ipsorum, qui hac labe corcepti sunt, ac fraude judicum. Nam olim permixtum erat, ut iidem accusarent condemnarentque, ad quos damnatorum bona redibant. Unde ne hos miseros adeo injuste damnare viderentur, multa fabulæ addebant. Cæterum in illorum examine confessionibusque nihil non inane aut falsum, aut inconstans, aut nullius momenti reperiebatur, præter contemptam religionem. Quædam enim Christum abnegabant, aliæ sacrificium ipsum inter vestes consuebant, conspuebant aliæ imagines divorum, atque alia similia perpetrabant.

§ 6. Sublata primum in hos miseros ac insanos potestas fuit à sapientissimo senatu Veneto: cum animadverteret eo progressam illorum lutorum rapacitatem, ut omnino infontes damnarent spe prædæ: neque contentor divini cultus quærebatur, sed divitiarum possessor. Inter hæc exorta est Lutheranorum secta: cumque in hæc, quod per urbes propagaretur, non jam miseri, sed opulenti

*Dominico-  
ni Opes  
aliorum,  
non religio-  
ni quarunt  
iniqui judi-  
ces & in-  
quisitores.*

deprehenderentur, omiffa priorum cura, ad hos converfi funt. Sed nunc cum illis mitius agitur, ut omnia vel ftultitiæ vel avaritiæ plena effe comperiās. Hi ergo ( ut ad propofitum redam ) quandoque fibi videre quædam perfuadebant, atque audire: poftmodum rem ipfam ex propria levitate augebant mendaciis, tum vero mutuis colloquiis ( ut dici folet ) è culice elephas exoriebatur. Nam & plerifque hominibus quandoque aliqua infolita videntur audiunturque: fed ea contemnentes, fanoque judicio abigentes negligunt.

§ 6. Hucusque Cardanus: qui interdum contigiffe quoque perhibet, ut aliquis, quem maleficio affectum voluerint hæ mulierculæ, naturali caufa eodem tempore in morbum maleficio congruum inciderit: quo cognito, à maleficio prognatum effe credebatur, quoniam morbi natura & tempus conveniebant. Sic anui demenstratæ falſa ſuggeſtione phantaſiam vitiat naturalis morbi, illiusque exitus conſcius demon: & reliquos ob incredulitatem eo modo illudi permittit Deus. Quum vero cenſores à rerum naturalium cognitione eſſent alieni, minusque in literis Sactis exercitati, in hiftorias ( quicquid id eſt ) ex ſua opinione retulerunt: quod paulatim auctum exornatumque, materiem uberem huic ſtultitiæ præbuit.

§ 7. Quemadmodum vero huiuscemodi narrationes à compluribus in hiftorias relatæ funt, qui tum ob imperitiam rerum, tum per nimiam credulitatem quicquid aut vulgo dicitur vel jaçtatur, aut à aliis traditur, non ſolum fieri poſſe, ſed etiam revera contigiffe ſibi perfuadent ex ſuperiorum temporum exemplis: quæ cum fabularum ſint involucri teſta, fidem hiftoriæ apud illos ſibi vendicant: ſic illa de Duſſo mendacia, videntur & originem & auctoritatem ſumpſiſſe à poetarum narrationibus de Meleagri Oenci regis Ætolix filii interitu, ſtipite fatali combuſto. Cum enim grandis aper Ætoliam devaſtaret, Meleager ad eum occidendum convocavit proceres. Ex quibus Atalanta virgo cum apum prima vulneraſſet, Meleager ejus amore captus, poſtquam apum occidiſſet, ei caput apri dono dedit. Quod ægreferentes duo Meleagri avunculi, caput virgini volebant auferre: ſed Meleager illos occidit. Tum Althæa ſoror occiſorum, & mater Meleagri, ut necem fratrum vindicaret, fatalem ſtipitem igni imponens, Meleagrum pariter exuſſit. Nam Meleagro recens nato, Althæa mater vidit Parcas igni ſtipitem imponere, dicentes: O puer tam diu vives, quam diu hic ſtipes. Al-

thæa

vid. lib. 2.  
Meleag.  
morph.

ſtipes ſa-  
win.



thæa ergo Patris abeuntibus mox stipitem igni subtraxit, & diligenter custodivit. Jam vero erga fratres pia, sed erga filium impia, illum stipitem rursus igni imposuit: quo combusto, Meleager etiam exustus est.

§ 8. In Annalium Flandricorum lib. 16. scribit Jacobus Meyerus: 1. Legi aliquid horrendum contigisse Atrebatum anno quinquagesimo nono supra millesimum quadringentesimum. Complures scilicet fuisse inhumaniter igne crematos, quinotte occultas copulationes habuere cum diabolo, unde, magnam accepere pecuniam. Viri primarii mulieresque complures indicibus crematorum deprehensi. 2. quidam capti & sævissimis tormentis admoti: 4. alii pecuniæ vi redempti: 5. nonnulli solum vixerunt: 6. quidam vero in pœnis adeo constantes fuisse, ut nihil confiterentur. 7. Fuisse referunt quidam ex judicibus adeo dereptabiles, ut quosdam sibi inimicos indicari curaverint tanquam conscios, reis in tormentis ad hoc coactis. 8. Addunt in nocturnis illis conventibus ex omni ordine statumque mortalium viros mulieresque interfuisse, & eos ibi diabolum in humanam effigiem transformatum adorasse, cujus tamen nunquam videbant faciem, in illius verba mandataque jurasse: 9. convivio ab illo parato largiter epulatos, 10. inde extincto omni lumine quemque cum sibi proxime oblata promiscue concubuisse: siue ope diabolica in sua unde exierant, loca restitutos.

1. Hæc lecta & scripta, ut in hoc negotio diabolico multa alia, ex errore vel confessionis vel judicium vel vulgi.

2. Pecuniam diabolus polliceri vel falsa ingesta opinione, vel apparenter solet, eaque pollicitatione suos ditare: sed non exolvere, imo ejusmodi ludibriis ludificari.

3. Vides judicium imperitiam, iniquitatem, sævitiam & tormenta non ferenda.

4. Quod judicium avaritiam pecunia satiate maluerint, quam in innocentia excarnificari, & ad confessionem enormibus torturis compelli.

5. Ut evitarent sanguinarias truculentissimorum judicium carnificumque manus, licet feminæ innocentes revera existerent.

6. Distracti licet cruciatibus, divina tamen ope in innocentia constantes mansere.

7. Inde liquet, quæ flagitia in carceribus sæpe extorqueantur, potissimum in hoc negotio obscuro & demoniaco, atque à judi-

bus privatæ ultionis, rerumque alienarum nimis cupidis, quinimo insatiabilibus harpyis.

8. Quod ex omni ordine statuque mortalium, &c. scribat, meas fuisse præstigias, nil nisi ludibria, vitiatam phantasiâ, mentem læsam, imo somnia mera, quilibet alicujus judicii, haud obscure intelliget.

9. Somnorum convivium, id quod hora matutina quum surgerent, & more solito post esurirent, facile senserunt.

10. Ubi nullum erat lumen, extingui minime potuit: proinde somnium est merum, uti & congressus ille promiscuus, quum è suo lecto non fuissent moti: quare & sine negotio, & dæmonis ope revera suis stationibus, quas non reliquerant, restituebantur, nihilque verius in tota ea narratione existit. Hoc modo si reliquæ ejusmodi historiæ excutiantur, concidet mendaciorum pallium.

*Stulta lamiarum phantasia, & historiæ ejus argumenti falsitas, ex Joannis Grammatici historia Danica demonstratur. Subjungitur & aliud lepidum phantastica mulieris exemplum.*

CAPUT. XV.

**S**TULTITIA hæc phantastica ut omnium oculis evidentissime pateat, ex Joanne Grammatico ascribam bona fide historiam, ab eo, ut veram, inter reliqua intextam: quam tamen mere mendacem, aut mendaciis egregie excultam (quod equidem cum docti alioqui viri venia dictum cupio) facile is judicabit, qui ad rationis trutinam revocatur, num grato, imo virulento epuli gustu, rationis atque eloquentiæ summum munus, ac manuum feliciter conferendarum donum consequi quis possit. Ita scribit lib. 5. Historiæ Danicæ: Erant Ericus & Røllerus Regneri pugilis filii, patre eodem sati, diversaque editi matre. Matrem quippe Rolleris, eandemque Erici novetcam, Cracam vocabant. Mittitur Røllerus à patre, cognoscendi causa, quæ domi, interim dum abfuissent, essent acta. Is ut matèrnum fumare tugurium vidit, foris accedens, parvulumque foramen furtiva luminis applicatione trajiciens, introspecta æde, animadvertit matrem in furni cacabo coctilia pulmenta versantem. Suspexit præterea tres colubras superne tenui recte depensas, ex quarum ore proflua tabes guttatim humorem epulo ministrabat: dux quippe

*Græcæ sçç*

quippe colore piceæ erant, tertia squamis albida videbatur, reliquis modico eminentius pensa. Hæc nexû in cauda gestabat, quum cæteræ immisso ventri funiculo tenerentur.

§ 2. Ille, rem maleficio consentaneam ratus, silentio, quod viderat, pressit, ne matrem beneficii ream astruere putaretur. Ignorabat enim innocuam anguium exitisse naturam, nescius quantum vigoris illo epulo pararetur. Supervenientes deinde Regnerus & Ericus, ut fumidam aspexere casam, ingressi discubitorum petivere. Quibus ad mensam sitis, Craca privigno filioque una cibum captatis, catillum discoloris dapis admovit. Pars quippe picea, sed croceis guttis interlita, pars albida videbatur: quippe pro varia serpentum specie, geminus pulstem color infecerat. Cujus quum solam uterque particulam delibasset, Ericus non ex colorum habitu, sed interni vigoris effectû epulas æstimans, nigramentem dapis partem, sed succo potiore confectam, catino quam celerrime verso ad se transtulit: albidamque sibi admoram prius Roltero applicans, cœnam feliciter gessit. Et ne mutationis industria notaretur, Taliter, inquit, æstuante freto puppim in proram referri solitam. Nec tenue viri ingenium fuit, industrii operis dissimulationem à navigii consuetudine mutuantis.

§ 3. Ericus itaque fausta jam dape refectus, interna ipsius opera ad summum humanæ sapientiæ pondus evalsit. Quippe epuli vigor supra quam credi poterat, omnium illi scientiarum copiam ingeneravit, ita ut etiam ferinarum pecudaliumque vocum interpretationem calleret. Neque enim solum humanarum rerum peritissimus erat, verum etiam sensuales brutorum sonos ad certarum affectionum intelligentiam referebat. Præterea tam comis atque ornati eloquii erat, ut, quicquid disserere cuperet, continuo proverbiorum lepore poliret.

§ 4. At ubi superveniens Craca concham transpositam, partemque pultis potiore ab Erico comensam cognovit, fortunam filio præparatam, privigno cessisse condoluit. Cui mox gemebunda supplicare cœpit, ne unquam sua fratrem ope deficeret, quem ipsius mater tot novæ felicitatis opibus cumulasset: quippe sapido unius epuli gustu, rationis atque eloquentiæ summam, necnon gerendorum prospere conflictuum gratiam assequutus videbatur. Adjecit quoque, Rolterum propemodum consilii capacem, futurumque ut destinati sibi obsonii prorsus experts non esset. Monuit quoque, si su-  
prema

prema necessitatis violentia postularet, nominis sui nuncupatione remedium celerius esse querendum: affirmans, se divina partim virtute subnixam, & quasi consortem cœlitum, insitam numinis gestare potentiam. Ericus se ad astandum fratri, natura pertrahi dixit: probrosum referens alitem, qui proprium polluat nidum. At Cracam magis propria molestabat in curia, quam fortuna filium gravaret adversa. Artificem enim ingenio suo deludi, magnum olim ruboris incitamentum fuit. Hæc Saxo.

§ 5. Quod nulla creatura, multo minus virulenta anguim tabes extollatitia, gignat rationis & eloquentiæ summum donum, aut prosperitatem in bellis donet, sed peculiaris illa Dei esse munera, tam est manifestum, ut bonatum horarum male impenfarum merito insimulari debeam, si huic convellendæ historiæ diutius immorer. Præterea, si consecutum hoc venenosum epulum ab Erico voratum illis pollebat viribus, quare in Rollii filii usum non denuo adornabatur cautius, maxime cum insitam illam numinis potentiam secum gestaret Craca? nisi mendaces hujus condimenti virtutes semel alicui edenti consecraras, cum benedictione qua Isaac filium suum Jacobum confertim extremo bearit, conferendas, ridicule quis urgeat. Mirandum interim summopere, tam manifesta mendacia à præclaris illis ingeniis inter res verè gestas describi, citra præmonitionem commentis alicubi lecti vel auditi: sic turior earum foret lectio.

§ 6. Porro ex Chronicis Angliæ hanc Rogeri historiam similis fidei, uti & superiores non paucæ fuerunt, hic annexere volui in gratiam cujusdam Galli, qui seculo nomine Leonem Suavium nuncpat, & in Compendio Paracelsicæ doctrinæ occasionem me reprehendendi emendicans, forte quod nonnihil vere nimis de Paracelsi asseclis narrarim, inter alia admodum frivola objicit, quod historiatarum authoritati fidem derogem. Cui hoc nomine justa apologia ita satisfactum iri arbitror, ut non temere post hac prurientem calamum in me immerito sit stricturus: quemadmodum & Gerardum Dorn Paracelsi discipulum irritavit, à quo digna defensione, ut debuit, exceptus est.

§ 7. Historia hoc modo describitur: In insula quadam Deysa fuit quædam puella, à cujus nomine insula dicta est, quam licet miles quidam deperiret, in ejus tamen complexum non admittebatur, quamdiu viveret. Defunctam vero iniit, iis verbis subjunctis,  
Quod

Quod cum viva mihi denegatum fuit, cum mortua perpetui: moxque ingressus in cadaver Satan, inquit, En excrasti in me filium, eumque prognatum tibi deferam. Post novem inde menses filium abortiit, eumque ad militem pertulit hoc mandato: En quem excitatum à te filium, cujus abscissum caput tibi reserva. Quando-cunque enim hostem vincere, vel substantiam ejus corrumpere voles, capitis abscissi vultus disco tegatur, respiciens hostem tuum vel illius bona, & uestigio interitum sentient. Quum vero desinere volueris, vultus deregatur, & cessabit calamitas. atque ita contigit.

§ 8. Multo post tempore miles ille uxorem duxit, quæ sæpius ex eo sciscitari solet, qua arte aut ingenio sine armis & auxilio suum vinceret hostem? hic rem aperire noluit, imperato uxori silentio: quæ tandem eo absente arcam referavit, in ea se aliquid inventuram, quod huc faceret, sperans: attonita autem ad abominandi hujus capitis aspectum, confestim illud in Gulfo Sataliæ abjecit. Eiusmodi historiarum patrocinium suscipiat noster Suavius, earundem fide prius inquisita, & pondere exactius pensiculato, ac penes æquum Lectorem ster justa censura.

§ 9. At fabularum pertesus, factum verum subnectam, non illepidum, nec à nostro instituto plane alienum, effertur cujusdam mulieris phantasticæ. Phantasticos enim quandoque à communi sensu devios appellat vulgus: & phantasiam, intellectus vel rationis, vel cogitationis depravationem. Ea misera in Waldassia conficiebat pharaca, & vaticinabatur circa annum 1555. Quamobrem ab earum ditionum administro ad quæstionem vocata, volens interrogata deludere, amentiam aliorum exprobrabat, qui eam sectantentur. Cum vero tormentorum minis gravius premeretur, se inquit ex eorum esse numero, qui vagabundi Germanis dicuntur spiritus, & quotannis quater corpus quasi exanime relinqui, spiritu interea longius evagante ad solennes cætus, convivia & choreas, quibus quoque interesset Cæsar: atque sibi codicillorum à Cæsarea majestate donatorum autoritate, licere medicari, futura prædicere, nec non spiritu evolante eos celebrare conventus. Jussa eos ostendere, protulit literas Latinas sacræ initiationis N. sacellani Cæsareæ majestatis, nunc episcopi, in expeditione versus Saxoniam Egeræ perditas: item Agyrtæ cujusdam schedas addidit, quibus ille sua unguenta, & execrandi calculi artem, idque genus reliqua prædicabat.

Phantastici

Phantasia.  
Historia  
vera.

D d

§ 10. His

¶ IO. His testimoniis subnixâ male feriata, ac à dæmone pro-  
culdubio delusa (si ex animo hæc dixerit) anus, nihil non sibi licere  
in propinandis pharmacis & divinationibus confidebat. Sed ut de-  
sisteret resipisceretque ad monita, exilio pangebatur. Interim ta-  
men sibi restitui codicillos maximopere cupivit, sine quibus nullum  
felicem successum ex arte consueta sperari posse, persuasum fortassis  
habuit. Corpus autem ejus tanquam exanime visum esse quam alii  
assererent, illi ignem admoventi, si denuo ita spectaretur, prudenter  
antea admonuerat Waldassix olim administrator Dominus HEN-  
RICUS WESTIUS, LL. Doctor consultissimus, nunc Cancellarius  
Clivix dignissimus, qui hæc mihi ordine retulit. Legerat is fortassis  
in libro Conformitatum, de fratre Rodicosano apud focum domi-  
nente, cujus manui dæmon ignitam carbonem adjuoverat: quem  
alter mox expectatus, ex diaboli manu eripuit, ut eo illam feriret,  
nisi evanisset.

Pol. 64.

*Aerem nullo modo à Lamiis turbari posse, & quomodo in  
hanc potentia sua persuasionem à diabolo inducantur:  
item fruges non extantari.*

#### C A P. XVI.

In ære  
concitando  
quomodo à  
dæmone il-  
ludantur  
Lamia.

SINGULARI insuper ratione in ære concitando illudantur hæ  
Saniculæ à diabolo, qui simulatque ex elementorum motu, & na-  
turæ cursu, citius faciliusque quam homines, mutationem æris &  
tempestates fore prævidet: vel alicui insipientiam ex abstrusa Dei  
voluntate plagam, cujus ipsum spectat exequutio, intelligit: tunc  
harum muliercularum mentes agitat, variisque imbuunt imaginibus,  
& suggestionem multiplici, quasi ob invidiam in proximum, vel ob  
vindictam adversus inimicum sint ærem turbaturæ, tempestates ex-  
citaruræ, & provocaturæ grandines.

§ 2. Itaque eas instruit, ut quandoque: silices post tergum, oc-  
cidentem versus projiciant: aliquando, ut arenam aquæ torrentis  
in ærem conjiciant: plerunque scopam in aqua intingant, cœlum-  
que versus spargant: vel fossata facta, & lotio infuso vel aqua di-  
gitum moveant: subinde in olla porcorum pilos bulliant, nonnun-  
quam trabes vel ligna in ripa transverse collocent, & alia id genus  
deliramenta efficiant: atque ut arctius eas Satan illaqueet, diem  
& horam sibi dictis rationibus notas præfigit. Quam vero succes-  
sum

sum hæc vident, nimirum quascunque desideratas in aëre turbationes, magis confirmantur: quasi eventus hic subsequatur ipsarum operationem, qua ne aquæ quidem stillam elicere possent.

§ 3. Nec sanæ mentis hominem opinari decet, futuri vesanarum muliercularum actioni obedire elementa, & ad harum nutum institutam à Deo naturalium rerum seriem impediri vel inverti: quod haud dubie contingeret, si harum arbitrio tempestates, pluviae, grandines & fulmina inservirent, ut quandoeunque & quomodo hæc jubeant, ea insequantur: sic quoque divina potentia ab humana voluntate superaretur, tanquam in servitutem redacta, ut pulchre docet Hippocrates.

*Inhibet de  
Epitaph.*

§ 4. Recta itaque erit sententia hæc Senecæ: Rudis ad hæc antiquitas credebatur, & attrahi imbres cantibus, & repellere: quorum nihil posse fieri tam est palam, ut hujus rei causa nullius philosophi schola sit adeunda. Si autem maligna imprecatione, aut certa verborum obmurmuratione, se aliquid non vulgare perpetrare posse, in animum introduxerint, cum Socrate dixerim, incantationes esse verba animas decipientia humanas aut secundum interpretationem, aut secundum timoris incussionem, aut secundum desperationem: quæ sane ne pili quidem faciendæ sentio, quum nullum effectum revera naturaliter producere queant, nec ob id etiam sanitatem in morbum commutare, quanquam iis se posse falso arbitrentur vetulæ. At ejuscemodi morbi à diabolo, connivente Deo, ob horum hominum incredulitatem, maleque conceptam de sagarum potentia opinionem, sæpenumero accersentur infligunturque.

*Incantationum verba  
nihil posse.*

§ 5. Idem dictum volo de frugibus, quæ nullo modo incantationum verbis aut imprecationibus lædi possunt, sed à dæmone quidem, Deo concedente, vel veneficiis: multo minus eæ queunt alio traduci, aliam licet opinionem ex poetarum uberibus suxerint veteres, ad nos quoque derivatam. Hinc celebratur illa duodecim Tabularum lex:

*Agrum  
non posse à  
lamina ex-  
cantari, nec  
ladi, sed à  
dæmone vel  
veneficiis.*

QUI FRUGES EXCANTASSET, POENAS DATO:  
NEVE ALIENAM SEGETEM PELLEXERIS EXCANTANDO:  
NE INCANTANTO, NE AGRUM DEFRUGANTO.

*Sub tit. de  
Injuria, or-  
isque de-  
lictis l. 9.  
al. tit. 11.  
Plinius.  
XVIII. 6.  
C. Furii  
Crespi.  
carmina.*

§ 6. Vera autem carmina & veneficia quibus segetes pelluntur, atque in agrum transferuntur, docet C. Furius Cresinus: qui è servitute liberatus, cum in parvo admodum agello largiores multo fructus perciperet, quam ex amplissimis vicinitas, in invidia

erat magna, ceu fruges alienas pelliceret maleficiis. Quamobrem à Sp. Albino curuli die dicta, metuens damnationem, cum in suffragillum tribus oporteret ire, instrumentum rusticum omne in forum attulit, & adduxit filiam validam, atque (ut air Piso) bene curatam ac vestitam, ferramenta egregie facta, graves ligones, vomeres ponderosos, boves saturos. postea dixit: Maleficia mea Quirires hæc sunt: nec possum vobis ostendere, aut in forum adducere lubricationes, vigiliæque & sudores. omnium sententiis absolutus itaque est.

*Opes congregandi modus non magicus.*

§ 7. Aliam, at non tam laudabilem fruges opesque pellicendi, haud tamen magico carmine rationem, ob facti raritatem hic obiter interferam cujusdam civis oppidi non ignobilis apud Ultrafulanos, qui viro doctrina & virtute celeberrimo eam ipse explicuit, ac se ipsa re successu mire prospero expertum adjunxit. Hic in cœlibatu perstitit levibus primum divitiis dotatus, propria domi quadra victitans. Quolibet autem die sabbathi, lactis ebutyrati, quantum in septimanam integram pro alimento sufficeret, vili redimebat stipe, idque intrito pane secalino totum octiduum prius sinebat aclescere, quam eo frueretur, ne recentioris delictis affectus nimis, ejusdem quoque nimium absumeret. Illo oxogalactis condimento non modo famem, sed & sitim sedabat, seque recreabar, quum & cibi & potus locum suppleret. Ubi tamen vel festiva temporis celebritate aut læto spiritu incitatus, liberalioribus epulis genium exhilarare, & perbelle cuticulam curare vellet, accedebat priori mensæ secunda ex ovo uno aut altero: in quem usum & gallinam splendido pulmento, nimirum sui stercoris alebat. Cæterum adversus frigoris qualescunque injurias se quoque singulari dexterritate muniebat, gestando scilicet in supremum tabulatum, deinde rursus deportando, donec incalesceret, quos paucos ligneos fascies semel coëmerat. Hac arte perpetuo

*Aliebat nudo clausa culina foco:*

Nec ullo opus illi erat lumine, præterquam cœlesti, solis quippe & lunæ: rempori siquidem inservire, eique se conformare novit non minus quam hirundo, ciconia, aut ulla sic laritans bestia. Enimvero toto anni decursu sole decumbente, simul & ipse decumbebat: eo item ex oriente, ipse quoque apparebat: at lunæ usura erat rarior. Adhæc sua lintrea non minori frugalitate eluebar subinde, saponis loco gallinæ suæ stercore illito. Ejusmodi providentiæ lucro sine ullis



ullis sumptibus domum aluit sustinuitque, & affectui ita satisfecit, ut quicquid ex suis facultatibus quotannis rediret, in redituum usuram deponeretur: sic tandem in divitem evasit virum hic Euclio, si dives sit dicendus, quem bona possident.

§ 8. Etsi hanc artem liberali detexerim animo, ne tamen imitari studeat ullus, protestatione minime opus fore sperate volo. Verum quid accidit? quod non minus pulchre quam vere Comicus cecinit, *Tenax requirit prodigum.*

Vix enim balitum reddiderat extremum, quum circa finus, mutata rei domesticæ forma, vario potus genere ita defunctum lugerent hæredes, ut etiam in eundem à calumniis ob avaritiæ incomparabilis dedecus non abstinere, seque alio modo inituros jactabant rationes: nec defuit eventus. Quicquid enim hoc tenacitatis studio multis congestum fuit annis, id breviori tempore non tam laboriose dissipabatur prodigialius. Sed ad institutum.

§ 9. Porro ex rationibus supradictis non immerito admirari summopere, graviterque ex animo dolere cogor, annis superioribus apud ea Imperii, eique contigua loca, ubi clarius sonare Evangelii vox creditur, vitiarum tempestate vineam, & disjectam, quæ adhuc in herba erat messem, non ad Dei vel probantis vel punientis manum, mentis oculos convertisse magistratus: sed ea neglecta, ad deliras lubricæque mentis mulierculas numero plures respexisse, easque in squalidos carceres, dæmonum hospitia & diram carnificinam pertraxisse, ubi in excitatæ tempestatis & investæ jacturæ confessionem adauctæ, Vulcano solenniter consecratæ sunt.

§ 10. Mente autem delusas fuisse à diabolo, qui earum phantasiam ludibriis præstigiisque corrumpit, ut se fecisse, quæ non potuerat, confessæ sint (quemadmodum solent obsessi, melancholici, incubo pressi, Lycaones, cynanthropi, dementati, fatui & pueri) dubium est minime. Non enim mulieris malitiosæ, aut alterius maligni hominis voluntati & potentie ærem vel elementa, ut pro illorum mandato noceant, subjecisse justum & multæ miserationis Deum, satis demonstratum est. Si diabolo potestas est aeris, hic Dei solius permissionem desiderat expectatque, nocendi semper cupidissimus: ut hoc nomine absurdum errorem esse, ingenue dicam, si quis mulieris vetulæ, amentis & maleficæ imperio subjici diabolum credat. Ephes. 22

§ 11. Hæc quidem ita illi subjacet, ut cogitatione, sermone & actu, illius sæpe voluntati morem gerat: verum ipse profecto hujus

nutui pro sua libidine obsequi potest minime, etiamsi uterque idem experat, cum Dei solius semper, & quandoque fidelium ejus ministrorum edicto obedire compellatur. In rebus corruptendis aëris conturbati violentia, vel quocunque modo, unius Dei nutum & consensum præstolatur spiritus procellarum, ubi suos vel explorare vel castigare instituit Deus: ejus ministri veri, in Christi nomine, dæmonium subinde pellere poterunt. Proinde hos, qui veritatis luce ac radiis sibi oculos configi arbitrantur, in aliam decuit traducere sententiam & magistratum & plebejos: & quum sedulo gravique sermone ab idololatriæ flagitio auditores revocare conentur, hanc quoque ejus nefandissimam speciem explicare oportuit, qua Lamiis attribuitur id, quod solummodo ad Majestatem divinam pertinet, tempestates nimirum pro suo arbitrio ciere, & grandinem pollicere: item quando in rebus afflictis eousque dejicitur animus, ut superstitem adhuc esse Deum, qui opem ferre queat, vix credatur.

§ 12. Si quæ fatentur dementatæ anus, præstare valerent, vix in generis humani sustentationem frumenta superessent: immo nihil in rerum natura incorruptum permaneret, nec quidem ipse homo consisteret: proinde etiam non tanto opus esset apparatus in bellis, ubi nihil non instrumentorum & materierum pestilentissimarum cum gravissimis sumptibus effingitur, quo hostis in perniciem cogi, ager funditus corrupti, segetes prorsus dissipari, vires radicitus evelli, aquæ penitus vitari queant: solum hic ejusmodi vetula, quam Lamiæ dicunt, voto & opinione celerius, unico nutu non modo hæc efficiet, verum etiam copias ita affliget, urbesque & regiones conquassabit, ut se felices fore sint speraturi adversarii, si in deditionem permittantur.

§ 13. Quid hic opus sumptuosis tormentis? quid pulveris illius diaboli mole? quid globorum & sphæularum acervis? quid mixto in funestiore perniciem lardo, vel quacunque alia peste? quid igne in exurendis oppidis, arcibus & pagis? quid numerosa illa manipulorum, & potius mancipiorum Satanæ caterva? quid equitum cataphractorum turba? Unica hæc nostra Empusa, sola Lamiæ, omnipotentiam hic suam ostendet: quæ etiam in Turcam erit ableganda, ut à subsidii in perpetuum Christianismi hostem colligendi onere Germania semel sublevetur libereturque. In media profecto luce cæcutuisse videmur, qui amplam hanc occasionem tam stupide neglexerimus. Sed dæmonis ope sublimia hæc operari nostras

nostras sagas, nec illius auxilium à Christianis admittendum esse, respondebitur.

§ 14. Hic vicissim mihi explicari velim, cujus ope dissidia seminentur propagenturque inter Christianos: cujus instinctu & adminiculo hos, & cum prius principes, adeo temere, frequenter ob rem nihili, fastu vel insolentia turgidos bella movere, urbes pacificas evertere, regiones vastare florētissimas, sanguinem innocentem quam possunt affluentissime cum multa tyrannide effundere contingat: ubi violentiæ, stupri, adulterii, rapinæ, prodicionis, latrocinii, & nefandissimorum quorumcunque scelerum tam in amicos, quam in eos, quos hostes vocant, quinimo dæmoniacæ colluviei & flagitiorum satanicorum frequentissima schola & asylum securissimum? Quis hic architectus, quis Imperator, quis dux & rector? Nonne cacodæmon? Si itaque exitiosis id genus monstris quibuscunque & diaboli organis in bellis locus est, quare ille denegabitur nostris Lamiis: quæ non vulgari ratione, secundum horum hominum opinionem, omnia perdere, cælum terræ miscere, & hostem in ordinem redigere poterunt, etiam absque sanguinis effusione, si ita volēs: vel cum gravissimis ejus cruciatibus, pro suo arbitrio & libidine, citra ullam hæsitacionem, & sine sumptibus? Nam de Lamiarum potentia persuasionem ad nos à mendacibus poetis derivatam, in multorum etiam piorum animis tam tenaces adhuc egisse radices, ex animo frequenter lugeo. ad durum illud flagellum peccata nostra mereri certum est.

§ 15. Quanquam vero, dæmonis instinctu dicta facinora perpetrare homines, objicietur: & vice versa, diabolus ex pravorum hominum suggestionem & voluntate quoque operari: hic respondeo, ea non consequi necessario: & oportere distingui rerum substantias, unde actiones producuntur. Alia enim est proprietas dæmonis, Dei spiritus ministratorii: alia terrestris hominis. Ille quidem ut spiritus, in hominem se insinuare, eumque agitare potest, unde dæmoniacus, vel à dæmone obsessus dicitur homo: nequit tamen in dæmonem spiritum se vicissim ingerere homo terrestris, ut inde similiter nomen mutetur, opereturque.

§ 16. Grassante crudeli bello inter reges Daniæ & Sueciæ anno 1563. ex castris Danicis scriptum est: Sueciæ regem inter suas copias circumducere quatuor vetulas Lamas, quæ carmine omnem Dano præpedirent victoriam, ut nullum posset hosti facere damnum:

num:& si qui à Succis rege cingerentur obsidione, redderentur imbelles, atque in deditionem proni. Ac licet famæ huic prius nulla fuisset data fides, postea tamen unam ex his Lamiis captam fuisse à milite generosi comitis à Schwartzemburch Gunthardi, ducis exercitus, quæ ea confiteretur, scripto addebatur: quemadmodum & circa vias in puteis & locis aquosis limosisque inventa fuisse extracta longe fila, quibus lignæ cruces multæ aliq; characteres appendebant.

Levii. 30.  
Dm. 18.

§ 17. Si vera est historia, graviter utrinque delictum est contra manifestum Dei mandatum: à Succis, quod vetitam opem accierint: à Danis vero, quod sibi à magicis illis præstigiis & dæmonum ludibriis timuerint. Enimvero amentes illæ anus revera nihil hic potuere, quanquam secus fortassis erant persuasæ à mendaciorum architecto. Cæterum permittit sæpenumero Deus iusto suo iudicio, eos, qui dissidia volunt, in reprobum tradi mentem, & ad foliorum arborum agitationem pertimescere exhorrescereque.

§ 18. Ne autem inaudita talis in bellicarum desperationum conatibus videatur machinatio, ascribere non gravabor, cujusmodi flagitium ad extorquendos dæmoniacis fraudibus imbetes è clausis cælis non minus docte quam pie enarret Joannes Jovianus Pontanus lib. 5. belli, quod Ferdinandus Senior Rex Neapolitanus cum Joanne Andegavensium duce gessit. Hæc doctissimi viri sunt verba: Ex jam prima rubescbat aurora, quum hostes conspicati ascendentem militem, superantemque montis ardua, relicto castello, tormentisque, non expectato primorum ascensu, cum captivis per montes citato gradu Sueßam se recipiunt. Rex territabundus, quamquam oppidanis excidium, direptionem eademque minitabatur, irritum tamen incepto paucis post diebus inde abiit.

§ 19. Verum enim irritam obsidionem, urque incassum cederent conatus tanti, fusus repente cælo nimbus efficit, laborantibus ac penè enectis sui popularibus. Nam quod menses aliquot nullos aër imbres dederat, & quod in cisternis erat collectum aquarum, id omne exhaustum cum esset, languentibus maxime agrestibus, cundis denique ob aquarum inopiam extrema metuentibus, nefarium ad sacrum magicaque ad maleficia concursus est: quod in fumis miseris ultimaque aquarum penuria perditissimis à sacerdotibus commentum esset, dum impie agendo, Dei simul iras & aërisurbationem ac tempestates exciunt.

§ 20. Inveniti enim ex oppidanis atque obsessis sunt, qui nocturnis

sturnis in tenebris, deceptis castrorum vigiliis, per asperissimas rupes furtim profecti ad litus, trahentes secum imaginem affixi ad crucem Christi, maledictis illam prius ac diro persecuti carnine, post in mare execrabili immerferint, cælo, mari, terrisque tempestatem imprecanti. Quo etiam tempore sacerdotes quidam mortalium omnium scelestissimi, dum satisfacere profanis militum artibus student, ritum nefarium secuti, quo, ut dictum est, in huiusmodi necessitatibus elici imbres putantur, asino pro ædis foribus constituto, tanquam agniti animam cecinere funestum carmen. Post divina eucharistia in illius os palatumque injecta, conclamatum asinum funereis cantibus, vivum tandem ibidem pro templi foribus humavere.

§ 21. Hic vero vixdum perfectæ sacro obnubescere aër, ac mare agitari ventis cum cœpisset, diesque medius offundi tenebris, ac nunc cælum micaret ignibus, nunc lux omnino eriperetur, tonitru cælum terræque horrescerent, volitarent evulsæ ventis arbores, descissaque fulminibus saxa complerent auras fragoribus, prorupit tanta è nimbis pluvia, imbresque tam validi, ut non cisternæ modo colligendis aquis satis non essent, sed arentia saxa rupeque exustæ solibus torrentes undequaque prolapsos diffunderent. Itaque rex, qui sola in siti poriundi oppidi spem collocaverat, frustra ab ea habitus, ad Savonem vetera in castra rediit. Cæterum existimare Deum iratum, beneficium pro scelere referre, neque pii est hominis, neque rerum naturæ callentis, atque pervestigantis causas. Quo enim majores invalere hyeme sive æstate ætus, cœlique ac terræ siccitates, eo tempestates consuevere post sequi fœdiores, nimbique magis procellosi. Adhæc, si quando naturales tempestatum turbines prævidet diabolus, tunc ad prædictarum blasphemiarum studia excitat, quos ejusmodi impictatis cultores noverit.

§ 22. Bellicis porro motibus digressus nonnihil, ad tempestatem Germanicam, cujus paulo ante memini, revertor. Hic nec illud silentio erat sepeliendum, quod quum ea in illis grassaretur oris, eodem tempore varium procellosarum earum nubium exortum defixis oculis se vidisse, & attentius observasse in diversis, etiam longe diffitis provinciis, nimirum ducatu Wirtembergensi, Franconia, Bavaria, Saltzburgo, Vienna, mihi asseruerit vir nobilitate, prudentia, multijuga lætione & vario rerum usu eximius, qui citatis equis die noctuque citra ullam cunctationem iisdem diebus

Ec

per cas

per eas festinantissime pervolabat ditiones ad Cæsarem, tractum tempestatis & damni illati ubique singulari considerans studio: nec animadvertisse quicquam, quod ad Lamiarum opus potuerit contorqueri, ait.

§ 23. Cum stupenda se adhuc admiratione exceperit affirmavit, quod rediens ex hospitis relatu in itinere cognoverit, quasdam feminas apprehensas, carceribusque traditas esse, ob accitam tempestatem damnosam, maxime apud eos, quos alia mentis oculi acie de diaboli potentia, & defusarum sagarum ludibriis censere decuit, quam facere vulgus solet, propter peculiare & indefessum Theologiæ purioris studium, cui se hi mancipasse creduntur: unde non obscure licuit elicere dilucidos ejusmodi plagarum autores & causas.

§ 24. Exemplum in Jobo minime dubium proponitur. Punitiois quoque similis minæ evidentissimæ in Prophetis leguntur, adversus eos, quibus ad divinæ vocis monitionem aures obduerunt. ut Aggæi 2: Percussi vos vento urente & aurigine, atque omnium manuum vestrarum opera, & non fuit, qui ad me converteretur. Et cap. 1. Ponite corda vestra super vias vestras, dicit Dominus. Seminastis multum, & collegistis parum, &c. Et infra: Respexistis ad amplius, & factum est minus: & intulistis in domum, & ego exufflavi illud. Propter hoc, inquit, super vos prohibiti sunt cæli, ne darent rorem: & terræ prohibitum est, ne daret germen suum, &c. Item Joelis 1. Dissipata sunt horrea, disjectæ apothecæ, confusum est triticum, ingemuit animal, &c. Levit. 26. Si non feceritis mandata mea, dabo cælum vobis desuper ferreum, & terram vineam, & consumetur in cassum labor vester, &c. Si autem in præceptis meis ambulaveritis, dabo vobis pluvias temporibus suis, & terra gignet germen suum. His & Joelis 2. rerum ubertas promittitur: Zelatus est Dominus terram suam, & poperit populo suo. & dicit: Ecce ego mittam vobis frumentum, vinum & oleum, & replebimini in eis, &c. Ecclesiast. 39. Bona bonis creata sunt ab initio, sic nequissimis bona & mala. Initium necessariz rei vitæ hominum, aqua, ignis & ferrum, sal, lac & panis similagineus, & mel & botrus uvæ, & oleum & vestimentum. Hæc omnia sanctis in bona, sic & impiis & peccatoribus in mala convertentur. Sunt spiritus, qui ad vindictam creati sunt, & in furore suo confirmaverunt tormenta sua. Et in tempore consummationis effudent virtutem,

*capite item  
Deus. 23.*

tutem, & furorem ejus, qui fecit illos, confundent. Ignis, grando, fames & mors, omnia hæc ad vindictam creata sunt.

§ 25. Ex animo itaque præmonitos volo eos, qui in prædicto errore etiamnum conquiescunt, nec in aëre turbando Dei manum citra hominum cooperationem agnoscere volunt, in vestraque inde damna hominum arbitrio imputant, ut resipiscant adhuc, ad quam vocem si eorum ut præfractorum occultaverit animus, in tam inextricabilem diaboli labyrinthum eos provolutum ita præfatio, unde nullum educere poterit Thesei filium, sed solius misericordis Dei filius: tam frequentes sacrificinas architectabitur accumulabitque Dei & hominum hostis ut juratissimus, ira & sanguinis innoxii cædiumque impiarum silentissimus Beelzebub. Nec dubito, quin oculis palam hæc proponer eventus: quod Deus pro ineffabili sua bonitate clementer dignetur avertere. Falsus enim malo audiri vates: sed me vestigia terrent. Exempla novi complura: quid jam alii eum magno suo malo & reipublicæ detrimento experiantur, ipsi certiores erunt testes.

§ 26. Telam contexere longam & inexplicabilem in hominum ruinam exitumque, mille artifices non erit difficile, potissimum apud quos ex voto succedere institutum videt, ubi nimirum ob peculiare suum ex Dei assensu factum, in vitam infontem porro sæviri animadvertit: tum nervum consequutus, alia similia, vel etiam tetriora molitur, quibus in sua nassa artius constringit, atque ex Charybdi in Seyllam propellit, quos suis strophis pronas offerre aures comperit. Hic sanè sæpius conniver Deus merito, ob invictam eorum incredulitatem, qui, licet aliter Sacrarum literarum lectione, maxime ex Jobo, instrati, non tam Dei justii manum vel probantem vel castigantem agnoscunt in segetum, vinearum & pecorum perditione, quam singularem ejus misericordis benedictionem & gratiam in annonæ affluentia amplectuntur.

§ 27. Nec hic prætermittere oportuit, circiter id tempus, quo Germaniæ superioris provincias illa tempestas calamitosa afflixisset, me quoque pro rerum mearum sorte haud levem passum jacturam ex grandinis, vel potius glaciei procella, in ditione Ravestinenfi, non procul à Gravia. Ea segetes feliciter messas, & in agro per fœces quaternos conjunctim ad excitandum, ut apud nos moris est, dispositas, ita disjecit ac excussit, ut omnino trituratas eas, & agrum denuo satum dixisses: unde nec eum conferere in proxi-

mum annum, sed terram aratro solum evertere voluit villicus, ut quæ abunde nimis frumento saturata, & fœnori reddendo facta idonea fuerit. Ramos quoque simul ex arboribus quasi securi sectos, per arva sparsim disiectos fuisse ex ejus glaciei violentia vidi. Recto autem ductu, nec sparso, hic flavit spiritus, ut fere nihil aut parum infortunii utrinque senserint proximi agri.

§ 28. Atqui Virgilio ethnico, circa messem non tam miraculosa fuit visa ejusmodi turbatio aëris, Georg. I.

*Sæpe ego, cum flavis messorum induceret arvum  
Agricola, & fragili jam stringeret hordea culmo,  
Omnia ventorum concurrere prælia vidi,  
Quæ gravidam late segetem ab radicibus imis  
Sublime expulsam eruerent, ita turbine nigro  
Ferret hyems culmumque levem, stipulasque volantes.  
Sæpe etiam immensum cælo venit agmen aquarum,  
Et sadam glomerant tempestatem imbribus atris  
Collectæ ex alto nubes, ruit arduus æther,  
Et pluvia ingenti sata læta bonumque labores  
Diluit, implentur fossæ, & cava flumina crescunt  
Cum sonitu, servetque fretis spirantibus æquor.  
Ipse pater media nimborum in nocte corusca  
Fulmina molitur dextra, quo maxima motu  
Terra tremit, fugere feræ, & mortalia corda  
Per gentes humilis stravit pavor. ille flagranti  
Aut Aëho, aut Rhodopen, aut alta Ceramnia telo  
Dejicit, ingeminant Austri & densissimus imber,  
Nunc nemora ingenti vento, nunc littora plangunt.*

§ 29. Hæc profecto sincere & singulari animi studio sibi propolita meminerint, qui ad se admonitionem pertinere candidam arbitrabuntur. Si vero plerisque indolis morosæ hominibus recalitrare, ac in me petulanter vel serio inolescere lubeat, iis quidem per me licet, dummodo adversus conscientię & veritatis testimonium non laborent, & Dei gloria ac reipublicæ Christianæ quies utilitasque requiratur.

§ 30. Ansam vero hujus incredulitatis pronam admodum obtulerunt rustici, fiducia in Deum viva minus confirmati: qui multifariam hoc etiam tempore secundum eorum incredulitatem vexantur à Satana, ut alias lac ademptum, alias fortum, alias segetes, alias.



alias armentum etiam interemptum à Lamiis putent : & universam agriculturæ rationem non ad benedictionem Dei in vera fide, sed ad meras anicularum voluntates referant. Adjiciam doctissimi viri JULII SCALIGERI verba ad Cardanum : Ais, ad maleficii efficaciam conferre maleficii constantiam. Putasti cuiuspiam affectum agere in alium, quam in eum cujus affectus est? Neque verum est, ab homine homini noceri posse verbis. Nam quis illa eum verba docuit? Non homo alius. Nam quis illum? Non cælestis intelligentia. Quis enim eam facere audeat authorem fascini? Ergo malus dæmon: non ut hominem faceret potentior, sed ut ipsum deciperet credulitate; atque socium haberet tum impietatis, tum æterni exiti. Ipse igitur agit dæmon: stultus ille ac vecors, putat suis sese vocibus agere.

*Li. 16. de  
Subtil.  
exerc. 349.*

§ 31. Porro à contrario quis forte objiciet, pluviam ceteri posse carminibus in perniciem à maleficis: quum ex jure scripto constet, aliquas in salutem pluviam provocare. nam lex 4. C. de mathemat. & mal. Constantini est, qua admittit eos, qui precibus, carminibus aut medicamentis pluviam impetrare valent, aut aliquid, quod ad hominum salutem spectat, &c. Bartolus ibi: Summa & mens legis est, mea opinione, ut si quis istis artibus ad utilitatem hominum utatur, permixta sint, ut scribit Josephus de Solomone libro 8. cap. 2. quæ alioqui veritæ per se sunt, & maxime si in alicujus perniciem convertantur.

§ 32. Hic paucis, cum bona venia, respondeo: Christianum Imperatorem credidisse aliquam in his esse vim, haud secus atque multi alii, & quidem plerique ædum ac poetæ. Ex quo consequitur, magnam hunc ea in re injuriam Deo fecisse, qui non piis votis & culpræ deprecationibus supplicandum, sed contestationibus impiis ac adjurationibus cogi Deum posse, ut hoc aut illud nobis donaret, arbitratur: quin & amplam diabolo aperuisse fenestram, quum vero Deo relicto, per Satanæ aut ministros aut ministeria quid se consequuturum consideret. Cæterum, ut semel hoc caput finiam, quid potest in hac re & causa dici dilucidius eo, quod apud Hieremiam capite 14. legitur? Nunquid sunt, inquit, in vanitatibus Gentium, qui plueret faciunt? & num cæli dabunt imbres? Annon tu es Jehova Deus noster? Te igitur expectamus. tu enim fecisti omnia hæc.

*De naturalibus pharmacis somniferis, quibus interdum illudantur Lamie, de earum item unguentis, & quibusdam plantis soporiferis, mentemque impense turbantibus.*

## CAPUT. XVII.

*Naturalibus  
usis  
pharmacis  
quandoque  
deluduntur  
à Satana  
Lamie.*

Cq. 16.

*Lamiarum  
unguenta.*

**I**NTERDUM Empusæ exornandæ adhibentur etiam naturalia quædam pharmaca, quibus ubi se inunxerint, confricuerintque, ita à fraudulento magistro institutæ Lamie, per caminum mox se evoluturas, ac per aërem longè lateque evagaturas ad tripudia, dulcissima symplosia, concubitus & gratissima rerum spectacula, confidunt: quæ tamen per insomnia ipsis ingerit ille mille artifex, ubi ab inunctione somniferi omnino unguenti, in profundissimum lethargicumque somnum dilabuntur insciæ. Hæc ne somnia videantur, libuit adducere, quid solertissimus occultarum causarum indagator Johannes Baptista Porta Neapolitanus lib. 2. Magis naturalis, sive de miraculis rerum naturalium, scribit: Adeo dira, inquit, cupido hominum mentes invasit, ut, quæ natura mortalium commoditati elargita est, abutantur, ut multis horum simul coacervatis component Lamiarum unguenta: quæ quanquam ipsæ superstitionis plurimum admiscant, naturali tamen vi evenire patet intuenti. quæque ab eis acceperim referam.

§ 2. Puerorum pinguedinem aheneo vase decoquendo ex aqua capiunt, inspissando quod ex elixatione ultimum novissimumque subsidet. inde condunt, continuoque inserviunt usui: cum hac immiscant cleoselinum, aconitum, frondes populneas & fuliginem. Vel aliter sic: Sium, acorum vulgare, pentaphyllon, vesperillonis sanguinem, solanum somniferum, & oleum (et si diversa commiscant, ab iis parum dissidebunt) simul conficiunt, partes omnes perungunt, eas antea perfricando, ut rubescant, & revocetur calor, rarumque fiat, quod erat frigore concretum. Ut relaxetur caro, aperianturque pori, adipem adjungunt, vel oleum ipsius vicem subiens, ut faccorum vis intro descendat, & fiat potior vegetiorque, id esse in causa non dubium reor. Sic non illuni nocte per aëra deferri videntur ad convivia, sonos, tripudia, & formosorum juvenum concubitus, quos maxime exoptant: tanta est imaginationis vis, impressionum habitus, ut fere cerebri pars ea, quæ memorativa dicitur, hujusmodi sit plena: cumque valde sint ipsæ ad credendum naturæ pronitate faciles, sic impressiones capessunt, ut spiritus immutentur,

tentat, nil noctu diuque aliud cogitantes: & ad hoc adjuvantur, cum non vefcatur nisi betis, radicibus, caſtaneis & leguminibus.

§ 3. Dum hæc penſiculatius perquirendo operam navarem (incipiti enim immorabar iudicio) incidit mihi in manus vetula quædam (quas à ſtrigis avis nocturnæ ſimilitudine Striges vocant, quæque puerulorum ſanguinem è cunis abſorbent) ſponte pollicita brevis mihi temporis ſpacio allaturam reſponſa. Juber omnes foras egredi, qui mecum acciti erant teſtes: ſpoliisque nudata, tota ſe unguento quodam valde perficit, nobis è portæ rimulis conſpicua: ſic ſoporiferorum vi ſuccorum cecidit, profundoque occubuit ſomno. Foræ ipſi pareſcimus, multum vapulat: tantaque viſ ſoporis fuit, ut ſenſum eriperet. Ad locum foras redimus, jam medellæ vires faciſcunt flacceſcuntque. A ſomno ſevocata, multa incipit ſari deliria, ſe maria montesque tranſmeaſſe, falſa depromens reſponſa. Negamus, inſtat: livorem oſtendimus, pertinaciter reſiſtit magis. Hæcenus Joannes Baptiſta.

*Hiſtoria  
memorabi-  
lis. Strigæ.*

§ 4. Lamiarum quoque unguentum propemodum ſimile tradit Hieronymus Cardanus, poſt cujus inunctionem mirabilia videri apparet. Nam & debis, quæ non ſunt, & tamen videntur, ibi ſermo eſt. Conſtat pinguedine puerorum; ut dicunt, ſuccis que apii, aconiti, pentaphylli, ſolani ac ſaliginæ. Sed tamen dormire creduntur, dum hæc vident. Spectare autem videntur theatra, viridaria, cœnas, ornatus, veſtes, formoſos juvenes, reges, magiſtratus, inores omnes quibus delectantur, quibus etiam ſe frui arbitrantur. cernunt item dæmones, corvos, carceres, ſolitudinem, tormenta. Hæc igitur ſunt violentorum inſomniorum cauſæ. Hinc etiam illas apio viſitare ait, caſtaneis, fabis, cepis, caulibus, phaſeliſque, ſomnos turbulentos cientibus: ſic magis per ſomnum ferri videntur in diverſas regiones, atque ibi multifariam affici, prout uniuiſcujuſque fuerit temperies, unguento adjuvante.

*De Subtili-  
ti. 18. de  
admirabili-  
libro.*

§ 5. Cui non abſimile ad inducendum profundum longumque ſomnum, adjungam hic oleum. Rec. ſemin. lolii, hyoſcyami, cicutæ, papaveris rubei & nigri, lactucæ, portulacæ; ana part. 1v. baccarum ſolani ſomnifici part. 1: ex his omnibus fiat oleum ſecundum artis legem, & pro qualibet uncia iſtius olei miſceatur ſcrup. 1. opii Thebaici. Hinc ſumatur ſcrup. 1. vel. 1. s. & duorum dierum ſubſequetur ſomnus. Liquorem conciliantem mirifice ſomnum, ad guttam unam aut alteram exhibitum, lubens hic adde-  
rem:

*Somni-  
ficum adu-  
dum oleum.*

rem : sed præstat non publicari. Suam quoque hic laudem meretur succus singulari ratione suoque tempore ex hyoscyami radicibus extractus.

*Simplicia  
sensu tur-  
bantis &  
auferebant.*

§ 6. Ejusmodi quædam simplicia , puta lolium , faba inversa, opium , hyoscyamus , cicuta , papaveris species , solanum furiosum somnificum , mandragora , nymphaea , atque id genus reliqua , naturalium rerum peccatis non omnino ignota inveniuntur , quibus intellectus vel aufertur vel turbatur. ut, qui iis uratur, loquendo, audiendo & respondendo amens, videatur , vel in somnum altissimum ad dies etiam aliquot præcipiterur. At eorum usum , & aquas, vina, pulveres, trochiscos, olea, aliasque formas hinc consiciendi modum, silentio involvere malui, ne iis abutendi ansam alicui subministrasse videar. Perpetuo juvandi, & non lædendi, animum mihi donavit omnis boni author benignissimus.

*Amentis  
& somni  
gravi ex  
lolii usu.*

§ 7. Adjiciam hic tamen ob cautionem historias duas non inutiles , de horum soporiferorum viribus. Mulier quædam ad rem attentior , optimeque nota, sed quæ suum jam obiit diem , trituratores in multos conduxerat dies , curaratque ex lolio diligenter ex creto ( dourt nos vocamus ) molito pinsiroque , admista fecalis farina, panem apparari & coqui , ut eos minoribus sumptibus aleret. Quo quum essent pasti , in quandam levem inciderunt amentiam: cum essent aliquandiu rotati verrigine, lassi ad unum omnes in profundum longumque inciderunt somnum, ut pro labore , quem vetulæ præstare oportuisset , ipsi continuo sterterent: donec ea tandem post alterum aut tertium diem errore animadverso , victus rationem mutaret.

*Solanum  
majus her-  
ba bella  
donna.*

§ 8. Adhæc clarissimus eruditione, multijugaque rerum observatione & usu medicus, D. Reinerus Solenander, collega in eodem apud illustrissimum nostrum Principem ministerio conjunctissimus, quum Lovanii anno quadragesimonono sub Hieremia Brachelio operam medicinæ daret , vidit puerum Servatii Sasseni bibliopolæ mirandis symptomatibus correptum , ex esu forte unius baccæ solani majoris ( herbam Bella donna Itali vocant ) quam casu imprudens propter ætatem, ignarusque rerum, ex horto D. Gemmæ Phrysi vicini sui ( qui tum eam plantam prægnantem alebat cum aliquot aliis exoticis herbis ) legerat devoraratque , cerasum vel uvam forsitan existere arbitratus. Puer ptimum cæpit furiose agere, nec ullum parentem interstinguere , animo & corpore languere : vocatus

D. Bra-

D. Brachelius ad consilium & curationem, tam subita symptomata gravia miratur: statimque concepta suspitione assumpti alicujus veneni maniaci, sciscitatur, ubinam puer fuerit, quid egerit? cum in D. Gemmæ horto lusisse narrant, visumque versari circa dictam plantam, ejusque decerpere baccas. Sed priusquam hoc innotuisset, incidit puer in somnum profundum, ut excitari nequiret, is durat ad horas viginti quatuor. Tum puer sponte evigilat, agnoscens primum patrem, deinde alios, sed stupidior: at paucis tum ex arte adhibitis remediis, probe restitutus est.

§ 9. Quod autem Gasso cuidam nobili, ex Narbonensi provincia oriundo accidit, mirum magis est, eo quod & risu simul & deploratione dignum videatur. Is ex itinere captus à Turcis, & in Thraciam abductus, dynastæ cuidam donabatur, & (ut opinor) Belerbeco, qui cis Bosphorum Thracium per Macedoniam præfectus militum dicitur. Ab hoc ille non aspere cœpit tractari more Barbaro, sed perhumaniter, eo quod gynæceo destinatus esset ob formam ac ætatem. Itaque tandem die quodam cibi ac potionis tum varietate, tum copia fuit effectum, ut in somnum triduanum incideret. Quo finito, quum expectatus mingere vellet, exedros sibi testes animadvertit: tum demum attonitus cognovit, quam diu dormisset, & cur tam laute semper ac affluenter tractaretur, atque ex quo cibi genere tam alto correptus fuerat somno. Rediit tandem ad suos, & hanc attulit causam, cur nuptiis facile carere posset.

§ 10. Albertus Magnus in Ægypto etiam nasci lapidem tradit, & Dioscorides, qui Memphites nuncupatur, à Memphi, magnitudine calculi, pinguis & versicolor: quo contrito, & cum aqua vinoque epoto, stupor omnium sensuum inducatur, ut nullum omnino dolorem sentias. Unde refertur à Jurisconsultis, ubi de quæstionibus agunt, ac tormentis.

*De opio, heiran luc, gelotophyllide, solano furioso, sheangelide, & posu dementante laicum apud Bernates.*

C A P. XVIII.

Hic obiter, ob raritatem, & rei quasi miraculum, non erat præmittendum, opii usum Turcis, & multo magis Persis, tam esse familiarem ut nihil prope familiarius: quod eo vorato se validiores esse, minusque belli pericula timere, persuasum habeant: quemad-

Ff

*Demonstrati  
testes  
exedros.*

*Belerbeco*

*Gemma  
stuporem  
inducens.  
In Lapida-  
rio Orfæ.  
v. 115.*

*Plinius.  
XXXVII. 7.  
Vide lib. 5.  
ca. 12. post.  
Taxis de  
pnt. tract.  
de Syndic.  
c. tortura.  
lo. 2.*

*Opii fre-  
quens apud  
Turcos &  
Persas usus.*

Vide etiam  
Diosc.  
l. v. 60.

quemadmodum in his regionibus, ebrios quoque intrepidius se  
quibuscunque naufragiorum & discriminum fluctibus objicere, ob-  
servamus. Quocirca, ubi exercitum colligit Turca, opio universa  
spoliatur terra, licet quotannis id incredibili colligatur copia ex  
papavere albo leviter vulnerato, postquam capita protrulerit, unde  
lactis aliquot guttæ emanant, paulatim conrescentes. Ejus se-  
mine apud Turcas non minus terra conseritur, quam in his ditioni-  
bus tritico, præsertim Acharæ, Caracharæ, Spartadæ, Emeretindæ,  
& in aliis vicinis oppidis Paphlagoniæ, Cappadociæ, Ciliciæ.

L. i. c. 15.  
Observa-  
tionum.

§ 2. Vix Turcam invenias, qui opium non redimat: etiam si  
unius aspri numismatis valorem tantum possideat, ejus dimidium  
opio impendet, secum id tam toga quam bello collaturus. Quidam  
ejus esui assuetus, semel drachmam mediam innoxie vorabat: pos-  
teridie vero drachmam integram idem ille deglutit, citra ullam a-  
liud incommodum, quam quod velut ebrius appareret. Bello-  
nius, qui huic nunquam assueverat, eo sumpto, nihil incommodi  
sensit, quam in ventriculi orificio calefactionem, levem cerebri  
turbationem, & somnum inquietiorem. Tritum Turcis in obji-  
cienda calumnia proverbium est, Opium comedisti: ac si alterius  
provinciæ homini exprobrares ebrietatem. Opimum habetur,  
amatum valde, gustu calidum, ut os inflammet, ad modum pilorum  
leoninorum colore fulvum, odore molestum & grave. In extremo  
refrigerandi gradu id designari, cum insigniter amaricet, inflam-  
metque, mirum est. Maschlach vulgares Turcæ nuncupant, ophion  
peritiores.

Maschlach.  
Ophion.  
Heiran ioc.

§ 3. In usu quoque habent pulverem illis dictum Heiran luc:  
etiam circiter coctear quicumque sumplerit, nihil loquitur, at con-  
tinuoridet, admiranda se videre ratus: atque hinc suos instituit  
gestus, ut ingenrem omnibus spectantibus risum moveat: qui ubi  
ad mentem redierit, se his vel illis fuisse locis, & mira vidisse rerum  
spectacula, asserit. Rogati illi, pulverem cannabinum esse plerique  
responderunt: qui, quamquam ex Galeni doctrina, largius paulo  
sumptus capar feriat, vaporem sursum ob multam calefactionem  
mittens, citius tamen ex gelorophyllide parari suspicaret, si Tur-  
cis fuerit cognita ea planta, in Bactris & circa Botrysphenem prove-  
niens: quæ, si cum vino & myrrha bibatur, varias dicunt observa-  
ri species: ridendique finem non fieri, nisi potis ex palmeo vino  
pinæ nuci nucleis, pipere & melle additis; vel cum ex solano ma-  
nico

L. i. c. de  
aliments.  
Geloro-  
phyllide.

nico vel furioso confici, quis opinetur non absurde, cujus radicem ad drachmæ unius pondus ex vino potam, excitare species vanas, imaginesque non injucundas, docet Dioscorides: sed duplicatum cum modum, ad tres usque dies mentis alienationem asserre, addit.

*Solani furiosi radice imagines vanas inducit.*  
Lib. 4.  
cap. 69.

§ 4. Cæterum quum ad cannabim vires pulveris Heiran luc retulerint Turcæ, forte sic ex planta conficitur, quæ Indis Bangue dicitur, cannabi haud absumilis ( recte Garcia ab Horto Proregis Indiæ medico ) nisi quod hujus semen cannabino minus est, nec ita candicans, ut illud: deinde hujus stolones lignosi nullo fere cortice vestiuntur, secus quam in cannabe. Ex foliis contusis, interdum & ex semine succus cogitur, mixtaque vel nucis moschata, vel caryophyllis, aut ambaro & musco exhibetur: unde in extrasin quodammodo rapiuntur, qui hauserunt, atque omni sollicitudine liberantur, nonnihil ridentes. Hinc magnus Sultanus Badur jactare solet, se, quando in somnis adire Lusitaniam vellet, Brasiliam, Asiam minorem, Arabiam & Persiam, pauxillum Bangue solum fumere

*Bangue.*  
Lib. 2.  
cap. 25.  
*simpl. medic. Ind.*

Cap. 24.

§ 5. Huc perrinet etiam Datura Indorum planta, quæ in Malavar nascitur, flore in extremis ramis roris marini colore, qui velut & semen injicitur à furibus in cibos eorum, quos deprædari student: mente enim videntur alienari, qui sumpserunt, & in risum solvi, magna cum libertate sinentes auferri, quæ fures volunt: duratque illa mentis alienatio horis vigintiquatuor. Nec hic alienum, quod de Indorum Tabaco, Lusitanis Peto nuncupato, Gallis Nicoriana, Herba reginæ & Herba sancta, scribit Nicolaus Monardes, Hispanensis medicus. Non quoque omittendum, quod de Theangelide, in Libano Syriæ nasci solita, traditur, ea videlicet devorata præfagire homines. At mea quidem opinione, ea vorata dementari homines potuerunt: ut ipse diabolus se in illos, ut jam apparata organa, insinuans, futura vel ambigue vel mendaciter suo more prædixit. Potamantim itidem ad Indum fluvium inveniri narratur, eaque pota lymphari homines obversantibus miraculis.

*Datura.*

*Tabacum.*

*Lib. de simpl. medic. India occid. Theangelis.*

*Potamantim.*  
*Bernatium monachorum tragadiaz versifica.*  
*Joan.*

*Stumpff.*  
XIII. 33.  
*In Chron.*  
*Gerom. Seb.*  
*Franci.*  
*Potus etiam dementantur*

§ 6. Similis cujusdam potionis veneficio, laicum dementabant, velutque stupidum reddebant quatuor ordinis prædicatorum monachi Bernates, anno nono supra sesquimillesimum, ut aquam causticam sive ardentem absque sensu tolerarant. Ea Christi quatuor vulnera pedibus, manibus & corpori se imprimere simulabat latrata

*de Spiritu  
vi valde  
meminit  
Paulus Ve-  
net. de Reg.  
et. 1. 27.*

Maria, adornatus scilicet in hanc tragœdiam monachus, qui antea clavum quoque per alteram laici manum transegerat, nihilque non in D. Virginis specie persuaserat, ut illius simplicitate & amentia abuteretur, cum tribus suis fratribus religiosi figmenti conscis, ad sui instituti confirmationem. Quo nomine potionatus ille, altari quoque in D. Virginis sacello imponebatur, ubi velut catalepsi correptus, in turbæ confluentis conspectu, immobilis ad stuporem usque genibus flexis perduravit: dum interea temporis Doct. Stephanus, fabulæ hujus actor, per canalem in Christi & D. Virginis simulachris proximis mutuum colloquium mentitur. Fraude tandem detecta, artificium confessi sunt monachi quæstionibus subiecti, exultique ejusdem anni die postremo Maji. Historia sane lectu dignissima, ut hinc in reliquarum ejuscemodi imposturarum, ad animarum exitium, olim ab id genus hominibus constructarum, cognitionem promptius perveniatur. Similibus fortassis in suis corporibus quandoque utuntur nostræ Lamæ:

*De incubi demoniaci illusione, & incubo morbo naturali.*

C A P. XIX:

*Congressus  
demonum  
cum mulie-  
ri imaginis  
æthere.*

**H**INC jam incuborum succuborumque larvas aggrediamur, quid in his veritatis foveatur, studiose & latius investigantes: ut non modo è vulgarium, sed & prudentium animis, semel hoc falsæ persuasionis simulachrum excutiat. Quum itaque hujus hæresis maleficio & præstigiis delusæ dementatæque anus, à dæmone se comprimi, incubosque pati arbitrentur, hanc commixtionem, ut reliqua propemodum omnia, mere esse ex læsa mente imaginariam, vel solum qualicumque affictu tirillationem cieri, accedente rei imaginatione: nec vere congressum fieri, rationibus demonstrabitur evidentissimis: ubi prius commonueto, nostris medicis morbum quendam dici Incubum, ab incubando, quod pondus quoddam nobis dormientibus incumbere, & super nos consistere putamus, respirationem opprimens, & ob id vocem impediens: ita ut, si velimus clamare, non possimus, cum somniis horrendis & imaginationibus plurimis nos ab aliis invadi existimantes. Fit fere noctu, & à somni initio: & quæcunque epileptici interdiu vigilesque patiuntur, hæc noctu & in somno ephialtici.

*Incubus.*

§. 2. Plinius modo suppressiones, modo noctis ludibria, modo Fauno.



Faunorum in quiete ludibria nominavit. Arabes, inquit Avicenna, albedilon & alcratum, Averroes elgadum, Azaravius alcaibum; nostri vulgo gravedinem dicunt, quasi pondus equitando (sic loquuntur) nos opprimeret: sic nostrates quoque dicunt sua lingua, Die mar rydet uns. Epilepsiam esse quidam sentiunt diminutam, quæ sit in somniis, de qua Aristoteles intellexit lib. de Somno & vigilia: *ἰπιδάνης* Græcis nuncupatur, id est, insultor, quasi aliquis insiliat, vim inferens, & alterum comprimens, ut non possit moveri, donec liberetur ab invasore. *πνιγμῶν* à suffocando Themisoni dicitur.

*ἰπιδάνης*  
*πνιγμῶν*  
*λάων.*

*Incubus olim quoque damon putabatur. Actius libro 6. c. 12. ex Pseudo-Nostro: is appellatur Germanice, Diemar ryden, quasi dicat: modicum vel pondus superponitur.*

§ 3. Quæ signa ab imminuto calore proveniunt: & quum spiritus animales existentes in cerebro, ob vapores ascendentes, à pituita & melancholia obtenebrantur, ita ut virtus opprimatur, & videatur aliquid grave sibi inferri, quod tamen revera non fit. Contingit autem potissimum resupino corpore jacente: plerunque ore ventriculi aut pituita crassa lentaque, aut ciborum concoctu difficilium copia oppresso. Quum vero sagæ sint ob sexum & ætatem ut plurimum pituitosæ, & ob animi affectus melancholicæ, cur non supine cubantes, hujusmodi morbo erunt obnoxii; atque accedente illo sensu communi, ab immundi spiritus assidua suggestione viriato, putabunt fætebunturque vere se passas esse, quod solum vel per somnum vel imaginatione intensa innotuit.

§ 4. Convenientem hic ex Jafone Pratenfi historiam de otioso quodam sacrisco ascribendam duxi: ita narrat. Nuperrime sacriscus quidam me convenit, Domine, inquit, nisi succurras misero & afflicto, actum est, & prorsus perii: tabes me habet. Viden quam sim emaciat, quam exanguis? vix tenui pelle contegor: succulentus esse soleo, speciosulus, & bene habitus: nunc scædum spectrum videor, hominisque inanis imago. Quid, inquam, te cruciat, & quam affectus tui causam opinaris? Dicam, ait, intrepide, & valde admiraberis. Sub quamlibet serme noctem ad me com meat muliercula mihi non ignota, & pectori meo illabitur, ipsa violenter comprimit, atque coarctat animæ meæ vias, ut ægre respirare queam: quin clamitare cupienti, vocis iter præcludit, ut, quanquam præ pavore nitor attollere, minime queam: nec manus ad propulsandam injuriam, nec pedes ad capeffendam fugam expedire valeo: vincum me & affixum tenet. Heus, inquam subridens, nihil admirandum prædicas (ex narratione incubum intelligebam) merum est phantasma, merum ludibrium. Nec plura

*De cerebri morb. c. 26. Incubum passus sacriscum.*

moratus : Phantasma ( inquit ) ludibrium ( inquit ) profecto non est : ita me Deus amet , quæ hisce oculis conspicatus sum , & quæ hisce manibus exercui , enarro. Equidem vigilans , mentisque compos , eam video coram , & invadentem accipio , conorque obluſtari : sed præ languore , metu , angustia & impacta , vi nihil efficio. Hac de re horum vorſum amens curſitavi , unumquemlibet perſcunctans , poſſetne ſuccurrere miſerabiliter pereunti. Minoritam conſului , quem callidum veteratorem dicunt , ab hoc præſentaneam opem ſperabam : ſed ſpe mea fruſtratus ſum plane , nullam is ſalutem attulit : tantum monebat , Deum optimum maximum , quem jam pridem præcibus farigaram , ſtrenue orandum , ut dignaretur inſeſtam vexationem avertere. Adii vetulam quandam , pro fama populari , ſagam atque verſutam hæc ajebat , qui ſub crepuſculum diei ſtatim ab excreto lorio matulam obturare dextra caligula , & fore , ut eo ipſo die malefica me inviſeret. Id etſi vanum videbatur , nec parum me ab experimento abſtineret religio , viduus tamen impotentia & diuturni laboris tædio , tentavi. Et , per Jovem , accidit varicinium. Veniens in domum meam , veſicæ cruciatum querebatur : nec potui ab illa aur præculis ſupplex , aut contentione minax impetrare , ne ſub noctem ad me terriſtica commearet : ſed implacabilis veterem morem aſſervat , ſemelque conſtituit me ſædo angore conficere. Hominem hunc vix quivi ulla ratione ab infania revocare : ſed à ſecundo tertiove congreſſu hilarior factus , morbum agnoſcere cœpit , & ſanationis ſpem fiduciaque concipere. Jam ad congreſſum imaginarium.

*Hymenis membrana, qua omnes muniuntur virgines, ratione  
commonſtrari certiffime, demonum cum mulieribus concu-  
bitum eſſe vanum, mereque tmaginarium.*

C A P. XX.

*Concubitus  
demoniaci  
vanitas.  
Virgo reli-  
gioſa apud  
Hollandos  
ob incubum  
præcipue  
exuſta.*

**P**RIMUM hujus congreſſus vanitas, ſucusque, apertiſſimis atque adeo oculatis teſtimoniis, ac argumento irrefutabili convincen-  
tur, ſi virgo hoc depravatæ imaginationis ſaſcino agitata, ludi-  
briaque ejusmodi perpeſſa, quæ à dæmonis initu corrupta creditur  
( qualem apud Hollandos religioſam, ex propria peractæ cum dæ-  
mone hujus ſpurcitiei conſeſſione ſtammiſ adjudicatam ſcio ) ab ob-  
ſtetrice perita, vel alia non indocta, ſemina inſpiciatur, contræ-  
turque :

turque: eam enim adhuc virginis zona, hymene nimirum munitam esse (si alioqui à viri concubitu fuerit libera) comperient. Ea siquidem omnes virgines ab initio dotatas, obviatasque à conditor Deo fuisse, contra multorum secus contententium sententiam ostendere volui.

§ 2. Primumque generale Mosis ex Dei voluntate consilium, de iudiciis virginis indubitate cognoscendis, si de virgine matrimonio tradita, in lætæ antea pudicitie suspicionem maritus venerit, proponam explicaboque. Id tale est: Si duxerit vir uxorem, ac egressa sit ad eam, & odisse eam cœperit, quæ sitque divortii occasiones, nomen pessimum ei obijciens, & dixerit: Uxorem hanc duxi, & ingressus ad eam, non inveni virginem, vel virginis signa: tollent eam pater & mater ejus, & proferent signa virginis puellæ ad seniores civitatis, qui sunt in porta, dicetque pater: Filiam meam dedi huic uxorem, quam quia odit, imponit ei nomen pessimum, ut dicat, Non inveni tuam filiam virginem: & ecce hæc sunt signa virginis filie meæ. Expandent vestimentum coram senioribus civitatis, apprehendentque senes urbis illius virum, &c. Quod si verum est verbum illud, & signa virginis in puella non fuerint inventa, ducent puellam ad ostium domus patris sui, obruentque eam cives illius civitatis lapidibus, ut moriatur. Ad hujus loci explicationem, & ut medicis in omnibus puellis hymena non agnoscentibus satisfiat, ac menum interim prolequat institutam, breviter de eo quædam hic dicam.

§ 3. In virginis locellis, vel *κατὰ θυλάκιον* inhaeret latetque hæc tunica, castitatis conservatrix, qua primo insultu disrumpitur, venarum uteri orificia hic intexta, deficienteque, sanguinem fundunt, menstruum vulgo, licet improprie, appellatum. Unde nuptis virginibus, prima concubitus nocte, ex hujus membranae violenter ruptæ venulis sanguis promanat: cujus lituris, ut virginis vel virginalem notis, testibusque, tincta, quibus teguntur vel incumbunt lintheamina, coram magistratu, suspicacibus, conjugibusque violatæ antea pudoris zonæ falso insinuantibus maritis expandi ostendique jubet Moses.

Virginis signa. Mosi locus explicatur.

§ 4. Apud Hispanos quoque admodum vulgate est sponsis, eas solutæ virginis lituras sanguineas in linteo à primo concubitu observare. Apud hos etiam filias pro virginibus aliquoties divendere solent quædam lucri cupidæ nimis matres, hymena inviolatum,

rum, ejusque rupi manantem sanguinem alia materie fida imitatur.

§ 5. Adhuc, præterquam quod in virgine quadam certissime etiam regumentum illud solidissimum deprehenderim, id ipsum quoque à pudicissimis, mihi que familiaribus matronis, quæ in seipsis hoc pudicitie munimentum prima admissione observarunt, pudica colatione cognovi: quæ & omnes virgines eo donatas esse, ex feminis itidem aliis, quibuscum familiariter & occulte hac de re consultissent, se intellexisse, uno quoque asseruerunt ore.

*Hymen  
membrana  
alia cras-  
sor, alia  
validior, ut  
fessione o-  
pus sit, alia  
fragilior.*

§ 6. Membrana interim alias crassiore firmioreque, quasdam tenuiore fragilioreque hic obsepat esse, minime dubium est. Pleurisque etiam lascivo quopiam attritu eam divelli, lacerarive, aut putrescere quoque ex humorum affluxu, & ex morbo perumpi constat. Exemplo id testatum facile fecerim. Verum non est nostri instituti, inutilem hujus argumenti contexere telam. Satis sit indicasse, imo apertas ostendisse rationes, quibus succuborum incuborumque falsitas detegitur: item Mosis locum nonnihil explicuisse: & medicis negantibus membranam hanc in omnibus virginibus, ansam subministrasse, eam oculatius observandi: cujus quidem vitiatæ prius nomine, uxorem secreto arguisse olim maritum non immerito memini.

*cap. 32.*

§ 7. Si quis jam exiguo illo hymenis foramine illusus, diabolus ut multiformem, Venereæ rei ludibria posse cum virgine exercere, urgeat: huic responsum volo, ut me doceat, quomodo eo virginittatis munimento inviolato, posset ex ejusmodi congressus partu progignere uterus materierum usque adeo grandium, durarum, inæqualium, asperarum acutarumque monstra, qualia Magdelem quandam Constantiæ captam ex tali concubitu peperisse, paulo post ostendetur. Enimvero si à portentosarum harum rerum procreatione puella, à partium uteri peritis introspeceretur contrectareturque, ut artis est, fraudem illusionis primum phantasiæ in Veneris opere ingesta factam: deinde ut imaginarius ille congressus judicaretur verus, dolores partus à spiritu cieri, atque rerum absconditarum insensibilium mortuarumque congeriem velut illius coitionis factum ostentari à milleartifice, evidenter constaret.

*Quod*

*Quod filii Dei ad filias hominum ingressi sint, locus hic Mosis explicatur: quo magis congressus diabolici vanitas elucescit.*

C A P. XXI.

**S**I quis jam præfractor, ad illam Mosis sententiam mihi obtrudendam confugiat, Quod filii Dei ad filias hominum ingressi sunt, atque hæc genuerint potentes & celebres viros: & hinc cum multis alioqui doctis viris inferre studeat, dæmones posse mulierum concubitu frui, atque generare: huic Augustini Steuchi Eugubini, Episcopi Kifami, verba hæc, quibus errorem hunc solide refellit, opponam. Illud, inquit, rejiciendum, separandumque à natura dæmonum vera, & pene inter fabulosos dæmones censendum, quod non modo è nostris quidam, sed etiam prophanæ philosophiæ professores plerique sibi persuaferunt, de filiis illis Dei, qui dicuntur apud Mosem filios hominum vidisse, accensosque in eorum cupiditate, ex eis filios genuisse: qui quum dicantur Hebraice Nephilim, ab Hebræis nescio quibus, & nostris, quinetiam externe philosophis, dæmones crediti sunt, qui partem divinam atque humanam mistam habuerint. Fueruntque multi, filios illos Dei angelos suspicati: è quibus, cum multis Hebræis, Iosephus in sua de Antiquit. Judaic. historia: quem tamen Zonaras historicus excusat, quasi angelos ille appellarit filios Seth, ut Deo placentes, & angelorum vitam æmulantes. Fuerunt & alii in ea opinione, ut Laëtantius.

*Gen. 6.*

*Li. 6. c. 32.  
de Perenn.  
Philosoph.*

*Genes. 6.*

*Nephilim.*

*Li. 1. cap. 3.*

*Infit di-  
vin. 11. 15.*

§ 2. Videturque antiquissimus error è libris Mosis non rectè intellectis haustus. Siquidem perhibet Plutarchus, Pythagoram, Xenocraten, Platonem, Chrysippum, superiores Theologos sequentes credidisse, dæmones fuisse hominibus quidem robustiores, viribusque longe præcellentes, divinitatem ( inquit ) habentes neque synceram neque puram, sed cum animæ natura & sensu corporeo conjunctam, voluptatis & laboris capacem. Hoc etiam credit Athenagoras philosophus Christianus, Justinus item idem philosophus, & Tertullianus, omnes ambiguitate vocabuli ducti: arbitratique, filios Dei, angelos, purosque Deos, genitos ex eis: alii dæmones, alii heroas vocantes, *ἀπὸ τοῦ ἱσχυρός*, amore illo, quo illi filii Dei in feminas exarsissent, filiosque eximæ virtutis & audaciæ genuissent, quod in Cratylo etiam retulit Plato. & Athenagoras in legatione scribit.

*Herofunde;  
didi.*

G g

§ 3. Simi-

§ 3. Similis quoque conditio fuit angelorum. Etenim cum omnes essent liberæ voluntatis, alii in ea, qua creati à Deo fuissent, condicione permanserunt; alii naturam suam & conditionem violaverunt. Is ergo dæmon materiæ, & formarum, quæ sunt in ea, imperator extitit, & cæteri, qui ex his circa primum æthera versantur. Scitis autem nihil absque testimonio nos prædicare, cum nitamur dictis Prophetarum. Illi igitur à carne victi, & in concupiscentiam prolapsi: is autem neglector, & pravius circa rerum sibi creditarum curam est inventus. Ex his vero, qui in virgines exarserunt, nati sunt hi, qui Gigantes sunt appellati. Iraque angeli lapsi de cælo, circa ærem & terram, prohibiti deinceps cælum repetere, versantur: animi quoque Gigantum circum mundum: hæc ille. Tertullianus quoque eadem sentit.

§ 4. Quæ quidam doctiores melioresque Theologi, quibus filiorum Dei notior fuit appellatio, nunquam dixissent: non Hieronymus, non Augustinus, non Gregorius Nazianzenus, non prudentissimus Chrysostomus. Nec difficile est erroris fontem agnoscere: nec durum probare, solitas Sacras literas filios Dei nuncupare dilectos illi, illumque colentes. Ut de Israël: Ex Ægypto vocavi filium meum. Et in Exodo: Filius meus Israel. In Psalmo quoque clara existit differentia, cum homines sunt filii Dei & cum non sunt: Ego dixi, Dii estis, & filii Excelsi omnes: vos autem sicut homines moriemini. Ecce eosdem filios Dei & homines appellat: sed filios Dei, quia creati ab illo, factique velut Dii, futuri que, si Deum coluerint: homines autem, quia in terrenam fragilitatem dilapsi, Regis cælestis imagine denigrata. Tales erant illi eluvionis tempore filii Dei, bona progenies ex Seth, quæ commista, cum filiabus hominum, scilicet corruptissimis scæminis, quæ sicut uxor Adam, deincepsque ferme omnes, sic maritos suos corruerunt: unde corruptiores filii nati, origo mali, sanguinis pii cum impio commissio: propterea nati bellicosi, superbi, contumeliosi. Hæc sunt veriora, à natura non abhorrentia: cum illa non absint à fabulis Poëtarum.

§ 5. Nec natura fieri potest, nec assentitur philosophia, spiritus corpore nudatos, amore scæminarum capi, aut ex eis generare potuisse. Habent enim fontem suum, & inferiores ortus, cupiditates: si desit causa, desit effectus. Ubi non sunt membra genitalia, non est amor coëundi. Ubi non est cibus & potus, non est sperma. Ubi non fuit querenda successio & propagatio, non adhibuit natura cupi-

Filii Dei  
qui?  
Osa 11.  
Num. 14.  
Matth. 2.  
Tsal. 81.

Filii Dei.

Cur dæmon  
corpe nequit.

Spiritus  
carum &  
offa non ha-  
bet. Luc. 14.

piditatem generandi. Sicut spiritus nudi sinit aut esutire non possunt: sic Venetis libidine nequeunt inflammari. Absurdum quoque duo esse genera dæmonum: tum ipsos angelos lapsos in concupiscentiam, tum animas Gigantum. Fuerunt enim Gigantes homines, nec ex hominibus faciendi sunt dæmones: nec casus eorum fuit, quod exarserint in amorem. Erunt igitur fabulosi dæmones, tam quos libido rapuisset, quam generati ex eis. Tales erunt, quales Hæctor, Achilles, Æneas, Hercules, ex hominibus & Diis nati, apud Poëtas. Hæc Augustinus Steuchus.

§ 6. A cujus sententia rationibus ac veritate comprobata, quamvis Lactantius *in probationem* discreper, in universali tamen de gentiliū diis, *non* non discedit. Sic enim argumentatur: Quid est autem tam remotum à Deo, quam id opus, quod ipse ad propagandam sobolem mortalibus tribuit, & quod sine substantia corporali nullum potest esse? Dii ergo si sunt immortales & æterni, quid opus est altero sexu? nimirum ut generentur. Ipsa progenie quid opus est? cum successionē non egeant, qui futuri sunt semper. Poterat hic argumentum Lucretii addere, quod ego validissimum existimo: *Influ. divin. l. 1. Deus ac dæmones non eorum.* *Lib. 1.*

— Si numina nasci

*Credimus, hanc quæquam fas est cepisse Deorum,*

Sequitur apud Lactantium: Ut habeat vel ministros, vel in quos ipse possit dominari. Quid igitur opus est sexu fœminæ, quum Deus, qui est omnipotens, ut vocatur, sine usu & opera fœminæ possit filios procreare? Nam si quibusdam minutis animalibus id præstitit, ut sibi è foliis natos, è suavis herbis ore legant: cur existimet aliquis, ipsum Deum, nisi ex permissione sexus alterius, non posse generare? Illos igitur quos imperiti & insipientes tanquam Deos & nuncupant & adorant, nemo est tam inconsideratus, qui non intellegat fuisse mortales.

§ 7. At Kimchi hic dicit: Omni rei, quam Scriptura vult magnificare, subicitur nomen *לא* sicut & in Propheta legimus *לא אלהים* — *לא* civitas magna Deo, id est, civitas magnificentissima. Aben Ezra intelligit per filios Dei, homines Deum agnoscentes. Chrysostomus hunc locum explicans, docere videtur, quod non solum absurdum est, sed etiam impossibile, ut improbi angeli cum fœminis coitum exercent, sic inquit: Dementia plenum est dicere angelos dejectos è cælo, ut cum mulieribus rem habeant,

habeant, & quod incorporea illa natura corporibus copuletur. Neque enim possibile est, incorpoream naturam illam habere unquam concupiscentiam. Et paulo post: Valde insanus esset, qui comprobaret talia verba dementiæ plena, quod incorporea & spiritalis natura, corporis complexum ferat.

§ 8. Cornelius Agrippa in eo libro, quem adversus Lamiarum inquisitores inscriptum emisit, hanc Chrysostomi sententiam detorquet in illos, qui maleficas mulieres, quod se rem Veneream cum dæmonibus peregisse, falsæ sint, insectantur & puniunt. Quam quidem rem ipse, & certe merito, iridet ceu fabulosam, & à somniis ac imaginationibus delirantium anicularum enatam: quæ quum sæpe dormientes per somnia decipiantur, & interdum quoque vigilantes ex vehementis libidinis imaginatione illudantur, tamen arbitrantur ea vere sibi contigisse, quæ sola imaginatione sunt peracta. Sunt inter veteres & alii Chrysostomo astipulati, inter quos præcipuus Joannes Cassianus Chrysostomi discipulus, in cujus lib. 2. Collat. cap. 8. hæc leguntur: Nullo modo credendum est, spirituales naturas coire cum fœminis naturaliter posse: quoniam si hoc aliquando secundum literam fieri potuisset, quomodo nunc quoque vel frequenter, vel raro id ipsum evenire non contingeret, & absque semine vel coitu viri aliquos nasci? similiter de mulieribus conceptum dæmonum cerneremus.

§ 9. Consimilem habet vim id, quod Philostrius Brixienfis Episcopus cap. 108. sui Catalogi adversus hæreses in hunc modum refert. Alia est hæresis, quæ de gigantibus asserit, quod angeli se miscuerint cum fœminis ante diluvium, & inde natos esse gigantes. Sed si quis putaverit angelos ita peccasse transformatos in carne, & in ea remansisse, aut ita factos carnales crediderit, is violenta ratione decernit historiam: sicuti & paganorum & poetarum mendacia asserunt, Deos Deasque transformatas nefanda conjugia commississe. Quod si factum est aliquando, & nunc fieri, non erit ambiguum: quod autem non factum est aliquando, nec modo fieri manifestum est. Neque ab his abhorrent, quæ Cyrillus Alexandriæ Episcopus in eandem fere sententiam disseruit lib. 2. Allegoriarum in Pentateuchum. His accedit autoritas Concilii Ancyranæ, detestantis insanam opinionem quarundam veneficatarum mulierum, asserentium se noctu per longa terrarum spacia ab improbis spiritibus deduci, ubi cum dæmonibus indulgens  
variis

*Sermo 1.*

*Cap. 16. q. 5.*



variis voluptatibus, epulis & libidinibus, &c.

*Semideos, ut alios mortales, fuisse natos: nec hominem,  
nec perfectum animal absque coitu & semine ma-  
ris ac femina, nasci aut concipi.*

CAPUT. XXII.

**E**x superioribus apparet, quam absurda sit ac prorsus indigna Christiano, Fulgentii sententia, qui, quos Scriptura Nephilim, & Hebræorum theologia Issim appellat, eos & Heroas, & Semideos, & Deos Senones dictos ait, aut quia ob meriti paupertatem cælo digni non censeantur, nec terreni tamen putentur propter gratiæ venerationem, cujusmodi olim Priapus, Hippo, Vertumnus: aut quia divinis virtutibus, & in humanum genus beneficiis in hac vitâ præcellentes, post exutum hunc mortalem hominem in Deorum beatorum choros translati sunt. iisdem, quibus olim in hac vita beneficiis ac virtutibus, mortalibus perpetuo providentes: aut quia arcano superum semine procreati sunt, quos ex Deorum sive dæmonum commixtione cum hominibus genitos putant, ideoque mediam quandam naturam sortitos, ut qui nec angeli nec homines sint.

*Nephilim.  
Issim. Se-  
mides qua-  
les crediti.  
Senones.*

§ 2. Etenim non apud Christianos, sed apud Ethnicos numina quædam tantum sunt terrestria, quædam cælestia tantum, quædam media, quæ Apulejus animalia ingenio rationabilia, & animo passiva, corpore æreâ, tempore æterna dicit. Antiquitas autem Medioximos appellavit, quod velut intercessores Deos minores, hominum autem natura majores esse, & divina quædam munera nobis tanquam *usurarij* conferre viderentur: ut Esculapius, Pollux, Castor, Liber, Quirinus, Atlas, & alii, quos Augustinus Steuchus nominavit. Herculem Servius communem Deum utriusque nature dicit, medium inter divinitatem & humanitatem. Ex Jove enim & Alcmena natus fingitur, quæ uxor erat Amphitryonis. Hinc cum per Herculem juratur, Mediusfidius jurari solet, quasi medius filius.

*Mediox-  
mi Dii.*

*Hercules.  
Aeneid. 1.  
Alcmena.  
Deus ex  
homine non  
potest nasci.  
Festus  
verb. Med.  
Medius fi-  
lius.*

§ 3. Ut autem ex homine Deum nasci, nec divinitatis nec humanitatis patitur ratio, sive ex femina & viro simul, sive ex virgine tantum, quemadmodum Sibylla Erythræa dicit,

— ἢ δὲ αὐτὰ ἀνδρὸς

ἐκ μητρὸς, μήτε γὰρ θεὸς τευ πατρίων ἢ ἄνθρωπος:

G g 3

sic etiam

*Nullum animal nisi ex utroque sexu.*

sic etiam neque homo neque perfectum animal, nisi ex maris ac feminae congressu, vel concipi vel nasci potest. Repugnaret enim hoc non solum ipsi veritati, ac sacrosanctæ religioni nostræ, verum etiam universæ rerum naturæ. Nam profecto in hominibus cæterisque animantibus diversitas sexus & coitio & generatio nullam habent aliam rationem, nisi ut omnia genera viventium, quando sunt conditione mortalitatis obitura, mutua possint successione servari.

*Dial. de Repub. 10.*

*L. 1. ff. solut. matr. Justin. in Nov. de nupt.*

*Animalia perfecta & imperfecta. Genes. 1. August. lib. 21. Sententiarum, Sent. 7. Gen. 7.*

§ 4. Quod si absque coitu sexus utriusque, vel quo alio modo fieri posset, iniquissimas atque ridiculas tulisset Plato leges, qui cœlibatum è sua repub. non solum exterminavit: sed iis etiam, qui non nubarent, multas pœnasque constituit. Atque hæc est unica naturalis nuptiarum & ratio & causa, Jureconsulti prudenter inspiciunt. Aristoteles quidem & Theophrastus animalia bifariam generari recte dixere, alia scilicet ex coitu, alia ex terra & putredine. At illa perfecta sunt, hæc autem imperfecta, de quibus hic non loquimur. Etenim Deus in principio perfecta omnia condidit, & hominem quidem & reliqua in speciem suam, hoc est, masculum & femellam, nullo genere excepto, nec aquatili, nec volatili, nec terrestri. Nam in universali *ἁπαντα* mundi, licet ipse postea sua virtute denuo quælibet creare potuisset, Noë tamen ita mandar: Ex omni jumento mundo tolles septem & septem, masculum & femellam ejus: de jumento vero immundo duo, masculum & femellam ejus. De volucre quoque cœli septem & septem, masculum & femellam, ad vivificandum semen super faciem universæ terræ.

*Animalia nulla ex se concipere.*

*Bernicia, anser Scotica.*

§ 5. Quare Æneas Sylvius fabulosum esse putat, anseres in Scotia vicina ex arboris fructibus in aquam decidentibus nasci, ut tradit Saxo Grammaticus: licet Guilielmus Turnerus Anglus scribat, hoc anserum genus Berniciam dictum (cujus vel nidum vel ovum nemo vidit) sine parentum opera gigni sponte, quum scilicet ad certum tempus malus navis in mari computruit aut tabulæ aut antennæ abiegnæ, inde in principio velut fungos erumpere, in quibus temporis progressu manifestæ avium figuræ ceruerentur: deinde pluma vestitæ, postremo vivæ & volantes: atque id asseri, præter commune omnium gentium littoralium, Angliæ, Hybernæ, & Scotiæ testimonium, à Gyrardo, qui multo felicicus, quam pro suo tempore Hybernæ historiam concipserit. At idem ille non satis tutum esse vulgo fidem astrui, & Gyrardo ob rei raritatem non credendum subjungit. Quare is ipse, qui Anglus natione, & medicu

pro-

professione erat, Theologum Anglum consuluit, qui verum esse, quod de hujus avis prodigiosa generatione dicitur, affirmavit. Verum in rerum naturalium cognitione potius docto medico ipsi Turnero, quam Theologo fidem præstandam existimarem.

§ 6. Huc pertinet quod de volucre Ephemero tradit Aristoteles lib. 5. de Hist. anim. Hyppanis fluvius apud Cimmerium Bosphorum sub solstitio, desert veluti folliculos acinis majores, è quibus quadrupes volucres erumpunt. Quod genus animalis in postmeridianum usque diei tempus vivit & volat : mox descendente sole marescit & languet : deinde occidente, moritur, vita non ultra unum diem protrahit : unde Ephemerum, id est diarium appellatum est.

*Ephemerus  
avv.*

*Plin. lib. 32.  
cap. 7. lib. 8.  
cap. 55. lib.  
10. cap. 65.*

§ 7. At prodigiosa hæc narrationes non semper fidem merentur. Quemadmodum nec id, quod Ovividius tradit, Channem piscem ex seipso concipere : & quod Archelaus de leporibus, utramque vim singulis inesse, ac siue mare æque gignere : quodque Aristoteles & Alexandri milites sunt comment, generationem murium lambendo constare, non coitur. Hyænam quoque parere sine mare, vulgus credit, Aristoteles negat. Idem de vulturum fecemellis traditum est. Oves ex terra nasci scribit Sigismundus Baro, &c. in Moschoviz, & Scythiz historia. Superat autem omnia hæc mendacia quod dicit Plinius, in Lusitania circa Ulyssiponem oppidum, & Tagum annem, equas Favonio flante obversas, animale concipere spiritum indeque partum fieri, & gigni perniciosissimum ita, sed triennium vitæ non excedere :

*Plin. lib. 1.  
cap. 30.  
Origines in  
prin. cont.  
Faustum*

*Plin lib. 8.  
cap. 42.*

*Ore omnes versæ in Zephyrum stant rupibus alis,*

*Exceptantque leves auras, & sepe sine ulla*

*Conjunctis vento gravide. —*

*Virg. 3.  
Geor.*

Atque hæc de animalibus brutis.

§ 8. Quæ si ratio ipsa respuit, ac sacra Scriptura refellit, quanto minus in homine concedenda? Concideret enim summum nostræ fidei fundamentum, abstrusissimumque incarnationis Christi mysterium : & quod Supra naturam operante Spiritu Dei fuit effectum, id natura sibi vendicaret. Sola enim Maria virgo & ante partum & post partum, Christum hominem & Deum, sine viro & concepit & peperit, ut supra demonstratum est : nec ulli unquam hoc attributum fuit aut tribuatur mulieri : ne forte potentia & voluntas divina prætendatur, cum hæc mendacia passim tradi videmus : veluti Platonem ex virgine, Apollinis phantasmate oppres-

*Nemo præter Christum  
ex virgine  
natus sine  
viris mine.  
Esai. 7.*

*Auguſt.  
cont. jud.  
cap. 9.*

*Plato.*

la na-

*Alruna.*

sa natum : & Gothicas, quas Alrunas vocant, & specie & ingenio spectabiles foeminas, olim Filuniri sive Idanthresi Gothorum Regis castra egressas, ac per Asiaticæ Scythiæ solitudines oberrantes, à Faunis & dæmonibus compressas, ac inde procreatos Hunnos fuisse. Se amore captos esse mentiuntur dæmones, ut amentes vicissim foeminas in officio arctius constringant, ardentem animarum perditionem depereuntes.

*Hunni.*

§ 9. Quod autem non ex mare, sed ex semetipsis concipiant mulieres, ea est caro informis, inanima, quam molam nos vocamus. Ideo non animatur, quia non est ex duobus : licet quoque neminem vidisse unquam mulierem sine viro vel molam vel ejusmodi quippiam concepisse, asserat Galenus lib. 14. de usu part. Falsissime igitur Simon magus ex virgine se natum jactabat, ut Deum se mentiretur. Falsissime Merlinus, dæmonis & virginis filius habitus, ut infra dicemus. Falsissime Servius Tullus Laris familiaris filius creditus, & reliqui omnes semidei, de quibus diximus. Nam & ipsi mortales fuerunt, & patres eorum viri, & matres foeminae.

*Mola mulierum.*  
*Plin. lib. 7.*  
*cap. 13. &*  
*lib. 10.*  
*cap. 64.*

*Plin. lib.*  
*37. cap. 37.*

*Commentum de Martini Lutheri ortu demoniaco.*

C A P U T. XXIII.

**I**N ætate anni sexagesimi quinti supra sesquimillesimum, Episcopus in celeberrimo famosi oppidi collegio, ad elevandam Martini Lutheri doctrinam, in concione publica hanc de ejus ortu enarravit historiam, quam certe lepidam atque hoc loco dignam negligi minime oportuit, ut videntes videant, & intelligentes intelligant. Diabolus in forma mercatoris & artificis gemmarii Wittembergam venit, ubi apud civem hospitio excipi cupit, quod merces suas preciosas communibus hospitibus credere minus auderet, pro beneficio interim justam pollicitus remunerationem. Cæterum ubi hospitis filiam in amplexus muneribus, blanditiis, aliisque voluptatis irritamentis pellexisset, ejus tandem concubitu fretus, brevi evanuit, nec postea apparuit usquam. Puellæ indies magis ac magis uteretur intumuit. Quæ enixura tam horrenda raraque edebat indicia, ut foetum non legitime conceptum esse, argumentis minime obscuris præsumeretur.

§ 2. Puer adolescens tantum paucis tempore in scholis promovit, ut suos coætaneos & commilitones facile vinceret, vitæ tamen ratione simulata. Inde ex patris instinctu factus monachus,

chus, vim religiosæ virgini (quemadmodum ab eruditis viris, iisdemque non paucis fertur) intulit abjecta cuculla. Romam vero profectus, ut conditionem sortiretur felicior, nec ex animo recederet, incidissetque in sanctiss. patris Papæ & Cardinalium inclementiam, consilio inito cum suo patre, ut ob denegatas preces se ulcisceretur, ab eo consulitur (quod imperitam plebem seductu facilem intelligeret) ut commentariolo orationem explicaret Dominicam, quam cunctos simul Christianos novisse oportet, ut ea ratione sui instituti voto potiretur.

§ 3. Explicationem autem hanc tanto artificio & fastu contexit, ut non modo vulgaribus, sed & eruditis plerisque, donec fucum animadverterent, commendaretur. Tragicus hic Ursus plebeiorum hominum erga se studia videns, longius indices grassari cœpit, tam ore, quam calamo contra Romanæ sedis indulgentias, & quædam ejusdem instituta alia, donec redargueretur, pudesceret & convinceretur: nimisque longum foret enarrare singula: sapienti sat dictum, A doctis omnibus hic Ursus nuncupatur. Nomen ejus, quem digito commonstramus, plus satis intelligitur. Indignum etenim, ut ille in verbi Domini cathedra nuncupetur. In summa, fons est & origo universæ hæreseos, in cujus extirpationem Concilium hoc sanctum tam diu inceptum, & agitatum: nunc tandem cum utilitate non exigua absolutum esse, merito acceptum Deo ferimus.

§ 4. Historia catholica de statu religionis nostri temporis Gallice conscripta, auctore S. Fontaino Theologiæ Doctore, tradit quoque probabilem esse opinionem, literarum monumentis propagatam: Margaritam videlicet Lutheri matrem ex diaboli coitu concepisse, qui aliquoties ante cum ea fuisset congressus, quam Joanni Luder matrimonii fœdere jungeretur.

§ 5. Lutheri profecto Doctrinam aliis veritatis machinis impugnare & convellere oporteret, non ejusmodi figmentis, alioqui vulgus intelliget. Siquidem crassum nimis hoc commentum est de tali dæmonis concubitu, quum ex descripta ejus vita omnibus constet, natum fuisse anno 1483. die 10. Novembris, nocte post horam undecimam, Illebiæ sub imperio Comitum Mansfeldensium, ex patre minime obscuro Joanne Luthero, viro Patricio, & hujus pudica conjuge Margarita matre: atque Martini nomen ei impositum, quod dies proximus, quo per

Hh

baptis-

baptismum Ecclesiæ initiaretur infans, Martino sacer esset.

*Cur ex Diis ac virginibus homines nasci confictum sit,  
& quæ ratione spiritus ac Diis cum mulieribus  
coeant, historiis aliquot docetur.*

## C A P. XXIV.

*Cur sine vi-  
ri coitu,  
multi nati  
sintantur.*

*In vita  
Claudii Cæ-  
saris.*

*Imber au-  
rent Jovis.  
Terrat in  
Hecyra.*

*Josephus  
Ant. Jud.  
xviii. 4.  
Paulina  
probita.*

*D. Mundi  
amori im-  
potentia.  
Amorū  
vis ac pre-  
cium.*

CONFICTA autem & excogitata fuerunt illa ab hominibus. & antiquis, & nostro seculo, vel per adulationem, ad Principum ac potentum familias illustrandas ac evhendas: vel per pudorem, ad obscuritatem generis aut natalium turpitudinem tegendam: vel per timorem, ad stupra mulierum aut adulteria celanda: sicut & felicibus ex veteri proverbio, sunt trimestres partus, & ut Suetonii verbis utar, patrem Claudii Cæsaris Drusum, olim Droimum, mox Neronem prænomine, Livia, quum Augusto gravida nupisset, intra mensem tertium peperit, fuitque suspicio ex vitrico per adulterii consuetudinem procreatum. Statim certe vulgatus est versus, *νῆς ἑστὶν ἡν ὁ γέννηται τῆς ἑσθίας*. Vel etiam conficta fuerunt hæc per attem, ad libidinem quorundam explendam, qui plerunque sunt aut lascivi juvenes, aut ociosi sacerdotes, & forma & varietate mulierum templa frequentantium capti. Jovem hoc pacto Danæ misisse ajunt quondam in gremium imbrem aureum. Et Chærea consimilem jam olim luisse se lusum ait, Deum sese in hominem convertisse, atque per alienas regulas venisse clanculum per impluvium, sycum factum mulieri. At quem Deum? qui templa cæli summa sonitu concutit. Ego homuncio id non facerem?

§ 2. Parebit hoc optime ex hac elegantissima Josephi historia. Circa Christi tempora etiam Romæ, in sacris Isis, summa turpitudine deprehensa est. Erat Romæ Paulina, mulier non minus probitate morum, quam natalium claritate illustris, adhæc opulenta & formosa, ut quæ esset in ipso ætatis flore, sed in primis ornata pudicitia. Nupta autem erat Saturnino, viro tali conjugæ dignissimo. Hujus amore captus est Decius Munda, juvenis non obscurus in equestri ordine: & quia major erat femina, quam quæ corrumperetur muneribus, eo magis accendebatur amantis infania, ita ut offerret ei pro unica nocte ducenta drachmarum millia. Ac ne sic

ne sic quidem valens eam flectere, non ferens amoris impotentiam, decrevit morbum simul & vitam finire inedia. Hoc ejus propositum non fecellit. Idem, libertam Mundi paternam, variis instructam, sed non probatis artibus: quæ indigne ferens oblationem juvenis, blanda oratione conventum animare conata est, spem ei faciens, effecturam se, ut potiatur Paulinæ complexibus. Cumque ille preces ejus libenter acciperet, ait sibi opus quinquaginta tantum drachmarum millibus ad expugnandam mulieris pudicitiam. Ita refocillato juvene, & accepta, quantam petierat, pecunia, novam doli viam ingressa est, videns Paulinam non capi pecuniis. Sciens porro, eam vehementer addictam Iſidis cultui, tale quiddam comminiscitur. Conventis aliquot ex ejus sacerdotibus, accepta fide silentii, & quod efficacissimum est, ostentato præmio, in præsens x xv millibus, & alteris totidem post navatam operam, indicat eis amorem juvenis, rogans, ut omnibus modis adniterentur eum reddere voti compotem. Illi auri cupidine tacti, benigne sunt polliciti: quorum natu maximus propterea se ad Paulinam contulit: & admissus impetratoque absque arbitris colloquio, venire se ait missum ab Anubide, capto ipsius forma, & jubente, ut ad se veniat. Illa libenti animo accepit nuncium: moxque jactabat se apud familiariter notas mulieres, quod dignata sit amore Anubidis: matro quoque indicat, conditam sibi cœnam & cubile Anubidis. Id eo facilius concessum est, quod cognita & probata esset viro conjugis pudicitia. Itaque in templum proficiscitur, & post cœnam instante somni tempore inclusa per sacerdotem, tenebris conciliantibus in latentem ibi Mundum incidit, totamque eam noctem obsecuta est juveni, Deo se gratificari existimans. Eo deinde abeunte, priusquam sacerdotes doli conscii surgerent, Paulina mane ad maritum reversa, congressum cum Anubide prædicat, & idem apud amicas quoque magnificis verbis exaggerat. Illis nec credere libebat, rei naturam considerantibus: nec mirari tamen non poterant, ob insignem mulieris pudicitiam. Die deinde post rem patratam tertia, Mundus adamatæ forte fortuna obviis: O factum bene Paulina, inquit, quod & ducenta illa millia mihi servasti, quæ potuisti tuis facultatibus addere, & morem nihilominus meæ voluntati gessisti. Nihil enim mea refert, quod Mundum contempnisti, quandoquidem prætextu Anubidis oprata voluntate exple-

*Falsa religionis usus.  
Sacerdotes Iſidu lenones.*

*Juvenis pro Deo cui.*

*Homini  
pau.*

sum: atque his dictis abiit. At mulier tum primo deprehensa flagitio, vestem sibi lacerat: & re tota ad maritum delata, obsecrat ne tam insigne ludibrium impunitum sinat. Maritus porro Imperatori totum significat. Tiberius, postquam accuratissima inquisitione didicit omnia, sacrificos illos impostores in crucem egit: unaque Iden, in ventricem hujus sceleris, cujus præcipua opera fuit in corrupenda mulieris pudicitia: dirutoque templo, statuam Iudis jussit mergi in Tiberim. Mundum autem mitiore pœna exilii castigasse contentus est, crimen ejus in Cupidinis impotentiam referens.

*Eccl. hist.  
xi. 25.  
Deorum li-  
bidines per  
sacerdotes  
exercentur.*

§ 3. Eusebius non minus notabile refert Saturni adulterium. Sacerdos Saturni, Tyrannus nomine, quasi ex responso numinis, adorantibus in templo nobilibus quibusque & primariis viris, quorum sibi matronæ ad libidinem placuissent, dicebat, Saturnum præcepisse, ut uxor sua pernoctaret in templo. Tum is, qui audierat, gaudens quod uxor sua dignatione numinis vocaretur, exornatam comptius, insuper & donariis onustam, ne vacua scilicet repudiaretur, conjugem mittebat ad templum. In conspectu omnium conclusa intrinsecus matrona. Tyrannus clausis januis, & traditis clavibus, discedebat. Deinde facto silentio per occultos meatus & subterraneos aditus, intra ipsum Saturni simulachrum patulis irrepebat cavernis. Erat autem simulachrum illud à tergo excisum, & patieti diligenter annexum. Ad dentibusque intra ædem luminibus, intentæ supplicantiq; mulieri vocem subito per simulachrum æris concavi proferebat, ita ut pavore & gaudio infelix mulier trepidaret, quod dignam se tanti numinis putaret alloquio. Posteaquam vero, quæ libitum fuerat, vel ad consternationem majorem, vel ad libidinis incitamentum discernisset numen impurum, atque quadam linteolis obductis, repente lumina extinguiebantur universa. Tum descendens, obstupefactæ & consternatæ mulierculæ adulteri fucum prophanis commentationibus inferebat. Hæc cum per omnes miserorum matronas multo jam tempore gererentur, accidit quandam pudicæ mentis fœminam horuisse facinus, & attentius designantem cognovisse vocem Tyranni, ac domum regressam viro de fraude sceleris indicasse. Ille de injuria conjugis, immo potius sua, ardentius inflammatus, inscriptum Tyrannum ad tormenta deducit. Quo convicto atque confesso, cæcisque fraudibus revelatis,

*Philo-  
sophum in  
adulterio.*



latis, pudor omnis & dedecus Paganorum pervaserat domos, adulteris matribus, incestis patribus, liberis spuris deprehensis.

§ 4. Hinc existimare possumus, ac dignoscere, quomodo matrona Romana fuerit à Marte compressa. Cujusmodi multa Valerius Max. & alii historici referunt. Fuit hæc fraus semper usitata sacrificis, ut hac de causa simulachra deorum, ipsosque deos & comedere, & bibere, & coire fingerent. Nota est historia apud Danielelem, de sacerdotibus Bel septuaginta, qui, cum ea, quæ Belo proponerentur, tam constanter eum ipsum consumere affirmarent, ut sanctum Dei Prophetam in discrimen vitæ adducerent, ostium fani Regem obsignare patientes: eos tamen sub mensa occultum aditum habuisse, ac per eum cum uxoribus & liberis ad Dei pateras exhauriendas patinasque evacuandas venisse, ex vestigiis ille summa prudentia deprehendit, Regique demonstravit. Quæ sagacitas quam nostris etiam temporibus utilis, atque adeo necessaria esset, Aureliana Necromantia docet, & Christi divæque virginis apud Bernates colloquium monachorum arte confectum, de quo supra dictum est.

*Sacerdotes  
semper pro  
Deo suo com-  
edunt &  
coeunt.  
Daniel. 14.*

*Vide lib. 5.  
ca. 15.  
infra.  
Lib. 3.  
cap. 19.*

*De mutua maleficarum commixtione.*

C A P U T. XXV.

QUIA superiori Capite satis dereximus illos Deos, qui formosissimas quasque matronas sub religionis specie in complexus suos sibi deposcebant olim: videamus jam, quinam sint dæmones, à quibus maleficæ subagitari se vulgo jactant. Quod etsi possem exemplis nostri temporis, nostrarumque partium, etiam in virginibus sanctissimæ, nostra opinione, pudicitie demonstrare: tamen quod odiosa sint, iis prætermittis, unum ab exteris sumemus, quo nihil esse potest ad vanitatem falsitatemque dæmoniacy coitus probandam accommodatus, nihil illustrius.

§ 2. Joannes Leo Africanus testatur, in Africa Felle maleficas esse, quæ videri volunt habere summam cum dæmonibus familiaritatem: dæmones autem vel rubros vel albos vel nigros appellant: atque ubi alicujus fatum eloqui volunt, certis odoribus semetipsas suffunt & affirmant eum tum se recipere dæmonem, quem accerserunt: inde mutata voce dæmonem in se loqui fingunt. Tum, qui rei alicujus explorandæ gratia venerunt, jam magna cum reverentia sciscitantur ex illis, & tandem numerato dæmoni precio

*Lib. 3. de  
scrip.  
Africa.*

H h 3

disce-

discedunt. Verum, qui sanioris sunt iudicii, mulieres has Sabacat, quod Latinis Fricatrices sonat, recte appellant, quod dampnando more soleant Venetrem inter se exercere: dicerem honestius, si possem. Si quando formosæ mulieres eas adeant, maleficæ earum amore non secus atque adolescentes puellarum accenduntur, & in dæmonis specie rogant, ut concubitus pro mercede patiantur. Ita fit, ut dum se dæmoniorum dictis paruisse putant, rem cum maleficis habuerint.

§ 3. Neque desunt, quæ ejus rei voluptate allestæ, maleficarum consortium ambiant, & morbum fingentes, unam earum ad se vocent, vel miserum eo mittant maritum: quæ re intellecta, mulierem à dæmone quodam vexatam affirmat, eamque ob causam nullo modo liberari posse, nisi se illarum adjunxerit numero. His verbis miser ille tandem victus non modo permittit id, sed & maleficarum ordini sumptuosum parat convivium: quo absoluto, ad tympanorum streptum mirum in modum saltare solent, deinde uxorem Diis ventisque committere. Repetuntur tamen, qui vel minimo negotio fustibus hunc dæmonem ejiciunt. Alii dæmonio se obsessos fingentes, non alio modo maleficas illas decipiunt, quam quo illorum uxores sunt deceptæ. Sic ais eluditur arte. At vide quanta interim misero diabolo fiat injuria tam facta quam dicto, dum & id illi criminis imponunt, quod non committit: & eam voluptatem ipsæ sentiunt solæ, cujus illum participem esse prædicant.

*De vanitate Seminis per succubum & incubum translata.*

C A P. XXI.

**P**ECULIARE vero dæmonis prius cum viro, deinde cum muliere congressus figmentum commentantur nimis imprudenter, ac argumentantur absurde admodum pletique Theologi (ut Mallei maleficarum architecti, Hentius Institoris & Jacobus Sprenger ordinis Prædicatorum, sacræ paginæ doctores & hæreticæ pestis inquisitores, ejusdem item ordinis Petrus de Palude, atque Martinus de Atles Theologiæ Professor, ac hujus farinæ alii) eundem scilicet dæmonem vini scelerati prius succubum, effici mulieri deinde incubum: semenque viro antea ademptum, mulieris inde sinui in ipso actu instillari, atque hinc foetum concipi, progignique.

§ 2. Quem tamen Grillandus ait non dicendum filium dæmonis, sed

*De eodem  
dæmone  
succubus &  
incubus ab-  
surdum  
quendam  
Theologo-  
rum argu-  
mentum.  
Volum. 10.  
tract. de  
fœt. 7.  
quæst. num.  
13.*

nis sed ejus, cujus erat sperma: itaque affirmare communiter Theologos, S. Thomam in tract. qq. 1. parte, tit. de miraculis. q. 8. vers. ad primum. (In Augustino vero, quem citat, nihil ejusmodi repertum.) Proinde, dum ad choreas translatae sunt uxores, Satanam alium dæmonem in forma succubi marito substernere, qui adeo bene se accommodet coire volenti, ut etiam callidissimum quemque falleret: ut ait Thomas d. titul. q. 5. Næ id ridiculum nimis videtur, quam quod multis debeat confutari argumentis.

§ 3. Hoc solummodo dicam: illam seminis ex sanguine & spiritu humano temperiem generationi aptam in ordinatis à Deo locellis, extra propria conceptacula, qualicunque præcipue translatione corrumpi & interire: propterea quod spiritus ac calor ille cordis totiusque corporis nec adsit, nec quantitate & qualitate justa sit in eo temperatus. Quamvis eam temperiem à dæmone conservari posse nugeatur Thomas, tum propter motus celeritatem, tum fomenta adhibendo, quibus illa defenditur. Si enim hoc fieri posset, quam fecunda monstrorum mater tam longo tempore extitisset humanum genus, semine ex feris vel bestiis permutato, translatoque ab incubo dæmone, & mulieris sinui infuso? En horribilem consequentiam.

§ 4. Hinc vides, quam omnino non sit credendum Alberti scholiastæ, qui quasi per somnum sic scribit: Si semen emissum ad terram, poneretur ad matricem, possibile esset, quod conciperet: & sæpius contingere, quod in balneo, ubi vir sperma emittit, muliere præsentem, ipsa tanquam in coitu concipiat, quia matrix est maxime attractiva, & semen adhuc viciens, nec exhalatione impotens, atque ideo sætum produci posse, idque experientia comprobatum esse. Nam si semen super salivam effunderet felis, atque salivam hanc aliquis comederet, tum ex illo semine generarentur in viri ventre feles, per vomitum expellendi. Absurdiora hæc sunt, & mendaciora, quam ut longiori refutatione indigeant.

*Lib. de Form.  
mat. hom.  
c. 1. de  
Gener.  
embryi.*

§ 5. Idem sit responsum fœminæ habitanti in vicinia Averrois, qui scribit eam jurejurando confirmasse, quod infantem conceperit semine profuso à lasciviente masturbatore, & in balneo attracto: quem admodum & Hebræi nugantur eodem modo natum Benzyram virum doctissimum & sapientissimum ex filia Hieremix prophetæ. Eiusdem erit fidei & illud ancillæ Reginæ Tanaquilis Oerisæ,

*Lib. Colloq.  
Beron.*

quæ

*Livius li. 1. Titul. li. 36. cap. 67. Servius Tullius Livius Plin. li. 2. 13. Falsa de perdicibus.* quæ Tarquinio Prisco regnante, jactabat sibi repente in foco comparuisse genitale è cinere masculini sexus, seque insidentem ibi surrexisse gravidam, & ita Servium Tullum natum, qui regno successit. Ejusdem profecto vanitatis illud Plinii de perdicibus, licet ab Aristotele videatur transcripsisse, ex lib. 5. de hist. anim. cap. 5. Neque in animali alio par opus libidinis. Si contra mares steterint fœminæ, aura ab his flante prægnantes fiunt. Hiantes autem exacta lingua per id tempus æstant, concipiuntque supervolantium afflatu, sæpe voce tantum audita masculi.

*De Sylvanis, faunis, & Satyris.*

C A P. XXVII.

*De Civit. Dei. xv. 23. Lib. 1. quæstionum super Generatione. qn. 8.*

**N**ec dubium est, alios mihi Augustinum hic de incubis dæmonibus objecturos, ita scribentem: Quoniam creberrima fama est, multique se expertos, vel ab eis, qui experti essent (de quorum fide dubitandum non est) audisse confirmant, Sylvanos & Faunos, quos vulgo Incubos vocant, improbos sæpe extitisse mulieribus, & earum appetisse ac peregisse concubitus: & quosdam dæmones, quos Galli Dufios nuncupant, hanc assidue immunditiam & sentire & efficere, plures talesque asseverant, ut hoc negare impudentiæ videatur: non hic temere aliquid audeo definire, utrum aliqui spiritus, elemento æreo corporati (nam hoc elementum etiam cum agitur flabello, sensu corporis tactuque sentitur) possint etiam pari hanc libidinem, ut quo modo possunt, sentientibus fœminis misceantur.

§ 2. Hæc parum aut nihil facere contra nos, intelligetis, qui cum nostris rationibus supra adductis, exactius singula discussit expenditque. Quæ insuper rumore acceperit ille, duntaxat recenset, nec certi aliquid statuere audet. Et si demus, spiritus aliquos elemento æreo corporatos esse: minime tamen hinc sequetur, ab æreo corpore, cum eo, quod temperata quatuor elementorum permixtione consistit, naturalem, vel similem ei, qui inter paria, terrena magis contemperatio inibuta coningit corpora, exerceri congressum. Aërem tales spiritus adferunt, aërem agitant, aërem verberant. In ejusmodi actu præter alia commoda organa, requiritur caro & sanguis, quibus spiritus carent. Reliqua itaque erunt ludibria à dæmone objecta, confirmataque vitiosa mulieris dementatæ phantasia. Quare præponderet hic ratio, & veritatis robur.

§ 3. De

§ 3. De Satyris illis salacibus, qui etiam obtruduntur, & eandem cum Sylvanis & Faunis rationem habent, an quoque veri fuerint dæmones, quid in Atticis scripserit Pausanias, breviter adjiciam. Equidem, ait, de Satyris quinam sint, ut aliquid certius, quam ab aliis traditum sit, cognoscerem, singula ex multis sum percundatus. Euphemus Cartandem, vir non ignobilis, hæc mihi recensuit: se, cum in Italiam navigaret, ventorum impetu in extremas Oceani oras delatum: ibi multas esse insulas desertas, quæ ab hominibus agrestibus incoluntur: ad illas insulas appellere nautas noluisse, quoniam antea in eas appulsi, à quibus tenerentur incolis, non ignorarent: sed tunc etiam præter eorum voluntatem tempestate coadactos. Insulas à nautis Satyrides appellari. Incolas rufos esse, & caudas non multo equinis minores, infra clunes habere. Hos, ubi primus hospites sensissent, uestigio nulla edita voce ad navim currisse: ac mulieribus, quæ in navi erant, manus injecisse. Nautas vero pavescidos, mulierem barbaram in insulam exposuisse: in quam satyri irruentes, non tantum eam, quæ natura viris exposita est partem, sed aliam quamlibet petulantissime appetivisse.

*Satyrides  
insula.  
Satyri.*

§ 4. De satyro quoque animali hæc scribit Ant. Sabellicus: Ex Athenis Sylla per Thessaliam & Macedoniam ad mare descendit, mille & ducentis navibus ex Dyrrachio Brundisium transmissurus. Proxima est Dyrrachio Apollonia, & circa hanc Nympeum. Sacer ibi locus virenti colle ac pratis, quæ fontes multifariam irrigant. Hic sub id tempus, quo Sylla eo cum exercitu venerat, Satyrum, animal humano ore, atque ea forma, qua pingitur, somno pressum, atque ita captum, locorum accolæ ad Syllam vinclum perduxerunt. Ibi haud una voce interrogatus, quis esset, multisque variarum linguarum peritis ad hoc ipsum adhibitis, tantum vociferatus dicitur: voxque aspera ex eo profecta, inter balatum & hinnitum media. Sylla religione ræctus, datis comitibus, qui cum in solitudinem deducerent, missum fieri imperavit.

*Satyrus.  
Lib. 3. c.  
not. 6.*

§ 5. Animalia etiam fuisse, quæ Satyri dicerentur, scribit Hieronymus invita Pauli primi heremitæ: eosque locutos esse, & rationis officia peregisse. Refert quoque, Satyrum quempiam Antonium quondam allocutum fuisse, & gentilium errorem in se colendis animalibus damnassee: affirmatque unum vivum olim productum in publicum, & mox ad Constantinum principem destinatum. His addit tamen, diabolo facillimum esse Satyri imaginem & no-

men assumere. Apud Strabonem inde legimus de Satyris, Silenis, Bacchis & Tityris, quos, inquit, dæmonas quosdam deorumque ministros Cytretas nuucupant.

*Incubi illusionem infestare quandoque probas etiam matronas, cum ridiculo exemplo adulterini congressus demoniaci*

C A P. XXVIII.

*Tract. de  
Superstit.  
Illusio incu-  
bi alius quo-  
que mulie-  
ribus probis  
accidit.*

**N**ec solum, inquit Martinus de Arles Theologus, apud maleficas, sed & circa alias probas mulieres accidit hæc incubi illusio. Nam ex sacerdotis cujusdam relato accepi, hoc tempore ipsi in confessione revelatum fuisse à quadam proba muliere nupta, cui sæpe in somnis videbatur, se revera super jumenta equitare per campos cum aliis: atque ita evagando super aquam, coire hominem cum ea, & intensam in actu se persequere voluptatem: & hoc sæpe ei accidisse phantastice, illusionem dæmonis, manifestum est.

§ 2. Unde Augustinus super Genes. Illa enim, quæ accidisse, ut quidam recordarentur, in quorundam animalium corporibus aut falli facta narrarentur, aut illusionibus dæmonum, hoc in eorum animis factum est. Si enim contigit, ut quis in somnis fallaci memoria recordaretur, se aliquid fuisse, quod non fuit, aut fecisse, quod non egit: quid mirum est, si quodam justo Dei occultoque judicio sinantur dæmones in cordibus hominum tale aliquid posse? Hæc ille.

*Adulterini  
congressus  
illusio dia-  
bolica.*

§ 3. Delusorii exemplum adulterii his accedat, apprime ridiculum. Mercatoris cujusdam uxor circiter sex vel septem milaria à Wittembergæ, Silesiam versus, absente negotiationis causa marito, peculiarem solet admittere concubinam. Contigit itaque marito peregre agente, amicum noctu redire: & post curatam cuticulam veneremque peractam velitationem, ut videbatur, hora matutina specie picæ assumpta momento, concubinam insidere promptuario, ac concubina his verbis valedicere: Hic tuus fuit amicus. dictoque citius evanuisse, nec rediisse unquam. Quanquam Wittembergæ ab Ecclesiæ id acceperit insignis doctrinæ vir JOHANNES LITHODIUS, medicus excellentissimus, ac collega mihi singulari necessitudine conjunctus: mihi tamen nugæ sunt.

*Joannes  
Lithodius  
medicus.*

*In collas.  
patrum.*

§ 4. Nullo ergo modo rite credendum esse, dixit Cassianus, spi-

spirituales naturas cum sceminis carnaliter coire posse. Nam si hoc aliquando posset fieri, quomodo nunc vel nunquam vel raro videremus, aliquos ex eorum concubitu de mulieribus absque virili semine nasci: cum præsertim constet, eas libidinum sordibus delectari admodum, quas proculdubio in semetipsas potius, quam cum hominibus exercere mallent, si illud ullo modo effici posset? Nec item immerito doctissimo philosopho & medico Julio Scaligero libet cum stomacho excipere, quæ de dæmonum coitu Psellus effutit. Quare cum Jamblichio concludamus: Quæ fascinati imaginamur, præter imaginamenta nullam habent actionis & essentiae veritatem.

Li. 16. de  
Sensibus.  
Card. Evers.  
155. Lib. de  
Mysteriis

*Commixtionis diabolica signum comprobantes  
historias omnes esse fabulosas.*

CAPUT. XXIX.

**H**INC constat cunctas quorumcunque historicorum enarrationes, commixtionis ejusmodi phantasticæ & diabolicæ signum comprobantes, ut fabulosas, ab omni veritate excidisse, optimoque jure pessum ire: & vel ab aliis primum fuisse chartis illitas, vel ex aliorum relatu à facile credulis deinde falso transcriptas, & ad posteritatem traductas: quarum aliquas, ne silentio eas sepelisse studio videar, hoc loco dignabor.

Incubatu  
dæmonum  
approban-  
tes historio-  
mnes fa-  
bulosa.

§ 2. Hanc describit fabulam Boëthius historicus. In Maræ regione, uti ex iis, qui sordissimam rem conspexerant, accepimus, puella natalibus altis, forma conspicua, complurium nobilium avertata connubium, in infandam cum eadæmone incidit consuetudinem. Quæ, cum uterum ferret, parentum rigore coacta edere stupratorem; adolescentem mira pulchritudine frequentius secum noctu, interdum nonnunquam convenisse: unde venisset, quoque inde abiisset, nescire se respondit. Parentes, etsi filix parum crederent, accuratius rem advertentes, consilio, quis esset, qui puellæ expugnasset pudicitiam, explorandi, cognito tertio post die, indice ancilla, stupratorem adesse, referatis foribus, accensoque tædarum ingenti numero, cubiculum ingressi, horrendum monstrum, figura supra humanam fidem terribili, in filix amplexibus sunt conspicati. Cucurrere ocius complures ad scædum acciti spectaculum. Inter eos sacerdos probatæ vitæ, nec sacre disciplinæ ignarus, cæteris aut trepide abeuntibus, aut pavore

Lib. 3. hi-  
stor. Sen.

illiis terræ, quum Johannis Evangelii initium recitare orsus, ad eum locum, Verbum caro factum est, perduxisset, malus dæmon horrendo sublato clamore, cubiculi tectum secum asportans, omni supellestili incensa abiit. Fœmina periculo servata, post tri-  
duum enixa est monstrum unde quaque fœdum aspecta, quale nusquam antea, ut ferunt, inter nostrates visum: quod obstetrices, ne in familiæ dedecus servaretur, extructa ingenti pyra, citissime exusserunt.

*Psyche's ve-  
litatione ve-  
neræ cum  
Cupidine.  
Li. 5. de A-  
fin aur.*

§. 3. Huic simile admodum est, quod de Venerea Psyche's ve-  
litatione, cum formoso deo Cupidine, qui aliis venenatus serpens,  
& sævissima bestia dicebatur, scribit Apulejus. Quare etiam can-  
dem veritatis opinionem jure meretur.

*Lib. 8. hist.  
Scri.*

§. 4. Ejusdem fidei historiam quoque aliam recitat idem Boë-  
thius. Anno Christianæ salutis sexto supra octogesimum, millesi-  
mum & quadringentesimum, navigantibus è Porthea ætuario ne-  
gociationis causa in Flandriam, tanta ventorum oborta est vis, ut  
velis, malo, armamentisque ruptis, & navi sæde inter tumentes un-  
das jactata, certissimam mortem cuncti expectarent. Navicularius  
tantam tamque insolitam aëris inclementiam eo tempore demira-  
tus (suberat enim solstitium æstivum) quum id, non sideri, sed  
malorum dæmonum, qui hominibus semper sunt infesti, insidii  
magnis, tribueret clamoribus: reddita est vox ex ima navi mulie-  
ris se misere incusantis, quod incubo humana sub effigie, qui cum  
per multos ante actos annos habuisset consuetudinem, jam tum  
fuisset commixta, & ab eo subacta: mari ergo celerius se traden-  
dam, ut ipsa pereunte, quæ tantum malum imminentis causam præsti-  
tisset, cæteri Dei benignitate permanerent incolumes. Accedens  
ad lachrymantem fœminam, jubente naviculario, sacerdos, ejus  
atque cæterorum salutis consulendi causa, crimen jam palam faten-  
tem; horrentem scelus vehementer altro pectore suspitibus indicibus,  
pœnitentemque facti, pie est horratus, ne sibi deesset, cui certo  
cognosceret numinis favorem adesse, crimina lachrymis ac animi  
pœnitentia deleti: tantam miserentis Dei clementiam esse erga  
mortales, ut alius vel in malorum profundum lapsos, respiscen-  
tes nonnunquam ad majorem longe, quam unquam antea habuif-  
sent gratiam, recipiat. Media pii sacerdotis adhortatione, quum  
multis suspiriis afflicta mulier admissum facinus deploraret, cunctis  
visa est atra nubes è navis sentina profuissse, ingentique sono, flam-  
ma, fu-

*Siverum  
busis. po-  
tuit illa  
incubum in  
fornio pati  
imagina-  
rium: &  
ne cautius  
omnes illu-  
derentur,  
eam post à  
dæmone  
fuisse exti-  
tatam nu-  
beculam,  
cum sine &  
fattere cer-  
tum est. Hoc  
item dæmo-  
ni studio  
fuit, ut illa  
innocens in  
mare præci-  
piatur.*



ma, fumo atque fœtore sese dejecisse in mare. Sedatum est inde, cœlum, pacatumque mare, & negotiatores cum navi cunctis suis rebus salvis in optatum portum abiêre.

*De Merlino, cygno naviculam aurea trahente catena,  
cygnea turri Clivenſi, phantastica conjuge,  
& reliquis satanici concubitus exemplis.*

## C A P. XXX.

**I**DEM Boëthius, constantem fuisse sumam inquit, Merlinum ex Incubi & nobilis Britannici sanguinis feminæ concubitu genitum esse. Hinc quilibet palam videt, quantum hisce miraculis apud historiographos fideli debeat. Ut autem rerum mendacium collatione clarius eluceat veritas, ridicula illius superstitiosæ ætatis commenta de Merlino, velut de cygno quoque, illincere ex Vincentio non pigebit.

§ 2. Ab eo narratur, Vortigernum regem consilio capto, quid ad sui tuitionem facere deberet, jussisse acciti artifices, qui turrim fortissimam extruerent. Sed cum eorum opera tellus absorberet, suavis est regi, ut hominem sine patre inquireret, cujus sanguine lapides & cementum conspergerentur, quasi eo modo stabile redideretur cementum. Inventus igitur adolescens Merlinus nomine, qui cum matrè adducitur coram rege, quæ illum ex spiritu in hominis specie conceptum esse fatetur. Merlinus hic multa obscura revelavit, & futura prædixit. Apertum enim, sub fundamento esse lacum: sub lacu duos latere dracones, quorum unus rubeus populum Britonum, alter vero albus Saxonum designaret: & uter eorum in conflictu alterum superaret, varicinatus est: atque Autelium Ambrosium, devicto Hengisto, & combusto Vortigerno, regnaturum. Ex Rachele item matrè adhuc virgine se natum fuisse jactabat mendaciter Simon magus, ut Deum se mentiretur.

§ 3. Ex Helinando insuper Vincentius hæc refert: In Coloniensi diocesi famosum & immane palatium Rhœni fluminis supereminet, Juvamen nuncupatum: ubi pluribus olim congregatis principibus, inopinatè advenit navicula, quam collo alligatam cygnus argentea trahabat catena. Inde miles novus & incognitus omnibus exiliit, cygnusque navem reduxit. Postea uxorem duxit miles, liberosque procreavit. Tandem in eodem palatio, residens, & cygnum inspiciebat adventantem cum eadem

Hist. XXI. 30.

Merlini historia vel fabula.

Cem. lib. 1. Rex.

Lib. 3. cap. 27.

Juvamen.

Cygnum naviculam argentea trahentem catenam.

navicula & catena, statim in navem se recepit, nec visus est amplius: progenies autem ejus in hunc usque diem persistit.

*Cygnus  
turris Cli-  
vensis.*

*Obscura  
dorsif. fa-  
miliarum  
initia.*

§ 4. Hoc exemplo, spirituum quoque fieri cum feminis congressum, defenditur: & ex eo figmento in arce Clivenſi ) ubi & altissima turris vetusta conspicitur, Cygnea nuncupata, in cujus fastigio cygni simulachrum volvitur ) antiquissimis tapetis intexto, originis illustrissimorum Ducum Clivenſium vetustatem deducunt: quemadmodum potentissimorum regnorum & clarissimarum familiarum initia ejusmodi adornari lenociniis solent, ut divini aliquid iis inesse, citius persuaderetur. At commentum ipsum arguit vera ortus hujus illustrissimæ domus historia.

*Cap. 26.*

§ 5. Ex Gaufrido Antisiodoro ejusdem fidei miraculum, lib. 3. idem ille Vincentius scribit, narrans decanum quendam sacerdotum, cum sorore Ducis Burgundie, Regi Sicilie Rogerio desponsata, aliquandiu in eo regno inhabitasse, qui se rem ibi comperisse admirabilem certissime affirmaret: Juvenem videlicet quendam strenuum, & narandi peritum, circa noctis crepusculum lucente luna in mari balneasse, & mulierem post se natantem criminibus apprehendisse, tanquam ex sociis aliquem, qui cum mergere vellet. Quam alloquens, ne verbum quidem extorquere potuit: quare operam pallio, domum duxit, & tandem in uxorem solenniter accepit. Increpatus aliquando à socio, quod phantasma amplexus fuisset, expavescens, gladio extracto conjugii minitabatur, se filium, quem ex ea susceperat interfectorum, nisi ipsa loqueretur, suamque fateretur originem. Quæ, Væ, inquit, misero tibi, utilem perdis uxorem, dum me effari cogis. Tecum mansissem: ac in rem tuam esset, si injunctum mihi silentium permisisses. Nunc autem me posthac non videbis: & evestigio evanuit. Puer autem adolevit, & maximum cœpit frequentare balneum. Tandem die quodam coram multis puerum in eisdem fluctibus occurrentem rapuit phantastica illa mulier.

*In trall. de  
Lamia &  
Pythecia.*

§ 6. Ulricus Molitor LL. Doctor, puerum hunc dæmonem fuisse in pueri forma apparentem, & matrem succubam, dæmonium scilicet, arbitratur: militem item incubam, & Merlinum ex matre delusa dæmonis artificio supposititium. At mihi fabulæ erunt, quibus bonas horas male nimis seculo illo cæco impenderant plerique. chartulisque phantasmata pro rebus gestis ad posteritatem transtulere.

§ 7. De

§ 7. De dæmone item succuba, graffimæ omnium fortunæ adolefcentem infestante, memorabilem quoque ex Boëthio historiam postea competies. Hieronymus adhæc in Viris patrum narrat, monachum quendam à dæmone in mulieris venustissimæ forma, ad obsecenos invitatum fuisse amplexus: qui sua inclinans membra, effectus est sicut equus & mulus, quibus non est intellectus. Atque, ubi jam carnalem conaretur inire amplexum, illa terretimæ vocis ululatum emittens, umbra, ut erat, tenuis & phantasma inter manus amplectentis elabitur, ipsuq; miserum cum fœdissima irrisione deserit.

§ 8. Magdalenam civis cujusdam famulam, scribit Jacobus Rufus, nostra memoria Constantiæ fuisse compressam à dæmonio, eique tandem per penitentiam valedixisse: ex institutione ministrorum Ecclesiæ: ac postea tantos in utero sensisse cruciatus, ut in singulas fere horas infantem se crederet enixuram: inde clavos ferreos, ligna, vitra confecta, crines, stuppam, lapides, ossa, ferrum, & humilimodi innumera, ex matrice excrevisse.

*De Conceptu  
homo. v. 6.*

§ 9. Mea autem est sententia, Magdalenti phantasiam fuisse Veneræ comixtionis opinione à diabolo illusam: deinde ab eodem excitatos illos dolores, ut certius illum cum ea congressum fuisse crederetur, quod tamen falsum erat. Ut deinde conceptam augeter opinionem, subjecit subdole res illas prodigiosas, quas in matrice non fuisse (quemadmodum ea etiam, quæ ore rejiciuntur, in imo corpore non fuere) non est, quod hic pluribus comprobem: quum eadem sit ratio, Nam quum omne semen suum simile procreet, quomodo ex semine in ea coitione fuso, tales potuerunt generari materies? Sed absurdiora sunt hæc, quam ut fusiorem requirant confutationem: sequenti quoque Libro abunde id docebitur. Eainvero, si in utero hæsisent, proculdubio hic non modolæti, sed insigniter dilaceratus fuisset, quum essent materies duræ, alperæ, inæquales, acutæ, & quidem copiosæ. Illa quoque inspecta, modo virum non admississet, hymen certissime apparuisset inviolatus.

*Delusionis veneræ diaboli historia, & causa longioris tractationis hujus argumenti.*

C A P. XXXI.

**D**ELUSIONIS hujus & fallaciæ diabolicæ duo adhuc exempla adjiciam, ex illustri Philosopho Francisco Mirandula. Agnovi,

*Hermelina  
dæmon, a-  
mafia fa-  
cerdote.*

Agnovi, inquit, virum nomine Benedictum Bernam, ætatis annorum septuagintaquinque; eundemque sacerdotem ex his, quos presbyteros vocant, qui annis plus quam quadraginta cum dæmone familiarisub forma scæminę illi associato concumbebat, in forum deducebat, alloquebatur, adeo ut astantes, qui nihil videbant, eum pro facto haberent. Vocabat autem illam Hermelinam, quasi mulier esset.

*Pinneti a-  
mafia. Flo-  
rina dæ-  
mon.*

§ 2. Alium quoque Pinnetum, ait, nomine novi, qui ad octoginta & amplius annos pervenerat, cum dæmone alio, qui muliebri forma ei videbatur, vocabaturque eum Florinæ nomine, plus quam quadraginta annis veneras voluptates exercuisse. Sed is, dum hæc scriberem, vivebat: alter pœnas jam dederat, confessus arcana se in sacrificio non protulisse, consecratum vero munus mulierculis ad veneficia præbuisse, pueris sanguinem exuisse, atque alia ejusmodi gravia scelera: tormentorum tamen vi, ne jocum fuisse credas.

*De varietat. 15. 18.*

§ 3. Atque hæc aliaque plura (illis recitatis ait Cardanus) si vellem adjicere, absurda, viroque tam gravi profecto indigna sunt, ac vana, & ab omni ratione aliena. Primumque ex ipsius exemplis illum confutare licet. Nam juvenculæ illæ vel vera videbantur corpora, cum non essent, quod non solum sensibus & naturali rationi repugnat, sed etiam Servatoris authoritari. Si enim non solum visus, sed etiam tactus hoc modo decipi potest, Christi dictum nihil concludit adversus Thomam. Sin autem corpus fictum illis videbatur: quod atrocius poterat esse tormentum, quam velut damnatum à Mezentio, cum mortuo concubere? Horret animus, mens auper, ubi talia cogitat.

§ 4. Sed vir alioqui non imprudens, & nimium quorundam Platoniorum figmentis addictus, monachorum mendacia, vulgi famam, mulierularum naniq; fabellæque aureo asino dignas, sanctis philosophiæ sermonibus immiscuit. Eo igitur factum est, ut delectare potius Lectores atque allicere, quam serio tractare quicquam visus sit. Sed & beatos Augustinus à tam absurdis narrationibus si abstinuisset, licet forsitan pauciores habiturus lectores, gravioris tamen viri opinionem assequutus fuisset apud eruditos. Sica fuit seculi labe, ut plurimi, velut nunc de regno, sic gaudioribus mendaciis decertarent: quæ ille vir sanctus pro venis accipiens, ac quasi æmulatione gentilium figmentorum, libris suis intervit. Itaque illi tantum fidei habeo, quantum se oculis vidisse testatus est: in aliis, minime. Jam enim constat unicuique, majorem talium nar-

ratio-

rationum partem fabulosam esse. Sed unde tanta incrementa tam absurdis deliramentis, jam pene dictum est. Avaritia ipsorum, quibus inquisitio talium, jusque eas puniendi permittum est: vanitas ac stulticia delinquentium, novitatis desiderium, & ignorantia causarum eventuumque naturalium. Hæc Cardanus.

§ 5. Meo tamen judicio Benedictus sacerdos & Pinnetus à diabolo illusi fuerunt; qui mentem utriusque ita viciavit, in illorum phantasiam illapsus, quam imagine charæ mulieris imbuere perpetua: qua illi valde delectati, facilius in errorem induci potuere. Nam & D. Augustinus scribit, quendam tacita animi intentione, cujusdam femine imaginem expendisse, ut rem sibi cum ea vigilans habere videretur.

§ 6. Ritu sane excipiendum, quod in hanc rem quidam, me præsentem, coram potentissimo, eodemque prudentissimo Principe narrabat, famulum scilicet diluculo nuper rus concessisse, ut equos mature domum è campis reduceret: atque in agro quandam ejusdem pagi feminam maleficii insinulatam invenisse, supino decubitu prostratam, cui incubuisset dæmon. Ad hæc, dæmonii formam rogante Principe, respondit alter: Canis nigri. Hic ludibria ejusmodi, præstigias & vulgi opinionem false irridens Princeps: Ignorabam diabolum cani nigro similem esse, ait: alio profecto mentis acumine, quam vulgares censere solent. Nec dubito, mulierem illam tunc temporis etiamnum in lecto decubuisse, & idolum hoc rustico à Satana fuisse objectum ad sinistra de ea conceptæ opinionis confirmationem.

§ 7. Ueberior equidem fui studio, in fœdissimo ludibriosæ hujus commixtionis negotio, ut cum omnis illa sagarum turba se ea vitiari confiteatur, & unaquæque suum certo indiget nomine amasium, si huic congressui nihil inesse veritatis obtinuerit, promptius universa illa phantasmatum dæmoniacorum machina collabatur, veritas elucescat clarius, diaboli regnum eat pessum altius, & unio in populo Christiano citius renascatur, inviolatiusque conservetur.

*Causa In-  
guera tra-  
ditionis  
de ludibrio-  
so diaboli  
concubitu.*

*De mulieris demoniacæ partu Lamia imputato,  
historia admirabilis.*

C A P. XXXII.

**O** argumenti communionem, historiam, certe ut raram, ita & admirandam de commentitio partu à dæmone adornato, hic

K k

sub-

subjungam, ut inde similia diaboli ludibria penitus innotescant, fidemque sortiatur ipsa veritas.

*Antonius  
Succquetus.*

§ 2. Antonius Succquetus, eques auratus, per totam Flandriam notissimus, & in aula Brabantica celebris Concilii ibi privati Confiliarius, præter tres filios legitimos superstites, unum reliquit nothum, qui Brugis duxerat uxorem. Hæc paulo post nuptiales faces, à malo genio cœpit vexari misere, ita ut, ubicunque locorum esset, etiam coronâ honestarum matronarum cincta, è cœru eriperetur, perque cubicula aut cœnatula, ubi erat, protraheretur, ac sæpenumero conjiceretur modo in hunc angulum, modo in aliterum, etiam reluctantes, omnique vi illam retinere conantibus, qui huic aderant. Id tamen accidit sine magna admodum læsione corporis. Persuasum omnibus erat, hoc malefica arte fieri à pellice illi invidente marito, cujus amore devincta tenebatur: erat enim juvenis, forma non ineleganti. Verum dum varis multisque modis ita à maligno agitur spiritu, cœpit gestare uterum: æt nihilo minus aut levius vexabatur. Tandem advenit tempus, quo illi partus angustia obreperent, & una tantum adesset: Quæ ablegata, ut obstetricem acciret, & alias, quæ in hoc officii genere operam præstare possent, visa huic intrare pellex illa, de qua modo facta est mentio, quæ ei obstetricis officium præbuit. Verum parturiens præ angustia in mentis concidit deliquium. Ubi vero ad se rediit, liberatam se sensit ab onere. At puer nusquam apparebat, mirantibus id omnibus supra modum. Accidit autem prostridie, ut, dum è somno puerpera expergisceretur, reperiret infantem juxta se in lecto, fasciis involutum: cui & ubera semel atque iterum præbuit. Atqui non ita multo post, rursus illa dormiente, à latere infans abripitur, nec postea inventus est. Ajebant nescio quas schedas cum magicis notis in ostii sera repertas. Hæc mihi retulit sotorius, vir profecto ut nobilitate, doctrina & pietate clarissimus, sic & fide dignissimus, qui Antonio affinitate junctus; ea à puerperæ marito illius fratre, ac conjuge fratris, aliisque, qui non raro adfuerant, audivit.

§ 3. Cæterum, ne in hoc actu tam artificioso instructo velut attonitus, aut in præteritis agere videar, succincte, quid hic sentiam, adjicere volui. Quod matrona hæc à dæmonio obsessa, maleficium se à pellice in fonte pati crederet, accrevit vexatio primum ex abstracta Dei voluntate permessa, machinatusque fuit diabolus graviora.

viora imprægnationis ludibria, uterum illius spiritu expandens, ut in falsa maleficii credulitate ipsam aliosque arctius postea, opinionione fortus à pellice obstetricante surrepti devinciret, & quasi ream pellicem carnifici offerret, impietatis, sententiz injustæ, sanguinisque innocentis sitientissimus. Propterea eos tandem partus dolores movere cœpit eò tempore opportuno, quo una solum adesset fœmina: ut ea ablegata, liberius apertiusque in forma pellicis, à cujus tanquam maleficiæ conspectu matrona hæc exhortuit, obstetricis munia obire videretur. Post lypothymiam itaque, vel animi defectum à Satana (ut dolus non animadverteretur, ignorareturque non procreatum fuisse infantem) fraudulenter excitatum, à suo opere, quo antea ventrem inflavit, dæmon destitit, conciditque rumor. Quum vero puer natus esse, sed à pellice abjatus crederetur, postidie in alto somno, vel infantis reportati fasciis involuti, & à matre lactati simulachrum suave exhibuit milleartifex ille: aut vigili nonnihilque ex assidua dæmonis illusionem ac agitatione adhuc stupenti, imaginarium sive surreptum alicubi tantillo tempore puerum obtulit, qui & ejusdem opera momento evanuit, vel veræ matri restitutus fuit. Fabula in eum finem à diabolo fuit instituta, ut incredulitatis impiæque opinionis fluctibus objiceret matronam, ejusdemque æpicipitis fidei confortes: & ut de pellicis corio luderetur, & caute in sententiam sanguinariam, eamque iniquam induceretur magistratus. Tanta arte variam pestilentemque novit contexere telam subdolos ille textor.

*Lamias solum doctorem habere vitiatam phantasiam, & ridiculas esse res quibus ledere creduntur.*

## C A P. XXXVI.

CÆTERUM, ut tandem hunc fabulæ actum finire occipiam, quemadmodum hæc Lamix nec longiori peregrinatione, labore aut studio, corruptæ mentis doctrinam cum Magis scelestis conquirunt: ita nec ullos habent libros, quorum adminiculo in sua professione instituuntur promœventurque: nullas etiam præscriptas conjurationum formulas, quas sequuntur: nullum adhuc annulo incarcerationum, aut crystalli soliditate obseptum dæmonem, in suum ministerium, velut plerique

K k 2

Magi,

*Lamiarum  
de Ber. cor-  
rupta phan-  
tasia.*

Magi, circumferunt: corruptam variis imaginibus ab immundo spiritu ingeffis, phantasmam solummodo doctorem venerantur & colunt: cui ut plurimum propensius confisæ, misere decipiuntur, ac in perniciem ruunt. Nec quidem præter vulgarem morem quicquam peculiare ob indolis crassitiem & spirituum inhabilitatem valent: secus autem diabolus potest ob tenuitatem, subtilitatem, & longum rerum usum. Et, si sustinero, nusquam dictarum nobis Lamiarum mentionem in universis fieri Bibliis sacris, non fortassis facile convincar. Neque etiam delusorum horum monstrorum satiationem restitutionemque prætermisisset Dei filius in terris, si eo tempore dira hæc sæviiisset pestis.

*Ridicula  
res, quibus  
sine con-  
fuso lade-  
re posse exi-  
stimant ve-  
rana fami-  
na.*

§ 2. Quod vero hæc maleficium, aut, si mavis, veneficium etiam sine contactu inferre posse credantur, cum aliquo ejus excremento, cui nocere debet maleficium, cujusmodi est urina, sterqus, sanguis, capillorum & unguum præsemina, atque hæc generaliter includi membris canis, similibus aliquo modo his, quorum in homine sunt partes aut excrementa, claudique osse mortui hominis, ac in illius nomine sepeliri, alia quidem in vestibulo, alia in viis crucis formam habentibus, alia in torrentibus: cum bona venia mei olim heri & præceptoris venerandi Agrippæ, hæc mere inanæ esse, adeoque ridicula, cum Cardano libere assero, atque Satanæ instinctu in usum vocati: quasi aliquid hic possent res prorsus inefficaces frivolaque.

*Agrippa  
liber &  
præceptor  
Wicci.  
Lib. 18. de  
Sortil.*

§ 3. Hoc autem fit, quo à se designatum id, quod apparet malum, à dæmone constructum, vel alias Dei occulta voluntate, aut naturæ vitio natum, credant non sanæ fœminæ: potissimum, quum eas nova imbui virtute, ex inepta vel blasphemæ aliqua admurmuratione, aut imprecatione maligna, falsa opinentur persuasionem. Sic nuper Hammonæ judex quidam Hossus, narrabat se quævisse è quadam celebri & famosa saga (quam tum in vinculis coercerat, postea autem Vulcano consecratam) qua ratione quis Lamiarum maleficia evitare posset? Quisque respondit illa serio, detrita & vetustate multoque usu consumpta calciamenta custodiat: quasi vero eorum opera inferri vel etiam arceri maleficia valeant. Cui mens ita super, ut has non sentiat nugas?

*Res viles  
aut phar-  
maca in lo-  
co semoti  
sepulta non  
posse nocere.*

§ 4. Quod etiam res viles, aut noxia pharmaca alicubi recondita, ex intervallo transcensæ aut præteritæ, noxam inducere vel ex disjunctissimo etiam spacio, seu nervo emissæ excussa que violenter ferri



ferri in eos, quos petunt, nonnulli arbitrentur, etiam insignes & docti viri, non mihi sit verisimile. Si enim congenita veneni virtute ejusmodi infertur vitulencia, eam quoscunque vel transcendentes, vel prætereuntes ferire necesse est, quam delectus sit expers materia venenosa. Secus autem experientia & res ipsa docet. Proinde si solummodo quibus male voluit illæ vetulæ, ledantur: non venenalia contingit noxa, sed maleficiū ratione. Id porro nihil eatenus posse, jam demonstravi. Si tamen nocumentum hinc subsequi videatur, certum est ab ipso Satana, ex Dei assensu, ob hominis lædendi incredulitatem, vel etiam, ut hic probetur cum Jobo, id ipsum excitari. Ille est, qui excæcat, mutilatque. Interim deliræ huic anni, quæ materiam venenosam vel qualemcunque aliam sepeliit, id, ut dixi, quod ab ipso perpetratum est, vel alias contingit, ita in mentem firmiter suggerit, persuadetque dæmon, ut à se factum esse illa credat asseratque.

§ 5. Cæterum ea diaboli ludibria ut plurimum vim suam fortiri, ut dixi, ob impiam hominum credulitatem, qua in ejusmodi potentiam dæmonis consentiunt, certum est. Enim vero, si serpens sub ostii limine repositus fecunditatem amoliri potuit, ut in Maleficarum malleo legitur: cur in illis regionibus, ubi serpentum numerus domos pervagatur, non omnes sterilescunt scemina? Si quoque olla in fundo putei arcis recondita, ad congressum reddere potuit impotentem quandam Comitem, ut ibidem narratur: cur non omnes, ex communi puteo aquam usurpantes, elanguere? At organa generationi destinata præpedit dæmon (id quod varie ratione naturali potest) donec ollam ex institutione mulieris dæmoniacæ concremasset male credulus Comes, tumque destitit ille dæmon libenter, quo in falsam de vetula opinionem Comitem reliquosque pertraheret.

§ 6. Sic quoque in felium (si vera sit historia) specie in operarium insilire potuit dæmon, atque eodem tempore in operarii formam verberare matronas, ut infantes tanquam malefici reæ, hinc tandem cum judicium periculo & animarum perniciæ, ad supplicium raperentur. Nec scopa aquæ intincta à muliere, & in aëre sparsa, pluviam accit: sed dæmon, ut supra dixi, ex præcognita aëris constitutione colludens, ut illam his ludibriis dementatam, in officio arctius detineat. Eadem ratione sunt reliquæ ejus artes, dolosæque actiones, & instituta in Malleo atque alibi sparsim enarrata, exactius discutienda.

Ephes. 2.

Prima 2.

partis, q. 1.

ca. 1. 6. 9.

10 11. 12.

13. 14 15.

ubi varia

in hanc rem

legantur ex

scriptura

multitudine

superstitiosa

superstitione

per totum spar-

sa librum.

Diaboli de-

lusiones

quomodo in-

vestiganda.

Pluviam

non potest

excitare

Lama.

*Quæ cannata sunt, non debent ad potestatem Lamiarum referri.*

## CAPUT. XXXIV.

*Quæ oculis  
re quibus-  
dam can-  
nata sunt,  
non debent  
ad potesta-  
tem Lam-  
iarum  
delectu ha-  
bitam re-  
ferri.*

SI quædam forte in Africa sunt voce & lingua effascinantium familiarum ( ut tradunt Ifigonus, Memphodorus & Solinus ) quæ si impensius pulchras casu laudaverint arbores, segetes lætiores, infantes amœniores, egregios equos, pecudes pastu cultuque opimos, emoriantur repente: iis ingenitam banc esse proprietatem oportet, cujus causam postea addit Plinius. Hinc apud Italos, Hetruscos potissimum, multis sæculis inolitum, adhuc perdurat hodie proverbium, ut, si quando hominem impensius laudantem aliquem audiant, statim objiciant, Di gratia non gli diate mal d'occhio: hoc est, precor, ne oculi malum ei concilies, vel ne visu lædas. Inde & apud nos inolevit consuetudo ( quod Aristoteles probl. xx. 34. testatur ) ut aliquid laudaturi præsemur, ne verba nostra nobis obsint, ut Deus id conseruet.

§ 2. Si item ejusdem generis forte existunt in Triballis & Illyriis, ut Ifigonus adjicit, Macedoniæ vicinis, interimantque, quos diutius intueantur, iratis potissimum oculis, in quibus singulis pupillas ( auctore etiam Cicerone ) habeant binas, & hoc malum sentiant puberes: aut, si quoque inveniantur fortassis ejusdem fortis fœminæ in Scythia, quæ vocantur Bythiæ, teste Apollonide: vel in Ponto genus Thibiorum, sicut & multi alii ejusdem naturæ, auctore Philarcho, qui eorum notas etiam prodit, in oculo scilicet altero geminam pupillam, in altero equi effigiem: nec eisdem posse mergi, ne veste quidem degravatos: sive quoque haud dissimile iis genus Pharmacum in Æthiopia comperiat, ut refert Damon, quorum sudor tabem contactis corporibus afferat. Horum causam privatim reddidit Plinius, naturam in quorundam toto corpore, in aliorum oculis venena genuisse, ne quid usquam mali existeret, quod in homine non esset.

§ 3. Atqui hæc rara, & quasi miraculo privatis quibusdam interrogata ingenitaque ( quemadmodum & quibusdam contigit animalibus ) nullum hic habent locum? Quippe non pro delectu & arbitrio ex fœderis cum dæmone initii virtute acquisita, quæ hic agitur quæstio. Idem de Psyllis Africæ populis Nasamonibus conterminis, & Marfis Italiæ populis ( quos à Circes filio Marso ortos ferunt ) è

*Quæstio  
IX. 4.*

*VII. 2.*

*Quæstio  
XVI. 11.*

runt) è vulgi opinione, gratia sancti Pauli celebribus, dictum volo.  
Silius lib. 8.

—ac *Marsica pnbet,*

*Et cellare manu, & chelydrii cantare soporem,  
Viperemque herbis hebetare & carmine dentem, &c.*

§ 4. Huc accenseantur effascinatrices gentes Paletheoborum, Pontum incolentes, quas Plutarchus & Pilarchus narrant, non pusionibus modo, quorum habitus sit imbecillis, sed adultis etiam, qui solido coneretiorque constant corpore, pestilentes esse, & intuitu soloque halitu in tabem resolvere, morbosque perimentes accire, non solum his, qui continuo adsunt, verum & hospitibus, & qui ab earum commercio alienissimi sunt. Adjiciantur & Telchines Rhodi populi, qui omnia aspectu suo in pejus commutasse leguntur. Peregrina hic quoque erit, naturalis tubentium & lipporum oculorum contagio. Nec enim ullum reperiti in humani corporis fabrica organum, quod tanta spirituum copia scarseat, & ex quo eorum fulgor, unde spectantis oculus contagione inficitur, usque adeo emicet, ut de oculi pupilla, notum est. Quin Augustus Cæsar tam lucidos traditur habuisse oculos, ut in quos paulo attentius eos defixisset, hos velut ad solis fulgorem oculis connumerare cogeret. Author quoque Suetonius est, Tiberium Cæsarem expergefatum, etiam in tenebris, ut selem, vidisse. Scribit adhuc Gellius, in ultima terra, cui Albanix nomen est, incolas in pueritia canescere, & noctu acutius quam interdiu cernere, fulgore scilicet teneram visus aciem obrundente.

*De fascino  
per oculos.  
Plutarchus  
Symp. 5.  
Gell. lib. 9.  
cap. 4.*

12. 4.

§ 5. Nec est, quod hic confugiatur ad Plutarchi *Charadrii*, id est, vaporum defluxus, eorumque potentiâ, qua ignis instar proxima quæque depascant, dispergantque. Nec ingenita naphthæ vis, vaporem & scintillas alliciendi: aut nativa proprietas occulta Charadrii aviculæ, galguli Latinis dicti, regio morbo laborantibus primum conspectæ, croceos bilis vapores attrahendi, huc adducenda. Connata enim ea sunt. At, de quibus hic rei versatur cardo, ea delectu & voluntate habere creduntur. Interim putido suo quandoque halitu vetulas tenellam inficere ætatem inter contrectandum, non inficior. Quod tamen & quilibet alius haud difficulter fecerit, cui ex faucibus tanto fœtore exhalat putrilaginis virus, tenuisque subit & inficit spiritus.

*Charadrii  
virtus.  
Heliocorus  
in hister.  
Anthiap.  
lib. 3. Plu-  
tarch.  
Sympof. 5.  
12. cap. 7.  
Suidas in  
dictione  
Charadrii.  
Elian.  
lib. 17.  
cap. 13.  
Galgulus.*

Qui

*Qui proprie dicendi venefici, & memorabilia veneficorum exempla.*

CAPUT. XXXV.

**A**TQUI jam ad Veneficos, vel, si liceret, Venenificos progrediamur, quos Græci *φάρμακοι*, *φάρμακοις*, *φάρμακός*, item *φάρμακός*, & *φάρμακός* feminas, perniciosissimæ artis (quam Magiam veneficam, si voles, appellare licitum est) conscias, dicunt. Hos pharmacis vel venenis, ex quacunque materie, sive ex metallorum, sive ex stirpium, sive ex animantium vel excrementorum genere, vel ex corporibus mixtis, propinatis, illicitis, aut alicubi reconditis ut halitu feriant, periculosos ciere morbos cum atrocissimis symptomatibus constat. Unde scilicet alii in corporis extenuationem viriumque imbecillitatem inducuntur, quibusdam juncturatum compages dissolvuntur, cæteri varie cruciatibus excarnificantur. Nonnullos vero diuturna torqueri ægitudine: plerisque præcipitanter, quasi vitæ filo mox rupto, interdum & cum intolerabilibus doloribus vitam, præscindi videas. Quandoque tamen veneficorum nomine & alios maleficos comprehendendi vulgo, non ignoro.

*Enneades*  
IV. 4.

*Veneficia*  
*horrenda.*

§ 2. Horrenda sunt, quæ de Veneficis scribit Antonius Sabellicus in hæc verba. Infamis inde annus sequutus, M. Claudio Marcello & T. Valerio Flacco (sive Potito, ut alii scripserunt) Consulibus, quum multi ex primotibus patrum simili morbo & eventu mortui essent: ancilla quædam ad Q. Fabium Maximum Ædilem Curulem venit, causamque ejus cladis prodituram se professa est, si fides sibi daretur, quod id indicium apud dominos haud futurum esset sibi noxæ. Fabius re ad Consules delata, à Consulibus ad Senatum, fide, consensu ordinis, indici data, patefactum est muliebri fraude eam cladem accidere: multas esse, quæ in virorum perniciem coquerent venena: ac, si secum eant, fore ut multæ veneficio occupatæ deprehenderentur. Missi, qui ancillam sequerentur. Hi quasdam medicamenta coquentes, apud alias recondita inveniunt. Quibus in forum delatis, vigintique numero matronis, apud quas id pharmaci genus fuerat deprehensum, publice accersitis, & in his Cornelia & Servilia patriciæ gentis. Quæ, quum salubria esse contenderent, à confutante indice bibere jussæ, spacio ad colloquendum sumpto, inter se loquutæ, id haurire statuunt:

statuunt : medicamento in conspectu populi epoto, ad unam interi-  
ri-ere. Inde ad centum septuaginta ejusdem sceleris convictæ, ca-  
pitali sunt supplicio affectæ. Atrocitas rei, quia ad eam diem in  
nullam de beneficio unquam fuerat inquisitum, prodigii est loco  
habita: velut alienatis furore mentibus, id flagitium perpetrari con-  
tigisset.

*Vol. Max.  
T. I. 26.*

*In nullam  
antea de  
beneficio  
inquisitum.*

§ 3. Venefica fuit Crescentii illius seditiosi Romani, eoque  
nomine ab Ottone tertio vili jumento facie inversa impositi, & per  
urbem circumvesti, tandemque ad portam suspensi uxor. Quam  
quum sapientia & virtute præstantissimus alioqui Imperator depe-  
riisset, illa, quod Ottone reditum in Germaniam apparante, se con-  
jugii spe videret excidisse, chirothecis veneno infectis, cum nece-  
vit, anno millesimo primo, 5. Calend. Februarii.

§ 4. Veneno item lento sublatu est Joannes Cimices Orien-  
tis Imperator à Basilio quodam euncho, cui se potentiam deroga-  
rum fuerat interminatus. Veneno adhuc ab uxore Zoe procacis-  
simæ & intemperantissimæ libidinis scemina, quum Paphlagonem  
quendam Michaellem deperiret, extinctus Romanus Argyrus Im-  
perator Orientis, qui priorem antea reliquerat conjugem.

§ 5. Veneficium quoque fuit, quod Casali, in urbe Salassæ re-  
gionis Italiæ contigit circiter annum Domini millesimum quingen-  
tesimum trigessimum sextum. Conjuraverunt viri ac scemina, qua-  
draginta fere numero, inter quos & carnifex erat: ut, quum pestis  
antea sævisset, & jam cœpisset mitescere, unguentum conficerent,  
quo illitis portarum vestibus, inficerentur, qui vestes tractarent:  
Apparant & pulverem, quem vestibus clam inspergentes, noxam  
inferebant. Latuit aliquandiu dolus, sublatique multi à conjunctis  
sanguine vel affinitate: data etiam veneficis, ut ferebatur, pecunia  
hæreditatis ergo. Sed quum cujusdam Neci nomine fratrem atque  
unicum filium enecassent, vixque alii, quam domini ipsi domuum,  
aut filii perirent: simulque animadvertissent Androgynam se in do-  
mos insinuare, arque eos maxime interire, quorum ædes ingre-  
deretur: deprehensa conjuratione, omnes exquisitissimis tormen-  
tis interempti sunt. Fassi etiam, quod in celebri cujusdam Divi  
pompa subcellis perunctis, universos trucidare cives decrevissent:  
paratasque in hunc usum fuisse supra viginti ollas.

§ 6. Idè postea Genevæ tentarunt nonnulli, qui & pœnas dede-  
runt. Alios etià Mediolani vestes inunxisse constat: sed quæstionibus

L I

subje-

subiecti, quum nihil confiterentur, nec quisquam obiisset, dimissi sunt. Bassianus Landus scribit, Patavii monachum quendam cum aliis plerisque identidem conspirasse, qui pestis tempore infecta, lineamina in domos occulte conjiciebant, ut in multis derivaretur contagio : sumptum quoque ab his est supplicium.

§ 7. In nobili familia de Petrinis Bononiæ, duo erant fratres, quorum alter maritus cum numerosa prole in eisdem ædibus commorabatur matri viduæ : alter vero junior, spe consequentæ hereditatis universæ, totam familiam è medio tollere statuit, conjecit in vini dolium arsenico. Ex cujus usu cum gravibus torquerentur symptomatibus, convocabantur medici celeberrimi, Matthæus Curtius, Joannes Maria Bettus, & Hispanus Philippaldus. Qui in veneni suspicionem mox venerunt, quod iisdem cruciatibus vicinis quoque exagitari, qui forte domum ingressi, vinum illud hauserant, intellexissent. Eorum itaque consilio vas infringitur, vinoque effuso invenitur arsenicum. Hinc curationem aggressi medici, omnes resituerunt, excepta matre vetula debili, & puero infirmo. Fuga sibi consuluit veneficus, atque ita veneficii author innotuit. Facinus hoc contigit anno mellefimo quingentesimo tricesimo octavo, in Augusto.

§ 8. Socru adhuc gener quidam veneficus cantharides, extractæ cassiæ mixtas, obtulit bononiæ. Quam vesicæ cruciamentis tam atrociter afflicta, ut etiam sanguinem largum ex vesicâ excreverit, felici successu curavit D. Helidæus Paduanus Foroliviensis; clarissimus & in artis operibus exercitissimus medicus: quemadmodum recensuit D. JOHANNES ECHTUS, medicus Colonienfis ornatissimus, illius olim discipulus, qui tunc temporis ipsum sedebatur, & superiori quoque curationi interfuit.

§ 9. Huic quoque narrat D. Gisbertus Horstius, medicus experientissimus, Romæ quendam hydropicam diu decubuisse, cujus uxor tandem sumptuum pertæsa, veneno illum tollere decreverat. Quare bufonis in olla usi pulverem ægroto propinat, unde ille copiosam reddit lotium. Hinc denuo eundem pulverem exhibet, ut citius illi ærumnosam sumptuosamque vitam cum præcipite commutaret morte. Qui multo uberiore exonerata per vesicam saburra aquea, convalescit præter conjugis expectationem. Nam bufo etiam discissus, & renibus impositus, hydropicorum aquas per meatum urinarium expellit. Eandem ipse Gisbertus alias sensu ca-

*Helidæus  
Paduanus  
Foroliviensis  
est medicus.*

*Bufo scissus  
renibus  
impositus.*

istæ calamitatem ab iis, à quibus minime decuit.

§ 10. Extat Ausonii super hac re quamlepidum epigramma:

*Toxica zelotypo dedit uxor macha marino,*

*Nec sati ad mortem credidit esse datum:*

*Miscuit argenti letalia pondera utvi,*

*Cogeret ut celerem viâ geminata necem.*

*Dividat hæc si quis, faciunt discreta venenum,*

*Antidotum sumet, qui sociata bibet.*

*Ergo inter sese dum noxia pocula certant,*

*Cessit letalis noxa salusifera.*

*Protinus & vacuâ alvi petiere recessus,*

*Lubrica dejectis qua via nota cibis.*

*Quam pia cara deum, prodest crudelior uxor,*

*Et quam fata volunt, bina venena juvant.*

§ 11. Quam sane hic locum quoque suum meretur illud Nætonis I. Metamorph.

— Non hospes ab hospite tutus,

Non socer à genero, fratrum quoque gratia rara est.

Imminet exitio vir conjugis, illa mariti;

Lucida terribiles miscent aconita novercæ;

Filium ante diem patrios inquit in annos.

§ 12. Venefica item erat Joanna puella, quæ anno millesimo quingentesimo quinquagesimo quarto, in Novembri, nobili & pia matronæ Annæ à Virmont, dominæ in Well, optime de ea meritæ, bis clandestine arsenicum propinavit. Ego ad morbi, ex prioris veneni assumptione, curationem accersitus, post alia feliciter administrata, jus caponis simplex ab ægrota sorberi volui. Cui denuo, ut è medio (vellem nollem) tolleretur domina, arsenicum largius seorsum infuderat Joanna, quæ illi à cubiculis erat. Eo autem non satis juri immixto, gustu & visu maxime, ob ejus copiam, ab ægrota & me deprehensum est venenum. Necdum enim in animos antea irrepserat oblatis arsenici suspicio, sed venenatum aliquid pisis ab ea comestis adhæsisse opinabamur. Inde, num destinatum gliribus perimendis pulverem alicubi oclusisset ægrota, sciscitabar: qui cum altero collatus, certiores nos redderet. Nec defuit successus. Hoc etenim modo innotuit venenum dominæ denuo exhibitum: sed prius à me & puero, veneficii adornati tum adhuc ignatis, gustatum in jusculo. Concitato autem utrinque mox vomitu, &

*Venenum  
propinatum  
Annæ à  
Virmont.  
domina in  
Well.*

is, quæ veneni vim infringere oblatis, additoque antidoto, nullæ veneni manserunt reliquæ. Veneficium confessa puella, morti adjudicabatur: aliorum tamen intercessione ob ætatem juvenilem, qua vix decimum quintum attigerat annum, vitæ beneficio rursus donata, carceri perpetuo mancipabatur. Unde, post menses paucos effractis cancellis, eam liberarunt milites. Ut quilibet hoc doctus exemplo, provide magis suis consulere rebus, flagitium hoc quam brevissime commemorare libuit.

§ 13. Vidi & vetulam, quæ ob zelotypiam arsenicum marito infonti cum olusculo propinarat, unde hic cum acerbissimis interit cruciamentis: illa autem undis publico immergebatur supplicio.

§ 14. Nuper inprobam uxorem marito aliquot vicibus argentum vivum dedisse devorandum, eumque id sine ullo nocumto per alvum egressisse, narrat Georgius Agricola: mulierem vero in maleficio manifesto deprehensam, poenas legibus dedisse.

*Lib. 8 de  
Natura  
fossil.*

§ 15. Exactis item his annis, quum mulier venefica Tremonia aliis exhibuisset marito argentum vivum, ut eum perderet, nec ex voto negotium successisset: tandem die quodam festo, cum campanis daretur solenniter signum absoluti Missæ sacrificii, illa præcurrit ad ædes Dorpiorum, mercatorum ibi celebrium, ubi ab emente majorem solito argenti vivi quantitatem, quæsitivæ mercatoris famulus, in quem finem id compararet? respondet, se in medicamento quodam ad enecandos rattos & mures eo uti. Cum primum domum venit, omne illud argentum infudit olusculo conciso cocto, quod marito apponebat: is animadvertens nondum dissolutum nec satis pernixtum Mercurium, assumpto olere in forum excurrit ad Consules, qui tum (ut apud eos moris est) post celebratam Missam antecuriam moras trahebant, forte, ut sit, de republica conferentes: veneficii accusat uxorem, ostendens pharmacum edulio mixtum. Quo autem mortis genere comprehensa illa perierit, non satis novi.

*Memoranda historia de Venefico famulo carnificis, ejusdemque malefica conjuge, quæ trium virorum capita palam ferire voluit.*

C A P. XXXVI.

*Famula  
trium virorum  
velut  
detruncare  
capita.*

**H**OC catalogo dignabor mulierem famulam Mechteldim nomine, malicia non inferiorem quacunque venefica, ob raritatem inauditam facinoris, in Septembri anni sexagesimi secundi supra millesimum quingentesimum, recenter instituti ad hunc modum in oppi-



in oppido circa Mosam ad Brabantiae limites sito, Gravia nuncupato, loco mihi natalitio. Ut ex quinque captivis tres eodem die supplicio ob sua flagitia efficerentur, accitur ex proxima civitate Geldrorum Neomagio carnifex, qui sperans eos ex magistratus decreto suspendendos, subsequitur: mutata autem sententia, simulatque capita esse ferienda intelligeret, de imbecillitate sua apud satrapam Steinhufium conquestus est, ante annum contracta ex veneno ipsi clam propinato à suo famulo, ut in heri sui ministerium posset surgari. quae solet esse in dignitatibus & praeclaris officiis invidia. Ne vero diutius procrastinaretur supplicium, se statim missurum ad conjugem pollicetur, quae suum collegam Arnhemiam vocaret, in sententiae laeae executionem, cum eo enim se contraxisse de opera mutua, & communi lucro, asseverabat: quemadmodum plerumque fit, ut inter fideles arrifices aequale redeat ex pacto emolumentum. Consensus praefectus, mittiturque Neomagium ad tortoris uxorem, ut evestigio accederetur Arnhemia publicus ejusdem officii administrator. Illa lucri cupida, aliud statuit animo, mariti scilicet defectum suis supplere viribus. Quare gladium ejusmodi postremo actui tragico destinatum, pro marito à consule impetrat, eultrorumque fabro dextrorsum exacuendum mox deferit: ipsa etenim sinistra erat. Inde hora vespertina sibi capillitium clam secari jubet, & summo mane vestes viri induta, praeter thoracem studio relictum, ut in laxiore indusio minus observarentur mammae: deinde imposito capiti pileo plumis ornato, latoque illo gladio accincta, incunctanter Graviam properat. Quam satrapa videns imberbem, Arnhemensemque ratus esse lictorem, rogabat, num in ea juvenili aetate trium simul truncare capita auderet? Hoc sibi committi debere, nec jam primum in illud se prodituram theatrum, quum eandem saepius experta esset aleam, respondit, arreptis simul restibus quibus captivos vinciret. Ita iis tandem productis, ut mox gladio feriendas submitterent cervices, scossam à conjugē & fratre Steinhufius praefectus admonetur, lictorem videri feminam. Hic cum universo comitatu ad stuporem usque consternatus, re mox cognita ex carnificis famulo, quem exacto juramento ad veritatis confessionem adegerat, reos custodiam reddi jubet: & nunc clam hoc foeminei sexus monstrum opera satrapae se subduxisset, ne vel ab hominum turba in aquas proximas

*Venerum  
carnifici  
famulo  
propina-  
tum.*

detrunderetur, vel aliqui ab aliis oppidi malitiosis scæminis trucidaretur colis, verendum erat. Reverta autem Neomagium, risu apud multos celebratur, velut tanto facinore nobilitata: maritoque mortuo, eam duxit uxorem carnifex Ainhemienfis, defuncti apud Neomagos succëssor. Sic ut plurimum, ob functionum communem usum inter collegas matrimonia contrahi celebrariq; solent, ne in alienas, familias transferâtur nobilia ejusmodi officia, nec degeneret soboles.

*De Philtris, Hippomanes, & reliquis amatoriiis quisquiliis.*

C. A. P. XXXVII.

**H**Uc quoque pertinet amatorium poculum aut pharmacum, Græcis *φάρμακον* nuncupatum, sensus vitians, iisque varias species & amores concitans furiosos. Ejus meminit Juvenalis:

*Philtrum,*

*Hic magicos affert cantus, hic Thessala vendit*

*Philtra, quibus valeant mentem vexare mariti.*

*Satyr. 6.*

Eodê referantur & Lælii versus in Apologia 1. ab Apulejo adducti:

*Philtra omnia undique erunt, Radicula, herbæ, succuli,*

*Antiphates illud queritur, Auræ ilices, bichorditæ,*

*Throchisculi, ungues, senæ, Hinnientium dulcedines.*

§ 2. In hoc item veneficii genere locum habet Hippomanes, ea-

*Hippoma-*  
*nes.*

runeula haud parum famosa, caricæ magnitudine, specie orbiculata, latiuscula, colore nigro, quæ in fronte nascentis pulli equini apparet, quam edito statim partu mater lambendo abstergendoque devorat: & si præripiatur, animum à fœtu penitus aversum habet, nec cum ad ubera admittit. Ob hoc maximam esse vim ejus ad amorem concitandum ferunt, quando in pulverem versa, cum amantis sanguine propinatur in poculis. Hinc equis innasci amoris veneficium, ait Plinius. Ejus mentionem fecere Aristoteles, Solinus, Columella, & cæteri. Item Virgilius:

*Aristotel.*  
*de Natur.*  
*an. vi. 18.*  
*22. & vii. 12.*  
*42. Columella vi.*  
*27. Arneid. 14.*

*Crines effusa sacerdos,*

*Ter centum tonat ore deos, Hercubumque, Chaosque,*

*Tergeminamque Hecaten, tria virginis ora Dianæ:*

*Sparserat & latices simulatos fontis Averni,*

*Faleibus & messæ ad Lunam queruntur alienis*

*Tubentes herbæ, nigri cum lacte veneni.*

*Queritur & nascentis equi de fronte revulsus,*

*Et matri præreptus amor.*

§ 3. Dicunt & eodem nomine virus illud lentum, quod ex equarum,

rum, libidinis cœstro stimularum, pudendis defluit. Id à Virgilio ita describitur:

*Hinc demum hippomanes vero quod nomine dicunt*

1. 9. 27.

*Pastores, lentum distillat ab inguine virus:*

*Hippomanes, quod sepe male legere novercæ,*

*Miscentes herbas, Et non innoxia verba.*

Et apud Tibullum:

*Et quod, ubi indomitæ peregibus venni: afflat amores,*

Eleg. 11. 4.

*Hippomanes cupida stillat ab inguine equæ.*

Propertius lib. 4. in lenam quandam:

*Consuluit striges nostro de sanguine, Et in me*

*Hippomanes fœta semina legit equæ.*

Et Ovidius Eleg. 1. 8. adversus aliam lenam:

*Sen bene quid gramen, quid torto concita rhombo*

*Licia; quid valeat virus amantis equæ.*

Novit Juvenalis quoque:

*Hippomanes, carmenque loquor, coctumque venenum*

*Privigno datum.*

§ 4. Nomen veneno inditum *iniquis*, quod eueni equinæ cupidini supiles hominibus amoris accendat faces. Hinc, Pausania & Eliano autho. ibus, tantam in eo novit vim Olympic Phormis Arcas, quod illo æri mixto & effuso, equam posuerit, abscissa cauda: huic Hippomanes incluserat, fabrica non tam accurata, ut ea falsitate tantopere ad hujus conspectum furis excitari oportuerit equos: quos tamen ita alliciebat, tantaque agitabat insania, ut disruptis frenis in ipsam violentius, quam in vivam, insilirent equam. Neque quod angulæ inhærentes æræ statuæ lubrico eliderentur lapsu, idcirco cessabat appetitio, imo ardentius multo in his ante ore adhiniebant: neque prius ab æneo potuere depelli simulachro, quam flagris & equisonum violentia abstraherentur. Est & Hippomanes, ut docet Theocritus, *curis ixxur*, id est, planta sive herba, qua gustata equi infurias aguntur: unde & nomen.

§ 5. Inter amatoria adhuc venena connumerantur, in extrema lupi cauda pilus, ejusque virga, remora pisciculus, felis cerebrum, & lacertæ, stellio cui stincus nomen. Item os de rana viridi, in fornicarum æervo exesa. Sinistri etenim ossis contactu amorem, dextri vero dissidium excitari tradunt. Vel, ut alii referunt, à fornicis obesa rana ossa conjice in aquam, quorum aliqua aquæ inu-  
natant,

Amatoria  
venena.  
Plinius.  
viii. 22.

natant, quædam subsident: hæc ligata in albo sindone, & suspensa, amorem conciliant, illis contracto homini odium paritur. Aliud experimentum simile ex birundinum pullis. Accipiuntur ii unius ætatis aut nidi, qui in olla conditi, in terra sepeliuntur, ut suffocati fame pereant. Post ex effossis, qui hianter ostro mortui inveniuntur, amori: qui occluso, concitando serviunt odio. Utero hyænz sinistro lacerto quoque religato, si quis mulierem inspiciat, usui hic esse etiam perhibetur. Componuntur ea quoque interdum ex excrementis, aut animalibus è putredine genitis, aut ex connata nobis materie, quæ tamen, ut illicita merito mentem potius turbant, mutantque, quam ad amandum cogant. Sic menstrui mulierum, præsertim biliosarum & rixosarum, potus, adeo bibentes effascinare inficereque, ut lunaticos & amentes efficiat, creditur. Habentur & alia philtrea, à mortuorum vestibus, candelis, acubus, & iis universim, quæ funerum gratia parantur, sumpta.

§ 6. Quæ eo libentius, quod ingarum plus, quam veritatis habeant, nomino. Quemadmodum nativa illa venena, nimisque efficacia silentio hunc sepelire malui, doctioribus medicis ex sexto Dioscoridis de materia medica, & reliquis item Græcorum & Arabum, tum etiam quorundam recentiorum libris, atque usu quotidiano nimis cognita

*Quod amatoria Tocola, Hippomanes, & quæcunque id genus alia, citius furorem inducant, quam amorem concilient.*

CAPUT. XXXVIII.

**P**ORRO philtrea, Hippomanes, & quæcunque id genus alia, in amore vere conciliando parum aut nihil valere, sed furorem citius concitare, multorum non ignobilium virorum est sententia. Ovidius in lib. de Medicamine faciei:

*Sic potius nos tanget amor, quam fortibus herbis,  
Quas maga terribili subsecat arte manu.  
Nec vos graminibus, nec misto credite succo,  
Nec tentate nocens virum amantis equæ.  
Nec mediæ Marfis finduntur cantibus angues,  
Nec redit in fontes unda supina suos.*

Item in I. de Arte amandi:

*Fallitur, Amonias si quis decurrit ad artes,*

*Datque,*

*Datque, quod à teneri fronde revellit equi.  
Non facient, ut vivat amor Medeides herba,  
Mistaque cum magicis mersa venena sonis.  
Id postea exemplis Medæ & Circes comprobat:  
Phasias Æsonidem, Circe tenuisset Vlysscm,  
Si modo servari carmine posset amor.  
Nec data profuerint pallentia philtra puellis:  
Philtra nocent animis, vimque furorù habent.*

§ 2. Hinc Eusebius Cæsariensis scribit, Lucretium poetam amatorio poculo in tantum furorem versum, ut se tandem propria manu interemerit. Sunt qui arbitrantur, uxorem illius hujusmodi obtulisse poculum, & eam Lucillam vocatam, ex Hieronymi testimonio in Rufinum, cujus hæc sunt verba: Livia virum suum interfecit, quem nimis odit: Lucilla suum quem nimis amavit. Illa sponte miscuit aconitum: Lucilla decepta, furorem propinavit pro amoris poculo. De illo quoque extat illud Politiiani in Nutrice:

*Lucretium  
amatoris  
poculo inter-  
emptum.*

*Livia &  
Lucilla ve-  
nesica.*

*Hic, qui philtra bibit; nimioque insanit amore,  
Mox ferro occubuit, sic mentem amiserat omnem.*

§ 3. Quid Stephano equiti Neapolitano acciderit, est profecto admirabile. Hic, quum poculo amatorio insanisset, teneretque oppida & nonnulla regia officia ab Alphonso Aragonum Rege tradita, fuerunt, qui ab Alphonso illa bona postularent, absurdum esse dicentes, à demente hujusmodi bona possideri. Quibus Rex respondit: Sibi inhumanissimum videri, iis se etiam substantiam auferre, quibus fors mentem & cerebrum abstulisset. Innuere autem videtur, calamitatem non esse calamitati adjungendam.

*Tanormi  
li 4. de Gest.  
Alphonf.*

§ 4. Tradiderunt item literarum monumentis Cornelius Nepos & Ptolearchus, Lucium Lucillum Imperatorem amatorio quoque poculo à Callisthene propinato, primum mente læsum fuisse, deinde interemptum. Meminit & Plinius xxv. 3. circa finem. Narrat quoque Josephus & Suetonius, C. Caligulam à Cæsonia uxore potio-  
natum, amatorio quidem medicamento, sed quod in furorem verterit. Quod commemorans Satyricus poeta, id poculum ex Hippomanes apparatus fuisse ait.

*Callisthenes  
venef. m.  
L. Lucillum  
Imperator  
amatoris po-  
culo interem-  
ptum. An-  
tig. Jud. xi.  
C. Caligula  
potio-natus  
ab uxore.*

*— Si non  
Et furere incipias, ut avunculum ille Neronis,  
Cui totam tremuli frontem Cæsonia pulli  
Insudit. —*

*Cæsonia ve-  
nesica.*

M m

§ 5. Sed

§ 5. Sed de hippomanes quod creditur, asserit quoque Aristoteles de Natur. animal. v. i. l. 1. 24. figmenta esse muliercularum & professorum carminis incantatorii. Scribit adhuc 2. Magn. moral. Mulierem quandam viro cuiusdam poculum porrexisse amatq-rium, ex quo is subito decidit mortuus. Mortem etiam sæpe accellerare ejusmodi philtro, tradit Hippol. Marfilus in d. l. ejusdem. §. adjectio. D. de fca. ubi est & tex. loquens de amatorio veneno, sicuti & de amatorio poculo, in l. si quis aliquid. §. qui abortionis. D. de pœnis. Extinguēt & philtro Fridericus Austriacus Imperator anno tricesimo supra millesimum trecentesium, decimatertia Januarii.

§ 6. Equanquam Constantinus Imperatorum Christianorum primus, arte magica conciliari amorem sensisse videatur, in l. ab eo edita, C. de malef. l. eorum. in illis verbis, Aut pudicos amicos magicis artibus ad libidinem deflectisse detegantur: & Accursius in authent. quo. opor. epi. & clari. §. hoc autem, in verb. propter quædam. & Albericus in rubr. de hæret. colupn. 3. tamen D. Epiphanius Palæstinus Eleutheropolites lib. 1. adversus hæreses, tomo 2. in 30. sect. tradit, vanissimas esse ejusmodi amatorias incantationes, quibus scilicet feminarum castitas impetitur, ubi nomen Christi & signaculum crucis contra opponitur: quod non contemnenda historia confirmat.

§ 7. Quin & illa Sicilia constitutio, cujus initium est, Pocula amatoria, frivolum reputat & fabulosum posse hujusmodi pocula amorem extorquere. Historiam de virgine Deo, dicata, atque magica arte à juvene ad amorem sollicitata, à D. Hieronymo conscriptam in vita D. Hilarionis, lege libro 5. capite 13. Ubi paucis meam videbis adjectam sententiam. Hinc manifestum est, quas hrenæus scribit mulieres ex Marci hæresi reversas ad Ecclesiam, fuisse confellas, se à Marco ita circumventas, ut in eum vehementer exarserint, non potu amatorio attritas, fuisse: sed ejus doctrina, præstigiis & illusionibus potius, aut forte ipsius forma, ut fieri solet illætas.

§ 8. Novimus, inquit Henricus Insitoris & Jacobus Sprenger Theologiæ Doctores, verulam tres ordine Abbates, ut publica omnium fratrum in eo monasterio etiam in hodiernū diem est opinio, non solum philtris incantasse: sed & interemisse, & quartum jam simili modo dementasse. Nec eam pudet fateri palam, se fecisse & facere.

*Amatoria  
incantatio-  
nes vanissi-  
ma.*

*In Mai.  
malefic.*

*part. 15  
quæst. 7.  
Tres ordine  
Abbates a-  
matorie po-  
culo inter-  
empti.*

facere, cosque à suo amore desistere nequivisse, quod tantum de ipsius stercorebus comedissent: simulque quantitatem extenso brachio oommonstrat. Fatemur autem, quia nobis non erat in eam inquirendi ulciscendique facta potestas, illam adhuc superstitem esse. Hæc illi.

§ 9. Stercora vero fuisse spurcitiem veneream, quam, velut cæno immergi, toties erant experti in exercitata lascivienteque vetula meretricula monachi, ut ab ejus illecebris inescati, quasi fascino vel certius maleficio deſenti, desistere & ad mentem redire nequiverint, mea profecto est sententia: hoc amatorium poculum, hæc brachii instar vorata vetuli scotti stercore. Judiciumque esto: penes ejusdem conditionis viros, qui etiamnum quotidie simili maleficio illecti, in eadem palæstra strenuos exantlare labores fatagunt

§ 10. Virgilius quoque circa finem Pharmaceutrix, testatur magica carmina nihil huc facere, cum scribit:

— *Hic ego Daphnim*

*Aggreditur, nihil ille Deos, nil carmina curat.*

Ubi Servius id etiam annotavit. Propertius item libro 2. Eleg. 1. hujus est sententix, cum inquit:

*Sen mihi sint tangenda noveræ pocula Phædræ,*

*Pocula privigno non nocitura suo.*

Nam loquitur de poculis amatoriiis, quibus Phædra Hippolytum privignum in amorem illicere tentavit: at nihil ea profuere. Recte itaque admonet Ovidius secundo de Arte amandi, hoc artis magicæ genus cavendum esse:

*Sit procul omne nefas: ut ameris, amabilis esto.*

Et lib. 1. de Remed. amoris:

*Viderit Amonis si quis mala pabula terre,*

*Et magicas aries posse juvare putat.*

§ 11. Non inconvenientem huic loco historiam subungere placuit ex Plutarcho. Amabat Philippus Macedonum Rex puellam quandam plebejam: facileque utriusque fortuna longe dissimilis, eam Regi obsequentem fecerat. Quod cum rescisset Olympias ejus uxor, id ægre admodum tulit, præsertim quod ferebatur ea puella amatoriiis philtris sibi Philippum conciliaſſe. Ideoque irata, jussit clam domo extractam ad se puellam duci, eo quidem animo, ut carcere aliquo clausam, aut in longinquas regiones trans mare re-

M m 2

legatam,

In præcep.  
consubial.  
cap. 24.

legatam, male haberet. Productam vero ante se cum speciosam, venustam, ingeniosam, elegantem, & omnibus modis ac numeris amabilem vidisset, *χαρίτωσαν, εἶπον ἡλυμπεῖς, αἱ θαλάλαι. τὸ δὲ ἐν σκαλίῳ* *ἐπ' αὐτῆς ἔχουσιν.* Valcant, inquit Olympias, calumniæ: tu enim in teipsa veneficiorum vim habes, nec jam puellæ amplius, aut maris suoirata fuit. Huc facit illud Menandri apud Stobæum Florilegam cap. 65. *ὅτι δ' ἀλλοτὴς θάλασσα δι' ἡρώωνος ἡρώος, τὸ γὰρ ἐν ταράλῃ αἰδρεῖται.* *ὁ γὰρ γυνή.* Inest verum philtum, benigni mores, quo vincere virum solet mulier.

*Philtum  
vera.*

§ 12. Et profecto hæc sunt vera amoris veneficia. Nam si quæ conjugis philtis aliis & amatoris poculis uruntur, eas abominamur ac fastidimus. Quemadmodum & Plurarchus assensit in eo libello, quem de Tuenda valetudine scripsit: ut non dissimilatione consequens sit, uxores contra viros, qui hæc res usurpant, detestari. Et, ut idem Plurarchus scribit in Admonitionibus conubialibus, sicut piscatio, quæ sit medicamentis, cito quidem & facile piscem capit, sed cum labefactat, & mensæ minime idoneum reddit: sic, qui amatoris artibus carminibusque conjugis voluptatis causa subigere conantur, cum atrovitis demenibusque & labefactis vitam agunt. Neque enim Circem, ut subdit, ab ea potionem quicquam juverunt, nec ipsa ulla in re illis abutabatur: cum suum asinorumque formam acceperant: Ulyssæm vero mente præditum, & prudenter cum ipsa versantem, incredibili amore profectus est. Hæc ille.

*Lex Legis  
conubialis.*

§ 13. Explosis itaque philtis & magicis vanitatibus, amorem uxorum mutuo in eas amore, in alias vero feminas castimonia & quibuscunque aliis honestis piisque studiis comparare nitamur. Sic lex conubialis decimaquarta doctissimi clarissimique jurisconsulti Andreæ Tiraquelli manebit inviolata: Carminibus, poculis, aliisque id genus philtis magicis, quibus creditur amor conciliari, vir & uxor penitus abstinento. Sed mutuo inter se affecto, aliisque honestis rationibus amorem provocans, conservans, augens. Quod multa sit philti & magici furoris communio, nec argumentum ingratum, hic me paulo fuisse prolixiorē, agnosco libenter.

*Ami-*



*Animantia quomodo lædant venefici.*

CAP. XXXIX.

**A**NIMANTIA adhæc, pharmacis pabulo injectis, aut alicubi sparsis ut degustentur, vel halitu attrahantur, lædunt perimuntque venefici. Idem vel affricu vel applicatione præstari posse, ut minime nego: ira meminisse oportet, quosdam studio lupi sterus clam in præsepibus condere, quod olfactu animadverrentia pecora, voracemque hostem verita, ob quandam antipathiam, miro exagitantur furore: ut maleficio ea torqueri, firmissime credant ignari, apud veneficii hujus artifices consilium inquirentes. Eadem ratione dicunt, caudam lupi in bonum vel equorum præsepi suspensam, eos ab esu exterrere. Metu etenim ob odorem percussis, obliviscuntur cibi esurientes: quemadmodum hominibus quoque in magnis timoribus usu venire experimur.

*Veneficia  
perimunt  
animantia.*

§ 2. In ducatu Wirtenbergico non procul à Tubinga, carnifex veneficii non ignarus, anno millesimo quingentesimo sexagesimo quarto in pecoribus suæ artis specimen edidit. Enimvero quum ex pacto huic cederent morticinorum animalium coria, atque alia, quæ hinc usui esse possent, hic boves, oves & porcos in pascua ex more deductos, veneno clam perimit, ut inde frequenti nimis pelliciam numero, sevi item & pinguedinis infinitis fere talentis Augustæ Vindelicorum & Argentinæ venum expositis distractisque, dives brevi evaserit. Proinde & suspitione oborta, veneficii accusatur, quæstionibusque ipsi familiaribus subditus, rem universam confitetur. Dat & pœnas forcipibus ignitis distractus in principio Augusti.

§ 3. Huc ii quoque pertinent, qui pugnunculis jumentum certis locis confodiunt, retracta prius seorsum cure: ut, ubi ea relapsa vulnus impressam tegitur, lateret dolus, atque ea ratione mortuum perisille maleficio, judicaretur. Varium itaque est Veneficii genus, quo pecus interit: estque diversitati industriæ attendendum, ne rei loco pendat supplicium insons.

§ 4. Fusius naturalia prosequi venena, non est nostri instituti: cum hic solum spectet orationis filium, ut detegantur actiones & morbi præter naturæ legem percellentes.

# IIS, QUI LAMIARUM MALEFICIO AFFECTI

PUTANTUR,  
LIBER QUARTUS.

*Quotquot vulgo Lamiarum maleficio cruciari existimantur,  
& quorum ita laetorum sacra meminere Biblia, omnes  
à diabolo vel exerceri, vel obsessos esse.*

## C A P. I.

*Maleficio  
affecti qui.*



ALEFICIO affecti dicuntur, qui variis & insolitis plerunque modis, præter naturam, Dei attentione, à dæmone in suis corporibus exercentur, sive homines sunt, sive jumenta: quum ille ea alias vel subit, vel etiam non intero subit, sed utiles corporis humores exagitat & inficit, aut noxios in partes traducit principes, vel hisce venas duclusque natura-

les obstruit, vel instrumentorum structuram luxat, vel spiritus cerebri turbat, multifariisque imbuat formis, quos interdum quoque excitat, ut in iis hominibus virtus animalis se exerat potentius, quam in sanis: sive venenata materia, sive halitu intus aut foris conspurcat, defædatque, ac id genus reliqua, quibus ex causis morbi progignuntur innumeri, graves & admirandi.

§ 2. Nec interium hominum substantia & facultates ab hujus subtilis artificiosique hostis maleficio immunes liberaeque permanent. Exemplum luce meridiana clarius in Jobo cernimus, cujus, diaboli studio, primum quinquaginta bouum iuga & quingentæ asinae abripiuntur, puerique creduntur: secundo, ovium septem millia cum pueris igne cœlitus demisso consumuntur: tertio, camelorum tria abducuntur millia, & famuli occumbunt: quarto, domus, ob procellas impetuosissimas à Satana excitatas, ab imis sedibus convulsæ ruina opprimitur omnis soboles. Ubi nec harum calamitatum acervo Jobum à Dei cultu transversum agere posset, quin adhuc nomen Domini ille constantius glorificaret: demum, consen-

*Job. 1. Job  
maleficio  
affectus.*

*Job. 2.*

tiente Deo, cum ulcere pessimo à planta pedis usque ad verticem percutit, deformatque tam fœde direque Satanas, ut ille in sterquilinis sedens miserabiliter, saniem testa abraderet, adeo atroci excruciatu dolore, quo etiam mortem illi precaretur conjunx, nec ab amicis eum visitantibus agnosceretur. Quid aliud de eo, quam ipsum maleficio affectum fuisse, & incantatum in cunctis ad illum pertinentibus, quis dicer? Quæ hic intercessit dæmonis coopetaria malefica, quæ perversa Lamiae malevolentia, quod execrabile venefici pharmacum? Quibuscunque malis rebus persciendis satis per se potens est, & voluntate promptissimus diabolus, si divinæ majestatis tantummodo accedat petmissio: cujus nutui morem gerere, velit, nolit, cogitur.

§ 3. Nabuchodonezarem Regem Babyloniorum furore percitum, & in deserta ab hominum consuetudine pulsus, fœno vescentem more bovis, figura vitiata, capillis ejus in aquilarum similitudinem crescentibus, & unguibus ejus quali avium, mente adhuc turbata, acerbissime exagitat totum septennium diabolus.

*Maleficio  
Iesu Na-  
buchodo-  
nezar.  
Dan. 9.*

§ 4. Satanæ maleficio multis cruciabatur temporibus dæmoniacus in regione Gadarenorum: è monumentis, suo quippe domicilio egressus, nudus, ac supra modum sævus, adeo ut per illam viam transire posset nemo: neque enim catenis eum ligare poterat quisquam, propterea, quod cum sæpe compedibus constringeretur, & catenis vinciretur, iis ab illo disceptis, comminutisque, à dæmonio in deserto agebatur. Vociferabatur autem: Quid rei nobis tecum est JESU, fili Dei? Venisti hic ad cruciandum nos ante tempus. Dæmones vero rogabant, ne imperaret, ut in abyssum abirent, sed eos in porcorum procul in monte pascentium gregem demigrare permitteret. Christo hic annuente, egressi in porcorum gregem abierunt, eumque præcipitem impetu egerunt in mare, ut suffocatus inteterit. Hic & porci ferme bis mille dæmonum maleficio agitati, in suam ruunt perniciem.

*Dæmonia-  
cus apud  
Gadarenos  
maleficio  
corruptus.  
Matth. 9.  
Marc. 5.  
Luc. 8.*

§ 5. Nonne & ille, quem spiritus immundus discepens, projiciensque in medium, qui & Christi jussu exiit, nihilque nocuit, inter maleficio correptos suum sortietur locum?

*Marc. 1.  
Luc. 4.*

§ 6. Huc referatur lunaticus, qui à pucro spiritum habebat murum, quo ubi agigaretur, lacerabatur spumans, ac dentibus stridens atque arefscens: quem frequenter etiam in ignem conjecit spiritus, & in aquas, ut eum perderet: neque à Christi discipulis, ob

*Matth. 17.  
Marc. 9.  
Luc. 9.  
Maleficio  
Iesu lunati-  
cum.*

eorum.

eorum incredulitatem, expelli potuit: puerum vero tandem ad Christum accedentem, continuo discernebat, ut in terram prolapsus volveretur spumans: usque adeo à spiritu exeunte Christi iussu, iterum dilaniatus, ut mortuus à multis haberetur: donec manu illius arrepta, à Jesu erigeretur.

*Luce 13.*

§ 7. Nonne paria cum nostris, qui maleficium pati creduntur, sensit mulier quæ infirmitatis spiritum habuit, à Satana alligata octo & decem annis, atque ita contracta, ut omnino caput erigere non posset, vinculo isto à Christo sabbati die soluta? Habeat & is hic locum, cui lingua erat ligata à dæmone, ut loqui nequiret, Matth. 9. Item, qui cæcus & mutus à diabolo factus fuerat, Matth. 12.

§ 8. Quis nisi animi plane præfracti, inficias ire audebit, si hi, quos recensui, nunc temporis spectarentur, uno sane ore acclamatores plerosque omnes, hos perversæ alicujus vetulæ artificio ita præter naturam varie exagitaros esse, misere demeritos, contractos, lancinatos, distractosque? Atqui cujus arte, dira hac calamitate illos opprimi testatur Scriptura? Dæmonis. Cujus cooperatione, aut imperio? Nullius, sed tantummodo propriæ dæmonum voluntatis malitia, & Dei permissione ex arcano ipsius consilio, ut illi vel probarentur, vel castigarentur, emendarenturve. Nec usquam in vasto veteris & novi Testamenti volumine exemplum, ubi in affligendis corporibus alicujus Lamiæ operam usurparit, aut etiam requisierit Satan, compries: nihil illic tamen prætermisum esse, quod hujus potentiam, actiones fraudesque ostendere queat, fatendum est.

§ 9. Neque etiam alicujus opera indiget veterator ille, abunde suo Marte potens ludificare homines, eorum mentis & oculorum aciem perstringere, morbis præter naturam cruciare, ulceribus ferire, aërem multifariam turbare. Per se maleficia operari diabolum, in Malleo legitur, nec in his indigere mulieris malitiosæ consensu. Sed & sagæ perditionem quærit: unde & ipsam cooperari aliquo modo cogit. Permissu tantum illi opus est, teste Gregorio, cui voluntas semper mala. Interim tamen à se designari ejusmodi flagitia, aliosque severe torqueri, & in rebus externis felicem impediri successum, & quæcunque alia diaboli miracula perfici, habent persuasissimum, consentienturque delusæ quædam anicula.

§ 10. Eas jam dixi, diversis de causis, à dæmone ita obsidione vallatas, earum mentem tam graviter fascino læsam, cerebrum cogitatum

*Secunda  
Partu  
quæst. 2.  
cap. 7.*

gitatum imaginationumque organum tam raris fraudulentisque phantasmatibus & formis ob incredulitatem implicitum, confirmatumque ( quemadmodum in gravibus somnis , atque etiam melancholicis usuvenire quotidie , ostendi ) ut aliud nesciant , torturisque subiectæ fateantur sua esse facinora , quæ ipsarum saltem sunt phantasia , revera autem Satanæ , Deo huc connivente . Sic aliquem crebro à se læsorum recensent numerum , quorum alios occæcatos , alios mutilatos , nonnullos hoc vel illo modo à se excarnificatos , falsa opinione dicunt . Quo nomine non tam maleficæ , quam maleficio affectæ effascinatæque appellari merentur .

*Lamia maleficio affecta.*

§ I I . Quotquot vero tam crudeliter & multifariam , quibuscunque etiam convulsionum generibus , morbis prodigiosis , vomitu & dejectione ; præter naturam torqueri , hunc vel alium imitari sonum , vocem edere , certos mendaciter notare , denominare atque accusare homines , uti atrocis spectaculi architectos , observamus : cunctos à dæmone maligno mendacique cirra alterius cooperationem agi , vexarique ( nisi quandoq; venenum vel propinatum vel applicatum accessisse intelligatur ) ingenuè fateor , atque adeo sanctissimè astruo .

*De rebus monstrosis ore rejectis , quas non fuisse in corpore , multis ostenditur argumentis .*

#### C A P U T I I .

Huc spectat rerum monstrosarum per os rejectio , qua præstigiator ille quorundam sensus ita præstringit , ut eas ex corporis meditullio eductas esse , dubitare nollent . Sunt autem panni lanci rudioris lacinix ut plurimum , item clavi ferrei justæ interdum magnitudinis , eorumque fragmenta , sibilæ ferreæ & æræ , acus , aciculæ , eæque complures numero , quandoque colligatæ , vel panno insertæ , fili involucra . Hæc à me visa sunt . Nonnunquam & ossa evomuntur , subligacula , atque reliqua id genus longe absurdiora monstra : sæpius magnitudine œsophagi etiam , quoad fieri possit , in homine vivo teni , distractique naturalem diductionem exuperantia , quibus nec alius ab ore introrsum laxior pater meatus . Quo vel unico irrefutabili argumento facile convicero , ea dæmonis subrilitate velocitateque imperceptibili , ori ingesta , nostris adhuc oculis vel celeritate ejus victis , vel fascino delusis , vel interjecto corpore aëreo aut aliter moris eo intus vel foris vel utrinque humoribus aut spiritu caligantibus . Sic nos fallaci suo

*Materies ore rejectæ , non omnes fuisse in corpore .*

N n

machi-

machinamento multiformiter exercet ille milleartifex.

§ 2. Quum Neomagi quidam arroganter in Paschæ feriis deglutirer ovum gallinaceum integrum, quod naturalem œsophagi expansionem superaret, illud in eo coarctatum, residere nequivit, unde quoque compressa arteria mox suffocabatur.

§ 3. Si porro istes urgeasque, ea, non ex ore solum, sed penitius è corpore rejecta esse: dic quæso, quo loco antea in corpore hæserint aut delituerint; cum nollas sit corpori reliquo cum ore meatus communis, excepto œsophago, præter arteriam asperam, cujus caput larynx ex tribus componitur cartilaginibus. Ejus orificium, dum respiramus, dilatur: cum devoramus, comprimitur ut plurimum, nonnunquam exacte, ob quod ligamentis membranosis nervosisque coarctatur. Ha arteria solummodo spiritum purum & impurum, recrementidumve efflatu inspiratuque transmittit: aut humidum quiddam, puta sanguinem, piritam, saniem, aut pus tussi expectoratum: nihilque gravius hanc, nisi cum vitæ naufragio, etiamsi exigua admodum materies data hac casu aberret, tolerare, manifestum est.

§ 4. Enimvero quam graves laterum dolores, cum sicca quadam tussicula triennio cum mortis periculo prius excitavit, quam ex pectore tussi propelleretur avellanæ magnitudine lapillus, narrat Antonius Benivenius. Recitat quoque Alexander Trallianus exemplum de quodam, qui longo tempore tussi vexatus, non potuit, ne valde tussiret, liberari, quousque calculum expuisset levem, durum & renirentem: & nisi consilio usus fuisset, illum similiter iis, qui tæbe laborarent, moriturum censebat. Id ipsum cuidam civi Duisburgensi accidisse memini. Habet adhuc meus collega lapillum fabæ magnitudine, anno 1553 à se exemptum in hospitali Pisano, ex fraistris pulmonibus cujusdam adolescentis phthisi demortui: quæ jam diu tussi vexatus, prope annos tres inceperat tæbe marcescere, qua tandem interiit. Lapillus est inæqualis, asper, non admodum gravis, pallescens, atque ovalis. Hac itaque ratione strictius hoc vas, durum cartilaginofumque ab illa multa, ampla, solida, varique conformata substantia liberum esse oportere constat.

§ 5: Hinc per *διεσπασίαν*, cibo potuique, destinatam viam, atque alterum oris interiorè meatu, è ventriculo illa rerum miracula vomitari, frimis corporis partibus antea inhæserint, necessario sequetur. Eum autem strictiorem deinde & omnino nervosum existere, cum primis

VERO

*Arteria  
aspera.  
hærens.*

*Lapillus  
tussi reje-  
ctus.  
De Alid.  
cap. 24.  
IV. 16.*

*œsophagus.*

61

vero ejus extremitatem, nimirum ventriculi orificium, ideoque exactissimo tactus sensu præditum esse, ac levi flatu aut halitu putrido facile affici, humore etiam acri vel acido graviter pungi, sævissimæque cieri mala, norunt medici. Plerosque enim ex flatibus in ventriculo generatis, ex pituitosis, aut aliqui vitiosis humoribus, aut ex cibis in vapores ab imbecilli calore resolutis, gravissimis videas torqueri doloribus: alios ex coacervatis crudis succis, vel etiam vitiosis aut acribus in ventriculi ore, in syncopen aut præceps animi deliquium concidere.

*Orificium  
ventriculi  
nervosum,  
& valde  
fragile.*

*Ventriculi  
doloris.*

§ 6. Quosdam etiam ex alimentorum pravitate, aut malignorum humorum qualicunque copia, ut à bile admodum corrupta, aut à pituita falsa acri, excruciat cholera morbus. In quo vomitibus & dejectionibus tanto plerunque impetu biliosa excernuntur, ut cum humoribus, multis quoque exhaustis spiritibus, vires assatum prosternantur, sitiant ægrotantes, ac sudent, tremor cordis syncopeque succedant, interdum & mors acerbissima.

*Cholera  
morbus.*

§ 7. His exactiore lance pensculatis, collataque gravissimorum morborum, symptomatumque exitialium causa materiali, cum ingentis, durissimæ atque adeo acutissimæ materiei, velur ferreæ, ætæ, ligneæ, ossæ præstigiola vomitione, tum etiam expulsionem rei ligneæ lancæq; ventriculo & ejus sensili apprime orificio ita noxiæ, ut suffocationem plerunque quis vereatur, si in faucium partes exquisiti admodum sensus vel pilus impegerit, nedum acicula aut acus (quas etiam cum periculosa vitæ lucta vel dispendio ignoraret subinde degluriri cernimus: ) uno profecto consensu, adeoque ore uno, ob rationis veritatisq; robur, hic asserendum atque proclamandum erit, dictam rerum ore egestarum congeriem, à præstigiatore subtili celerique dæmonio in os solum & fauces imas, nec ulterius impelli, penitusq; impingi, quasi strangulationem minitantem: acie oculorum nostrorum interitum elusa, vel spiritu optico turbato, vel ejus radiis obscuratis, ne prodantur præstigiæ. Sic simpliciores exiguæque fidei homines expeditius in suam illicitam nassam vererantur. Aliqui vero affecti ita, ab aliis infantibus, & se magis forte piis, ipsique Christo fidelioribus, ejusmodi sibi irrogatam injuriam, malumque inflatum, mendaci Satanæ suggestionem, immo ipsius factitia voce ebuccinant: id quod meis coram accepi auribus.

§ 8. Adde, quod sæpenumero nihil doloris in stomacho, ante

N n 2

acutæ,

*De abditi  
merk. can-  
fis cap. 20.  
Ex an. de  
glutina  
reza.*

acutæ, pungentis, radentisque hujus substantiæ radioris expulsi-  
onem violentam senserint. Quam fieri nequeat, quin in ea hujusmo-  
di rerum copia, una transverse acta, facile alicubi in hæreat, quæ suos  
pariat continuos postea cruciatus. Quemadmodum de muliere  
quodam, quæ acum æneam deglutierat, tradit Benivenius. Unde  
primum nihil sensit incommodi. Inde cœpit eam circa ventriculum  
urgere dolor satis acutus. Quo dum indies magis magisque affli-  
geretur, plures consuluit medicos, nihil de acu vorata, quæ memo-  
riæ penitus exciderat, referens. Variæ fuerunt hinc inde sententiæ.  
Alii enim ab actiore humore, alii à vento inter stomachi tunicas re-  
cluso, ceteri vero ex malo habitu excitari hoc malum putabant.  
Sicque annis jam decem ex una acu, urgente dolore acerbo, miserrimam  
illa traherat vitam: donec acus perforato ventriculo se prodidit,  
prodiiitque. Se acum & vidisse, & mulierem curasse, addit Be-  
nivenius.

§ 9. Quid ego in hujusmodi casu haud ita pridem viderim, ob-  
servaverim, fecerimque, paucis subjungam in illorum gratiam,  
qui me operæ precium præstitisse judicabunt. Mulier quædam ho-  
nesta, nomine Helwicha, infantem curatorem Dusseldorpii in Martio  
anni sexagesimi-quarti supra sesquimillesimum, aciculas ore reten-  
tas duas, unam magnam, alteram minorem, forte quum pueri casum  
vereretur, deglutiit: hærebantque eæ aliquot horis palmam latam  
sub larynge cum dolore pungente & multis angustiis. Ad quam  
tandem accersitus, ut nihil cibi aut potus prius offerretur mandans,  
quam incurvo forcepe subtili, quem sine mora adferri jubebam,  
nun retrahi possent tentassem. Vix dum me digresso, sorbitiuncu-  
la propinatur, qua in gulæ partes inferiores paululum supra ventri-  
culi orificium illæ deprimantur. Ubi novo cruciatu exorto, dolo-  
reque pungitivo, revocatus, jussi cerevisiam cum butyro & pane  
secalino, nostratibus consueto, crassiusque inciso, exhiberi satis  
copiose, atque eam decubitu erecto dormire: nox etenim erat. Sic  
aciculas ad ventriculi sinum impelli potuisse arbitratus sum: nec  
enim ita infixas vomitu has partes contrahente, altiusque eo nisu  
impingente, reddi tuto per fauces potuisse sciebam. Hoc modo  
hora tertia matutina panis illius pondere ad ventriculum depresso  
sunt. Inde eam secundo die alvi jusculis pinguibus, cerevisiaque  
buryrata. Decubitus tum imperabatur in dextram, ventre libero,  
pulvinaribus suppositis fœmori & brachio, ut minus impedit ex

ven-



ventriculo per pilorum ad intestina descenderent acus. Ante vesperam quum surgeret, eam corpus velut in æquilibrio conservate, nec hinc inde inflectere, ne inæquali motu alicubi in intestinorum anfractu figerentur aciculæ, sed ut erecta citra ullam corporis inflexionem modestate inambulare velui, quò cum excrementis convenientius in intestina magna siderent acus. Deinde fæces, quas primum exoneraret, studiose in vase conservari iussit, eas postero mane reddidit, iisdemque in aqua dissolutis, apparuerunt aciculæ: altera veto longa nonnihil erat incurvata. Ac licet ab his jam securus esset, tamen graviter adhuc paucos dies ægtotare videbatur, vel ex concepto metu, vel alia de causa: brevi tamen restituta. Jam ad institutum.

§ 10. Ad cuius assertionem quoque facit, quod, tamen si mox vel paulo longius à cibo subsequatur vomitus hic ludibriosus, nihil tamen cibi vel chyli appareat mixtum: quod à me diligenti inspectione observatum est. Adhuc e vestigio ab ejusmodi dura, acuta, multiformique re expulsa, qua omnino ventriculum & œsophagum lanciaari, radique, si profundius, quam ex oris cavo rejiceretur, oportuit, innoxie quasi in iis locis illesi comedunt. Hoc à me non semel circiter annum quadragesimum octavum supra millesimum quingentesimum, apud Geldroram Arnhemiam, ubi tum stipendio publico medicabar, visum est: quo hominum hisce modis à dæmonio exercitorum adducebantur plaustra, quorum ventriculum (in quo eas res portentosas supradictas resedisse necesse est, si eximis corporis partibus, quod omnium prope erat iudicium, expellebantur) quum ante & post vomitionem summa diligentia vigilantique studio in inultorum conspectu contectare, valideque sursum ac deorsum pugno, palma & digitis vario torquerem modo, ut, si quid grandioris, asperæ, acutæque materiæ in illo contineretur sinu, non amplius posset latere, sed renisu in duriorem ultro citroque impellentem manus meæ, hinc etiam suam lesionem sensuæ, contectationem se detegeret: vel nausea, ob non levem certe ejusmodi palpitationem, violenter concita rejiceretur: nihil prorsus tamen animadvertsum est unquam eo momento evomi, nec ullam à contentis putatis injuriam sensit ventriculus. Quod omnino fieri nequivisset, si altius, quam ex sinuoso oris hiatu profiliisset, obiecta oculis nostris ex ore materia.

*Historia memorabilis de puella demoniaca, qua à Lamin cruciari dicebatur, ubi de crucis signo nonnihil agitur.*

## CAPUT. III.

*Historia  
admirabilis  
de puella  
demoniaca.*

PUELLA vero, sedecim plus minus annos nata, ea ratione à me habita contractataque, post alicujus moræ intercapedinem facie observabatur à patre, & altero, qui his ejus moribus assueverant, vomiturire. Cujus os cum mox vigilanter & defixis oculis intueri studerem, eodem inspectionis momento instratam linguæ panni lanei rudioris nigri laciniam video: In quam digitis incunctanter injectis, appendices prodigiosarum rerum dictarum ex oris parte aliori, quo eas in ventriculo antea non latuisse ostenderem ( id quod paulo ante ibidem latius persuadere conatus fueram ) emulgere volui. Frequenter enim sic propulsam antea fuisse varie congestam simul materiem, narrabat parens: ostensus quoque veritatis documentis, utpote panno rudi nigro, cui aliquot acus & aciculæ infixæ, filoque convolutæ adhærebant, item clavorum ferreorum vetustorum fragmentis. At quod meis objectum dixi oculis, attriti panni nigri laciniosum rudimentum, vix sputo irrigatum erat hæc etiam tertia pomeridiana, post solitum quoque prandium: quo tempore illud crudo cibo vel chylo oblitum esse oportuit, si reddidisset ventriculus. Ut autem aliquam opinionem, qua ex stomacho id projectum esse induceremur, relinqueret Satanas, Quam amarum hoc est, inquit mox post ablationem puella, voce à natura prorsus aliena, puerili & sublallante, à dæmone haud dubie elisa, teste Augustino: qui ejus lingua diabolum uti affirmat, cujus corpus intraverit.

*Lib. Quæ-  
stionum.  
quæst. 31.*

§ 2. Atrox vero paulo ante spectaculum, mereque tragicum, aliquandiu durans in hac puella ediderat rorror ille, quo puellæ os, ut prorsus obmutiret, arctissime constringi, manus atrociter convelli, oculos rotæ inroqueri, corpus denique totum horrendo certe cruciatu exagitari contuebamur: nec citra crucis consignationem, manus aut os aperiri posse, asserabar pater cum suo comite: à me autem, qualicunque in Deum fiducia contra dolosam diaboli hypocrisim, absque illius signi impressione tandem diducebantur, restituebanturque.

§ 3. Non

§ 3. Non quod cruci quicquam derogatum velim: sermo enim crucis potentia Dei est: iis, qui salutem consequuntur. Hæc autem non in signo, sed in CHRISTI crucifixi imitatione consistit, ut nimirum ipsius vestigiis insistentes, nos ipsos abnegemus, & crucem nostram tollamus quotidie, & sequamur illum. Judæi signum querunt: sed Paulus prædicat Christum cruci affixum. Per hunc nos corroborantem omnia possumus. In hujus nomine expulerunt dæmonia Apostoli. Non crucis signum timet diabolus, sed ipsam crucem, vel cruciatum aut punitionem. Proinde Christo oblatrat: Venisti ad cruciandum nos ante tempus? Et si quid picturis aut statuariis credendum est, nusquam cruci Christi latronum cruce affingi videmus, quarum sinistra non terribilis insideat dæmon.

1. Cor. 1.  
Sermo crucis  
potentia  
Dei.  
1. Pet. 2.  
Matth. 16.  
Marc. 9.  
Lucæ 9.  
1. Co-  
rinth. 1.  
Thilip. 4.  
Non crucis  
signum, sed  
ipsam cruce  
timet  
dæmon.  
Matth. 8.

§ 4. Nec interim ignoro, Arabes philosophos crucem cælestium fortitudinem dicere, quod eorum fortitudo per rectitudinem angulorum & radiorum resularet: & stellæ maxime fortes essent, quando in figura cæli quatuor obtinerent cardines. Ruffinus quoque in Sacra historia narrat, crucem ab Ægyptiis sacerdotibus inter Sacras literas relaram, cujus vis portendebat salutis spem hominibus, credentibus CHRISTO Salvatori nostro. Hieronymus Demetriadem hortatur, ut crebro signaculo crucis frontem muniat, ne locum in ea exterminator Ægypti inveniat. Et ad Eustochium, de Custodia virginitatis: Ad omnem, inquit, actum, ad omnem incellum, manus pingat crucem. Idem Tertullianus dixerat: Ad omnem progressum atque promotum, ad omnem aditum & exitum, ad vestitum & calceatum, ad lavacra, ad mensas, ad limina & cubilia, ad sedilia, quæcunque nos conversatio exercet, frontem signaculo terimus. Harum & aliarum hujusmodi disciplinarum, si legem expostulas Scripturarum, nulla legis traditio tibi prætenditur: auidrix consuetudo, confirmatrix, & fidei observatrix.

De Corona  
militis.

§ 5. Crucis etiam signo dolos dæmonum propelli, docet Athanasius. Factum quoque per Marcellum Episcopum Apameiæ, crucis signaculum in aqua cum fide aspergenda, ad dæmonis ex Jovis templo comburendo expulsi-  
onem, qui aquæ virtutem non tulit, commemorat historia Ecclesiastica Tripart. Signum jure suggillet nemo: sed ejus  
abusus

De Humi-  
nitas. ver-  
bi. De hac  
re quædam  
in vita D.  
Justina.  
Lib. 9.  
cap. 19.

abusus omnino accusandus est, maxime si, qui crucifixo & vivæ in eum fidei debetur honor, ad crucem referatur. Sed ad inceptam historiam redeamus.

§ 6. Ubi deinde curationem mali puellæ dictæ promitterem, illius puerilis vocis sono, sibi nihil rei velle mecum esse, & me astutum esse, atque, En quam callidos habet oculos, respondit. Percundante præterea me, num hujus calamitatis autorem cognosceret? eadem lasciviente pueriliter voce respondens, honestam (meo quidem iudicio) matronam eodem tempore in custodia detentam ob incantationis peractæ suspensionem insinuat. Quæ tamen postea manumissa, domum avcebatur libere, una cum matre & duabus aliis mulierculis, propter maleficii crimen illis falso intentatum, jam integrum mensem captis.

§ 7. Illud quoque hic silentio minime prætereundem censui, puellam hanc, illas panni lacinias, fila, aciculas, acus vel clavos ore nunquam rejecisse, quam quum à dolore qualicunque, ob incredulitatem (quod à causa naturali ex abstracta Dei voluntate dolor ortus, minus agnosceretur, sed imputaretur maleficæ, ac ad illicita confurgeretur consilia) prius Amersfortum, proximum illius habitationi oppidum, ad sacrificium vel templi custodem (ni fallor memoria) itum esset, qui aquam (consecratam opinabantur) numismatis Snapphani precio dividēbar, qua propinata prodigiosus hic ciebatur vomitus.

§ 8. Ad hæc siquidem ludibria maxime Deus connivere solet frequenter, ubi ab ipso & naturalibus mediis, in hominum usum divinitus ordinatis, contra manifestum Dei mandatum, fide Christiana postposita ad Satanam curritur, vel ejus angelos: quales hi censentur, qui hujusmodi aquam vel ex baptisterio sublatam, vel aliter impie lustratam, aut ceræ paschalis thus, aut ejusdem religionis nomine sacratas res alias, ausu vetito nefarioque, in conceptæ de maleficio opinionis iniquæ, diaboli instinctu, confirmationem, lubricæ fidei hominibus offerunt.

*Ob historię superioris connexum, obiter hujus puellæ, & reliquorum secuta sanatio post benedictionis formulam recitata à faminis eo nomine captis conjungitur.*

## CAP. IV.

PORRO sceminis, quarum paulo ante memini, incarceratis, Pacin concilium productis, cum à Senatu Cæsareo imperaretur, ut ho-

Vnde diabolus illudendi nervus accersit.

Deut 18.  
Levit.  
19. 20.

ut hominibus plurifariam excruciatís, ob malefícii suspícionem fórmula benedicerent præscripta, nimirum, Benedico tibi in nomine Patris & Filii & Spiritus sancti, in tuis bonis, sanguine & armento: eæque imperata facerent, evestigio sanabantur ægroti. Benedicebatur autem quilibet ab ea, quam sui tormenti genitricem, vel dæmonis aut ejus ministri accusatoris Pythii, custodia quoque coërciti suggestione putaret. Ne Lectorem ininterrupta historiæ series remoreretur turbetque, ea hic paucis prosequar, quæ alioqui ad sequentis Libri argumentum pertinent.

*Formula benedictionis vulgo in maleficii curatone usurpata.*

§ 2. Hic sanciebatur ille omnium ore tritus canon: Quæ ligavit, eandem quoque solvere necesse est. Quæ vero hujus sententiæ sit absurditas, hoc colliges modo. Si Lamia est, suam habere cum cæcodæmone communionem & sædus, ejusque ope alios variè crudelibus colligare torturis (quæ vulgi est opinio) eosdem quoque pro suo arbitrio, ab eo suo & Satanæ opere, cruciatibus scilicet, solvere, ipsius dæmonis ope, qua antea ligaverat, existimatur. Serva autem est & mancipium illius, cui se pacto & stipulatione obstrinxisse creditur: ut hanc sane nihil divinis posse verbis peculiariter efficere, certius fidas. Quibus recitatis si aliquid virium erit donandum, per fideles Ecclesiæ ministros, piæque moneta homines ea pronunciata, citius suum ex Dei nutu sortientur effectum, quam per eas, quæ Dei societari ex professo renunciassent, bellumque velur hostes indixisse judicantur. Quinimo, quicquid diabolus ligat, id Christus, ejus Apostoli ac ministri solverunt, imo ipsum à suo opere deturbarunt. Peculiare hoc Christi fuit ministerium, cujus nomine apparuit. Nec etiam ob qualemcunque incredulitatem, Satanæ vexationem inhibere, ipsumque fugare potuerunt discipuli: quod graviter illis à Christo exprobratur. Quid ergo in ejusmodi dæmonum vexatione & obsidio valebunt Lamia, Beelzebub (ut creditur) obstrictæ?

*Qualigavit, eandem non solvere necesse est.*

§ 3. Nostri Canonis, ratio & usus docent, Contrarium esse medicinam. Christus cum à dæmonio vexatum cæcum & mutum sanasset, atque à scribis & pharisæis, Beelzebub principis dæmoniorum præsidio dæmones expellere diceretur, eos confutans ait: Quomodo potest Satanæ satanam ejicere? Et, si regnum adversus sese divisum fuerit, non potest stare regnum illud: &, si domus contra seipsam divisa fuerit, non potest stare domus illa: &, si Satanæ insurrexerit adversus semetipsum,

*Matth. 12. Marc. 3. Luc. 11. In nomine dæmonis nihil boni fit.*

ac divisus est, non potest stare, sed finem habet. Qui non est mecum, contra me est: & qui non congregat mecum, spargit.

*Ab impio  
suam non  
vult Deum  
prædicari  
gloriam.  
Psalm. 49.*

§ 4. Nec etiam ab impio suam gloriam, quæ in sanandis in ipsius nomine hominibus elucet, velle prædicari Deum, his divinus vates docet verbis. Impio autem dicit Deus, Quare tu enarras justitias meas, & assumis testamentum meum per os tuum? Quum odio habeas disciplinam, & verba mea post te abjicias. Ostium addixisti malo, & lingua tua dolum concinnat. Hinc palam est, ejusmodi curatione, eas incarnationis aut maleficii reas esse non posse convinci, & superiorem canonem enervem existere,

§ 5. Eleganter hic dixit Origenes: Magi nesciunt benedicere, quia dæmones nesciunt benefacere. Quod autem sanentur, non alia profecto fit ratione, quam, quum hæc corpora Dei permisso, ob incredulitatem exercuerit diabolus, in hac ut afflicto & astantes, & quibus inusitatum id malum innotuit, tum demum magistratum, confirmaret, non coacte, sed ultro ac suapte sponte cedit: licet se compelli simulet, quo magis fallar, illaqueetque: atque indubitatus eo modo credatur, illas mulierculas benedictionis verba recitantes, quanquam innocentes, esse tamen fagas: & alios fide vacillantes, spirantesque vindictam suis technis irretiat: ac sententiæ inconsideratæ teum magistratum, in carnificinam infontium fœminarum, & punitionem, voracesque flammæ invitet. Ita enim suarum rerum pro viribus satagit, ut ab initio in veritate non steterit: quicquid loquitur & agit, mendacium est, vel falsitatis fermento conspersum: quum optima agere & loqui videtur, homicidia fruit, & mendacia architæctatur, ut animas illaqueet & perdat, homicida à reum primordiis. Destitit itaque in his ægrotis à læsione, quam ipse intulit.

*De materie varia ac dura, Pauli Grillandi sententia.*

C A P. V.

*Tha-  
stam volu-  
mine 10. de  
Serruogu.*

Huc quum faciat singulare D. Pauli Grillandi, jurisconsulti clarissimi, judicium, id ascribendum duxi. Alias vidi, ait, sæpenumero, quod maleficio infecti, ubi liberationis remedium usurparunt, frequenter ex ore evomerent, vel per secessum exonerarent acus, capillos, ferramenta, clavos, plumas, sulphur, lapides, & res demum tales, quas maleficio læsum votare potuisse, erat impossibile: non solum integras, sed nec fractas, nec minute in frusta concisas.

concisas. Unde quid mirandum videtur. Sed dic, ut quidam censuerunt, Saranam ad majorem hominum deceptionem facere dicitur apparere species extraneas in resolutione facturæ, ut res miranda magis videatur: quandoquidem inspiciuntur & considerantur ea esse talis naturæ, formæ & qualitatibus, ut impossibile fuerit, talia potuisse ingredi in corpus maleficio læsi per aliquam partem naturaliter: sed in rei veritate non sunt species naturales. Et quod verum sit, hinc apparet, quia illa ejiciuntur per vomitum vel secessum: atque ita inter materias illas liquidas apparent à principio, cum primum è corpore emittuntur. At si servaveris illas materias biduum aut triduum, aut dies quinque, quemadmodum ego aliàs studiose servari feci, videbis omnia ea liquefacta penitus, & ipsarum formas periisse totas. Quod si naturalia essent, profecto in sua priori sive primæva forma remanerent, nec possent per aliquos liquores aut humiditates corrumpi, maxime ferrum & lapides, propter eorum naturalem duritiem: ut manifestum est omnibus.

*Dura mater  
terret vo-  
mitu ejectionis  
liquefacta.*

§ 2. Quidam alii dixerunt, dæmones, ut res miranda videatur, tunc temporis, quando maleficio affectus irritatur ad vomitum, vel ad ventris opus, velocissime & invisibiliter afferte ibi species illas sive materias, de quibus supra, veras & naturales, quas aliunde acceptas eo attulerant.

§ 3. Sed nota, licet dæmon potentia sua naturali hoc quidem posset, & tam dextro modo illas inferre in vomitu & stercore maleficio agitari, ut nullus hominum adverteret: prior tamen opinio magis mihi placet, esse scilicet apparentes species sub illis formis non naturales. Et, quod hoc verum sit, apparet ex ratione prædicta: quia communiter non durant sub illa forma, sed brevi tempore in illos resolvuntur liquores, cum quibus mixtæ prodierant: uti ego frequenter vidi, & manibus propriis contrectavi, quæ à principio, ut dixi, apparebant veræ & naturales, & retinebant in se nescio quid duri: tamen brevi tempore, ut dictum est, resolvebantur & peribant. Hæc Gillandus. Acuum quoque, ossium, capillorum, & id genus reliquorum rejectionem per os, technas esse, sentit Cardanus.

*de Variis.*

§ 4. Alteram Gillandi sententiam magis probabilem sentio: nec enim quilibet humor in tantam concreescere potest duritiem, quale est ferrum aut æs: nec siccam constituere materiem, cujusmodi pannum laneum aut lineum experimur: nec viceversa in li-

*xv. 10.*

Supra  
cap. 3.

quorem resolviqueunt substantiæ tales duræ & siccæ. Quod post dies paucos humorem solum dicat conspectum, aliarum rerum formis perditis, id equidem admitto: sed humor is est, qui anrea simul cum reliquis duris aridisque quisquiliis fuit rejectus. Has autem interea temporis à dæmone, qui in hoc ludibrium illas advexit, orique inservit, rursus fuisse sublatas, non est, quod ullus dubitet. Nec etiam panni rudioris laciniam ex puellæ ore à me extractam, in humorem postea solutam meminì.

*Historiæ demoniacorum, qui à Lamiis affligi credebantur.*

C A P. VI.

De Alcidii  
morbi causis  
cap. 8.  
Maleficio  
lata mulier  
clavos &  
acum vomit.

**A**CCIDISSE suis temporibus novum & admirandum morbi. Agens, tradit Antonius Benivenius. Mulier sextum decimum. agens annum, ab ima ventris parte dolore exorto convellebatur manibus. Cumque in horrendum clamorem erumperet, intumescibat ilico totus venter, adeo ut uterum crederes gestasse octo menses: & voce exhausta, ubi per torum cubile hinc inde rejectans sese, & plantas interdum cervici connectens resiliobat in pedes, iterum procidens ac exiliens, isthuc ipsum identidem fascitabat, quoad paulatim ad se reversa, quoquo modo recrearetur. Interrogata quid egisset, penitus ignorabat. Nos vero ejusmodi morbi causas inquirentes, arbitratum sumus hoc malum ex matricis suffocatione, & vaporibus malis sursum elatis, ac subinde cor & cerebrum ferientibus, provenire. Sed quum medicamentis nihil promoveretur, ea ferocior facta, ac torvis oculis circumspiciens, tandem prorupit in vomitum, quo longiores & recurvos clavos, æneasque acus, una cum cera & capillis conglomeratis rejecit: & novissime ex jentaculo frustum tantæ magnitudinis, quale integrum nullius deglutiissent fauces. Cumque id ipsum sæpius etiam vidente me fascitasset, teneri eam arbitratus sum spiritu malo: qui dum hæc ageret, spectantium oculos perstringeret. Quare ecclesiasticis medicis commendata, manifestioribus deinde signis & argumentis tem comprobavit. Nam & nos eam vaticinantem audimus, & ea præterea agentem vidimus, quæ omnem morbi vim supergressa, humanum etiam captum excederent. Hucusque Benivenius.

§ 2. Hæc omnia certe in corpore non fuere, sed diaboli oculos spectatorum effascinantis, ne hujus materiæ in os impulsio animad-

verte-



verteretur, præstigiis & celeritate in os solum illa sunt, & tanquam vomitu mox ejecta. Id œsophagi huic materiei imparis angustia, illæsus post vomitum ventriculus, & ante vomitum, ut supra dictum est, ventriculi robur testantur: quæ profecto minime erant expectanda ex acie, & durissimæ substantiæ inæqualitate. Si ea eructavit ventriculus, quando usque adeo insensibiliter ingesta sunt, aut unde tam innoxie revomuntur, potissimum ore ventriculi ita sensili, ut vel paucò humore acri extreme affligatur?

§ 3. Meirero Clasio, nobili in arce Bontebroec, sita in ducatu Juliacensi, famulus erat Guilielmus nomine. Hic ante annos quatuordecim à dæmonio exagitatus, primum habebatur ægrotus, sibi que ex diaboli instinctu confessionarium expetivit pastorem in Gerad Bartholomæum Panen, qui suam in curando maleficio locare solet operam: quare etiam in dæmoniacæ fabulæ scenam requisitus, non omnino ~~capere~~ ~~apertum~~ agere potuit. Huic dæmoniacum cum ad faciei etiam livorem intrumesceret guttur, eumque suffocatum ita timeretur, ad orationem confugit Judich Clasio conjunx, pia matrona, cum reliqua familia. Inde præter reliquas quisquillas ex Guilielmi ore extrahitur anterius opilionis subligaculum, sili-ces, eorumque fragmenta, filorum sphaerulæ, puellarum capillitium, acus, lacinia panni subditicii ex pueri veste, pavonis penna, quam ante occiduum ex pavonis cauda Guilielmus adhuc sanus evulserat. Rogatus mali hujus causam, respondit, circa Camphusium obviam se habuisse ignotam mulierem, quæ in faciem illi inspirasset: atque hinc, quicquid id esset calamitatis, injectum esse. Restitutus vero, negavit hoc ita accidisse: sed à dæmone inductum se fuisse, ut hæc diceret, confessus est: addens, eas prodigiosas materiæ non in suo fuisse corpore: sed cum una spectarerur, alteram continuo à diabolo faucibus fuisse ingestam. Aliàs nummos sibi loculos à dæmone donatos lætabatur, eosque in lecti stramine repositos esse. Quæsitæ vero, inanes sunt inventi.

*Hic forte  
mulier age-  
bat falso  
maleficii  
suspecta.  
cuius te-  
stimonis no-  
tam hanc  
gravius  
cognere co-  
natum est  
diabolus. ut  
manibus  
injecta illa  
ad suppli-  
cium raperetur.*  
Fol 24.

§ 4. Non absimile est, quod in Francisci vita legitur, cum is ejusque socius turgidos invenirent loculos, Franciscus vero dæmonis præstigiis, tentationesque animadverteret, eosque propter ea averfaretur, pecuniam exemptam pauperibus dari voluit ejus comes: eoque loculos consensu Francisci arripiente, in manibus serpens apparuit, mox evanescens. Postea visum est musculus animalculum ex ore dicti Guilielmi excurrere. Quare evestigio

*En illius vi-  
tam non est  
diabolo per-  
missa po-  
tesitas.*

sub lectum se dejecit, quæstus musculus fuga sibi excidisse: lectum veto repetens, se reperisse narravit. Sæpius inde vim sibi inferre velle videbatur, fugamque aliquoties adornare: quapropter, quum semel in porcino sterquilinio inventus, extractusque arctiori coaceretur custodia, tam firmiter ejus occludebantur oculi, ut nulla vi horum cilia possent diduci distrahivæ.

*Ex ore in-  
fantium &  
lactentium  
perfectis  
laudem.  
Psal. 8.*

§ 5. Accedens tandem maxima natu filia Clatfii Gertrudis, jam annum agens undecimum, hortatur eum, ut apud Deum visus restitutionem exoraret. Ut autem pro ipso puella oraret, eandem ille rogat. Quæ Deum implorans, illius oculos inde cum magna omnium admiratione aperit. Sæpius adhæc illum diabolus admonuit, ne heram multa de Deo effluentem, vel alios audiret: à quo semel mortuo, quemadmodum frequenter in publicis audivisset concionibus, nequireret juvari. Cum etiam hic alias ancillam culinariam impudentius attrectaret, atque suo hinc nomine nuncupatus redargueretur: horrenda raucaque voce respondit, se non Guilielmu, sed Beelzebub nominari. Putasne ergo nos te verituras? ait hera: cui enim nos fidimus, te infinitis superat modis.

§ 6. Quapropter Clatfius zelo impulsus, undecimum. Lucæ caput (ubi ejedti virtute Christi dæmonis muti, & Beelzebub principis dæmoniorum fit mentio) præsentæ familia, attente legit, ac in Christi nomine Satanam cedere jussit. Tandem energumenus hic velut in animi deliquium lapsus, sedate tota nocte jacuit ad horam usque matutinam: qua recreatus jusculo, ad parentes avehebatur sanus prius, actis hæro heræque gratis, imprecatus quoque illis Dei remunerationem ob passam jacturam. In itinere autem loco plano evertiebantur bigæ, nihilque postea dæmoniacæ vexationis sensit unquam. Duxit interim uxorem, prolemque sustulit, & adhuc superest, ac vescitur aura æthereâ.

*Ejusdem argumenti historia.*

C A P. VII.

QUÆSTORIS filius Morfæ adversa nonnihil afflictus valetudine, eam credidit inductam à muliercula, cui herbarum plenum corbem in porcorum pasturam attulisset: quod gratis actis ipsius pressisset humerum. Unde territus eo tempore puer, cœpit paulatim, etiam animo dejecto, pejus habere. Hinc trica femineci capillitii nigri & cinerei sicca, citra alterius materiæ admixtionem, excerni visa est. Tandem admiranda magis, puta setas porco-

porcorum, pelli etiamnum inhaerentes, ita siccas alvo deponebat, ut papyro conservarentur: interdum similia cum excrementis deieciat. His ludibriis circiter medium fatigabatur annum: quæ dein pedetentim, ut cœperunt, evanescere. Nec dubium est, ea ob parentum & adolescentis incredulitatem fuisse permixta: quod quum hic secundum naturæ ordinem nonnihil morbo gravari conspiceretur, cum non in naturæ vitium, aut Dei voluntatem, sed in mulierculæ impressionem tetulerunt. Eam itaque delusionem diabolo, quibus explicatum est modis, permisit Deus, donec fortassis resipiscere.

§ 2. Novi item cujusdam viri consularis conjugem, cujus alvus sæpenumero arenam reddere videbatur, diabolo colludente, conniventeque Deo: quod ægrota ad illicita maleficorum divinatorumque auxilia confugisset, contra divinæ Majestatis edictum, impiis horum hominum actiones comprobans. Cui certam polliceri opem cum Dei gratia, si imperata faceret, audebam. Morbum siquidem, quo afficiebatur, ex naturali causa ortum esse judicabam: at arenæ dejectione, quod incredula ad vetitum declinasset consilium, eam à Satana ludificari, dicebat animus. Frequenter etenim hoc evenire videmus, ut quum à naturali quis infirmetur causa, Deique (qui naturalium rerum usum docuit, atque cum nos affectare & inquirere voluit) potentia diffusus, voluntatique immorigerus, ad dæmonii clientelam consulturus cum Saule accurrat voluntarie, in reprobum tradatur sensum, ludicrisque maligni objiciatur illudendus.

§ 3. Dordraci ad insigne D. Ewaldi, duas haud ita pridem habebat filias Joannes Theodori, quarum altera in quibuscunque suis domesticis actionibus atramentum evomere videbatur, sine ullo invaletudinis sensu, altera vero canum latratus invita imitabatur. Ad rei prodigiosæ conspectum aliquoties clam accitus eximia pietatis vir ex ipsius petitione, semper ad ejusdem adventum, quicquid id erat ludibrii dæmoniaco, desivit, ut nec unquam ille videret vel audiret. Novit illas optime conjunx mea altera, Henrica Holtia, mite diabolicis præstigiis ex viva fide inimica.

§ 4. Commemorat Cardanus, probum quendam rusticum & amicum, qui facilius decipi poterat, quam decipere, sic ipsi narrasse, quod morbo incognito plures laboravit annos quo tempore excitationibus sæpius vitrum, clavos, & capillos evomisset: & quam demum restitutus fuisset, tamen in eum diem, quo hæc referret, sentire se in ventre asseverabat maximam vitri contracti conge-

*Arena per  
alvum mul-  
ieris red-  
dita.  
Deut. 18.  
Levit. 19. 20.*

*De Variet.  
rerum  
lib. 16. Vi-  
de lib. 3. ca.  
14. supra.*

*Malefici  
horarum  
istum in cer-  
do sentent.*

riem, somnumque non levem, quasi quis saccum vitæ fragmentis plenum concuteret, à quo non parum vexaretur. Tum vero singulis octodecim noctibus septima hora, etiam si horarum numerum non observaret, totidem ictus annis octodecim, quibus jam sanatus fuerat, in corde maxima cum molestia perferre. Quis in eo organo, diaboli ludibriis ob simplicitatem apto, non videt dæmonis actus, præstigias & vexationes priores & posteriores?

*De pueri dæmoniaci*

C A P. XIII.

**A**MSTERDAMO, quod Hollandiæ emporium est maritimum, ejusmodi historia scripta est amplissimo viro D. Hadriano Nicolai, apud Geldros Cancellario, decimo octavo Martii anni sexagesimi sexti supra sesquimillesimum. Elapsis octo aut decem septimanis cœperunt in hac civitate horrendo modo torqueri pueri circiter triginta, veluti mania aut furore subito correpti, & in terram prostrati, cum intermissione tamen, durabatque hic cruciatus horam integram vel dimidiam. Inde surgentes, nullius proflus meminere totmenri aut rerum tum actarum, verum se solummodo dormisse putabant. Consulti ibi medici ob morbum creditum naturalem, nihil effecere. Postea, ob malefici suspicionem, ad ejusdem curatores itum est, qui suis deprecationibus variisque aliis ejus amoliendi rationibus tandundem promovere. Tandem quod à dæmonio obsideri crederentur, ab exorcistis non paucis rogatum est consilium, quod ignoranter multa ingenii captum & ætatem superantia effarentur pueri. Illi primum suo more legerunt, conjurarunt, & reliquam suam armaturam adversus dæmonum insultum usurparunt; verum nullo successu. Dum lædiones adhiberentur, acus plurimas vomitu rejecere pueri, aciculas quoque, digitalia, panni lacinias, ollarum frustra, vitra, crines & id genus alia: nulla autem hinc subsequuta est integra curatio. Recurrit etenim hoc malum aliquoties, exhorrescentibus interim iis, qui astant, ob rei incredibile spectaculum. Aliorum relatu vera hæc esse scio.

§ 2. Hic paucis meam subijcere sententiam placuit, nimirum quod ad legitima non confugeretur consilia, Deum permisisse diabolo perfringere astantium oculos hujuscemodi materiæ ore projectis, quæ in corpore neutiquam fuere, nec per artas puerorum

puerorum fauces, nec angustum œsophagi meatum aut intro ferri aut foris propelli à dæmone potuere. Qui tamen horrendum hoc spectaculum oculis omnium objecit in tam celebri loco, ut maleficii & incantationis non modo suspicionem invehret & augeter, sed magis infontes mulieres ejusdem reas statueret, propterea ignis holocausto postea absumendas: ne innoxii sanguinis fusio negligeretur, atque ut maleficii credulitas impia altiores in animis mortalium radices ageret, & tumor hic ex loci celebritate longius latiusque diffunderetur. Sic non temere, sed cum multo fœnore sibi hujuscemodi tragœdiæ finem aliquem decernit veterator ille.

§ 3. Permittit vero Deus frequenter tale crucis exercitium, ut probetur fidei nostræ firmitas. Interim, ne infontibus pueris nocuum aliquid à dæmone accederet, sedulo cavit. Sic & anno quinquagesimo quinto supra sesquimillesimum, Romæ in orphanotrophio puellæ circiter septuaginta, simul una nocte factæ sunt dæmoniæ: unde ne quidem una post biennium fuit restituta. Cæterum genuinam mali ejuscemodi fugandi rationem circiter Quinti libri finem comperies.

*Cardan. li-  
bro 14.  
cap. 76. de  
Variis. rer.*

*De quodam, cui vivo exectus clavus, & post mortem cultri,  
lignum, ferramenta.*

#### CAPUT IX.

CÆTERUM illud, quod à Christi nativitate, anno millesimo quingentesimo tricesimonono, in quodam Eichstetensis episcopatus pago Fugenstal, accidisse perhibet multijugæ lætionis vir JOANNES LANGIUS, illustrissimorum Principum Palatinorum Rheni medicus doctissimus, omnem superaret fidem, nisi oculati spectata fidei testes adhuc superessent. In hoc pago Ulricus Neufesser agricola, cum crudelibus dolorum tormentis circa alterum hypochondrium conficeretur, subito clavum ferreum sub illâ cute manu apprehendit, quem chirurgus, illic balneator, novacula exciderat. Nec tamen cessarunt dolores, sed indies magis in crudecebant. Quapropter, cum nec aliud doloris remedium fore miser, quam mortem, suspicaretur, arrepto cultello, sibi guttur abscidit. Itaque dum tertio die ad sepulchrum mortuus efficeretur, aderant tum Bucharius Rosenbader ex Weissenburg, Noricorum oppido, ac Joannes ab Ettenster balneator, qui astante magna hominum frequentia, demortui agricolæ ventriculum inciderunt, in quo lignum

*Libro 1.  
Epist. 18.*

*Clavus fer-  
reus sub il-  
lâ cute  
latens &  
exectus.*

*Signum &  
cultri in  
ventriculo  
inventi.*

teres & oblongum quatuor ex chalybe cultros, partim acutos, partim instar ferræ dentatos, ac duo ferramenta aspera repererunt, quorum singula spithamæ longitudinem excedebant: aderat & capillorum instar globi involutum. Sed quid potissimum hic admiraberis? an, quomodo tot & tanta ferramenta in ventriculi cavitate contineri potuerint? an, qua arte sint ingesta? Certe non alia, quam dæmonis astu & dolo. Hæc Langius.

§ 2. Ulrico etiamnum superstiti non ea in ventriculo hæsisse, ut nec clavam sub illæsa cute in carne ante sectionē vere impactum fuisse, ausim dicere. Enimvero illis locis ex mala intemperie, aut humorum acrium affluxu, vel flatuum copia, huiusmodi poterat provenire dolor, qualem in iliaco & colico affectu experimur. Constanti autem opinione sinistra de maleficio jam fortassis ægrotus, vel astantes, vel utrique ducebantur, dæmonis, vel illius clientelæ, magis veriti voluntatem malignam, permissisque vires, quam Dei patrocínio & incomparabili potentie fisci. Diabolo itaque traditi sunt illudendi, ut in carnis, antea nonnihil duræ & tensæ vel à materia, vel flatu, vel dæmonis astu ita apparentis, sectione clavum, & in aperiendo stomacho reliqua hæc rerum monstra ingesserit, perstrictis secantium oculis; quo id, in cuius finem hanc instituerat tragœdiam, nempe incredulitatem, stabili-ret. Ubi scilicet in rebus adversis, Deo relicto, ejusque mediis ex gratia donatis ab eo, qui languoribus nostris vere mederi potest, perfidi; Satanam nimium in corpus hominis, Dei scilicet creaturæ, ad ipsius similitudinem formatæ, posse concedimus, extra ejus potestatem in mutanda rerum natura, aut materia aliqua duriori & acuta, certam meatuum, per quos inferri oporteret, proportionem exuperante, illæse & insensibiliter penitus ingerenda, impellendave Oesophagum enim & fauces vel quæcunque aliam partem latius diducere & extendere nequit dæmon, quocunque suo artificio, quam ex prima creatione ferant: quemadmodum aliàs fufius ostendi. Si vero clavum ferreum ante sectionem in parte latuisse affecta urgeas, quando tam insensibiliter cedo impressus fuit, citra cutis vel carnis lationem? quare etiam execto clavo cruciatur, ut putabatur, excitante, non desit in altero hypochondrio dolor? Sublata enim causa tollitur effectus. Qui canon physicis est celebratissimus. Et, quæ post mortem sectione in ventriculo inventa fuere, ea inter secandum, citra controversiam, à dæmone etant invec-ta. At dissidiu seminarium hoc modo à diabolo spargitur, ubi eo nomi-ne alios.

ne alios maleficiū irrogati reos confestim incusamus: quos adminiculo dæmonis illud machinatos esse, quanquam infantes revera existant, credere malumus.

*Religiosæ virgines demoniaca, quæ Lamiarum maleficio exagitari credebantur.*

## C A P. X.

**A**D MIRABILIS & horricā fuit vexatio quarundam monialium, oclusarum Werteti in comitatu Hornensi, exercitarumque à dæmonis. Initia autem ejusmodi dedisse pauperulam fœminam narrant, quæ in quadragesima salis libras tres (quarram vulgus nostras vocat) mutuo à virginibus acceperat, fereque duplum circa Paschæ solennitatem restituit. Hinc in dormitorio inveniebantur sphærulæ candidæ velut incrustata saccharo semina, at gustu falsæ. Quæ tamen non edebantur: nec, quomodo pervenissent eo, sciebatur. Postea eodem in loco observabatur incessus rei ingemiscantis, velut hominis ægroti. Audiebatur item quandoque vox, plerasque virgines ut surgerent, & ad ignem secum accederent, se ægrotam esse, commonescens. Ubi porro surrexissent, morbidam sororem invisuræ, nihil inveniebant. Si quando etiam hæ in arreptam matulam mejere tentarent, ea violenter erepta, lotio conspurcabant lectum. Aliquorics pedibus è lecto ad passus aliquot subtrahebantur, plantis pedum usque adeo subinde titillatis, ut præ nimio risu morituras se tincerent. Tortura erat multiformis, aliarum carnis particulis evulsis: quarundam in adversam partem prorsus intortis tibiis, brachiis & facie: aliquibus supra hominis caput erectis, & vicissim dejectis.

*Demoniacarum virginum Werteti oclusarum historia horrenda.*

6. 2. Quædam sic excarnificatæ, licet ad dies quinquaginta duos nihil præter raparum jus citra panem forpsissent: attamen atriliquoris, velut atramenti scriptorii multa vomitu rejiciebatur copia: quæ tam ferebatur amara & acris, ut etiam pelliculam ex ore abraderet: nec ullum effingi conditum, quo afficerentur, poterat. Cum ægrotas tunc sedatas lætasque, recreaturi circiter tredecim numero amici simul monasterium aliàs ingrederentur, illæ è mensa deorsum citra vocem & intellectum dilabebantur: nonnullæ inversis tibiis & brachiis tanquam mortuæ jacebant. Una in altum sustollebatur, & quanquam manibus injectis obluctarentur assistentes, tamen supra eorum caput abripiebatur: coque denuo præcipitabatur modo,

Pp 2

ut habe-

ut haberetur mortua. Postea ad se tanquam è somno rediens, è nosodochio in monasterium progrediebatur illæsa. Nonnulli incedebant tibiaturum extremitatibus innixæ, velut *ætrois*, citra pedum usum, qui videbantur trahi tanquam ligamenti nimium laxatis, in sacco penduli. Arbores quoque conscendebant ut feles, ab iisque proserpebant, nulla corporis immutatione.

*Margareta  
comitissa  
Burenfis  
pia.*

§ 3. Contigit item, ut cœnobii præfectæ (quam matrem vocant) in ejusdem ambitu colloquenti cum generosa & insignis pietatis domina Margareta comitissa Burenfis (cujus in iustorum resurrectione meminerit misericordiarum pater) ex femore cruceretur caro: illaque præ dolore exclamante, & in lectum deposita, vulnus partim livebat, partim nigricabat: sed curabatur.

§ 4. Accidit quoque, cum duæ ex hoc numero virgines simul considerent ridentes & ex hilaratæ, mutuoque colloquerentur de sele nigra in dormitorio corbi inclusa à matrona, quam in oppido commorantem nominabant: collatione clam observata à tertia virginis sana, corbis ab hac & præfecta cum duabus aut tribus virginibus inquireretur aperireturque, unde felis exiliens aufugit. Ea hinc notata mulier, tanquam maleficiæ rea in carceres conjiciebatur cum septem deinde aliis, inter quas senior numerabatur matrona. Cui vicini & pauperes testimonium, eam fuisse usque adeo misericordem & in egenos profusam, ut ipsa etiam indignerit, perhibebant. Hæc eadem quæstionibus à tortore subiecta, nullis unquam tormentis ad scelus confessionem adigi potuit. Tandem ubi ex more victum offerret Burchgravius, se infirmiorum esse, quam ut cibum admitteret, ait: at se potum solummodo desiderare: quo à Burchgravio mox subministrato, ipsius vestem illa apprehendens, ejusque innixa femori expirabat. Alia quoque rerum miracula hic visa sunt: daravirque ea carnificina ad annos tres manifesta, quam postea celatune.

§ 5. Eas vero virgines Satanam obsedisse, dubitandum minime: qui ludificandi occasionem sibi commode porrectam ratus ex sale à muliercula reddito, credulis virginibus maleficii opinionem injicere, & insonti sæminæ insanabile inurere cauteriū studuit. Quapropter formam sparsit granorum quasi saccharo obduktorum, ut ad eorum gustationem pellicerentur virgines: falsedinem autem indidit, ut suspicionem de ea, quæ salem restituerat, citius ingereret. Nec defuit eventus. Concessit potro Deus eam divexandi potestatem, ut vel tentarentur virgines, vel castigarentur, vel ob earum incredulitatem.



litem. Lubricæ fidei notæ fuerunt, quod non ad Dei voluntatem, sed in feminas cruciatuum causas retulerint. Hinc quoq; satanicum illud duarum virginum concilium ab astuto fuit institutum diabolo, qui mendaces earum rexit voces, ut innocenti matronæ maleficii stigma imprimeretur, carceresque, tormenta & cædes promoverentur. Si quoque felis fuerit vera, eam dæmonium haud dubie eo invenit. Atqui, ut, dæmonem assumpto felis simulachro, fuisse credam, potius inducor. Vides etiam constitutos illi præcise ledendi limites, ut ex alta illa evectione & præcipiti dejectione, etiamsi una mortua videretur, nihil tamen læsionis senserit: sed velut è somno experrecta, abierit.

§ 6. Non absimile fuit, quod virginibus Brigittæ strictis legibus inauguratis, in cænobio, non procul à Xandis dissito, olim usuve-

*Brigitta  
sacra vir-  
ginis da-  
monica.*

nit. Quæ miris quoque modis divexabantur, plerisque exilientibus, nonnunquam balatum vocesque elidentibus horrendas: urgebantur & interdum ex designatis in templo sedibus, capitis velamine quandoque abrepto: fauces his etiam, ne cibum admitterent, nonnunquam præcludebantur. Persistit varia & dira ea calamitas in plerisque ad decennium. Tragediæ causa imputabatur virgini, juvenis amore aliquando faucibus, quem ea affinitate non dignarentur hujus puellæ parentes. Idcirco huic in extremo mœrore positæ, dæmon, accita juvenis illius effigie, se objicit, eam in votum illud monasticum cogens: quæ dicto audiens, se cancellis constringi patitur. Inelusa, velut furore percita, omnibus horrendum plurifariam exhibuit spectaculum: quod quidem malum velut contagio in multas proferpsit virgines: quæ ob propriam illius confessionem, ipsam universæ ejusmodi miseriæ genitricem fuisse, certo crediderunt. Ex ea deinde capta, alioque evecta, prolem bis sustulit carceris custos: ac tandem manumissam, à maleficii opinione inculpata[m] visisse arbitror. Delusio fuit mere diabolica, qua illa decepta, se ea fecisse confiteretur, quæ peculiaria ipsius Satanæ erant opera. At, in quem finem ea fuerunt à Deo permixta, sequenti intelligetur libro: ubi omnibus imitanda harum virginum proponetur curatio.

*Ex obfessa  
loquebatur  
diabolus: sic  
opus diabo-  
lissimum esse  
confiteban-  
tur.*

§ 7. Moniales in Hessononte Neomagi, dæmonium aliquot annos infestasse audio, quod dormitorium noctu velut cum turbine ingressum, testudine citharaque tam videbatur ludere suaviter, ut ad choros temere induci potuissent virgines. Inde canis instar in unius N. lectum insiliebat, in quam muri peccati, quod vocant, cadebat

*Moniales  
Neomagi à  
diabolo in-  
festata.*

<sup>f</sup>uspicio. Similia multa & longe graviora in eodem accidere cœnobio, vivente patre Paulo: quæ, ut ab illis celantur, ita à me aperiri minime decuit.

§ 8. Novi aliud item non ignobile collegium in Colonienſis provinciæ limitib. ubi ante annos octo dæmon canis forma interdii procurrens, conſcendensq; ſub interiori religioſarum virginū indumento, ſpurcæ velitationis indicia exteriori veſtiū motu oſtendere videbatur. Idem Hensbergi accidit in ducatu Juliacenſi, ſub felii ſpecie.

*Vexatio diabolica in monaſterio Kentorpio, relata ad Lamiar: de lacte g'utinoſo, & lac è juncis non emulgeri.*

C A P. XI.

**H**uc pertinent nobilium aliarumque virginum in cœnobio Kentorpio prope veterem Marcam, in Marchiæ comitatu juxta Hammonem incluſarum, monſtroſæ omniſariæque convulſiones, à dæmonibus excitæ, deſcriptæque Lib. I. Cap. I. 2. Fœdiſſimum vero illæ halitum ore ſpirabant in ipſo, & paulo poſt ipſum paroxyſmum: qui alias ſemel interdii, aliquando ſæpius invadebat, aliquoties in horas aliquot multas protrahabatur. In acceſſione mali quædam convulſæ, intelligentes erant, audiebant, aſtantes etiam internoſcere ſe plerq; poſtea affirmabant. Nam in acceſſione propter ſpiritualium partium & linguæ convulſiones, loqui minus poterant. Iſtæ non æque ferociter torquebantur: neq; uno modo, ſed aliæ aliis mitius. Sed hoc commune prope omnibus erat, ut cum ex iis una agigaretur, cæteræ quoq; in ſejunctis etiam cubiculis correptæ, ſolum tumultuanſis ſtrepitū audientes, ſimili miſerrimo modo vexarentur.

§ 2. Ut porro calamitatis hujus origo & incrementum, dehinc tragicus fabulæ actus extremus, quem ſolum in duriffimo hoc ſpectaculo affeſcitavit veteratior ille homicida, innotefcant, cauſiſque aliàs malicioſis diaboli conatibus, in raris illis horrendiſque vexationibus, obviam eatur, quæ ex ore uniſ ſenioris & cordatæ virginis, huic cœtui conſecratæ & omnium primum tam duriciter afflicta, exceperim diligenti inquiſitione, paucis bona fide narrabo.

§ 3. Hæc, Anna Lemgou dicta, quum primum ex ſiniſtro doleret hypochondrio, epileptiaque correpta putaretur, ad monaſterium Nonhertich, inprimis religionis ergo ablegabatur, ubi ex D. Corneli calvaria bibit: unde eam melius habuiſſe, falſo dicebatur à monialibus. Poſtea ubi hæc gravius cœpillet exagitari, aliæque item puellæ,

puellæ, ad ariolum itum est. Is opinionem ingessit, omnes ab Elsa Kamenſi coſtrice maleficio læſas eſſe. Hinc nervum ſortitus diabolus, non ſolum eas multifariis convulſionum generibus torquere incipit, ſed incitare quoque, ut ſe mutuo & alios morderent cæderenque: ſubvehere item & dejicere citra noxam, ut ſicut plumæ ſibi viderentur; unde etiam non ſuz poteſtatis ſe eſſe ſentirent. Si autem à percuſſione vel quacunque alia violentia inhiberentur, cor afficiebatur graviter. At ſuz libertati relictæ, etiam ſi ſciplas lædere, concutere aut morderere putarent, nihil inde ſentiebant mali: at in proprium ſævire corpus, neceſſarium eſſe imaginabantur.

§ 4. Si quando Anna in paroxyſmo loqueretur, fiebat id quaſi altero inſpirante & expirante: ipſa interim ſciplam, dum loqueretur, intelligebat; ſed finito ſermone penitus menti exciderant prolata verba: verum ſi ab aliis illi repeterentur, tum quidem ſe dixiſſe meminerat, ſed pudore ſuffuſa tacuiſſe maluiſſet. Quodcumq; etiam orationi ſe dederet, eam cum attentione proſequi, aut movere huc linguam minime valuit, à maligno turbata. At ſi preculas ſuas horarias, quas vocant, ſine menſe obmurmuraret, tantum abeſt, ut tum præpediretur, quo etiam inde levius habere recrearique videretur. Nequivit inſuper ulli rei vel bonæ vel malæ ſerio attendere, tanquam mente ſtupida, ſine ſenſu, diſcretionem & iudicio. Si etiam pius aliquis ſuoque Deo ex animo devotus, eam alloqueretur, tum quaſi à diabolo puniri videbatur. Sin vero huic aliæ loquerentur ſceminæ de rebus ſuis ludicris, mîſe iis afficiebatur, levabaturque.

§ 5. Hæc deinde quum exorcifaretur, incredibilem ſanguinis copiam videbatur fundere per os, unde nihil mali tunc temporis ſenſit. Omnibus vero illis virginibus ita à dæmonio affectis, is erat cum dolore inæqualiter ſerpente ſenſus ſub pedum plantis, quaſi aqua illas calida combuſſiſſet. Quanquam etiam varie torquerentur, cunctis tamen æque vigeat appetitus & nutritio. Ex junioribus mentis impotibus frequenter & multū loquebatur dæmon: quibus ſe etiam forma nigra obſciebat in ſpecie felis nigræ, vel Elſæ Kamenſis, aut ejus matris vel fratris, ut ab iis omnes tam crudeliter exerceri, crederetur perperam. Ubi poſtreſimo Anna firmiter animo conſtituiſſet, non redire in monaſterium, quo parentū ductu ceſſerat, ſed ſuo Deo extra illud ſaniori iudicio pie inſervire, deſuit calamitas: ſi vero ſolummodo à collegii præſecta ad eam epiſtola mitteretur, toto horrebat corpore, quaſi relapſura. Poſtea autem viro nupſit citra ullum ejusmodi noxæ ſenſum.

§ 6. Affir-

§ 6. Affirmabat adhuc, Elsam Kamensem eodem morbo, velut epileptico, quo alia, exercitiam fuisse, loquutamque similiter sine sensu. Quapropter eam sibi ipsi hoc malum conscivisse, ne aliis maleficium invexisse putaretur, dicebant moniales. Hinc omnes à dæmonibus afflicta, sua tormenta nec Dei voluntati subiciebant, nec diabolo imputabant: sed ad Elsa Kamenfis, in cænobio coëtrici, maleficas artes uno ore & consensu ex arioli indicio referebant. Quæ quidem capta, tragicum hoc spectaculum à se editum fuisse fatebatur primum venenata mixtione: moritura autem, nihil unquam virulenti à se alicui propinatum fuisse: sed quicquid esset mali, se mente & mala imprecatione effecisse confessa est. Num vero hoc ita fieri poterit, paulo post explicabitur.

*Vide lib. 6.  
cap. 10.*

*Damipiaci  
cives Ham-  
monenses.*

§ 7. Ab ejus & matris exustione tanquam suæ potestatis jam nervum adeptus Satanas, oppidi proximi civibus non paucis vario cruciamentorum genere insultat. E quorum numero quinque, ubi ecclesiastes in suum accivisset cubiculum, ex Sacris literis eos adversus Saranæ ludibria instructurus muniturusque: atque hi Decem præcepta, Symbolum Apostolorum, & orationem Dominicam recitassent, hinc alter alterius nomen inquit, mutuoque ludicrum nimis indicat, primo Libro inter ficticia dæmonum nomina expressum: atque unus ecclesiasten irridens, in hæc erumpit verba: Quid nunc facturi sumus? expellere nos conatur pastor? Respondit alter: Se velle in hirco nigro equitare ad quandam mulierem, non ita sejuncte habitantem, quam etiam nominabat, se gratum illi fore hospitem jactans: ut maleficæ artis nomine redderet illam suspectiorem. Identidem se facturum alter quoque narrabat, ac eodem vectore profecturum ad aliam scēminam, nomine designatam in eundem finem. Ac uterque sedi insidens tanquam fatuus, continuo vocis indicis ad dictas equitando videbatur ferri mulierculas, quum interim ne à loco quidem dimoveretur. Tertius adhuc quasi inglobum convolutus contractusque, ad clausum cubiculi abripiebatur ostium, per quod, inopinato apertum, è gradibus decidit illæsus. In pago Howel appellato, circa Hammonem, multi quoque inde videbantur enigmæ. Nec procul hinc in alia civitate similiter diris torqueri modis à dæmone interea ceperunt oppidani. Quare aliquæ fuerunt vinculis traditæ mulieres, at plures accusatæ, quemadmodum in negotio ejusmodi diabolico fieri assoler.

*Lac glutinosum.*

§ 8. Circa idem tempus lac tenacibus filamentis ductile, dissoluti

luti glutini more, ex Comitatu Marcensi, ad Cancellarium Clivensem, ex accusatione cujusdam ineptæ mulieris allatum est, quæ lacteam fuisse redditam formam incantamenti à vicinia sua asseveravit: quum ignitum titionem ollæ, in qua lac coquebatur, subditum hæc abstrulisset, quo domi ignem foveret. Naturæ autem virtum, hic sagis tribuitur. Rei enim veritas sic elucescet. In lacte tres sunt substantiæ commixtæ, nimirum butyrum, caseus & serum. Si jam lac veritate nonnihil subacescere incipiat, quod ætate citius, hyeme tardius evenire solet, & tum coquatur; mox caseus cum butyro coit concrescitque, ut ad ductilis collæ modum etiam longissime deduci extendique possit: & si circumdistensa circumvolvatur expandaturve ligna, at tantam peruenit siccitatem, ut fragile reddatur, atque in pulverem redigi queat.

§ 9. Quod insuper Lamias è juncis lac emulgere feratur (ut hoc obiter in hac lactis mentione addam) eorum substantia levis, <sup>Si juncis lac non emul- gerit.</sup> rara, sæpeque exucca, id sane non admittit, adversatur ratio & ipsissima veritas. Qui ergo fit? Si ullum juncos trahenti lac appareat, hoc profecto à dæmone eo transfertur, præstigiarum fucò lamiz oculis obducto, ut sua emulsiōne lac è juncis extractum credat, quod tamen delusorium est, nec rei veræ historia. Idem dictum volo, si ex alia inepta materia lac provocari asseratur. Si lacte destitui præter naturam, comperiantur vaccæ, eisdem lactis receptacula & canales impedire potest dæmon non aliter aut minus, quam dixi congressum in hominibus posse inhiberi naturalem.

*De virginibus in Monasterio Nazareth Colonia à dæmone exagitatis, & alibi.*

C A P. XII.

**H**AUD dissimilia Colonia passæ sunt virginēs religiosæ in Nazareth monasterio oclusæ. Quibus hoc tamen accessit, quod licet annis aliquot antea varie & multifariam à diabolo vexarentur, torquerentur, convellerenturque: tamen anno sexagesimo quarto supra sesquimillesimum, præter aliud spectaculum horribili modo frequenter editum, prosternebantur sæpenuero deorsum, infima corporis parte succussata ad eum modum, qui veneri solet ascribi, oculis interim clausis. Qui postea cum pudore aperiebantur, quum velut à multo labore respirarent.

*Virgines religiosæ in collegio Nazareth Colonia à diabolo vexatæ.*

§ 2. Ansam autem huic malo dederat quædam Gettrudis, anno ætatis

ætatis suæ decimoquarto monasterio inclusa, quæ ludibria hæc sæpius dissoluto cachinno patiebarur in lecto, licet amasium singulis nobilibus fere congregientem stola consecrata abigere conaretur: quæ velitationem quum altera virgo in secundo decumbens lecto ( hoc nomine adjuncta sociæ, ut tutior esset ab amasii insultu ) audire videretur, tora exhorruit, ac tandem quoque diaboli hospitiū facta, miris convulsionū generibus distrahebatur, in paroxysmo quandoque cæcutiens: ac licet mente appareret constare, varia tamen inconstanter nimis, & quæ desperationem spectarent, proferebat. Itidem & aliæ multæ. Ita pestis hæc velut contagio proferpsit, maxime quum primum ad legitimam non confugeretur consilia. Dictam vero amasiam suo proco horrendas scripsisse literas, postea inventas, in inquisitione à me in eodem collegio facta. Anno 1565. 25. Maji, præsentibus nobilitate & prudentia clarissimo viro, D. CONSTANTINO à Lyskerken, consule dignissimo, D. JOANNE Alrena, decano olim Clivenst. D. JOANNE Echtio, medicinæ doctore ornatissimo, & filio meo HENRICO philosophiæ & medicinæ, doctore, cognovi: eas autem ab illa ut encephalomena, nec mentis compote fuisse exaratas, non est, quod ullus dubitet.

*Crucianus à Lyskerken.*

§ 3. Dum hanc carnificinam adhuc exerceret diabolus, harum virginum quædam peste correptæ, interea dum ea laborarent, nihil diabolica vexationis sensere, ex Dei solius benignitate singulari, qui rotquendi in hoc seculo limites præfigit satanæ, ultra quos fetri enquit.

§ 4. Porro calamitatis initia subministrasse videntur juvenes lascivi, qui per conjunctum sphæristerium contracta amicitia cum una aut altera, clam in monasterium conscenderunt, libidinemque explerunt. Quibus postea exclusis, quum re ipsa amplius frui eæ nequirent, ejusdem imagine mentem vitiauit, taliumque motionum ignominiosum spectaculum, astantium oculis objecit Milleartifex. At quo convenienti Christianoque consilio huic tragædiæ obviam iri possit, peculiaribus literis eo missis fuisse explicui.

*Puella à damone vexata.*

§ 5. Huic albo accenseatur virgo sacra Judith nomine, quam haud ita pridem Busciducis in collegio juxta ædem D. Joanni Baptistæ dicatam, vidi crudelissimis intorqueri à Satana convulsionibus: ejusque fauces, ne cibum admitterent, comptrimi: linguam item inhiberi quandoque, ne proloqui posset: voces interim reddi & ridulas & horrendas audiui.

§ 6. Acce-

§ 6. Accedat & cognita mihi puella, virgini nobili in cœnobio famulans, cui fidem dederat rusticus, qui deinde ad aliam animum adjecit. Quare cognita, mœrore turbata illa cœpit: ablegataque medium circiter milliare à monasterio, in eximii juvenis forma obvium habet dæmonem, qui se familiari colloquio in ejus insinuans amicitiam, omnia rustici amati secreta huic detegit, cunctosque cum altera puella habitos sermones enarrat, ut ad restim illam illiceret cogereque: & cum ad angustum pervenissent ponticulum, ille assumpto oleo, quod ea manibus gerebat, ut minus impedita transiret, eam juvit: invitavitque tandem, ut ad notum comiraretur locum. Quoniam eo sequeretur (respondit illa) ubi paludosæ tantummodo sunt aquæ? Hinc ipse evanuit, illaque perterrita in animi incidit deliquium: quare jussu dominæ, mihi familiaris, bigis in cœnobium reducebatur. Ubi velut mente turbata, multifariam sensu distrahebatur, querebaturque se etiamnum misere ab illo dæmone vexari, ipsu tunc aliquando per fenestram vel alio velle abripere. Nulla certe alia hujus maleficii extitit causa, quam meditabundus animi mœror, ob amoris impotentiam: quam illudendi perdendique occasionem præpropere arripuit Satanas. At puella rustico eodem postea marito freta, belle valuit.

*Admirabilis historia de puella, cujus è latere culter exectus fuit.*

CAPUT. XIII.

**H**ic minime prætermissum oportuit id, quod accidit in pago Levensteet sub Duce Brunsvicensi ubi sorori commorabatur puella nomine Margarita, Henningi Achils filia, annum agens vicesimum. Quæ anno millesimo quingentesimo sexagesimo secundo, altero die Julii, nimirum divæ Virginis visitationi sacro, sororis calceos abstersura, ejus cultrum (duo autem erant in vagina conjuncti ejusdem formæ, caputis æreis incisus ornati) extrahit, seque in humiliorem sedem demittit propterea, quod viribus diuturna febris consumptis imbecillior adhuc esset.

§ 2. Præter opinionem domum ingreditur vetula, nam puellam febris etiamnum fatigaret, rogans, & quomodo sese ex morbo haberet? Responsum illi ut fuit à puella, rursus extra ædes nullo verbo facto egreditur. Calceis mundatis cultrum in sinu deponit: qui quum postea studiose ab illa quaereretur, nec repertus esset, metu perculsa, dum singula vestigando diligenter & sollicitè perlu-

Q 9 2

strat,

strat,horribili specie canem nigrum sub mensa ventri incubantem al nimadvertit: eo abacto sperabat fore, ut amissus cultet detectus, ad pristinum dominum rediret. Unde indignabundus ille, cum femit dentes ostentavit, simulq; se cum saltu trans ostiū in fugam coniecit.

§ 3. Mox puellæ videbatur à capite versus dorsum defluere quiddam tanquam humoris frigidi, cui etiam accedit animi deliquium, perduratque ea velut mortua sine sensu ad diem tertium: quotandem rescit cœpit. Summo autem studio rogata, quinam hoc malum invasisset? respondet, se certo certius scire, cultrum illum, & fororis vagina à se extractum, in sui corporis latere sinistro defixum hæere: eo enim in loco se dolorem persentiscere.

§ 4. Cui licet contradicerent parentes & alii, quod eam melancholia agitari, vel diurni morbi, jejunii, aut alterius rei molestæ fortuito casu obvix ratione nonnihil delilare arbitrarentur: persistit tamen usque adeo in suis querelis, lachrymis assiduīs & insomniis, ut mente caperetur, nec cibum diebus duobus sæpenumero admitteret, quanquam blande invitaretur, vel serio minisque argeretur. Sæ tamen habuit plerumque intervalla & intermissiones, ut etiam quiete decumberet, licet non tam diu, ob dolorem continuū, quo ita exercebatur, ut toto corpore ineurvatam baculo inniti oportuerit.

§ 5. Auxit & hoc ejus animi dolorem, solatiumque minuit, quod quum illa in corpore cultrum defigi certissime crederet, alii tam constanter contravenerent, proponerentque *adversarias*, & phantasiam corruptam esse judicarent, præsertim quam nullum quidem vestigium indiciumve appareret, præter quotidianos ejus luctus, qui jam circiter tres perdurabant menses. Hinc promerere occipit in sinistro latere supra lienem intra infimas duas costas spurias vomica, ovi fere gallinacæ magnitudine, & hunc instat: cujus incremento aut decursu, vel intromittit, vel resedit.

§ 6. Tum inquit illa: Hactenus fidem mihi denegastis, quod in meo corpore hæreat cultellus: at ubi visitationis Mariæ solennitas denuo apparuerit, cum in corpore figi, manifestissime intelligetis videbitisque. Sic tricesimo Junii erupit ex ulcere tanta copia puris, ut amor nonnihil sese remiserit, & inde cuspis velut cultri apparuerit: quâ puella arripere cupiens, præpediur à parentibus, qui chirur-

*Pueri da.  
manica.*

gum ducis Hentici ex arce Wolfenburtel eo nomine accersunt. § 7. Hic quarto Julii accedens, parochum rogat, ut prius puellam alloqueretur, solaretur, Dei verbo institueret, atque ipsius responsos



sponso vigilanter attenderet, quod eam à dæmonio quandoque exagitari plerisque omnibus videretur: & simul cum responso illa subjungit, se libenter curationis hujus modum admissuram, etiam si sciret sibi moriendum esse. Tam eodem die, Dominico scilicet, cultelli cuspidem sub costis prominere videns chirurgus, cum cum suis instrumentis attrahit, qui alteri conformis erat. verū circa ferri acutū medietatē nonnihil absumptus erat. Chirurgi opea hinc ulcus coalluit. Sic habet historia germanice de hoc prodigioso opere evulgata.

*Chirūsus  
extrahitur.*

*Admirandi hujus spectaculi explicatio.*

C A P. XIII.

QUODM admirabile hoc spectaculum citra ulla diabolī præstīgas vere editum fuisse, nec ulla admittere glossas aut explanationem, clamer una voce quilibet, meam hic simplici interpretatione sententiam interponere non gravabor: cultrumque non fuisse in corpore, sed dæmonis præstīgas & ludibria omnium oculis fuisse offusa, puellamque à dæmonio obsessam, quoad fieri potest, breviter ostendere cum Dei beneficio, ad ejus gloriam, ac dæmonis ejusque sequacis turbæ delusæ contemptum, adnitar: quanquam voce Stentorea multos occlamaturos minime ignorem.

§ 2. Primum observari debuit, simplicem puellam longa exercitam fuisse febre, quam ex ejus diuturnitate, quartanam fuisse colligio, natam ex gravissimi aterrimique humoris melancholici, qui in corpore putruit, copia. Qui sæpenumero etiam lienem obstruit, in eoque tumorem, duritiem & apostemā gignit, eaque occasione talem sobolem quartana febris etiam non raro post se relinquit. Hoc jacto fundamento, nimirum sexu femineo, ætate juvenili, & diuturni morbi tædio, reliquum suum opus vigilanti indefessoque studio superstruit & fabricatur dæmon.

*Dæmonis  
adminiculo  
in hoc  
actu præstī  
giis.*

*Sævus.  
Acidus  
Morbus  
longus.*

§ 3. In feminis facilius multo, quam in viris, ætate matura & bona valetudine fidem consequitur. Hic in opificii subsidium, humorem suis actionibus cōhvenientissimum, quippe melancholicum, à quo puellæ cerebrum & corpus tantum abest ut expurgata forent, quo etiam eo summe adhuc gravarentur, assumpsit. Enimvero, quanto affectu in hunc ut succum *δαμονίας* sibi suisque actionibus peculiarem se immergere solet, ejusque adminiculo admirabilia inducere phantasmata & imaginationes raras, superiori libro ea demonstratione ostendi, ut repetitione minime opus esse judicem.

*Humor me-  
lancholicus  
diabolo con-  
venientissi-  
mus.*

*Cap. 7. 8.*

Qq 3

§ 4. Ut

*Galinda.*

*Verula idem.*

*Canis nigerimus spect.*

*Antonius archiepiscopus Coloniensis.*

*Cultus in corpore non fuit.*

§ 4. Ut porro institutum tragœdiæ adum prosequeretur dæmon, solitudinis ansam arripuit exorsus mane semotis aliis, qui fortassis fide viva ejus conatus impediissent. Primumque vetulæ faciem induit, quæ de puellæ valetudine sciscitaretur, ut, quum eam postea cultri in corpore sepulti opinione demerasset, in suspicionem proclivius ipsa induceretur de lamia, quæ carmine id effecisset. Hoc etenim in primis sanguinario veteratori studio est, ut lites moveat, cædesque struat, maxime infantium; & falsam persuasionem adversus verum Dei cultum inducat imprimatque. Ut quoque altius animo postea infingeretur, cultum ex sinu in latus à vetula lamia (cui cum diabolo communio est) translatum esse, in canis nigerimi forma apparuit, quem menti nonnihil restituta dæmonem fuisse sentiret. Hinc in obsessionis initio eam aggressus dæmon, sensum velut catarrhi, vel humoris frigidi à capite ad tergum distillantis inducit, ut post redditam mentem, eo momento cultum hoc frigoris sensu sibi infectum esse crederet.

§ 5. Inde mox ingressus, sensuum organa ita turbavit, ut ad tertium diem velut mortua haberetur. Interea tam valida persuasione de cultro in latere defixo, imbutam phantasiam confirmat, ut secus in animum inducere illa nequivit, quam ita vere rem gestam esse. Antea enim norat veteratorius ille medicus, ex diuturna febre reliquias maligni succi ea in parte collectas esse, quæ putredini erant obnoxia, & ulcus excitaturæ: vel quas ille, ut spiritus, ad putrefactionem promoveret, edq; protrudere: vel quod etiam humorem frigidum ad hujusmodi collectionem aptum, à capite accersere quiverit.

§ 6. Talem abscessum, inter abdominis musculos sinistros, ex destillatione post longam febrem genitum, vidi in Electore Coloniensi archiepiscopo, D. Antonio, felicitis memoriæ, cujus in justorum resurrectione ex gratia meminerit misericordiarum pater unicus.

§ 7. Cæterum, ulcus in eum finem fabricatus est in loco & humore convenienti, ut cultri cuspidem eo apertus ostenderet, & excisionis occasionem subministraret. Sic obiecta cuspidis forma, vel vera cultri allati cuspidem, interim reliqua ejus parte crasso aëre resecta, puellæ, parentum astantium & chirurgi oculos perstrinxit. Quod facile, vel aëris vel infecti spiritus visorii adminiculo, potest. Hac ratione cultellum ex sterquiliniis alicubi, ubi rubiginem contraxit, eductum, supra ulcus deposuit Satana: ibique cuspidem ostendit, reliquam cultelli portionem præstigiis velat. Hunc nonnihil à diabolo re-

lo retentum, ut trahi videretur, chirurgus instrumentis attrahit : sed non è corpore, ubi hæsit neutiquam, verum ex ejus superficie. Ibi enim adumbratos delituit, tantillo tempore dum cuspis conspiciatur, & chirurgus trahit, antea minime.

¶ 8. Nec mirum id videri oportuit, quum à circulatoribus & agyrtis quotidie talia fieri cernas, cum vel per maxillas, vel per brachia, citra sanguinis effusionem & pugiones & graphia trajiciunt: vel cum seram ori labiisque affigunt, vel globulum in os injiciunt, & sterces educunt: sic mille alia rerum miracula oculis objiciunt, quibus tamen nihil inest præter fucum & dolum.

¶ 9. Si nondum tibi satisfactum hac interpretatione putabis, & cultrum è corpore educum esse contendas, cedo, qui & per quos meatus injectus hic fuit? Immissum enim prius oportuit, quod aliquando extrahitur. A capite dorsum versus, & ad latus inferi à dæmone citra manifestam læsionem, quemadmodum humorem stillare per poros observamus, nequaquam potuit. Per os non alio, quam ad gulam, stomachum, intestina & anum apta materia deserti potest, minime vero culter. Quem licet quoque per os injectum esse concederem, non tamen ad eam lateris partem perferri potnit, nisi dissecto prius à latere ventriculo, peritoneo que, cum gravissimo viræ naufragio. Ab ano vicissim non alius patet meatus, quam ad intestinorum involucria, stomachum, gulam, fauces & os. Hic denuo via huic cultello circumquaque præcluditur.

¶ 10. Si per carnem exteriorem insertum esse, voles, ubi dolor, effusus sanguis, vulnus, vel levissimum ejus vestigium, aut cicatrix? Hic autem à versutissimo spiritu id neglectum fuit, quod cuspidem sursum in vulneris ore ostendet, quum potius capuli formam certiori cautela exhibere oportuerit, si cuspidem deorsum insertus fuisset culter: quæ in corpore non nisi cum lethali mulrarum partium incisione inverti potuit: Nisi primo ab infima ventris parte sursum innoxie protensum esse, stulte dixeris, quum eo loco nihil unquam doloris senserit: eas vero interiores partes omnino fuisse illasas, docet brevis curatio abscessus, quam impedire noluit: prorsusque à suo opere, obsessione, afflictione, divexatione & cruciatu destitit diabolus, quia instituta suæ tragædiæ finem jam se consequutum videret. Quum nimirum in eam sententiam omnes perduxisset, ut cultrum ex lacere excisum esse certo crederent. Sic diabolo major tribuebatur potentia, quam debuit: perversa de lamiarum virtute opinio accrevit.

crevit; ac in Dei patrocinio, Christique potestate minus fiducia collocatum est: maxime in illis ditionibus, ubi ex præstigarum diabolicarum indicibus per fas & nefas carnificinæ exerceri non desinunt.

§ 11. Si forte objiciatur, ferrum ita in carne fuisse exesum: respondeo, dæmonem cultum è puellæ sinu exemptum, in terram vel in liquorem falsum inseruisse, aut alibi ea dexteritate reposuisse, ut in medio ferrum exederetur toto anno, quo absoluto fabulæ catastrophæ addere statuerat. Consideremur quoque locus ferri exesus, qui digitos fere duos latos à cuspide distat, & tanta quoque exesione deorsum est magnitudo. Quum vero cuspide in carne, ac ulceris maligna putredine hæserit, qui sit, quod cuspis ab acri pure illæsa, & reliqua pars ferri, quæ in ventris vacuo hæserit, fuerit etiosa?

§ 12. Vel si voles, ferrum cum parte absumpta in carne defixum fuisse: respondeo, id fieri nequivisse, nisi secundum longitudinem deorsum cultellus in musculis hæssisset. Quod si factum defendas, ego vicissim hac ratione nego, quod manu situs ille portisset extrinsecus contrectari, quinimo visu dijudicari. Adhæc, ferrum totum carni inferum simul & fere æqualiter ab acri humore arrodi debuit. Quum vero in medio saltem acies exesa fuerit, alibi quam in corpore exesione fuisse factam sequitur: & diaboli illusione operationeque translatum cultum, & in sterquilinum, aut alium liquorem falsum, aut acrem, aut putrem immissum eousq; ut materia rodens aciei medietatem solummodo attigerit. Haud dubie cautius hunc fucum instituisset, si hæc ejus actiones ea solertia excussum iri prævidisset.

§ 13. Quod insuper in rei veræ gestæ assertionem obtudatur, eam baculo innixam perquam curva inclinatione ingredi oportuisse: hinc quilibet rerum naturalium peritus luculenter intelligit, cultum in corpore non hæsisse, qui ex qualicunque inclinatione vel deorsum vel anrorsum, vel versus utrumque latus graves cruciatus excitasset, vulnerassetque: nec alia corporis constitutione, quam erecta, habuisset mitius puella.

§ 14. Si adhuc urgeas historiæ veritatem, quæso, ubinam toto anno illa cultri longitudo delitescere, aut firmiter hæere valuit? Si in sinistri lateris musculis: hoc tactui & oculis, ut dixi, apparuisset. Nec in liene recondi tanto tempore, tanque innoxie potuit, multo minus extra musculos inrorsum in ventris cavitatem: sic enim in imas partes concidisset, cum multo vitæ discrimine. Hæc siquidem fuit cultri longitudo & forma: \* \* \*

§ 15. Cæte-



§ 15. Cæterum puellam à dæmonio obsessam fuisse, non est, quod nullus ambigat: quemadmodum plerique, etiam peritiores, coram attestati sunt. Argumento esse debent multa ejus verba & actiones. Quod sæpius mente caperetur, cibum & potum ad dies aliquot rejiceret: amici cum ea blande, serio, & minis agerent, nec tamè promoveret. Quod ipsa itidem vaticinaretur, prædiceretque tribus mensibus, palam fore in visitationis Mariæ festo, culrellum in corpore figi. Quis certum hunc diem norat, indicatve? Naturali profecto ratione ab ea imperita puella stupidaque præsciri poterat minime. Has ergo voces haud dubie ex ea edidit diabolus, qui circa illum diem abscessum peremptum iri judicarat, & commodam eam amplexus-ansam, suas simul præstigias objicere statuerat. Erupit autem sanies tricesimo Junii, quo cuspidem prius offendit præstigiator: inde visitationis feriæ agebantur secundo Julii, & quarto cultrum extraxit chirurgus. Sic in exacta sua ratiocinatione fallitur quoque mendax sæpe vates.

*In diu prædictis certitudine fallitur diabolus.*

*Ridiculum modus res duras in corpus ingerendi.*

#### C A P. XV.

PORRO modum quandam ineptum futilemque, quo ejusmodi materies duræ in corpus ope diaboli à Lamiis ingeruntur, describit Doctor quidam in libello Germanico, qui Jacobi domini in Lichtenberg nomine, prædicatur circumferturque. Ejusdem insuper fuisse sententiæ, à me non nisi lucidissimis rationibus explosæ, Theophrastum Paracelsum, non est, quod egre ferant plerique religiosi nimis ejus admiratores. Hanc item rationem fuisse amplexum Ludovicum Millichium, virum alioqui pium & eruditum, in lib. Germanico, Magicus dæmon inscripto, miror. Ab his asseritur, corporis poros à diabolo extendi, per eosque inferi stramen, setas, porcinas, assulas, corium, præstigmata, fila, piscium & fruticum spinas, & quasunque materies acutas; deinde poros occludi, ut, quandoque volet architectus, reconditæ res rursus extrahi queant. Subjungit doctor ille has similitudines: Quemadmodum, ubi quis sub aqua lapidem recondit, nec eo ibi relicto manuque retracta, quomodo eo devenit lapis, scitur: sic quoque naturali ratione vaginæ poros absque læsione penetrat, ferrumque liquefacit fulminis radius. Non dissimili modo in hisce delusionibus fit, quæ magis noxia stigmata vulneraque inferunt. Hæc ejus verba.

§ 2. Rationes has admodum esse jejunas, quilibet rerum naturalium cognitione leviter tinctus, intelliget haud difficulter. Siquidem poros illos natura ex prima creatione strictissimos, à dæmone confusq;

R 1

distrahi

distrabi innoxie posse, ut stramina, coria vel cultros transmittrent: deinde conciderent, emitterentq; suo tempore ad Satana arbitriū libidinemq; conservatā tot diebus vel mensibus substantiā, prorsus *ad unum aliter* esse, nec ullo modo fieri posse, quilibet sanus mecum fateri debet.

§ 3. Pori enim corporis à conditore tam anguste ab initio constituti sunt, ut præter tenuissimum liquorem, velut sudorem vel vaporem, crassius aut solidius nihil transmittant: quemadmodum etiam induris crassisque lapidibus, maxime coctilibus, & lignis observamus: quorum pori quidem liquorem transmittunt, at nihil durum aut solidum sine incisione fractioneve. Talia quidem phantasia facile imaginatur; at in adum non item deducuntur.

*Similitudo  
absoluta.*

§ 4. Similitudo, de lapide in aquam manu demisso, profecto multum absona existit: ridiculumque est, conferre hominis corpus solidum compactumque, cum humida, tenui & fluitante aqua, omnium capacibus naves, & quodcunque voles, natura admittit. Sic nec igneus ille subtilissimus radius vaginæ poros pervadens, quicquid habet similitudinis cum crassa & dura re, quam in corpus humanum per poros illarum intrudi contendunt adversarii. Nisi demonstrationis vanitatem quilibet palam cerneret, in confutando prolixior me ostenderet: probationes vero non dissimiles sparsim in illo Doctoris libello sunt obvix.

*In corporibus reperuntur quædam naturaliter, quæ ad maleficiam quandoque referuntur.*

#### C A P U T XVI.

*Varia apostematum  
contenta,  
apud Galenum II.  
ad Glaucom.  
c. 14.  
Aet. & Celsum. v. 6.*

**I**NTER IMnaturali etiam ratione in steatomatum & atheromatum, aliorumque apostematum sinibus, carne excelsa, ex viscosis & putridis humoribus ac fibris calore coquente exiecatis, materias lapideis, tophis, areis, ut colorum scissis, lignis, carbonibus, capillis & amurcæ similes nasei, incantationibus ab imperitis ascriptas, scimus ex Galeno, Cornelio Celso, & observatione quotidiana. In steatomate lapis avellanæ magnitudine super genitos, angulosos, rotundos, spadiceus. Curavit alias noster collega in Lucensem Burgo matronam proVectioris ætatis, uxorem Hieronymi Luchesi patricii Lucensis, ab abscessu, quem diu sustinuerat supra claviculam sinistram? Ex eo aliquot dies aperto extraxit, præter crassioris puris multam copiam, quiddam tenax ac lentum; quod, cum non facile posset divelli, elangebatur diligenter: elotum tam simile erat hupso lini madentis, ut vix persuaderetur egrotæ & astantibus, excrementū esse toto genere præter naturam ex viscida materia, calore & mali diuturnitate concre-

tuū?

tum. Omnes siquidem maleficium esse, arbitrari penitus maluissent.

§ 2. Nonne in morbo articulatim plerisque à pituita cruda, rescicata, crasso terrestrique humore indissolubiliter impado, resoluta partibus tenuioribus, tophos, Græcis *τῑφος*, velut calcem, in juncturis enasci videmus? Quam etiam exemptam materiem, putatim excipit alia? In cerebro repertus lapis magnitudine & formæ mori? In consuetarum faucium abscessu, calculus gypseus simillimus tophis, qui intra digitorum articulos chyagra affectis increfcere solent: Sub lingua lapillus arefactæ & excoctæ lauri baccæ similitudinem habens, forte spadicæ & jussæ gravitatis.

*Tophi in junctura.*

*Jean. Krummhaus de Calcul. in hom. natu.*

§ 3. In Imperatoris Maximiliani secundi corde secto inventi sunt tres lapilli quantitate pisorum; unus interim major altero, colore rubiginoso: frequenter vero cordis palpitatione gravi afficiebatur, dum viveret. In pulmone calculi plures asperi tribulorum modo ad siliquarum magnitudinem latere, aliquando & faba majuscula non minores, lati, tuberosi, cinerei, subdari. Qui post longam frequentemque tussim ex thorace violenter calculum expectoravit, supra recensimus. In panniculo item epar cingente, lapilli aliquo numero inventi sunt lethales, & grandes, ex ipso epate excisi. In jecoris substantiâ concreti lapides, etiam ad magnitudinem dimidiatæ fere ovi columbini, unus totus angulosus, colore livido, ex phlegmate & humore melancholico coagulatus: alius in eodem amygdalæ nucis magnitudine visus. In venis partis cavæ hepatis, priusquam in communem illum caudicem portæ desinunt, inventi lapilli eas obstruentes distendentesque, foris nigri, intus flav, in hydropico: cujus & meatus, ex fellis folliculo in intestinum desinens, lapide ejusmodi infartus erat.

*Aut. Benj. venius de Abdit. cap. 3. 13. 24. 94. Calculi ex thorace expulsi, inventi etiam in epate, fellis folliculo, matrice, &c. reliq.*

§ 4. In vesica fellis simul conspecti, in uno vincti duo, quasi subulæ, magnitudine dissimili, quorum minimi pisus minutis, maximi fabis exiguis responderunt, omnes quinque, septem, octo, aut plurium erant angulorum. Hinc & alius porraceo colore, quantitate unius articuli digiti fuit excisus. Alius durus hæmatæ lapidi non dissimilis, in cysti fellis Georgii Bohemi regis visus. Minoris formæ superioris apparuerunt plures in eodem folliculo Christiani regis Daniæ. Major in ea vesicula repertus fuit in Friderico tertio, hæc Saxoniz, cognomine Prudente, formæ quadrangulæ, articuli magnitudine, colore fere prasinæ. In hoc bilis receptaculo nlli in alio centum & viginti tres, quorum unus instar medii ovi gallinæci grandiusculus, latior quam rotundior, digitum crassus, multisque tuberculis asper, ut tophus

phus levis & luteus. Quinimo senex quidam decepitur ad iram mirè proclivis, post obitum sine felle & folliculo inventus est: in hujus autem loco ingens apparuit calculus. Fecerunt &, qui, post diuturnum iectum abortu alvi profluvio, innumeros calculos instar pisi aut hordei granorum, per anum emiserunt. Conspiciuntur etiam sæpe in bubulo felle lapides, magnæ juglandis quantitate, rufo colore. Ex intestinis varii quandoque excernuntur; repertus & ovi quantitate. Ex uteri acetabulis duos memini excisos.

§ 5. Observavit Montespessuli anno 1572. filius meus Galenus Medicinæ Doctor, in cadavere puellæ cujusdam hydropicæ, quam secuit, duos spiritus longirudinis vermes, quorum unus meatum vesiculæ bilis duodeno insertum occupabat, alter in ipsummet hepar (ex defectu credo alimentum) progressus, gibbum jecoris obsidebat, capite ambientem viscus illud membranam attingente. Idemmet vidit Patavii nobilem Germanum, qui ab exercitio plures ruffiendo rejiciebat calculos instar pisi, molles adhuc & friabiles.

§ 6. Aperta mulier in scholis medicorum Lutetiæ, lapidem habens in utero, in crasso anteriore, & quæ sine liene inventa est. De trophaceis calculis in utero natis, vide Aëtium lib. 16. cap. 100. At ab eadem causa in his partibus, quæ in renibus vel vesica, generari potuerunt, ea coctionis specie, quam *Ætner* dicunt, nimirum ab humore crasso, viscido, terreo, & calore igneo: quandoque vero & naturali, sed non analogo materiæ, humorem hunc adassante, cogente, & in lapidem indurante, qui interdum variz & admirabilis invenitur formæ, potissimum quum & vasorum accedat aptitudo.

§ 7. Galenus se pilos mejendo excretos vidisse narrat, & cum ex colore, tum ex mole credidisse dicentibus eos ex crassa lentaque materia, quam calor calefecit exsiccatitque, in venis consistere, & se longitudinis ipsorum causam ignorare. In loriis quoque eorum, qui lue venerea infecti sunt, multoties innare videntur minuta animalcula fornicis affinia, aut iis præsertim, qui æstivis mensibus in aqua cœlesti volutari consueverunt.

§ 8. Tradit Alexander Benedictus, mulieres calculis minus afflicti in vesica, præterquam calculis setarum, veluti quibusdam capillamentis, qui non sine diro cruciatu innascuntur ex mucosa materia. Additque, aliquibus quædam in vesica concrevere, quæ nihilo à conchiliis specie differunt. Simile quiddam se vidisse in nobili quadam domina adhuc superstiti, indicavit excellentissimus medicus Joannes Ewichius,

*Loc. aff-  
fect. VI. 9.  
Pili & ani-  
malcula  
cum urini  
excreta.*

*Anatom.  
II. 22.  
Calculi  
mulierum.*



chius, quæ cum longo tempore renum calculo afflicta fuisset ( nulla enim quantumvis eruditorum medicorum ope juvari potuit: ) post aliquot annos, primum quidem aliquandiu lanam tenuem, nonnunquam involutam, interdum fila longa, alba, duplicata, instar eorum, quibus utuntur vestiarii, & quod fidem superat sæpe cum nodo, ac si ad usum consuendi aptata fuissent, per urinam excrevit.

§ 9. Deinde vero, quæ res etiam aliquantulum temporis duravit, arctius compactam, velut ochra commixtam non tam lanam, quam membranam lanosam, quali inregunt sese illi vermiculi, qui ex Seribus insulis, ad nos adferuntur, cum lotio reddidit. Postremo non raro, præter reliqua, pilos longitudine unius digiti, partim utrinque albos, in medio nigros: partim contra principio nigros, cætera albos: præterea acutos in una parte tanquã extremitate, obrusiores in altera quasi profunditate ac radice ( etsi radice carere oportuit ) fortiusculos, durabiles. Atque ejusmodi materiæ tantum non miraculosæ ipsa secum plenam portavit arculam, & pluribus videndam exhibuit, ejusque partem Ewichio donavit. Sed mea sententia, si res has monstrosas in renibus vel vesica non genuerit natura, meienti ægroræ dubio procul eas subjecisse dæmonem, ob incredulitatem, certum est; maxime, si illi suspicio fuerit ingesta de maleficio.

§ 10. Cum Pisis experientissimum medicum & chirurgum D. Gabrielem Fallopium præceptorem sectaretur collega noster, simulque accessissent quendam mercatorum internuncium natione Lucensē, cujus uxor valetudinaria, colicis subinde doloribus laborabat, tum vero iisdem torquebatur gravissimè. post alterum aut tertium curationis diem, à multis remediis ex arte adhibitis, tandem præter omnium expectationem dejecit pilam, vel tophum potius non admodum gravem, magnitudine majorem paulo columbæ ovo, à cujus rejectione paulatim desit dolor, pristinaque rediit valetudo. Hæc reliquis demirantibus affirmabat Fallopius, idem alias nobilissimo medico Frisimelicæ doloribus colicis vexato, & cuidam tertio accidisse. Hanc vero pilam, quæ pepererit materia, eadem aperta vel fracta certius dijudicari potuisset. Illud autem naturæ genimen haud difficulter proder præcedentis sequentisq; narrationis qualiscunque explicatio.

§ 11. Pilas irem magnas nigras, instar pugni, æqualiter orbiculatas, sine sutura, pilis parvis mollibus arctissime infartas, ex boum juniorum sanorum laniæ destinationum, ventriculo & intestinis exemptas, aliquot annis penes me habui. Incantatione ingestas has, exclamarent

Rr 3

multi:

*Pila in bo-  
vis ventri-  
culo nuda  
nata.*

multi: genitarū tamen harum pilarū causam investigare naturalē libet.

§ 12. Vituli adhuc lacte viventes materno, si quando alimonia destituti, vel alioqui perulca ætate insolescentes, ad parentem vel aliam accurrunt vaticam, ejus furas vel quemcunque contigerint ore locum hirtum, maxime posteriorū toxarū, tam exugunt avidè, ut etiam depilem reddant. pilique valido crebroque suctu in ventriculū attracti, & frequenti motu saltuque lascivo paulatim conglomerati, plerumque lacte vel chylo obvolvuntur, aut pituitoso succo lento: Qui temporis successu tenacior redditus, membranæ induit faciem: quemadmodum substantia limosa albida statim à sectione visa est primum obducta hæc pilarum pellicula. Quæ deinde exiccata perdetentim, corio tincto etiā nigricie assimilabatur, qua una in parte cultro nonnihil excisa, ejusmodi uniformes pili molles (quales in illis diæis pecorum locis inveniri cernimus) admodū compacti apparuerunt.

§ 13. Citius huic sententiæ assipulabuntur fidemque habebunt, quicunque veterinariæ rei assuevere, & jumentorum educationem attentius observarunt. Ita nihil omnino rationi derogatū volo, si quando ea in rerum miraculis vel manifesto adesse, aut occulte foveri videatur. Verum quæ præter naturæ ordinem & rationis cognitæ modum à mille artifice Satana, dolo & præstigiis, ut non credentes in suam illicitam nassam, nemine vere, licet quidem phantastice cooperante, effinguntur, & incantamenta putantur (quorum nomine frequenter incusantur puniunturque innocentes) propono, quo veritas à mendacio secreta cognoscatur, & dæmonis ludibria penitus nota negligantur, atque sanguini innoxio posthac parcatur: æquiorique sententia accusatores, petularia diaboli mancipia (divinos alii vocant, mihi vero erunt malefici) conversa male inolitæ consuetudinis fori forma exhibentur.

§ 14. Servat quoque alius apud se ejusmodi pilam levem admodū, ovi magni quantitate, sed orbicularem, Pisis extractam ex colo intestino juvenæ bubulæ. Hæc pomæ citrio vel aurantio tam erat similis, ut, si eo fuisset colore (erat autem nigro) visu solo discerni non potuisset. Arbitrabantur quidam tum, ex integro aurantio deglutito eam ita in ventre induruisse. Sed arbitrium hoc & ridiculum? Cultro autem vix ægè cortice una in parte inciso & detracto, inventa fuit tomenti nigrioris congeries, & suffarcinata, vel potius tota concreta ex pillis. Hujus pilæ meminisse videtur Plinius in hæc verba: Et in juvenearum secundo ventre pile rotunditate nigricans topus reperitur, nullo po-

lo po-

lo pondere: singulare ( ut putant ) remedium ægre patientibus, si tel-  
lurem non attigerit. Inepte autem tophū appellat, si de nostra loquatur  
pila. Ille siquidem inter lapides numeratur foraminulentos: hæc vero  
pila ex pilis compacta, nihil habet vel lapideum, vel arenosum, vel fo-  
raminulentum: sed est circumquaque spississima & solidissima.

§ 15. Nec minus admirabile Aristomenis Messenii cor, quod *Nel. Mani*  
Athenienses, ob eximiam calliditatem exectum, pilis refectum inveni-  
erunt, cum eum aliquoties captum, & astutia elapsum cepissent. *1. cap. 2.*

§ 16. In Majo anni millesimi quingentesimi sexagesimi secundi,  
mulier juvenis N. Coloniz prope ædem D. Antonio sacram, puellum  
ad sextum mensem lactans, enixa est animal fibrosum ad cruce magnæ  
longitudinem, dum reptando sese extenderet ductaretque, unguiculis  
prominentibus, dorso glabro, ventre albicante, capite corneo nigro-  
que, oculis gagaræ lapidi similibus, ore hiulco lampetræ modo aërem  
inspirante. Sub initium cervicis tres visebantur aculei, aut verius unci  
utrinque asperi, quibus quæcunque vellet, amplectebatur, seseque at-  
tollebat. Prodiit vero absque humore, aut humidi alicujus mixtura ex  
loeis muliebribus ante septimam matutinam, dum forte calcem pro-  
na indueret. Vixit autem hoc animal in tertium diem lacte nutritum.  
Mortuum à chirurgo inciditur, præfente D. Bernhardo Cronenburgio  
medico excellentissimo, qui ad hujus miraculi inspectionem vocarat  
D. Joannem Echrium & Hubertum Fabrum medicos, mihiq; po-  
stea ab casus raritatem communicavit.

§ 17. Anno 1549. commemorantur in Ungaria circa Thayxæ *Lutra &*  
flumen inventi homines, in quorum corporibus absolutæ lutæ & la-  
certæ essent inventæ: Num verisimile videatur, aliorum esto judicium.  
Nec non ignorem, vermes prodigiosos ex causa naturali quandoque  
in hominum sinibus ingigni. De qua etiam puella suspicio spatigaretur  
falsa, serpentem stomacho inhære, cruciamenta excitare, & subinde  
ad fauces conscendere, hæc sub mea fuit cura, belleque jam habet.

§ 18. Contrigit & ante annos quinque, ut retulerunt fide digni, in  
insula prope Masecum, rusticum quendam post continuum ventris do-  
lorem, & sumptam aliquando adversus id mali theriacam, vermem *Vermis longi-*  
excrevisse octo pedum longitudine, & digiti unius, quasi cornuto *tudine*  
ore, non admodum dissimili anatis rostro. Sæpius item visuntur variæ *est pedum;*  
formæ lumbrici ore rejici.

§ 19. Rerum adhuc miracula alia huc facientia Alexander de *Cap. 8.*  
scribit lib. 3. Anatom. in hæc verba: Acies scalpelli fracta, dum ve-  
scipelli *Acies*  
nam

*chalybeam  
per venas  
tertius  
ascendisse.  
non mihi si  
varisimile.  
Cuspi fer-  
rea in tho-  
race reli-  
cta, qua  
juxta al-  
vum post  
biennium  
excidit.*

nam imprudens chirurgus cuidam incaute secaret, meatus penetravit diversos, postque aurem confluit, ubi continuis fete punctiōibus sentiebatur: qua molestia sæpe à nobis levare voluit.

§ 20. Supra fidem est, quod ipsi cum in Creta essemus, vidimus. Rusticusin quodantumultu seditioso, sagitta circa dorsum impa-cta vulneratus fuit: evulsa sagitta, ferium in thorace relinquebatur, at vulnus, perquisita frustra cuspidē ferrea, chirurgus sanavit. At post biennium per inferna ea excidit: quæ miraculi gratia, barbaræ figuræ duorum digitorum latitudinis ostentabatur. Secundum enim diaphragma prius mucrone penetravit, ubi pars carnosior est: deinde secundū intestina delapsa, juxta alvū sensim podicem secuit, viamq; sibi ad exitum fecit semicexsa: qua de re magna medicorum fuit concertatio.

*Acus de-  
glutita,  
cum latet  
in creta.*

§ 21. Idem Anat. II. Qui venarum mesentericarum orificia inter intestina ampliora putant in vivente, quæ in cadavere delitescant, longe decipiuntur: arbitrantur enim, ciborum frustra per easdem fibras tenuissimas attrahi posse: putantque, virginem ætate nostra Venetiis, dum hæc conderemus, quæ crinalem acum quatuor digitorum longitudine, quam inter dentes dormitura continebat, incauteq; in somno deglutierat, per urinam post menses decem maximis emisisse cruciatibus: quoniam in vesica collectis viscosis humoribus, lapis citum acum coaluerat, gallinæ ovi magnitudine: & à venis mesentericis acum prius haustum fuisse contendunt.

§ 22. Obiter hic adjiciam, acus illius per urinam redditæ exemplum, plurimos dissectionis ignaros commovisse, qui eam per venas mesaraicas à stomacho ad jecur, ac per venam majorem ad renum angustias, inde ad vesicam penetrasse, falso arbitrantur, ora fibrarum in viventibus patentiora esse ad acum suscipiendam putantes. Acus enim sua acie paulatim, multoque tempore, per intestina penetravit ( siquidem viam sibi facit, quod à natura propellitur ) hinc per vesicam, qua parte carnosia est, inde per urinarium meatus externi potuit. Ad eundem censeatur modum, de sagittæ ferrea cuspidē, quæ biennium naturæ ductu commodas secuit partes: quod & aliis mirabilibus facile comprobavero exemplis.

*A demoniacis sæpe falli medicos doctissimos.*

#### C A P U T. XVII.

*Tuella à  
dæmone  
effusa.*

**H**UJUSMODI potro dæmonis actionibus sæpius vel peritissimos, & in artis operibus exercitatissimos citumveniri medicos deprehendimus. Exemplum cit memorabile, quod haud ita pridem, cum

cum melancholia puellam viginti annorum affici, judicaret clarissimus medicus, noctesque ea infomes circiter undecim transgressisset, hic ex arte pilulas de cynoglossa somnum conciliaturas offerret: quarum una devorata, digito alterum ægrota occudens oculum: Vide, inquit, quam nunc dormiam. Mox, à dæmone eam obsidione subjugata, nec perperam, asserit medicus: à quo se irritari animadverrit. Cum vero hinc hominum cogitatus dæmonium perspicere arbitraretur, quod nulli, se eas ad somnum exhibiturum pilulas, aperuisset (id quod tamen Satanæ puellam obsidenti innotuisse, docuit ironica illa, de somno ex pilula exigua deglutita genito, objectio) inquam ego: Medicum ad obsessæ curationem accitum fuisse noverat dæmon: quare omni ejus instituto, curandi hanc modo, & medicamentorum præparatione vigilanter observata, ut spiritus est, eas somno provocando destinatas fuisse pilulas, ex ratione naturali prompte intellexit: quo nomine captata occasione, medicum illudere ridereque, illi non fuit difficile. Nec hominum cogitationes novissè dæmonem, tradit quoque Augustinus.

*Medicus  
irritetur à  
dæmonia*

*Cogitationes  
hominum  
ignorat  
dæmon.*

§ 2. In ea etiam puella, horrenda convulsionum atrocium facies, crepitantibus quoque juncturarum compagibus, aliquando conspiciebatur. Ad aquæ lustralis asperisionem mire etiam videbatur exhorrescere. Hunc fucum quum alias detegere conaretur Melanchthon, dæmoniacum accessit, quem lustralis aquæ asperisione mirandum in modum excerci exagitarique intellexerat, aquam vero simplicem sub pallio clam contulit. Injecta itaque à quodam lustrali aqua, suos cruciatus confestim mire ostendit dæmonium. Hinc ex sua pura aqua eundè aspersit Melanchthon, cujus injectione non minus affici videbatur energumenus. Proinde is se diabolum fefellisse aliquando narrare solet, qui antea ipsius adiones, & cujus esset animi, minus observat.

*De dissimul.  
eccles. dog-  
matum*

§ 3. Recenset Langius historiam de quadam muliere, quæ, cum Bononiæ rei medicæ operam ille navaret, circa pudenda ulcere sanioso, meliceride scilicet, laborabat: simulatq; vero spem consolidationis maxime læto chirurgus ostentaret, tum repente novus *ἰχθὺς*, humor melli simillimus ubertim erumpebat, donec dæmon, quo obsidebatur, deprecationibus divinis expelleretur: tum eadem nocte, nullo relicto cicatricis vestigio, ulcus sua sponte consolidabatur.

*Epist. medic.  
1. 38.*

§ 4. In hac muliere, quam obsidione constrinxerat dæmon, sua ipsam ostentasse ludibria, & ulceris illius speciem, certum est: atque alato illitoque humore melli simillimo, chirurgi oculos fascino delu-

ss

fisse,

ss

lisse, ut hic ex ulcere *ixopa* promanasse crediderit: quem à dæmone invecum fuisse in ulceris consolidati vestigium, vel in ulcus phantasticum, ipsa momento peracta, dæmonii secessu, testatur curatio.

*De additu  
rerum can-  
sili. 2.  
A malis  
quidam fa-  
cto dæmo-  
niacum.*

§ 5. Narrat præterea insignis philosophus & medicus Joannes Fernelius, quod, quum non ita dudum quidam per ætus, nocte vehementer sitiret, è somno surgens, porta non invento, obvium malum forteprehendit: id mandens, fauces sibi quasi manu præcludi strangularique sensit: simulque à subeunte dæmone jam obsessus, visus est in tenebris videre, se à prægrandi nigerrimoque cane vorari: quæ postea, restitutus integræ menti, ordine recensuit. Hunc non pauci, ex pulsus, ex calore & scabritie linguæ febricitate, ex vigiliis & mentis perturbatione, simpliciter delirare judicabant. Alios ejusdem ordinis viros doctissimos novi, qui eas symptomatum larvas conspicati, aliorumque relatu fidentes, venenum morbi causam esse censuerint, frustra-que propinarent antidota, & cauteria imprimerent.

*Equestris  
ordinis  
quidam  
dæmo-  
niacum.*

§ 6. Tradit adhuc Fernelius, juvenem aliam equestris familiar, paucis ante annis, corporis concussionem, & quasi convulsionem, ex temporum intervallis laborasse, qua nunc solum si vultum brachium, nunc dextrum, interdum etiam digitum unicum, aliàs crur alterum, aliàs utrumque, aliàs corporis truncum tanta celeritate exagitatet, ut vix à ministris quatuor, decumbens cohiberetur. Caput autem inconcussum jacebat, lingua & locutio libera, mens sana, omnesque sensus integri, vel in convulsionis ferocia. Decies ut minimum quotidie corripiebatur: in intervallis sanus, sed labore contractus. Vera epilepsia judicari poterat, si mentis sensuumque læsio accessisset.

§ 7. Peritissimi quique adhibiti medici, convulsionem epilepsiam finitiuam, à maligno venenatoque vapore, spinæ dorsii impactu, censuerunt: è quo vapor in eos nervos emanaret, qui à spina in artus quoque versum, non autem in cerebrum disseminantur. Hæc credita causa ut summo veretur, clysteres imperantur frequentes, purgationes genericæ omnis & validæ, cucurbitulæ infiguntur nervorum initiis, foras, unctiones, emplastra primum, quæ disenterent, dein, quæ roborarent, venenatamque malignitatem obtrectent. His parum proficientibus, sudores proliciuntur balneis, æstuariis, & Guajacini & ebeni decocto. Quæ nihilominus profuerunt, quoniam omnes longe aberamus à cognitione veri.

§ 8. Nam mense tertio primum deprehensus dæmon quidam, totius mali author, voce insuetisq; verbis ac sententiis, tum Latinis, tum Græcis ( quanquam ignarus lingue Græcæ laborans esset ) se prodens.

is mul-

Is multa medicorum secreta detegebat, ridens, quod eos magno periculo circumvenisset, quodque irritis pharmacis corpus hoc pene jugulassent. Quoties laborantem pater invisebat, is procul à conspectu inclamabat, Appellentem hunc arcete, & ab ingressione propulsate, aut torquem è cervice detrahite: ex hoc enim, ut Gallorum torquaris equitibus in more est, divi Michaelis inago propendebat.

§ 9. Ad hanc Fernelii narrationem, velut parenthesi interjecta, respondeo: hunc dæmonem sive Michaelis imaginem usque adeo vereri simulasse, ut astantes falleret evidentius. Quasi vero hic ullius exhorrescat simulachrum, qui ne quidem ipsam Christum, expressam Dei imaginem timuit, quem aggredi, assumere atque tentare ausus est: Paulum, vas electionis, colaphis cedere: Jobum justum affligere: Evam in innocentia constitutam, vastro affatu fallere.

§ 10. Interrogatus hic (prosequitur ita Fernelius) quis esset, aut quo modo, & qua hæc potestate moliretur? dixit, multa intus esse domicilia, in quibus se recondit, & in quiete ad alios commigrare: se in hoc corpus injectum à quodam cujus nomen non efferreret: à pedibus ingressum in Regia, & à pedibus egressurum, cum præstituta dies adventarit.

*Consutatio illius, quod se in corpus à quodam injectum proxime dixerit diabolum, idque prorsus à nemine fieri posse: inefficaces item esse imprecationes malitiosas: & de parentum imprecationibus*

C A P. XVIII.

**S** in corpus injectum à quodam (inea quidem sententia) mendacii sparsens fingit, libenterque fatetur, non coacte: licet ceremoniis & execrationibus se compelli simulet, ut alios ludat, à Deo avocet, sinistra de innocente opinionem injiciat, atque authorem injecti dæmonis, mox hanc, de quo illis voliter suspicio, perversè opinentur: ira rerum suarum fatègisse arbitratur, si hac quoque ratione hominum divellat animos, caedescque struat, sceleratus generis humani hostis.

§ 2. Enimvero ut ne dæmoni quidem licitum est, corpora aut hominum aut bestiarum ingredi, pro sua libidine aut arbitrio: sic nulli vetulæ, nulli obstetrici (quæ corrupta multorum est opinio) nec ulli homini, quantumvis maligno, aut scelerato diaboli mancipio, concessum est, corporibus dæmonas imprecando immittere. Aliàs Satanæ potentiâ uxuperaret hominis virtus maligna, si homo pro corrupta sua voluntate hic posset, quod dæmoni denegatum scimus: quum hunc nihil omnino aut intus aut extra posset, citra peculiarem Dei assensum, ex

*De Michaelis imaginem se formidare simulat dæmonem. Matth. 4. Marc. 1. Luc. 4. 2 Cor. 12. Job. 1. 2. Gen. 3.*

*Dæmones nemo alicui imprecando potest immittere.*

S. literarum traditione manifestū sit: quo suffragante, in prociū stat spiritus ille nequā, opinione celerius, corpus ingrediens; vel collidens.

§ 3. Hæc unica est ejus voluntas, spes & expectatio. Dei nutum observat, & calculum expetit, non vero maliciosam ullius hominis imprecationem. Quæ si tantillum haberet momenti, vix homo in re-tum natura sup eresset, qui non vel dæmonum myriadibus infarciretur, vel ab iis auferretur, vel peste tolleretur, vel lue Gallica, aut Jobis ul-ceribus foedissimis conspurcatus lugetet: Ita domos, compita, vicos & urbes, his diris & imprecationibus personare ubilibet audias, ut nec parentes liberis, nec liberi parentibus parcant, imo seipsos levi de cau-sa pleriq; devoveant horribiliter, sitq; ejusmodi execrabilis salutatio conjugū a marito pletunq; etiā hora matutina expectanda, & ediverto.

§ 4. Sæpenumero ira perciti nonnulli, usque adeo his assuescunt votis, ut in habitum ea degenerent: & pro decoro tandem habeatur, atque orationis lenocinio, si in familiari colloquio, vel amica saluta-tione, vel risu jucundo, horrendæ ejusmodi concrepent voces: quas tamen nullum sortiri effectum in alium, palam cernimus. Tantum illæ maledici hominis, olim rationem reddituri, nisi pœnitudine conver-tatur, diræ lædunt animam.

§ 5. Atqui potius, si quid imprecationes valere quis urgeat, omni-bus erit indubitate æterna salus expectanda: cum nemo sit, cui non ali-quis salutem precetur perpetuam: quæ precatio ex Dei voluntate fit, quemadmodum ex Satanæ impulsu illa maligna. Si quandoque ex malitiosa parentum in filios imprecatione, sinister aliquis eventus sit visus, nihil contra nos facit, ob peculiarem ingenitamque parentum cum filiis sympathiam, cujus nomine, exemplum quandoque horren-dum, proponere solet Deus.

§ 6. Sic haud ita pridem circa initium anni 1575. quidam non obscuri nominis, Regi Hispaniarum apud Geldros militans, quum è familia nobili honestam duxisset conjugem [quam & durius tracta-bat] intelligeretque tandem ipsam uterum ferre, indignanter, velut si-nistre precatus, ait ille: Tu infernalem gestas dæmonem, quem gladio confodiam. Non longe post filiolum genuit diuidia corporis inferioris parte bene formata, verum superior pars lituris rubris & nigris fœda apparuit, oculis in fronte locatis, ore rotundo, nigro, retro, ut satyrus, auribus longis velut canis venatorius, in vertice duo cornua nonnihil intorta, quæ manibus contrectata reddebantur sanguinea. Non in-merito itaque Plato, nihil parentis imprecatione filiis censet periculo-sius.

*Malum  
imprecandi  
consuetudo  
vulgare.*

*Imprecatio  
parentum  
exemplum  
horrendum.*

*Lib. 7. de  
Aeg.*



sius. Contra veto accidit plis: quemadmodum in Jacobo, Isaac: *Gen. 27.*  
ejusque liberis, item Tobia & ejus filio apparuit. *49. To-*  
*bia 5.*

*Dæmoniacarum imprecationum punitarum exempla.*

C A P. XIX.

**S**PECTACULA inretim non vulgaria subinde oculis nostris à Deo  
proponuntur, ut iis tetrici, inveteratam male imprecandi, vel etiam  
temere jurandi, & sæpe falso, consuetudinem declinaremus. Sic fer-  
tur, militem pedestrem ante paucos annos iter per Marchiam fecisse: ac  
nummos loculos cuidam suæ hospitæ, apud quam decubuit ægro-  
tus, custodiendos tradidisse. Post dies paucos restitutus, pecuniam  
reposecit ab hospita, quæ jam cum marito eam esse retinendam statue-  
rat. Se itaque eam habere negat, injuriarum alterum accusans. Iratus  
pedes, hospitam vicissim infidelitatis insinulat. Quo audito, conju-  
gem purgat hospes, peditemque ex ædibus deturbat. Hic rei indi-  
gnitate permotus, extractum enssem in ostium infligit inconsiderate.  
Vim suæ domui fieri ab hoc homine, proclamat hospes. Quare à ma-  
gistratu in carcerem conjicitur: agiturque sententia, ob illatam vim,  
illum gladio feriendum. Jam extremus dies judicialis præ foribus e-  
rat, ipsique captivo moriendum esse, in carcere nunciat dæmon: at, si  
se ipsi dedere vellet, ut nihil sit periculi, se facturum pollicetur. In in-  
nocentia se mori malle, respondet captivus, quam ea ratione liberari.  
Proposita denuo periculi immensitate, ubi se ætrem verberare, & ni-  
hil proficere animadvertit dæmon, gratis suam illi desert operam, qua  
apud adversarios vindicaretur: consuliturque, Quando judicio sistētis,  
tuam in negotio forensi prætendes inscitiam, præsertim in dicendo: ea  
propter tibi patronum, quem advocatum dicunt, concedi orabis: at-  
que me non procul stante pileo cyaneo plumis insignito, postulabis  
causæ defenforem. Annuit captivus, ac prostridie in judicium produ-  
ctus, cognita magistratus accusatione & instituto, rogat sibi in extrema  
illa necessitate permitti patronum: qui conceditur. Multa disputat hic  
doctor Juris versutissimus, & argute defendit, falso accusatum esse &  
condemnari peditem: hospitem enim illi pecunia spoliato vim intulisse,  
ostendit: rem omnem ordine, quo gesta est, & ubi seposita conser-  
varetur pecunia, aperiens. Hospite vero audacius inficiente, & se dia-  
bolo devovente, imprecanteque aliquoties, ut ab eo sustolleretur, si  
pecuniam haberet: desistit tandem à defensione causæ LL. doctor pi-  
leolo cyaneo ornatus, ac hospitem abreptum per forum in ætrem ave-  
hit, ut ubi manserit, nemo cognoverit unquam.

*A diabolo  
anfertur  
hospes: ob  
imprecationem mali-  
tiosam.*

§ 2. Anno millesimo quingentesimo quinquagesimo primo, in Megalopolis finibus, non procul à Wildstadiâ, in Pentecostes feriis, plebem cerevisiæ poculis indulgisse scribitur: cui mulier intererat, quæ sæpenumero diabolum suis immiscebat juramentis, qui spectantibus omnibus, eam per ostium in aërem altius sustulit: reliqui perterriti insequuntur visum, quo veheretur fœmina, cernuntque eam extra pagum in aëre aliquandiu pendulam, inde redditam in agro præcipitem compererunt mortuam.

*Testes carmine non adimi, & concubitus impotentiam etiam à dæmone modo naturali invehit.*

## CAP. XX.

*Testes carmine non adimi.*

*Progn. 11. 10.*

**I**LLO RUM insuper sensus à dæmone obrandi, & oculorum aciem perstringi censeo, qui carmine sibi testiculas totave pudenda auferri existimant: quibus quum aliquandiu orbari videantur, in integrum postea restituantur. Hic Satanæ potentia & arte, nervi testium pudendorumque ad suam convelli originem queunt. Sic & plerumque in deploratis morbis videmus fieri, malæque notæ argumentum dicit esse Hippocrates. Testiculi pudendaque retracta, vehementes dolores atque letale periculum significant. Interimoritur enim facultas vitalis, & nervi versus originem retrahuntur.

§ 2. In dæmonis vero operibus minime illud vitæ naufragium hic pertimescendum: nec naturalis ea perpetuo subest causa: ille etenim ad tempus fascino objecto deludit, vel dolosa nervorum retractione fallit. Ita fit, quod postea, ubi ad verita consilia sic affectos adegerit, impietatisque reos effecerit, libenter ab opere desistat, coactus minime: licet se compelli simulet, ut superstitionis studia confirmet, aliosque iisdem artibus irretiat. Si enī hæc membra vere adempta fuere, quando hoc factum est, & quibus mediis? num citra sanguinis effusionem, partium læsionem & vulnerationem, omni adempto sensu id fieri potuit, & vel momento sanari?

*Lucæ 22.*

§ 3. Et si hoc quoque, licet à *Satanâ*, demus: unde quæso contigit, restitutio, si prorsus ea à corpore avulsa, & proinde alimento & vitali fomite destituta, tanto tempore mortua, putredinique obnoxia fuere? Num Satanæ est, & angelorum ejus, nova creare: aut, ablati omnino partibus vitali virtute destitutis, redintegrare pro suo arbitrio vitam, ac veluti colla eas agglutinare, aut sua potentia genuino affigere loco: quemadmodū à Christo aurem Malchi, à Petro abscissam, indubitanter credimus restitutam? Minime gentium. Antea auditum est, nihil

est, nihil plane dæmonem posse condere: explicatumque, quid illi *aijuntur*, vel inimitabile.

§ 4. Cæterum vere, non profecto imaginarie auferbantur testes, anno millesimo quingentesimo quinquagesimo tertio in Junio, cuidā monacho Hermannō Wolfratgen Everfeldensi, custodi templi in monasterio Cruciferorum Dusseldorpiū. Hic, ubi societatis actionisque Venereæ cum muliere nupta insinularetur à monachis, qui ea quoque frui dicebantur, & hinc sententiam ex actione adversus se instituenda coram Generali, velut carnificinam graviter timeret, morbum fingit, nimirum rupturam in umbilico. Quocirca accitur M. Engelbertus Holter Everfeldensis, illustrissimi nostri Principis chirurgus, malum hoc curaturus. Huic, detecto figmento, animi morbum insinuat Hermannus, meditaturque quibus rationibus collegarum manus pœnamque evitare possit. Hinc convenitur, ut Priori à chirurgo persuaderetur, rupturam illam non posse testitui, nisi ægrotus apud se Everfeldi aliquamdiu decumberet. Interea vero temporis uterque illi testis clam execaretur: atque hac cautela se in juventute fuisse castratum, & propterea impotentem, falsoque accusari, quandoconque eo nomine, judicio coram Generali sisteretur, convincere posset monachus. Inducitur Prior ab Engelberto, ut secum ille transigat de mercede duodecim modiorum vulgarium secalis, post umbilici rupti ( ut Priori persuasum fuerat ) curationem solvenda. Inde Hermannō bene valenti utrumque testem illæsum clam domi eximit Engelbertus, solvitque ex pacto fecale. Facinus hoc non semel cum jactantia narrari à chirurgo audivi, sed flagello certe dignum. Excussa tandem quoque cuculla post annos aliquot, duxit adhuc uxorem hic monachus, cui illa aliquamdiu post renunciavit valedixitque.

*Testes monachi sane volentes exsili.*

§ 5. Sic quidam, nomine Joannes ab Essen, ab illustrissimo Clivenſi duce, numerata certa pecunia, castrandi jumenta & pecora in Marchiæ comitatu potestatem pro se solo impetrat. Hic ubi quendā familiaris conjunctiusque sua frui filia animadvertet, ira incitatus, eam manu injecta evestigio in cubiculum abripit, violenterque uterum eidem, quemadmodum pectori solet, execat, conceptionique porro inidoneam sanat. Hujus facinoris ergo centenorum aliquot dalerorum multa à Principe punitur, nec quidem immerito.

§ 6. Alia profecto ratione usus est Methodius, si Zonaras fidem meretur tomo tertio Annalium. Qui de stupro accusatus, purgat sese monstratis virilibus exiccatis. Interrogatus autem de causa, narrat se, quum

quum Romæ fuisset, nimio Veneris æstu conciratum, orasse Petrum & Paulum, ut sibi, ne de castitate pcticlitaretur, succurrerent: ac noctu eos comparuisse, & atrectatis pudendis, omnem libidinis appetentiam sustulisse.

*Impotentia  
concubitus  
quemoda  
effici potest.*

*Decretal.  
Greg. 9.  
in. 15.*

§ 7. Adhæc, quod incantamentis quidam vinciri putentur, ut concubitus omnino impotentes, quasi evitati, reddantur: hoc naturali occasione variis de causis usuvnere potest, viriatis impeditivæ vel natura, vel ex accidente congressus organis, quæ etiam propinato pharmaco labefactari queunt. Unde legem de frigidis & maleficiatibus, & ad libidinis usum ineptis, tulerunt Theologi. Propterea non semper erit incantationi imputandum illud virium, nec statim suspitione aggravandus infons. A dæmone tamen, ut quidem genituræ instrumenta posse concubirui inidonea reddi, fateor: ita quoque spurcissimæ anus maligna voluntate & insulsa imprecatione id effici posse, constanter nego: quanquam illa, iniqua à dæmone persuasio ne inducitur, secus aliquando credat.

6 8. Eodem autore, aliàs cum certa scæmina congressus, sæpe eidem homini permitti, relictis ejus organis liberis, potest: alias cum altera vicissim, præpeditis veneræ actionis instrumentis, inhiberi, ubi nullo alterius adminiculo illi opus est. Sic in Italia, & cumprimis Romæ, viros se quoque impotentes reddere arbitrantur nobilissima ac eadem putidissima scorta, si antea subligaculi ligamen furtive alicui subtractum colligent: eo etiam reddito, ab ea impotentia se rursus eundem liberare autumant. Idem de lupi virga in alicujus nomine ligata vel soluta creditur. Si quis item malevolus, cubiculi in quo sponsus cum sua sponsa decumbit, ostium solum pulser, inclameturque insigens januæ cultum, ac sponsus responderet, deinde abrupta, cultri cuspede, atque in ligno relicta, is qui adornat maleficium, discedat tacitus, sponsum ea nocte nihil posse in re venerea, fertur. At nugæ sunt.

§ 9. Quidam narrat, quendam conterraneum suum, virum nobilem, jurasse ligatum se fuisse, ne cum mulieribus congregaretur: ac restitutum dexteritate quadam, qua hic alterius persuasionem confirmabat, adducens ei librum Cleopatæ, quem de scæminarum informanda speciositate fecerat: legensque locum, ubi eo modo ligari corpus totum inungi juber corvino felle, mixto cum sesamelæo, & ita juvari? Hoc audio, confisus ille Libri verbis, id fecit, citoque augmentato libidinis æstu restitutus est. Quemadmodum impia credulitate

tate quis lædatur: sic & levare eadem, credibile est, usuque observatur.

§ 10. De ludicro incuborum & succuborum cum hominibus congressu, prolixè superiori Libro, ubi sagarum discutuntur ponderanturque actus, egisse mihi videor.

*De ligaturis variis.*

CAPUT XXI.

*Ligatura varia.*

**H**ic leviter velut in Catalogum reducantur, multiplicis ligationis deliria: quemadmodum ligatio in amorem vel in odium, in ægritudines & sanitates, & similia: item ligatio furum & latronum, ne in aliquo loco furari possint: ligatio mercatorum, ut in designato loco emere vel vendere nequeant: ligatio exercitus, qui limites aliquos transgredi prohibearur: ligatio navium, ne ulla vi ventorum, etiam infinitis velis vento obversis, portum egredi valeant: item ligatio molenidini, ne ullo impetu volvi queat: ligatio cisternæ vel fontis, quæ aquæ extractio inhibeat: ligatio agri, ne progerminet: ligatio alicujus loci, ne quid in eo possit extrui: ligatio ignis, ut in certo loco accendi nequeat, nec aliquid combustibile, admoto etiam igne vehementissimo ardeat: item ligatio fulgurum & tempestatum, ne noceant: ligatio canum, quæ vetatur latratus: ligatio avium & ferarum, quæ volatus & fuga præpediuntur: atque id genus reliqua, fidem profecto exuperantia, quæ partim ficta sunt: partim, si eveniunt ejusmodi spectentur, non impiis imputandi hi erunt ligationibus, sed ad causas naturales, impiam credulitatem, dæmonis collusionem, vel ad occultam Dei voluntatem referendi. Quomodo autem sanguis, ne fluat, ligetur, & morbi, modo non dissimili, coerceantur, vide libro sequenti cap. 8.

§ 2. Cum alias in Gallicano Lucensium, sub Apennino versaretur cum amico noster collega, de via audiebantur acclamationes rusticæ, vulpem voce persequentis: ubi illi suspicerent, ecce, ad montis latus ascendit ocissime vulpes, gallina præpingui onerata. Ibi collegæ nostri comes, Quid, inquit, auferam illi prædam? Ac mox verso non admodum prægrandi lapide, forte in via obvio, vulpem firmat, quæ deposito onere substitit. Accurrit ille, fugienteque vulpe, prædam aufert. Deinde sola lapidis versione se id effecisse narrat, quem ablata præda semper ponderosior esse oporteret: videbatur ramen in ipsa lapidis eversione aliquor immurmurare verba. Cum redirent in Gallicanum, rusticus, cui erepta erat gallina, eam repetit: alter reddere recusat. Vocatur inde in jus, & ablata gallinæ accusatur: qui id quidem non inficiatur, sed se eam optimo sortitum esse jure, quippe è vulpis

Tt

faucibus

faucibus ereptam, defendit. Tandem ventilata aliquandiu causa, sententiam pronunciat iudex, ut gallinam simul coquerent, eaque unanimes cum aliquot bonis amicis fruerentur.

*Lib. 3. hist.  
Sept. c. 20.  
Ligatus in  
specu Gil-  
berti.*

§ 3. Joannes Soherius Eburo lepidi ingenii medicus, quem alias disputaretur de ligationibus, narrabat se aliquories observasse à matre, quando sub intempestam noctem non redirent ad præsepia boves, nec erabunda jumenta invenirentur, matrem tum arreptam secutum obviam vel quodvis aliud ferramentum, projecisse per fenestras, addendo, Ecce pignus pro his aut illis: nam hac ratione, illa à lupis aut id genus feris illæsa superesse credebat. Quibus annumeretur conscripta ab Olao historia magi Gilberti nomine, apud Ostrogotos, ut immobilis maneret, ligati in specu à præceptore Catillo, cui ille insultare solet.

§ 4. Habent & Turcæ suum modum, quo invitos retrahunt. Nomen servi in schedula scriptum suspenditur in tabernaculo vel domicilio servi: deinde diis verbis & imprecationibus illius caput impetunt: hinc vi dæmoniaca, putat fugitivus sibi in itinere vel leones vel dracones occurrere, vel mare vel flumina contra se exundare, vel cum tenebris nigrescere, iisque terculamentis repulsus, ad herum redit. Sic Baal Zephon idolum, observabat retinebatque servas ex Ægypto profugas.

§ 5. Porro variarum ejusmodi ligationum opinio, perficitur per maleficia, collyria, unguenta, potiones seq. philtrea, certas designatas materias: per alligationes, suspensiones: per fortes irem imaginationes, & animi excessus: per imagines, characteres, annulos, lumina, sonos, numeros: per imprecationes, invocationes, conjurationes, sacrificia, consecrationes, vota, nomina, verba, perque varia observationum & superstitionum deliramenta.

*Gen. 3.*

*Num. 21.  
Psal. 20.*

§ 6. His autem nugis commiscere solent, si quæ ex Sacris literis instituto accommodari possint: quemadmodum in serpentem adjuratione, maledictionem serpentis in paradiso terrestri commemorante: item serpentis erectionem in deserto, apte admodum, si diis placet: insuper versum illum, Super aspidem & basiliscum ambulabis, &c. Superstitio etiam hic plurimum valet, translatò ritu aliquo Sacramentali ad id, quod vincere vel impedire statuunt. Se quoque ligari simulant dæmones: at certe non alius vinculis, quam quæ ipsi tradiderunt, mendaciis scilicet, sacrilegiis, adeoque vanis atque obscenis rebus, ut eas referre pudor sit. At Hildegardis sententia hoc finiam caput: In effica-

In efficacia ligaturæ alligata est perversitas nequitie diaboli, ut à zelo furoris Dei non mereatur solvi, quia nunquam illum recta cogitantem vidit: sic neque eum aspiciunt, qui Deum fideliter timent.

*Homines nullius rei potentia in bestias transformari nequire. Explicatio fabularum de Ulyssis & Diomedis sociis, atq; Arcadibus transmutatis.*

## CAPUT. XXII.

**P**LEROSQUE etiam sagarum maleficio in bestias converti, voluit credula superstitiosaque vetustas. Sic quoque Demarchum commemorat Plinius, degustatis pueri immolati in sacrificio extis, in lupum se convertisse (merito vocat dicatur lupus, qui hominis exta vorat) & Cice poculo socios Ulyssis in illo errore diuturno fectur mutasse in feras, ut est apud Virgilium:

*Quos hominum ex facie dea seva potentibus herbis  
Induerat Circe in vulnus & terga ferarum. Item Ecloga 8.*

*Hæc herbas, atque hæc Ponto mihi læta venena,  
Ipsa dedit Maris: nascuntur plurima Ponto.  
His ergo sæpe lupum fieri, & se condere sylvis  
Maris, sæpe animas imis excire sepulchris,  
Atque satas alio vidi traducere menses.*

§ 2. Huc facit Boëtii carmen:

*Vela Naricii ducis,  
Et vagum pelago rates,  
Enrui appulsi insula:  
Pulchra qua residens dea,  
Solis edita semine,  
Misset hospitibus novis  
Tectâ carmine pocula.  
Quos ut in varios modos  
Veris herbipotens manus,  
Hanc apri facies tegit,  
Ille Marmaricus leo  
Dente crescit & unguibus:  
Hic lupus nuper additus,  
Flere dum parat, ululat:  
Ille nigris ut Indica,  
Tectâ mitis obambulat.  
Sed licet variis malis*

*Numen Arcadiis alitis,  
Obstitut miserans ducem  
Peste solveris hospitibus:  
Jam tamen mala remiges  
Ore pocula traxerant.  
Jam sues Cercæ  
Glânde pabula verterant.  
Et nihil manet integrum  
Voce & corpore perditis.  
Sola mens stabilis, super  
Monstra, quæ patitur, gemit.  
O' levem nimium manum,  
Nec potentia gramina,  
Membra quæ valeant, licet  
Cordavertere non valent.  
Intus est hominum vigor  
Arte conditus abdita.*

7. *Ateneid.*

Consil. phil.  
lib. IV.

*Hæc venena potentius  
Detrahunt hominem sibi,  
Dira quæ penis meant,*

*Nec nocentia corpori,  
Mentis vulnere seuiunt.*

*In dialog.  
de Asino.*

§ 3. Hisce figmentis, & Apuleji in Asinum versi fabulæ, ascribatur Luciani metamorphosis: qui in Thessaliam profectus, ut magicas artes disceret, in hospitium forte divertit, ubi mulier se unguento illinens, in corvum mutabatur. Lucianus eodem linimento se volens inungere, in aliud errore incidit, quo unctus vertitur in asinum. Inductus autem in theatrum variis confersum herbis, ex ancillæ institutione per rosarum esum restituitur.

*De Civ. Dei  
lib. 18.  
cap. 18.*

§ 4. Herbis & venenis non sunt vires attribuendæ, quæ nec ad manifestas qualitates, nec ad totam illarum substantiam referuntur. His vero rationibus, homines ab illis non transformari in bestias, notum est: carminibus itaque eam imprimi illis efficaciam, sequitur. Augustini hic audiatur sententia: Si dixerimus, ea non esse credenda, inquit, non desunt etiam nunc, qui ejusmodi quædam vel certissima audisse, vel etiam expertos se esse asseverent. Nam & nos cum essemus in Italia, audiebamus talia de quadam regione illarum patrium, ubi mulieres stabularias his malis artibus imbutas, in caseo dare solere dicebant, quibus vellent seu possent viatoribus, unde in iumenta icho verterentur, & necessaria quæque portarent, postque perfundæ opera, iterum ad se redirent: nec tamen in eis mentem fieri bestialem, sed rationalem humanamque servari: sicut Apulejus in libris, quos Aurei asini titulo inscripsit, sibi ipsi accidisse, ut veneno accepto, humano animo permanente, asinus fieret, aut indicavit, aut finxit. Hæc vel falsa sunt: vel tam inusitata, ut merito non credantur.

*Libro 3. &  
4. ubi se a  
Fotide ma-  
gia in as-  
inum ver-  
sum, &  
quid tum  
egerit, de-  
scribit. At  
vera sunt  
verga, ut  
omnes, qua  
reliqui  
illu legun-  
tur libri.  
Cap. 26.*

§ 5. Et libro de spiritu & anima: Dicit humana opinio, quod quadam arte mulierum & potestate dæmonum, homines converti possint in lupos & iumenta, & quæque necessaria portare, & post peracta opera iterum ad se redire, nec fieri in eis mentem bestialem, sed rationalem humanamque servari. Hoc sic intelligendum est, quoniam dæmones naturas non creant: sed tale aliquid facere possunt, ut videantur esse, quod non sunt.

*Libro 18.  
cap. 18. &  
libro de  
Spiritu &  
anima.  
app. 28.*

§ 6. Deinde, proximo etiam capite de Civitate Dei citato, subjungit: Non itaque solum animum; sed nec corpus quidem, ulla ratione crediderim, dæmonum arte vel potestate, in membra vel lineamenta bestialia, veraciter posse converti: sed phantasticum hominis (quod etiam cogitando, sive etiam somniando per rerum innumerabilium go-

ncta



nera variatur, & quum corpus non sit, corporum tamen similes miraceleritate formas capit, sopitis aut oppressis corporeis hominis sensibus) ad aliorum sensum, nescio quo ineffabili modo, figura corporea posse perducī, ita ut corpora ipsa hominum alicubi jaceant, viventia quidem, sed multo gravius atque vehementius, quam somno, suis sensibus obseratis. Phantasticum autem illud veluti corporatum, in aliqujus animalis effigie, appareat sensibus alienis, talisque etiam sibi homo esse videatur, si talis sibi videri posset in somnis, & portare onera: quæ onera, si vera sunt corpora, portantur à dæmonibus, ut illudatur hominibus, partim vera onerum corpora, partim jumentorum falsa cernentibus.

¶ 7. Nam quidam, nomine Præstantius, patri suo configisse indicabat, ut venenum illud per caseum in domo sua sueretur, & jaceret in lecto suo quasi dormiens, qui tamen nullo modo poterat excitari. Post aliquot autem dies eum velut evigilasse dicebat, & quasi somnia narrasse, quæ passus est: caballum se scilicet factum, annonam inter alia jumenta bajulasse militibus, quæ dicitur Retica, quoniam ad Retia deportabatur: quod ita, ut narravit, factum fuisse compertum est, quæ tamen ei somnia sua videbantur.

*Præstantius  
pater is  
longo alio-  
quo somno  
si equum  
putabat  
factum.*

¶ 8. Indicavit & alius, se domi suæ, per noctem, antequam requiesceret, vidisse venientem ad se quendam philosophū sibi notissimum, sibi que exposuisse nonnulla Platonica, quæ antea rogatus exponere noluisset. Et quum ab eodem philosopho quæsitum fuisset, cur in domo ejus fecerit, quod in domo sua petenti negaverat? Non feci, inquit, sed me fecisse somniavi. Ac per hoc alteri, per imaginem phantastica, exhibiturum est vigilanti, quod alter vidit in somnis. Hæc ad nos non quibuscunque, qualibus credere putaremus indignum, sed eis referentibus pervenerunt, quos nobis non existimaremus fuisse inventos.

¶ 9. Proinde quod homines dicuntur, mandatumque est liteis, à diis, vel potius à dæmonibus, Arcades in lupos solere converteri, & quod carminibus Circe socios mutavit Vlyssis, secundum istum modum mihi videtur fieri potuisse, quem dixi, si tamen factum est. Diomedæas autem volucres, quando quidem genus earum, per successum nem propaginis durare perhibetur, non mutatis hominibus factas, sed subtractis credo fuisse suppositas: sicut cerva pro Iphigenia regis Agamemnonis filia. Neque eum dæmonibus, judicio Dei permittis, hujusmodi præstigiæ difficiles esse possunt. Sed quia illa virgo postea

viva reperta est, suppositam pro illa cetvam fuisse, facile cognitum est. Socii vero Diomedis, quia nusquam subiro comparuerunt, & postea nullo loco apparuerunt, perdentibus eos ultoribus angelis malis: & pro eis, aves occulte ex aliis locis, ubi est hoc genus avium, ad ea loca perductæ sunt, ac repente suppositis, ideo creduntur esse conversi.

§ 10. Quod autem Diomedis in templum aquam rostris asserunt & aspergunt, & quod blandiantur. Græcigenis, atque alienigenas persequuntur, mirandum non est fieri dæmonum instinctu, quorum interest, id est, ad quos persuadere pertinet, deum factum esse Diomedem, ad decipiendos homines, ut falsos deos, cum veri Dei injuria, multos colant: & hominibus mortuis, qui nec, quum viverent, vere vixerunt, templis, altaribus, sacrificiis, sacerdotibus (quæ omnia quum tecta sunt, non nisi uni Deo vivo & vero debentur) inservant. Hactenus Augustinus.

§ 11. Nisi vero altius dormientem Præstantii patrem observasset, ipse omnino ratus fuisset & narrasset ea revera à se gesta fuisse, quæ tantummodo per somnum cognoverat, atque ita veritatis opinionem apud multos sortitus fuisset rumor falsus. Sed mera sunt somnia & phantasmata: cui opinioni suffragatur D. Thomas, in quaestione de Miraculis. Pagano quoque & infideli deteriorem esse, indicant Decreta, qui credit posse fieri, aliquam creaturam, aut in melius deteriusve transmutari, aut in aliam speciem vel similitudinem transformari, quam ab ipso omnium Creatore.

§ 12. Socios porro Vlyssis in bestias versos, & Diomedis comites in aves, atque Arcades stagnum quoddam transgressos in lupos commutatos, fabulosa esse, & poetarum commenta, multi credunt cum Plinio: qui scribit, homines in lupos verri, rursusque sibi restitui, fabulosum esse, confidenter existimari debere, aut credere omnia, quæ fabulosa tot seculis credimus. Inde subjungit: Mirum est, quo procedat Græca credulitas. Nullum tam impudens est mendacium, ut teste careat. Hinc illud de Diomedis focis ideo consuetum à poetis tradit, quoniam aves Diomedæ, à Juba cataraetæ didæ, in solo totius orbis loco videntur in insula, ubi tumulus & delubrum Diomedis extant, contra Apulæ oram, fulicarum similes. Et quoniam advenas barbaros clangore infestant, Græcis tantum adulantur, miro discrimine, velut generi Diomedis hoc tribuentes: ædemque eam quotidie pleno gutture madentibus pennis perluunt, atque purificant: unde origo fabulæ, Diomedis socios in earum effigies mutatos.

Sunt

2. Paris  
10. q. 5.  
epist.

VII 11.22.

x. 44. De  
Diomede  
& Vlyssis  
sociis, at-  
que Arcades  
in aves & se-  
ras conversa-  
tis, fabula-  
rum expli-  
catio.

Sunt, qui ex ad mores referant: nimirum quod Arcades luporum more vivebant, ut homines voraces & immanes, crudis vescerent carnibus, & forte humanis. Idem de mutatione sociorum Vlyssis, jumentis assimilatorum, ob pravitatem morum, intelligi potest: quemadmodum quoque de Nabuchodonozare Babylonis rege converso legitur. Sic & quum Diomedes ex patria pulsus in Italiam venit, atque ejus socii in aves conversi dicantur, eos piratas factos, & paulatim interfectos esse, significatum fuit.

§ 13. Cæterum de Circes potentia & ejusmodi transformatione ita obiter Xenophon, de factis & dictis Socratis: Socrates tam parce cibo utebatur, ut jucunde comederet, atque ad illum ita paratus ibat, ut pro epulis esset ipsi cupiditas comedendi. Potus vero omnis erat illigratus, propterea quod nunquam bibebat, nisi sitiret. Si quando autem in convivium convocatus voluisset ire, à quo difficillimum plurimis cavere est, præterquam deceat saturari, facillime ipse ab illo cavebat. Qui vero hoc facere nequibant, his consulebat abstinere ab illis, quæ persuadent, non famescendo comedere, neque sitiendo bibere: hæc enim esse ajebat, quæ ventribus capitibus atque animis nocent. Arbitrari autem, jocando dicebat, idcirco sues homines effici à Circe, quoniam multis talibus illis nutrebat: Vlysses vero partim Mercurii consilio, partim abstinencia sua, suum factum non fuisse. Hujusmodi de his, serio simul ac joco dicebat.

*De ATKANOPHIA Marbo, quos se in lupos converti credunt homines.*

C A P. XXIII.

LITERARUM monumentis tradit Guillelmus Brabautinus in sua *vide lib. 3. cap. 10. lib. 6. cap. 13. hujus operis.* Historia, virum prudentem diaboli arte eo perductum fuisse, ut aliquibus anni temporibus non secus sciverit, quam se rapacem esse lupum, qui per loca sylvestria & specus oberraret, ac maxime pueros persequeretur, & cum sæpe velut amentem per nemora vagari inventum fuisset: qui tandem Dei gratia ad mentem rediit.

§ 2. Adhæc patavii lupus sibi videbatur agricola, anno millesimo quingentesimo quadragesimo primo: multosq; in agris insiliit, trucidavitque. Tandem non sine multa difficultate captus, confidenter asseveravit se verum esse lupum, discrimen solum existere in pelle cum pilis inversa. Quapropter quidam omnem exuti humanitatem, verique lupi truces voracesque, tibias & ejus brachia gladio feriunt amputantque, veritatem rei exploraturi: cognita vero hominis innocentia, cum chirurgis tradunt curandū, sed post dies non multos expiravit.

§ 3. Hos

*Joh. Kinnel. lib. 2. miscel.*

Charrab.  
Avicen.  
lib. 1. 3.  
fen. 1.  
traff. 4. c.  
21. Epula  
λυκανθρω-  
πίου.  
Paul. A-  
gin. Et  
111. 16.  
Actius  
v. 1. 11.  
Melanch-  
olia lupina.  
Infantia lu-  
pina.  
λυκανθ-  
ρωπίου.  
πινια.

§ 3. Hos ea melancholiæ speciei exagitados fuisse, dubium est mi-  
nime, quæ Arabibus charrab dicitur, derivato nomine à bestiola, quæ  
irrequieto motu super aquas, modo huc, modo illuc, absque ordine  
vagatur. Latini, ut quidam volunt, tipulam id insectum vocant, in  
palustribus locis frequens: λυκανθρωπίαν, id est, hominis in lupum con-  
versionem vocant Græci: quidam melancholiam quoque lupinam  
appellaut ex Marcello, item insaniam lupinam: plerique λυκανθρα, alii  
λυκανθρωπίαν. Eo malo correpti, ex atræ bilis fuligine se in lupos, vel  
etiam canes credunt mutaros. Quapropter domo egrediuntur, po-  
tissimum noctu, in cunctis lupos imitati, aut canes.

§ 4. Hi pallent, oculique iis sunt concavi & sicci: crasse imbecil-  
literque vident, linguam habent siccissimam, valde sitiunt, os saliva  
carer. Tibiæ his sunt ita ulceratæ, ut curari nequeant, propter fre-  
quentes offensiones, & canum morsiones. Curantur hi sanguinis mis-  
sione usque ad animi deliquium, victu boni fucci, balneis dulcibus,  
sero lactis, hiera ex colocynthide, Ruffi, aut Archigenis, aut Justi,  
theriaca, & reliquis melancholiæ utilibus. Caput his ante accessio-  
nem irrigatur soporiferis, nares opio inunguntur: quandoque & som-  
niferum medicamentum propinari oportet.

Lib. 1. Me-  
tamorph.

§ 5. Hoc naturæ vitium & humanæ mentis alienationem, fabulæ  
apud Ovidium subministrasse occasionem verisimile est, de Lycaone  
Arcadiæ rege, quem à Jove in lupum ob sua scelera mutatū finxit. In-  
terim atræ bilis morbi, lycanthropiæ dicti, adjungit notas, quemadmo-  
dum ridicula poetarū commenta naturales, sæpe solent habere causas:  
*Territus ipse fugit, natusque silentia ruris,*  
*Exululat, frustra que loqui conatur, &c.*

Plerosque etiam atra bile vitiatos, se leones esse, vel dæmones, vel  
aves, imaginari, annotavit Avicenna. Neuri adhæc Scythiæ populi  
ejus erant persuasionis, quod se in lupos vetterent, ut vult Herodo-  
tus: sic & Bajanus filius Simeonis, qui Bulgaribus imperabat, arte  
magica efficere credebatur, ut, quoties vellet, lupos vel quælibet fe-  
ræ videretur fieri.

Avic. li. 3.  
fen. 1.  
traff. 4.  
cap. 29.  
Sigebertus  
in Chron.

§ 6. Plinius & Edovardus scribunt, cerebrum ursi devoratum in-  
gignere imaginationes, quasi in ursum quis transmutatus sit. Id nostro  
hoc seculo cuidam Hispano nobili oblatum fuisse edendum traditur,  
qui per deserta & montes vagabatur, se in ursum esse conversum  
phantasia vitata ratus. Atqui dæmonem aut ullam creaturam, nihil  
posse condere, vel revera immutare, rationibus, & ex Decretis abun-  
de de-

Part. 2.  
caus. 26.  
q. 5. q. 5.

de demonstratam est: & evidentissime constat ex eorum, qui hæc fuerunt passi ludibria, confessione, quam lib. 6. cap. 11. descriptam, qualicunque explicatione sum interpretatus.

*De naturali sexus humani mutatione.*

C A P. XXIV.

CÆTERUM, quæ mihi fortassis hic obtrudere conabuntur alii naturæ miracula, ipse referam. Plinius: Ex sceminis, inquit, mutari in mates, non est fabulosum. Invenimus in Annalibus, Licinio Crasso, C. Cassio Longino Coss. Casini puerum factum ex virgine, sub parentibus, jussuque haruspicum deportatum in insulam deseream. Licinius Mutianus prodidit, visum à se Atgis Arescontem, cui nomen Arescusa fuisset, nupsisse etiam, mox barbam virilitatemque provenisse uxoremque duxisse. Eiusdem sortis & Smyrnæ puerum à se visum: subditque, Ipse in Africa vidi mutatum marem nuptiarum die L. Cossitium civem Tisdritanum. Livius lib. 4. secund. bell. Punic. tradit, Q. Fabio Maximo & M. Claudio Marcello Coss. virum ex muliere Spoleti factum. Hippocrates autem scribit, Phaethusæ cuipiam Pythæ uxori corpus virile, & in universum hirsutum & pilosum fuisse redditum, barbamque eam emisisse, vocem item asperam fuisse effectam: quod ipsū etiā Namyssiæ Gorgyppei uxori in Thaso evenisse, subjungit.

*Natura  
miracula  
in sexus  
muta-  
tione.  
Lib. 7.  
cap. 4.  
Gellius lib.  
9. cap. 4.*

*v. l. Epi-  
dem.  
v. l. l. 45.*

§ 2. Ut autē huic naturæ miraculo firmior detur fides, quid ætate nostra contigerit Neapoli, regnante Ferdinando primo, audi, Ludovicus Guarna Salernitanus civis quinque habuit filias, quarum natu majoribus duabus, alteri Franciscæ, alteri Carolæ nomen erat: quibus, postea quam ad quintum-decimū pervenerunt annum, in marium motem virilia erupere membra, mutatoq; habitu pro matibus habiti sunt, Franciscus & Carolus nuncupati. Item Ebuli sub eodem rege, puellæ, quæ jam quatuor annos viro promissa sponsæ nomen habuerat, qua nocte primū viro tradita cum eo concubuit, genitalia membra protulerunt, domumque reversa, in iudicio dotem reposcit, in virorum numero postea habita.

*Fulge-  
lib. 1.  
cap. 6.*

§ 3. Præterea amatus Lusitanus conscribit historiam ejusdem argumenti, his verbis: in oppido Esguerra, novem leucis à Conymbrica, nobili apud Lusitanos civitate, puella quædam genere nobilis erat, cui nomen (si recte memini) Matia Pacheca: quæ cum ad ætatem pervenisset, in qua mulieres primū menstrua emittere solent, vice mensium, priapum usque ad id tempus intus latitantem extra ejecit. Et sic ex scemina factus est masculus: & virili toga indutus, ac sacra aqua

*Centur. 2.  
consulti.  
curat. 39.*

V v

respersus,

\* resperfus, Manuel fuit vocatus. Qui ad Indos perveniens, & dives ac clarus factus, postea ad suos rediit, & uxorem duxit. Sed an liberos genuerit, non satis compertum habeo. Conscii tamen sumus, imberbem, hunc semper mansisse. Hactenus ille.

§ 4. Quæ eo à me adducuntur studio, ut probem, non solum hanc sexus permutationem & verissimam esse, & naturalium rationum basi inniti: sed etiam fœminas solum transire in masculos, saltem adversus inanem Ausonii assertionem, qui duorum exemplorum auctoritate, etiam tueri conatus est conversionis hujus oppositionem. Verum ubi causa incredibilis istius effectus fuerit cognita & perspecta, illico consequutionis necessitas alterius falsitatem detegit.

§ 5. Quæ ut investigatione acquiratur, duo ponenda sunt fundamenta, demonstrationi naturæ prorsus convenientia. Primum est, post animantis productionem, virtutem conformatricem non esse otiosam: alterum, particulæ alicujus prærogativo jure dotatas mulieres; hujus præsentia subministrabit generationi materiam, illius confessio efficientis actionem. Quæ si vera sunt, ut profecto sunt, oportebit citra pudendum muliebri latitare aliquod membrum, priapi figuræ persimile: quia ex Physicæ speculationis certitudine constat, operationem naturæ non exerceri in subiecto quolibet, sed idoneo & prædisposito: quemadmodum etiam vis conformatrix, animante jam edito in lucem, non procreat de novo partes ob materię convenientis & reliquarum occasionum defectum, sed imperfectas adimplere facile potest.

§ 6. Proinde his ita constitutis, sciendum est, ejusmodi partem reperiri in *κλῖς γυναικείης*, quæ cunctis mentulæ virilis conditionibus prorsus respondet, adeo ut prædita sit ligamentis, nervis, venis, arteriis, musculis, præputio, glande, ne quid omnino defideretur. Ejus exquisita observatio hactenus fere fuit neglecta, ob pinguedinis velamen, à recentioribus: at ab Avicenna describitur sub nomine Albathara, vel Albandar: & à Ruffo Ephesio *κλῖς* vocatur, unde obscœnum verbum *κλῖς* derivatur: vel *κλῖς* derivatur: nec non Nympha, Myrton, *κλῖς*. Atque exigua hæc caruncula, paulatim molis augmentatione exurgit tandem in priapum, omnibus suis numeris absolutum.

§ 7. Quod contingit præcipue aut menstruæ expurgationis initio, aut connubii tempore: quoniam in eo, Naturæ impetus incrementum molitur: in hoc vero, propter primi coitus vehementiam, effringuntur particulæ istius carceres, quibus exonerata virtus formativa dein elaborat, in promptiori expulsionem. Ita etiam fit, quod tunc corpus & hir-

*Libi. 3.  
sen 21.  
Tra. 4.  
cap. 23.  
Albathara.  
da. Albandar.  
da. K. 110.  
ru. Nympha.  
ph. 110.  
ru.*

& hirsutius evadat propter mensium suppressionem, & robustius ob sexus virilis successionem. Hoc autem membro quum saltem mulier doretur (unde omnes fœminæ licet actu tales sint, potentia tamen masculos nominarim) necessario elicitur, hunc mutationis ordinem progredi tantum à sexu fœmineo ad masculum, non è converso: quia natura semper addit, nunquam demit: semper expellit, nunquam reprimat: semper movetur versus dignius, nunquam indignius. Itaque Anfonio vanitatis crimen adstringo, quod Beneventi puerum quempiam repente virginem factum refert:

*Nec satis antiquum, quod Campano in Benevento.*

*Unum epheborum virgo repente fuit.*

§ 8. Poëtas ejusmodi fabulas excogitasse, vel inde liquet, quod fingunt Tirciam vatem Thebanum, cujus supra meminimus, cum coeuntes angues baculo percussisset, mutatum in fœminam fuisse, postque annos undecim, iterum cæsis à se anguibus, virilem naturam recepisse. Horum item miraculorum meminere Sabellicus & Pontanus. Sed quod abstrusa naturæ operatione contigit, atque in ea metamorphosi, & quidem solius sexus, continuo perdurat, nullum hic meretur locum, ubi tantummodo de fictis momentaneisque dæmonum formis & præstigiis, quoad fieri potest, explicandis agitur.

*Sabellic.  
lib 9. cap.  
8 de Offen-  
siv.*

*Quod plerique putantur dæmoniaci, qui melancholia agitantur, & è diverso,*

C A P. XXV.

**D**e melancholicorum imaginatione depravata, & subsequentibus eorum interdum deliris ridiculisque actionibus: nonnunquam etiam gravibus, feris, horrendisque operibus, supra lib. 3. cap. 7. satis multa dixi, ut repetitione minus opus sit. Hinc tales vel fatui vel à dæmonibus obfessi sæpe judicantur, quemadmodum quoque energumeni vicissim melancholici interdum dicuntur. Exquisitum itaque desideratur hic judicium, ut inter utrosque discernatur affectus: qui plerumque etiam complicantur. Humori etenim melancholico, uti materiæ suis ludibriis consentaneæ, diabolus se, ut antea memini, insinuat libentissime: propterea & perquam apposite, melancholiam esse diaboli balneum, dixit D. Hieronymus. Non tamen à dæmoniis cuncti exercentur melancholici: at contra fere fit, ut omnes dæmoniaci ob acerbos cruciatus affectusque graves, reddantur melancholici.

*Balneum  
diaboli, vocat  
melancholia.*

§ 2. Mulier quædam Budericiæ, singulis annis ejusmodi melancholia, vel potius mania agitabatur, ut septimanas aliquot multas noctu circa sepulchra in cœmiteris degeret: excurreret etiam subinde

V v 2

in pla-

in plateas, effringens hujus januas, & illius fenestras pertumpens, interdiu aufugeret ad loca secretiora & sylvestria. Et quia is paroxysmus maxime incideret circa diem festum Paschæ, hoc est, tempus vetnum, huic morbo ex humorum motu aptum: credebatur tum temporis à vulgo illam à spiritu exagitari maligno. Vide item historiam dæmoniæ, quæ melancholia infestari putabatur, supra cap. 17.

*Ficti obsidii diabolici historiarum memorabiles duæ: alteram autem ad incantamenta relatam*

C A P. XXVI.

*Obsidii dæmoniaci figmentum.*

*Mendicum Justum ficti dæmoniacus.*

**I**N hac eorum, qui à dæmonum maleficio exagitantur, historica serie, non extra institutum fuerit, recensuisse naturale, rarumque tamen, diabolicæ obsidionis figmentum, à me olim Neomagi apud Geldros visum, in quodam mendico, nomine Justo. Hic, ut justa occasione pecuniam emendicaret largiorem, ante templi fores decubuit, dæmonii in se dominium simulans. Nam perpetua inquietudine exiltebat concidebatque jacenti venter: interdum & fugam minacem, insultum violentum, & torvam faciei inversionem fingeat. Custodes latus utrinque clauderant, ejus conjunx & scottum: quæ proliscenti renixæ, feræ mentis appositis eum coercendum meniebantur: interea oratione mendicorum rhetorica oppidò instructæ, strenuam navabant operam, ut elemosynam à populo die, Dominico mane hunc adeunte locum, elicerent uberiorem.

§ 2. Tandem in dolosi machinamenti opinionem venit magistratus. Adhibiti lictores, qui à cæmeterio discedenti, sub prandio, quo tempore ab hominum frequentia hic tutus est locus, manus injicerent. Nam hic ejusmodi apprehendisse hominem, erat religio, nefasque ducebatur, ob profanationem loci scilicet sacri. Postremo tamen, cognito latrocinio quater perpetrato, abreptus, in vinculis artem confessus est, qua ventrem, ut pro suo nutu exundaret subito, relabereturque continuo vortice, coegisset. Prius obice altius podici indito, & multo butyro simul devorato, quo antea oblinebantur præmuniebanturque ventriculus & intestina adversus vim hydrargyri deleteriam, argentum vivum deglutiebat, quod suo pondere ex ventriculo per pylorū in intestina ferebat, ubi ob pessulum ostio obditum, præcisa erat exitus via.

*Hydrargyrum valde humidum & tenuissimum paratum.*

§ 3. Quare, quum vehementer id humidum sit, & tenuissimum valde partium, ac cognata mobilitate inquietissimum, quanquam à calore naturali excitatum, non ramen ob intestinorum butyro inunctorum anfractus evaporare (etiā si ea fuisset caloris vehementia) potuit. Hinc ciebatur



ciebatur valida illa ventris perturbatio, & jactus inæqualis, quam au-  
gebat vehemens & voluntaria ventris succussio, illæsis interim ob-  
præsumptum butyri antidotum partibus interioribus. Stipe autem col-  
lecta, & arbitris semotis, inquietum dæmonem, captivum quippe Mer-  
curium, extracto pessulo liberabat. Hunc tragædum decimo post e-  
dictum hoc spectaculum die, propter latrocinium, Germanica punitio-  
ne imponi rotæ vidi: ex qua horis duabus post descendit, eodem ta-  
men repositus die, strangulatusque.

§ 4. Ad hunc numerum referatur impostura, vere commenticiis *Joannis*  
ligaturis ascribenda, cujusdam Joannis Patris nomine, Germanis *Patris*  
Hans Vatter, nari in pago Mellinge, medium miliare disito à Durin- *commenta.*  
gorum Wymaria. Hic professione bubulcus, triennium per celebres *Ligatura*  
aliquot Germaniæ civitates vagatus est, simulans se ipsis D. Joannis *psa.*  
feriis, hora marutina, quum boum curam gereret, à Nicolao Gottel,  
postea ob sua flagitia Wymariæ exusto, incantatum, pane assumpto  
cyaneo ex sextuplici sanguine confecto, nimirum infantis nondum  
baptismo initiati, & ab eo occisi, serpentis, bufonis, echini, vulpis ac  
lupi, ut duodecim annis atrociter à diabolo divexaretur. Hoc Nico-  
laum in carceribus confessum fuisse asseverabar.

§ 5. Hinc dæmonem excruciasse ipsum multifariam ait, ac tam  
strictè momento colligare manus sæpe in tergo, vinculis ex pilis equi-  
nis & sericeis laciniiis intortis, ut nisi mox eorum incisione laxarentur,  
sanguinis subsequeretur eruptio. Coarctabatur enim singulari artificio  
ligaturæ nodus inexplicabilis. Ac antea præ angore sanguinè è sinistra  
aure atque ore frequenter effluere querebatur. Ex inter reliqua, semel  
Mansfeldia in ære evectum se, & valido vento Halam ultra muros  
translatum, ibique catenis argenteis colligatum fuisse narrabat. Item  
Boræ, ubi in turre inclusus fuerat, ut nonnihil à diaboli torturis le-  
niretur, atque ab ejus laqueis tutus conservaretur, per foramen angu-  
stum crassi fornici à diabolo pertupri, se indusio solummodo rectum,  
à dæmone extractum fuisse, atque in vastam tractum solitudinem:  
sed quomodo, se nescire: atque ibi tres noctes sine ulla cibatione  
humana peregisse.

§ 6. Addidit quoque, se catenis ferreis crebro à dæmone constri-  
ctum fuisse circum corpus, pedes, & collum: ac semel ita in patibulo  
ad hoc spectaculum à Satana ex ingentibus lignis constructo, in quo-  
dam horreo alligatum fuisse. Admiranda quoque phantasinata, appa-  
ritions & spectra annexuit, nec omnia enarrare brevibus se posse in-

quit: sed cuncta ordine, velut seriem historicam, conscripta esse, tandemque per typographiam lucem visura, ut mundo innotesceret, quantae crudelitatis plurifariam à dæmonio excrucietur dilanieturque. Nec prætermisit suum in orando, concionibus sacris audiendis, & communicatione Sacramenti corporis & sanguinis Domini singulis quatuor septimanis, studium zelumque. Ad respicientiam quoque ut populum hortaretur, se impelli affirmabat.

§ 7. Post diuinam hujus tragædiæ ostentationem, Norimbergam tandem venit, ubi iisdem usus technis, à prudenti & circumsperto Senatu observari cum vigilanti sagacitate industriaque, semotis custodibus solitis, jubebatur: & licet primùm abitionem utgeret, desperationem deinde simularet, & nescio quæ non comminiceretur ad artis suæ facum: eo tamen ad extremum redactus est, ut se nunquam à diabolo ligatum fuisse, sed sibi ipsi laqueos à se paratos, celeriter semotis arbitris injecisse, ubi item eorum materiem suffuratus fuisset, fateatur. Vinciendi etiam specimen ostendebat libere: & fuctu sanguinem ex gingivis extractum fuisse narrabat, quem quoque manu quam ocissime in aurem seorsum instillabat.

§ 8. Reliqua item enatrata miracula, mera fuisse mendacia falsus est, universamque huc spectasse fabulam, ut inde rem faceret. Quapropter ob facilem, nec extortam confessionem, sententiam mitigavit, reumque publico palo in spectaculum & irrisionem, ad horæ dimidium alligatum, exilio punivit amplissimus eximie prudentiæ, judicii, virtutis atque authoritatis ordo Senatorius, 9. Maii, anno millesimo quingentesimo sexagesimo secundo. Id vero diabolicæ vexationis per incantamenta figmentum, tanquam rem veram, alius antea epistola typis excusa præmature evulgavit, testō dolo falsus.

§ 9. Ejusmodi certe dexteritate varia sæpenumero nimis imponitur hominibus. Sic Eunus Syrus fanatico furore simulato servos, quasi Numinum imperio, ad bellum concitavit, idque ut divinitus fieri probaret, in ore abdita nuce, quam sulphure & igne stipaverat, leviter inspirans, flammam inter verba fundebat, quo miraculo sexaginta amplius millium hominum coëgit exercitum, oppida vastavit, & Romanorum prætorum castra vicit.

*Ejusdem simulatæ obfessionis juvantibus sacrificiis historia.*

#### C A P U T. XXVII.

EODEM anno, nimirum sexagesimo-secundo, in Martio, Dusseldorpiam venit puella quædam Werlensis, circiter annos viginti nata, bene

*Magistratus Norimbergensis prudentia summa.*

*Puella Werlensis epileptica, putatur demoniaca.*

benchabita, sed vultu torva. Hæc, ut mendicandi solennior esset occasio, literis munita testantibus, eam à dæmonio obsessam, ad D. Hubertum Ardennarem professionē instituerat, ut ibi à Satanæ jugo solveretur. Cum patruo & conductio homine comitē etiam habebat monachum, annum prope trigessimum agentem. In collo, tanquam amuletū contra diaboli scilicet impetum, dependebat stola ecclesiastica. Ab eximia pietatis & doctrinæ viris ornatissimis, ecclesiaste suo, & medicis collegis meis conjunctissimis (qui bona fide rem omnem mihi exposuerunt, tum eam aberam) quicquid id esset negotii, solertissime inquiri voluit Princeps noster illustrissimus, quibusvis imposturis non ram faciles, ob non vulgares ingenii dotes, offerens aures. Quantum itaque ex ægrotæ & aliorum relatu conjicere illi poterant, epileptica putabatur. At monachum comitari, quod ob ecclesiastici viri præsentiam, minus à dæmonio impeteretur, dicebat: tandemque eo adacta est, ut illum in eodem secum decumbere noctu lecto fateretur, non autem à suis exuviis prorsus nudatum, sed qui indusio adhuc tectus esset. Quum vero hora quadam matutina è somno excita, patrum atque alterum custodem vestros in lecto secum conquevisse observaret (fortassis vespere præcedenti, poru adeo conspira, ut minorem horum concubitorum habuerit rationem) se alias eos pedibus è lecto expulsuram minitabatur, si redirent: at nullam patiebatur repulsam monachus. Rogata etiam, quomodo aliæ monachi luxæ aut concubinæ (quas duas illum Werlæ reliquisse non negabat) ipsius peregrinationem ferrent? Egerrime, respondit. Monacho quoque jactanti, se tribus verbis horribile in ea posse spectaculum excitare, quum à collegis meis permitteretur, ut quicquid ad hanc rem valeret, ostendere non gravaretur, nihil omnino potuit.

§ 2. Maubusæ in Hannoniæ finibus hujusmodi contigit facinus, mihi narratum à viro, cui fidere quis possit, & qui modo mihi affinitate junctus est, doctus & pius, toriusque actus spectator. Nam tum forte diversabatur apud urbis illius præpositum, suum consanguineum, quē salutandi gratia convenerat. Ibi subsistens præ foribus, vidit undiquē populum confluere, & velut agmine facto ad templum concurrere. Rogabat, quid rei esset? Tum illi quidam, Obsessum à dæmone quendam ajebari ibi exorcisari. Quod ut videret, accessit. Ingressus templum, vidit sacrificum quendam peragentem sacrum, & dæmoniacum altari proximum, qui aspectu horridulo & turbato sedebat tacitu. Hunc sacrificus ille per finitimas undique regiones circumduxeras,

*Obsessum  
diablica  
commen-  
tam pui-  
tum.*

subindit

Marci 16.

subinde exorcismis tentans dæmonium ejicere. Is dum pronanciaturus Evangelium, se in illud latus, ubi erat dæmoniacus, contulisset, & ad Evangelii locum pervenisset, Dæmonia ejicient, linguis loquentur novis: tum dæmoniacus, quasi horum sermonum impatiens, sese concutere, agitare, & altum clamare incæpit. Perlecto Evangelio subticuit, donec finira missa, sacrificus illum suis aggrediretur exorcismis, qui quidem & ridiculi fuerunt, & stolidi ac inepti. Subinde inculcabat illud, Maledicte diabole, dic maledicte diabole. At dæmoniacus ad pauca respondebat. Tandem exorcista: Dic, inquit, maledicte diabole, quidnam est omnium tibi inimicissimum, maximeque contrarium? Subticuit aliquandiu, ac tergiversabatur dæmoniacus. Exorcista vero acriter urgebat atque instabat: tandem dæmoniacus veluti victus, clamar, Aqua lustralis. Tum eâ aquâ crateram argenteam implevit exorcista, ac ori dæmoniaci admotam coëgit illum exhaurire: qui torquere se, & sic grunnire plane cæpit, ut porci solent, dum cultum jugulo infigit lanio: ac paulo post, totus intumuit, gutture potissimum, ita ut supra naturam id contingere quivis dixisset. Hinc exorcista veluti præsentissimum alexiterium ad expellendum dæmonem, illius gutturi applicuit D. Gundulæ reliquias, theca argentea reconditas. Tum ille agitare sese, & intorquere, sicque clamare cæpit, ut Srenora illum dixisses vincere, vel quantum Gradvus Homerus: ut inquit ille. Deinde quasi victus, ad interrogata responderebat omnia: verum, quæ sciscitabatur exorcista, talia erant, ut vel ad aliquorum contumeliam, vel vindictam producta viderentur: certe stolidæ erant, indigna, minimeque ferenda. Altero die denuo subjectus est exorcismis dæmoniacus: sed, ut accessit hic meus affinis, ilico destitit exorcista. Audierat (ni fallor) hunc cum præfecto, & nescio quo alio prudente, è sene habuisse sermonem de hoc dæmoniaco & in hanc incidisse illos suspensionem, ut omnia ista fîcte agi & fraudulentè crederent. Unde huic obviam veniens ait, idque Latine, quo videlicet perspecta esset illius eruditio, & Latini sermonis lepor: ait inquã, Ipse est extra: hominè à dæmone liberatū inveniens. Postridie urbem reliquit. Non ita multo post detecta re, palam fuisse imposturas, patuit: quare tandem uterque meritis ob tantū flagitium dedit pœnas.

*Ejusdem argumenti elegans historia.*

C A P U T XXVIII.

*Historia  
festiva fig-  
menti sa-  
mæ dæ-  
moniacæ.*

**A**L I U D diabolicæ obsessionis & exorcismi figmentum legitur in libello Gallico ante triennium Parisiis edito, inscriptoque Nar-  
ratio-

rationes mundi fortuitæ, narratione 3 2. In pago cuidam arci proximo inter Delphinatus & Sabaudia montes, qui à rudiori plebe incolitur, sacrificus magis bigis agendis quam parochiæ administrandæ aptus, in pastorem eligitur, quod lectionis scientia tantummodo reliquos præcellere rusticos videretur. Et quum ex recepto more nihil fere in pagis illis citra pastoris cognitionem perficiatur, hic pedetentim apud omnes illius pagi forminas factus est compater. Quibus quum ea occasione uteretur familiariter, una tamen Lisetta nomine, à curatore magis habebatur in deliciis.

§ 2. Hujus maritus, qui in bello Gallico victum fodiendo aliàs quaeritasset, & jam ad easdem decrevisset redire operas, cœpit nonnihil angi ob nimiam parochi cum uxore familiaritatem, eique omnium sacrificorum consuetudine interdixit. Mœrore itaque offusus pastor bonus, aliud capat ex tempore consilium: mittitque secreto anup maleficam, cum sua commatre, quam vocant, consulturam, quibus modis ad consuetam amoris velitationem reverti tuto possent. In ejusmodi comœdiæ actu exercitata apprime vetula, Lisetta aures hoc blando demulcet affatu: Mea filia, te animi admodum esse anxiam compertio: eisdemque doloribus conficitur tuus compater, propterea quod legitimum suum amorem præpediri videat. Compator & ego quidem, quod juvencula eandem olim sim experta aleam, & duram perpeffa sortem: nihilominus rebus afflictis remedium inventu facile, si prudentiam quis provide adhibeat. Auderesne fingere te à dæmonio obsessam? Helas! mea mater, respondet juvencula, personam hanc non inscire induerem, si ea ratione profici posse spes affligeret: quandoquidem in mentem redit, vicinam nostram, me puero, simili vulnere sauciam, quotiescunque cum aliis puellis illi obviam eram, belle & artificiose cruciamentum hoc simulasse.

§ 3. A' fortilega hac deinde accuratius instructa Lisetta, ante templum audita missa intorquere oculos, contrahere manus, spuma defordare os, & lupi ejulatum edere incipit. Accurrens mox vulgus stolidum, præcipiti & novo hoc malo attonitum, eam à dæmonio agitari censuit. Miser maritus non ita procul ob zelotypiam sedulo eam observans, haud leviter turbatus, illam domum reducit, ubi consolatum vicini confluunt. Sic ille ob gravem torturam, qua oppressam inopinato arbitratur conjugem, suspicionis non immerito conceptæ oblitus, recta ad parochi ædes, velut mentis impos, properat oratum, ut suis exorcismis cum maliciosum ex uxore spiritum exturbare dignaretur.

X x

§ 4. Domi-

§ 4. Dominus Mauricius, quanta poterat dexterritate sese continens, mire exclamat, lugetque insperatum hujus ægræ infortunium, inquiens: Ha ha ha, mi compater, morositas in uxorem nimia, & suspicio ob causam non satis justam, probum maritum certe decet minime: siquidem eo nomine, in sensus communis errorem, quandoque etiam dilabuntur matronæ inculpatissimæ. Inde atrepta stola atque organis conjurationi idoneis, ægrotam libere adit, atque post suffragia infinita occulto murmure deblaterata, interrogat spiritum, quisnam esset? Lisetta probe instituta à vetula, voce rauca submissaque respondet: Ego patris hujus juvenulæ spiritus sum, ut hanc poenitentiam decem annis, ex uno corpore in aliud transgressus, agerem, condemnatus. Maritus præsens ubi intellexit soceri esse spiritum, non sine lachrymis in has euestigio erumpit preces: Mi pater, per Deum te oro, ut excas, nec amplius torqueas misellam filiam. Responder spiritus: Hinc equidem egrediar, sed in te commutato hospirio rursus commigrabo, ubi designatum poenitentiae tempus absolvam. Sabaudus hic horribili ea sententia territus, usque adeo exhortuit, ut incunctanter stola parochi atrepta cinxerit collum, exclamans: Mi compater, mi amice, aliquemne modum nosti, quo gravis illa sententia mutari queat, per preces, jejunia, elemosynas, vel alia pietatis officia?

§ 5. Tum Lisetta, videns ex voto succedere institutum & fucum, voce ait fictitia: Amice pauperiores, quam ut, qualia conveniunt evitandæ huic poenitentiae bona conferre valeas: sed horum loco quadraginta invisere templa, & in quolibet orationes fundere attentas oportet, quibus apud Deum offensarum remissionem impetres: alioqui ordinationem cœlestem evasurus neutiquam. Hæc poenitentia, matro ea ratione imperabatur à Lisetta, ut propter templorum distantiam in ea peregrinatione, temporis satis furori spiritus extinguendo donaretur. Ut autem voti compos minus impedire redderetur, spiritus voce fictitia sermonem prosequitur, cum homine exoptulans, quod iniqua suspitione suum aggravavit compaterem, virum scilicet sanctum, cujus preces quoque Deo apprimere forent gratæ: eo nomine uxoris eam huic compatri esse commendandam, interea dum religionis ergo peregre illum agere oporteret, studiose hortatus est. Mihi hic Joannes, à purgatorii pœnis se facile absolutum ratus, in genua ante parochum provolvitur, ut ignoscat, obsecrans. Remissione haud gravatim exorata, ne deterius quid illi contingeret, religiosam illico exequitur peregrinationem. Interim commissa sibi Lisettæ, qua potuit vigi-

vigilantia, fidelem nocte dieque præstitit operam D. Mauticius, ut profligato hoc spiritu, alter ejus loco successerit, cujus paulatim in vivi infantis imaginem adolescentis, patrem se esse post absolutum penitentiae tempus, credebat maritus vere cuculus.

§ 6. Ridicula hæc capita finiam expetimento hic non inidoneo, infuso tamen, epileptici, luvatici & dæmoniacy, ex Joanne Anglico desumpto: Dicatur in aure hominis affecti: Recede dæmon, vel exi, quia Effimolei tibi præcipiunt. Si sit dæmoniacus, redditur mox similis mortuo ad horam fere: eamque ubi surrexerit, de quacunque re interrogaveris, tibi respondebit. Sin vero, hoc audito nomine, non ceciderit, ipsum epilepticum esse scito. In multis etenim non dissimiles sunt epilepticus, & lunaticus, & dæmoniacus.

*De iis, qui veneficium patiuntur.*

C A P U T. XXIX.

**C**ŒTERUM, si qui veneno oblato, vel illito, vel ejus vapore attracto, à veneficis infecti sunt, judicium esto penes medicos. Qui hic inter venena ( quorum vis cæca & delitescens vario symptomatum cruciatu fatigat ) & inter morbos ex illis natos ( quæ non tantum manifestis qualitatibus, sed totius etiam substantiæ dissidio, vitæ nostræ primordia demoliri constat ) atque inter morbos alios vulgares, raros, occultos, naturales tamen, secundum peculiare quorumcunque notās, discernent. Siquidem venenati, pro pharmaci hausti vel applicati, qualitatibus apertis, vel occulta totius substantiæ proprietate, multifariam afficiuntur: ut stomachi, alvi, intestinorum, jecoris, renum & vesicæ cruciatibus graviter exerceantur, ut singultiant, erodantur, contremiscant, refrigerentur, obmutescant, convellantur, pulsus difficilis fiat, veternus premat, vertigo obversetur, caligent sensus, sanguis erumpat: ut item strangulentur, siri aut febre conflitentur, ægre lotium reddant, torminibus vexentur, nausea prematur, crebro vomant, frequens animi deliquium ex nimia cordis angustia sentiant, dysenteria flaccescant, rubescant, tabe putreant, livore suggillantur, palleant, desipiant; stertant, viribus deficient. Imo ex tarantulæ morfu alii perpetuo rident, alii plorant, alii clamitant; alii dormiunt, alii vigiliis afficiuntur, plerosq; vomitationes torquent, nonnulli saltant, sunt qui sudant, alii tremebundi fiunt, quidam pavore infestantur: alii aliâ patiuntur incommoda, & phreneticis, lymphaticis ac maniacis assimilantur: & mirum, quod auditis continuo musicis instrumentis tripudiantes, donec veneni vis insensibili-

*Veneficis infecti.*

*Discor. li. 6. in Treamio.*

*Tarantula morfu symptomata & curatio.*

ter per cutis meatus & per sudorem discentiatur, liberentur.

*Li. 6. de  
Materia  
med.  
Venena in-  
tra assum-  
pta.  
Contactu  
ludentia*

§ 2. Venena autem, eorumque tam genetalia quam privata indicia, præter reliquos, non minus diligenter & exacte, quam etiam doctæ, descripsit Dioscorides: nec segtem in eo opere explicando exornandoque præstitit operam, solertissimus simplicium investigator Matthiolus. Inter ea vero, quæ intro assumuntur, multo præsentius ac atrocius, quam quæ foris adhibentur, offendunt. Nam quæcumque contactu lædunt, hebetiora, minusque efficacia sunt: neque in solo spiritu vel in aëre, verum in humore quodam promovente, vires fortiantur.

*Halitus  
ferientia.*

*2. de Nat.  
hum.*

*De Loc.  
affl. 6.*

§ 3. Porto quod halitu ferit venenum, omnium præsentissimum & efficacissimum est, nec humoris nec crassioris materię tanquam vehiculi indigum, ut in nos agat commigretque. Enimvero tenuissimum quum sit, spiritu attractum, ocissime per pulmones in cor, viscus vitæ primarium, & in artérias propagatur, in universum denique corpus protepens: primumque spiritus, deinde humores, postremo ipsam partium substantiam viciat. Morbi, teste Hippocrate, qui à corpore membrorum validissimo proficiscuntur, gravissimi sunt: atque si, ubi cœperunt, permanferint, necesse est validissimo membrorum laborante, totum corpus affici. Interim meminisse oportet, ex putredine longius grassata, vel alia abditore ex causa, virus etiam in nobis provenire gigni que posse. Hanc quæstionem veteres disputasse, docet Galenus: rationibusque apertissimis collegisse, eosdem affectus fieri & à lethalis veneni haustu, & à corruptione, quæ à corpore scaturire potest.

§ 4. Huc pertinent eorum notæ, quos *quædam* læsit: ubi scilicet philtrea ad amorē ciendū porriguntur, esu haurienda, vel potu. Sic in vita Marci Antonii Plutarchus de eodē refert, quod magicis carminibus & amatotiis poculis devincta mens, amissa libertate proptia, in Cleopatræ vultu hærebat infixa, longe redeundi quam vincendi cupidior.

*Pecudes Quandoque venenis tolli, sed in plurimum peste.*

C A P. XXX.

*Peccatum  
connatu.  
Tollit ani-  
mandum.*

VENENO adhuc propinato, vel ita collocato, ut halitu lædat, iumenta perniciose affligi quandoque, inficiatur neqno: sed ea numero, sæpius ad interfectionem, gravissima prosterne peste his pecuniati, homines non infestante, item præcipitibus aliis morbis in suo quæque genere, partim hominibus quoque familiaribus, partim plerisque pecoribus propriis, subito tolli, ab optimis agriculturæ & veterinariæ artis vel mulomedicinæ scriptoribus tam veteribus quam recentioribus



tioribus memoriæ præditum est : qui tamen morbi à vulgaris ingenii hominibus, ne alios nominem, maleficia frequenter creduntur.

§ 2.. Sæpenumero id contuemur, & superioribus annis contigisse meminimus, ut solos jugularit boves pestilentia quædam. Irrepti etiam, quæ sues, & quæ oves, alia quæ gallinas interinuat. Pecudes feræque tollentem pulchre describit Virgilius:

*Hic quondam morbo cæli miserranda coorta est  
Tempestas, totoque autumni incanduit æstu,  
Et genus omne neci pecudum dedit, omne ferarum,  
Corruptque lacus, infecit pabula tabo.*

3. Georg.

Discrimen verò paulo antè expresserat :

*Quàm multæ pecorum pestes, nec singula morbi  
Corpora corripunt.*

§ 3. Anno millesimo quingentesimo quinquagesimo secundo, medicinam faciente in Lucensium balneis collega meo, narrabat Franciscus de Pergula, ejus loci Lucensium nomine vicarius, ibi circa pagum Menabiam, supra balnea, in fine Maji, morbum quendam invasisse pecora tam pestilentem, ut statim correpta, tamescencia conciderent mortua: rusticos vero, cum id animadvertissent, quædam subito affecta, è vestigio madasse: in quibus id erat observatum, ut, si horum infectorum sanguis nudum contingeret hominis corpus, anthracem procrearet, qui (quod mirum videbatur) non patefacti, erant innoxii: aperti autem, & confestim cauterio non notari, latissime serpebant, & aliquibus mortis erant causa. Caro pecorum recens læsorum & madatorum cocta comestaque, nihil inferebat incommodi: at jus carnis, lethale potanti deprehensum est.

§ 4. Therionarca in Cappadocia & Mysia nascente, omnes feras torpescere, quibus fuerit admota, nec nisi hyemæ urinæ aspersu recreari, tradidit veteres.

§ 5. Pestem etiam pecorum, quemadmodum & frugum sterilitatem, interdum à divina voluntate ob populi flagitia provenire, observatum necesse est. Sic ob Pharaonis duritiem pestis grassatur in pecus, ulcera in homines & jumenta, grando item in universa Ægypto. Et Joelis 1: Dissipata sunt horrea, disjectæ apothecæ, confusum est triticum, ingemuit animal, mugierunt greges armenti, quia non sunt pascua eis, sed & greges pecorum disperierunt. Et Aggæi 1: Ponite corda vestra super vias vestras, dicit Dominus. Seminastis multum, & collegistis parum: comedistis, & non estis saturati: bibistis, & non estis.

*Pestis pecorum & frugum sterilitas accidit sæpe ab nostra peccata. Exod. 7.*

estis inebriati. Et infra: Respexistis ad amplius, & ecce factum est minus: & intulistis in domum, & ego exufflavi illud. Propter hoc, inquit, super vos prohibiti sunt cœli, ne darent rorem: & terræ prohibitum est, ne daret germen suum: & vocavi siccitatem super terram, &

*Deut. 12.* super montes, triticum, vinum, oleum, & quæcunque progignit humus, & super homines, jumenta, & omnem manuum vestrarum laborem. Et cap. 2: Percussisti vos vento urente, & autigine, atque omnia manuum vestrarum opera, & non fuit, qui ad me converteretur. Item *Levit. 26*: Si non feceritis mandata mea, dabo cœlum vobis desuper ferreum, & terram æneam, & consumetur in cassum labor vester, immittamque in vos bestiam agri, quæ orbos vos faciet, atque exterminabit pecora vestra, & imminuet vos. Si autem in præceptis meis ambulaveritis, dabo vobis pluvias temporibus suis, & terra gignet germen suum, Poro respicientibus vicissim hæc ubertatis fit promissio, *Joëlis 2*: Zelatus est Dominus terram suam, & pepercit populo suo, & dicit: Ecce ego mittam vobis frumentum, vinum & oleum, & replebimini in eis: & non dabo vos ultra opprobrium in gentibus.

§ 6. Eam vero rerum suarum jacuram impatienter quidam tolerant, non cum lobo eam Deo acceptum ferunt: verum ad divinos & ariolos, sacrificos, diabolicarum actionum patronos, quasi à Lamia, Satanae adminiculo, ad eam devenierint stragem jumenta, confluunt. Qui inde ementitis voris, & quacunque possunt fallaci persuasione, hos damno & incredulitate bis miseros homines, in malitiosæ opinionis semel conceptæ præjudicio obfirmant: adhibita etiam non solum superstitione, sed & impia curatione, quam Libro sequenti explicabo. Ubi quoque ostendetur, quod stercore lupi in præsepibus posito, jumentorum maleficio aliquando fingitur. At quo modo in animalium ventriculis ex pilis, justæ quantitatis pilæ increverint, paulo ante dictum est.

*Cap. 16.*

*Matth. 8.  
Mark. 5.  
Lucæ 9.  
In vita Hieronymi  
scripta.*

§ 7. Gadarenorum potci, Satanae maleficio adacti, in mare præcipites lati perierunt: ut Scriptura docet. Docuisse quoque senem Hilarionem, tradit Hieronymus, diabolum hominum causa etiam jumenta corripere: & tanto eorum ardere odio, ut non solum ipsos, sed & ea quæ ipsorum essent, cuperet interire: atque hujus rei proposuisse exemplum, quod antequam beatum lobum tentare permetteretur, omnem ejus substantiam interfecit.

• CURA-

# CURATIO EORUM, QUI LAMIA RUM MALEFICIO AFFICI,

VEL DÆMONIS OBSESSIONE SUBIGI CREDUNTUR.

## LIBER QUINTUS.

*Vbi eadem opera, ob argumenti communionem, curationes à maleficio diabolico non alienæ Interferuntur: & ligaturarum, chara-  
cterum, anhelorum, periaptorum & effigierum tam in  
sanando, quam in laedendo, siue claustris aperiendis,  
siue furibus investigandis & similibus,  
vanitas ostenditur.*

*De curatione præservante ab hoc mali genere.*

### C A P U T. I.



**V**RATIONIS ratio hic partim erit *expulsiua*, exoptatissima medicationis pars, ut à fascino & incantationū ludibriis quis præseruetur: partim etiam *inhibitiua*, ut illi, quos jam maleficio collisos credimus, rite legitimoque restituantur ordine. Atque erit illa aliquomodo communis, ex Sacrarum literarum fontibus deprompta: non autem magica vel superstitiosa, tantopere à multis desiderata excoltaque.

§ 2. Quum vero, quicquid hætenus rerum monstrarum in hanc *Curatio ad-  
versus dia-  
boli cona-  
tum præser-  
vanti.* relatum est historiam, diaboli sint artes, opera, ludificationes, larvæ & spectra: contra hunc nos circumquaque validis aggeribus, præfidiisq; infallibilibus cōmuniri est operæpretium. Atqui spiritus quum sit, spiritali accingamur armatura: quam ex divina Pauli exhortatione cognoscere, atq; universis complecti nervis decet, qui ita hortatur: *Quod Ephef. 6.* superest, fratres mei, sitis fortes per Dominum, perq; potentiam roboris illius. Induite totam Dei armaturam, ut adversus diaboli assultus consistere possitis. Quoniam non est nobis lucta adversus sanguinē & carnē, sed adversus principatus, adversus potestates, adversus mundi dominos, rectores tenebrarum seculi hujus, adversus spirituales astutias in cœlestibus. Quapropter assumite universam Dei armaturam, ut possitis resistere in die malo, & omnibus peractis stare. State igitur, lumbis circumcinctis baltheo per veritatem, & induti thorace justitiæ, & calceati pedibus, ut parati sitis ad Evangelium pacis: super omnia assumpto scuto fidei, quo possitis omnia jacula mali illius ignita extinguere: galeamq; salutis.

*Gladium  
spiritus.*

*1. Pet. 5.*

*Ephes. 2.*

salutis accipite, & gladium spiritus, qui est verbum Dei, in omni deprecatione & obsecratione, orantes in omni tempore, in spiritu, & ad hoc ipsum vigilantes cum omni sedulitate. Petrus item fideliter admonet: Sobrii estote, vigilate, quoniam adversarius vester diabolus tanquam leo rugiens obambulat, quærens quem devoret. Cui resistite solidi in fide, scientes easdem afflictiones vestras, quæ in mundo est, fraternitati consummari. Hic enim agit in incredulis.

§ 3. Hic & saluberrima Tertulliani exhortatio, suum habebit locum, qui nos velut Jobum, fortissimum Dei athletam, adversus tentationum insultus pugnare voluit: item serio vestiri probitatis, purpura pudicitie, chlamyde patientie. In animum quoque inducendum suadet cuncta, quæ dæmon ad nostræ integritatis eversionem machinatur, in gloriam constantis casura: & ejus machinamenta in hunc finem à Deo permessa esse, ut, qua constantia perferre adversa velimus, experiarur: quemadmodum apud Hieremiam prophetam quoque legimus: Dominus exercituum justus probator est.

§ 4. D. Maximus in lib. de Charitate, dæmones nos infringere interficereque jubet: atque illud haud dubie perfici, quando cum præceptorum Dei observatione affectus in nobis effervescentes vincimus: hoc vero, quum prorsus affectibus carentes, illis universam calumniandi occasionem præscindimus, cum propheta dicentes: Vade homicida, Dominus tecum est, bellator fortis: tu cades, & deleberis apud me in æternum.

§ 5. Olympiodorus cap. 10. in Ecclesiastica historia interpretatione, omnes sensuum aditus ocludendos censet sic, ut neque per oculorum illecebras, neque per aurium pruriginem, neque per nocentis lingue petulantiam dæmon admittatur: hoc enim signaculum contra dæmones absolutissimum habeatur. Quidam duobus in pugnam progrediendum armis monent: precatione quidem pura, quæ in cælum subvehat affectus: & scientia vera, quæ salutaribus opinionibus communiat intellectum, & suggerat quid sit orandum, ut ardentem oremus non hæsitantes.

§ 6. D. Anronius ira suos confrates adversus dæmonum insultus muniri: Magna, inquit, dilectissimi adversum dæmones arma sunt, vira sincera, & intemperata ad Deum fides. Credere mihi experto, pertimescere Satanas recte viventium vigilias, orationes, jejuniâ, mansuetudinem, voluntariam paupertatem, vanæ gloriæ contemptum, humilitatem, misericordiam, iræ dominatum, & præcipue purum erga Christum

Christum amorem. Novit teterrimus Coluber ex præcepto Domini sub justorum se jacere vestigiis, qui ait: Ecce dedi vobis potestatem calcare super serpentes & scorpiones, & super omnem virtutem inimici. Hic porro præclara longaque oratione contra quascunque dæmonum præstigias vexationesque suos instruit.

§ 7. Recte Hermes Trismegistus tradit, unam & solam custodiam hominum à dæmonum astu, esse pietatem. Pium enim hominem nec dæmon malus, nec fatum tenet. Et quemadmodum vera fides mirabilia adversus diabolum ejusque potentiam in credentibus operatur: sic & falsa credulitas, Deo permittente, eventus cōoperante diabolo inauspicatos interdum gignit, vel potius demeretur. Cum Davide *Psal. 117.* ergo confidenter dicamus: Dominus mihi adjutor, non timebo quid faciat mihi homo.

§ 8. Omnium itaque primum, tanquam rei caput, desideratur, ut in vera doctrina & genuino Dei cultu instituti, nos toros resignemus, tradamusque ipsius voluntati, fide viva & spe indubitata, nos illi curæ esse, sub ipsius patrocinio & tutelâ securos degere, ipsius primum gratia progenitos esse, singularique nos consecretante misericordia servari, vere confisos, Christum in hoc nobis natum, & filium nobis datum, qui peccata nostra super humeros suos in ligno pertulit: & per potentiam Patris, à morte suscitatus, mortem vicit & Satanæ imperium demolitus est, ut hic jam inde irritato conatu suas nobis machinetur insidias, si sepulti una cum Christo per baptismum in mortem, & peccatis mortui, in novitate vitæ ambulemus, justiciæque vivamus. Si etenim Christo insiti, in illum atque Patrem ejus credimus, illius mandata observamus, vestigiis insistimus, abnegato dæmone, omnibusque ejus consiliis, universa denique impietate, opera spiritus sectantes, fructusque fidei edentes, in charitatem non ficta erga Deum & proximum, id mansuetudine, benignitate, lenitate, temperantia, continentia, castitate, sensuum cohibitione, constanti cujuscunque adversitatis, jacturæ & injuriæ tolerantia, vitæ demum innocentia, puris manibus extensis orationi assidue intenti, peccati inquinamentum ut veneni perniciosissimi perditissimique halitus, interfectionis periculo repente nos objicientem, declinantes: maleficorum profecto minas haud difficulter cavebimus, vel negligemus, vel tolerabimus.

§ 9. Si vero quis peccaverit, inquit Joannes, advocatum habemus apud Patrem, JESUM CHRISTUM justum. Et ipse est propitiatio pro peccatis nostris, non pro nostris autem tantum, sed etiam

Y y

pro

*Lactant. de  
Orig. err.  
l. 2. ca. 16.*

*Ejasa. 9.  
Joan. 3.  
1. Pet. 2.*

*Rom. 6.  
1. Pet. 2.*

*Galat. 5.*

*1. Joan. 2.*

pro totius mundi. Ex per hoc scimus, quoniam cognovimus eum, si iussa illius observamus. Qui dicit, Novi eum: & præcepta ejus non servat, mendax est, & veritas in eo non est. Qui vero servat sermonem ejus, vere in hoc charitas Dei perfecta est. Per hoc scimus, quod in ipso simus. Qui dicit se in eo manere, debet sicut ille ambulavit, & ipse ambulare. Qui committit peccatum, ex diabolo est: quoniam ab initio diabolus peccat. Ad hoc apparuit filius Dei, ut dissolvat opera diaboli. In hoc manifestati sunt filii Dei, & filii diaboli. Omnis, qui non facit justiciam, non est ex Deo: & qui non diligit fratrem suum. Hinc Paulus, in Christo JESU neque circumcisionem, neque præputium valere asserit: sed fidem, quæ per dilectionem operatur. Cujus fidei loco novam creaturam, sequenti capite ad Galatas, locat: & observationem mandatorum Dei, ad Corinthios, supponit.

Galat. 5. 6.

2. Corin. 7.

§ 10. Unde satis liquet, de qua hic fide loquar: quam amplecti, cuique firmiter insistere oporteat. Non simplicem formulæ fidei præscriptæ enarrationem propono, quam & facile pronunciaret diabolus: non etiam ore jactatam ab iis, quorum cor à Christo procul est, quæ confopita, mortua, sterilisque delitescit, nusquam se prodens, velut infœcunda arbor excindenda, ignique mandanda: sed hanc urgeo, quæ totum innovat hominem, virtute viva se in Christi membris exerens, fructificans, efficax potentia Dei ad salutem habenti, sacra salvationis nostræ anchora, prora & puppis, petra contra quamcunque Satana tempestatem imperumque immobilis. In qua quicquid superstruitur, inviolatum perdurat. Imo adversus quam ne quidem inferi portæ prævalent.

Matth. 9.

Vera fides.

Matth. 16.

De Civ.

Dei

XVI. 18.

Hier. 31.

§ 11. Augustini hic audiat consilium: De ista tota dæmonum ludificatione, ait, nos quid dicamus, qui hæc legent, fortassis expectant: quid Christiani agere debeant, quando inter idola gentium miracula fieri asseruntur. Et quid dicemus, nisi de medio Babylonis esse fugiendum? Quod præceptum Propheticum ita spiritualiter intelligitur, ut de hujus sæculi civitate, quæ profecto & angelorum & hominum societas impiorum est, fidei passibus, quæ per dilectionem operatur, in Deum vivum proficiendo fugiamus. Quanto quippe in hæc ima potestatem dæmonum majorem videmus, tanto tenacius mediatori est inhærendum, per quem de imis ad summa conscendimus. Item de utilitate credendi cap. 22. Vera pietate homines Dei, æream potestatem inimicam contrariamque pietati, exorcizando ejiciunt, non placando: omnes tentationes adversitatisque ejus vincunt orando,

non

non ipsam, sed suum Deum adversus ipsam. Non enim aliquem vincit aut subjugat, nisi societate peccati. In ejus ergo nomine vincitur, qui hominem assumpsit, egitque sine peccato, ut in ipso sacerdote ac sacrificio fieret remissio peccatorum, id est, per mediatorē Dei & hominum, hominem Christum Jesum, per quem facta peccatorum purgatione reconciliamur Deo.

§ 12. Cyprianus ad Fortunatum, de exhortatione martyrii: Adversarius, inquit, vetus est, & hostis antiquus, cum quo prælium gerimus. Sex millia annorum plene complentur, ex quo hominem diabolus impugnat: omnia jam genera tentandi, & artes atque insidias deji-  
cendi, usu ipso vetustatis edidicit. Si imparatum Christi militem invenerit, si rudem, si non sollicitū ac toto corde vigilantē, circumvenit nescium, fallit incautum, decipit imperitū. Si quis vero Dominica præcepta custodiens, & fortiter Christo adhærens, contra eum steterit, vincatur necesse est: quia Christus, quem confiteretur, invictus est.

§ 13. Docet & Ansbertus pie admodum, quomodo sit adversus *Lib. 5. cap. 11. Apocalyp.* diabolus pugnandum: Si quærimus, quæ sunt arma Ecclesiæ, quod prælium contra bestiam, invenimus fidem & innocentiam. Gladio enim *Serm. 13. in Psalms. Qui habet. 1st. & Serm. men. de S. Andrea.* acuto, id est, duobus testamentis, & duobus charitatis præceptis, contra lupos agni utuntur: dumque falsa audiunt, vera prædicant: dum tormenta excipiunt, fidem proferunt. Hinc proinde victores existunt, etiam cum moriuntur. Item Bernhardus: Vis non terri in tam  
terrifico monstro, vis securus post mortem ambulare super aspidem istam? Cave, ne interim post eam ambules, cave ne imiteris, & non erit, quod paveas in futuro.

§ 14. Huic fundamento firmiter insistentes, tantum abest, ut ulla unquam ratione, Satanæ artibus sive astutiis à vera in Deum viventem fiducia dimoveri possint, ut etiam variis ac multiplicibus illius conatibus & insultibus impetiri, exercitati, ac velut aurum in fornace examinati, indies seipsis sanctiores justioresque evadant. Quare dæmonibus imbecillitatem in eos, quos divina non destituisset gratia, experire solet D. Antonius, in assiduus suis adversus illos luctis: & eos expavescere vere credentes, asserit Petrus apud Clementem. Item  
*Dæmones expavescunt verò credentes. Lib. 4. Reg.* justissimo Dei judicio, in hujusmodi cogitationum vanitate languentibus, labores & afflictiones pro remedio conferri, idem Clemens tradit, postea subjiciens: Dæmonem, nisi quis voluntatibus ejus se sponte subdiderit, potestatem adversus hominem non habere, ut vincat scilicet. Vitæ igitur emendatione, & attenta assiduaque oratione ad

Y y 2

Christum

- 2. 1. 15.* Christum confugiendum est, exemplo Chananeæ mulieris. Hæc, Chrysostomo auctore, non ivit ad divinos, non quælivir ligaturas, non defectionis reas mulieres: sed omnia reliquit tentamenta diabolica, & venit ad Jesum. Si enim volumus Deum sententiam mutare suam, nostram in meliorem mutemus vitam. Rite hic hortatur Jesus Sirach:
- cap. 17.* Convertere ad Dominum, & relinque peccata tua: precare ante faciem Domini, & minue offendicula. Revertere ad Dominum, & avertere ab injusticia tua, & nimis odito execrationem, & cognosce justicias & judicia Dei, & sta in forte propositionis & orationis altissimi Dei. Non demoretis in errore impiorum. Nec minus pie quam praderent, in tribulatione inimicorum consulit Josaphat rex Juda:
- 2. Paral.* Cum ignoramus, quid agere debeamus, hoc solum habemus residui, ut oculos nostros dirigamus ad te Deus.

§ 15. Hic suum habeat locum Psalmus Davidis 90. *Qui habitat in adjutorio Altissimi, in protectione Dei cæli commorabitur. Dicit Domino, Susceptor meus es tu, & refugium meum, Deus meus, sperabo in eum. Quoniam ipse me liberabit de laqueo venantium, & à verbo aspero. Scapulis suis obumbrabit tibi, & sub pennis ejus sperabis. Securo circumdabit te veritas ejus, non timebis à timore nocturno, à sagitta volante in die, à negotio perambulante in tenebris. ab incurso & dæmonio meridiano, &c.*

*Hemil. 11.  
in cap. 2.  
Genes.*

§ 16. Saluberrimum insuper adversus dæmonum machinamenta consilium, in conscripta hac præservationis lege, subjungam ex Chrysostomo his verbis: Hæc nostra salus est, hæc spirituales divitiæ, hæc securitas, si sic nos ipsos quotidie munimus, & per lectionem & per auditum & per spirituale verbum. Pöterimus enim sic etiam ipsi invidi fieri, & maligni dæmonis technas eludere, cælestiaque regna assequi, gratia & misericordia Domini nostri JESU Christi. Item: Sicut sine calceamentis vel vestimentis vestram nemo in forum descendere vellet, ita sine Dei verbo nunquam in forum prodeas. Sed quum es janua vestibula transgressurus, hoc prius loquere verbum: Abrenuncio tibi Satana, & conjungor tibi Christo. Ne unquam absque hac voce exeat hæc erit tibi baculus, hæc armatura, hæc turris inexpugnabilis. Cum hoc verbo & crucem in fronte imprime: sic enim non tantum homo obviis, verum nec ipse diabolus te quicquam lædere poterit, cum his te cernens armis ubique apparentem. Et hæc te ipsum jam hinc doce, ut cum signum ceperis, sis miles paratus, & contra diabolum trophæum exigens, justiciæ coronam capias, quam nos assequi contingat gratia & beni-

*Hemil. 21.  
de Ornata  
mulierum.*



& benignitate Domini nostri JESU CHRISTI, per quem & cum quo Patri gloria, simul & Spiritui sancto potestas & honor, nunc & semper, & in secula seculorum. Amen.

*Quomodo ab ecclesiarum pastoribus in maleficio curando  
seducatur populus.*

C A P. II.

**A**d bujus fundamenti jacti perpendiculum, si recto filo superstruere-  
rent ecclesiarum pastores, obstructis quibuscunque adulterinæ  
doctrinæ impietatisque fenestris; saluberrima præcautione subditis  
prospectum consultumque foret contra dæmonis artes, præstigias &  
ludibria: quibus non usqueadeo temere illaquearentur incauti, quæ-  
admodum quotidie cum animarum jactura usuvenire cernimus, non  
modo pastorum (quorum intererat, munusque postulabat præcavere) *Quidam  
pastores ec-  
clesiarum  
magi.*  
negligentia: sed eorum instinctu, consilio, perversa doctrina, fallacique  
operatione; qua imperitum vulgus in rebus afflictis, morbis subitis,  
longis, cognitis, incognitis, ex causa naturali vel præter naturam, mox  
ad inquisitionem illicitæ opis illectant. Imo eam sæpenumero ii-  
dem promissæ certa salute ostentare, venalemque prostituere non eru-  
bescant: homines plane inepti, rudes & indocti, factæ medicinæ  
(quam ne à limine quidem salutarunt) cognitionem nefande menti-  
entes (de iis saltem hic loquor, non de viris bonis, pietatisque nomi-  
ne spectatis) ut vel hac suspensa hiedera, veluti specioso pallio, actiones  
suas regant fraudulentas: potissimum quam professione sint viri  
scilicet ecclesiastici, sacerdotes vel monachi, de quibus, ut gregis  
exemplaribus doctoribusque, in sinistram tantummodo impigisse  
suspicionem nefas ducitur:

§ 2. Sed fortassis hanc artis quasi per manus traditæ prærogati-  
vam, jure sibi vendicant hæreditario himagi: quod Ægyptiorum sa-  
cerdotes (à quibus Pythagoras, Empedocles, Democritus & Plato  
magiam didicerunt) quo quisque remedio sanitati restitutus esset,  
id simul conscriptum, Memphis in Hephestio, Vulcani & Isis sacra-  
rio, deponebant: quemadmodum & Græcorum sacerdotes magiæ  
antifites, suas observationes in adytis templorum Apollinis & Æs-  
culapii in Pergamo etiam repositas custodiebant, quas velut Æsculā-  
pii oraculo edocti sacerdotes, ægrotis communicabant, à quibus sum-  
ma cum fiducia ex acceptari solent.

*Galen.  
lib. 5. de  
Comp. med.  
sec. gen. &  
li. 6. Epi-  
dem. Her-  
rod. lib. 2.*

§ 3. Sancta extat in horum impudentiam, eximii Hippocratis,  
quanquam religione ethnici, sententia: qua non argute tantum, sed

Y y 3.

& pie.

*De Morbo* & pie hos redarguit, & impietatis infimulat: Qui, iniquiens, lustrationibus & magicis incantamentis morborum affectiones depellere se jactant, hi victus indigi, verba eorum ad dæmonium referunt, ut quiddam se amplius scire vulgo ostentent, & homines decipiant. Expiant enim morbo correptos, sanguine & sceleribus inquinatos, injustos & intoxicatos, ac expiamenta alia sub terram defodiunt, alia in mare projiciunt: alia ad montes desertos, ne quis ea contrectet, asportant. At Deus, ait, qui maxima & sceleratissima peccata purgat, nostra est liberatio.

*Pontifices  
Romani  
plurique  
infamiter  
magi.*

§ 4. Nec eo impudentiæ illos arbitror dilapsuros in liberioris incantationum usus defensionem, ut mihi obtrudere audeant, plerosque Romanos pontifices magiam infamem edoctos, eam quæstiuose voluptuarieque exercuisse: cujusmodi erat Sylvester secundus, qui (teste Platina & Nauclero) eo artificio pontificatum adeptus est: quem admodum & anno 1032, Benedictus nonus, ante Theophylactus dictus, postea ob maleficia Maledictus nuncupatus: item Joannes vicessimus & Joannes vicessimus-primus (authore Bennone cardinale) qui Laurentio, Joanne Gratiano & Hildebrando, cardinalibus, incantamentorum conscii, ut & Malfitano & Gerardo Brazuto familiariter usi traduntur. Nam à Sylvestro secundo ad Gregorium septimum, magum eximium (qui, ut Benno refert, quando volebat, manicas discutebat suas, unde ignis in scintillarum modum dissiliit, iis miraculis velut sanctitatis signo simplicium oculos ludificans) omnes pontifices fuisse incantatores, scribitur in eorum Vitis. Ubi ejus farinae exempla execrabilia, quibus mulieres in amorem pellicerent, dæmonum sacrificiis in sylvis & montibus dediti, leguntur. Quæ silentio sepelire malui, ne hominum, in eo dignitatis fastigio collocatorum flagitia veneficiaque commemorasse, in reprehensionem rapiatur. Licet etiam pauci tales fortassis extitere, quemadmodum & inter episcopos Albertus Bremensis, Guilelmus Roschildensis, Vulfstavi Vigornienfis: majorem tamen numerum à malis artibus fuisse liberum nulli in dubium venit.

§ 5. Non est itaque quod hoc pallio se tegant, aut aliud prætexant hi nostri recentiores malefici. Hoc tamen deplorandū, quod nusquā ullum genus hominum comperies tam iniquum impunitumque, atque horum plerosque, qui ubi in aliqua calamitate corporis vel animæ, rebus perditis, vel quacunque alia adversitate, in consilium à suspitionibus vocantur, neutiquam eos admonent, hæc à Deo vel immitti, vel permitteri,

permitteri, ut tanquam in igne probentur: & propterea ad Deum unicum afflictorum patronum confugiendum, ac divina & à Deo in nostrum usum justo ordine instituta auxilia rite inquirenda: verum impietatis incredulitatisque viam sternunt, ore impudentissimo ac mendacissimo, ad maleficium vel incantationem, vicinæ alicujus matronæ quicquid id est mali referentes, fidasque quasdam notas, quibus mali genitrix dignoscatur, insinuant, næ sacrilegi perditionis authores. Odii certe plusquam Vatiniani seminarium hoc, frequenter inter proximos quosque uti pestilentissimum, ita & durantissimum, ut non modo integræ vicinæ admodum antea pacatæ, hac arte gravibus conturbentur diffidiis, cædibusque divexentur, sed & pagorum atque urbium avita societate unitarum compages disrumpantur, ac iniusta familiis calumniarum stigmata, in longam propagentur posteritatem. Ejus sæcæ novi sacrificum, qui (designatum numerum exprimere propemodum pudet) trecentas sagas in oppido minus amplo aut populofo, ubi jam dego, quod forte ingrediebatur ille, alias ipsi inognitum, commorari, mendaciter fingere non erubuit.

§ 6. Quomodo ea ratione Satanæ regnum accrescit confirmaturque: ita Christo summa sit contumelia injuriaque, ac ejus Ecclesiæ immedicabilia insiguntur vulnera ab illis, quorum studio ex professo sanari eam sauciam luxatamque magis decuit. De ejus familiæ hominibus manifesto Paulus, veluti digito commonstrans, suo vaticinatur Timotheo in hæc verba: Spiritus certo loquitur, quod in posterioribus temporibus descissent quidam à fide, attendentes spiritibus impostoribus, ac doctrinis dæmoniorum, per simulationem falsiloquorum, cauterio notatam habentium conscientiam, prohibentium contrahere matrimonium, jubentium abstinere à cibis, quos Deus creavit ad sumendum cum gratiarum actione fidelibus, &c. Rectissime igitur à Basilio scribitur: Qui incantatorem audit, illumque observat, quacunque pressus est necessitate, tamen si verbo dicat in Deum se fidere, et tamen ipsa ex futilibus vanisque rebus auxilium sibi asciiscit. Nam justo verum auxilium Deus est. Augustinus: Qui sine Salvatore salutem vult habere, & sine vera sapientia æstimat se prudentem fieri posse, non sanus, sed æger; non prudens, sed stultus, in ægitudine laborabit, & in cæcitate noxia stultus & demens permanebit. Ac proinde omnis inquisitio, & omnis curatio, quæ à magicis expetitur artibus, mors potius est dicenda, quam vita. Paulus per Dei spiritum ita loquitur: Digni sunt morte, non solum, qui mala faciunt, verum etiam qui

1. Tim. 4.

12.

qui mala facientibus consentiunt. Ejusdem igitur impietatis reus est, & eisdem pœnis obnoxius apud Deum, & qui altem exercet magicam, & qui ex ea remedium petit.

Epistola

Beelzebub.

§ 7. Ejusmodi hominum genus profecto impurum impiumque videtur notari in epistola, quæ legitur à Beelzebub prælatis & rectoribus Ecclesiarum transmissa, in autore vetere libelli de tribulationibus & signis ruinæ Ecclesiæ, ubi duos præfixit tractatus, in quorum parte secunda cap. I I. circa finem hæc invenitur epistola: Beelzebub princeps dæmoniorum & dux tenebrarum cum satellitibus suis, omnesque Tartaræ potestates, archiepiscopis, episcopis, abbatibus, præpositis, presbyteris, cæterisque Ecclesiarum rectoribus, suis charissimis amicis, nunc & in ævum Tartareas salutes, & inviolatæ societatis fœdera quæ dissolvi non possint in æternum. Magna fiducia nobis est in amicitia vestra, amici charissimi, multum de vobis gratulamur, quia sentitis optime nobiscum, & quæ nostra sunt, diligenter queritis & procuratis, ubique tuendo atque fovendo quicquid ad jus nostrum pertinere cognoscitis. Sciatis ergo, Universitati nostræ vos multum esse acceptos, multaque gratiarum actione studia vestra sequimur, eo quod infinitæ multitudines animarum per ministerium vestrum, vitæ exemplum, atque negligentiam faciendi in populis opus Dei, à via veritatis abductæ & relictæ, quotidie nobis captivæ adducuntur: unde & regni nostri potentia magnifice roboratur. Perseverate ergo tanquam fideles & intimi nostri in amicitia nostra per opus, quod cœpistis ac tenetis: quia profecto parati sumus pro his omnibus rependere vobis retributionem condignam & mercedem congruam in inferioribus inferni. Valete, & salus nostra sit vobiscum in æternum.

*Quibus rebus in dæmoniaci mali curatione decipiant Magi ecclesiastici.*

C A P. III.

Sacrilegi  
hujus seculi  
magi.

PRÆTER mendacem illam persuasionem, qua vulgo nimis credulorum cognitionem in hoc inscitæ theatro illi *aragantes*, imperiti & impii venditent, suis hinc inde emendicatis blasphemis exorcismis, se mendaciorum unicum authorem in speculo vel urnæ aqua, incantationis conscii imaginem præ se ferentem cogere, qui rei veritatem tanquam irrefutabilis testis deregat, proferunt. Nec minus blasphemiarum, multifariis crucibus sæpenumero scelerata manu consignatis ornatarum, inter miserorum hominum citationem effundere audent, menre reprobi, cum Janne Jambre olim pœnas daturi, nisi marurè rescipiscant.

§ 2. Hic

§ 2. Hic suam sortitur vim aqua, extra primam Dei consecrationem benedicta, vel sæpius inspecta, vel propinata: sal item exorcismo expiatus, ceræ Paschalis eadem vi consecratæ particula, vel ejusdem thus, candelatum in die Purificationis contra pavidum ( si diis placeat ) dæmonem lustratarum incensus : ramorum & frondium in die Palmarum sacratorum, item herbarum in feriis D. Joannis Baptiste ante ædes suspensarum, vel in solennitate assumptionis D. Virginis in templo aspergine lustralis aquæ, soletini ex more, virtute ex alto adversus Satanæ potentiâ majore, quam in prima Dei creatione indutarum suffumigia, & nescio, quæ non ejusdem religionis ostenta, quibus in admirationem imprudentes illiciant, stuporemque incutiant.

§ 3. Scribit in hanc sententiam Martinus de Arles, Theologix professor: Multi ejus sunt sententiæ, ut quando campanæ ipso die D. Joannis, vel pridie D. Agathæ pulsantur, non solum profligare Lemures, sed & Lamias, ne hinc inde vehi queant, aut etiam nocere, credant. Idem in eodem tractatu: Quod præstigioli & pythones & necromantici sunt isti, ad quos quotidie populus stultus & insipiens concurrit, ut futura cognoscat, vel perditâ restituantur: quibus fiunt, ut vulgo fertur, dæmonum apparitiones in vitris vel annulis, ubi veniunt invocati ad vocata prædicenda, vel ablata manifestanda: & ut dicitur, isti arioli semper miscere conantur sacra inter suas superstitiones: ut, qui ad eos concurrunt, simplices hi attestantur. Nam & infelices ipsi eodem die, quo similia nefanda perpetrare non verentur, sacrificium eucharistiæ celebrare infeliciter audent.

*Tract. de  
superstitionibus.  
num. 3. 19.  
& 14.*

§ 4. Quod Magister Joannes Nider in suo præceptorio ostendit, dicens: Malefici instrumenta suæ malitiæ per Ecclesiæ sacramenta, vel per alia divina contingi volunt: ut filum trahendo per chrisma sanctum, imaginem terream sub pala altaris ad tempus ponendo, & similia faciendo. Nam eucharistiæ sacramento ( ut fertur ) utuntur in suis maleficiis, & plurima talia committunt, immiscentes res sanctas suis superstitionibus. Sed ex instinctu dæmonis ista fiunt triplici de causa, ut recitat idem doctor. Primo, ut non solum homines talium occasione perfidi fiant, sed etiam sacrilegi, divina quantum in eis est contaminando, ut magis creatorem suum offendant, & intimius animas proprias contaminent, & plures in peccata ruere faciant. Secundò, ut Deus graviter ab hominibus offensus, secundum beati Augustini sententiam, dæmoni majorem potestatem in hominibus malis tribuat: cui Deus concedit iratus, quod denegaret propitius. Tertiò, ut sic sub

Z z

specie

specie boni apparentis, plures simplices facilius decipiant, qui tacta divinis rebus & orationibus à Deo putant aliquid numinis obrinnisse, ubi solum graviora erant commissa peccata. Hæcille. In aliis autem superstitionibus, quæ sunt ab istis ruralibus, etsi dæmones non expresse invocentur, interferunt tamen se actibus & superstitionibus, ut hominum decipiantur mentes. Hactenus theologus ille.

§. 5. Et 2. q. 8: Episcopi à diabolo captivi tenentur, qui relicto Creatore, à diabolo auxilium quaerunt. Et post: Attende, ubi maleficium occulto Dei judicio permittitur, non ad magos & necromanticos & sortilegos est recurrendum, pro solutione & remedio, ut hac nostra tempestate, ad quosdam nefandos sacerdotes, passim isti vulgares concutere non verentur: sed ad Deum, per humilem confessionem & devotam orationem: ut habetur 33. q. 1. cap. ult. Nec facienda mala, ut eveniant bona. Plura ibidem. Idem postea: Quare autem ad prædictos necromanticos sacrilegos & divinos nullus debet concurrere. Ultra hæc enim quod peccant mortaliter, & participes efficiuntur culpæ & damnationis ipsorum, ratio est: quia ipsi, etsi Deo permittente, aliquando vera dicunt: eorum tamen testimonio non est utendum, quia sæpius fallunt & mentiantur. Patet, quoniam in spiritu veritatis, falsitas non est: in spiritu autem mendacis, plurimæ quoque sunt veritates, ut unica latente falsitate decipiat, ut dicit Gerson de Probatione spirituum: Hac ratione, inquit, prohibuerunt à testimonio veritatis, quam fitebantur, Christus dæmoniacos, & Paulus Pythonissam.

*Astor. 16.  
In sermone  
de augurio.*

§ 6. Hic Augustinus: Fratres, ait, nostis me supplicasse frequentius, ut consuetudines paganorum & maleficorum minime servare deberetis, &c. ergo apud Deum me absolvo, dum iterum atque iterum admoneo & contestor, ut nullus ex vobis divinatores aut sortilegos requirar, nec eos de qualibet re, aut causa, aut infirmitate interroget. Nam qui ad hos consultum accedunt, eos fidem abnegare, probant Theologi ex Augustino, 27. q. 7. non observabitis. Ubi enumeratis multis superstitionibus sic concludit: Qui hanc & quascunque observationes, aut facta, aut auguria observat, aut attendit, aut consentit observantibus, aut talibus credit, aut ad domum eorum vadit, aut in domum suam introducit, aut interrogat, sciat se fidem Christianam aut baptismum prævaricasse: & ut pagani & apostatam & Dei inimicum, iram Dei in æternum graviter incutere: nisi Ecclesiastica penitentiâ emendatus, Deo reconcilietur.

*Sacra*

*Sacra scriptura & nomen Dei abusu execrabilis, in curationibus morborum magicis, & quibusdam aliis actibus.*

## CAPUT. llll.

**H**Uc, ut *in uerba* suis fucata coloribus, mulorum demereatur animos, atque in sui amorem emendicato lenocinio, alios caute illiciat, verba Scripturæ sacræ pura, vel instituto immixta, item Dei nomina, velint nolint, contorquentur. Verum quam convenienter, iudicent illi, qui penitus mysticum Dei verbum, ejus essentiam ac vivam vim intelligunt. Sed hunc verbi Dei abusum prorsus detestabilem, & hanc sacratissimi Dei nominis profanationem, scelus horribile dicendam esse merito, fateamur necesse est.

§ 2. Nec profecto mendacium auditur impudentius, atque in Deum contumeliosius, quam ex prolata Scripturæ sententia, aut nomine Dei, pronunciatum contra designatum à Deo Scripturæ ordinem, & sacratissimi nominis usum, & rebus quibuscunque vel ludiciis vel seriis, aut contra morbos, novam exilire vim effectoricem, qua id obtineamus, quod proposuimus. Cujusmodi hæc sacrosancta, de Christi ossibus à Judæis non infringendis, existit propheta: Os non comminuetis ex eo. Si quis hæc verba proferens, dentes contingat, dum Missa peragitur, dentium dolorem sedari credunt. Alius ante febris accessione manus cum ægroto lavat, secreto ad febris sanationem Psalmum illum enarrans, Exaltabo te Deus meus rex. Est, qui laborantis prebensa manu dicat: Æque facilis tibi febris hæc sit, atque Mariæ virgini, Christi partus. Contra eandem: Recipe tres panes Missales: in uno scribe, Qualis est Pater, talis est vita: in altero, Qualis est Filius, talis est sanctus: in tertio, Qualis est Spiritus, tale est remedium. Hæc tres hostiæ sic inscriptæ, dandæ sunt febricitanti, ut eas singulis trium continuorum dierum vespers devoret: sed ea conditione, ne iis devoratis quicquam cibi aut potus eodem die sumat. Juberetur quoque singulis vespers quindecies recitare orationem Dominicam, & tories salutationem Angelicam, ad gloriam & laudem sanctæ & individue Trinitatis. Aliud adversus eandem: Duc ægrotum, feria sexta, ante solis ortum versus Orientem, qui expansis ad solem manibus stabit, deinde hæc verba dicito: Hodie dies illa est, qua Dominus Deus ad crucem accessit: sed sicut crux nunquam amplius ad eum veniet, ita nunquam amplius veniat ad te tam æstus quam frigus: In nomine Pa† tris, & Fi† lii, & Spiritus † sancti. Deinde recitato novies ternas orationes Dominicas, & ternas salutationes An-

*Exod. 12.  
Joan. 19.  
Contra  
dentium  
dolorem.  
Adversus  
febrim.  
Tsal. 144.*

eodem anno palam in templo adversus hostes consecrabantur: sed ejus successus prærogativa, quandoque historiarum hujus belli veritatem testaturam, non dubito. Vexillum primum Margaritæ, quæ diabolus vicissè fertur, nomen sortitum esse audio. Equo item Vice-regis in sacello suum fuisse locum, ubi celebraretur Missa. Continebat & dux exercitus vexillum in manu, quamdiu sollennibus ritibus id ipsum, uti campanæ solent, baptizaretur: Ornabat & hunc actum effigies D. Virginis Mariæ cum filio in eodem volans, & dux complicatæ manus ad stipulantium morem.

§ 6. Narrat Benivenius, ariolum duobus digitis vulneri militis superpositis, & catminibus nescio quibus insusurratis, telum in dextram parrem immissum, ossique sinistræ scapulæ infixum, redire ex osse jussisse. Unde, scribit, etsi absque ægroti noxa; non tamen sine utriusque animæ dispendio miles curatus est. Facile fuit demoni, ad magi murmur colludenti, telum extrahere, ut magis alios suis fraudulentis perniciosisque actionibus sibi devinceret. Gratis autem hujus mysterii donum à me accipe. En, dicito tribus vicibus, flexis genibus: Oremus præceptis salutaribus moniti, & cum Pater noster & Ave Maria, cum signo † miles Hebræus impietate motus percussit Dominum Jesum Christum. † Domine Jesu Christe, precor te † per illud ferrum † per illam hastam † per illum sanguinem † & per illam aquam, ut foras extrahas illud ferrum † in nomine Patris † & Filii † & Spiritus sancti, Amen †.

*Ad telum extrahendum.*

§ 7. Vidi haud ita pridem apud magnæ autoritatis virum nobilem, librum conscriptum execrabilem, sàm nis dignissimum, plenum exorcismis, frequenti crucis consignatione, & ex sancta Scriptura formulis in nomine Patris & Filii & Spiritus sancti finitis, contra equorum non modo morbos quoslibet, sed & quæcunque eorum impedimenta: ut, si vel calceus equo ferreus in itinere excidisset, statim precatione ejusmodi recitata, illæsus ungula, ad stabulum progredi crederetur, etiam longissime distitum.

§ 8. Contra vermes equum infestantes, tribus diebus ante solis ortum, quæ sequuntur, dicito & facito, super equo: In nomine Pa † tris, & Fi † lii, & Spiritus † sancti, exorciso te vermem per Deum Pa † trem, & Fi † lium, & Spiritum † sanctum, ut nec carnem, nec sanguinem, nec ossa hujus equi edas aut bibas, & ut sis tanta patientia, quantus fuit sanctus Job, ac tantâ bonitate, quantus fuit sanctus Joannes, quum baptizaret Dominum nostrum in Jordane, in nomine Pa † tris, & Fi † lii, & Spiritus † sancti, Recita deinde rer orationem Dominicam

*Contra equorum vermes.*



& salutationem Angelicam, in dextram equi autem, ad gloriam sanctæ Trinitatis: Dom † inus, Fil † ius, Spi † ritus, Ma † ria.

*O curas hominum, ô quantum est in rebus inane!*

*Ne vinum  
invertatur.  
Psal. 33.  
Serpentium  
conjuratio.*

§ 9. Ut vinum eo anno non pervertatur, vasi inscribit Africana: Gustate & videte, quod bonus est Dominus.

§ 10. Hac impietatis formula serpentes quoque conjurantur. † Adjuro te serpens hac hora, per quinque sacra vulnera, ut hoc loco consistas, nec movearis, tam certo, quam Deum ex virgine pura natum esse constat. † Exorcizo te serpens in nomine Patris, Filii & Spiritus sancti. † Impero tibi serpens per dominam nostram Divam Mariam, ut mihi obsequaris, quemadmodum cera igni, & ignis aquæ, ut nec mihi, nec ulli Christiano noceas, tam certo, quam Deus ex immaculata virgine natus est. † Proinde te elevo † in nomine Patris & Filii & Spiritus sancti. Eli lass eiter eli lass eiter eli lass eitter. Te vermem ad me accedere oportet, quemadmodum ad Judæos Deus noster accessit: te vermem à me discedere oportet, velut à Judæis discessit Deus noster.

§ 11. Interim scelera hæc, & blasphemix exterminandæ, suos habent & admiratores, & cultores: & à quibus impune exercentur, novi. Atqui vix hæc merentur, ut Cabalistarum commentis assimilentur, qui decem Dei veri nominibus, & angelorum, quorum in sacris Bibliis fit mentio, ea quæ magnifice pollicentur (quemadmodum & illi nefandæ impietatis patroni, diabolo operante, & Deo ob præfactam eorum incredulitatem connivente, plerumque conficiunt) peragere se asseverant. Horum Cabala ligaturis & nefariis magicæ nugis scatet fœterque: de quibus etiam librum conscripsit Costa ben Luca apud Hebræos.

*Li. 8.  
Recogn.*

§ 12. Verebri Clemens ait: Usque ad hoc res denique accessit, ut, cum verbo Dei fugentur dæmones, per quod esse providentiam declaratur, invenerit ars magica ad infidelitatem confirmandam, quomodo etiam hoc ex contrariis imiteretur. Sic serpentium venena mitigare carminibus inventum, & verbo ac potestate Dei contrarias inducere sanitates. Angelis quoque Dei contraria reperit magica ars ministeria, animarum suscitationes, contra hæc & figmenta dæmonum ponens.

§ 13. Chrysostomus ad seductos ligaturis & incantamentis obmixtum Dei nomen: Non ligaturas (inquit) tantum, sed etiam excantamenta tibi conducis, verulas ebrias & titubantes domum duccens. Nec confunderis, nec erubescis, post tantam ad hæc trepidans discipli-

*Serpentes à  
Nigritu  
fascinari  
scribit A-  
lexius Ca-  
dammus in  
Navig.  
cap. 28.  
Homil. 21.  
de Mulier.  
ornatu.*

disciplinam: & quod gravius est errore, quando hæc admonemus & dissuademus, putantes se excusari, dicunt: Christianam esse hanc mulierem excantantem, nihilque aliud loqui quam Dei nomen. Propterea enim magis eam odi & averfare, quod Dei nomine ad contumeliam vocitur, dum se dicens esse Christianam, gentilium opera facit: etenim & dæmones Dei nomen fatebantur, sed tamen erant dæmones, Christoque ita loquebantur: Novimus te, quoniam es sanctus Dei: & tamen ipsos increpavit, & eiecit. Propterea obnixè oro, ut vos ab hac fallacia puros conservetis; & tanquam baculum, Dei verbum habeatis, Condemnat item eos, qui in ægritudinibus suorum infantium, relicto Christi auxilio, & medicæ artis remediis, confugiunt ad fascini-curatrices mulierculas, fuitiles, adversus quas sic docet: Christus ejicitur, & inducitur temulenta & nugatrix anus, mysterium crucis concalcatur, & seductio diaboli tripudiat. Quid vero & alia ridicula commemorem? cinerem, salem, fuliginem, & rursus vetulam in medium productam? revera ridiculum & dedecus. Et oculus quisque, inquit, puerum fascinavit. Quousque Sathanica ista? quomodo non ridebunt nos Græci, quando illis dicimus, magnam esse crucis virtutem, quum videant nos istis egere, quæ ipsi derident? Nonne Deus medicos dedit, & pharmaca?

Lucæ 4.

Hamil. 7.  
epist. ad  
Cels.

*Magici modi furis investigandi, lædendæ sæpè, & maleficii amovendi cum blasphemio divini nominis & sacræ Scripturæ abusu.*

C A P. V.

*Investigandi furum modus demoniacus.*

**N**ON alienum ab hoc argumento modum investigandi furis inferam, quem sic experiendum quidam præscribunt. Conversus ad Orientem, in crystallo crucem facito cum oleo olivæ: & sub cruce scribatur, Sancta Helena. Inde puer castus, ex legitimo thoro natus, annorum decem vel circiter, capiat manu dextra crystallum. A cujus tergo tu genibus flexis provolutus, ter summa cum veneratione hanc recitabis orationem: Deprecor te domina sancta Helena, mater regis Constantini, quæ crucem Domini nostri JESU CHRISTI invenisti, per illam sanctissimam devotionem & inventionem crucis, & per illam sanctissimam crucem, per illud gaudium, quod habuisti, quando illam sanctissimam crucem invenisti, & per illam dilectionem, quam erga filium tuum regem Constantinum habuisti, & per illa summa bona, quibus frueris perpetuo, ut commonstres in hoc crystallo quicquid poto & scire cupio, Amen. Et cum angelum in crystallo videbit puer, rogabis quæcunque volueris, & respondebit angelus. Hoc autem facies

ſpicere ſe aſſerebat, puellæ alios ſibi cognatos : mira res , ſeu fabula . Cum ab initio filium magæ cernerent ( is erat puer & monachus ) illiusque aſpectu delectarentur , rogabant eam , ut dimitteret : negavit ſe facturam , quod interim ipſius filius torqueretur .

§ 4. Referebat aliquando Joſephus Niger, harum rerum maxime peritus, dæmonem pueris ſe ſub forma Chriſti oſtendiſſe , petiſſeque , ut adoraretur : quod cum polliceretur quidam ſe facturum , ea conditione , ſi dæmon ejus cogitationes aperiret : inde iratus hic evanuit . Spectabant præterea in phialæ collo quid rubens , quod quaſi in extrema erat aquæ ſuperficie ( nam phialæ aqua , tantum ad collum uſq; , aut paulo altius conſurgebat ) hoc ſaga angelum , cum navicula textoria in manu , eſſe dicebat : puellæ illius faciem in vacuo ſe videre aiebant , tanquam pueruli : puer , ſolum brachium cum navicula . Hic , ut referebant , perpetuo circumfertur ac videtur : nam reliquæ imagines ſtatim abeunt . Unde anus illa imperare videbatur , ut pueris ludi magiſtri , unamque imaginem ſtatim poſt aliam evocare . Cumque ipſa aliis commonſtraret , ſciſcitatus ſum , quo modo ipſa , quæ jam filios quinque pepererat , ſpectaret , quæ ego non viderem ? ſe facturam reſpondit , ut conſpicerem : verum opus eſſe feſto D. Joannis Baptiſtæ , aut Natalis Domini , ait .

§ 5. Jam in foribus erat id feſtum , accedo media nocte , docet arcana : ea erant ſex verba , quæ multiplici ſenſu explicatj poterant , ſed [ meo judicio ] in Chriſti contemptum potius maximum , quam gloriam . Velut , Jeſus tranſit , ſignificare poteſt , quod moriatur , quod tranſeat perviam , & quod ſinem habeat . Qui ſenſus videtur verior eſſe , cum ſubjiciat , Ego ſum : deinde , Angele ſancte , & reliqua . Deprehendi meras eſſe fabulas , nec quicquam illam ſcire præter nugæ . Cum enim , bullas in aquæ margine excitaffet , neſcio qua arte , ut margaritæ mihi viderentur , volebat . Forſitan conſtanti illa ſua intrepidaque opinione puerulos , alioqui faciles , in ſuam trahit ſententiam : atque ita ſe videre fatentur , quæ minime vident . Etenim puellas , de quibus dixi , tandem eo adégi , ut nihil ſe vidiffſſe faterentur : cum multæ , ne videantur corruptæ , ſe videre ſimulent . Hucusque Cardanus .

§ 6. Ue in hoc actu blaſphemus nominis Dei & Sacrarum literarum abuſus evidentius innotefcat , exempla prodendi furis vel ſagæ , ex ſacrifici libro clam à me ſubtracta , annexam . Accede fluentem præquam : inde collectos tot numero lapillos , quor ſunt de quibus furum commiſſum ſuſpicaris , domum confer , & igneſcant . Hinc ſub li-

*Ut ſar de  
prehendatur.*

mine sepeliantur, per quod ingredi consueverunt homines, & tri-  
dum relinquantur: Postea ante solis ortum eximantur: deinde scutel-  
la cum aqua imponatur circulo, transversa obliquaque mixtim cruce  
insignito, cui inscriptum est, Christus vincit, Christus regnat, Christus  
imperat. Scutella adhuc cruce signata, & formula conjurationis per  
Christi passionem, mortem & resurrectionem adhibita (quam propter  
impie curiosos celo) in aquam singuli lapilli in cujusque suspecti no-  
mine coniciantur: & ubi ad rei lapillum fuerit ventum, tum calculus  
tanquam ignitum factum, fervorem concitat. Ut insontem gravet,  
fraudetque, ejusmodi fingere ebullitionem, diabolo non est difficile.

*Quomodo  
furi oculis  
excitantur.*

*Psal. 118.*

*Impius mo-  
dus cadendi  
furi, saga  
& inimici.*

§ 7. Ex oculo excusso sic fur cognoscetur. Primum leguntur sep-  
tem Psalmi, cum Letania: deinde formidabilis subsequitur oratio ad  
Deum Patrem & Christum, item exorcismus in furem: hinc in medio,  
ad oculi similitudinem vestigio figuræ circularis nominibus barbaris  
notatæ, figitur clavus æneus triangularis, conditionibus certis confor-  
cratus, incuriturque malleo cypressino, & dicitur: Justus es Domine,  
& justa judicia tua. Tum fur ex clamore proderet.

§ 8i Si furem, sagam, inimicum secus lædere voles, & malum tol-  
li: ante solis exortum, die sabbathi, ramum avellanæ aunculum ab-  
scindes, sic dicens: Ego te ramum hujus ætatis rescio, in illius nomi-  
ne, quem cædere aut mutilare institui. Inde in mensa sternatur tegu-  
mentum, additis his verbis: † In nomine Patris † & Filii † & Spiritus  
sancti †. Ter hæc & sequentia recitentur, & in cute, droch, mytroch,  
escharoth † betu † baroch † all † maaroth. postea dici: Sancta trinitas.  
puni hunc, qui id mall designavit, atque hoc aufer per magnam justi-  
ciam tuam, † eson elion † emaris ales ege: in tegumentum incute.  
Blasphemiam vides.

*Vi res furto sublata restituantur, anathema magicum.*

C A P. VI.

**A**NATHEMA hoc S. Adalberti magicum potius, ob divini nomi-  
nis & sacre Scripturæ abusum, quam Christianum, hic ea adjicio,  
ratione, ut occulta ejusmodi actionum plerisque religiosis hominibus.  
usitatarum impieras oculis omnium magis eluceat. Cautionem tamen  
lucti inde fraudulentè eliciendi nomine adhibent, ut peino scilicet:  
præsumat anathematizare anathema hujus sancti sine licentia præla-  
torum sancti Adalberti & Diocesani loci, sub pœna anathematis præ-  
dicti, &c. ut ipsi loquuntur. Illud autem tale est:

*Anathema  
S. Adal-  
berti magi-  
cum.*

§ 2. Ex auctoritate Dei omnipotentis Patris & Filii & Spiritus  
sancti,

sancti, & sanctæ Mariæ virginis matris Domini nostri Jesu Christi, & sanctorum angelorum & archangelorum, & sancti Michaëlis, & sancti Joannis Baptistæ, & ex vice beati Petri apostoli & aliorum apostolorum, & sancti Stephani & omnium martyrum, sancti Sylvestri & sancti Adalberti & omnium Confessorum, & sanctæ Alecundis & sanctarum virginum & omnium sanctorum, qui sunt in cœlo & in terra, quibus data est potestas ligandi atque solvendi: excommunicamus, damnamus, maledicimus vinculo anathematis, & à liminibus sanctæ matris Ecclesiæ segregamus illos fures, sacrilegos, seu raptores, operarios, consiliarios, coadjutores, coadjutrices, qui hoc furtum sive malum perpetraverunt, sive sibi inde aliquid usurpaverunt: sit pars eorum cum Dathan & Abiran, quos terra propter eorum peccata & superbiam deglutivit: sit etiam pars illorum cum Juda traditore, qui Dominum pretio vendidit, Amen: & cum Pontio Pilato, & cum eis, qui dixerunt Domino Deo, recede à nobis, viarum tuarum scientiam volumus: fiant filii eorum orphani: sint maledicti in civitate, maledicti in agro, in campo, maledicti in sylva: sint maledicti in domibus, in horreis, in lectulis, in cubiculis: maledicti in curia, in via, villa: maledicti in curia, in via, villa: maledicti in castro, mal. in flumine, mal. in ecclesia, in cœmiterio, in tribunalibus judicii: mal. in foro, in bello, morando, loquendo: mal. tacendo, maled. manducando, vigilando, dormiendo, bibendo: mal. palpando, mal. sedendo, jacendo: maled. stando, mal. in otio, in omni tempore: mal. in toto corpore, in tota anima, & in quinque sensibus corporis: mal. in omni loco: mal. fructus ventris eorum; mal. fructus terræ eorum; mal. sint omnia, quæ eorum sunt: maledictum caput eorum, ora, nares, nasus, labia eorum, fauces eorum, dentes eorum, oculi, pupillæ eorum, cerebrum, palatum, linguæ eorum, guttura, pectora, corda, venter, jecur, viscera omnia, stomachus: mal. splen, umbilicus, vesica: mal. crura, tibia: mal. pedes, pedicæ eorum: mal. colla, mal. scapulæ, maled. dorsa eorum, mal. brachia, mal. cubitus, mal. manus eorum, digitus: mal. ungues in manibus & in pedibus: mal. costa, genitura, genua: mal. caro eorum; mal. ossa eorum, mal. sanguis eorum, mal. pelles corporis eorum; mal. sit medulla in ossibus eorum; maled. sit superior pars à capite usque ad plantas eorum: quicquid interest, totum maledicatur, scilicet quinque sensus sui, visus, auditus, gustus, odoratus & tactus. Et maledicatur in sancta cruce, & in Christi passione, & cum quinque vulneribus Christi, & cum effusione sanguinis Christi, & cum lacte

Anatomia  
hominis.

virginis Mariæ. Adjuto te Lucifer cum omnibus satellitibus tuis, cum Patre & Filio & Spiritu sancto, & cum humanitate & nativitate Christi, & cum virtute omnium sanctorum, *b* ut nullam habeas requiem, diebus neque noctibus, donec perducas eos ad interitum, sive mergantur in fluminibus, sive suspendantur, vel devorentur à bestiis, sive comburantur, sive interficiantur ab inimicis, & odio habeantur ab omnibus viventibus. Et sicut Dominus beato Petro apostolo & ejus successoribus, *c* quorum vices tenemus, & nobis, quamvis indignis, potestatem contulit, ut, quodcumque ligarem in terris, ligaretur & in cælis : & quodcumque solveremus in terris, solveretur & in cælis: sic illis, si emendare noluerint, cælum claudimus, & terram ad sepeliendum negamus, sed sepeliantur in pascuis asinorum. Insuper, sit terra maledicta, in qua sit sepultura eorū, pereant in futuro judicio, conversationem cum Christianis non habeant, neque corpus Domini, quum in mortis articulo sunt, suscipiant: fiant tanquam pulvis ante faciem venti: & sicut Lucifer abjectus est de cælo, & sicut Adam & Eva de Paradiso expulsi sunt, sic expellantur de quotidiana luce. Item *Math. 25.* consociati sint cum illis, quibus Dominus dicit in die judicii: Ite maledicti in ignem æternum, qui parati estis diabolo & angelis ejus: ubi vernis non morietur, nec ignis extinguetur. Et sicut candela de manibus meis ejecta extinguitur, sic opera eorum & animæ eorum in fœtore barathri extinguentur, nisi reddant, quod furati sunt, intra certum terminum. Amen dicant omnes. Postea cantabitur, Media vita in morte sumus, &c.

*a* Præter universam hujus impietatis farraginem, in quam convenienter hic conjungatur, Lucifer ejusque satellitium cum Patre, Filio & Spiritu sancto, &c. Quam profecto hic exclamare lubet, *Quæ communio Christo cum Belial?*

*b* Hinc constat (si quid valent imprecationes) theologicum anathema, mortalibus quæcumque infortunia, morbos & inquietem ciere; non Lamias, quæ ut plurimum nec legere, nec ejusmodi Conjuratorum portenta ob extremam fere ætatem, fœmineum sexum, & nimis gravem ingenii stuporem fingere, multo minus usurpare norunt.

*c* Tam impium hoc esse anathema sentio, ut publici edicti anathematæ, ejus etiam nomen exulare deceret. Dabo tibi claves regni cælorum, Petro prædixit Christus, doctrinam scilicet cælestem, cujus potentia, quicquid ligaret, ligatum foret, &c. Non blasphemorum ejusmodi anathematum fulmina concessit, multo minus mandavit.

§. 3. Alii

§ 3. Alii quidam viri Ecclesiasticis eodem fere modo, hoc est, tanquam magico incantamento usi sunt Psalmo 108. secundum vulgarem distributionem, certa persuasione ducti, contra quemcunque ardua hæc & dura pronuntiassent solum verba, illum protinus vel interiturum, vel, ut longissime, annum supervivere non posse. Verum alio prorsus spectat hic Psalmus, querelis, lachrymis, & suspiriis potissimum adversus ejusmodi scribas & pharisæos plenus, cujus & genuinam sententiam sine negotio capies, si eum personæ Christi applicueris, graviter exostulantis de Juda proditore, & Judæorum sanguinem innocentis sitientium crudelitate. Ipsa Davidis verba ascribo, ut quantam vim sæpe pariat sacratissimus ille sermo, nemo non intelligat.

§ 4. Deus laudem meam ne taceris, quia os peccatoris, & os dolosi super me apertum est. Loquuti sunt adversus me lingua dolosa, & sermonibus odii circumdederunt me, & expugnaverunt me gratis. Pro eo ut diligenter, detrahebant mihi, ego autem orabam. Et posuerunt adversum me mala, pro bonis, & odium, pro dilectione mea. Constitue super eum peccatorem, & diabolus stet a dextris ejus. Cum judicatur, exeat condemnatus, & oratio ejus fiat in peccatum. Fiant dies ejus pauci, & episcopatum ejus accipiat alter. Fiant filii ejus orphani, & uxor ejus vidua. Nutantes transferantur filii ejus, & mendicent, & ejiciantur de habitationibus suis. Scrutetur fornicator omnem substantiam ejus, & diripiant alieni labores ejus. Non sit illi adjutor, nec sit, qui misereatur pupillis ejus. Fiant nati ejus in interitum, in generatione una deleatur nomen ejus. In memoriam redeat iniquitas patrum ejus in conspectu Domini, & peccatum matris ejus non deleatur. Fiant contra Dominum semper, & dispareat de terra memoria eorum, pro eo, quod non est recordatus facere misericordiam. Et persequutus est hominem inopem & mendicum, & compunctum corde mortificare. Et dilexit maledictionem, & venit ei: & noluit benedictionem, & elongabitur ab eo. Et induit maledictionem, sicut vestimentum, & intravit, sicut aqua in interiora ejus, & sicut oleum in ossibus ejus. Fiat ei sicut vestimentum, quo operitur, & sicut zona, qua semper præcingitur. Hoc opus eorum, qui detrahunt mihi apud Dominum, & qui loquuntur mala adversus animam meam. Et tu Domine Domine, fac mecum propter nomen tuum, quia suavis est misericordia tua. Libera me, quia egenus & pauper ego sum, & cor meum conturbatum est intra me.

Ivan. 17.  
AR. 1.

Sicut umbra, quum declinat, ablatus sum, & excussus sum sicut locustæ. Genua mea infirmata sunt à jejuniis, & caro mea immutata est propter oleum. Et ego factus sum opprobrium illis: viderunt me, & moverunt capita sua. Adjuva me Domine Deus meus, saluum me fac secundum misericordiam tuam. Et sciant, quia manus tua hæc, & tu Domine fecisti eam. Maledicent illi, & tu benedices: qui insurgunt in me, confundantur, servus autem tuus lætabitur. Induantur, qui detrahunt mihi, pudore: & operiantur sicut diploide, confusione sua. Confitebor Domino nimis in ore meo, & in medio multorum laudabo eum. Qui astitit à dextris pauperis, ut salvam faceret à persequentibus animam meam.

§ 5. Adversus universam nimisque inolitam pluribus in locis apud religiosos, anathematis consueti impietatem, hoc sacrum divini Chrysostomi consilium ex sermone de Anathemate, cunctis amplectendum propono: Ea propter vos oro, inquit, ne vobis verba hæc mente excidant. Dogmata impia, & quæ ab hæreticis profecta, arguere & anathematizare oportet: hominibus autem parcendum, & pro salute ipsorum orandum.

*De sacrilego, itemque genuino verbi Dei usu & impio sanandi maleficii modo.*

C A P. VII.

*Verbi Dei  
genuinus  
usus.*

PORRO, quodnam sacrilegium gravius existimaveris; quam omni propriæ salutis memoria pertinaciter excussa, tam scelerate venerabili Dei nomine abuti, & sacrosancto ejus verbo vim inferre, & rapere intorquereque ad dæmonii præstigias in Dei contumeliam tegendas, quod ex arcano Patris æterni finis humani generis amore, unicuique Dei Filius CHRISTUS JESUS deprompsit, promulgavitque miserorum & perditorum hominum causa: ut hi, cum essent lapsu primorum parentum à Deo separati, omnique gratia excidissent, ex hoc se in gratiam repositos discerent, haberentque certa & expressa diviniæ erga se voluntatis testimonia, quibus se in veris animorum conformationibus, & ancipitibus distraكتورum sensuum fluctibus erigerent & erudirent? ut prolixius docet Peucerus in suo de Divinationibus commentario.

2 Tim. 3.

§ 2. De genuino sacre Scripturæ usu sic Timotheo scribit Paulus: Omnis Scriptura divinitus inspirata, est utilis ad doctrinam, ad redargutionem, ad correctionem, quæ est in justitia, ut integer sit Dei homo, ad omne opus bonum apparatus. Item Rom. 1. Romanis: Evangelium est potentia Dei, ad salutem omni credenti. Ad



ti. Ad Hebræos 4. Vivus est sermo Dei, & efficax, & penetrantior quovis gladio utrinque incidente, ac pertingens usque ad divisionem animæ & spiritus, compagumque & medullarum, & discretor cogitationum & intentionum cordis. Ad hos usus, nimirum ad renovandam hominum corruptam naturam, traditum est Dei verbum. Hoc præstat fide apprehensum in cordibus credentium, cooperante Spiritu sancto, qui per verbum efficax est: Non, ut mentitur diabolus, a sceleratis & impiis ipsius ministris ore solum prolatum, alias exierit vires, quam quo destinatum ab initio fuit.

§ 3. Cumque pronunciet Dei lex: Non assumes nomen Domini *Deut. 5.*  
Dei tui in vanum: non enim infontem habebit Deus eum, qui assumpsit nomen Domini Dei sui in vanum: certissimum est, & itrefragabiliter verum, eos omnes, qui ejusmodi incantationum Scripturæ sanctæ fuculo velatarum, ritibus & modis utuntur, atrocissimas manere penas. Quare, si quis effectus sub horum verborum pallio, vel vere vel fascino videatur consequi, dæmonis esse opus ne dubites. Nihil aut accedit, aut decedit virtuti verborum, ab impiis his hominibus pronunciatorum. Confirmat hæc Augustinus, dicens: Verum est, fratres charissimi, quia permittit hoc Deus diabolo, ad probandum Christianum: ut cum interdum per illa sacrilegia, aliqua remedia, in illa infirmitate percipere, & aliquid verum potuerint agnoscere, facilius diabolo credant. Sed qui totam religionem Christianam desiderat custodire, oportet ut hæc omnia tota animi virtute contemnat.

§ 4. Memorandum fallacis curationis maleficii dæmoniæ, cum certa benedictionis formula exemplum, ob historię continuarum tenorem, superiori Libro conscriptum invenies. Cui obiter adjiciatur *Cap. 4.*  
alter modus superstitione priorem vincens, atque ex sacrifici libro exscriptus, ut hinc de reliquis ejusmodi sanationibus præjudicium concipiatur. Accipe tres olei violacei mensuras: & consistentes contra *Sacrilegiis  
curationis  
maleficii.  
modi.*  
solem, ante ejus ortum, exprime nomen hominis læsi, & matris ejus, & angelos gloriæ, qui stant in gradu sexto, septem diebus, ter in die. Septimo autem collocetur ille nudus sub sole, & oleo universa inungatur caro: Hinc coram sole fide suffumigetur myrrha, olibano, & præcipuis aromatibus. Deinde istos honoris angelos inscribe in argenti lamina, quæ cum aromatum incenso suffita, in collo suspendetur. Vicesima die mensis hoc fiet cum successu, ut maleficio affectus curetur.

*Magia.*

*Magica & superstitioſe morborum curationes, adhibiti quandoque carminibus, plerumque verbis ignotis: & quod tota verborum virtus ab harmonia celeſti non pendeat.*

G A P. VIII.

**H**Uc pertinent ſuperſtitionum & verborum ignotorum, quibus utrum bene aut male preceris ignoras, monſtra: haud dubie à malis inventa hominibus, & pro libidine excogitata, quæ cum Dei contumelia, in ſacroſanctæ noſtræ medicinae conſpurcationem calumniâque furtim irrepreſere. Cujuſmodi hi uſurpantur rhythmi contra epileſiam:

*Curationes  
magica ſu-  
perſitioſa  
& impia.*

*Cæſar fert myrrham, thus Melchior, Balhaſar aurum:  
Hæc tria, qui ſecum portabit nomina regum,  
Solvunt à morbo Chriſti pietate caduco.*

§ 2. Item, arrepta ægroti manu, in auribus immurmuretur: Adjuro te per Solem & Lunam, & hodiernum Euangelium à Deo traditum D. Huberto, Egidio, Cornelio & Joanni, ut ſurgas, nec in terram relabaris, in nomine Patris, Filii & Spiritus ſancti, Amen.

*Ad ſtra-  
ma.*

§ 3. Ita antiquitas credebat, verbaſcum cum ſua radice tuſum, vino aſperſum, folioque involutum, & in cinere calefactum, ſtrumisque impoſitum, eas abigere, ſi hoc feciſſet virgo jejuna jejuno, & manu tangens ſupino dixiſſet: Negat Apollo peſtem poſſe crefcere, quam nuda virgo reſtinguat. Atque ter hic deſpuendum putabat.

*Ad ſan-  
guinis flu-  
xum. Vide  
cap. 4. ante.*

§ 4. Adhæc, ut ſanguinis fluxus inhibeatur, in uſu eſt: In nomine Patris & Filii & Spiritus ſancti, Chunnat cata ſarite confirma conſana imabolite. Item: Sepa † ſepaga † ſepagoga † ſta ſanguis, Conſummatuſ, in nomine Patris † podendi † & Filii † pandera † & Spiritus ſancti † pandorica † pax tecum, Amen. Addam, quod carmine apud Homerum, fauciato Vlyſſi ſiſtere ſanguinem potuit Autolyçi filius. Serpentina perviam portata fugere ſerpentes, buſones, lacertas, & quicquid venenofuſ in via facrit, creditur. Quod hæc ratione quoque expeririuntur: fit in terra circulus trina circuntione, iis verbis, In nomine Patris an † & Filii elion † & Spiritus ſancti tedion † Pater noſter. Hinc ter dicitur: Super aſpidem & baſiliſcum ambulabis, & conculcabis leonem & draconem, trina circuntione. Tunc in circulo, quicquid id fuerit, alligatuſ apparer. Quâ hic non immerito exclamare lubet: Quæ communio luci cum tenebris, aut quæ concordia Chriſto cum Beliaſ?

*Plin. lib.  
28. cap. 2.  
Contra ſer-  
pentes.*

*1. Corin. 6.*

§ 5. Theophraſto iſchiadicos ſanat carmen: Catoni luxata membra cautio hæc, Danata, daticæ, dardaricæ, aſtaricæ, & reliqua. Eſt, qui

qui contra arthritidem, manu sua arbutum junioem inserit, preculis simul fulis eodem in loco : tamque diu morbum exulare credit, quam illa vivis radicibus germinet: ubi vero interierit, recurrere malum: sed tum ad hujus amuleti repetitionem redeundum. Si duo maleficio lassi, mutuo se graviter prosequantur odio, in pane missali hæc inscribantur verba : Abrac amon filon. & offeratur utrique edendus panis: hinc perpetuus utriusque subsequetur amor.

*Canis rabidi  
de curatio  
magica.*

¶ 6. Contra canis rabidi morsum, pani inscribitur: Irioni khiriori essera khuder fere. inde voratur. Vel hoc scriptum in papiro, aut pane, homini sive cani in os inseritur: O rex gloriæ Jesu Christe ; veni cum pace in nomine Patris † max in nomine Filii † max in nomine Spiritus sancti † prax Caspar prax Melchior Balthasar † prax † max † Deus ym ax †. Non infimæ sortis nobilem cogitavi, simili curationis ratione celebrem, qui pomi particulæ inscribit, Hax pax max Deus adimax, atque edendam illam venenatæ à cane rabido porrigit. Voces autem corruptæ sunt ex ignorantia linguæ Latinæ & literarum, ubi forte is nobilis in schedula Germanica comperit ad ejusmodi curationem has valere voces, hoc † po † mo † Deus adjuvet †, cum crucibus interstinctas, uti fere in similibus superstitionum mysteriis fit, cruces ex affinitate, x literam esse ratus, hax pax max Deus adimax, legit, & in pomo exaravit. A singulis autem medium stufferum Brabanticum postulare eum audio. Quæ pecunia congesta, sacellum prope arcem suam extruxit, missis aliquor ea, impieratis mercede redemptis cohonestatum, uti fertur. Ut vero huius mysterio ponderis aliquid accederet, ad maximum natu ex sobole, velut jure hereditario, propagari eam curationis efficaciam, nec ad alios posse derivari, temere trepidulis persuaderetur. Similibus diabolicarum vocum portentis contra dentium dolorem utuntur, Galbes galbat galdes galdat. Ridiculū quoque hoc scriptū appenditur: Strigiles falcesque dentatæ, dentium dolore persanare.

¶ 7. Adversus febrem quotidianam, pomi tribus particulis seorsum inscribitur, uni, Increatus pater: alteri, Immenus pater: tertiæ, Æternus pater: easdem jejunos tribus diebus edat. Si minus successerit, in pane missali scribitur: O febrem omni laude colendam: in altero, O languorem sanitati & gaudiis ascribendum: in tertio, Pax † max † fax †. eundem ægrotus vorat jejunos. Si nec hic modus juverit, denuo in pane dicto roties pingatur: Pater pax † adonay † filius vita † sabaoth † Spiritus sanctus † tetragrammaton †. quem tribus diebus, ut supra, mane absumat. Quidam ad febrem omnis generis inter-

B b b

mitten-

mittentem, virgas duas parallelas verborum vi mediis partibus committit, ipsoque contactu vincit crucis effigie, quam collo subnectit. Sic quidem multos levat, sed qui fere gravius recidunt. Contra febres, thoraci lignum rotundum applicant Turcz, deinde illud alio simili ligno percutiunt, nescio quid submurmurantes. In collo schedulam contra easdem suspendebant quidam superstitiosi monachi, jubentes singulis accessionibus quasdam effundere preces, & post tertiam accessionem bene sperare. Quis non animadvertit fucum?

§ 8. Inprimis plurimum valet confidentia, nec in principio consilium quaeritur: deinde in acutis, jam morbo adulto, vix fieri potest, quin post tot paroxysmos mutetur morbus. Si Dei aut demonis virtute ob scriptum evenit sanitas, cur non evestigio ea sequitur? Exartas item has voces, Gibel got gabet, rostro pulli imponunt: inde stilo præacuto huic caput recta in medio percutiunt, pullusque exilit ac vivit, maxime in æstate. Ea autem delitescit causa, quod pulli caput cerebrumque osse utrinque dividitur: inter quod in medio distinctum, stilus, qua facile potest, penetrat: nec quicquam, ill æso cerebro, vitæ decedit. Verbis porro eam inesse vim existimat vulgus, earum rerum imperitum. Atqui ab illis, si virtus ea promanat, cur transfixo hædi sive hominis aut canis capite, non idem contingit? His adde illud Constantini, in piscium captura: Jao Sabaoth. Carminibus adhæc, equos apud Nigritas strenuiores & in bello tutiores reddi, docet Aloysius Cadamustus. Jure itaque optimo Galenus, quanquam ethnicus, Chariachirum & Barmachium derisit: ipsique Dioscoridem prætulit, qui non imprecationibus & verbis superstitiosis, velut illi tradiderit medicinam.

§ 9. Nec profecto hic in nostratum muliereularum gratiam prætermitti oportuit, cruciarum è brassicis abigendarum amuletum, in Ducatu Montensi rhythmis Germanicis usurpatum in hanc sententiam: Vobis dilectis crucis, tam conveniat hic autumnalis esus, quam Mariæ placuerit, ubi bibebatur edebaturque, nec Christi mentio erat, in Dei nomine, Amen. Ibidem observatum, Si virga ex vicinia domus adulteri vel scabini probi collecta, in horto incuriantur brassicæ, crucis opteræ, evanescent, potissimum si recta vel transverse ingrediatur percussor: si vero circumeat, in brassicis permanent crucæ.

§ 10. Illud porro omnem superat stultiqiam, quod quasdam voces cum imaginibus quibusdam cæli convenire, plerique autument: & verba quæpiam cum solennitate prolata, mutare sensus hominum

& bru-

*In navigat. cap. 32. Li. 6. simpl.*

*Nulla voces cum imaginibus cæli conveniunt.*

& brutorum: hinc in speculo confectato videri imagines, hinc moveri feminas in amorem, hinc mutari elementa, terram varie affici, ignem ab ustione cessare, morbos curari. O' delirium incomparabile! Quænam vis hæc quæso, unde derivata, ubi recepta? Si etenim pender ab harmonia celestis rota verborum virtus, ut Alchindus contendit: cur non ipsa per sese operari id potest, cum sit causa superior? Dicit fortasse, cælum media & proxima causa, hoc est, verbis agere.

*Fuse de iis  
contra Al-  
chindum  
dissertat.  
Joan.*

*Franc. Pi-  
cus libro 7.  
cap. 6. de  
Trans.  
supersticio-  
sa adversus  
magiam.*

§ 11. At hoc doceat, in sonone, aut in voce, an in verbis exterioribus operandi vis recipiatur. Prior enim natura sonus quam vox, & vox quam verba: hæc enim ex illa, illa vero ex alio conficiuntur, cum verba vocem & sonum includant, & in definitione vocis contineatur sonus. Sine voce sonus esse potest, quia natura prior: paritatione sine verbis vox: sine voce autem & sono verba non sunt. Si igitur vis in sono recipitur, & qua sonus movet elementa, omni sono etiam inanimatorum corporum poterit ea virtus communicari: quare nec voce, nec verbis opus erit. Si autem in voce, cum ea plerisque etiam animantibus, præterquam homini, competat, id ipsum poterit à brutis etiam fieri. Si vero in humanis verbis tantum recipi dixeris, rogo, unde accipitur vis, in primæ syllaba, aut mediis, an ultima? Si in syllaba, jam non in verbis, ea vero mox perit. Eadem in aliis erit ratio. Quare colligitur, nullo modo verbis inesse hanc posse virtutem cœlitus operantem.

§ 12. Uthic mihi proclivius deferantur calculi à piis collecti, sacratissima Chrysostomi auctoritate monstrata hæc capita truncabo finiamque. Verba, ait, sacerdotis ore proferuntur, Dei autem virtute consecrantur & gratia: & magici furtim si quid habent efficaciæ, id occultæ virtutis habent à certa fiducia in diabolum. Nulla vero inest iis verbis efficacia: sed qui iis fidunt, hos ob impiam confidentiâ sæpe illudi à Satana sine iustissimus Deus. Hic & in sequentibus proxime capitibus, ad Leonis Suavii characteristica satis responsû esse arbitror. *De magica sanatione per periapta, characteres, effigies, annulos vel sigilla.*

#### C A P U T. IX.

**H**ic periapta tum magica, tum ex Sacris maxime literis furtim tracta, suum habent locum, quibus contra dæmonum studia, incantationes & maleficia, homines quoque dementantur. Quemadmodum, cum primum Evangelii Joannis caput, minutissimis literis in schedula pictum, & Missæ recitatione consecratum, collo alligatur, mirum contra incantamenta & diaboli machinationes creditur esse amul-

*Thriap-  
tum va-  
nitas.*

tum. At si chartula hæc alicujus habebitur efficaciz, prærogativam certe singularem adversus Satanæ molimina obtinebunt illi, qui sacram Scripturam ex professo in manibus vel manicis continuo circumferunt. Sed ea nisi animis sit irradicata nostris, ubi velut à fomite vitali in ætium exciteretur, mortua permanet litera, etiamsi millicies suspendatur, alligetur, portetur, affricetur, obinurmuretur, inscribatur, sigillis aut annulis imprimatur, bibatur, edatur, vel etiam voretur.

*Verbum  
Dei non  
mortua est  
litera, sed  
spiritus &  
vita.  
Jean. 6.  
Homil. 43.  
in cap.  
Matth. 23.*

§ 2. Confirmat hæc Chrysostomus: Quidam, inquit, sacerdotes aliquam Evangelii partem scriptam circum collum portant. Sed dic sacerdos insipiens, nonne quotidie Evangelium in Ecclesia legitur & auditur ab omnibus? eni ergo in auribus posita Evangelia nihil profunt, quomodo possunt circa collum suspensa servare? Deinde ubi est virtus Evangelii? in figuris literarum, an in intellectu sensuum? Si in figuris, bene circa collum suspendis: si in intellectu, ergo melius in corde posita profunt, quam circa collum suspensa.

§ 3. Eiusdem est sententia: Quando in gravem lapso morbum, aliqui incantamentis succurrendum esse consulunt, alii rebus collo alligandis, alii aliter: & tu constanti animo, quicquid id est, quod Dei timorem sustines, patique fortiter malis, quam eorum aliquid sectari. Hoc te martyri facit proximum. Hac ratione docet Athanasius quoque, dæmones plurimum formidare verba Psal. 68, si quis ea attente ex animo oret. Exurgat Deus, & dissipentur inimici ejus, & fugiant à facie ejus, qui odiant eum. Sicut propellitur fumus, tu propelles eos: & sicut liquefcit cera à facie ignis, sic pereant impii à facie Dei, & reliqua. Hac etiam oratione Satanam abegisse D. Antonium in acerbissimo illo certamine adversus dæmonum turbas, testatur idem. Attias & illud Psalmistæ occinebat: Si consistent adversum me castra, non timebit cor meum.

*In Lib. de  
Variis  
quest.*

*In Vita D.  
Antoni.*

§ 4. Periapta, Agnus Dei, nuncupata consecrat Romanus Pontifex adversus noxios dæmones, quasque eorundem machinationes: quod palam est ex I. de Ceremoniis Romanæ Ecclesiæ, sect. 7. cap. 3. de consecrat. Agnus Dei. Ubi post ejusmodi consecratione hæc subduntur. Legimus Urbanum quintum Pontificem maximum misisse ad Imperatorem Græcorum, tres Agnus Dei, cum versibus infra scriptis:

*Balsamum & munda cera cum chrisanthis unda  
Conficiunt Agnum, quod munus do tibi magnum,  
Fonte velut natum per mystica sanctificatum,  
Fulgura desursum depellit, & omne malignum*

*Peccatum*

*Peccatum frangit, ut Christi sanguis transgât;  
Pregnans servatur, simul & partus liberatur,  
Dona refert dignis, virtutem destruet ignis,  
Portatum munde de fluctibus eripit undæ.*

§ 5. Minus insuper momenti habebunt manu efficti characteres, *Chasle- rum, effigium, annulorum & sigillorum nota.* effigies, annuli vel sigilla, hac illave figura delineata, sculptave, vel imaginibus ad certos cæli positus hoc momento, & illo loco insignita. Atqui ut nulla astrorum vis in ea, quæ manibus conficiuntur, opera imprimatur: ita, etiam si infinitæ divinis notis, nominibus, aut Scripturæ sanctæ verbis ornentur, substantiis nihil ex figuris quibuscunque, veræ virtutis vel accedit vel decedit: quibus singulis mirandas peculiareque vires certarum actionum effectrices ab initio Deus indidit. Nec enim jam nova ibi instituitur qualitatum mixtura: non materiz; ex prima ordinatione, convenienti qualitatum temperamento induta, nova & essentialis forma infunditur: sed corpori antea conformato, sua materia & forma, quibus existit, conservantur, suaque adornato temperie, arte duntaxat nova affingitur species: ad quam nihil sidera, nihil eo tempore existentes in aëre qualitates conferunt.

§ 6. Immo, ut semel dicam quod res est, universam hanc commentitiarum specierum congeriem, vanam esse, & inefficacem, non pudet libere profiteri: etiam si hic mihi offendent Thebit philosophum, & magis antistitem, annulos conficiendi modum docerem, quibus animum exhilarari, hostes, cacodæmones & morbos arceri, miraculaque edi mentiuntur. Cujusmodi annulorum commenta Eudemum philosophum quoque fabricatum esse tradunt. Obijciunt & Albertum sui semper summem, & horum annulorum sigillorumque à veritate sæpenumero divaricantem fabrum. Accedet quoque Marsilius Ficinus, doctissimus alioqui philosophus, & plerique alii. Nec Gygis Lydotum regis annulus menti excidat, ut magica annulorum cathena ornatus prodeat Lamia, Menippi Lycii sponsa. Cujus digito, ne comitiali morbo correpta cadat, à philosopho tedarguta, annulus applicetur argenteus, hoc modo intus notatus: † habi † haber hebr †. atque hinc breviola, quæ vocant, contra febres à quodam nebulone quæstose ficta, offerantur:

*Ananiasapta feris mortem, quæ ledere queris.*

*Est mala mors capta, dum dicitur ananiasapta.*

*Ananiasapta Dei, jam miserere mei.*

§ 7. Per nuptialem veto annulum sponsus mingat, ut ab im-

Bbb 3

otentia

*Plato lib. 2.  
de Rep. Lib.  
2. Minerva.  
Trall.  
cap. 1. & 3.  
Marsilius  
Ficinus  
hæc nomina  
notat Jo.  
Fr. Tiscu.  
lib. 1. 6.  
Philos.  
lib. 3.*


*Breviola  
contra  
febres.*

potentia vèneris & fascino solvatur, authore Nicolao & Guilielmo Varignana medicis, & Petro Argelate chirurgo. Si amorem quis dissolvi velit, in amantis calceo stercus amatæ collocetur, odorque perceptus amorem infringet. Causam ejus virtutis, profecto nimis manifestam, non est quod ad occultam proprietatem torqueas.

*Magica curatio maleficii.*

C A P. X.

**V**ANISSIMUM curandi maleficii mysterium, ex ineptorum delusorumque hominū archivis erutum, piis cordatisque ex ratione hic aperio, ut videant intelligantque, quantum sit in rebus inane, ubi sigilla, characteres, numeros, voces & conjurationem penitus consideraverint, sed ad populum phaleras. Ejusmodi commentis dementiare & fallere hactenus voluere maleficiati homines. Hora & die Jovis, Jove potente & dominante, accipitur lamina Jovialis, & insculpitur sequens tabula.



Luna crescente, dicendo: O tu Jupiter planetarum major, fortuna dulcis



dulcis & mitis, ô damasses, mahadis, Camas, Jadas, Dichidos, Offididus, Canores, conjuro te per eum qui te creavit, ordinavit & posuit, ubi suæ placuit voluntati, ut sis mihi in hoc opere adjutor, quod virtute istius laminæ omnia maleficia solvantur, gestanti conferat lucrum, gratiam & amorem, pacem & concordiam hominum, Oमितetero Zedelay Troppines Zozin Agare Bitelbault, Vitel vault Yton, per eum, qui venturus est judicare vivos & mortuos, & seculum per ignem, Amen. His ter dictis, suffumigatur lamina mastiche, olibano & ligno aloes, & custoditur in panno serico citrini coloris, vel portatur. Cum per hanc quis operari volet & maleficia solvere, lamina hæc in igne ponitur, dicendo: O vos spiritus Jovis, amoris & dilectionis, me facite amabilem & complacibilem ad placendum omnibus, yesseraye date potestatem, ut sicut hæc lamina calefit igne, ita etiam, &c. inde extrahitur Lamina, & in vino extinguitur, dicendo: Sicut hæc lamina extinguitur in vino, ita extinguat omne maleficium, &c. ubi hoc gustaverit & biberit, Joth, he, wau, her, fiat fiat fiat amen. Apertius singula explicare nolui, ob curiosos ejusmodi impietatum imitatores, quibus omnem errorum viam præcludere malui. Galeno nostro hic fidem demus, dicenti: Substantia est, quæ suspenditur, non voces barbaræ, ut quidam præstigiatorum facere assolent.

*De simpl. fac. x.*

*De characteribus, imaginibus, figuris, exorcismis, rebusque illicitis, quibus thesaurum inquiritur, claustra aperiantur, capillitis suspenduntur malefica, obijciunturque reliqua diaboli ludibria.*

C A P. XI.

**T**HESAURIUM potro sic inquirant hi magi. Virga avellanæ tribus signata crucibus conjuratur, non modo superstitiose; sed & impie ac blasphemice. Adduntur characteres cum barbaris nominibus, & in fodiendo leguntur Psalmi, de Profundis: missa, Misereatur nostri: Requiem, Pater noster, Ave Maria, & Ne nos inducas in tentationem, sed libera nos à malo, Amen. A' porta inferi, Credo videri, &c. Expectate Dominum, Requiem æternam, cum oratione certa. Et, si fodiendi tempus neglexeris, à diabolo tollitur thesaurus.

*Magicus thesaurum inquirendi modus.*

¶ 2. Ut claustra aperiantur, in particula cereæ baptismo designatæ flores volubilis imprimuntur, liganturque in anteriore indusii parte: ac ubi referare voles, ter inflabis, dicisque hæc verba: Arato hoc partiko hoc maratarikin, tuo nomine aperio hoc claustrum, quod intrinsece cogor, quemadmodum inferna confringis, in nomine Patris & Filii & Spiritus sancti, Amen.

*Diabolica claustrorum apertio.*

¶ 3. Æthio-

Plin. lib.  
24. cap. 4.

§ 3. Æthiopidis etiam herbæ tactu clausa omnia aperiri, quibusdam simul admurmuratis cantilenis; traditur. Eodem referendum, quod cuidam ad saqueum damnato Venetiis, omnes pæfactæ fuerint fores, disiectis feris, una tantum admota herba, signaculis quibusdam decantata. At, si vis ea inest herbis, quosum admurmurantur cantilenæ, aut adhibentur signacula? Vel, si virtutem hanc obtineant cantilenæ & signacula, cur advocantur herbæ? Si simul conjuncta hanc efficaciam sortiri dicas, meram esse superstitionem, contra obijcio. Rerum alioqui naturalium miraculis ut nihil derogatum volo, ita ejusmodi cantionculis & signaculis nil penitus retribuendum esse, ingenue affirmo. Quum autem herbæ illæ non operentur, nisi cantionibus & signaculis applicatis, consequens est, iis etiam nihil ejusdem virtutis adesse. Si effectum subsequi respondes: contingit is profecto demonis opera hic colludentis, ratione cantilenæ vel signaculi, ut ejusmodi ludibriis incautos alliger strictius, cautiusque fallat, nec ullo modo juvet. Dicam hic cum Plinio, non satius fuisset Æmilianum Scipionem Carthaginis portas herba pæfacere, quam machinis claustra per tot annos querere? Quid & tam gravibus se onerant sumptibus, nostri Christiani principes, in effringendis oppidorum portis, tanto ponderosorum globorum infernalis pulveris potentia excussorum numero? quum etiam apud Acherontem investigare erubescerent nequitiam, si quid hic in talem usum posse acquiri judicarent?

Lib. 24.  
cap. 2.

§ 4. Pro defensione, figura cum creta in terra notatur, & miræ affinguntur nugæ, recitanturque Psalmi, & Orationes, nec non Missæ actus adhibetur, & in arbore clavus figuræ ferreus.

§ 5. Ur mille hominibus vel equis cinctus quis appareat, anniculus salicis ramus, unico insitu abscessus usurpatur cum exorcismo, barbarorum nominum recitatione, & characteribus absurdis.

Imagines  
damnosæ.

§ 6. Damnum alicui inferre se credunt hi male sani, si imaginem conficiant in ejus nomine, quem læsum cupiunt, ex cera virginea nova, sub cujus axilla dextra hirundinis cor locetur, & hepar sub sinistra. Item, collo appenditur filo novo effigies, quæ acu nova in membro lædendo figitur, recitatione verborum, quæ ob curiosos studio prætermittenda censui. Ea ex ære quandoque apparatur, cujus membra ad diuorem deformationem invertuntur, ut pes manus loco fornetur, & pedis vicissim locum subeat manus, faciesque invertatur. Ad atrocius malum similis imago adornatur in hominis forma, in cujus capite nomen certum scribitur, & in costis ea nomina, Alifcaseil zaza hir mel mcltat

meltat leviatan leutatace : ea in sepulchro defoditur. In eundem usum, ut ipsi vocant, in Martis dominio, parantur duæ imagines, una cerea, altera ex hominis mortui terra : & ferrum, quo homo necatus fuit, traditur alteri imagini, ut alterius necandi simulachri caput transfigat. In utraque duo inscribuntur nomina, & characteres scõrsum peculiares : & certo altera reconditur loco.

§ 7. In mulieris amore conciliando, conficitur in hora Veneris imago, ex cera virginea in amatæ nomine : cui character imprimitur, & circa ignem calefit : & inter agendum, cujusdam angeli memoria in mentem repat. Non absimile monstrum fingitur, ut quis tibi in omnibus obsequatur.

§ 8. Ut tandem capillitio suspendatur nostra hæc malefica, & hujus nugatorii ætus scena tragicum sortiatur exitum, apparatur effigies ex terra capitis mortui hominis, in alterius nomine baptisanda, cui nomen cum charactere inscribitur : hinc osse putido sufficitur, & inverso ordine leguntur Psalmi, Domine Dominus noster, Dominus illuminatio mea, Domine exaudi orationem meam, Deus laudem meam ne tacueris, &c. Deinde duobus diverse locis ea sepelitur.

§ 9. Ut periaptorum, characterum, figuratum, annulorum, imaginum, reliquorumque id genus prodigiorum vanitas ubique explodenda, omnium obtutui lucidissime pateat, formulas has sacrificio sutreptas suppressere nolui, quo de cæteris ejusmodi hominum ludibriis facilius pronuntiaretur sententia : quibus si vel veritatis momentum inesse levi solum cogitatu suspicatus fuisset, eas haud dubie evestigio, cui debentur, consecratas excepisset Vulcanus.

*Quibus verbis stupor ac taciurnitas in tormentis & questionibus induci & solvi creditur.*

#### C A P. XII.

**I**NVENIUNTUR, qui, cum scelus aliquod capitale admiserint, vel antequam subjiciantur quæstioni, vel interea dum torquentur, quorundam aut scriptura, aut prolatione verborum consequi sibi videntur, ut & tacere possint, & nihil omnino sentire. Id quod tam firmiter sibi persuasum habent, ut fuerint, qui hac fiducia ultro se tum carceri, tum quæstioni obtulerint. A diabolo enim, cujus interest scelera non puniri, sed indices accumulari, confirmantur in malo, nec solum organis vocis obstructis impediuntur, ne loqui possint, verum gravi etiam somno opprimuntur, ut nec audiant interrogata, nec tormenta sentiant. Interim tamen his illi penduli verbis ac versibus, sane perquæ-

*avædnon utuntur :*

C c c

*Impa-*

*Imago, ut capillu suspendatur malefica.*

*Quomodo tormenta quidam non sentiant.*

*Verba stuporem & taciurnitatem inducentia.*

*Imparibus meritis tria pendes corpora ramis,  
 Dismas & Gestas in media est divina potestas:  
 Dismas damnatur, Gestas ad astra levatur.*

*Psal. 44.*

Sunt, qui verba Prophetæ eructent: Eructavit cor meum verbum bonum, veritatem nunquam dicam regi. Alii autem hac prece se mununt: Quemadmodum lac beatæ glorioſæ Mariæ virginis, fuit dulce & suave Domino nostro JESU Christo, ita hæc tortura sive chorda sit dulcis & suavis brachiis & membris meis. Alii vero saltem hæc proferunt: JESU autem transiens, per medium illorum ibat. Os autem non comminuetis ex eo.

*Luca 4.  
 Joan. 19.*

§ 2. Et tamen contrarium videmus eventum. Licet enim *αιδη-  
 θην* ita dæmon occupet, ut nihil sentiant: ossa tamen illis comminuantur & confringuntur. Qua etiam ratione probari posset, eorum verborum nullam esse vim: quin ridicula potius esse, quam credibilia, quæ jam proposuimus. Enimvero nec diabolo quidem esse permillum, ut efficiat aliquid ejusmodi, interea dum iis ut superstitione utantur flagitiosi, propter duas mihi causas videtur. Primo, quod, cum omnis potestas à Deo sit, diabolus nec ipsi, nec legitimis ipsius actionibus possit resistere, ut nocentes publicæ eripiat justitiæ: sicut docet D. Augustinus, & Thomas Aquinas. Secundo, quod impunitas scelerum Deo non placeat, & malefaciendi licentia minime permittatur: alioquin institutus ordo & justitia Dei sibi invicem repugnarent.

*Diabolus  
 cur non  
 semper lin-  
 guam &  
 sensus im-  
 pediat.  
 Rom. 13.  
 De civit.  
 Distib. 10.  
 Thom. 2. q. 5.  
 prima par-  
 tu trahit.  
 qq. tit. de  
 miracul. de  
 Senten.  
 excomm. c.  
 infama. l.  
 ita vulue-  
 rat 9. D.  
 adl. 19.  
 Tractat de  
 quæst. &  
 viti. q. 4.  
 num 14.  
 Tormenta  
 nil curat  
 far.*

§ 3. Sed tamen hominum impietate sic merente, sæpius hæc accidisse fateor. Testatur enim clarissimus Jurisconsultus Paulus Grillandus, se bis id & vidisse, & in factis comperisse, his verbis, Primo Pisis, dum essem assessor magnifici Domini Capitanei illius civitatis: deinde Romæ, dum essem auditor criminalium causarum reverendiss. domini Auditoris Cameræ, ubi quidam fur sagacissimus, & duplicis militiæ reus, contra quem erant examinati quindecim testes, super diversis indiciiis magni furti 137 ducatorum aureorum, habens notitiam, quod curia præfati Domini Auditoris procedebat contra ipsum, antequam personaliter compareret, accepit nonnulla sortilegia contra torturam: quibus expertis iterum atque iterum videns, quod sufficiebant ad parrangonem, quadam die, dum ego essem in ædibus turris novæ, ad examinandum quosdam alios reos, ille sponte veniens accessit ad me, & se constituit in carceribus ipsis, dicens, quod ultro venerat ad purgandum indicia, & notam infamiæ sibi illatæ. Contra quem tamen necesse fuit devenire ad torturam, tot indiciiis contra ipsum laborantibus.

In qua

In qua dum erat elevatus, dormiebat capite clivo, ac si jaceret in lecto, *Nihil san-*  
 absque ulla penitus lamentatione, aut clamore: & ad tractus chordæ *tient doloris*  
 erat tanquam statua marmorea. Qui, dum elevabatur à principio, dicebat quædam verba submissa voce, deinde filebat ut dormiens. Statim ego suspicatus fui, ne gestaret aliquod sortilegium sive facturam maleficam penes se, aut ex illis verbis captaret aliquod suffragium. Perquisivi igitur quam diligenter per omnes parres corporis sui, demumque reperi in capite, sub scuffia scilicet inter crines, quandam parvam schedulam hæc verba continentem, videlicet: † J E S U S autem transiens † per medium illorum ibat † os non comminuetis ex eo † cum crucibus ira signatis. Quam illico abstuli ab eo. Qui licet illa sic ablata saris conquereretur, nihilominus iterum positus ad torturam, & elevatus iterum, illud idem sicut ante faciebat, & in principio ipsius elevationis nonnulla verba submissa voce dicebat, quæ percipere nunquam potui, nec quicquam confessus est. Demum mutatis tormentis, sub tormento taxilli subiectus fui, & similiter spernendo dolores, nihil unquam confessus est: sed in sua negariva semper audacius convaleuit, adeo quod necesse mihi fuit eo instante, ab inquisitione eundem absolvere. Similis casus occurrit Hippolyto de Marsiliis, dum erat officialis ducis Mediolani.

§ 4. Iterum ait Grillandus: Necdum est annus clapsus, quod auctivum alium Romæ positum ad torturam, & repetitis vicibus graviter cruciatum, qui verba de laetæ Mariæ virginis submissa voce proferebat, & nullum dolorem pati, sed cuncta spernere videbatur: & dormiebat sicut alius in tortura: ac quanquam à tribus iudicibus, præfente procuratore fiscali, examinatus esset, nulla tamen unquam ab eo confessio extorqueri potuit, licet correat & criminis socius id fateretur expresse, & illum in socium nominaret: cujus processum vidi, illumque cognovi.

§ 5. Aliud exemplum, quod similiter in facto accidit mihi Romæ, cujusdam maleficæ mulieris, quæ antequam elevaretur in tortura, verba quædam submissa voce dicebat: deinde elevata filebat penitus velut mortua, & nigrior apparebat in vultu carbone extincto, oculos extra caput valde tremendos, more illorum qui strangulantur, emitrens, & nihil penitus loquebatur neque boni neque mali. Ultima autem hæc historiola minime nostro obstat instituto. Nam si ex lamiis nostris illa fuit malefica, quid mirum, si diabolus linguam ei faucesque præcluserit: ne scilicet illa suam innocentiam probaret, & dæmonis ludibria detegeret.

*Hippolyt. de  
Marsil. in  
l. repeti.  
col. 4. ff. de  
quaest. A-  
liud exem-  
pla m.*

*Exemplum  
mulieris.*

*Carnificis  
pertinacia.*

§ 6. Superioribus vero exemplis simile nuper habuimus Antwerpiz, in carnifice ejus urbis Gelenio, natione Gallo: quem cum innumera, eaque notiora flagitia commisisse nemo non sciret, adigi tamen nullo tormentorum genere, quamvis immani, potuit, ut ea confiteretur, in tantam statim *durissimam* ac sensuum pene omnium alienationem incidebat. De qua cum prudentissimus Senatus Medicos ordinarios consulisset, ejusmodi stuporem non nisi pharmacis quibusdam somniferis induci posse deprehendit: cujusmodi supra, Libro terrio capite decimo-septimo, descripsimus. Vel etiam alia ratione eam torturæ tolerantiam, ut imensos nimirum ille cruciatus perferret, Deus permittere potuit, vel quo iisdem ad resipiscentiam tandem cogere-  
tur, vel ut reprobus acerbiores dignasque extremæ pœnæ lueret. Si-  
quidem gladio tandem cæsus est, citra ullum pœnitentis animi indi-  
cium ebrius, qui multis retro annis, se hominum utriusque sexus innum-  
erorum sanguine inebriarat, quos multifario supplicii genere ob fi-  
dei confessionem, vira spoliaret.

*Tractat, de  
quæst. &  
terr. q. 4.  
num. 16.  
An verbis  
dissolvatur  
taciturnitas  
& super.  
Psal. 44.  
& 118.  
Psal. 50.  
Psal. 7.  
Psal. 9.*

§ 7. Nonnulli tamen, ait Grillandus, dixerunt, quod adversus istas conjurationes & maleficia taciturnitatis reperiuntur remedia quædam, quæ diversis precibus conficiuntur. Ex quibus dicunt, quod omnes ligantur & maleficia hujusmodi dissolvuntur, & reus gravissima tormenta & cruciatus patitur in corpore: & inter alia solent dicere verba illa prophetæ: Eructavit cor meum verbum bonum, dicam cuncta opera mea regi: & Dominus labia mea aperiat, & os meum annuntiabit veritatem: & Confundatur nequitia peccatoris, perdes omnes, qui loquuntur mendacium: & Contere brachia iniqui rei, & lingua maligna subvertetur. Ex quibus verbis, precibus & exorcismis, dicunt maleficia ipsa resolvi, & reum mirabiliter cruciari. Vide Paridem de Puteo, in Tractatu de Syndicatu, c. tortura. lo. 3. fol. 113. & Sylvestr. Prior in Tract. de Strig. demonst. mirand. lib. 4. cap. 5. Super quibus tamen cogita, ait ille, quia de virtute ipsorum remediorum possem quicquam certi attestari, ex quo illa nunquam expertus fui, nec per alium experiri hæcenus vidi.

§ 8. Ego vero, licet & D. Grillandus, & mille alii oculis id viderent suis, tamen virtute verborum, sive prolatorum, sive pictorum, sive sculptorum, fieri posse nunquam credam. Enimvero si ille etiam schedula spoliatus, nihil adhuc, crudelius licet distractus, confitebatur: nec submurmurata verba insensilem habitum inducere, satis superque à me ostensum est. Quare vel somnifica re assumpta, aut à diabo-

bolo,

bolo , quicum antea pepigisse animo tales , eiq; se devovisse , & etiam traditos esse necesse est , insensibilitate illata id fieri sentio , quum dæmoniacos complures Libro quarto à me enarratos , variisque cruciatibus à diabolo exercitos , nihil eorum sensisse , sed postea velut è somno surrexisse , commonstraverim . Statuendum itaque , si quid tale eveniat , id dæmonis atti potius tribuendum esse , qui ut spiritus , cerebri humores turbat , soporem movet , nervorum originem obstruit , sensum tollit & stuporem inducit , chartulis vel verbis in eum finem admisis , ut eorum apparatus quippiam inesse virium consideretur , atque interea reliquis Satanæ dolus lateret .

Cap. 10.  
11. 12.

§ 9. Idem dictum volo ad torturam vetulæ Brugenfis , quæ tum habitu , tum victu , tum incessu , tum moribus , tum fucata sanctimonix specie ab omnibus observabatur , habebatur in precio & plurimi fiebat , veluti vera Christi apostola , quod multarum matronarum liberos quasi miraculose curaret , gibbos liberaret , crura tibiaeque ilico restitueret , idque non arte , aut externo medicamine adhibito : verum qualiscunque pieratis aliquo exercitio adjuncto , nempe ut uno , duobus , aut tribus diebus jejunarent , panis solius & aquæ usu : vel ter legerent orationem Dominicam , aut inviserent Mariam Ardenburgensem , aut S. Arnoldum Audenburgensem , aut S. Jacobum , aut S. Habertum Ardennatem : vel ut missam unam aut alteram religiose audirent , aut aliquot preculas persolverent ægri . Hisce rebus ex præscripto rite expletis , ab incommodis postea liberabantur ægri , propter confidentiæ insignis de mulierculæ potentia conceptæ prærogativam . Exigebat etenim prius , ut , se posse , firmiter crederetur . Atqui extorta tandem doli confessione , licet aliquandiu torturæ & quæstiones frustra fuissent adhibita , exilio à prudenti Senatu puniebatur . Historiam integram leges in Rerum criminalium praxi cap. 37. de quæstione sive tortura , Jodoci Damhouderii Brugenfis .

§ 10. Quidam Jacobus nomine , mihi non ignotus & familiaris , torturæ ex magistratus decreto subjiciendus anno MDLXXIX , se ad insensibilitatem premunire volens , prius opium vorat , sed justæ quantitatis ignarus , cum multa præcordiorum angustia , sopore tandem oppressus gravi , expirat . Schedulam apud ipsum mortuum inventam , & propria illius manu scriptam , qua opii drachmas tres sibi è pharmacopolio adferri jusserrat , vidi , legi , & characterem agnovi : quod certe dolenter refero .

§ 11. Insensibilitatem doloris & cruciatuum quoque inducere ,

teste Aaron & Hermete, lapidem Memphitem à civitate Memphis dictum, si vitus & aquæ mixtus propinetur ei, qui quæstionibus erit subjiaciendus, asserere Albertum Magnum eadem fide, qua plura alia, hic prætermitti non oportuit. Vide & circa finem capitis 16. lib. 3. & cap. 7. lib. 6. sequentis.

*Figurato nullam inesse vim ratione figuræ.*

C A P. XIII.

**H**IC liquet, quantum fidei sit adhibendum fucò dæmoniaco, ab Hieronymo in vita D. Hilarionis eremitæ descripto. Ejusdem, inquit Ille, Gazensis emporii oppido, virginem Dei vicinus juvenis deperibat: qui, cum frequenter tactu, jocis, nutibus, sibilis, & cæteris hujusmodi, quæ solent morituræ virginitatis esse principia, nihil profecisset, pettexit Memphim, ut confello vulnere suo, magicis artibus rediret armatus ad virginem. Igitur post annum doctus ab Æsculapii vatibus, non remedianis animas, sed perdentis, venit præsumptum animo stuprum gestiens: & subter limen domus puellæ, tormenta quædam verborum, & portentosas figuras sculptas in æris Cyprii lamina, defodit. Illico insanire, virgo, & amictu capitis abjecto, rotare crinem, stridere dentibus, inclamare nomen adolescentis. Magnitudo quippe amoris eam in furorem verterat. Perducta ergo à parentibus ad monasterium, seni traditor, ululante statim & cõfrente dæmone: Vim sustinui, invitus sum abductus: quam bene Memphis somniis homines deludebam? O cruces, ô tormenta, quæ patior. Exire me cogis, & ligatus subter limen teneor. Non exeo, nisi me adolescens, qui tenet, dimiserit. Tunc senex: Grandis, ait, fortitudo tua, qui licio & lamina strictus teneris. Dic, quare ausus es ingredi puellam Dei? Ut servarem, inquit, eam virginem. Tu servares, proditor castitatis? Cur non potius in eum, qui te mittebat, es ingressus? Ut quid, respondit, irrarem in eum, qui habebat collegam meum, amoris dæmonem? Noluit autem sanctus, antequam purgaret virginem vel adolescentem, signa jubere perquiri, ne aut solitis incantationibus recessisse dæmon videretur, aut ipse sermoni ejus accommodasse fidem: asserens fallaces esse dæmones, & ad simulandum esse callidos. Magis autem, redita sanitate, increpuit virginem; Cur fecisset talia, per quæ dæmon intrare potuisset? Hucusque Hieronymus.

§ 2. Sed puellam magis obsedisse amorem mentiens dæmonium, quam amorem, mea est sententia. Nec verborum aut figurarum in lamina incisarum potentia id contigit: sed quod diabolo occasionem submini-

*Dæmon mendum, ut illis quisque detineri persuaderetur abis.*



subministrasset, quemadmodum exprobrat Hilario, eam exercendi facta illi fuit potestas. Qui ad ejusmodi magicas curationes in morbis confugiunt, severe redarguuntur à Basilio in explicat. Psal. 45. Parvus, inquit, filius incidit in morbum, tu mox incantatorem requiris, vel supervacaneos variosque characteres vel figuras aut literas puerorum innocentium collo suspendis, &c.

§ 3, D. Thomas quoque credit, annulos, vel quicquid est figurarum ex arte, nihil operari ratione illius figuræ: neque ex illa figura majorem vim recipere à corporibus cœlestibus, quam non sic figuratum: quoniam, quæ ex arte fiunt, non sequuntur materiam, neque formam. Idem & de verbis prolatis sentit: quoniam verba nihil mutant, nisi auditum. Verissime ergo, imagines ex ære, plumbo, auro, cera alba, rubra, vel alia materia baptisatas vel adjuratas, consecratas, imo potius execratas, per magorum artes & sub certis diebus, virtutes obtinere mirabiles, in ejusmodi artium libris recitatas, errorem esse scribit Martinus de Ailes theologus.

*In libell. de  
Oculis  
naturæ opo-  
rib.  
Figurate  
nulla inest  
vis ratione  
figura.*

*Lib. de Su-  
perstitione.*

§ 4. Et Porphyrii opinionem de talibus construendis imaginibus, fuisse falsam, comprobat D. Thomas Augustini testimonio, libro 10. de Civitate Dei. Verum quidem est, res naturales, formas suas & virtutes consequi ex corporibus cœlestibus: sed imagines artificiales nullam ab arte virtutem imbibere, aut aliam esse qui vim queunt, nisi quam ratione materiæ obtinent. Figura autem, non est alterandi vel actionis principium. Ideo nec aliis virtutis causam habet aurum ejus imaginis, quam aliud aliter figuræ aurum. Atqui si alium consequi effectum appareat, fitis dæmonum operatione, homines ludificantur, secundum Augustinum. Tales itaque imagines astronomicæ vim adipiscuntur per dæmonem. Cujus signum est, quod illis imaginibus quosdam imprimi characteres oportet, cum naturali virtute operentur nihil. In hoc tamen à magicis simulachris discrepant astrologica, quod in magicorum compositione fiunt expressæ quædam dæmonum invocationes, unde ejusmodi effigies ad expressa pertinent pacta cum dæmonibus inita. At in astronomicarum factura, tantum existit cum dæmonibus fœdus, per quosdam characteres & figuras ab ipsis dæmonibus inventas, ad quorum characterum impressionem, facientibus suffragantur dæmones. Hactenus ille.

*Thomas  
Aq. in li-  
bro contra  
gentes, de  
Fato, de O-  
peris natu-  
ra oculis,  
& præcipui  
in 2. parte  
Summa  
theologica.*

§ 5. Scitè igitur à Cardano, philosopho & medico, scribitur: Licet sigillis vim non levem tribuant, ut Solis, ad magistratus honores & gratiam cum principibus, Jovis, ad divitias & amicos, Veneris, ad volupta-

*Lib. 12. de  
Subtil.*

Lib. 16. ca.  
90. de Va-  
rietate.  
Similia a-  
pud A-  
grippam de  
Occult. phi-  
los. 1. 33.  
& 111.  
29. 30 & 31.

luptates, Mattis, ad audaciam, Mercurii, ad solertiam, Saturni, ad laborum patientiam, Lunæ, ad populi favorem : non ignoro lapides prodessse, figuram autem nihil. Idem, ubi magicæ stultitiæ maximi in ea arte Artephii placita enarravit, ac non solum dolosos, sed etiam mente captos fuisse magos monstravit: prodigiosos inde planetarum characteres, item annulos terrificis planetarum notis insignitos, & sigilla monstrosi eorum formis munira delineat, mox subiungens : Hi sunt characteres dolosa mente excogitati, quorum virtutem nullam esse certum est. Nam quid his characteribus cum planetis ipsis rotundis commune est? At ne nomina putes aut Arabica aut Chaldæa, aut Hebræa aut Græca. Quod si etiam essent, quid plus eis inesset virtutis quam Latinis? Igitur figmenta mera esse oportet, nulliusque virtutis : quam si contendas obrinere, non nisi dæmonum pacto fieri potest. Quis etenim talia invenire valuit, nisi dæmonum persuasionibus? At jam dæmones nihil docere constat. Dicent, autem, formas esse in Nona sphaera, quæ in India videntur. Ita siquidem malus ille Apopenfis finxit. Sed concedatur : quis vero postmodum docuit, hunc characterem Solis esse, illum Saturni? Hinc clare liquet, delirantium hominum hæc pura fuisse commenta. Plura inde magorum deliramenta ordine ex Artephio ibidem recitantur.

§ 6. Si contendant magi, se rebus naturalibus uti, characteribus, figuris, herbis & verbis, publica alioqui dæmonum commercia abominati: hinc reselluntur, quum sit apud Aristotelem & omnes naturales philosophos compertissimum, adivas virtutes non posse figuris inesse, uti nec literis vel quibuscunque characteribus, cum nihil aliud sint, quam compositio & ordo, excogitatus ab artifice seu pingente seu fingente : præterea & materiales imagines ultra suam speciem & formam operari non posse, testatissimum est, multo minus admirabiles supra naturæ legem producere effectus. Signa vero si dicantur, ea quum divinitus instituta non sunt, quin potius rejecta, & à natura abhorrentia, restat, ut plus quam superstitiosa sint, & à dæmone inventa, vel palam fabricante, vel clam in male credulorum phantasiam suggerente. Somnia item sunt, quod figuras & characteres in elementalī materia impressos parere radios fingat Alchindus Arabs, quibus motiones in rebus aliis excitentur, quum illi quatenus ex arte fiunt, nullo modo causatum superiorum influxus commoveant.

§ 7. His adde Porphyrii deliramenta, quibus figuras à diis maxime amari, eosque in factata imagine contineri imaginatur:

contra

Contra Aristotelem, atque etiam Theologos, qui characterum, herbarum, aut etiam verborum vi, separatas mentes supra hominem in aliqua materia coerceri posse negabunt. Si quem characterum juvabit varietas, si quid dignitati vel vetustati eorum tribuendum quis contendat, in *μυσθόριον* hominis lineamenta, notas & multiformem characterem collinet, adeoque ipsum cælum, terram, & omnia quæ in eis sunt, vigilantibus inspectione consideret, inveniet profecto, quod contemplatu & admiratione sit dignissimum. Quapropter otiosa, patrocinate veritate, prodigiosorum hujusmodi figmentorum permanebit fabrica.

§ 8. Pono sacra verba ea pollere virtute, si denuo eo confugiat, ut notatis solis literarum figuris tam mirabiles progignantur effectus, comminisci, certe impium est. Evangelii efficacia, non in exaratis characteribus, huic figuræ vel illi annulo, sigillo aut imagini applicatis, verum in virtute mystica, ad salutem credenti, consistit. Verbum Evangelii in corde juxta viam satum, auditum, & non intellectum, rapit malus ille: auditum autem, protinusque cum gaudio exceptum, radicem, ut in petra satum, non habens, continuo evanescit: auditum item, & cura hujus seculi suffocatum, ut semen inter spinas injectum, infœcundum manet, inefficaxque: sed auditum & intellectum, firmaque fide apprehensum, efficax est, hominemque in novam commutat creaturam, & mentes consolatur afflictas, adversus dæmonis insultus communiens, ardentique invocatione in Christi nomine inflammans, exorante quæcunque petuntur: non autem hoc præstat chartis illitum verbum, aut cuicumque materiæ impressum insculptumve, vel collo alligatum, sive superliminari inpositum, aut subtus limen in terra sepultum. Tantum enim abest, ut intuitu pictarum aut incisarum insculptarumve Scripturæ sacræ vocum aut sententiarum, quacunque sint expressæ forma, terreatur, fugetur aut vinciat diabolus, ut etiam ipse eandem probe calleat, nec allegare erubescat, quo fallat cautius: quemadmodum cum Christum tentatione impeteret, fecisse legitur. Bona autem conscientia, viva fide, ex vera Dei agnitione & Spiritus sancti inspiratione prognata, atque verbi Dei potentia prostermitur ille, profligaturque. Hinc ligaturas omnes & remedia, quæ medicorum condemnat schola, jure optimo quoque Augustinus rejicit.

Rem. 1.  
1. Cor. 4.  
Matth. 13.  
Marc. 4.  
Luc. 4. 8.

Matth. 4.  
Marc. 1.  
Luc. 4.  
Tsal. 90.  
Lib. 2. de  
div.  
Christ.

*Forma curandi maleficii superstitiosa. Item alter modus sustinendi demonis.*

G A P. XIV.

Jo. Echti-  
medicus.

Supersti-  
tiosa da-  
moniacæ  
virginis  
curatio.

**N**on inconvenientem curandi maleficii modum mere superstitio-  
sum, quanquam mysterii loco habitum, hic ascribam, ut eviden-  
tius quorundam hominum eluceat impia credulitas. Hunc insignis  
doctrinæ, integritatis atque usus vir D. Joannes Echtius, *largis μα-  
λῶν ἀνδράσι* αἰών, pro suo candore, communicavit: quod cum non  
approbaret, sed risui una mecum exponendum arbitretur: à matre  
autem ægrotae natus erat, quæ studiose religioſeque omnibus obser-  
vatis, filiam curatam, si diis placet, affirmabat. Historia, cui annexi-  
tur curatio, sic habet: Clarissimi juriſconſulti N. filia, annos nata cir-  
citer tredecim, monialis (quam vocant) monasterii non procul à Su-  
ſato ſiti, maleficio laborare credebatur. Nam venter tumidior erat,  
ut hydropicam quis judicaſſet: & cum loſio calculos excernere vide-  
batur, qui vera erant fragmenta lateritia inæqualia, magnitudinis  
avellanae nucis, & minora, præcedente ſummo dolore. Adhæc, alter-  
rum crus habebat luxatum. Quocirca, quum extrema metuerent mo-  
niales, & puellæ parentes, ea Coloniam deferrebat, accerſebantur-  
que duo celeberrimi ejus urbis medici, D. Joannes Echtius, & Hu-  
bertus Faber. Qui, re ad exactam artis trutinam vocata penſiculata-  
que, demonis opus foveri judicarunt.

§ 2. Ad puellæ itaque curationem adhibebatur quidam ariolus  
vetulus, nomine Abrahamus, qui hanc ſanandi formulam parentibus  
præſcripſit. Omnium primo ſacta adminiſtretur ſynaxis. Deinde po-  
tionis ſequentis cyathus parvus plenus, vel vitreus, matutina hora &  
veſpertina puellæ maleficio affectæ propinabitur. Recipe Rhabarbari  
electi drach. 1. radices enulæ, artemiſiam rubram vulgo dictam, cen-  
taurium minus, mentam aquaticam. Hæc ſimul, præter artemiſiam, in  
olla nova indentur, & in honore ſanctorum trium nominum ebullient  
in vino albo: artemiſia autem in aquæ pinæ, quam hic vocamus, un-  
ciatam duodecim pondere æquivalente decoquetur. Item pauperi  
alicui homini pio commendabitur recitatio orationis Dominicæ &  
ſalutationis Angelicæ, quinquies ſeparatim repetenda: prima, in no-  
mine puellæ maleficio læſæ, quod Chriſtus in hortum duceretur: ſe-  
cunda, quod Chriſtus aquam & ſanguinem ſudavit: tertia, quod CHRIS-  
TUS JESUS condemnabatur, quarta, quod JESUS citra culpam in  
crucem conjiciebatur: quinta, ob Chriſti paſſionem, quod in cruce ex-  
piraret,

Rhabarba-  
rum qui-  
dem bilem  
vacuat, ſed  
quorſum  
hoc cum re-  
liquis plan-  
tis pellendi  
demonis  
conferat?

piraret, ut sagam convertere, & illatum malum amoliti dignetur Jussus. Præscripto modo hominem simplicem in genua provolutum, attentione summa orare oportet: deinde octo diebus continuis Missam audire ægrotam, & consistere, ubi recitatur Evangelium: atque in cibo & potu aquam lustralem, saleinque expiatum miscere.

§ 3. Alia quædam puella exagitata aliquandiu à dæmonio, ejus inspiratione ira liberabatur, ut itinere satis longo & recto singulis fere passibus in genua procumberet Marcodurum usque, nusquam è via communi trita descens, etiam si fovea, aquæ, lurum vel excrementa essent obvia, in iis quoque genibus devolvi opporuit. At in ara sacra D. Annæ (ad quam frequentissimus ibi religionis ergo concursus) missa celebrata, liberationis indicium iri ostensum pollicebatur dæmon. Proinde circa puellam sub missæ actione se conspexisse umbram candidam, ait sacrificus: quam quoque puella se observasse, tanquam certissimam liberationis notam, asseruit. En dæmonis fucum, quo *οὐδ' αὐτοματὶς* stabiliat.

§ 4. Domum à lemuribus turbatam, Theophrasti Paracelsi assecræ vindicant liberantque, suspensis in quatuor domus angulis membranarum virginis, quas vocant, quibus inscriptum est: Omnis spiritus laudet Dominum: vel, Mosen habent & prophetas: vel, Exurgat Deus, & dissipentur inimici ejus. Si eodem modo suæ artis statuunt principia, quo hanc commenrati sunt curationem, dæmonesque fugare conantur, non est, quod vererem medicinam, eversum iri metuamus. Absurde enim prima hæc sacri Vatis sententia in chartulis suspensa, ad dæmones exturbandos usurpatur. Nam omnis spiritus, hoc est, quicquid spiritu & vita fruitur, laudet Dominum: non aurem ab impio, multo minus à diabolo, laudem suam celebrari vult Deus. Quomodo etiam instituto respondeant illa verba Abrahæ, diviti epuloni reddita, Mosen habent & prophetas, ipsi judicent. Si ætiam urgeant sententiam, ad Caput nonum hujus Libri, de Periaporum virtute, eos relego.

*Obsessio curatio fuerit.*

*Paracelsica dæmonum prestigatio. Tsal. 150. Luca 16. Tsal. 64.*

*Maleficæ curationes chirurgi.*

C A P. XV.

**A**d insignis malitiæ chirurgum, qui multos annos toleratur apud Geldros, quandoque etiam Colonæ, anno supra sesquimillesimum sexagesimo septimo in ætate, apud impeditioris linguæ nobilem in ducatu Montenli, quem quoque sefellir, promotum, quum forte poculis ibidem indulgeret, accessit ejusdem nobilis minister, proximæ

*Chirurgus sceleratus.*

arcis præfectus, nomine Elbertus, calantica ægrototum more testus ut medica ejus opera, sic persuasus, uiceretur. Hic mox vittam lineam ex capite abjici jubet medicaster, atque ut secum cyathos exhauri at hortatur ægrum. Quod quum hic averfaretur, sibi que à medicis, vino ut parce uiceretur, imperatum assereret: respondit iste, sibi alias occultiores esse curandi rationes, quas nescirent reliqui medici. Id ideo tentatum, ut à bene poto, nec satis ob id prudente, liberaliorem curationis suæ mercedem pacisceretur, ejusque dimidium, quod ei moris est, ante auferret. Hinc seorsum cum ægroto secedit, morbi magnitudinem proponit, causamque esse maleficium, in universam deinde ejus familiam atque pecora proserpturum sævissime, nisi obviam iretur, perfriðissima fronte mendaciter imperito homini persuadet. Tandem ubi de ampla curationis mercede transactum esset, diligenter porro industrieque inquit, num quem domi inter familiam aleret, cui fidi queat? respondit ægrotus, se famulum & filiam habere. Impositor, quot annorum esset filia, rogat: ait pater, Viginti: inquit impositor: Satis est, hæc erit nostro instituto & actionibus non inidonea. Inde jubet utrumque parentem ad filiæ pedes procidere suppliciter, & obnixè orare, ut in cunctis medico obsequeretur, dictoque audientem se exhiberet, alioqui non rite consuli posse patris valetudini: cuius uterque cupientissimus ad filiæ genua provolvitur, supplexque ex nebulonis istius præscripto obsecrat & obrestatur. Tum mandat, ut pilum tam suum quam uxoris, item filiæ, necnon omnium, quos domi aleret, hominum, ut & brutorum, abscissum, filiæ traderet, sibi in arcem, ubi ægrotus degeret, certa atque constituta hora deferendum. Hac fabulæ epithefi industrie ad hunc modum instituta, ad reliquos actus progreditur. Nam quum illa ad præscriptam horam, dicto obediens, ut patris sanitati consuleret, advenisset, in conclave seorsum ducitur: ubi longa simulanter habita occulta oratione, librum, qui in mensa erat, aperit, duosque cultros decussatim transverso in eo ponit, multo cum murmure, diris item conjurationibus, scitis his illisque characteribus: tandem & circulum in terra ducit, in quem & alterum cultrum à se adjurationibus exectatum, à puella configi jubet: tum interpositis aliquot non intellectis susurroque prolatis verbis, alterum cultrum, ut ante factum erat, desigendum tradit: deinde puellæ metu consternatæ offulam quandam offert edendam, illique refraganti eam perfrigidam (sic enim illa narravit postea) in os inierit: qua accepta, ita perturbata visa est, sive metu seu alia occasione, ut sibi non

satis

fatis constaret. Hinc pectus nudari iussit, sicque mammillis diu poppismo seu palpo tractatis, supinam inclinari detecto ventre voluit. Qua in re ubi puella pudica se difficilem præberet, atque hic Tragicus comædus patris exitium certissime subsequaturum, ipsamque in idem & gravius malum lapsuram, nisi morem gereret, minitaretur, necessarioque hic mutuam carnis contrectationem requiri persuaderet, in sinum prolapsus, pudoris mox zonam solvit, castitatisque munimentum perripit. Altero die eodem curationis modo observato, secundum fibulæ actum simul eum juvencula absolvit. Tentavit idem & tertio, sed solum bis ipsum suam satiasse libidinem, illa fassa est postea. Interea & medicamenta ægroto exhibuit singulis diebus tam crudelia, ut præsentem hic præ nimio cruciatu timeret mortem, ob idque lecto affigeretur continuo, quum ante inceptam curationem, quasi nihil incommodi pateretur, obambulare. Nec quidem immerito, quod mercurium præcipitatum huic fuisse propinatum, à prudentioribus & forte actionum medicastri consciis judicaretur. In iis suis tormentis & carnificina hunc quandoque suppliciter, licet venire detrectantem, advocat, lenimenque torturæ quærit: randem & dilectissimam filiam rogat, quid ipsa animadverreret consilii, & quem speraret successum ex curationis modo. Quam ubi pudore suffusam, ac in lachrymas pronam, vix quicquam respondere observaret, doloris causam extorquer. Illa rem omnem ordine patri explicat, & catastrophe dolum detegit, se etiam menstruam fluxionem ex eo congressu passam fuisse queritur, hymenis venarum ejusmodi insultu ruptarum imperita. Ex lamenrabili patris relatu hæc ad me pervenere. O verum maleficio! ô facinus horrendum, flagitium & scelus morte etiam crudelissima expiandum! Nec alio à me teterimum hoc factum promulgari quis arbitretur, quam ut in similibus casibus, alieno damno quilibet cautor, non tam faciles aures & obvias manus præbeat cuicunque, sanitatem tanta impudentia arrogantiaque pollicitant, & mercede iniqua stipulant. Interim actor hic suos habet, qui ipsam mirentur, prædicent, promoveantque, etsi quoque lippis & tonsoribus innorugit, eum licet provectioris ætatis, alteram duxisse uxorem, superstite etiamnum priore. Sed in eam mentis caliginem dilabi, proh dolor, hos, qui alio iniquius commissi gladii potestatem torquent, est quod gemitibus assiduus,

quum peccatorum nostrorum amplitudo sic mereatur, conqueramur.

§ 2. Cuidam nobili extreme decumbenti, contra febrem adhibuisse eundem chirurgum sequentem curationem, mihi referebatur, quum ad eundem deploratum postea accerferet. Tres ille radiculae partes huic obulerat, singulas semel mordendas, ad primam inquiring, Utinam Christus non esset natus: ad alteram, Utinam mortem non obiisset: ad tertiam, Utinam non surrexisset. Deinde illis collo appensis, jubet eum bono esse animo, si illae perirent: qui enim eas tolleret, hunc simul febrem ablaturum pollicebatur. Sic non multo post, empyemat, meo quidem iudicio, interiit.

§ 3. Usurpatus & is modus, Jesus Christus † qui natus est, liberet te N. ab hac infirmitate †: Jesus Christus, qui mortuus est † liberet te N. ab hac infirmitate †: Jesus Christus, qui resurrexit † liberet te N. ab hac infirmitate. Inde quinquies oratio Dominica & Salutatio Angelica recitentur quotidie.

§ 4. Ejusdem ordinis fuit is mediceaster, qui apud Xantos Clivæ, cuidam juveni ex tympanite tumescenti, nuper persuasit, seniore vipe-ram cum duobus rubris colli circulis, & duas juniores in ventre exundante foveri ex maleficio: & quum exactius observaretur, dum hunc curat, ne à vehementibus purgationibus, simul excrementis viperas mortuas miscere fraudulenter posset, tandem ægrotum partus dolores passurum fingit, ac proinde se oportere partibus pudibundis occulte manus adnioliri: cui respondet mater ægroti, admonita prius, suis manibus se effecturam, quicquid in eam rem desideraretur. Sic desit impostor, & post dies quatuordecim moritur æger, qui à quodam chiturgico eam ob causam secabatur, ut cunctis hujus nebulonis innotesceret dolus, quemadmodum & contigit: hinc incunctanter alio avolavit funesta hæc & infausta strix.

*Dæmones non aliter sanare morbos, quam à læsione ab illis injecta cessando.*

C A P. XVI.

*Fortalium fidei  
lib. 5. de  
Bello da-  
monum.*

**S**I jam objiciatur felix curationum harum magicarum successus: respondendo, In vita sancti Bartholomæi legi, dæmonem curasse morbos: atque hoc fecisse non sanando, sed à læsione, quam ipse injecta, cessando, ut tradit Abdias episcopus Babylonix, libro octavo Certamin. apostol. in hæc verba: In idolo Astaroth apud Indos dæmon erat, qui se curare languidos, & cæcos, quos ipse lædebat, illuminare fateretur. Erant enim sine Deo vero homines illi: & necesse erat, ut à Deo falso ludificarentur, qui ejusmodi arte illudit, verum Deum



Deum non agnoscentes. His concitat dolores, morbos, damna, pericula, datque responsa, ut ipsi sacrificent: & quum à se insecta remover, tanquam ab ipso sanentur, existimant omnes, nimirum stolidi: ille autem non sanando subvenit, sed à læsione cessando. Itaque cum lædere desinit, curasse putatur. Et post: Ipse diabolus arte reddit homines ægrotos, lisque suadet venerati idola: & ut sibi eorum animas devinciat, ab eorum vexatione desistit, ubi lapidi aut metallo dixerint, Tu es Deus meus.

§ 2. Et post ex Bartholomæi mandato fatetur dæmon, primo carnem hominum à se lædi, verum in animas nullam sibi concessam esse potestatem, nisi sacrificaverint. Deinde subdit: At ubi pro corporis sui salute nobis sacra fecerint, ab afflictione desinimus, quod tum in illorum animabus dominari inchoamus. Cum itaque à læsione quiescimus, eos curare videmur, & velut dii colimur, dæmones interum existentes. Pulchre id à Tertulliano etiam docetur his verbis: *In Apolog. cap. 22.* Habent de incolatu aëris, & de vicinia siderum, & de commercio nubium, cœlestes sapere paraturas, ut & pluvias, quas jam sentiunt, reprobmittant dæmones, benefici plane & circa curas valetudinum: lædunt enim primo, dehinc remedia præcipiunt ad miraculum nova, sive contraria, postquam desinunt lædere, & curasse creduntur.

§ 3. Adjungam quod in hanc sententiam Tarianus Assyrius, Iustini discipulus, qui claruit circiter annum centesimum septuagesimum, contra Græcos disserat: Nullus affectus, inquit, per occultam alterius rei dissensionem tollitur, nec ægrotus aliquis curatur amuletis, ut pelliculis appensis. Dæmonum istæ aggressiones sunt: & qui ægrotat, vel amat, vel odit, vel appetit ultionem, istos sibi auxiliores asciscunt. Utuntur autem dæmones hoc artificii modo. Quemadmodum figuræ literarum, & versus, qui inde conscribuntur, non per se possunt indicare, quod scribitur: sed hæc sibi cogitationum suarum signa homines constituerunt, ex certa ipsorum conjunctione, ita ut ortho literarum definitus est, rem intelligentes: sic etiam varix radices, & nervorum & ossium adhibitio, non sua natura aliquid efficiunt, sed tanquam elementaris institutio sunt improbitatis dæmonum, qui ad quid singula valere debeant, præscripserunt. Ubi vero ab hominibus usurpari viderint ministerium vel curationem ipsorum, superveniunt, & eos ad servitutem redigunt. Et post: Non sanant dæmones, sed dolo capiunt homines.

§ 4. Et recte Justinus ille maxima dignus admiratione, dæmones latro-

latronibus similes esse docuit. Siquidem ut illi viros aliquos capere solent, deinde pacta mercede familiaribus eos restituere: sic etiam, qui à vobis existimantur dii, quorundam hominum membris se insinuantes, deinde per somnum suam in illis gloriam fabricantes, in publicum prodire jubent: & in conspectu omnium, postquam desideratis ex mundo rebus se expleverunt, ab ægtis avolant, & morbum suo dolo productum obliterantes, pristinae valetudini homines reddunt. Testatur & D. Hieronymus, licet virtute magica possunt aliqua fieri miracula, ut illa, quæ pertinent ad curiositatem tantum, & vanitatem (Sicut Simon magus fingebat statuas ambulare, loqui, ridere, & similia) ea tamen, quæ sunt salubria, ut existunt curatio languidorum, illuminatio cæcorum, & hujusmodi, non posse artibus magicis sive à dæmonibus effici.

§ 5. Eleganter breviterque hoc dæmonis studium ac medelam expressit Cyprianus De idolorum vanitate, ubi post longam de Auguriis & Aruspiciis disputationem subjungit: Hi spiritus maligni afflatu suo vatum pectora inspirant, extorum fibras animant, avium volatus gubernant, sortes regunt, oracula efficiunt: falsa veris semper involvunt. Nam & fallunt & falluntur, vitam turbant, somnos inquietant, irrepentes etiam corporibus occulta mentis terrent, membra distorquent, valetudinem frangunt, morbos lacesunt, ut ad cultum sui cogant. Et mox: Hæc est de illis medela cum ipsorum cessat injuria. Nec aliud his studium est, quam à Deo homines avocare, & ad superstitionem sui ab intellectu veræ religionis avertere: & quum ipsi sint pœnales, quærere sibi ad pœnam comites, quos ad crimen suum fecerunt errore participes.

§ 6. Hinc Augustinus, & legitur 26. q. ultima, admoneant: Admoneant fideles sacerdotes populos suos, ut noverint, magicas artes incantationesque, quibus libet infirmitatibus hominum nihil remedium posse conferre, non animalibus languentibus claudicantibusque, vel etiam moribundis quicquam mederi: sed hæc sunt laqueus & insidiæ antiqui hostis, quibus ille perfidus genus humanum decipere nititur, & si quis hæc exercuerit clericus, degradetur, laicus anathematizetur. Idem fere in libro de Civitate Dei legitur: & 26. q. 2. qui sine. ubi mortem potius esse dicendam ejusmodi curationem, quam vitam, docetur. Idem: Valent dæmones affligere, quoscunque Deus propter peccatum, eorum tyrannidi subjecit. Isychius lib. 6. comment. in cap. 19. Levit. Pessimum est magis adhærere, quia dæmonum

monum inimicorum nobis & pestilentium nomina dicunt. Qui etsi ad breve tempus, ut in errorem mittant, videntur operari aliquid quod ad corporalem sanitatem vile & parvum, quale etiam imperiti medici operari possunt: veruntamen nec hoc ut boni, neque ut bene volentes hominibus operantur, sed in servitutem illos redigere, & à Deo separare cupientes.

§ 7. Ad curationum harum dæmoniacarum cognitionem facit, quod Sabellicus scribit: Talis, inquit, Circus ludorum fuit *Encead. 2. lib. 9.* pompa, quos tum instaurari contigit, quod quidam è plebe homo T. Latinus, sive Tyberius Atinius, ut alii scribunt, à Jove erat monitus, ut consulibus nunciaret, non placuisse sibi proximorum Circusum præfultorem: instare urbi periculum ingens, nisi darent operam, ut sibi ludi ex integro fierent. Id ille imperium quum forte detrectasset, veritus ne, si fidem non fecisset, pro ludibrio abiret in ora hominum: ita accidit, ut paucis diebus, quibus species illa fuerat homini noctu oblata, filium nulla evidentiore morbi causa amiserit. At tum iterum simili oraculo interrogatus, an satis magnam haberet specti numinis mercedem? Cæterum, quum rem adhuc in occulto haberet, subita est corporis debilitate afflictus. Tum demum propinquorum consilio usus, lectica primo in forum ad consules, mox per illos in curiam delatus, ubi, quæ per quietem fuerat jussus dicere, ordine exposuit. Miraculo accidisse ajunt, ut in pedes erectus, domum incolumis abierit. Sed malorum dæmonum aliquis Atinio in somnis affuit, qui futurum intelligens, ut paucis diebus ille filium amitteret, ipseque aliquanto brevius gravi esset morbo defuncturus: ubi scilicet à se affligi desisset, hanc fallendi ansam nactus, ut Romanum pop. in majores adhuc tenebras conjiceret, ridiculum illud ludorum schema oculis cæcæ multitudinis offudit.

*Fictam esse dæmonum Sanationem, & eam quandoque à Deo permitti ob imprudentium credulitatem, admodum sepe efficacem.*

C A P. XVII.

**I**T A Q U E liquet, fictam saltem simulatamque curationem quandoque exhibere dæmonem, à cruciamento, cujus ipse author extitit, desistendo libenter, cujus rei admiratione faciles hominum mentes illaqueet, sibi que infidelitate subjuget spiritus in dissidentiarum filiis *Ephes. 2.* efficax: hoc unum cum primis annitens, ut hi, quos defraudavit, eum divino cultu & honore dignentur. Vel Deū, ob contumacem hominum

E e e

incre-

incredulitatem, plerunque aliqua permittere credimus, ut videntes non videant, & audientes non audiant, nec intelligant. Vel quo modo ex confidentia in medicum, medicamentis plus accrescere interdum virium conspicimus: sic ex fide superstitiose adhibita ejusmodi incantationum verbis, quanquam ex Scriptura frequenter furto satisfique inconcinne subtrahitis, aliquid singularis energię accedere, non temere quis credat. Quod nec Galenum latuit, illum plures curare affirmantem, in quem plures confidunt. Tantum habet ponderis, intensa sanationis imaginatio. Quate Pomponatius dicere non veretur, in sanatione acquisita ex veneratione ossium Divis ascriptorum, si essent ossa canis, & tanta & talis de eis haberetur imaginatio, non minus subsequeretur sanitas. Multa siquidem corpora veneratione dignamur sæpe in terris, quorum animæ patiuntur in inferno, auctore Augustino.

§ 2. Ex majorum historiis recentique patrum nostrorum memoria, repetuntur plerique exempla, asseruntque non paucos ad sola vota sanctis, nescio qua credulitate & religione facta, aut ex cantactu contuitive ossium (non dicam thecarum) quæ de quorundam eadaveribus collecta ac reservata ferebantur, recuperasse amissam virium integritatem, sanitatis restitutione *et dolorum* stabiliente, universi cultus impii auctore unico diabolo. Imo inde natam pervasisse in animos hominum opinionem, auctamque ætare & roboratam inveterasse ajuunt: ut plus valere, longeque validius obortas corpori ægritudines evellere arque extirpare, sola vota statuis delata, quam remedia censerentur. Eam inolevisse consuetudinem addunt, ut, si quid adversi accideret, non divina desiderarentur auxilia, sed in subsidium illi invocarentur sancti, quos talibus præsidere ac dominari malis persuasum erat: neglectum ea ratione fuisse Deum, contemptuique & pro nihilo habitam medicorum operam, preces quoque Deo ad cælestium mandatorum præscriptum deferendas, directas fuisse ad sanctos, aut ad statuas: vim item medicatricem, divinitus remediis in natura ordinatis inditam, voris fuisse tributam.

§ 3. Quantum autem valeat constans credulitas apud vulgus, prope innouit. Credulitatem requirit superstitio, quemadmodum fidem vera religio. Tantum potest obfirmata credulitas, ut etiam miracula operari credatur in opinionibus & actionibus falsis. Quilibet enim in sua religione, etiam falsa, modo firmissime credat veram, spiritum suum ea ipsa credulitatis ratione elevat, donec assimiletur spiritibus

1. Pro-  
gnost. 2.  
Lib. de In-  
cantament.  
cap. 12.  
Imaginatio  
intensa san-  
nationis  
efficax.

Constantis  
credulitatis  
potentia.

tibus illis, qui ejusdem religionis duces sunt & principes: eaque videatur operari, quæ natura & ratio non discernunt. Hæsitatio vero & diffidentia, institutum opus non modo in superstitione, sed etiam in vera religione infirmant: & effectum quæsitum, licet multo usu confirmatum, enervant. Quomodo autem superstitio imitetur religionem, exempla ostendunt, inquit Agrippa: videlicet, quando excommunicantur vermes & locustæ, ne frugibus noceant: quando baptizantur campanæ & imagines, & ejusmodi plura. Sed quia prisca illi magi, & qui ejus artis authores apud veteres extiterunt, fuerunt Chaldaei, Egyptii, Assyrii, Persæ & Arabes, quorum religio omnis perversa erat, & idolorum cultu inquinata: cavendum nobis summo opere est, ne permittamus illorum errores supra nostræ religionis Christianæ puram veritatem dominari. Blasphemum enim hoc esset, & βαβυλωναι.

*De Occultis.  
Philosoph.  
libro 3.  
cap. 4.*

*Historiis non illepidis ostenditur, quantum in magicis curationibus valeat temeraria credulitas.*

## C A P. XVIII.

**C**ETERUM quid temeraria illa valeat credulitas, exemplis ostendam ridiculis: & prius non illepidum, à viro Ecclesiastico, non infimi nominis Theologo, accepi. Narrabat is, ad mulierculam quandam oculorum lippitudine aliquandiu laborantem, casu nebulonem divertisse, qui sanationem oculorum certissimam pollicitus, suspensa in ipsius collo schedula, tam cavit stricte, ne ea auferretur aut aperiretur aut legeretur, ut nihil hinc prorsus expectandum juvamenti asseruerit, si aliquo hic modo delinqueretur. Mulier in multam creditam spem confidens, à lachrymis se quoque continuit, quibus antea oculorum accrescebat vitium: atque hac ratione paulatim convaluit. Demum ob adeptam sanitatem schedula negligenter habita decidit: ejusque cui hætenus unice fidebat, animadversa dein jactura, redeunt lachrymæ, malumque rectudescit. Schedulæ interim ab alio inventæ, referatæ & lectæ, inscripta Germanico idiomate hæc agebat fuisse verba: *Der Teuffel eratzte dir die augen auff, und scheiffe dir in die löcher.* Quod si verbum verbo reddatur, sonat: Diabolus eruat tibi oculos, ac eorum foramina suo stercore impleat. Si horum aliqua fuisset virtus verborum, evulsi periissent oculi, cavitatibus dæmonis excrementis rursus infartis. Non omnino absurdum, Plinio referente, videtur illud Marci Servilii Noviani principis civitatis, qui in metu lippitudinis, priusquam eam ipsam nominaret, aliufve ei prædiceret, charram duas Græcis literis P & A inscriptam, circumligatam lino, subnectebat collo.

*Idem serm  
legitur in  
Libro Ger-  
manico de  
ludicris &  
serm.  
cap. 427.*

*Schedula  
ridicula  
collo ap-  
pensa.*

*Chartula  
inani collo  
subnexa.*

§ 2. Sic cuidam puellæ terrificio furore internum à dæmonio agitata, chartulam corio rectam, antea quidem in altari Missæ recitatione sacramentum scilicet, suspendit ecclesiasticæ professionis vir, sanationem pollicitus: ea tamen cautione adhibita, ut in officio & rei fiducia retineretur puella: si schedula neglectui habita periret, eam ad pristinum relapsuram. Idcirco de custodienda vigilanter chartula, singularis omnibus incumbere cura & studium. Tandem conjunx mea Judith ad villicum nostrum divertit, è quo ubi miserabilem puellæ casum cognovisset, illam continuo voluit accersiri. Atque hic illa studiose pieque admonita ab uxore, ac rectius instituta, ut nimirum fiducia in Deum afflictorum patronum concepta, dæmonis negligat ludibria, sacrilegumque sacrificii consiliū contemnat, eam mensa apprata cibo quoque refici jubet, simulque à collo periapton aufert. Quare perculsi territique procul fugiunt spectatores, relicta cum puella in domo conjugæ sola, una cum Sophia filia, veriti, ne ob suæ anchoræ sacræ jacturam, cui hucusque nixa puella minusangebatur, tanquam in portu subsistens, mox exilliret furore percita, insultuque violento assistentes suo impeteret more. Interea admonitioni acquiescens, appposito fruitur victu, citra ullam animi turbati notam, hilari: ac, ne unquam amplius transversam à vivam Deum fiducia se avocari sine-ret, erudita, optime inde, nostram quidem sententiam, habuit. Corio autem conciso, implicata aliquoties chartula inerat sublutea, plana, sine characteribus: quam confestim Vulcano consecravit, præsentem puellam, uxorem.

§ 3. Huc accedat & aliud de obfesso quodam exemplum. Is, dum per sacrificium mire *ελαυτορ*, plerisque conjurationibus & exorcismorum fulminibus impeteretur adeo, ut jamjam prorsus videretur abigendus dæmon: eoque cunctante, supra verticem energumeni tandem adhibita fuisset particula S. Crucis, in theca sive loculo contentæ, ut vulgus opinabatur: sic demum insudantem vehementer exorcistam affatur dæmon: Tametsi non nesciam vanam atque impiam esse vestram de vero crucis ligno, in quo pependit Christus, confidentiam, quum revera fragmentum sit è patibulo sectum, nihilominus pertinax ista opinio vestra ac confirmata omnium fides facit, ut affectibus vestris obsequens, nunc hinc cedam, deseramq; hoc hospitium.

§ 4. Fallacem, captiosam & periculosam hujusmodi esse sanationem, nemo non videt. Ludit se penumero sub rerum harum ludicrarum specie diabolus: & hoc exequitur, quod machinatores illi malefici

malefici persequuntur, ut videlicet omnis vis ab ejuscemodi figmento proficisci credatur. Recte itaque Rabi Moses ille *Aegyptius*, mendaces & stultos esse affirmat, qui soli figuræ, soli scripturæ, solis lineamentis, solis denique vocibus aëre fracto natis, tantam miraculorum vim & potestatem tribuant. Nec temere Antoninum Caracallam imperatorem eos condemnare statuisse, tradit *Ælius Spartianus*, qui contra terribas & quatuordecim febres periclitata gestarent: quæ quoque à Luciano lepide irridentur.

*Perplexor.*  
1. 70.

*In Dial.*  
*philosoph.*  
*de Destin.*  
*Christ. 11.*  
20. &  
27. q. 2.  
c. 11. d.

§ 5. Similes quoque curationum modos, ut supersticiosos, rejicit Augustinus his verbis: Superstitiosum est, quicquid institutum est ab hominibus ad faciendâ & colendâ idola, pertinens vel ad colendam, sicut Deum, creaturam, partemve ullam creaturæ: vel ad consultationes, vel pacta quædam significationum cum dæmonibus placita atque fœderata: qualia sunt molimina magicarum artium, quæ quidem commemorare potius, quam docere solent poëtæ. Ex quo genere sunt, sed quasi licentiore vanitate, aruspicum & augurum libri. Ad hoc genus pertinent omnes etiam ligaturæ, atque remedia, quæ medicorum quoque disciplina condemnat, sive in præcantationibus, sive in quibusdam notis, quas characteres vocant, sive in quibusdam rebus suspendendis aut ligandis: in quibus omnibus ars dæmonum est, ex quadam pestifera societate hominum & angelorum malorum exorta. Unde hæc cuncta vitanda sunt Christiano, & omni penitus execratione repudianda atque damnanda. Item *Serm. de Temp. 215*. Etsi adhuc videritis aliquos aut ad fontes, aut ad attores vora reddere, sortilegos etiam & divinos vel præcantatores inquirere, phylacteria etiam diabolica & characteres, aut herbas vel succos sibi aut suis appendere, durissime tanta eorum peccata increpantes dicite: quia, quicumque fecerit hoc malum, perdit Baptismi sacramentum. Idem idem *Serm. 241. de Tempore*.

*Indusium*  
*necessitatis.*  
*Nothemod.*

§ 6. Hic negligi minime oportuit indusium illud, necessitatis nuncupatum, Germanis *Nothemod*, tantopere à proavis celebratum, quo inducebantur, ut in bellis à quocunque relorum vel spherularum bombardicarum ictu & armorum injuriis liberi perdurarent, & quodvis aliud corporis incommodum declinarent securi. Eo quoque usæ sunt parturientes, ut citius rutiisque sortum deponerent. Hinc nomen sortitum est, quod in necessitate usurparetur, & suum præstaret auxilium. Hoc autem solenni modo adornabatur. In una eademque nocte feriarum Natalis Christi, filum ex lino in nomine diaboli à junioribus

Ecc 3

notæ

notæ castitatis puellis neri texique, & indusium consui debuit. In pectore vero duo assuebantur capita, in quorum dextro longa propendebat barba, & velut galea erat imposita: sinistrum autem horridum & corona ornatum, regis illius magni Beelzebub fuisse diceret: latus utriusque muniebatur cruce. Longitudine à collo medium hominem contegit indusium cum manicis. Id apud eximie nobilitatis virum vidi, cui à patruo milite strepue cesserat, qui eo muniri solet, plurimum huic fisis: quemadmodum plerique etiam Cæsares, alique principes & magnifici consuevere. Hæc autem plus quam supersticiosa, Sathanae doctrinam crasse nimis redolent.

*Quod eximii medici alligationibus, characteribus, carminibusque usi sint: & de Homerica medicatione, ac Vespasiani miraculo.*

## C A P. XIX.

Lib. 10.  
ca. 1. circa  
finem l. 9.  
ca. 4. & li.  
11. in fine.  
lib. 11.  
cap. 9. Hunc  
non omne  
taxat  
Joannes  
Gersus.  
Annua-  
rum alli-  
gationum,  
characte-  
rum, &  
carminum  
usus apud  
medicos.  
Homerica  
medicatio.  
Cap. 4.

**I**NTERIM excellentissimos quosdam medicos, qui non patum fidei his apposuerunt nugis, hic graviter impegisse non ignoro. Ex horum numero est, doctissimus aliqui, Alexander Trallianus, qui Herculis erecti leonem suffocantis, & in lapide medico insculpti imaginem annulo aureo inclusam & gestatam, colicis mederi affirmat: sic & calculosis, podagricis & febricitantibus consuluit non solum alligationum, sed & characterum & carminis usum. Galenum quoque ab iis, quæ evidenter apparent, persuasum temporis processu, adducit, vim iis inesse sentientem (in tractatu de Homerica medicatione) quam ramen antea negaverat. Inscriptionis autem ea extitit causa, quod Homerus suppressum verbis sanguinem, & mysteriis sanatos morbos tradiderit. Nec Aprius, hærentes in gula & tonsillis spinas & ossicula carmine supersticioso excanare, puduit. Telum carmine ex thorace retractum, supra ex Benivenio commemoravi. Marcellus etiam passim inculcat carmina: his quoque usus est Octavianus in Euphoristis, Item Q. Serenus, qui verbum, Abracadabra, chartæ figura à se tradita inscriptum, appensumque ex collo, à febris, maximeque ab hemitritæo liberare docet. Gordonius itidem, & plerique alii superstitionibus addictiores medici recentiores, licet primarij, carmina habuere familiaria, ut etiam ad sanguinis profluvia, ad comitiales accessiones, ad partus difficultatem, ad febres intermittentes & erraticas, ad lumbricos, vulnera, fistulas, luxationes, hernias, & nescio ad quæ non, haud pauca invenerint.

Libro 2.  
method.  
cap. 11.  
de Homerica  
med.

§ 2. Quorum experientiam (inquit Augerius Fetterius) cum ob oculos positam, & tot illustrium virorum autoritate confirmatam vide-



videris, quid facies? Nam iis, quæ sensibus exposita sunt, contravenire, sani hominis non est: doctorum vero experimenta infirmare, temerarium. Tu vero, dices, qui hæc inculcas, quid sentis? Dicam liberè. Neque enim superstitiosus homo sum, neque fabularum amans, sed veritatis studiosus: in quam cum toto animo ac studio omni incumberem, prodigiosas quoque has curationes attingere volui, ne qua parte in artis operibus deficerem. Deprehendi itaque, curationis huius eventum non è characteribus, non ex carmine promanare: sed tanta est vis animi nostri, ut, si quid honesti sibi persuaserit, atque in ea persuasione firmiter perseverarit, id ipsum, quod concepit, agat, & potenter operetur: modo alterius, in quem agit, animum non habeat repugnantem, neque diffidentem. Nam, si etiam fidentem & còadjuvantem hubuerit, citius, quod intenditur, perficietur: si neque fidentem neque diffidentem, nihilominus vis animi agentis operabitur. Id in dentium dolotibus, in quibus frequentissima hæc est medicatio, aperte videre licet. Nam præcantator ira movet non reluctantis ægroti animum, ut dolor illo submerso, vel cum characteribus agente, sensim extinguatur. Quod miraculo non caret. At, si forte æger diffidat, aut plane ridiculum existimet remedium, aut circumstantes habeat, qui fidem elevent, & remedium coram illo contemnant, præcantanti nulla vis erit, quia persuasioni suæ repugnantem habet alterius animum.

§ 3. Hic illud inrerferam, quod cuidam puellæ nobili dolorem dentis à nobili viro carmine lenitum meminerim. Sed illam redargutam ob impium curationis modum admissum, facti pœnituit: quare recurrit dolor, qui tamen postea evanuit sponte. Qui vero circa fidem ac persuasionem ad incantandum accesserit, operam suam ludet: nisi forte tam stûpidum alterius nanciscatur animum, qui simulatione se decipi non sentiat. Non sunt ergo carmina, non sunt characteres, qui talia possunt: sed vis animi confidentis, & cum patiente concordis: ut doctissime à Poëta dictum sit:

*Nos habitat, non tartara, sed nec sidera celi:*

*Spiritus, in nobis qui viget, illa facit.*

§ 4. Verum confidentia illa ac firma persuasio comparatur indoctis animis per opinionem, quam de characteribus & sacris verbis conceperunt. Doctis & rerum intelligentiam habentibus, nihil opus est externis: sed cognita vi animi, per eam miracula edere possunt, qualia de Apollonio refert Philostratus, cum ab externis mundanis-  
que

que negociis in animi secessum se recepisset. Indoctus ergo animus, hoc est, suæ potestatis & naturæ inscius, per externa illa confirmatus, morbos curare poterit. Doctus vero, & sibi constans, solo verbo sanabit: aut, ut simul indoctum animum afficiat, externa quoque assumet, non solum, quæ vulgo prolarâ dicuntur, verum etiam alia quæ à se inventa, vel quæcunque illi ad manum aut in mentem prompte venerint. Hactenus ille.

§ 5. Hanc autem Ferrerii sententiam, ejusmodi nimirum effectus ex constanti & sirina operantis persuasione consequi, modo patientis animus non reluctetur, erudite confutat ornatissimus vir D. Thomas Erastus in parte prima disputat. de nova Paracelsi medicina.

§ 6. Ut porro intelligatur manifestius, in illis, quæ præter naturæ ordinem adhibentur, curationibus, dæmonium sæpe operati & colludere in hominum exitium, verba Antonii Sabellici hic adferam. Mirum, inquit, quantum præstigiorum, ipsius principis & aliorum oculis offuderunt mali dæmones, per id tempus, quo Vespasianus Alexandriæ fuerit. Nam & Basilides libertus, qui aberat, visus est illi sacrificanti ministrare, ut regum nomen furæ imperio omen fecerit: & mox paulo illum pro tribunali sedentem, duo ex plebe viri adierunt, opem sibi orantes à Serapide demonstratam: hic oculis captus, ille debili crure, per quierem se monitos dicere, fore ut cæco dies illucesceret, si ipsius oculos spuito Vespasianus inunxisset: alterque firmior fieret, si calce contingeretur. Quum vix fides rei esset, nec res ullo modo successura crederetur, ne experiri quidem à principio Vespasianus ausus est. Cæterum amicis hortantibus, utrumque pro concione tentavit: nec defuit eventus. Verebatur scilicet dæmon ille, quem sub Serapidis nomine colebat Ægyptus, errorum mater, ne piorum ecclesia tecens ibi constituta, ex vetusto illo ipsum exturbaret domicilio: præviditque futurum, ut duo ægri, uterque sua defuncturus esset clade: impulitque proinde ambos, ut à Vespasiano opem implorarent, ut, quum eventus secutus esset, ejus favore, qui erat rerum potiturus, oraculi majestas augetetur, nec ex ipso Imperii fastigio ad veræ lucis fulgotem animum intenderet.

*Emend. q.  
lib. 3.*

*Vespasiani  
miraculum.*

*Cap. 26. q. 5.  
episcopi.*

§ 7. Finiam hæc capita sententia hac memorabili, quæ 2. Decret. legitur: Semper diabolus sub velaminibus latens, prodit se, dum ea confingit, quæ hærent personis, per quas fallere nititur. Si autem quilibet opponit & dicit: Quomodo eveniunt illa, quæ illi divini prædicunt futura: aut quomodo possunt ægris præbere medelam, aut sanis

sanis immittere ægritudinem, si aliquid propriæ virtutis aut potestatis non habeant? hoc à nobis accipiat responsum. Quod ideo quisquam non debet eis credere, quia aliquando eveniunt, quæ prædicunt, aut sanare videntur languidos, aut lædere sanos: quia hoc permissu Dei fit, ut ipsi, qui hæc audiunt vel vident, probentur, & appareat, quæ fide sint vel devotione erga Deum, sicut in Deuteronomio legitur Moses ex divino verbo Dei populo præcepisse: non esse credendum prophetæ aut somnatori, etiâ si evenierit signum atque portentum, quod loquutus est, si à vero Dei cultu is abducatur.

Deut. 13.

*De ligaturis, periaptis, & amuletis physicis. Item demones nullis plantis aut terrena materia allici aut fugari.*

## C A P. XX.

**N**ULLAM tamen hic fidem ligaturis, periaptis & amuletis physicis substractam volo. Pleræque enim substantiæ in earum generatione specificæ aut individualis (ut sic dicam) constitutionis ratione, cælitus aliqua imbuuntur virtute, quæ ingenta & occulta antipathia aliarum quarundam actiones inhibeat & liget: unde physicæ ligaturæ origo & nomen. Ira adamantis & allii præsentia, magnæ operationes, ne ferrum trahat, impedit: oleum, à palearum attractu vim succino adimit ligatque. Oenothora (authore Crævea) collo alligata vel jugo suspensa, prius vino aspersa, omnium animalium feritates domat.

Ligatura physica.

§ 2. Periapra adhæc & amuleta vere physica, ratione quoque fulciri naturali, & ab eorum substantia vapores quosdam velut æquis defluere, quidam contendunt medici: qui spiratione occulte attracti, morbi causam virtute sua alterare, corpusque reficere possunt. Hac ratione radicem præniæ maris recentem, & anagallidem rubro flore contra epilepsiæ minas suspendimus: stercus item lupi & intestinum, doloris colici cruciatibus afflicto alligamus, non (ut opinatur Pamphilus medicus) ob incantationis virtutem, sed causam naturalem (ut dixi) occultam, vel spiritus scilicet harmonicos, ut Paracelsi sectatores sentiunt. Quocirca Galenus eorum experientia doctus, periaptis sic confidere oportere admonet, ut substantia illorum, & non incantationis magorum verba, auxilietur.

*De periapra & amuleti physici, vnde Theodorum Priscianum medicum ad Eusebium lib. postremo. Galen. lib. 6 & 10. de Simplicio. Lib. 10. de Simplicio.*

§ 3. Eandem sustinuit sententiam Theophrastus: Potius, inquit, absurda illa putentur, quæ alligata & veneficiorum adversantia vocantur, & tum corporibus tum domibus unice opitulanti creduntur. Quæ commenta hominum plane esse videntur, qui suas artes magnificare celebratæque cuperent. Unde nullam contra malignos spiritus

*Lib. 9. de Histor. plant.*

Fff

antipa-

*Moly. Hy-  
pericon.  
Fuga dæ-  
monum.  
Luporum  
capita.*

*Cnebifim  
carduus,  
Cume.*

*Disce. lib.  
3. cap. 37.  
Plin. lib.*

*28. cap.  
10. Disce.  
lib. 3. cap.*

*15. Proclm  
de Magia  
& sacrif.*

*Gravner  
hic oppu-  
gnat Jo.*

*Franc Ti-  
cul lib. 7.  
c. 5. de*

*Trans su-  
perstit. ad-  
versus ma-*

*giam. Au-  
gust. de Ci-  
vitat. Dei*

*Enseb. lib.  
3. cap. 1.  
9. & lib. 3.*

*cap. 6.  
Plin. li. 30.  
cap. 1. Plin.*

*arch de A-  
bol. or. 1.  
Part. 9.*

*285. an. 5.  
ad. 3.*

antipathiam inesse moly vel hypericoni sentio, etiamsi Fuga dæmo-  
num à superstitione credulis nuncupetur: nec alia facultate quam cœ-  
lestium gratarum, noxios malorum dæmonum vapores à nobis arce-  
re putetur. Luporum item capitibus, januis in eundem finem affixis,  
tribuo nihil. Vix enim scio, an usquam laxior his spiritibus fenestra  
aperiatur, quam ubi portarum custodiam his capitis demandatam  
conspicimus. Diætæ vero herbas in ædibus suspensas, ab hominibus  
& pecore maleficia arcere & fugare, quemadmodum cnebifim cardui  
(quem Cuius appellant Ægyptii) viribus dæmonem in colloquium  
allici, gravissimi pronunciant auctores: quibus tamen, extra verita-  
tis metam non est affectu danda fides, quum iis multo citius imponi  
à simulatis dæmonum artibus poterit, quam illis, qui Christum indu-  
ti, penitus Satanæ ludibria cognorunt.

§ 4. Quare etiam rerum & vaticiniorum diabolicorum labyrinthis, præclarissima illa veterum ingenia implicita magis, irretitaque fu-  
isse perhibent historiæ: quæ Christi adventu, multorum testimonio,  
prorsus desistere & obmutuere. Spiritus sunt dæmones, qui, ut nullis  
alliciuntur plantis vel terrena substantia, ita nec fugantur: etiamsi  
plerumque apud suos cultores, se aliquarum rerum potentia invirari,  
allici, trahi, cogi, vel etiam abigi, ut impia credulitate eos sibi magis  
obstringant, fraudulenter simulent. Hic D. Thomas docet (allegans  
Augustinum 21. de Civitate Dei) dæmones allici per varia genera  
lapidum, herbarum, lignorum, animalium, carminum, rituum, non ut  
animalia cibis, sed ut spiritus signis, si modo hæc eis exhibentur in si-  
gnum divini honoris, cujus ipsi sunt cupidi. His ergo rebus utitur ma-  
leficus instinctu dæmonis, per pactum invocationis expresse vel taci-  
te, vel ad infamandum creaturas Dei, quæ de se bonæ sunt: vel ad  
majorem credulitatem & deceptionem fidei animarum hominum per-  
ditorum, qui his & aliis utuntur ad invocationem. Non igitur utitur  
maleficus, immo vetius dæmon, huiusmodi, tanquam rebus efficacio-  
ribus ad tale maleficium, sed tanquam signis pacti illius inter se &  
ipsum maleficum, quem jam ut suum cultorem possidet tanquam hæ-  
reticum, & à fide alienum. Hæc ille. Possent tamen quædam corpora,  
velut melancholica vel cholericæ, non tam graviter à dæmonio exa-  
gitata, quibusdam adhibitis rebus vel harmoniis nonnihil immutari,  
& ab afflictione levare, inficias ire nolo: quo modo Saulem musica  
per auditum demulcente quietiorem redditum legimus.

*Quibus*

*Quibus materiis demones & maleficia arceri credebatur  
antiquitas, & ecclesia Romana.*

## C A P . X X I .

**I**n ejusmodi religione suum habere locum credebatur sulphur, ad expiandum suffitu malos demones: quo in purificationibus sacerdotes uti solitos, velut & asphaltro aut ablutione aquæ marinæ, scribit Proclus: quoniam purificat sulphur ob odoris acumen; aqua vero marina propter igneam portionem. Hinc Ovidius de Medea:

*Terque senem flamma, rer aqua, ter sulphure lustrat.*

§ 2. Expiare & pentaphyllon herba putabatur, proinde in hanc rem usurpantem sacerdotes antiqui: quemadmodum & olivæ ramos, quæ tantæ esse puritatis dicitur, ut ferant olivam à meretrice plantatam, vel infructuosam perpetuo manere, vel omnino exarescere. Simili modo expiationi conferre arbitrantur thus, myrrham, verbenam, valerianam, pho Arabibus dictam, palmam Christi portatam, antirrhinon, vel radicem bryoniæ siccam, ac radicis aristolochiæ siccæ suffitum, item benedictam, & caryophyllatam, scillam quoque in limine domus suspensam.

§ 3. Tantum gloriæ tradiderunt quidam herbæ vetonicæ, ut domus, in qua satur sit, existimetur tuta à piaculis omnibus. Holiba herba in Moravia nasci fertur rara, quæ spiritus malignos pellat.

§ 4. Similiter fel canis nigri suffitum, vel ejusdem sanguis linitus per omnes parietes, maxime præstare dicitur tam ad expiandum demones malos, quam maleficia, ubique fuerint. Sunt & alia antiquis contra fascinationes commendata, velut palmarum lignum in pomo ossium dente limatum, radix satyrii Orchis cophominati, foeminæ scilicet, quæ distinguitur internodiis & ramosiore frutice. Rutam fascini amuletum esse, tradit Aristoteles. Alyssum in domo suspensum, salutare amuletum existere contra hominum quadruipedumque fascinationes. Item rhanni tertii ramum valvis fenestrisve impositum, veneficia omnia depestere, tradit Dioscorides. Contra hæc quoque valere cynocephallam, docet Appion Grammaticus. Baccharum herbam benevolentem, Virgilii testimonio freti, contra fascinum singulari pollere virtute putant: in Bucol.

*Bacchare frontem.*

*Cingite, ne vati noceat mala lingua futuro.*

Resistere & fascino, frontis hyzænæ corium dicitur.

§ 5. Huc etiam multi lapides, tum ex aliis, tum ex Alberto, ut

F ff 2

menda-

*Sulphur.*

*Asphaltum Aqua marina. Demones expiantia.*

*Tantaphyllon. Olivæ.*

*Quæ fastidium & maleficium auferre creduntur.*

*Vetonica. Holiba.*

*Probl. xx. 34.*

*III. 39. Plin. XXX. 1.*

*Lapides maleficium tollentes.*

mendacibus diaboli nundinis accedat authoritatis pondus, confecti queunt. Iaspidei empusis & aliis idolis adversari, refert Dionysius. Sardium à veneficiis maleficiisque gestantem asserere, uti & chrysolithum & carchedonium dæmones pellere fertur. Adamantem quoque adversus incantamenta valere creditur. Corallum rubrum collo infantium appensum aut armillis insertum, in brachioque gestatum, vel etiam in domo retentum, prærogativam habere ajunt contra fascino. Lyncurii lapis præstigias ab oculis auferre creditur: quomodo heliotropius lapis visum perstringere, gestantem invisibilem reddere: hipparis suffitus omnes bestias evocare, synochitides umbras inferorum educere, anachitides divorum imagines apparere facere: enectis somniantibus suppositus oracula reddere putatur.

*Oleum ex  
gagare.  
Libro 3. de  
Antidotiis  
Ova lu-  
stralia.*

§ 6. Oleum adhæc ex gagare sacratum, dæmoniis confectis, superstitiose docet Mesue. Dicuntur & pennæ upupæ suffitæ, phantasmata fugare. Ovum quoque in lustrationibus acciri solet: hinc ova lustralia dicta sunt. Unde Ovidius:

*Adveniat, quæ lustrat ævis lectumque locumque,  
Deserat & tremula sulphur & ova mann.*

*Ligatus cu-  
rantis.*

*Lib. de in-  
cantatione,  
asferente  
Galeno.*

§ 7. Ligatum adhæc sanare creditur picus avis comesta: suffumigium ex dente hominis mortui: si item corpus totum inungatur ex felle corvino & oleo sesamino, ex Cleopatra: vel si argentum vivum, in calamo vel avellana nucleo vacuo cum cera occlusum, sub pulvini maleficio læsi collocetur, aut sub limine ostii, per quod is in domum vel cubiculum ingreditur.

§ 8. Narrat & Eusebius Serapin, qui Græcis Plutō dicitur, apud Ægyptios symbola dedisse, quibus dæmones expellerentur: docuisse etiam supplices, quomodo assumptis brutorum figuris insidientur hominibus dæmones: quibus maxime obnoxii fiant, qui cibis subinde distendantur lautioribus.

§ 9. In sinum despuere, adversus fascinationes, veteribus quoque in usu fuisse legitur. Sic apud Theocritum:

*Ως καὶ βασανθῶ δὲ, τοῖς εἰς ἰμὲν ἰστυοὺς κλάπῃ.*

Ovidius:

*Despnat in molles tam sibi quisque sinus.*

*Lib. 1. cap.  
5. Memo-  
rab. Con-  
tra tempo-  
rales.*

§ 10. Vehementiore adhæc strepitu, & maleolentium graminum fumo dissolvi & sedari æreorum dæmoniorum insultum, creditum est. Idcirco, ait Gaudentius Merula, tanquam ex Academicorum officina fluxerint, etiam nunc Italæ mulieres tempestatibus imminendibus,

bus, diri odoris pabula sub dio comburunt: sacerdotes autem more Thracum (qui tempestare imminente, armati cum strictis ensibus & crotalis, horribilique clamore in nubes fremebant) ad obstrepera cymbala, quæ campanæ dicuntur, convolant: magis confidentes in boatibus illis apud Deum inanibus, quam orationibus & jejuniis. De suis contertaneis fere quid simile scribit Olaus Gorthus, qui concitato in nubibus fragore, sagittas ex arcubus in aëra excutientes, ostendebant se opem ferre diis suis velle, quos tunc ab aliis oppugnari putabant. Nec ea temeraria superstitione contenti, inusitati ponderis malleos, quos Joviales vocabant, ingenti ære complexos, magna que religione cultos, ad eum usum habebant, ut per eos tanquam per Claudiana tonitrua, & per usitatum rerum similitudinem, cæli fragores, quos malleis cieri credebant, exprimerent: tantique sonitus vim fabrilium specie imitantes, deorum suorum bellis sic adesse, admodum religiosum existimarent. Durabatis Jovialium malleorum usus usque ad annum à Christo nato 1130. Eosdem malleos Joviales pagana superstitione Sugones colere, tradit Gothica historia lib. 18. cap. 16.

de Gent.  
Sept.  
III. 9.

Mallei Joviales.

§ 11. Apud nostros quoque proavos, non sana parochorum doctrina inolevit longa annorum serie persuasio, artemisiam in feriis D. Joanni Baptistæ sacris ante domos suspensam, item alios frutices & plantas, atque etiam candelas facesque, designatis quibusdam diebus celebrioribus aqua lustrali rigatas, vel nescio quo modo expiatis, & quando usus postulari incensas, contra tempestates, fulmina, tonitrua, & adversus diaboli potestatem, opera, & quæcunque maleficia, velut prærogativa quadam valere. Hoc ipsum tradit & Martinus de Arles. Quinimo adversus illa etiam, agminatim uestigio ad omnium campanarum violentum continuumque tractum atque pulsum, ut præsentissimum auxilium & anchoram sacram, concurritur.

In tract. de  
superstit.  
numero 9.

§ 12. Hic nostri in primis confugient ad suffimentum prunæ, cui cor piscis & jecur impositum erat à Tobia: ex cujus odore, in superiora Egypti fugisse dæmonium legitur, ubi angelus illud ligavit. At non tam suffumigio fugatum hoc respondeo, quam Tobia junioris castitate, & ardentia ipsius, ejusque conjugis ad Deum misericordem oratione, ex angeli institutione.

Tobia 9.

Tobia 6.

§ 13. At veritati minime oportet præscribere vetustatis observantiam. Fides est, spiritualis existens, quæ dæmonem exterminat: verbum item Dei, spiritu efficax. Verusta hujus rei testimonia & exempla, in veritatis libris sacrosanctis quam plurima atque irrefutabilia leguntur.

Matth. 4.  
Marc. 16.  
Luca 4.

Fff 3

§ 14. Sua

§ 14. Sua adhæc religionis observatione, in Apennino Italiæ intra Bononiam & Pisas, exorta tempestate mulieres foras procurunt, eam elevatis manibus consignantes caseo in die ascensionis Domini presso, decussatimque signato, crucis figura impresso fusc, atque ita se fore illæsas arbitrantur. Eodem in Apennino ovum in Ascensionis festo exclusum adservant, summoque illigant testæ, atque hoc modo istas ædes à tempestatibus injuria tutas fore existimant. Alii strata mensa in medio cubiculi, imponunt inter duas cereas ardentes cerauniam lapidem [ein donnerbeitel] is tum sudat, quod ipsis videtur miraculum: cum tamen non minus natura id fiat, quam vitrearum fenestrarum sudatio, aut tum temporis, aut in hypocausto calente.

§ 15. In hanc insuper rem varie quibuscunque substantiis applicantur exorcismi, quibus & herbæ ita consecrantur, ut sint utentibus eis sanitas animæ & corporis: fitque precatio, ut ex omnibus hominibus pecoribusque, quæ inde gustaverunt, putredo & cuncta diaboliphantasmata expellantur, &c. Ex agendis & obsequialibus hæc nota.

*Ex pontificali. In Agenda veteri. Aqua lustrali.*

§ 16. Huc pertinet, aqua in usum innumerum ab omnipotente creatore condita, quæ novas scilicet vires induerit iis verbis, Exorciso te creatura aquæ in nomine Dei Patris omnipotentis, & in nomine JESU CHRISTI filii ejus Domini nostri, & in virtute Spiritus sancti, ut sis aqua exorcisata ad effugandam omnipotentem inimici, & ipsum inimicum eradicare & explantare valeas cum angelis suis apostolicis. Alexander I. Romanus pontifex author fuit, ut hujusmodi lustralis aqua consecraretur ad dæmones pellendos, & ut in templo domique conservaretur. Regino item lib. 1. de discipl. Eccles. cap. 2 IO. ideo benedici aquæ asserit, ut ea aspersi sanctificentur. Ea quoque domos, agros, vineas, pecora eorumque pabula, cibos item & potus, quibus homines vescuntur, aspergenda esse, ex cap. 5. Nannerensis concilii probat: sed in Græcorum ecclesia, hæc aqua condemnatur ut superstitiosa.

*Sal exorcismi.*

§ 17. Habet item virtutem suam peculiarem sal. Eo quoque Elizabeth ex Dei mandato insalubrem aquam Hierichuntis reddidit salubrem. Jam autem absque eo exorcismis redditur sanctior præstantiorque contra Satanam, hoc modo: Exorciso te creatura salis per Deum † vivum, per Deum † verum, per Deum † sanctum, per Deum, qui re per Elizabetham prophetam in aquam mitti jussit, ut sanaretur sterilitas aquæ, ut efficiaris sal exorcisatus in salutem credentium, ut sis omnibus te fumentibus sanitas mentis & corporis: & effugiat atque discedat



discedat ab eo loco, qui te aspersus fuerit, omnis phantasia & nequitia vel versutia diabolicæ fraudis, omnisque spiritus immundus adjuratus, &c. Alexand. 1. in epist. Decretal. 1. Idem textu, ext. in c. aquam sale conspersam, de Consecr. distinct. 3.

§ 18. Huc referatur & nobile illud balsamum virtutis varix, præter insignem ejus odorem: quo ut reges & sacerdotes Levitici inungerentur, in veræ electionis confirmationem constituit in sua politia Moses, donec hominem induceret æternus Rex & sacerdos <sup>Jes. 11. 1. In veteri Agenda.</sup> Christus. In ecclesia autem Romana gravibus exorcismis & trina ex-piatione, ad crucis modum facta, lustratur, noviesque cum multo murmure genua ter flexo salutatur, Ave sanctum oleum, ter Ave sanctum chrisma, ter Ave sanctum balsamum: arque hujus ope & præstantia non solum creditur exturbari dæmonium, sed ejus loco substitui Spiritum sanctum. Nihil autem hic minus adhiberi, quam verum balsamum, pium lectorem volui admonitum.

*Nulla radice dæmonem extrahi, contra Josephum, & de*

*radice Baaras nuncupata.*

C A P. XXII.

CÆTERUM, quod Josephus gloriatur, se præsentem Vespasiano <sup>Antiq. Jud. viii. 2. Crinij</sup> Imperatore, vidisse quendam de gente Hebraica Eleazarum, <sup>ix. 5. Annulo inclusa radice dæmonem extrahentis hi floriam.</sup> naribus cujusdam à dæmone obsessi, annulum, cujus signaculo radix à Salomone reperta, erat subdita, applicuisse, & dæmonem è statibus odorantis extraxisse: qui cum in terram repente concidisset, Eleazarum conjurationis Salomonis cantico dæmonium proscrispisse: hic certe fatendum est, Josephum Judæum, ut & Vespasianum ethnicum, atque Eleazarum Hebræum, diaboli præstigiis illusos fuisse, qui se radicis Salomoni ascriptæ potentia attrahi simulabat: cum non coactè, sed sponte, Dei assensu, cesserit [ simulat enim se cogi, ut alios cautius dementet ] quo plus fidei annulo, vel figmento radicis, materix dæmoni exturbando ineptæ, adhiberetur, nec ad Deum, unicuique Satanz propulsores, legitimo confugeretur ordine.

§ 2. Proinde ut fabulæ exitus, consimili initio commento absolveretur, nimirum decore tegetetur pallio actus hic per se impius: nec in doli quæstionem vocaretur, pondusque acquireret, Salomoni ars ascribitur, cujus existimatione quascunque suas stabiliret sanciretque fraudes diabolus. At hunc divinum veræ sapientiæ Antistitem, arque à superstitiosa dæmonum magia alienum fuisse constat: & secundum sacras Hebræorum historias, disputare solitum de arboribus & herbis, à cedro:

à cedro Libani usque ad hysopum: item de jumentis, volucris, reptilibus & piscibus. Quæ omnia rerum solum naturalium cognitionem, vel, si mavis, naturalem magiam præ se ferunt: nisi forte idololatricæ postea in uxorum gratiam, eum curiosas annexuisse artes, quis obstinatius suspicari velit.

*De bell.  
Jud. lib. 7.  
cap. 35.*

§ 3. Fortassis radix illa fuerit, quam idem Josephus alio describit loco, cujus historiam, ut dæmonis signa & imposturæ magis elucescant, non pigebit adjungere. Vallis, inquit, qua Macherus Judææ civitas à parte Septentrionali cingitur, quidam locus Baaras appellatur: ubi radix eodem nomine gignitur, quæ flammæ quidem assimilis est colore, circa vesperam vero veluti jubare fulgurans accedentibus, eamque evellere cupientibus facilis non est: sed tam diu refugit, nec prius manet, quam si quis urinam muliebrem vel menstruum sanguinem super eam fuderit: quin etiam tunc, si quis eam tetigerit, mors certa est, nisi forte illam ipsam radicem ferat de manu pendentem. Capitur autem alio quoque modo sine periculo, qui talis est. Totam eam circumfodiunt, ita ut minimum ex radice terra sit conditum: deinde ab ea canem reliquant: illoque sequi eum à quo religatus est cupiente, radix quidem facile evellitur, canis vero continuo moritur, tanquam ejus vice, à quo herba tollenda erat, traditus: nullus eam postea accipientibus metus est. Tantis autem periculis propter unam vim capî eam, operæpretium est. Nam quæ vocantur dæmonia, pessimorum hominum spiritus, vivis immersa, eosque necantia quibus subventum non fuerit, hæc cito, etiamsi tantummodo admoveatur ægrotantibus, abigit. Hucusque Josephus At minus fidei dabitur radici, si ejus colligendæ modus sereniore mentis oculo perspiciatur. Spiritum quoque terrestris materiæ potentia nec propelli, nec invitari, supra ostensum est.

*Cynosph.  
flor. A-  
glaphotis.*

§ 4. Eadem prope scribit Ælianus xxi v. 27. de Cynosphasto herba magica, quæ alio nomine Aglaophotis dicitur, & eadem cum Baaras putatur. Hæc per diem inter cæteras herbas [ à quibus ne minimum quidem differt ] delitescit, nec ullo modo agnoscitur, nocte vero stellæ instar lucens, & igneo splendore coruscans, facile in conspectum venit. Itaque signo ad radices ejus defixo discedunt, absque eo, neque colorem ejus interditi, neque speciem cognituri. Noctæ jam exacta adventant, & herbam ex signo agnoscunt: evellere vero, aut circumfodere tantum cavent. Primum enim, qui ejus naturæ imperitus, eam attingit, petiisse ferunt. Canem igitur juvenem adducunt, dici

dici spatio famelicum, & funiculum validum arctissime ad inferiorem herbæ stipitem vinctum cani etiam alligant, & carnes assas multas ei obijciunt, quam longissime interim possunt recedentes. Canis nidore motus, impetu ad carnes fertur, & herbam radicis eruit: Cujus radices si sol viderit, canis mox expirat, & secretis quibusdam ceremoniis, utpote in ipsorum gratiam extinctus, sepelitur. Plinius l. 4. c. 17. inter magicas herbas a Democrito proditas Aglaophotum commemorat (quæ ex admiratione hominum propter eximium colorem acceperit nomen) in marmoribus Arabiæ nascentem Persico latere: qua de causa & Marmaritin vocari: ac magos utique ea uti, cum velint deos evocare, ait.

Marma-  
ritin.

§ 5. At mirum videri non debet, ejusmodi nugas & ineptissimas superstitiones, impiissimasque ceremonias in antiquissimorum auctorum libris subinde resperfas reperiri. Fuerunt siquidem non pauca, illorum seculis, multa vanitate ad ostentationem, uti Plinius vere testatur, ab Ægyptiis & aliis præstigiatoribus efficta, quorum scētorem olim quendam Andream medicum, præstigiaturas ac mendaciâ in materiam medicam invexisse, asserit Galenus, præcipitque ab hujus lectione, ea de causa, & aliorum itidem mendacium, prorsus cavendum.

§ 6. Tale fere commentum quoque narratur de homunculo illo facticio, ex mandragoræ, arundinum, bryoniæ, aliarumque plantarum radicibus concinnato. Sculpunt enim impostores in his adhuc virentibus, tam virorum quam mulierum formas, infixis hordei & milii granis, iis in locis, ubi pilos enasci volunt. Deinde facta scrobe, tam diu tenui arena obruunt, quousque grana illa radices emittant. Id quod viginti dierum spacio ad summum fieri dicunt. Demum eas erunt, & adnatas è granis radices acutissimo cultello scindunt, aptantque, ita ut capillos, barbam, & cæteros corporis pilos referant. Vulgo autem ignaro & simplicibus persuadetur, has radices humanam effigiem repræsentantes, effodi haud quaquam posse, nisi cum magno vitæ periculo: cane qui effodiat, radicibus alligato, & auribus pice obturatis, ne radicis clamorem audiant effodientes: quod audita voce periclitentur, percantque fossores: idque certum est. Mirum quantum virium huic facticio homuicioni, quasi ex urina furis suspensum enato sub patibulo, ex vulgi persuasione tribuatur contra tempestates, & nescio quas non calamitates. Meræ autem sunt nugæ.

Homunculus  
ex radice  
mandragoræ.

*Gravissimus exorcistarum vulgarium sacrificialium abusus.*

C A P. XXIII.

**A**D HÆC, ad eorum, qui maleficio affecti creduntur, vel à Satana obsidione preffi, curationem inepti, temerarii & audaculi homines,

G g

mines,

mines, professione Ecclesiastici, sed vitæ spurcitia nimis mūdani (quales in hoc ministerium & scenam postulat fabulæ actor) accurrūt suis præscriptis exorcismis & formula certarum ceremoniarum observata, ut morbum solvant, pellantque dæmonium: quod interdum horum diris & dejectionibus cedit volens & colludens, ut impietatem corroboraret. Næ incantatoribus jure optimo hi accensendi erunt exorcistæ. Hic ut quasdam eorum observationes brevibus enarrem, unde (veluti ex ungue leonem) reliqua metiaris: post confessionem illius, qui cōjurationibus expiabitur, per singulos domus angulos, in lecti-  
sterniis & culcitris, vel sub limine ostii, diligenter indagatione quæritur, num aliqua maleficii materies possit inveniri, mox exurenda.

§ 2. Ab Apostolis sane vel primitiva Ecclesia, id promanavit minime. Si enim à diaboli malefico actu, exorcismis integre quis curetur: quorsum eæ quiesquilæ in angulis reconditæ, vel terra obrutæ, corpus nullo modo contingentes, aut halitu ferientes oberunt? Inde candelam benedictam continet manu genibus flexis maleficio læsus, qui aqua etiam aspergitur lustrali, & collum stola cingitur: ac præter orationes recitantur Litanæ vulgares, addendo ad sanctorum invocationem, Ora pro eo, vel Orate, & Propitius esto, Libera eum Domine. Et orationum loco adhibentur exorcismi. Qui quoque ut minimum ter in septimana continuantur: ut multiplicatis intercessionibus, gratia obtineatur sanitatis.

§ 3. Hanc formam præscribunt Mallei maleficarum authores Theologi, contra evidentem Christi doctrinam: Venite ad me omnes, qui laboratis & onerati estis, & ego reficiam vos. Ego sum via veritas & vita. Quicquid petieritis Patrem in nomine meo, dabit vobis, item: Orantes ne sitis multiloqui, sicut ethnici: putant enim fore, ut ob multiloquium suum exaudiantur. Ne igitur efficiamini istis similes. Novit enim pater vester, quibus vobis opus sit, priusquam oratis ab illo. De ceremoniarum lenociniis nihil aliud dicam, quam ea quidem pietatis præbere speciem: sed quoniam inania rerum existunt simulachra, non arcant impiorum spirituum assultum: at majoris impietatis quandoque sunt occasiones. Lucerna pedibus meis, inquit regius Vates, verbum tuum, & lumen semitis meis. Ea lux in tenebrarum potestatibus abigendis efficax mire: illam hæc longe averfantur & odiunt. Nec aquæ lustralis asperginem formidat, qui Christum ipsum tentare veritus non fuerit. Ab illis autem maximopere sibi cavet, qui stolas in agni sanguine ablutas induti apparent.

§ 4. Præterea extra ordinem exorcista procedere potest per orationes: & si legere novit Scripturam (sic illi Theologi loquuntur: unde

2. Reg. 1.  
c. 11.

Superstitionis maleficio affectus curatio.  
Exorcismorum abusus.

2. Secunda pars  
q. 2. c. 6.  
Matth. 11.  
Joan. 14. 16.  
Matth. 6.

Ceremonia  
inania rerum  
simulachra.

Ps. 118.

Apocal. 7.

Postquam  
item hæc  
intra-

unde exorcistam quandoque non novisse legere, multo minus intelligere, quæ legit, manifestum est) legat Evangelia quatuor prima Evangelistarum: item Evangelium, Missus est angelus: & passionem Domini: quæ omnia magnam habent virtutem ad expulsionem operum diaboli. Item, Evangelium sancti Joannis, In principio erat verbum, scribatur, & ad collum suspendatur, & sic gratia sanitatis expetatur. Hæc eorum sunt verba. Hic plura Scripturæ testimoniis convelli possent: quemadmodum, si exorcista quandoque non intelligat quæ legit, solumque lingua loquatur, quomodo vere pronuntiabitur Amen vide Paulum 1. Corinth. 14. sed brevis esse laboro.

tude mo-  
 do exar-  
 pandi  
 maleficia-  
 rum A-  
 venjoni  
 excuso.  
 vide per  
 le post.

§ 5. Officium adhæc super energumenis, item conjuratio malignorum spirituum in hominum corporibus existentium, prout fit in sancto Petro Rom. ( sic scribitur ) prius Romæ excusa sunt , postea Avenjoni anno M D X V. ubi inter orationes varias , & exorcismos etiam insulfos , ejusmodi interferitur oratio , quæ anatomem corporis humani Christo proponit, qui alioqui nesciret , quam ejus partem esset sanaturus. Ea ita habet : Obsecro te Domine J e s u Ch r i s t e , ut extra has omnes languores ab omnibus membris hujus hominis, à capite, à capillis, à cerebro, à fronte, ab oculis, ab auribus, à naribus, ab ore, à lingua, à dentibus, à faucibus, à gutture, à collo, à Dorsò, à pectore, ab uberibus, à corde, à stomacho, à lateribus, à carne, à sanguine, ab ossibus, à tibiis, à pedibus, à digitis, à planta, à medulla, à nervis, à cute, & ab omni compagine membrorum ejus, &c.

And some  
bought it.

§ 6. Joannes Anglicus epileptici, lunatici, five dæmoniacy curationem ex Constantino, Gualterio, Bernhardo, Gilberto, collegisse se asserit: ut scilicet ægrotus cum parentibus post trium dierum jejunium, accedat ad ecclesiam die Veneris, in jejunio quatuor temporum, audiatque missam de die, & similiter die sabbathi & Dominico sequentibus. Ubi sacerdos bonus religiosus legat super caput patientis Evangelium, quod legitur in Septembre & tempore vindemiarum post festum Sanctæ crucis in diebus quatuor temporum, scilicet, Hoc genus dæmonii non ejicitur, nisi jejunio & oratione: deinde scribat illud idem devote, & portet in collo, & curatur.

TraJ. 7.

§ 7. Commode hic Augustinum in Joannis Evangelium me adducturum videor, qui ita habet: Fingunt spiritus mali umbras quasdam honoris sibi metipsis, ut sic decipiant eos, qui sequuntur Christum: usque adeo, fratres mei, ut illi qui seducunt per ligaturas, per præcationes, per machinamenta inimici, suis præcationibus misceant nomen Christi: quia non possunt seducere Christianos, ut dent venenum, addunt mellis aliquantum; ut per id, quod dulce est, lateat id,

**G**

quod

*Quare  
Christi no-  
men pro-  
catum  
& exor-  
cismi im-  
miscet  
seductio-  
nis.*

quod amarum est, & bibatur ad perniciem, usque adeo, ut ego nove-  
rim aliquo tempore illius Pallcati sacerdotem solere dicere: Et ipse  
Pallcatus Christianus est. Ut quid hoc, fratres, nisi quia aliter non  
possunt seduci Christiani? Ne quærat is ergo alibi Christum, quam  
ubi se voluit prædicari Christus. Et quomodo voluit prædicari, sic  
illum tenete, sic in cordibus vestris scribite. Murus est adversus om-  
nes impetus, & adversus omnes insidias inimici. Nolite timere: nec  
tentat ille, nisi permissus fuerit, aut missus. Mittitur tanquam malus,  
à potestate dominante. Permittitur, quando aliquid petit: & hoc,  
fratres, non fit, nisi ut probentur iusti, puniantur iniusti. Quid ergo  
times? Ambula in Domino Deo tuo: certus esto, quod te non vult pa-  
ti, non pateris: quod te permiserit pati, flagellum corrigentis est, non  
pœna damnantis. Ad hæreditatem supernam erudimur, & flagellari  
dedignamur? Hæc Augustinus.

§ 8. Audiatur & vera aurea Joannis Salisberienfis sententia Lib. 11.  
Policrat. c. 27. Hæc est fraudulentia malignorum spirituum, ut quod  
ultro faciunt & dicant hominibus faciendum, operose dissimulent,  
ut hoc facere videantur inviti. Simulant se coactos, & quasi exorcif-  
morum virtute extractos fingunt: & quo minus caveantur, exorcif-  
mos quasi in nomine Domini aut in fide Trinitatis, aut incarnationis  
& passionis virtute conceptos compununt, eisdemque hominibus  
tradunt, exercentibus eos obtemperant, donec eos secum crimine sa-  
crilegii & pœna damnationis involvant. Transfigurant enim se in-  
terdum in angelos lucis, honesta sola præcipiunt, illicita prohibent,  
munditiam consecrantur, utilitatibus provident, ut quasi boni &  
propitii familiarius admittantur, audiantur benignius, amentur ar-  
ctius; facilius exaudiantur: habitum quoque induunt venerabilium  
personarum, ut eis major & promptior reverentia impendatur.

*Verbis in-  
finito con-  
fons opus  
est in eli-  
minanda  
sana.*

§ 9. Quomodo autem ad exturbandum dæmonem, vel opera ejus  
evertenda, valebit illa superior Evangeliorum recitatio, cum non sint  
instituta huic, intellectu consona? & ubi dæmonia ejicerent Christus  
ejusque discipuli, & viri postea sancti, verbis huic negotio aptis con-  
signatisq; loquebantur, & respondebant (ut fertur) ad formam. Si et-  
enim in verborum inconvenientium pronuntiatione simplici vir-  
tus consistit desiderata, non minus, imo majus præstiterunt quidam  
è circumeuntibus Judæis exorcistis, qui tentaverunt super eos, qui ha-  
bebant spiritus malos, invocare nomen Domini Jesu, dicentes: Adju-  
ramus vos per Jesum, quem Paulus prædicat. Erant vero quidam filii  
Scevx Judæi, principis sacerdotum, septem, qui hoc faciebant. At res-  
pondens spiritus malus, dixit: Iesum novi, & Paulum scio, vos autem  
qui

qui estis? Et insiliens in eos homo, in quo erat dæmonium malum, & dominatus eis, invaluit contra eos, ita ut nudi & vulnerati effugerent de domo illa. Hoc autem innotuit omnibus Iudæis simul & Græcis, qui habitabant Ephesi, & timor incidit super omnes illos, & magnificabatur nomen Domini Iesu. Multi vero ex iis, qui curiosas exercuerant artes, comportatos libros exusserunt coram omnibus : & supputatis illorum precii, pecuniæ quinquaginta millia reppererunt.

*Historiæ memorabiles quorundam exorcistarum.*

C A P . XXIV.

**R** A R A M, sed memorandam historiam cujusdam exorcistæ, ex eorum numero, qui ad se solum spectare exorcismis dæmones expellendi officium, persuasum habent, negligere decuit minime. Quidam pastoris munere fungens in pago Durweiss, circa Esweiler, puellam nomine Helenam diaboli obsidione pressam in Lœn pago, prope Aldenhovium sito, in Iuliæ ducatu, suis execrationibus se liberare velle, elato supercilio promittebat, convocatis ad hujus miraculi spectaculum solenne aliquot ecclesiasticis vicinis : quorum unus, pastor nimirum in Biecht Ioannes Windelius, qui actioni interfuit, rem omnem mihi recensuit ordine, atque ex mea petitione scripsit.

§ 2. Exorcistæ huic, aliquamdiu suis dejectionibus frustra sudanti in exturbando dæmone, hic tandem ait, se mansurum propterea, quod circa vitrum loco illi illustrando, ut fieri solet, applicatum versarentur multi ejus collegæ, à quibus confirmaretur. Miser ille pastor mendaciorum authori confusus, ad eos per vitrum expellendos, quod hic scilicet commonstrarat, evestigio convertitur: atque se operam ludere videns, indignabundus tandem in hæc erupit verba Latina, quæ non intellecturum dæmonem, fortassis sperabat: Si ullam habes potestatem transmigrandi in Christianum sanguinem, transmigre ex illa in me. Cui incunctanter Latine, & quidem juridice respondit diabolus: Quem pleno jure in postremo die possidebo, quid opus est illum tentare? Postea dæmonis testimonium de Missa cognoscere cupiens Ioannes Sartorius parochus in Leon, materna lingua rogabat dæmonium, quare puella mox ad sonum campanæ, indicantem missæ actionem celebrandam, semper ab eo cogeretur ad templum: num Missa tam esset bona, aut mala? Ad hanc quæstionem se jam non respondere, deliberaturum tamen, inquit. Actus hic celebratus anno 1559. circiter 17. Augusti.

*Exorcista  
Latine re-  
spondet  
dæmon.*

*In lib.  
Conform.  
Fol. 84.  
Imperpetuo*

§ 3. Si exorcista ille assuevisset lectioni vitæ Francisci, non difficilem dæmonis fugandi modum invenisset. Cum enim Franciscus in

*Christi  
nautia.*

eo pellendo quandoque se aërem verberare intelligeret, Iuniperum Christi nautam se missurum minitabatur: quo nomine audito, fugam sine ulla mora arripiebat diabolus.

*Fol. 154.  
155.*

§ 4. In eadem narrationum obscurarum historia legitur, Franciscanum suis exorcismis diabolum compulisse ad veritatis confessionem, quater alta voce repetitam de virtute indulgentiarum ad D. Virginem, uti dicunt, pro peccata & culpa, tam efficacium, ut quidvis in ecclesia remitteretur, etiam si universi mundi homines quis trucidasset. Querebatur item, earum potentia omnes subtrahi animas, quarum antea potestatem obtinuerat: & prohi dolor non paucas ex purgatorio evolantes animas summam indulgentiarum energiam mire prædicare: mulierem quoque ea ratione à se obsideri, ut maxima earum vis innotesceret. Fatebatur insuper rogatus, earum contemptori consultius esse, ut asinum cauda traheret Ravenna Mediolanum.

*Indulgentiarum ad  
D. Virginem po-  
tentia.*

*Michæa 6.*

§ 5. Monachus dæmonem expulsurus, cum numerosa & solenni supplicatione, quam Processionem vocant, ad obsessum venit. Quare huic coetui illudens Satan, Latine ait: Popule mi, quid feci tibi?

*Vesaliensis  
exorcista.*

§ 6. Anno adhæc millesimo quingentesimo sexagesimo tertio, quâ apud Vesaliam inferiorem noverca privignam annorum circiter duodecim. Gerârdam nomine, tam premeret duriter verbis verberibus & fame, ut in morbum illaberetur caducum: dæmonium ex ea pelle-re conatus est exorcismis, & pixide cum pane missali gulæ admota, monachus quidam Winandus, ex Dominicanorum coetu: qui & vacæ exorcismos applicuit, stolæque Missalis portionem in pascuis iussit fodi, ubi pascebatur vacca. Demirandum sane, tam impune ejusmodi dæmonum mancipia tolerari à magistratu, ægerrime etiam hospitium concedente piis quibusdam, vel certe pio zelo dñctis, si propositæ confessionis formulæ subscribere graventur. Qua in re, velut & id genus reliquis, moderationem & iudicium præferre decet consulis in venerando illo ordine clarissimi, D. THEODORI GRONII, ob non vulgarem doctrinam, pietatem, prudentiam ac humanitatem, sua laude multa citra controversiam dignissimi.

§ 7. Qui suis adjurationibus diabolo bellum Colonix facit, pater est collegii Conventarum, nomine Godhardus ab Hagen. Simon Molitor ex Hassia, sive non procul à Moguntia oriundus, exorcista bis cæcus & corpore & mente, quum diris exorcismis, & nescio quibus suis fraudulentis modis pellendi dæmonis artem apud Westphalos & ditiones vicinas annos aliquot exercuisset, tandem Osnaburgi (ubi degerat jam triennium, sed admonitus, magistratus eum abigere decreverat) cum uxore ob surreptam sibi pecuniam lites movet, quæ  
die



die IX. Februarii MDLXIV. Hora vespertina in sublimius tabulatum eum vocans, ut simul pecuniam perditam inquirerent, inde eum præcipitem per tabulati valvas dedit: moxque insequuta, caput & brachium sinistrum securi amputat, ac in ignem conjicit, sic porro reliquas corporis partes flammis absumptura. Strepitum & nidorem gravem animadvertunt vicini, in ædes irruunt, & tragici spectaculi turias contuentur. A magistratu in carcerem abripitur fœmina hæc, & distracta prius ignitis forcipibus, rotæ imponitur 12. Februarii. Attende iustis Dei judiciis, pie Lector.

§ 8. Conjuratio Magdeburgi familiaris cuidam mulieri Catharinæ nomine adversus maritum militem, si quando ipsa vapulet: asseritque hac ratione securam à verberibus se esse, quorum aliqui frequentati impressione tantum non pessum ivisset. A nobili fœmina se edoctam fuisse fatebatur anno 1573. in Augusto, quum illac in Prussiam, comitatu solenni illustrissimam Ducissam Mariam Leonoram deduceremus. Germanica exorcismi verba ita sonant Latine: Conjuro tuam insolentiam, ut cor tibi infringatur, nec os tuum loquatur, & brachium mutiletur: sic me juvet Deus Pater, Filius, & Spiritus sanctus, Amen. Extrema verba ter reiterantur. En insignem impietatem.

*De exorcismo & missa ad gehennam condemnante.*

C A P. XXV.

**O**MITTER hic inferendum occurrit, apud Theologos quosdam arcanam esse Exorcismi formam, sed execrabilem, quam vocant Condemnationem ad gehennam. Hanc usurpant, quando anima corporeo scilicet vestita aspectu, per solitarias ædes noctu vagatur, & habitatoribus molesta est ejulatibus altisque suspiriis, ex tormentis, quæ in Purgatorio misere suffert, ob facultates male quæsitæ aut patrata facinora, aut ministeria non rite administrata, aut quacunque alia de causa, nec vel Missis vel exorcismis communibus aliisve imprecationibus potest abigi, vel ad quietem cogi: tunc, inquam, exorcista, adhibitis prius ceremoniis, tumulum demortui corporis, quod hæc anima repræsentabat, conculcat pede, prolatis his verbis, Vade ad gehennam: ac illico parens dicto ad inferos delabitur ista anima, in perpetuum condemnata. Inde nihil amplius animadvertitur nocturni terroris: raro tamen nec libenter ad hoc venit remedium, quum habeatur periculosum, nisi aliis irritis. Non ignotus Confluentiæ civis est, quem monachi sunt hortati, ut in ejusmodi exorcismum, suum dare votum non gravaretur.

*Missæ ad  
gehennam  
deturbans.  
Seinck-  
missæ.*

§ 2. Huc facit & Missa in gehennam deturbans, nostratibus Theologis *Seinckmissæ*. nuncupata: cujus celebratione, uti decreto irrevocabili ad tartara incunctanter demergitur irrequietus spiritus. De hac exemplum memorabile mihi nimis cognitum enarrare non pigebit, si forte usui quandoque in similium casuum dignotione esse possit. Circiter annum 1548. in civitate comitatus Montensis apud generosam dominam in Wiff, in cubiculo quodam (vbi & ego lecto fruebar eodem, siquando vocabar, stipendiarius nimirum huic matronæ medicus) vir quidam ecclesiasticus mihi non ignotus, dignitatem postea consequutus, quum dormiret, & per effractum vitri orbiculum noctu felis insiliens exiliensque, eundem è somno excitasset inquietumque reddidisset, hic apud generosam Dominam, nimis ad tales suggestiones facilem, hora matutina suas effundit querelas, se scilicet in cubiculo illo, inauspicato tota nocte à vagabundo spiritu tericulamentis insomnem redditum, & velut acerbum sibi impressum tormentum. Quid multis? Illa attonita pavidaque, quæ ejusmodi muliercularum est conditio, consilium mox rogat. *Seinckmissæ* ad gehennam præcipitante opus fore, statim respondet alter. Placet consilium. Conditione accepta, ad Collegium suum ille redit.

§ 3. Post septimanas paucas se Dominæ rursus sistit, solutione *Seinckmissæ* importunius iniquiusque postulata: se quidem nihil petere, subjungens: sed miseris illis sacrificis, qui frequenti talium Missarum celebratione non ignavam præstitissent operam, indeque victum quærirarent, non prorogandam solutionem Mercedem illa quærir: octodecim, si recte memini, equites aureos Geldrienses inde deberi, asserit hic Ecclesiasticus. Illa quum Doesburgi apud Geldros esset, & tunc temporis pecunia careret, à Patre societatis Fratrum vicino, petit mutuo pecuniam, altero incio: qui eadem accepta, ostium domus aperiens, prædam ablaturus, Patrem illum forte obvium, quippe ad prandium à Domina vocatum, impudenter ita salutat alloquiturque extensa manu, qua pecuniam ostentabat: Pater, hoc mihi cessit, quid tu es consequutus? Eveſtigio hic infert: Quum pecuniam illam postremo viderem, mea erat. Sic cū *Seinckmissæ* precio se surripit presbyter ille, Plutonis spiritum usuram usque adeo liberalem refudisse ob operam præstitam, in sinu ridens: mire autem celebris ob pecuniæ aucupium. Credulitatem hanc & passam fraudem postea Dominæ aliquando coram exprobrasse me recordor.

*Celebris exorcismi spiritus Aurelianensis historia.*

## CAP. XXVI.

**F**ICTI exorcismi historiam aliam sane lectu dignissimam hic subungere placuit, ut aliæ ejus generis actiones ex *αἰσχρολογίᾳ* penitus dijudicentur. Est autem ea, ut mihi notissima, ita & certissima. Nam eo fere tempore Lutetia Aureliam veni, ubi cognomine meo Latino, nimirum Piscinario, notior, Natalis Ramardi medici regis Francisci & reginæ Navarræ, filios duos, Natalem apud sanctum Lazarum in subutbiis Priorem, & Joannem, item Joannem Vernetum nepotem, instituendos suscepi: quos etiam post paucos menses Parisios reduxi. Hic tum familiariter utebar multis non obscuri nominis viris, potissimum medicis, Gerardo Fabro Cadurcano, Vitale Besumbæo, Joachimo quodam ex Provincia oriundo, Michaële Villanovano, & reliquis. Ibi tunc temporis quoque cum Joanne Sturmio multijugæ eruditionis viro, simul degebat doctissimus ille Joannes Sleidanus, qui institutam tragœdiæ narrationem ea fide & ordine explicat, ut à me nihil debeat immutari.

*Wierus.  
Piscina-  
rius.  
Natalis  
Ramardus.*

§ 2. Anno MDXXXIV. Prætoris uxor Aureliæ testamento caverat, ut sine pompa sepeliretur, atque strepitu. Quum enim è vita quis excessit in Galliis, præcones funebres ad hoc conducti per urbi loca frequentiora circumeunt, & cymbalis excitato sono multitudinem convocant, deinde nomen ejus, qui discessit, atque titulos edunt: & hortati populum, ut pro mortuo Deum precentur, quando sit & ubi sepeliendus, pronunciant. Cum autem funus deferretur, adhiberi solent pleurumque monachi mendicantes, & multa præferuntur luminaria. Certatim ista fiunt, & æmulatione quadam: & quo magnificentior est apparatus, eo major est populi concursus & admiratio. Sed ea, quam dixi sæmina nihil eorum sibi fieri voluit Maritus ergo, qui conjugis memoriam diligeret, morem ei gessit: & Franciscanis, quorum in templo sepulta fuit juxta patrem & avum, muneris loco dabat sex tantum aureos, quum illi sperassent multo majorem prædam. Et cum deinde sylvam caderet atq; divenderet, petentibus illis ligna dari sibi gratis, denegabat. Tulerunt hoc valde graviter: & cum antea minus illum probarent, ulciscendi rationem hanc excogitabant, ut dicerent, ipsius uxorem in sempiternum esse damnatam. Archirecti erant hujus tragœdiæ Colimannus & Stephanus Atrebatensis, ambo Theologi doctores: & ille quidem erat exorcista, torumque suum apparatus in ejusmodi rebus adhiberi solitum, habebat in promptu. Rem vero sic administrant.

*De Aurelianensi  
spiritu hi-  
storia me-  
morabili.*

§ 3. Novitium quendam adolescentem supra testudinem templi collocant : is intempesta nocte , cum ad demurmurandas preces illi more consueti venirent , magnum excitat strepitum . Adhibentur adjurationes & exorcismi : sed nihil ille proloquitur . Jussus edere signum , quo declararet , num sit mutus spiritus , denuo tumultuatur & perstrepat : id erat loco signi . Eo jacto fundamento , cives aliquot , & celebres quidem , ac ipsorum studiosos adeunt : narrant sibi triste quiddam accidisse domi , neque tamen , quid rei sit , exponunt : sed rogant , ne graventur adesse nocturnis precibus . Cum hi venissent , & precationum esset factum initium , ille de superiori loco turbam excitat . Rogatus , quid vellet , & quis esset , significat non sibi licere loqui : jubetur ergo per signa respondere ad interrogata . Foramen autem erat factum per quod admotis auribus exorcistæ vocem haurire poterat , & intelligere : deinde tabulam habebat ad manum , quam interrogatus seriebat , sic ut infra posset exaudiri .

*Hi monachi nimis legisse videtur in hoc interrogando modo, Theodatum Jacobi de Chusa ordinis Charitatis. S. Theologia professore.*

§ 4. Primum itaque rogatus , num ex eorum sit numero , qui ibi sint sepulti : postea multis ordine recitatis nominatim , quorum ibi erant corpora condita , venit tandem ad uxorem Prætoris : ibi dato signo , se spiritum ejus esse demonstrat . An sit damnatus , & quoniam suo merito seu delicto? num propter avaritiam , aut libidinem , aut superbiam , aut non præstitam charitatem , an vero propter nuper natam hæresim & Lutheranismum ? Deinde , quid sibi velit illo strepitu & inquietudine? num ut corpus loco sacro sepultum effodiatur , alioque transportetur ? Ad hæc omnia sic , ut jussus erat , per signa respondet , quibus aliquid vel affirmabat vel negabat , prout bis aut ter tabulam feriret . Cum autem & damnationis suæ causam esse Lutheranam hæresim , & effodiendum esse corpus significaret : monachi petunt à civibus , quos adhibuerant , ut iis quæ coram vidissent , dent testimonium : & actis , quæjam erant confecta superioribus diebus , subscribent .

§ 5. Hi , re deliberata , ne Prætorem offenderent , aut molestiam sibi crearent , id facere recusant . Illi nihilominus panem azymum , quem vocant hostiam & corpus Domini , cum reliquiis omnibus divorum alio transferunt , & Missas ibi suas peragunt : quod lege pontificia fieri solet , quum locus aliquis propter infamiam & profanationem est expiandus . Nam certa quedam ejus rei capita sunt , ipsorum comprehensa libris . Episcopi autem vicarius judex , Officiale vocant , ea re cognita , ut propius omnia cognosceret , venit eo , comitatus honestis aliquod viris , & exorcismos fieri se præsentem jubet : ac deligi

deligi nonnullos petit, qui supra testudinem ascendant, & videant num spectrum aliquod appareat. Ibi Stephanus Atrebatensis admodum repugnat, & valde debortatus, ne fieret, aiebat non esse turbandum spiritum: & quanquam is quem dixi, vicarius multum instabat ut adjurationes fierent, tamen impetrare nihil potuit. Interea Prætor, ubi reliquos judices urbanos, quid fieri vellet, docuisset: ad Regem profectus, rem omnem commemorat. Et quia suis privilegiis ac immunitatibus freti, judicium monachi declinabant, Rex è senatu Parisino deligit, qui de causa cognoscant: iisque plenam potestatem attribuit. Facit idem Cancellarius Antonius Pratenfis, Cardinalis & legatus per Galliam pontificius.

§ 6. Itaque quum nullam haberent exceptionem rei, traducti Lutetiam, coacti sunt respondere: sed nulla potuit ab eis exprimi confessio. Positæ singulis erant custodiæ separatim, & novitius quidem tenebatur in ædibus Fumæi senatoris, & sæpe sollicitatus nihil voluit fateri, metuens ne post interficeretur ab illis, ob iniustam ordini maculam, & factam ignominiam. Sed quum judices & impunitatem ei promitterent, & fore dicerent, ut in ipsorum potestatem minime rediret, totam actionem ordine recenser: & adductus ad illos, idem adfirmat. Illi, quanquam erant convicti: & in ipso prope maleficio deprehensi, recusabant tamen judices, ac privilegia sua jactabant: Verum id frustra fuit, & de communi consilio lata sententia damnati sunt, ut Aureliam reducti, & in carcerem conditi, publice deinde producerentur ad primarium templum, & ad eum urbis locum ubi supplicia sumuntur de maleficiis, atque ibi suum scelus ipsi profiterentur. Postea in proverbium abiisse memini, ubi figmentum aliquod narraretur, *C'est l'esprit d'Orleans*. Id sonat, Spiritus est Aurelianensis, dici solitum.

*Spiritus  
Aurelian-  
ensis.*

*Gallicæ superiori similes historiæ, Helveticæ, Italica, Scotica, Belgica:  
Item diabolum esse exorcistam.*

C A P. XXVII.

QUUM autem Georgius Buchananus, noster certe Maro, non modo hoc ipsum, sed etiam alia similia sat nota, quæ Bernæ & Senis contingere in suo Franciscano attingat & vero singularem de tentata infeliciter Purgatorii restauratione à fratre Langio in Scotia sua, ita erudite, ut omnia sua, contexat, eam descriptionem hic minime prætereundam esse puto. Queritur ergo apud eum frater Eubulus ordinis Minorum:

*Ille*

*Illa tamen patribus seges olim uberrima nostris,  
 Fingere nocturnos lemures, Manesque vagantes  
 Lustrali compescere aqua, magicisque susurrus,  
 Frigida nunc tota est: postquam nasuta juvenum  
 Pectora crassorum male credula ridet avorum:  
 Nec credit nisi quæ scriptura teste probaris:  
 Conjurata licet magnis Sorbona sigillis  
 Fimenta affirmet. Verum melioribus annis  
 Hac thalami clausas frangebant machina portas,  
 Hac testamenti tabulas mutabat, & ibat  
 Vir peregre Romam, aut Solymam, dum tedia mæchum  
 Iam sibi permissi caperent lætti: ast ubi dives  
 Umbra oblita sui paucas in funera Missus  
 Legarat, potiusque suis bona linquere natus  
 Duceret excedens, quam nostros ungere caules,  
 Non impune nefas soliti id perferre Priores.*

*Is dolor arma dedit generosis fratribus undam  
 Ad Ligeris, quæ dives agri, quæ dives Iacchi  
 Ostendat longe formosa Aurelia turres.  
 Et nisi cauta parum pietas in fraude paranda,  
 Inter tot vigilæ Argos deprensa fuisset,  
 Partus honor nostra foret & dignatio sectæ.*

*Sæpe quidem nobis facimus mala multa: velut cum  
 Alter in alterius damnum sese ordinis armat:  
 Berna novum sibi Franciscum jam sinxerat, & jam  
 Stigmata clara pedum & manuum confixera patebant:  
 Næ vicina dolens anescere commoda livor,  
 Ficta renudasset magno ludibria risu,  
 Nec damno leviori. Itale sapientia major  
 Illa ora, quæ Senensis tacite Catharina  
 Vulnera dissimulans pensat mendacia quassu,  
 Barbaricumque ad sese his artibus attrahit aurum.*

*Sed tamen hoc ævo temere miracula fingi  
 Noluerim, nisi monticolæ inter crassosque  
 Pastores: nec pastores jam spernere iutum est,  
 Quando etiam in solas migrat sapientia sylvas.  
 Quis rigidos Scotos gelidi sub vertice cæli  
 Aut animum, aut aures, oculosque habuisse putasset?*

*Et tamen ille catus vetularum Langius anceps  
Cum ceter locus errori, & nox ceca faveret,  
Non potuit celare pia ludibria fraudis.*

*Campus erat late incultus, non floribus horti  
Arrident, non messe agri, non frondibus arbor,  
Vix sterilis siccis vestitur arena myricis:  
Et pecorum rara in solis vestigia terris:  
Vicini deserta vocant. ibi saxea subter  
Antra tegunt nigras Vulcania semina cautes:  
Sulphureis passim concepta incendia venis  
Fumiferam volvunt nebulam, piceoque vapor  
Semper anhelat humus; cacisque inclusa cavernis  
Flamma furens, dum luctando penetrare sub antra  
Conatur, totis passim spiracula campis  
Findit, & ingenti tellurem pandit hiatus.  
Teter odor, tristisque habitus, faciesque locorum:  
Illic saepe animas torqueri Langius, illic  
Sape queri, & longas in fletum ducere voces  
Audit, aut voluit credi audivisse frequenter,  
Et viulabundos Cacodemonas, & per arenas  
Caudarum longos sinuatim ducere tractus.  
Sape etiam inferna (quoties jejunus adibat  
Antra) sibi visus nidorem haurire culina.*

*His ubi jam vulgi stolidas rumoribus aures  
Imbuerat, parat Exorcismum: circulus ingens  
Ducitur, hunc intra spacio brevior minores:  
In medio stabat palus, juxtaque catinus  
Plenus aqua, sed cui cineremque salemque sacerdos  
Addiderat multo cum murmure, nec sine anhelis  
Flatibus. Hoc postquam scena est instructa paratu,  
Langius ipse pater sacro venerandus amictu,  
Circum omnem irrorat fetosi aspergine sceptri,  
Verbaque precipiti contortimplicata rotatu  
Convolveus, cælum ac terras adjurat, & undas,  
Et tremefacta imis Acherontia regna cavernis.*

*Et jam nox aderat secreti conscia sacri,  
Iamque è vicinis populus convenerat agris,  
Matres atque viri, pueri innuptaque puella,*

H h h

Scire

Scire avidi quò tanta cadant promissa, nisi ille  
 Conscia secreti formidans lumina & aures  
 Esse procul magna jussisset voce profanos:  
 Quive sacerdoti non illa luce diserte  
 Cuncta susurrasset taciturnam crimina in aurem.  
 Laica ne trepidi fugiant commercia manes,  
 Nève inhians prada vel jejunus Cacodamon  
 Involet, & laceret sceleratorum unguibus artus.

Ducitur ad palum velut hostia Rusticus ipse,  
 Ficta quidem gnarus cuncta, at formidine tanta  
 Astonitus, quàm si Stygia egressurus ab alvo  
 Aspiciat nudas mandentem Cerberon umbras:  
 Sive animo timor à puero conceptus, aniles  
 Fabella hand modicus pueris plorantibus horror:  
 Sive locus sumo, & caca caligine opacus,  
 Et velut inferna terrebat imago culina.  
 Cetera submoto clam cuncta peracta popello:  
 Sed tamen audiri gemitus, vocesque minantis  
 Daemonibus, mixtaeque preces, nulloque rogante  
 Interdum responsa dari: nunc tollere vultus  
 In cælum, nunc figere humi, nunc plangere pectus  
 Langius, & sacra templum conspergere lympa,  
 Donec avis lucis prænuncia spectra moneret  
 Cedere, & in veterem se denuo condere nidum.

Tum templo egressi, dicenda tacenda referre  
 Langius, umbrarum pœnas, flamma rapidam vim  
 Lustralis, quot carnifices Cacodamones ollas  
 Admoveant, verubus quot figant, fluctibus umbras  
 Quot mersent gelidis, quot Missis cuique leveitur  
 Pœna, velut civis Syrgio vixisset Averno,  
 Ordine cuncta recensebat, neque credula deerat  
 Turba homini: purgatricis redviva favilla  
 Gloria crescebat mutum indignante Luthero:  
 Et crevisset adhuc, nisi vel formidine captus,  
 Vel pretio victum, vel vino rusticus ille  
 Anormis comes, Exorcismi proditor eben,  
 Cuncta revelasset taciti mendacia sacri.  
 Ex illo sinere, & retrò sublapsa referri

Spes



*Spes prada, & nimium vivacis gloria veri  
 Crescere. Quapropter moneo dehinc fingite parcè  
 Somnia, nocturnos lemures, miracula, ni fors  
 Aut apud extremos fieri dicantur Iberos,  
 Americòsve, aut Æthiopus, calidòve sub axe,  
 Et caput ignotis ubi Nilus condit arenis,  
 Unde aderis nemo, qui testis dicta refutet.  
 Forsitan externos solertia fugerit hostes  
 Callida, sed pestem natam intra viscera, & ipsis  
 Harentem venis hominum vix ulla cavebit  
 Cura: nisi nostrò vis provida numinis olim  
 Respexisset avos, jam dudum Funiger ordo  
 Proditus à propriis misere periisset alumniis.*

§ 2. Non omnino absimile est, quod ab Erasmo narratur. *Lib. 22. c.  
pissolar.  
pennit. c.  
piss.*  
 Convivebat cuidam parochò neptis mulier bene nummata. In hujus cubiculum profunda nocte solet irrepere lineo involucrio umbram mentiens. Emittebat voces ambiguas, sperans fore ut mulier accerferet exorcistam, aut ipsa loqueretur. Verùm illa nimis masculo animo clàm rogavit cognatum quendam, ut unam noctem secum esset in cubiculo. Ille verò fuisse armatus pro exorcismis, & probè potus, quò minus expavesceret, occulitur in lecto. Ad est spectrum solito more, nescio quid triste mugiens. Excitatur exorcista, prosiliit nondum sobrius, aggreditur. Ibi spectrum voce gestuque deterrire parat. At ebrius ille, Si tu es diabolus, ego sum mater illius: & correptum impostorem fuisse dolat, occisurus, ni mutata voce clamasset: Parce, non sum anima, sed sum dominus Joannes. Ad vocem agnitam mulier exilit è lecto, pugnamque dirimit, &c.

§ 3. Huc referenda est & alia historia, nostrum hoc argumentum spectans, nostratibus satis cognita. Chirurgus illustrissimi ducis Cliviæ, &c. Joannis patris Guilielmi, nomine Everhardus, quum vetulam in oppido Clivia haberet conjugem, & ancillam venustà forma juvenem, hujus in amplexus pervenit: ut autem majori cautela in actu hujus comœdiæ perseverari possit, à spectro exagitari se misere, queritur famula, quod aliquando ab Everhardo erat abigendum. Hoc lusu tempore longo variè agitato, cœpit vulgus sinistri nonnihil suspicari de hoc spectro: Quapropter ad Ecclesiasten abit Everhardus expostulatum de injuria

Hhh 2

perversa

perversæ opinionis sibi facta, cupitque apud populum in publica concione purgari, & spectrum defendi: quod & factum est. Tandem ex amicorum consilio ancilla rogat spiritum, quonam pacto ab hujusmodi tormentis liberari possit. Respondisse ait illa, singulis septimanis bidui jejunium cum solo pane & aqua observandum esse, quod & à se religiosè fieri, apud heram suam simulabat: deinde & hoc subjunxisse spiritum, religionis ergò cum duobus comitibus Aquisgranum esse peregrinandum. Hæc dicto parens, in toto hoc itinere spiritum ubique læta facie aperuisse craticia quæcunque ostia obvia, arrisisse quoque ipsi in lecto: atque peregrinatione absoluta, incurvatione & terrore nutu indicium gratitudinis ostendisse, asseruit, mysticè tamen. Enimverò Everhardus erat spiritus ille, qui omne ministerium præstitit: ex quo etiam tenellum foemini generis spiritum, filiolum nimirum, dum peregrinationem mentitur, peperit, pallidissimam semper facie, ut spiritus appareret, quo nomine & ab omnibus appellabatur. Quum autem eodem tempore in Gallias duceretur exercitus, Everhardus compositis huc suis negociis, relicta uxore, cum illa sua amafia copiis iis se adjungit, simulque in Gallias contendit, ubi uterque perissee creditur, quod nunquam ad suos redierit.

§ 4. De aliis sacerdotibus, simulatum dæmonem exorcismis fallaciter expellentibus, item de simili dæmoniaca muliere sanata, vide capita 27. & 28. Libri quarti. At hoc hominum genus prærogativam hæreditariam haud dubiè hic prætendit: Adjurabat enim Christum quoque per Deum viventem princeps sacerdotum.

§ 5. Exorcismi modum novit quoque diabolus, eoque adori-  
*Marc. 5.* ri Christum ipsum audent: Adjuro te, dicens, per Deum, ne me tor-  
*Matth. 8.* queas. Sed sua potentia dæmoni uni vel pluribus imperavit Chris-  
*Marc. 5.* tus: Exi, Abite: & evestigio ad obedientiam sunt redacti.  
*Lucæ 8.*

§ 6. Ut rectè Eusebius ille Cæsariensis in Panegyrico dixerit: Communis quidem omnium Servator rebelles potestates, quæ circum hunc qui terris imminet aërem pervolantes, humanis artibus insinuabant sese, invisibili ac divina potestate, velut feras agrestes, suarum ovium ceu pastor bonus, procul fugavit. In ipsius nomine egredi dæmones jusserunt paucissimis verbis Apostoli, & illius discipuli, totius naturæ dominium, & imperium omnis abstrusæ virtutis in cælo & in terra, & spiritum omnipotentis ore suo gerentes.

§ 7. Ex-

§ 7. Exploſis itaque exterminatiſque noſtris divinis, ariolis, magnorum occultis antiſtitibus, & quibuſcunque aliis ſuperſtitio- num collegis vulgaribuſque exorcitiſ: Abjiciamus Ægyptiacas diſciplinas, ſeralia carminum arcana, vanos furores, execrandas artes, & philtra vim factura diis, & Colchicos ſuccos, & dæmo- niacas factiones: Plutonica denique volumina, & umbrarum libros, Stygiaſque conjurationes, atque Acheronteos ritus membrana chartave contentos, Pyriphlegethonti, hoc eſt, igni focoque (ut Capnion inquit) tradamus, & fidamus Deo: ac in CHRISTO Dei filio, per quem vivimus, movemur & ſumus, ſinceriter ſim- pliciterque ſpem omnem fixam habeamus. Quare & genuivam maleficii curationem jam proponamus.

*Curandi Maleficii methodus certiffima.*

C A P. XXVIII.

NOBIS hic longè alia, quàm inolita jam dudum conſuetudine accepimus, in proſligando ſatana, ejuſque ſanandis malefi- ciis, ratio ineunda videtur, doctrinæ Chriſti & Apoſtolorum con- formior. Omnium vero primum, ubi malum aliquod præter na- turæ ordinem in aliquo ſe prodit, ad eum ex Dei ordinatione con- fugiendum eſt, qui profeſſione, doctrina atque artis uſu celebris, morbos, eorum differentias, ſigna & cauſas penitus dignoſcat: ni- mirum ad doctum exercitatumque bonæ conſcientiæ medicum. E- nimvero tam rara ſæpenumero & gravia in morbis ſuboriuntur ſymptomata, quæ licet naturæ impetu exoriantur, tamen ad male- ficium mox referunt rerum imperiti atque exiguæ fidei homines: quemadmodum in diverſis convulſionu- ſpeciebus, melancholia, epilepſia, uteri ſuffocatione, putreſcente ſemine, & multifariis ve- nenum effectibus frequenter apparet. Eccleſ. 38.

§ 2. At inter hos affectus & accidentia diſcernens prudens & circumſpectus medicus, ubi ea penſicularit exacta trutina, adhibi- to etiam ad diligenter cauſarum naturalium indagacionem juſto; quoad fieri poteſt, perpendiculo, ubi naturæ limites malum exupe- rare egredique, ac Satanæ, qui ſpiritus eſt, motus actioneſque ani- madvertit, in ſpiritualem medicum, Eccleſiaſtem nempe, aut Ec- cleſiæ miniſtrum inculpatum; ſanæ doctrinæ, tenentem myſterium fidei cum pura conſcientia, vitæ innocentia notum, non turpiter lu- Curandi  
maleficii  
methodus  
certa.  
  
1. Tim. 3.  
Tit. 3.

cri cupidum, non vinolentum, cui etiam bonum à piis perhibeatur testimonium, curationis onus transferet. Interim meminisse operæ precium est, multa non ex maleficio evenientia, sed ex occulta naturæ occasione, medicos quandoque latere. Ut enim rebus in est secreta juvandi proprietas, ita & nocendi: quam tamen non perpetuò agnoscit medicus.

§ 3. Tantum tamen operæ à medico hic accedet, si fortè æger natura, vel ex morbo, aut aliunde humore melancholico (cui, uti aptæ suis operationibus materiæ non illibenter se insinuare solet dæmonium) aut alio succo maligno gravari videatur, ut hic prius blandè expurgetur medicamento.

§ 4. Tradit enim Pomponarius, priscos exorcistas, quos præcantatores vocant, ante conjurationem, obsessorum corpora ab atra bile expurgasse. Morbis siquidem geminis ut plurimum hi instantur corporis nempe, ex melancholico succo genitis: & animi, ut amentia, mœrore, timore, vitæ odio, & desperatione, quibus nocte diuque ejusmodi homines macerat juratus humani generis hostis, & veluti lugubribus tentationibus ita vellicat, ut quasi aquila apud inferos Titii jecur arrodere videatur. Obsessos expulso eo humore, non amplius mirabilia facere, experimento se vidisse, in expositione illius problematis dicit Conciliator. Uxorem quoque cujusdam sutoris à dæmonio agitatum, variaque sonantem idiomata, eo modo perfectè curavit Galgarandus medicus, Mantuæ celeberrimus.

§ 5. Puella quædam in Burgo melancholica, se Virgilii spiritu obsessam esse fatebatur, diu conjurata: quod creditum est facilius, quia puella simplex, admodum pia, & quæ semper domi latuerat, Hetrusca; affectaret exprimeretque Mantuanum, hoc est, Longobardicum idioma, ut subinde Latinum aliquid sonaret. Cum nihil proficerent conjuratores, medicus ex arte adhibitis melanogogis primùm, & deinde aliis roborantibus, illam optimè per Dei gratiam restituit. Exonerato itaque corpore, promptius in reliquam sanationis observantiam, velut à naturali jam impedimento levatus, ab Ecclesiæ ministro inducetur *Διακονοφύλακας*.

§ 6. Ille tum de obsessi vel maleficio læsi vitæ & moribus, item de ejus in religione Christiana, institutione, & in præcipuis fidei nostræ capitibus, & qua fuerit, vel etiamnum sit in Deum confidentia,

dentia, vigilanter inquiret. Qua de re ubi penitius fuerit institutus, proclivior, & propemodum strata erit restitutionis via. Et enim satanæ in corruptorum morum, spurcæ vitæ, itemque diffidentiae filiis efficaciam & illusionis potentiam permittit Deus, Ephes. 2.  
2. Thess. 2.  
2. Cor. 4. quorum sensus excæcavit Deus hujus seculi, ne illucescat illis lumen Evangelii gloriæ Christi, qui est imago Dei. Affectuum quædam requiritur *analogia*, ut sit, quod dici solet, mali corvi malum ovum.

§ 7. Ubi ergo vigilanti inquisitione & artificiosa conjectura, affectus causam aliquatenus cognoverit Ecclesiæ minister, conveniens huic medicamentum applicet: ut si æger fuerit antea dissolutior, ex sacra Scripturæ libris admoneatur, corripatur, exemplis avocetur, & ad emendationem invitetur, tandem resipiscentia in ordinem redigatur. Apud præfractæ indolis hominem instandum, urgendumque tempestivè & intempestivè: item redarguendus hic, & justo Dei judicio in contumaces, subinde terrendus. Pusillanimis, & diffidentia dejectus, in spem certam & fiduciam indubitatam de ineffabili Dei bonitate & misericordia incomprehensibili erigendus, & undequaque confirmandus erit: in quam sententiam plena consolationis testimonia extant quamplurima, quæ suo loco & tempore adducentur. Si quoque perversa doctrina aut fanaticis opinionibus, vel superstitionum ludibriis quosdam transversè raptos esse, velut ansa eo modo dæmoni subministrata, comperiatur: Zizania hæc erunt eruncanda, atque salubriora doctrinæ purioris substituta semina cum omni vigilantia sedulò inferenda. Nec cognitione recitationis Dominicæ Orationis & Symboli Apostolici secundum literam, contentum esse oportet (tantum etiam posset quivis maliciosus) verum illud vivum Dei verbum ita in animis implantetur, ut apprehensum efficaciter, sentiatur potentia esse Dei ad salutem omni credenti, contra quoscunque dæmonum conatus: ut item vivifica fide invocare Deum verum, æternum, omnipotentem, & multæ miserationis parentem, in nomine Filii pro nostris peccatis mortui, & ad nostram justificationem per gloriam Patris, absorpta morte, victo satana, debellato inferno, Rom. 1.  
Rom. 6. 8. potenter exuscitati, iidem valeant.

*Quomodo*

*Quomodo Dæmonis Maleficio affecti, de ejus præstigiis & imbecillitate deinde erunt instituendi.*

## CAP. XXIX.

*Diaboli infirmos, qui nihil potest nisi permissu.*

*1. Pet. 3.*

*2. Tet. 3.*

*1. Pet. 3.*

*Rom. 8.*

*Matth. 6.*

*Lib. 2.*

*cap. 4.*

*Job. 1.*

*Matth. 8.*

*In Dialog.*

*lib. 3.*

*Super*

*Matth.*

*lib. 1.*

**D**E diaboli item operibus & præstigiis erudiantur, & quàm enervatus imbecillisque sit, ut nihil etiam possit, nisi Dei permissu: nec Deum quæcunque permittere, sed in re concessa illi limites, ultra quos ferri nequit, præfigi: quinimò Christum profectum in cælum, sedere ad dexteram Dei, subjectis sibi angelis, potestatibus & virtutibus: Cui si tanta fuit subjugandi potentia, multo magis satanam subegit coërcuitque, ut nihil omnino valeat, nisi peculiariter illi concedatur. Quod itaque clementer in nobis permittit Deus, non potest esse malum. Illi enim cura est de nobis: Qui cum omnis gratiæ sit Deus, nos ad æternam suam gloriam per **JESUM CHRISTUM** vocatos, jam parum per afflictos instaurabit, fulciet, roborabit atque stabiliet. Quis est qui nobis noceat, si boni æmulatores fuerimus? Quicquid enim fideli irrogatur, id illi bono commodoque cedit, juxta illud Pauli: Diligentibus Deum omnia cooperantur in bonum. Precationem ergo perpetuam esse decet, quò fiat voluntas cœlestis Patris in nobis. Quidquid patimur, teste Hieronymo, nostris peccatis meremur. Non habent dæmones, inquit D. Joan. Damasc. virtutes adversus aliquem, nisi à Deo dispensatè concedatur: sicuti in Jobo, & in porcis. Permissione verò Dei facta, & fortitudinem habent, & transmutantur & transfigurantur in quæcunque volunt figuram secundum imaginem, id est phantasiam. Item Gregorius: Absque omnipotentis Dei concessione nullam habet potestatem contra hominem malignus spiritus: qui etiam in porcos transire non potuit, nisi permissus. Rectè quoque Chrysostomus: Homines non quantum vult, tentat diabolus: quoniam quantum ad se, nunquam cessaret à tentatione. Neque enim habet alium actum: non enim manducat, nec dormit, nec aliud operatur, nisi ut tentet, fallat & subvertat.

§ 2. Non magis itaque timendam diaboli potestatem, quàm Deum impredientem, docet Ambrosius super Lucam. Spiritus enim mali, etiam Dei vocantur spiritus, quodd ejus captivi sint: nec attingere, castigare, tentare quicquam ausi, nisi à Deo concedatur. Jobo ne pilum quidem lædere potuit satanas, nisi impetrata permissione,

missione, eaque limitata. Quocirca non est formidandus diabolus: sed Deus, qui ursum hunc catenis alligavit captum, ut nihil omnino absque ejus singulari nutu valeat. Hiuc Christianus quæcunque adversissima à Dei digito excipiet, qui omnia in sua continet manu.

§ 3. Nec Christiani nomen merentur, qui malignæ alicui mulieri aut diabolo imputant malum invectum, ad Dei voluntatem id minus referentes. Jobus affligitur à dæmone, at à Dei manu accipit dicens: Dominus dedit, Dominus abstulit: sicut illi placuit, ita factum est: sit nomen Domini benedictum perpetuò. Non cadentis virgæ rationem ille habet, sed volentis patris. Virga punit filium: at non eam fecisse hic dicit, nisi mente nondum constet: sed patrem, qui virgam in manu habet eaque utitur. Sine ejus voluntate, ne pilus quidem capiti excidit, quin omnes pili numerati sunt: ipse virgam usurpat, quàm graviter, & quàm multum, & ubi velit. Job. 1. 2.  
Matt. 10.

*Quomodo ad tolerantiam invictam erunt excitandi demonum maleficio lesi.*

#### C A P. XXX.

**P**ropterea æquo patientique ferendum nobis erit animo, quicquid afflictionum acciderit carni, sive id lege naturæ, sive supra naturam contingat. Idem quoque faciendum, si animum immensus invadat dolor, angor, mœror, tristitia, tentatio. Ob oculos velut speculum semper revocetur exemplum sanctissimi illius Jobi, qui tot exercitatus modis, & tentarum calamitatum ac miserriarum mole pressus, Deum laudibus extulit (quamquam malorum interim ponderi impar, in verba animi parum patientis erupisse videatur) ac licet nullius malæ occasionis sibi conscius esset, non dæmonem accusat tamen, nec ab illo aut ullo homine tantas sibi inflictas ærumnas queritur: sed ex Dei æquissimi voluntate sibi ista accidisse agnoscit: ut cum uxor ei exprobraret, Ubi nunc tuus est Deus, cui confisus es? non animum abjecit, sed respondit: Ut fatua loqueris. Si bona à Deo acceperimus, quare mala non tolerabimus patienter? Sic nos quoque in afflictione nostra, ad Deum oculos mentemque dirigere decet, & justissimæ ejus voluntati nos nostræque placidè summittere: quandoquidem ille nihil

*Qualif-  
cunque  
afflictio  
patienter  
ferenda.*

*Job. 2.*

*Prov. 2.  
Habr. 12.  
Eccl. 13.  
Cur diaboli & angelorum ejus ministerio utantur Deus.  
August. serm. 24. de Temp.*

vult, nisi quod optimum, quanquam nobis interdum secus videatur. Quos diligit, castigat: nec peccatoris vult mortem: sed ut convertatur & vivat.

§ 2. Suorum famulorum, ut diaboli vel cujusvis alterius, ministerio utitur, quod nos ob nostra scelera aut incredulitatem puniat, & hoc modo ad rectam conversionis viam reducat: vel etiam sic tentat nos Dominus Deus noster, quemadmodum Deuter. 13. legitur, ut palam fiat, utrum diligamus eum, an non, in totocorde & in tota anima nostra.

*Jacobi 1.*

§ 3. Pro summo gaudio itaque ducite fratres (inquit D. Jacobus) quoties in tentationes incideritis varias: illud scientes, quodd exploratio fidei parit patientiam. Cæterum patientia opus perfectum habeat, ut sitis perfecti & integri, nullaque in parte imminuti. Beatum item prædicat virum, qui suffert tentationem: quoniam cum probatus fuerit, accipiet coronam vitæ, quam promissit Dominus his, à quibus fuerit dilectus. Hinc admonet D.

*1. Petr. 4.*

Petrus: Charissimi, ne miremini, dum per ignem exploramini, quæ res ad experimentum vestri sit: perinde quasi novum aliquid vobis obtingat: imò in hoc quodd consortes estis afflictionum Christi, gaudete, ut in revelatione quoque gloriæ ejusdem gaudeatis exultantes. Timotheum quoque hortatur Paulus, ut afflictiones ferat tanquam bonus miles JESU Christi. Non enim quis coronatur, nisi legitime certaverit. Exemplum accipite,

*2. Timoth. 2.*

*Jacobi 5.*

fratres mei (monet Iacobus) afflictionis & patientiæ, prophetas, qui loquuti sunt in nomine Domini: Ecce beatos dicimus eos qui sustinent. Tolerantiam audistis Iobi, & finem Domini vidistis, quodd valde misericors sit Dominus, ac commiserans, qui piòs è tentatione novit eripere, Petro teste. Iobum totum (excepta illius anima, quam illæsam permanere voluit Dominus) etiam in suis substantiis & sobole durissimè, Deo annuente, afflixit satan: Verum post inviolatam illius patientiam, cum multa ejus usura, cuncta illi uberrimè reposuit Deus: Cujus jam non est decurtata manus, id ipsum potest, & infinitis partibus majora.

*2. Petr. 2.*

*Iob. 1. 2.*

*Iob. 42.*

§ 4. Quoriam ergo alicujus hominis, aut etiam ipsius dæmonis, nos terrebit violentia aut malignitas? cur ab horum jaculis usque adedò expavescimus? quæ si in nos vibrentur figanturque, non tamen ad internecionem transfigent, si constanti fide reverberemus, retorqueamusque. Resistendum diabolo, & fugiet à nobis: nec

*Jacob. 4.  
Ephes. 4.*



nec illi locus est dandus : sed Christi verbo pellendus, Abi satana. Fidelis est Deus, qui non finit nos tentari ultra id quod possumus; imò faciet unà cum tentatione exitum, quòd sufferre queamus. 2. Cor. 10. Matth. 4. Psal. 91. No- vit ille, quibus nobis opus sit, priusquam petamus. Ne exhorresca- mus, hortatur David, à timore nocturno, tentatione scilicet occul- ta: nec à sagitta volante in die, tentatione quippe manifesta: nec à negotio perambulante in tenebris, nempe à spectris in tenebris versantibus: nec ab incurfu & dæmonio meridiano, quod Pau- 2. Cor. 12. lo nuncupatur angelus lucis, in quem se transfigurat diabolus.

§ 5. Ad tolerantiam præterea invictam contra dæmonum in- sultus, & constantem in Deum fiduciam, ita afflicti sedulò exci- tandi sunt patrum quoque exemplis: velut Antonii Ægyptiaci, quem in tumulto latitantem tam graviter lacerarunt dæmones, ut tanquam mortuum ad hospitium reportarit illum minister: ubi nonnihil respirans & quasi reviviscens, clam aliis ad tumulum se referri jubet: ibique ex priorum vulnerum dolore prostratus, cum ex animi fortitudine ad conflictum dæmones provocasset, nec illi cunctarentur, assumptisque variarum bestiarum & serpentum for- mis, Antonium dentibus, cornibus, unguibusque impeterent, & denud lancinarent, subitò lucis quidam radius dæmones & tene- bras fugavit. statimque sanatus Antonius, Christum præsentem ef- se intellexit, dicens: Ubi eras Iesu bone, ubi eras? quare à prin- cipio non adfuisti, ut vulnera curares mea? Et vox ad eum facta: Antoni, inquit, hic eram: sed distuli ob tuum certamen, quod prius observare libuit: jam autem, quoniam strenum te pugilem præstiteris, in toto orbe celebre tuum erit nomen. Hæc in vita S. Antonii ab Athanasio descripta, & dè Græco per Évagrium Presby- terum translata: ubi lucta cum diabolo varia mireque acerba, & insignis divini viri patientiaque legitur.

§ 6. Nullus certè, quod sciam, animosior fuit Hilarione (qui Antonio fuit contemporaneus, sed junior) fortiusque neglexit dæ- monum fraudes, quippe qui in solitudine sæpe infantium voces intempesta nocte se audire existimavit, nunc balatus ovium, nunc mugitus boum, planctus mulierum, leonum rugitus, strepitum armorum, variarumque portenta vocum. Cæterum ausus aliquan- do totum phasma explorare, Dominicæ crucis signo ad lunæ lu- men tugurio egreditur, & sollicitè circumspiciens, ecce currum directis in se equis euntem conspicatus est: hic Christi Nazareni

*Anton.  
Sabell.  
lib. 10.  
Exempl.  
cap. 13.*

nomine invocato, in vestigio mansit, expectans rei eventum. tum verò terrificata illa bigarum species subito terræ hiatu in conspectu absorpta est. Atqui licet à dæmone excrucietur mirè, oratione tamen vincebat: à qua ubi aliàs paululum quievisset, satan feriant in insidiat, repente ejus dorso insiliit calcibus latera quatens, cervicem flagro: Eia, inquit, dormitas? mox cachinno desuper increpitans: Hordecum jamne, ait, an paleas fello tuo asino offeres? Nam suam carnem nonnihil obstreperam, aliquando sic affatus fuerat: Ego te asine non hordeo, sed palea pascam, faximque ne posthac recalcitres.

In lib.  
Conf. Vol.  
92.

§ 7. Hic vides Franciscum non satis novisse hominis pii vires in toleranda quavis afflictione dæmonis. Legitur enim in ejus vita, fratrem Egidium interrogasse Franciscum his verbis: An diabolus sic sit terribilis, quoddam homo per unum Pater noster non posset sustinere? ipsum respondisse, Quod nullus possit sustinere diabolus per medium Pater noster, quin statim moretur. Huc referatur Cypriani sermo de Bono patientiæ, ubi & impatientiæ exempla proponuntur; item sermo quartus Chrysostomi.

*Communium precum in maleficio efficacia.*

C A P. XXXI.

Communium  
preces.

UT insuper maleficio læsorum fidem adaugeat, vulneraque, tortore dæmone ejus jussu fugato, sanare dignetur misericordiarum pater, communibus ad eum ex animi penetrabilibus fufis confidenter precibus erunt juvandi. Id ab authore epistolæ ad Hebræos disertè mandatur: Memores estote victorum, tanquam unà cum illis victi: eorum qui affliguntur, velut ipsi quoque versantes in corpore. Orate pro vobis invicem, ut sani sitis: piè monet D. Iacobus. Multum enim valet deprecatio justis efficax. Helias homo erat similiter obnoxius afflictionibus ut nos: & precatus est ne plueret, & non pluit super terram annos tres, & menses sex: & rursus oravit, & cælum dedit pluviam, & terra produxit fructum suum. Item: Infirmatur quis inter vos? accersat seniores Ecclesiæ, & orent super eum, ungentes eum oleo in nomine Domini: & obsecratio fidei salvum reddet laborantem, & eriget eum Dominus: & si in peccatis fuerit, remittentur ei.

Hebr. 13.

Iacobi 5.  
3. Reg. 17

§. 2. Hinc

§ 2. Hinc orationum fidei publicè & seorsim à Christi fidelibus ad rem præsentem accommodatarum respondentiumque energia, liquidò constat. Ne Petri fides deficeret latanæ insultu, qui expectivitat ut eum velut titricum cribraret, Christi oratione intercedente impetratum est. Contra diaboli astutias ut vigilent cum omni dulitate & deprecatione pro omnibus sanctis, Ephesios studiosè exhortatur Paulus. Admonet item Timotheum, ut ante omnia fiant deprecationes, obsecrationes, interpellationes, gratiarum actiones pro omnibus hominibus. Fidem quoque Christi operâ sibi augeri orant Apostoli. Per Mosis orationem ad Dominum, soror illius Maria liberatur à lepra. Sic patris oratione, Christo genua flectentis, dicentisque, Domine miserere filii mei, quoniam lunaticus est, & miserè affligitur, &c. Increpatur dæmonium puerque sanatur. Se autem credere testabatur hic vir in suis precibus, & orabat Christum, ut ipsius incredulitati succurreret. Mulier quoque Græca, Syrophœnissa genere, ad pedes Christi provoluta, rogabat eum, ut dæmonium à quo filia miserè cruciabatur, exturbaret: & ob ejus interpellationem, exonerabatur filia. Multum confidebat Iudith in oratione fratrum, quando dixit: Orate ut firmum faciat propositum meum Deus, &c. Nihil aliud fiat, nisi oratio pro iue ad Dominum Deum nostrum. Petrus & Joannes orant pro Samaritanis, ut acciperent Spiritum sanctum. Si quis inter nos affligitur, orare jubet D. Jacobus.

Lucæ 11.

Ephes 6

1. Tim. 2.

Num. 12.

Matt. 17.

Marc 9.

Lucæ 9.

Matt. 15.

Marc 7.

Iudith. 8.

Matt. 8.

Iacob 5.

§ 3. Chrysostomus de incomprehensibili Dei natura, hominibus 3. testatur, obsessos in templum adductos à diacono tempore publici congressus, quum cœna Dominica peragi soleret, iussosque caput inclinare, & sic pro ipsis orasse populum. Homines, inquit, à dæmone agitati, tanquam vinculis quibusdam retenti adducebantur, ut populo universaque civitate præsentè, communes pro his fierent supplicationes, ut omnes jugi concordia Dominum communem orarent pro his, & quòd miseretur, magno clamore contenderent.

§ 4. Recitat Insuper Prosper Aquitanicus, in locum publici congressus ad altare, dum cœnæ Dominicæ instituta actio celebraretur, adductam puellam, & plebem pro ea ad Dominum orasse, ac de cœna participem factam quoque, & sic liberatam. Idem libro 6. de Prædictionibus & promissionibus tradit, suo tempore Carthagini puellam quandam Christianam, quum in balneis quod-

dam

dam Veneris simulachrum minus pudicè intuita esset, seque eidem assimilasset, mox à diabolo obsessam fuisse, qui gutturi meatus occupavit, ut circiter dies septuaginta noctisque totidem ferme, nec cibum nec potum trajicere potuerit. Parentes quum nullam levationem animadverterent, puellam ad Ecclesiæ ministrum adducunt, eique rem ut acta erat, bona fide exponunt. Unum hoc puella confessam addidit, Noctis medio videri sibi avem quandam adesse, & nescio quid ori ingerere. Tandem in templum deducitur, fiunt preces: & cum ei cœna Domini porrigeretur, quam ægrè accepit, cacodæmonè nimirum reluctante, liberata est.

§ 5. Narrat Theodorus Lector lib. 2. Episcopum Christianorum in Persia jussu esse, à rege dæmones profligare: qui collectis piis preces fecit, & adjuratione eos abegit. Ioannem monachum quendam in Ægypto dæmones sola expulisse precatione, tradit Sozom. lib. 6. cap. 28. Cœtus monachorum, inter quos Macarius & Isidorus, Lucii scelere sub Valente, in insulam exiguam, ubi nulli erant Christiani, relegati, filiam ibi sacerdotis dæmone correptam & humi præcipitatam, conjunctis precibus liberant, patrique sanam restitunt. Marcellus Apameensis Episcopus, destructurus sub Theodosii imperio fanum Iovis Apameæ, atrum dæmonis spectrum, vim ignis suppositi coercens, sic repulit. Iussit aquam adferri in vasculo: qua supposita sacro altari, ipse in faciem humi prostratus, Domino supplicavit, ne ulterius progredi dæmonis tyrannidem sineret. Finita oratione, figura crucis aquam consignavit, atque flammæ diaconum jussit inspergere: quo facto, dæmon aufugit.

§ 6. Augustinus etiam commemorat, virum quendam tribunitium Hesperium, in Fusalensi territorio Africæ fundum habuisse, qui fuit infestatus à malignis spiritibus, ita ut animalia & servos graviter affligerint. Domestica igitur hac calamitate coactus, accessit Dominus fundi ad Ecclesiæ ministros, rogavitque ut aliquis ibi preces facere dignaretur. Abiit igitur quidam eò, oravitque ardentè & seridè, imò etiam ibi cœnam Domini distribuit: & protinus illa dæmonum vexatio cessavit. Ambrosius: Bonum scutum est oratio, ut quo omnia ignita spicula adversarii repelluntur.

Theodoret.  
l. 4. c. 21.

Theodoret.  
l. 5. c. 11.

Liv. 22. de  
Civitat.  
Dei. c. 8.

*Iejunii in operibus diaboli vincendi energia.*

## CAP. XXXII.

**I**ndicantur etiam jejunia, si fortè caro, nimia sui indulgentia *Jejunia.*  
 proterviens, locum dæmoni dederit: ut hoc restricta freno, in  
 ordinem redeat. Quare Porphyrius tradit, jejunium & castitatem  
 maximè laudari, non quia iis placatior inprimis efficiatur Deus:  
 sed ut retroagantur qui sanguine & immundicia gaudentes, quo  
 perfrui possint his, utentium corpora invadunt. Est enim ali- *Matt. 27.*  
 quod dæmoniorum genus, quod non nisi orationibus & jejuniis *Marc. 9.*  
 ejicitur, Christo auctore, incredulitatis, propter quam illud expel- *Luc. 9.*  
 lere nequiverunt, discipulos redarguente. Eleachim quoque sacer- *Ind. 4.*  
 dos Domini magnus, sic omnem Israël alloquitur: Scitote quo-  
 niam exaudiet Dominus preces vestras, si manentes permanseritis  
 in jejuniis & orationibus in conspectu Domini. Et Raphaël To- *Tob. 12.*  
 biam docet, bonam esse orationem cum jejunio.

§. 2. Historiam in hanc rem nigrè commodam narrat Hæctor *Lib. 8.*  
 Boethius, in Gareothæ scilicet regionis vico quodam, quatuordec- *Histor.*  
 cim vix passuum milibus ab Aberdonia dissito, eximæ formæ ado- *Scot.*  
 lescentem coram Aberdonensi antistite questum esse palam, sese à  
 dæmone succuba (ut dicunt) gratissima omnium quas vidisset for-  
 mæ, multos jam menses infestari, eandemque occlusis foribus no-  
 ctu ad se ingredi, & blanditiis in suos compellere amplexus: du-  
 bia luce eam penè sine strepitu abire, nec ullo se modo, cum plu-  
 rifariam tentasset, à tanta tamque turpi vesania liberari. Iubet con-  
 tinuò circumspectus & pius Episcopus, adolescentem aliò se con-  
 ferre: & ut secundum Christianam religionem magis laudatis je-  
 juniis & orationibus solito attentius accommodaret animam: hinc  
 fore arbitrabatur, ut piis operibus intento victus cacodæmon tan-  
 dem terga daret. Nec felix defuit successus salubri consilio: quod  
 adolescens religiosè exequutus, paucos post dies omnino ab illis  
 vindicatur ludibriis. Sic incubum dæmonem non amplius infestaf-  
 se Navetis mulierem, post confessionem & sacram communionem,  
 quæ jejunia & preces comitari solent, legitur in vita D. Bernhardi.

§. 3. Hic jejunii, uti theriacæ præsentissimæ, vires & encomium,  
 oculis omnium semper opponendum hoc seculo dissolutissimo ex-  
 ulceratissimoque, ac animi & corporis morbis dæmonumque in-  
 sultui

*Jejunii  
virtus &  
meritum.*

sultui apprimè obnoxio, ex Athanasio & Cypriano adducam: Jejunium morbos sanat, distillationes exiccat, dæmones fugat, malasque cogitationes expellit, & mentem nitidiorem reddit, & cor purgatus, & corpus salubrius, & ad thronum Dei hominem sistit. Et pòt: Quisquis igitur ab immundo spiritu vexatur, certum habere debet, hoc pharmaco, jejunio inquam, statim spiritus malos afflictos abscedere, vim jejunii metuentes. Valde enim dæmones oblectantur crapula, & ocio corporis. Cyprianus de Jejunio & tentationibus Christi: Jejunium, inquit, si discretionem regatur, omnem carnis rebellionem edomat, & tyrannidem gulæ spoliatur & exarmat. Jejunium extra ordinarios motus in cippo claudit & arctat, & appetitus vagos distringit & ligat. Jejunium si humilitate ornetur, servos Dei contemptores mundi efficit. Jejunium carnes azyimas mundat & solidat, & putredines quæ ex adipe prodeunt, consumit & siccatur. Jejunium Scripturarum deliciis pascitur, contemplatione reficitur, gratia stabilitur, cœlesti pane nutritur. Danieli interpretatio somniorum revelatur jejunio, & tres pueri de Babylonio illæsi egrediuntur incendio. Moses in monte quadraginta diebus jejunans cum Domino perseverans, & Dei familiaritatem, colloquium, & legis ministerium promeretur. Helias quoque eodem dierum numero abstinens, in eremo conversatur. Et pòt: Efficax est oratio præcedente jejunio, & sacris studiis antecedentibus non patitur postulatio devota repulsam. Origenes in cap. 7. Matthæi, ubi Christus dicit, Apostolos propter incredulitatem nequivisse ejicere dæmonium: Si aliquando nos oportuerit circa curationem tale quid patientium permanere, non adjuremus neque interrogemus, neque talia loquamur, quasi audienti spiritui immundo: sed permanentes in orationibus & jejniis, impetremus patienti salutem à Deo, & abigemus jejniis & orationibus spiritus malignos. De jejunii potentia insignes duo sermones Basilii Magni, item unus Chrysostomi 18.

### *Eleemosynarum virtus.*

#### C A P. XXXIII.

*Eleemosyna.*

**A**ccedat adhæc, pro facultatum ratione, earum communicatio, & in pauperes erogatio, oblatioque: quem odorem bonæ fragrantiae, hostiam acceptam gratamque Deo, appellat

Paulus ad Philipp. qui Romanos etiam impensè adhortatur ad to- *Philip. 4.*  
lerantiam in afflictione, & precationi ut instarent, necessitatibus *Rom. 12.*  
que sanctorum communicarent.

§ 2. Cornelius item centurio ex cohorte Italica, religiosus ac *Act. 10*  
timens Deum, præstans eleëmofynas plebi multas, deprecansque  
Deum semper, quam auidivit ab angelo vocem? Corneli, orationes  
tuæ & eleëmofynæ tuæ ascenderunt in memoriam coram Deo. Et  
Raphael angelus ad Tobiam: Bona est, ait, eleëmofyna magis *Tobia 12.*  
quàm thesauros auri recondere: quoniam eleëmofyna à morte li-  
berat, & ipsa est quæ purgat peccata, & facit invenire misericor-  
diam & vitam æternam. Item Tobias pater ad filium, ante mor- *Tobia 4.*  
tem: Ex substantia tua fac eleëmofynam, & noli avertere faciem  
tuam ab ullo paupere: ita enim fiet, ut nec à te avertatur facies Do-  
mini. Quomodo potueris, ita esto misericors. Si multum tibi fue-  
rit, abundanter tribue: si exiguum penes te fuerit, etiam exiguum  
libenter impertiri stude. Præmium enim bonum tibi thesaurizas in  
die necessitatis: quoniam eleëmofyna ab omni peccato & à morte  
liberat, & non patietur animam ire in tenebras. Fiducia magna  
erit coram summo Deo eleëmofyna, omnibus facientibus eam. A- *Luce 11.*  
pud Lucam ipsa veritas loquitur: Date eleëmofynam, & ecce mun-  
da sunt vobis omnia. Nabuchodonozori Babylonis regi sua sit *Dan. 4.*  
Daniel, ut eleëmofynis redimeret animam. Apud Ecclesiasticum *Ecclef. 3.*  
legitur: Ut aqua ignem ardentem extinguit, ita peccatum expiat  
eleëmofyna: cujus Dominus gratiam redditurus, memor erit in  
posterum, ut author tempore casus sui adminiculum inveniat. Nam *Ecclef. 17*  
eleëmofyna viri, quasi sacculus cum ipso, & gratiam hominis qua- *& 29.*  
si pupillam conservabit, & postea resurget & retribuet illis retri-  
butionem, unicuique in caput ipsorum. Ergo concludere eleëmo-  
synam in corde pauperis, & hæc pro te exorabit ab omni malo. Hic  
locum habebit Cypriani sermo de Eleëmofyna, item Chrysostomi  
homil. 32. 33. 34. 35. 36. 37.

*Cum multifariam afflictis quàm variè agi debet, & imitanda  
diversæ sanationis exempla.*

## CAP. XXXIV.

**A** Pud ægrum lucida suarum exacerbationum habentem intervalla, horum plurima, cum iudicio à prudente Ecclesiæ ministro proponi possunt. Apud hunc verò qui continuò torquetur, mente læsus, orationes ( ut dixi ) communes, & fidelium intercessiones necessitati præsentī consono sensu applicatæ, jejunia & egenorum sublevatio, suum habebunt pondus.

*Vbi plures male-  
ficii læsi  
simul uno  
in loco  
sunt, quid  
faciendum.*

§ 2. Cæterum si uno in loco maleficiis collidantur numero plures ( quemadmodum in monasteriis, potissimum virginum, velut organorum satanæ ludibriis magis accommodatorum, frequenter uluvenire cernimus ) ante omnia huc curâ propendeat, ut separentur, & una quælibet ad parentes vel sanguine aut affinitate proximos avehatur, quo singulæ seorsim commodius fideliusque institui & sanari queant. Restitutionis autem habeatur pro cuiusque necessitate delectus, ne uno ( quod ajunt ) calopodio ( quorundam ineptorum, mendacium, impostorum, superstitionis impietatisque antistitum more ) quis calceare conetur omnes, & dissolutis præscriptorum verborum minus convenientium formulis, commenticiisque quibusdam ritibus & substantiis ad rem minimè facientibus, profligare pergat dæmonem, in iis ridentem illudentemque, & fugam plerumque simulantem egregiè, quasi compulsum, licet ultrò cedentem, ut nos incredulitatis labyrintho altius involvat, si vetitis eum mediis fugatum credamus: hac ratione è corporibus cedit sæpè numerò, & quidem libenter, ut animas minus impedire possideat, eisque dominetur. Quæ verò virgines arctius occlusæ cohibentur, nec egredi permittuntur, quod equidem in ejusmodi casu comprobare nequeo: vel quæ in designato eo loco clementem Dei manum, patrisque virgam, cum vera sui abnegatione fortiter tolerare cum lobo in animum induxerint, mutuam hic præstent in suorum cruciatuum intervallis operam, se mutud consolantes, modumque præscriptum, quoad fieri potest, observantes:

*Juniores  
ad tale  
spectacu-  
lum non  
admitten-  
da.*

§ 3. Nec ad hujusmodi spectaculum admittantur juniores, ne territæ tormentorum raritate & vehementia, quid mali contrahant, cùm eis avidè admodum infidietur diabolus.

§ 4. Cum



§ 4. Cum aliàs ad piam puellam in cœnobio obferatam literas dedissem, quibus virginum eo in loco olim incredibili cruciamen-  
torum genere à dæmonio exercitarum ( quatum superiori memini  
Libro, c. 10. ) historias mihi cupiebam describi, ea in hanc ferè sen-  
tentiam respondit : Duas adhuc ex illis supereffe octogennarias pro-  
pe modum, à quibus sæpius audivisset, ne magno quidem se yelle  
gravi illa caruisse calamitate, ex Dei voluntate nata, quodd inde  
peculiare gratiæ divinæ donum & illuminationem se consequutas  
sensissent : nec secus earum testari vitam. Quid Antonio nocuit,  
severos in suis cervicibus tulisse magistros ? cui eos ad Dei nutum  
perpesso in majus cessit lucrum & gloriam. Scribebat quoque,  
missos eo tempore fuisse undecunque viros doctos, qui terrihco-  
rum eorum symptomatum larvas contuiti, eas penitissimè scruta-  
rentur, amolirenturque : sed quo in ejusmodi consiliis confidentius  
perstiterè, eo malum recrudit gravius, ut tandem Dei opus esse  
singulare faterentur : à cujus manu cum id exciperent, & se toto  
corde sub potenti ejus brachio submitterent, semet integrè abne-  
gantes, humilitatemque usque aded amplexæ, quo etiam cunctis  
suis affectibus restiterint, eosque vicerint : & breviter, ad divini  
verbi normam toto animo vitam conformarint, tunc paulatim eva-  
nuerunt universæ illæ diræ. Piam epistolæ illius virginis partem ju-  
stis de causis inserere volui, quodd id consilium meo instituto pro-  
sus responderet : & ne ejusmodi virgines usqueadè à piorum nu-  
mero alienas esse, quis temerè in animum inducat, etiamsi adhuc  
multa in iis desiderari non diffitear, quæ inscia & non sana infor-  
matione prætermittuntur.

*Attem-  
randa hi-  
storia cu-  
ragarum  
menia-  
lum a-  
pod Ma-  
ria arbo-  
rem prope  
Xanthis.*

§ 5. Porro monasterium id ingressus, coràm cum altera con-  
tuli vetula, quæ id mali decem sustinuerat annos, eo nomine gratias  
Deo agens quàm maximas : ac si ætas admitteret, se libenter denuò  
iisdem velle calamitatum fluctibus objici aserebat. Hortata au-  
tem ne est maximopere, ut si in consilium ad ita afflictas accerser-  
er, me exorcismos admitterem unquam. Quædam in eo tormen-  
torum theatro constituta, à fratre virginis ex quorundam consilio  
excarnificabatur : quemadmodum ab ineptis etiamnum hodie con-  
sulitur, quasi dæmonem profligent virgæ, & non potius eo modo  
ille carnificinam procuret. Ea rei indignatione & pudore illa per-  
cussa, contabuit pedetentim, & moritura cecinit. Rogata verò  
cantonis causam, respondit : eo quodd de salute sua æterna minimè

*Vera abnegationis exemplum.*

hæsitaret. Altera quoque jam diu à dæmonio excruciatæ, & mortis proxima, se totam attenta oratione Deo offerebat, ut secum pro suo arbitrio quicquid vellet, in tempore & in æternum ageret, dummodo ipsius glorificaretur nomen, obsecrans: rogabatque reliquas virgines, ut post ejus mortem non ex more, Misere mei Deus, canerent: sed, Gloria patri. Memorabile abnegationis veræ exemplum.

*Curandi dæmoniaci exemplum infigne.*

§ 6. Singularem insuper, & suo loco imitandam aliquando curationis eorum quos vexat diabolus, rationem, ex sequenti colliges historia. Philippus Wesselich Colonienfis, monachus abbatiæ Knechtenstein, integer & simplex, à spiritu referente abbatem macilentum, ante multos annos mortuum, exagitabatur miserè & multifariam, circa annum quinquagesimum supra millesimum quingentesimum: interdum avehebatur sub tectum, alias per ligna transversa conjunctiora supra campanam intrudebatur, plerunque per murum transferebatur inopinatò, inventus quandoque est corpore super piscinam projecto, capite autem in terram reclinante. Tandem se prædit spiritus, diutinæ & multiplicis vexationis causam explicans: se nimirum esse illum abbatem Matthiam Durensem, tot annis sepultum: ac eo torqueri, quodd suspensam D. Virginis effigiem exquisitè depingi curarit: nec satis fuisse factum pictoris Novesiani laboribus & impensis, qui inde jacturam senferit, ac sibi ipsi vim fecerit. Verum id fuit. Subnectebat hinc solutionis modum, cujus nomine hanc exorsus erat fabulam diabolus: expiari scilicet hoc delictum non posse, aut ulla se liberari ratione, nisi religionis ergò Treveris & Aquigrani peregrinaretur hic Philippus (quem ob simplicitatem accommodatum suis ludibriis organum ratus est diabolus) & tres Missæ, de trinitate scilicet, de domina, de tempore, in ejus assertionem recitarentur. Ut hæc spiritus voto satisfaceret, consuluerunt Theologi Colonienfes: & capitulariter (ut illorum more loquar) id reliqui postulabant quoque monachi à suo superstite etiamnum abbate D. Gerardo Strailgen Morfensi.

§ 7. At hic saniori institutione atque acri, increpatione in aliam potius sententiam Philippum existimavit traducendum, ut videlicet fide viva omnis miserationis Deo patri, & Christo assertori nostro unico confusus, dæmonis imposturas animo negligeret fortiti: redeuntique spiritui objiceret, se non esse sui juris, verum sub

sub aliorum degere imperio , propterea nec posse ob rerum penuriam à se obediñi ejus votis. Quo factò , spiritus respondit: Dic Suppriori. De eo enim confirmandi sui instituti spem conceperat. Quare Abbas, ubi dæmonem perseverare , nec monachum illius illusionibus satis confidenter resistere animadvertit, ipsum denuò rectius instituit , studiosè hortatus ut resipisceret , nec tam pronas offerret satanæ technis aures : si verò manes , uti hæcenus , audire pergeret , se illum flagris , & quidem capitulariter cæsurum , severissimè minitatus est. Hinc irritos suos spiritus videns conatus ob abbatis constantiam , & animum Philippi magis erectum fiducia in Deum adversus fraudulenta exitialiaque dæmonii studia , nunquam rediit , alioque migravit. Hanc curandi methodum , in eo fraudum diabolicarum genere , quandoque in usum revocandam arbitraret.

*Fistæ obsessionis curationes certa probataque.*

C A P. X X X V.

**M**uliercula Bartholomæa nomine , quum in pago Well, præter morem sub Missæ actione hymnus ille qui incipit, Gloria in excelsis Deo , Germanica lingua caneretur, mox velut dæmonio correpta , in extasin conjici videbatur , cum maxima hominum perturbatione , in eo tormento perdurans, donec absolveretur cantio. Quum ad hunc actum aliquandiu conviveretur , nec tamen desincret scemella , tandem à pagi domina, Anna à Virmont , in arcem vocatur : quæ humaniter & amicè causam rogat , cur sub ea cantilena se ita vinci sineret, quum eadem essent verba Germanica quæ Latina , absque mutatione? eique hymnum Germanicum prælegit , & verba interpretatur, quibus nihil absonum , nihil impium , aut quod ullam offensionis daret causam , inesset. Jubet itaque eam forti esse animo, se jam eundem hymnum Germanicè cantaturam in cubiculo, præmonens : & si illa deijci se pateretur , adhibituram se remedium , quod pellendo ejuscemodi dæmonio esse cum primis usui didicisset , minitabatur. Ita mox in cantionis initio , muliercula loco prius observato, quo se prosternere vellet , in terram provolvitur. Cui incunçtanter , vestitu prius levato, domina prudens & cordata matrona, simul cum filia, virgas imprimit acres, eo

quo decuit studio : illa interim retracta manibus veste, earum conabatur arcere titillationem.

*Aplur. 6.* § 2. Extremis enim morbis, teste Hippocrate, extrema exquisitè remedia optima sunt. Hoc propinatum pharmacum, contra hujusmodi dæmonis insultum existere antidotum incomparabile, atque se à doctis viris didicisse, mulierculæ denuò persuadet domina, hortaturque eam confidentiori esse animo, nervum dæmonii hoc medicamento jam esse haud dubiè infractum : eamque simul concinere jubet. Sic dulci modulamine simul repetitur cantilena, finiturque sine ullo commotionis indicio : Hoc comædiæ actû à famulis ante ostium observato, scæminam illi egressam arripiunt, unaque hymnum alta voce canunt : & consilium hoc fuisse exturbando huic satanæ ut certissimum, ita & saluberrimum compertum est. Oportet autem habere delectum in usurpanda hac theriaca. Non enim omnium oculis unò medendum est collyrio : solum ejus generis dæmonio profligando præsentissimum citra ullam moram aut hæsitacionem erit alexipharmacum, quod hominem invadit exercetque pro ipsius energumeni voluntate, arbitrio & libidine.

§ 3. Se ea ratione fuisse sanata, à domina in arcem Wel revocata Barthalomæa, coram me confessa est. Hic qualemcunque sortitus fuit effectum Canon 60. de his qui se simulant dæmoniacos, qui ita habet : Eos qui se dæmone correptos esse simulant, & morum improbitate eorum figuram & habitum simulatè præ se ferunt, visum est omnimodo puniri, & ejusmodi afflictionibus & laboribus eos subjici oportere, quibus hi qui à dæmone verè correpti sunt, ut à dæmonis operatione liberentur, verè subjiciuntur.

*Isan. 19.* § 4. Se vidisse Romæ quendam nomine Julium, narrat Rondeletius, qui catalepsi putabatur corripi, quoties illa Passionis verba audiret, Consummatum est. Voluit autem probare, num verè corripereetur, an fingeret. Quum itaque simul essent apud Alexandrum linguæ Hebraicæ professorem, & hujus uxor fortè in alterius gratiam recitaret duo illa verba, statim sacrificus hic extasi videbatur affligi : eoque viso, alter baculum adferri jussit, quo morbum profligaret : proinde sine mora ad se rediit. Auxit suspicionem, quòd quum eo malo afficeretur, prius undiquaque spectaret, ubi suum tutò reponeret caput. Auditum postea est, illum ob hanc simulationem missum fuisse à Veneris in exilium cum quadam meretrice, quæ simili morbo se prehendi simulabat.

§ 5. Porro

§ 5. Porro figmentum non erat, sed catalepsis, à sanguine melancholico cerebri substantiam occupante, quam patiebatur puella in quodam pago non procul à Nemauso in Simeneis montibus. *Catalepsis a melancholico sanguine.* Hæc erat annorum vigintiquinque, nupta cuidam juveni quem parum amabat: vixitque tantum dies octo cum eo, ubi hoc morbo ob animi ægritudinem corriperebatur. Quam ob causam in parentum ædes rediit, in quibus tamdiu à malo illæsa permanebat, quam mariti oblivio duraret: recrudescerebat verò, quum de marito cogitaret, vel illius mentionem audiret: aut etiam quando ad illam insciam maritus fortè veniret, priusquam cum vel videret vel audiret. Quod si in via aquæ hydriam gestaret, eam quandoque deponeret, aliquot horas in eodem loco sedens vel decumbens, oculis & ore apertis, sine sensu & motu, nisi quod ventris & costarum infernarum muscoli multum moverentur.

*In concubitus maleficio quid faciundum.*

C A P. XXXVI.

**D**E naturalis congressus, satanæ opera præpediti, curatione ita scribit Igmarius Remensis archiepiscopus: Si per fortitias atque maleficas artes occulto, sed nunquam Dei injusto iudicio permittente, & diabolo præparante, concubitus non sequitur: hortandi sunt quibus ista eveniunt, ut corde contrito & spiritu humilitatis, Deo & sacerdoti purè confiteantur, &c. *In cap. Si per fort. 33. qn. 1.*

§ 2. In controversia, ubi maritus ad congressum ineptus esse ex maleficio accusaretur, in foro Constantienti decretum fuisse scribit Ulricus Molitor, ut primùm à medicis ille, quem leges dicunt maleficiatum vel frigidum, inspiceretur, num alia illius impotentia naturalis foveretur causa: deinde ut triennium adhuc uxor cum marito conviveret, qui suas interea temporis experiretur vires: utque eleëmofynas liberalius erogarent, & jejuniis vacarent, quo matrimonii institutor Deus ejusmodi malum amoliri dignaretur. Decretum sanè ad imitationem revocandum. Huc accerlantur etiam, quæ in legitima maleficii curatione hætenus proposui. *Decretum in concubitus maleficio. In tract. de lamen & Ty thonicis.*

§ 3. Novi & characteres in charta virginea scriptos, & aduersus id mali, velut arcanum summum celebratos, super quos septies legitur Psalms, Eripe me de inimicis meis: ligaturque *Tf. 142.*

turque charta ad viri coxam. At mysterium hoc apud Acheronta sepultum malo.

§ 4. Cæterum ridiculam admodum, nimisque religiosa mcurationem plerisque bona fide ne prodant, in aurem exemplo insinuare volui. Mulier Katharina Loe nomine, cujus mihi nota soboles, viro nupta, hunc in initio comperit impotentem. Quare à vario temerè quæsito consilio, hæc in ara D. Antonio sacra Everfeldi in ducatu Montensi ubi degebat, ceream membri virilis effigiem religionis ergò, ut à suo malo levaretur maritus, suspendit offertque. Sacrificus rei ignarus canone ad altare demissis oculis recitato, ut fieri solet, suspicit, priapumque illum cereum inopinato intuitus, Tollatur dæmonium illud, acerbè inquit.

*Exorcismi quando, & quomodo & à quibus adhibendi.*

C A P. XXXVII.

Quando  
adhibendi  
exorcismi,  
& quomodo.  
Qualem  
oportet esse  
exorcis-  
tam.  
Ephes. 6.  
In concilio  
Carthagi-  
nensi 4.  
23 dist. c.  
exorcista.  
cap. 7. de  
consecrat.  
§. ca. om-  
ne die  
ubi de e-  
nergume-  
an id est,  
abscessu a-  
gitur. qui-  
bus manus  
imponunt  
exorcista.  
luc. 11. c. 79  
Synodi  
Aquis-  
gran. sub  
Ludovico  
Pio, ne-

**P**orro si dictis rationibus nondum cedit inflata calamitas, opusque satanæ perdurat, eum increpare licet ex Christi doctrina Marci 16. quod credentes per ejus nomen dæmonia sint ejecturi. Ea propter Apoloistorum & primitivæ purioris Ecclesiæ exemplo, per Christi nomen expellat minister, vero ductus zelo, conscientia bonæ testimonio fretus, habens peculiare illud Spiritus sancti donum, ejiciendi nimirum dæmonia: gladio spiritus, quippe Dei verbo accinctus, atque divina panoplia circumquaque munitus, assumpto super omnia fidei scuto, quo omnia jacula mali illius ignita queat extinguere (qualem armaturam in hujus Libri initio ex Paulo proposui) ne cum discipulis Christi dæmonium fugare nequeuntibus à Christo audiat: O natio incredula & distorta, quousque tandem ero vobiscum? quousque patiar vos? firmiter hinc infallibili nitatur promissioni: Amen dico vobis, qui credit in me, opera quæ ego facio, & ipse faciet, & majora horum faciet, quia ego ad Patrem vado. Et: Quodcunque petieritis Patrem in nomine meo, hoc faciam, ut glorificetur pater per filium. Si quid petieritis per nomen meum, ego faciam. Scribit item Lucas, septuaginta reversos ad Christum cum gaudio discipulos, dicentes: Domine, etiam dæmonia subjiciuntur nobis per nomen tuum. Ait autem illis: Videbam

satanam

que in Ecclesia, neque in domibus licebat iis exorcizare, qui non erant ab Episcopo ordinati. Matth. 17. Marci 9. Luca 9. Ioan. 14. Matth. 21. Marci 11. Luca 10.

satanam sicut fulgur de cœlo cadentem. Ecce do vobis potestatem calcandi super serpentes & scorpiones, & super omnem virtutem inimici, & nihil vobis nocebit. Ita in Christi nomine flectuntur genua cœlestium, terrestrium, & infernorum. Nec aliud nomen sub cœlo datum est hominibus, in quo oporteat nos salvos fieri. Solo hoc Patris æterni verbo creata sunt cœlum & terra, & quicquid in eis consistit. Ejus nutu in præcipitum ruit illa immensa angelorum caterva. Ad Christi adventum imperiumque horruerunt & profugerunt, quotquot arctissimo vinculo in sua custodia miseros mortales constrinxerant diaboli. In hoc nomine credentes discipuli, dæmonia exturbarunt. Pythonis spiritum in Macedonia, ex puella dæmoniaca eiecit Paulus his verbis: Præcipio tibi in nomine J E S U Christi, exire ab ea. Et exiit eadem hora. Sic à Petro jussi sunt dæmones egredi, qui vel unicum diem sibi indulgeri, ut in subjugatis permanerent corporibus, rogabant: teste Clemente.

§ 2. Apud Hieronymum presbyterum in vita Hilarionis Palæstini cremitæ, legitur de quodam Constantii Imperatoris candidato, ex Francia Germaniæ orto, quem à teneris unguiculis dæmon obsederat malignus. Ductus igitur ille Gazam ad Hilarionem, exponensque tam Syra quàm Græca lingua (quas tamen nusquam didicerat dæmoniacus) multiplicem obsidionis causam, ei respondit vir sanctus: Non curo quomodo intraveris, sed ut excas in nomine Domini nostri J E S U Christi impero. In hoc nomine Simon Apostolus simulachrum Solis comminuit: Et Judas Lunæ, dæmonibus inde visibiliter Æthiopum forma expulsi. Dæmonem ex Solis idolo fugavit D. Thomas: draconem sub mortis statua in Scythia excurrentem profligavit Philippus Apostolus: septem dæmones similitudine canum inter monumenta commorantes secus viam, prætereuntesque graviter lædentes, abegit D. Andreas. Sic in Capitolio draconem clausisse Sylvestrem, & Philippum Leviathan fugasse, traditur.

§ 3. Joannes Evangelista superato veneno, dæmonem in Dianæ templo ducentos & quadragintanovem annos commoratum, his verbis loco expulit: Interdico tibi in nomine J E S U Christi Nazareni, ne ultrà hic habites. Et confectum decessit Epheso. Quocirca jussu Domitiani in Pathmon insulam exul deportabatur vir sanctissimus. Hic cum Cynops magorum princeps in Phara

*Philip. 3.**Alter. 4.**Genes. 1.**Iean. 1.**Matth. 8.**9. 13. 17.**Marci**15. 9.**Luc. 4.**8. 9. 11.**13.**Alter. 16**Act. 1. 1.**hijer.**Apostol.**Lik. a.**Rece.**Abdias**Episcop.**Babil.**libr. 6.**Hijer.**Apost.**item 1. 9.**10. 13.**Joannis**Evangelis-**ta in su-**gendo dæ-**monem con-**tra magi**Cynops**miracul*

oppido contra Joannis doctrinam, & edita in Christi nomine miracula, ex falsa sacerdotum Apollinis in Joannem criminatione, maleficiis populum dementaret avocaretque, mortuos etiam se excire jactabat: quorum facie assumpta etiam dæmones apparuerunt, è mari emerſi. Tandem Joanni ait Cynops: Veni fodes ad portum, ut aspicias potentiam meam, & amplius admiraberis. Igitur Ioannes cum universa multitudine rediit, præcipiens illis tribus dæmonibus, qui sub imagine hominum nuper reſurgentium comitabantur, ne diſcederent. Concuffis itaque manibus, & terribili maris ſonitu peractò, Cynops ſe, ut antea, demifit in mare, atque ſic ex oculis hominum evanuit: qui clamare non ceſſabant, laudando dicentes: Magnus es Cynops, & nemo præter te.

*Cynops  
magnus  
ſubmergi-  
tur ora-  
tione  
D. Ioan-  
nis.*

§ 2. Ioannes interim orabat Dominum, ut inter vivos ultra nequaquam connumeraretur magus ille. Tum repente vehemens eſt pelagi murmur auditum: & procellis ingruentibus ei loco, ubi ſe præcipitavit, nuſquam apparuit. Et dæmones qui ſub humana figura ſtabant, quaſi jam pridem reſuſcitati à mortuis, adjurabantur ab Apoſtolo Dei, dicente: In nomine crucifixi Ieſu Chriſti ex hac inſula exite, nunquam redituri, & ſtatim ab univerſorum oculis diſparuerunt, fruſtra expectantium Cynopem, ſi fortè ex ſtrecto reſurgeret.

*Suzamen.  
libra 4.  
cap. 16.*

§ 3. Arſatius inſignis confeſſor ſub Licinio, vidit aliquando dæmoniacum quendam gladio ſtriſto per forum diſcurrere, & obvium quenque terrere ac fugare. Huic itaque obviam ſeſe offerens Arſatius, Chriſtum nominavit, ac verbo dæmonium expulit, obſeſſumque liberavit. Verbo adhæc dæmones fugavit Paphnutius, teſte Ruſſino lib. i. cap. 4. Sic apparet, quantum verè Chriſtianis magiſtri nomen profuerit, & imitatio juverit.

*Adelphi  
Clareba-  
chi effica-  
x oratio.*

§ 4. Anno 1529. in turrem terriculamentis à multis annis inquietiſſimam Colonix Gallinaceam portam nuncupatam, religionis cauſa deductus eſt pius & doctus vir Adolphus Clarebach, ut die noctuque acerbius torqueretur. At lemuribus prima nocte ad ingenium conſuetò more redeuntibus, turbasque & terrores citantibus, ad ardentes ille converſus orationes, eoſdem ita vicit exturbavitque, ut talium umbrarum poſtea eo in loco fuerit obſervatum nihil, quum ille etiam inde eduſtus conſtanti Chriſtianæ fidei confeſſione vitam finiſſet, corpore flammis abſumpto. Tantarum eſt virium contra diaboli machinamenta ſervens pii hominis ad Deum



Deum oratio. Scripserat autem distichon in dealbato turris pariete, digito denigrato carbonis pulvere & aqua mixtis (quodd atramentum & papyrus illi fuissent in carcere denegata) in hanc ferè sententiam: Ubi Emanuel, nullus terriculamentis satanicis relinquitur locus.

§ 5. Hæc est conjuratio, hic vehemens fortisque exorcismus, hic modus fugandi dæmonis certus, hæc brevis formula, hi sunt characteres, quibus invocatur omnipotentia rebus supra communem vitæ rationem agendis: hæc doctrina vera, hoc fundamentum solidum: hic philosophorum lapis, longè quidem exuperans eum, de quo Alchimici hallucinati contendunt: imò lapis angularis, in quo omnis structura firmiter coagmentatur. Hæc sunt divina testimonia, hæc sacrorum nostrorum monumenta, hæc veri sacerdotis memorialia, hæc purissima signa, hæc nostræ in exturbandis dæmonibus ceremoniæ, paucis contentæ, facili usu, vili apparatu. Hæc ars cælo sublimior, tartaro profundior, libera periculis, umbrarum hostis, contemptris larvarum, simulachrorum perosa, nec thuris nec meri indiga, universis manibus, lemuribus, larvis imperitans, omnia busta, omnia sepulchra & species mortuorum contemnens, & inania terriculamenta, & noctium occuracula, & inferorum commeacula (ut Capnion inquit) exporrecta fronte fugans, fatum & naturam vincens, & quicquid unquam ritè optamus, si modus à magistro traditus observetur, indefinenter perficiens, & indeficienter adimplens.

*Esaiæ 28.  
Ephes. 2.*

§ 6. Verbo languores universos sanavit, & dæmones expulit Christus. Si ergo securè operari voles, necessariò illud Pauli consilium ob oculos pone: Quodcunque facitis in verbo & in opere, ut omne id in nomine Domini nostri JESU CHRISTI faciatis. Hoc est salutiferum medicamentum: quin ipsa panacea, vel potius hæc salus nostra & medela. Rectè hinc Nazianzenus in Defensorio ait, Dæmones adhuc contremiscere, quando Christi nomen invocatur. Contra hunc nullæ ligaturarum præstigiæ, nulla maleficiorum ostenta, nec ulla dæmonii opera, momentum quidem perdurant, quin dicto citius evanescent.

*Matth. 8.  
Colossen. 2.*

§ 7. Proinde à Lactantio quàm verissimè dictum est: Dæmones justos, id est, veri Dei cultores metuere: cujus nomine adjurati, de corporibus excedunt: quorum verbis verberati, non modò se dæmones esse consentunt, sed etiam sua nomina edunt. Quia nec Deo,

*Lib. 2.  
cap. 16.  
de Orig.  
erroris.  
Idem apud Clem.  
lib. 9. Recogn.*

per quem adjurantur : nec iustis , quorum voce torquentur , mentiri possunt. Itaque maximis sæpe ululatus editis verberari se ac ardere , & jam jamque exire proclamant. In hoc ordine curationis , Scripturæ sacræ fundamento innixæ , nullam erroris suspensionem , nihil idololatriæ , nullam blasphemix opinionem foveri , luce meridiana clarius contuemur.

*Demonia ejiciendi modus Ecclesiæ veteris.*

C A P. XXXVIII.

CÆterum ne quis hoc nostrum consilium velut ab usitata nostrorum hominum Ecclesiasticorum ratione alienum calumniatur , & explodendum decernat , bona fide hic beati Clementis verba subjungam , quibus pellendi satanæ formam in Ecclesia veteri & puriore familiarem , nostroque præscripto conformem , pulchrè describit lib. 8. capite 32. de Constit. S. Apost. Iacobus Alphæi : Exorcista non ordinatur : spontaneæ enim benevolentix est hoc certamen , & gratiæ Dei per Christum supervisione Spiritus sancti. Nam qui accipit charisma curationum , per revelationem à Deo declaratur , quum pateat omnibus gratia , quæ est in ipso. Et libro eodem , capite 7. Postquam exiverunt Catechumeni , dicat diaconus : Orate energumeni , hoc est , vexati ab immundis spiritibus : intente omnes pro ipsis orate , ut benignus Deus per Christum increpet inmundos & nequam spiritus , & eripiat servos suos ab imperio inimici , qui increpavit legionem dæmonum , & principem malorum diabolum , ipse nunc increpet pietatis rebelles , & liberet figmenta sua à vexatione ipsius , & purget ea quæ ingenti sapientia condidit. Etiam attente oremus , Salva & excita illos Deus in virtute tua. Inclinate vos energumeni , ut benedictionem accipiatis. Et Episcopus oret dicens : Qui fortem armatum ligasti , & omnia vasa ejus diripuisti : qui dedisti nobis potestatem ambulandi super serpentes & scorpiones , & super omnem virtutem inimici : qui homicidam serpentem ligatum tradidisti nobis , tanquam passerem puerulis , quem cuncta pavent & horrent à facie virtutis tuæ : qui cum dejecisti , sicut fulgur è caelo in terram , non lapsu locali , sed ab honore in ignominiam , ob voluntariam nequitiam : cujus aspectus siccatur abyssos , &

*Energum-  
enorum.*

*cap. 8.*

& minæ liquefaciunt montes, & veritas Domini manet in æternum: quem laudant infantes, & lactentes benedicunt: quem celebrant & adorant angeli: qui aspicit super terram, & facit eam tremere: qui tangit montes, & fumigant: qui minatur mari, & ficcat illud, & omnia flumina deserta facit: cujus nubes pulvis pedum ejus: qui ambulat super mare sicut pavementum: unigenite Deus magni patris fili, increpa spiritus nequam, & libera opera manuum tuarum ab alieni spiritus vexatione: quoniam tibi gloria, honor & adoratio, & per te tuo patri in sancto Spiritu in secula, Amen.

Job. 8.

Ps. 103.  
Natum.

Job. 9.

§ 2. Consentit his Augustinus, de utilitate credendi, cap. 22. Vera pietate homines Dei æream potestatem inimicam contrariamque pietati, exorcizando ejiciunt, non placando: omnes tentationes adversitatesque vincunt orando, non ipsam, sed suum Deum adversus ipsam. Non enim aliquem vincit aut subjugat, nisi societate peccati. In ejus ergo nomine vincitur, qui hominem assumpsit, egitque sine peccato, ut in ipso sacerdote atque sacrificio fieret remissio peccatorum, id est, per mediatorem Dei & hominum, hominem Christum IESUM, per quem facta peccatorum purgatione reconciliamur Deo.

*Judicium Philippi melanthonis de demoniacis, ex  
Epistolarum libris.*

C A P. XXXIX.

ET si sunt interdum physicae causæ furorum seu *παρεφερωών* seu *μαρίας*: tamen certissimum est, diabolos in aliquorum hominum corda ingredi, & efficere furores & cruciatus in eis, vel cum physicis causis vel sine eis: quia manifestum est, tales homines interdum etiam sine physicis remediis liberari. Et sæpe hæc diabolica spectacula sunt prodigia & significationes rerum futurarum.

§ 2. Ante annos duodecim mulier erat in Saxonia, quæ nullas litteras didicerat: tamen quum ageretur à diabolo, post cruciatus loquebatur Græcè & Latine de futuro bello Saxonico: Erit magna angustia in terra, & ira in populo, *ἔσται ἀνάγκη ἐπὶ τῷ γένει, καὶ ὁργὴ ἐν τῷ λαῷ τούτῳ.*

§ 3. Ante annos sedecim erat in Marchia puella, cui rapienti pilos à vestibus, vertebantur illi pili in nummos Marchicos, quos

devorabat puella longo fragore dentium. Et figuræ illæ nummorum interdum ex manibus ejus subito extortæ, erant veri nummi, qui adhuc à nonnullis servantur: ac subinde magnos cruciatus sentiebat puella: sed à toto illo morbo liberata est post aliquot menses, & adhuc vivit sana. Sunt autem crebræ piorum preces pro ea factæ, & consultò omissæ sunt aliæ ceremoniæ.

§ 4. In Italia audio fuisse mulierem, quæ etiam nullas didicerat literas: quæ quum ageretur à diabolo, interrogata, quis verus Virgilius sit optimus? respondit:

*Discite justitiam moniti, & non temnere Divos.*

§ 5. De illis miseris virginibus, quas Romæ cruciari audio, eas à diabolis torqueri judico, & significantur pœnæ Italiæ & aliarum gentium. Nec verò dubito vera piorum preces tolli id malum, & expelli diabolos posse. Rectè etiam facient, siqui homines non Epicurei, sed verè invocantes filium Dei Dominum nostrum JESUM Christum, serid præcipiant diabolis, ut ab illis miseris discedant: & de venturo judicio filii Dei, in quo malicia diabolorum ostendetur, palàm universæ ecclesiæ dicent, & de pœnis diabolorum. Sed hæc fieri oportet serid, & omittendæ sunt ceremoniæ *ἁγισμῶν* & lustralis aquæ & faltarum invocationum Cornelii & similium. Scio plura exempla, in quibus profuisse piorum preces certum est.

*Ineptus maleficii bestiarum curandi modus vulgaris, tempestatis item sedatio impia.*

C A P: X L.

C Ujus verò Scripturæ testimonio, aut quo exemplo fulciatur vulgaris illa & aliquandiu malè inoluta maleficii per quemcunque ineptum, & quandoque bis cæcum, curandi, & dæmonis eliminandi ratio, me profectò latet. Nam præter inutilem ceremoniarum congeriem, exorcismos ii homines adhibent diros, ne dicam blasphemos: Stentorea adhuc vociferatione, profusorumque verborum turbine, violenter abigere dæmonem velle videntur, Evangelia à proposito diffona, Symbolum Apostolorum, Orationem Dominicam, salutationem Angelicam, & nescio quæ alia, iterum atque iterum repetentes. Quorsum hæc ad satanæ expulsi-

nem

nem conferent; ubi mandatum, ubi exemplum, apud Christum, Apostolos, vel ejus discipulos, sive etiam primitivæ Ecclesiæ ministros? Rei propositæ non respondet verborum intellectus. Christus, ejusque imitatores in fugando diabolo convenientibus sunt usi verbis. Illam autem verborum recitationem cum instituta actione minime cohærere, nemo non videt.

§ 2. At abominabile suum sacrilegium ponderent illi, qui eum modum nedum usurpare audent, verum etiam bestiis & inanimatis rebus, præter subnascentis Ecclesiæ sincerioris exemplum, execrandas conjurationes & frequentem tremendi nominis Dei nuncupationem solenniter applicare, item signum crucis cum oratione Dominica & salutatione Angelica ter vel sæpius repetita (sic Mallei referunt authores) vaccæ consecrare non verentur. Hos ut minimum in secundi Præcepti transgressione haud leviter delinquere, ne quid gravius addam, sentiunt alii.

*Bestiis & rebus inanimatis conjurationis superstitiosa applicantur. 2 secundæ part. quæst. 2. cap. 7.*

§ 3. Describit præterea Jacobus de Clusa Chartusianus, quomodo sal, panis & aqua exorcismis consecrantur, & quomodo panem cum aqua gustari oporteat novem diebus continuè, quibus etiam recitabuntur tria Pater noster & Ave Maria in honore sanctæ Trinitatis, & sancti Huberti, &c. adversus quemcunque morbum tam hominum quàm pecudum, item insultum satanæ, & morsum canis rabidi. At bonas horas hunc nimis malè collocasse sentio. Alibi ejusmodi sale asperguntur, & thure conjurato susciuntur homines & bestię, & recitantur Letaniæ.

§ 4. Consilium item contra maleficas, ne animalia, &c. ab eisdem inficiantur, sic describitur: Recipe tempore Paschali de candelâ Paschali benedicta videlicet, stillas vel particulas à superiori parte collectas, ubi ardebat, & fac de illa cera candelam parvam: & tunc in die Dominica surge manè, & accende ceram, & accipe lumen illud, ut stillæ aut particulæ cadant super cornua & aures illius animalis. In nomine P. & F. & duplex S.S. & combure illud animal modicum cum luminè illo benedicto infra cornua aut aures, &c. & quicquid residuum fuerit de cera aut candelâ, affige ad modum crucis circa stabulum supra janua aut sub janua, ubi animalia solent intrare & exire: tunc illo anno animalia tua non inficientur à maleficis.

§ 5. Benedictionem insuper hanc pecorum, quibus abstrahitur per incubos lac, &c. ut hic scribitur, ita docet libellus. Recipe ramos

mos palmarum, & fac crucem, deinde scribantur hæc nomina, Tetragramaton Adonai, Otheos, Jesus, Maria, Joannes: & ponantur in modum crucis super crucem præfatam, & tegantur hæc de cera consecrata in vigilia Paschæ: aut scribantur prædicta nomina in cera benedicta ad modum crucis posita super lignum crucis de ramis palmarum prosternatis ante crucem in die Palmarum, & tunc super hoc ponatur in modum crucis parum de corporali & stola benedicta: & illud sui aut involvi debet panno lineo, imponendo modicum de abrotano & foliis palmarum, & istud ponatur in vasculo, trans quod colari debet lac extractum à bestis: & debet bestia sumere novem vicibus de aqua consecrata seu benedicta: & debent in quibus lac funditur, alpergi cum aqua benedicta, ut supra, &c. Item, Istud etiam valet contra omnia maleficia, sive sint in braxatura & cultura, tinctoribus & hominibus, bestiis: & sic de aliis, ut infra. Item, Præscripta nomina contra maleficia scribi debent in cera benedicta, ut prædictum est, & ponatur in cervisia recenti antequam ascendat, & incipit laborare ad caput, &c.

§ 6. † Iesus Nazarenus † rex Iudæorum † Non percuties eos qui signati sunt hoc signo thau T. Istud præscriptum valet pro hominibus & pecoribus, qui sunt per Pythonicam infecti, & debet dari in ferculis aut potibus eorum, videlicet in chartula scripta, ut supra. Hactenus ille.

§ 7. Idem adhæc hominum genus in foramen cornu vaccini terebra impressum, contra incantamentum quandoque intrudere solet mixturam ex cereæ Paschalis, & ejusdem thuris ac stolæ momento.

§ 8. Huc accedat lactis vaccini restitutio per consecrationis modum in frequenti usu habitum apud ancillam Theodori Lopers, vicarii in nosodochio Kreveldienſi, tres alentis vaccas: quæ ubi domum reversæ, non satis lactis pro more redderent, ancilla Christina nomine, vaccas in mille diabolorum nomine egredi, atque suum repetere lac jubebat: inde ad cujusdam mulierculæ ob maleficium suspectæ ædes progredi, consistereque aliquamdiu cum valido & frequenti boatu illæ videbantur: deinde ad stabulum regressæ, lac refundere solitum dicebantur. Nugæ sunt, & mera ludibria.

*Radicula  
consecra-  
tio.*

*Grandinis  
tempe.*

§ 9. Contra grandines verò & tempestates, ultra crucis signum,

gnum, lapilli tres ex grandine in ignem sub invocatione sanctissimæ Trinitatis conjiciuntur, oratio Dominica cum Angelica salutatione bis aut ter recitatur: Adjungitur Evangelium Ioannis. In principio erat verbum: atque signum crucis undique contra tempestatem antè & retrò, & ex omni parte terræ subinfertur. Demum quum in fine ter repetierit exorcisma, Verbum caro factum est: & toties annexuerit, Per Evangelica dicta fugiat tempestas ista: subito tempestas, si eam maleficium excitarit, cessabit. Hæc verissima experimenta, nec suspecta judicanda, dicunt Theologi illi. Qui sanè illud ipsum vitium committere videntur, quod in aliis emendare cupiunt: &, ut ille canit poëta Satyricus.

*Statu ex maleficio nata seductio suscipitur. Ab Augustine interdicitur, & lectur 26. quæst. 7. non observata.*

*Dum stulti vitant vitia, in contraria currunt.*

§ 10. Quantum enim deest ejusmodi conjuratoribus, ut non verè exprimant rationem præstigiatorum & incantatorum? Et tamen ista & similia non in levibus solum experiuntur rebus, sed etiam in benedictis Dei creaturis, imò in mysteriis & institutis Christi perfidè abutuntur. Sed absurdiora hæc sunt, quàm ut longiori confutatione indigeant. In secundum Decalogi præceptum hic quoque haud dubiè impingitur, quanquam secus ab illis doceatur.

§ 11. Atqui si in nomine Dei & Christi pronunciato preces & exorcismos finire, & exoptatum finem interdum consequi obijciant, Christi veracis quæso vicissim verba audiant: Multi dicent mihi in illo die, Domine Domine, nonne in nomine tuo propheta-  
vimus, & tuo nomine dæmonia ejecimus, & tuo nomine multas virtutes præstitimus? Ac tum confitebor illis: Nunquam novi vos. Discedite à me qui operamini iniquitatem. Impiorum itaque exorcismi virtute non cedit diabolus, sed spontè: ut impietatem confirmet, & erroribus alios immergat altius.

*Matth. 7.*

§ 12. Rectè itaque D. Thomas de potentia Dei, quæst. 6. art. 10. in solutione 3. argumenti, ait: Si Salomon fecit exorcismos eo tempore, quando erat in statu salutis, potuit esse in illis exorcismis vis cogendi dæmones ex virtute divina. Si autem tempore illo fecit, qui idola adoravit, ut intelligatur eum per magicas fecisse artes, non fuit in illis exorcismis vis dæmones compellendi.

*Si jumenta præter naturam quid pati videantur, item contra venena, quid faciendum.*

## CAP. XLI.

**S**I verò præter naturam quid pati jumenta credantur (quod tamen cognitu difficilimum, cum sæpe in pascuis venena vel depascantur, vel spiritus attractu illiciant) primum omnium his pharmacum contra venena vel similia vitia offerri potest, & reliqua administrari, quæ ex naturali conjectura & arte (quam doctè copioseque tradit Vegetius de arte veterinaria vel mulomedicina libris quatuor, item Columella, Cæsar Constantinus, & plerique alii veteres & recentiores) usui fore arbitramur, successum toleranter expectantes. Quæ si minus juverint, sed morte armentum abripiatur: velut speculum, mentis oculis opponenda erit Iobi patientia: & quicquid id est calamitatis ac damni, Deo sic volenti (qui dedit & abstulit, idque sicut illi placitum est, ita facit) ferendum erit acceptum: nec ad ariolos aut divinos, aut Pythonis spiritu turgidos, contra evidens Dei mandatum, impiè confugiendum.

*Columell.  
de re Rust.  
l. 6. & 7.  
Cæsar  
Const. lib.  
17. 18.  
19.  
lib. 1.*

*De rer. Rust.  
cap. 141.*

Hi namque imitatione sacrilega comprobare videntur M. Catonis idololatriam, qui in agro lustrando certis utitur ceremoniis, solennibus sacrificiis, verbis atque votis Telluri dicatis, ut insuetas alat arbores: ipsis etiam arboribus exoratis ut transmigrent, & in alieno solo accrescant: rapis quoque obsecratis dum seruntur, ut sibi & familiæ vicinisque benignè conferant: precibus Marti fusis, ut ager pecoraque serventur.

*De Arte  
vete. lib. 1  
cap. 20.*

§ 2. Suffumentum autem animantium morbis prohibendis utile, legitur apud Vegetium, qui licet id quoque, lustrare animalia, fascinum tollere, dæmones fugare, & grandines inhibere, ab aliis malè persuasus scribit: tamen odore suo, causa quippe naturali, tam hominum quàm animalium morbis resistere, & aërem defendere addit. Ita habet:

§ 3. Recip. sulphuris vivi lb. bituminis Iudaici lb. i. opopanacis, achanti, galbani, castorei, irios crudi, an. ʒ vi. salis Ammoniacy ʒ ii. salis Cappadoces, cornu cervini, lapidis gagatis masculi, lapidis gagatis feminæ, an. ʒ iii. lapidis hæmatitis, lapidis fideritis, lapidis argeritis, an. ʒ i. equuleas, id est, caballiones marinos, caudas marinas, ungues marinos, an. num. 7. uvæ marinæ ʒ iii. medul-



medullæ cervinæ, cedrei, picis liquidæ, an. lb. iii. ossa sepia num. 7. auri 3. s, ballucæ siliquam. Hæc universa commisceantur, & succendantur. Sed si memoratos lapides aut invenire nequiveris, aut enormitate precii ab emptione cessaveris, reliqua efficaciter profant.

§ 4. Interea tamen studiosè inquirendum, num aliquid monstrialatur, aut fucus alicubi foveatur: quemadmodum à quodam latommo apud Batavos factum memini, qui stabula ingressus, lupi stercois clàm in præsepibus abscondebatur: cujus odore, ut voracis sui hostis præsentia, ob antipathiam, veluti malefico actu, territæ pecudes, ultrò citroque exultare, & insolito concitari furore videbantur, unde turbati rustici incantamentum esse conjicerent. Quocirca ad fabulæ actorem, velut è specula hæc observantem, atque sanandi maleficii nomine celebrem concurrebatur: qui tecta falcini materia, lupi nimirum excremento, occultè ablata, ocyus malum amoliebatur. Sublata enim causa, tollitur effectus. Sic rem qualemcunque ex hac professione faciebat: à viris tamen bonis admonebatur, ut maturè ejusmodi falsitati renunciaret, ne merita falsarium consequeretur punitio.

*Pocula  
delesta ma-  
leficio  
acta.*

§ 5. Porro contra quæcunque venena, oblata philtia aut cupidinis pocula, medicorum imploranda erit opera: ut postquam perspicaci indagine ex relatu, circumstantiis & symptomatibus oportis, si non in veneni essentia absolutam cognitionem, saltem ad ejus qualemcunque conjecturam illi pervenerint quàm ocyssimè (in mora enim hic sæpe periculum existit) tum pro ejus qualitate deleteria & vehementia, quàm poterunt artificiosa & exacta methodo admoliti evestigio manum, alexiteria, & quæ ars dictabit, ordine administrent. Venena, eorumque assumptorum vel aliàs insufficientium indicia, simul & propria antidota, medicorum novit schola: nec ea hic explicare, nostri est instituti. Si verò ita affectos, ad temerarios alterius scholæ homines aberrare contingat, mortis alcam profectò haud rarò, etiamsi pestifera veneni vis sit lenta, virulentia pedetentim accrescente, tandemque cordia vitalèm formitem feriente, experiuntur infelices.

*Contra  
venefi-  
cium  
quid fa-  
ciendum.*

## M A G O R V M

INFAMIUM, LAMIARUM

E T

V E N E F I C O R U M P O E N I S.

L I B E R S E X T U S.

*Quod magis infamibus variis diversa sit irroganda pœna.*

C A P. I.



UOD meam hic sententiam vulgari, & jam multis annis inveterata opinione dissonam, velut appendicem, quinque superioribus Libris annectam: non mihi professione medico, verti debet vitio, quasi vocationis meæ fepes transiliam. Veritatem enim in profundo abstrusam investigare licet cuilibet, nec illi vetustatis auctoritatem præponderare oportet ullam. Negotium verò illud dæmoniacum tam inextricabilibus cum sit involutum labyrinthis, ut non facildè quis hinc se explicet, etiamsi ducem habeat emunctarum narium Thesæum: inde si aliquis pro ingenii modulo veritatem elicere studeat, non is reprehensione coercendus: at potius juvandus, suamque merebitur laudem, si vel bonæ operæ momentum præstiterit.

§ 2. Quare autem non concedetur medico, rerum absconditarum ex professo indagatori, qui huic scholæ aliquamdiu navarit operam (quàm verò felicem, erit penes alios iudicium) in forum prodire, & suam proponere opinionem, citra eorum quorum interesse agnosco, præiudicium? Iurisperito vicissim, aut cuivis alii, nedum non invidemus medici, sed eum cum sænore honorem libenter etiam deferemus, si in re apud nos magis placitis aut longi usus observantiæ, quàm rationum firmitati nixa, vel aliqui controversa, ingenuè suam interponere volet sententiam: à nobis certè obviis amplectendam ulnis, si inveri cognitionem aliquo duccat modo: rejiciendam autem, si à ratione comperiatur aliena.

§ 3. Cum

§ 3. Cum bona itaque Jurisconsultorum venia dicam, magos infames varios quum supra multo discrimine à sagis & venchis meritò distinxerim, non eadem debet his simul confusè & indifferenter statui pœna. Quorquot enim Magorum nomine dignatus sum, ii non ignoranter, aut coactè, sed studio sedulaque vigilantia, factis etiam gravibus impensis, interdum & peregrinationibus huc institutis, curiosas has inquirunt artes & blasphemiarum plaustra, libros videlicet execrabiles magno frequenter ære redimunt, è quibus satanicæ scientiæ mysteria, si diis placet, exugant diaboli mancipia & nutritii. Tales post non vulgarem, sed eximiam suo doctori primario præstitam operam, merita donantur ut strenui discipuli laurea, qua is suos cohonestare solet, quos sibi & animo & corpore mancipatos, in præcipitium rapit: nisi ex Dei gratia, conscientiæ aculeo pungente adacti, satanæ nuncium remittant, ac maturè resipiscant.

*Magi omnino non eadem debent infamiae pœna.*

§ 4. Ejusmodi magos olim capitali supplicio mulcavit Moses. Fuisse item postea punitos, ex Petri verbis apud Clementem liquet. Iste, fratres, (inquit) quem ostendo vobis, paulo antè venit ad me, de Simonis mihi malis artibus nuncians, quomodo ipsam sceleris sui officinam projecit in profundum, non quasi pœnitentia ductus, sed metuens ne deprehensus publicis legibus subjaceret. Propterea etiam in Judææ Antiochiam fugit territus, putans se à Cæsare quæri ad pœnam.

*Levit. 20.  
Deut. 18.  
Lib. 3.  
Recog.*

*Abdi. l. 1.  
Hist. Apost.  
Lib. 10.  
Recog.  
Lib. 9.  
cap. 15.*

§ 5. Tradit quoque Cassiodorus, Athalarici regis Gotthorum esse sententiam: Maleficos, vel eos qui ab eorum nefariis artibus aliquid crediderint expetendum, legum severitate puniri oportere. Quia impium est circa eos esse remissos, quos cœlestis pietas non patitur impunitos. Huc referatur Augustinus, qui ex Ciceronis sententia dicit, in XII. Tabulis, antiquissimis Romanorum legibus conscriptum esse: Ei qui has artes exercuerit, supplicium sit. Magus & veneficus hic intelligitur, non illusa vetula, cunctarum experta artium. Illorum artem exterminat respublicæ omnes bene constitutæ.

*Lib. 8.  
cap. 19.  
de Civit.  
Dei.*

§ 6. Sunt interim plerique magi non ita extremè cum aliorum jactura, flagitio scelereque exorbitantes, qui pro suo nutu ex occulta quadam, quam ex voluntatis & studiorum consensu cum daemonibus contraxerunt, societate, recitata superstitiosæ vel impiæ conjurationis formula, vel submurmuratis secretò insulsis vocibus,

cujuscunque formæ requisitæ imaginem aut spectrum, præstricto oculorum acumine, in urna vel speculo vel aëre aut alibi ostentant. Nihil autem verè in rei essentia, non phantasticum vel imaginarium, hac ratione præstare si queunt: quemadmodum omnes Pharaonis magi, ejusdem cum his hominibus professionis & potentia, nihil præter rerum præstigiosam exhibuere faciem. Hoc magorum genus non perinde aliis noxium, ut repudiata dæmonum communione ad mentem redeat poenitens, & admonendum & compellendum est. Idem in republica ritè composita circumforaneis illis præstigiatoribus & joculatoriis *αἰνέσις* meritò accidat, ne ea impunitate, curiosarum rerum studiosæ plebis oculis cautè in posterum insidiantur.

Exod. 7.3

Magorum  
alii non  
valde la-  
dentium  
penna.

§ 7. Quicumque verò diris execrationibus, exorcismis, pre-  
cationibus, blasphemo nominis divini contra secundum Præceptum  
abusu, barbaris vocibus authorem prodentibus, quemcunque ef-  
fectum præter naturæ ordinem, adversus verbi divini institutam à  
Deo rationem extorquere, in rebus seriis vel ludicris satagunt: ii  
ut curiosarum artium ad propriam perniciem cultores, saniori do-  
ctrina primùm instituti, stricta lege coercendi sunt, & ad resipis-  
centiam cogendi. Quòd si præfracti perseverent, arbitraria esto  
multa, qua constringantur, ne tandem in legem contra blasphe-  
mos à Mose latam deliquisse judicentur.

Levit. 24.

Magorum  
religiosi-  
orum mul-  
ta.

§ 8. Cæterùm magorum plurimi professione sunt religiosi, quos  
vocant. Qui occultam mentiti artem, maleficii dignotionem cu-  
rationemque jactare non verentur. Nam si morbo aliquo contuma-  
ci, imperitæ plebi ignoto, nec vulgari quis conflietur, atque eo-  
rum fictæ confusus scientiæ, consilium quærat, maleficium esse vel  
incantationem persuadent morbum ex naturali causa ortum, medi-  
cisq; doctioribus non obscurum: additis etiam indicis, quibus velut  
digito demonstratur innocens sæpe femina. Morbum hac ratio-  
ne comminiscuntur, & invincibilem calumniam infanti impingunt,  
illusores utroque nomine non modò inter perniciosissimas iniqui  
quæstus *αἰνέσις*, adulterinæ monetæ (quòd pietatis prætextu alios  
inescent, & dæmonio devoteant, offerantque) architectos &  
falsarios reputandi, verùm etiam illis qui libellos spargunt fa-  
mosos annumerandi, & velut civilis, ne dicam publicæ tranquil-  
litatis turbatores censendi, si hoc controversiarum & atrocissimo-  
rum odiorum, quibus miserrimè confluantur intonantque vici-  
niæ,

niz, pagi & urbes, feracissimum seminarium, ad justam trutinetur bilancem. Suos tamen hi inveniunt patronos, ob religionis Zach. 1. fortè titulum. Hos enim qui tangit Christos, Dei configere pupilam clamatur. Hoc grande nefas, & morte piandum. Interim tamen, ut minimum, ab hoc instituto coërcendi sunt, à bonorum frui-tione suspendendi, vel etiam exilio puniendi: at pro scelerosis enor-mitate, iis quorum interest, ne sutor (quod dici solet) ultra cre-pidam, poenam decernendi, augendi vel immutandi potestatem relinquo.

§ 9. In horum magorum albo censendi suo quodam jure, quot-Magice-  
rum me-  
dicorum  
punio. quot contra divini verbi majestatem & genuinum usum, in medi-cinæ, omnium artium & sacratissimæ & utilissimæ, non toleran-dum despectum, contra quoscumque tum hominum tum bestiarum morbos, saltem conjurationibus verbisque sacris huc contortis exe-cratum, & aquam eadem potentia expiatam propinant. Huc acce-dunt qui exorcismis veræ virtutis exortibus, aut inconditis incon-gruisque verbis, sacro aliquo nomine, vel divinæ Scripturæ vocibus, scitè fucatis ut dolus lateat, teste Augustino: vel sacris aut alioqui horrifonis sine intellectu dictionibus recitatis aut scriptis, & collo suspensis, aut alicubi alligatis utuntur. Superstitionis li-mites hos transiliisse fatendum est, & propterea redarguendi acriter refrenandique, ne in immane idololatriæ scelus & sacrilegium utrique, & actores, & qui admittunt, incurrentes, illius olim diras subire se pœnas, serò querantur.

*Quam pœnam arioli, & qui in annulo vel vitro captivum cir-cumferunt demonem, mereantur, & quod magici libri sint exurendi.*

## C A P. I I.

**P**Lerique insuper magi Pythonis spiritu inflati, artem divinan-di profitentur: & res perditas quis suffuratus fuerit, aut ubi ex-reconditæ sint, & alia abdita, vel etiam ancipitia, se manife-stare posse jactant. Quum autem hi vel *φλαυτίαις* fumo inducti, ut aliquo habeantur saltem numero, sibi artem vendicant occultam, & scientiam quam ignorant: vel propria compulsi malicia, ut frau-dent: sive avaritiæ illecti studio, ut quæstum fraudulenter faciant,

*Divini &  
arioli ut  
Republica turba-  
tores &  
falsariis  
habendi.*

ciant, etiamsi interdum per satanæ cooperationem nihil aut parum noverint, glorientur nihilominus de divinandi cognitione, sive etiam aliquibus exorcismis, execrationibus, votis & ceremoniis, quod pollicentur, peragant: utrique mendaciis & mendaciorum authori, velut testi certissimo innixi consiliq̃ue, non ita impune tolerari debent. Furti enim aut alterius sceleris notam inurunt iis qui hęc ut innocentissimi agnoscuntur, ita & illæsi nominis inter vicinos antea semper vixerunt pacificè: at hoc notati cauterio præter meritum, calumniam in posteritatem multam sustinent, ut hac ratione gravi similitate & odio divellantur conturbenturq̃ue numerosæ familiæ, & celebres vicinix antea continuè pacatissimæ: discordiæ itaque hujus exitialis & calumniarum execrandarum authores, non alio habendos esse loco, quàm seditiosos Reipublicæ turbatores & falsarios, equidem sentio. Quibus, ut minimum, cum primis silentium à magistratu imponi decet: deinde arbitriam pro delicti qualitate, pecuniæ irrogari multam: ac nisi à maleficio desistant, exilio puniri: quemadmodum in quodam ariolo Joachimo, ab ornatissimo Senatus Cæsarei ordine apud Geldros, olim prudenter factum memini.

Levit. 10.

*Pena divinationis, magis & veneficis à Mose constituta.*

§. 2. Enimverò pœnam à Mose, ex Dei voluntate sub lege veteri, ejus farinæ hominibus constitutam, illis non imprecor. Ea ita sonat: Vir & mulier, in quibus Pytho vel divinationis fuerit spiritus, morte moriantur, lapidibus obruent eos, sanguis eorum sit super eos, vel capitali pœna digni sunt. Item: Anima quæ declinaverit ad magos & ariolos, & fornicata fuerit cum eis, ponam faciem meam contra illam, & excindam eam de medio populi mei. Et Deut. 18. Non inveniatur divinus qui divinando futura prædicit, nec mathematicus, nec veneficus, nec maleficus, nec incantator, nec consulens Pythonem, nec magus, nec à mortuis sciscitans. Abominatur enim Dominus quicumque ista facit, & ob istas abominationes excindit eos Deus tuus ante te. Sic interiit Ocholias rex Israël, quia infirmus spreto Deo vero, & legitimis mediis, misit ad consulendum Beelzebub Deum Accaron. Qua propter à populo Israëlitico illos publico edicto designata pœna exulare voluit rex Saul, qui magos & ariolos abstulit de terra, atque interfecit eos qui Pythones habebant in ventre. Nec pœnas idem ille evasit debitas, quòd hujus familiæ mu-

liæ mulierculam in Endor consuluerit. Contra Manassæ quoque, & Israëlitas, Deus mirè excanduit: graviterque puniti fuere, quodd divinos sustinuerint, 2. Regum 17. & 21. horum etiam meminit Esaias cap. 19. & 44.

§ 3. Suus hic locus quoque debetur iis, qui, ut ipsis ipso- *Eorum qui in an- nulo vel utro da- monem captivum circumferunt, pœ- na.* que voluntati obediat, & ad nutum respondeat, miserum circumferunt dæmonem, in dedicationem extremè suffitibus & ceremoniis adactum, & jam annulo ab aurifabro sanè subtili artificioque incarceratum: item qui eundem ostentant in duro, nec fragili scilicet crystallo, aut vitro (mirum est, id à diaboli, ex tartaris continuè ardentibus evolutis, calore non colliquescere) tam stricte & irremissè concatenatum, ut suis solum nunc dominis, velut servus captivus & mancipium, suam divinando, aut res abstrusas detegendo, strenuè præstaret operam. Sic ipse naturalis postulat ordo reciprocus, uti dominus servi dominus, ita & servus domini servus. Hi quum animæ suæ consulant malè, & aliis imponant, impietatisque inquinamentum affricent, minime tolerandi sunt.

§ 4. Præclarum justæ poenæ, imitationeque dignissimum exemplum ante paucos annos in hujus professionis hominem, Jacobum Jodoci de Rosa nomine, Cortricensem, Arnhemiam apud Geldros proposuerunt, promulgaruntque Cæsaris autoritate eximii viri Senatorii: ejus ordinis clavum vigilanter gubernante amplissimo doctrina, existimatione & prudentia viro D. Adriano Mario Nicolai, cancellario mihi multis nominibus observando. Annulum ille circumgestabat, in quo exorcismis colligatum putabat dæmonem, quem etiam singulis quinque diebus, ut minimum, alloqui, & de rebus novis aliisque consulere, ut ipse ait, oportuit: libros quoque maleficas artes conjurationesque impias continentes habuit, qua occasione non modò hominum & bestiarum morbos ex maleficio ortos ab aliis discernere, sed & curare voluit. Quapropter post suos carceres, heros ille publico loco ante ædes Senatorias circa forum solenniter spectatorum corona cinctus, malleo simulatum captivi dæmonis carcerem, annulum videlicet, postea impositum, sententia ritè lata aperire, atque omnino perfringere cogebatur, coque modo captum libertate donare: nisi forè violento mallei impulsu contritum dæmonem credatis, qui annuli solido munimento illum constringi posse *Adrianus Marius Nicolai Geldricæ cancellarius.*

ratus fuerit. Accessit quoque, ut libros in ignem idem ille conjiceret: astaretque tantisper, donec flammæ eos absumpssissent. Exilio insuper puniebatur, post exolutas hujus actionis causâ factas impensas. Actum Arnhemæ, 14. Julii, Anno 1548. Eadem ratione erunt crystallus, vitra, & reliqua nefario usui consecrata organa, sententia solenni condemnanda, & palàm infringenda. Horum artificibus & patronis pro delicti magnitudine, ex æquioris magistratus arbitrio irrogabitur pœna.

*Anniius,  
crystallus,  
vitra, &  
reliqua  
nefario u-  
sui conse-  
crata, so-  
lenniter  
infringen-  
da.  
Magorum  
libri pa-  
lâm exu-  
rendi.*

§ 5. Porro de curiosarum harum artium, vel potius præstigi-  
orum libris quid decerni debeat, ne quidem in quæstionem vocan-  
dum: quum non modò Romanorum exemplo, qui licet Ethnici es-  
sent, tamen Mathematicos & incantatores Senatusconsulto ex Ita-  
lia pelli, & eorum libros concremari voluerunt, aboleri illos o-  
portet. Verùm etiam quoddam memorabile & posteris omnibus sine  
controversia imitandum hic exemplum legamus in Apostolorum  
Actis, ubi Pauli Apostoli prædicatione Ephesi comburuntur cun-  
cti cò comportati execrationum libri, pecuniæ quinquaginta mil-  
lium precio æstimati. Hermogenes item magus librorum magico-  
rum copiam magnam offert Jacobo Apostolo, qui exurebantur. Eos  
qui magiam admirati fuerant, volumina combussisse, tradit Atha-  
nasia de Humanitate verbi. Imperatores item Honorius &  
Theodosius constituerunt, ejusmodi libros sub episcoporum oculis  
consumi flammis debere. Similes quoque congestos tenebrarum  
libros uti damnabiles, improbatæ lectionis vocavit, prorsusque  
corrumpi voluit Ulpianus Jurisconsultus, l. cæteræ. §. 1. ff. fa-  
milix hercisc.

*Act. 19.*

*Abdias  
lib. 4. hist.  
Apost.*

§ 6. Huc universum illud divinatorum dæmoniacorum thea-  
rum, secundo Libro inter infames magos relatum, accenseatur.  
Ob necromantiam accusatus est L. Apulejus à Sycionio Æmiliano,  
coram Claudio Maximo Africæ proconsule: &, ut quidam  
volunt, damnatus: licet plerique secus arbitrentur. Carolus VII.  
Galliæ rex Egidium regni Marischalcum suspendit ob magiam.  
De pœna maleficorum apud Persas, & Gyge, Plutarchus in Ar-  
taxerxe.

*Aug. de  
Civ. Dei  
1. 8. c. 19.*

*Fulgos.  
lib. 9. c. 3.*

*Quid*



*Quid leges & decreta de magis & ariolis, eosdemque consul-  
tentibus statuunt.*

C A P. I I I.

**Q**uid deinde leges & decreta de tota illa magorum colluvie  
proposita statuunt, subjiciendum duxi: potissimum verò,  
quod ab iis quoque objicitur, qui Lamias in tempestate  
cienda & grandine provocando aliquid posse contendunt, illud  
est L. multi. C. de maleficis & mathematicis: Multi magicis arti-  
bus usi elementa turbare, vitam infantium labefactare, non du-  
bitant, & \* manibus accitis audent ventilare, ut quisque suos  
conficiat malis artibus inimicos: hos ( quoniam naturæ peregrini  
sunt ) feralis pestis absumat. Data Non. Decemb. Constantino  
Aug. IX. & Juliano II. consulibus: quorum ille Constantinus se-  
cundus dictus, hic non multo pòst Cæsar factus, & tandem Apo-  
stata cognominatus. Lamias autem nostras, ut indoctas, vetulas  
& deliras, artes exercere nullas, nec ulla ratione elementa move-  
re aut vitiare, quemadmodum nec ullum hominem, nec dæmones  
cogere ut aliis noceant, posse, satis superque demonstratum est.  
Quocirca eas decretum hoc minimè concernit. Si quæ sunt, quæ  
vitæ hominum insidiantur, ei que vim faciunt, veneno id fieri oportet:  
proinde etiam veneficæ tales dicuntur, & sunt: ex hoc edi-  
cto puniantur.

\* *Alias  
manus m-  
citas.*

*Vide l. 3.  
cap. 16.*

§ 2. Item lib. 9. Codicis, Imperator Constant. A. ad Maxi-  
mum: Nullus aruspex, nullus sacerdos ( id est, vetiæ magiæ do-  
ctor ) nullus eorum qui huic ritui assolent ministrare, ad limen al-  
terius accedat, nec ob alteram causam: sed hujusmodi hominum a-  
micitia, quamvis verus, repellatur, concremando illo aruspice qui  
ad domum alienam accesserit: & illo in insulam deportando post  
ademptionem bonorum, qui cum advocaverit suasionibus vel præ-  
miis. Idem Imp. ad populum: Nemo aruspicem consulat, aut  
mathematicum, nenio ariolum: augurum & vatum prava confessio  
conticescat, Chaldæi ac magi, & cæteri quos maleficos ob facino-  
rum magnitudinem vulgus appellat, nec ad hanc partem aliquid  
moliantur: sileat omnibus perpetuè divinandi curiositas. Idem  
Imper. Constant. A. & c. ad Thaurum præfectum prætorio: Ersi

*Contra di-  
vinos, ma-  
gos, sacri-  
leges, &  
veneficos  
lata Im-  
peratorum  
leges.*

*Chaldæi,  
magi &  
malefici*

excepta tormentis sunt corpora honoribus præditorum, præter illa videlicet crimina quæ legibus demonstrantur: etsi homines magi, in quacunque sunt parte terrarum, humani generis inimici credendi sunt: quoniam tamen qui in comitatu nostro sunt, ipsam prope modum pulsant maiestatem, si quis magus, vel magicis certaminibus assuetus, qui maleficus vulgi consuetudine nuncupatur, aut aruspex, aut ariolus, aut certè augur vel mathematicus, aut narrandis somniis occultans artem aliquam divinandi, aut certè aliquid horum simile exercens in comitatu meo vel Cæsaris fuerit deprehensus: præsidio dignitatis exutus, cruciatus & tormenta non fugiat. Si vero convictus fuerit, & ad proprium facinus detegentibus repugnauerit pernegando, sit eculo traditus, unguisque sulcantibus latera perferat pœnas proprio dignas facinore.

§ 3. Nullus debet consulere divinatorem, & quilibet à divinando debet cessare: & contrà faciens punitur, h. d. secundum Salicet.

§ 4. Nullus debet consulere incantatorem de his quæ futura sunt, nec Chaldæos, nec maleficos: & qui contrà fecerit, ultore gladio capitali pœnæ subiacebit. Vivianus.

§ 5. Qui demones invocant, vel imagines cereas incantant, puniuntur, h. d. Salicet.

§ 6. Facientes incantationes ad finem mali, sunt puniendi: de Jure vero Canonico, etiamsi faciant ad finem boni. 26. quæst. 2. cap. illos. & c. Ex trurum extra de sortilegis. & c. fin. d. tt. ubi Glossa. Bart. Salicet.

§ 7. Ulpianus in l. item apud Labeonem. §. si quis. ff. de Injur. dicit teneri constitutionibus principum eos, qui aliquam illicitam divinationem pollicentur, juxta l. nemo habet. C. de Mathemat.

§ 8. Divinatio divinorumque consulta in Toletano synodo, & in epistolis Decretalibus condemnantur. Gregor. 3 cap. 12. suorum Decretorum. 26. q. 5. c. si quis Si quis ariolos, aruspices, vel incantatores observaverit, aut phylacteriis usus fuerit, anathema sit. Gloss. Phylacteria dicuntur hic chartæ, in quibus continentur incantationes. Idem & hab. 26. q. 5. contra: Contra idolorum cultores vel aruspices atque sortilegos fraternitatem tuam pastoralis vehementius hortamur invigilari custodio: quodd si emendare se à talibus nolle repereris, si servi sunt, verberibus volumus castigari: si verò liberi, inclusione digni, districtamque sunt in pœnam dirigendi.

§ 9. Augustinus, & legitur 26. q. ultima, admoneant: Admo-

neant

*In Pa-*  
*normia*  
*sem De.*  
*creto*  
*D. Iovani*  
*Carnothi.*  
*si Episco-*  
*pi, lib. 8.*  
*tit. de di-*  
*vinationi-*  
*bis & in-*  
*cantatio-*  
*nibus,*  
*cap. 61.*  
*Thy. a-*  
*licet. a.*

neant fideles sacerdotes populos suos ut noverint, magicas artes incantationesque quibullibet infirmitatibus hominum nihil remedium posse conferre, &c. Et si quis hæc exercuerit clericus, degradetur, laicus anathematizetur.

§ 10. Item ex concilio Ancyritano, can. 34. Qui divinationes expetunt, & morem gentilium subsequuntur, vel in domos suas hujusmodi homines introducunt, exquirendi aliquid arte magica aut expiandi causa, sub regula quinquennii jaceant secundum gradus poenitentiae diffinitos. Gloss. Secundum legem isti concremantur: sed ille in cujus domo hæc fiunt, post publicationem bonorum in exilium mittitur: ut C. de malefic. lib. nullus. In hac Synodo etiam generali decreto damnatur incantandi ars & sortilegium, ut à diabolo inventum & perniciosum, & jubentur Ecclesiarum administri, id genus mali ex Ecclesiis eradicare penitus. Damnari adhæc præcipitur illa maleficarum opinio, qua mulieres dæmonum illusionibus seductæ, putarent sese noctu cum Diana equitare in bestiis quibusdam, & multa terrarum spacia pervolitare: quum tamen nihil earum rerum verè fiat, & tantum præstigiis diabolorum decipiuntur.

26. q. 5.  
ca. Qui  
divinati-  
onem.

§ 11. Item ex Concilio Martini papæ: Si quis paganorum consuetudinem sequens, divinos aut sortilegos in domum suam introduxerit, quasi ut malum foras mittant, aut maleficia inveniant, vel lustrationes paganorum faciant, quinque annis poenitentiam agent.

§ 12. Item ex Concilio Laodicensi, can. 36. Non oportet sacris officiis deditos vel clericos, magos aut incantatores exiltere, aut facere phylacteria, quæ animarum suarum vincula probantur: hos autem qui talibus rebus utuntur, projici ab Ecclesia jussimus.

Contra  
fides in-  
cantatores.  
Ecclesi-  
asticus. 26.  
q. 5. cap.  
non oportet.

§ 13. Item ex Concilio Toletano 4. cap. 30. Si quis Episcopus, aut presbyter, vel diaconus vel quilibet de ordinibus clericorum, haruspices, aut incantatores, aut hariolos, aut certè augures vel sortilegos, vel qui profitentur artem magicam, aut aliquos eorum similia exercentes, consuluisse fuerit deprehensus, ab honore dignitatis suæ suspensus, monasterii curam excipiat: ibique poenitentię perpetuę deditus, scelus admissum sacrilegii solvat.

26. q. 5. e.  
Si quis  
Episcopus  
piscop.

§ 14. Gregorius Hadriano notario: Pervenit ad nos, quoddam quosdam incantatores atque sortilegos fueris insequutus: & omnino nobis sollicitudinem zelumque tuum gratum fuisse cognoscas.

feas. Studii enim tui sit, sollicitè quærere : & quoscunque hujusmodi Christi inimicos inveneris, districta ultione corrigere.

§ 15. Item ex concilio Aurélianensi : Si quis clericus, monachus, vel secularis, divinationes vel auguria crediderit observanda, vel sortes quas mentiuntur esse sanctorum, quibuscunque putaverint intimidandas, cum his qui cum eis crediderint, ab Ecclesiæ communione pellantur.

§ 16. Item ex concilio Carthagin. cap. 89. Auguriis & incantationibus servientem, similiter Judaicis superstitionibus vel feriis inhærentem, à conventu Ecclesiæ separandum præcipimus.

§ 17. Ex concilio Acquirensi, p. 2. caus. 26. q. 5. episcopi: Episcopi eorumque ministri omnibus modis elaborare studeant, ut perniciosam & à Zabulo inventam, sortilegam & magicam artem ex parochiis suis penitus eradicent : & si aliquem vitium aut mulierem hujusmodi sceleris sectatorem inveniant, turpiter debonestatum de parochiis suis deiciant. Air enim Apostolus : Hæreticum hominem post primam & secundam correctionem devita, sciens quoddam subversus est, & is etiam qui ejusmodi est. Subversi sunt, & à diabolo captivi tenentur, qui relicto creatore suo, diaboli suffragia quærunt : & ideo à tali peste debet mundari sancta Ecclesia.

§ 18. Canon 61. de sortilegis damnandis : Qui se vatibus tradiderunt, vel iis qui Centuriones dicuntur, aut iis similibus, ut ab illis discant, si quid sibi revelari velint, secundum ea quæ prius à patribus sunt sancita, Canoni qui est de sexennio subjiciantur. Eisdem poenæ subicere oportet eos, qui ursas aut similes bestias ad lusum & perniciem simpliciorum circumserunt : & eos qui fortunam, fatum, genealogiam, aut similibus verborum turbam ad nugas deceptorias obloquuntur : eosque qui nubes fugare dicuntur, & imprecatores & amuletarios & vates. In his autem perseverantes, nec mutantes sententiam, nec fugientes hæc perniciofa & ethnica instituta, omnino deiciendos ab Ecclesia definimus, sicuti sacri Canones dicunt. Nam quæ luci cum tenebris communio? aut quæ concordia Christi & Belial?

§ 19. Ex Concilio Agathensi, cap. 3. Perquirendum est, si aliqua fœmina sit, quæ per quædam maleficia & incantationes mentes hominum immutare se posse dicat: item, ut de odio in amorem, vel de amore in odium convertat, ut bona hominum aut damnet aut

aut surripiat : & si aliqua est , quæ dicat cum dæmonum turba in similitudinem mulieris transformatam , certis noctibus equitare super quasdam bestias , & in eorum consortio annumeratam esse , talis omnimodo scopis correctæ , ex parochia ejiciatur.

§ 20. Hic nulla in legibus aut decretis , Lamiarum à nobis descriptarum , aut attributorum iisdem scelerum fit mentio : quare nec eorundem poenis subjici illas oportet.

§ 21. Quamcumque item divinatoriam artem condemnat lex Mahumetica , asseritque Deum solum arcana & futura nosse : quare à Mahumetanis Inquisitoribus nonnunquam apprehenduntur , conjiciunturque in vincula illius disciplinæ sequaces.

§ 22. Subjungam hic Isychii sententiam lib. 2. comment. in 7. cap. Levit. Quicumque omina & divinationes & purgationes , vel dies & tempora custodiunt , multò autem magis magi & venefici , abominabiles sunt apud Deum. Et lib. 6. comm. in 20. cap. Levit. Non qualecunque peccatum esse , declinare ad magos vel veneficos , prædiximus , in utroque enim à Deo receditur , sive sensibiles Pythonicos & veneficos , sive intelligibiles dicas , id est , eos qui nomine Christi falsa prophetant deceptores & adulatores , qui veneficis sermonibus auditus multorum corrumpunt , ut à veritate quidem auditus avertant , ad fabulas & errorem convertuntur. Item : Pythonicum esse vel divinum sive incantatorem , nimis iniquitatis est. Qui enim talis est , & ipse corruptus est , & alios in sua iniquitate corrumpit. Cyprianus lib. de Duplici martyrio : Qui magicis artibus untuntur , tacite Christum abnegant , dum cum dæmonibus habent fœdus.

*De magorum infamium & divinatorum poenis edicta Imperialia Germanica.*

C A P. I V.

**D**Ecreta adhæc contra magos infames & divinos promulgata inter statuta Imperii Germanica de Actionibus criminalibus & torturis , hoc loco adjungam , paucis meam subiecturus explicationem.

§ 2. Artic. 17. Ex indiciis magi infamis vel cujuscunque alius divinatoriæ artis , nullus carceri tradetur , aut quæstionibus subjiçietur : magus autem ille & accusator poenas propterea dabit. Si quoque

quoque iudex ex ejusmodi accusatione magi processerit, is puni-  
ti hominis impenſas, cruciatus, injuriam & jacturam præſtare  
rependereque tenebitur.

§ 3. Artic. 35. Si quis aliquem docere artem magicam volue-  
rit, ſive eadem alicui fuerit minitatus, & incommodum ſequatur:  
vel idem incantatoribus aut incantatricibus familiariter uſus fuerit:  
vel ſuſpectas ejuscemodi res, modos aut verba incantationes ſpe-  
ctantia uſurpaverit: atque idem ille talis magi nomen ſuſtinerit,  
indicia hæc videntur rationi ſatis conſentanea ſufficiantiaque, ut  
queſtionibus ſubdatur.

§ 4. Via autem qua jam proceditur, multò eſt alia, dum ſolùm  
ex malicioſa accusatione, vel falſa aut imperita ſuſpicionem ineptę  
rudisque plebis, vetulę à diabolo deluſę & obſeſę, quinimò ma-  
leſicio à dęmonio læſę in terribiles latronum ſpeluncas, & caco-  
dęmonum antra à præſectis conjiciuntur, & mox crudelibus torto-  
ribus excarnificandę traduntur, excogitatis multiſariis ineffabilium  
tormentorum modis tyrannide non toleranda. Nam velint nolint,  
ſint & innocentiffimę, non tamen à cruenta hac carnificina prius  
deſiſtitur, quàm delictum illę conſiteantur. Sic fit, ut temporis  
momento ſemel inter ſanguinarios ejusmodi homines in inno-  
centia ſemel Deo ſuam offerre malint animam inter flammas, quàm  
tragicorum truciũque tyrannorum phalarides & equũleos con-  
tinuo ſuſtinere. Si vero torturarum acerbitate victę inter carniſi-  
cum manus expirent, vel ſpiritu vitali viribusque conſuę fuerint  
tormentis inter umbras exhaustę, ut in lucem productę, mox  
exoluantur, animamque reddant, cho cum júbilo exclamatur,  
cas nimirum ſibi vim feciſſe (quod & ex cruciatuum vehemen-  
tia & carcerum ſquallore fieri poſſet) aut dęmonem iis collum in-  
fregiſſe.

*Notantur  
iniqui ju-  
dices, nec  
nullo modo  
equius ma-  
giſtratus.*

§ 5. Sed ubi tandem is apparuerit, quem nihil latet, ſcruta-  
tor cordium & renum, ipſius abſtruſiſſimę etiam veritatis cogni-  
tor & iudex, veſtri actus palàm ſient; ò vos præſecti tyranni, ò  
judices ſanguinariĩ, hominem exuti, & cęcitate ab omni miſeri-  
cordia procul remoti: ad ipſius extremi judicis tribunal juſtiſſi-  
mum vos provocho, qui inter vos & me decernet, ubi ſepulta &  
conculcata veritas reſurget, vobisque in faciem reſiſtet, latroci-  
niorum ultionem exactura. Tum palàm fiet veſtra Evangelicę ve-  
ritatis cognitio, quam tantopere quidam veſtrũ eructant: tum expe-

experiemini quanti apud vos verum Dei verbum fuerit: tum reme-  
tietur vobis eadem mensura, qua emensi estis. Exemplis manife-  
stissimis mihi passim in Imperio Romano, ubi hoc promulgatum  
ediçtum, obvius, hæc demonstravero haud difficulter: sed unico  
jam desinam, reliqua præter ea quæ sparsim in toto hoc Opere le-  
guntur, mundo tempore suo ostensurus, nisi ab ea incredibili &  
plusquam Turcica tyrannide cessetur.

§ 6. Comes quidam mihi non ignotus, intra biennium ob ma-  
leficii suspicionem mulierculas duas torturis distractas exussit;  
quarum altera cruciatuum acerbitate, priusquam in lucem pro-  
ducta esset, expiravit. Ex unius confessione, quæ nobile virum suo  
maleficio ad insaniam adaçtum fuisse subsidio cujusdam puellæ  
nobili matronæ famulantis, præ tormentorum magnitudine fate-  
batur, hæc eadem puella in carcerem quoque incunctanter abripit-  
tur cum viro quodam, atque ea crudelitate excarnificatur uter-  
que à tortore, ut ipse quæstor à Comite ad me missus, quod  
priorum seminarum exultarum confessionem petissem, suo ore  
mihi fassus sit, se nihil æquè mirari, quàm quod incredibilem  
cruciatuum sævitiam sustinere quiverit. Experimento adhæc  
in puella hac tentatum fuerat, num aquæ injecta supernataret:  
quod & accidit, ut etiam hac nota pronunciaretur Lamia. Falsi-  
tatem hoc unico argumento ostendi, quod nobilis nullo malefi-  
cio læsus deprehenderetur, sed à dæmone obsessus: quapropter  
quum sacrificus quidam & monachus in eo abigendo frustra labo-  
rassent, nostrum fuit requisitum consilium. Oravi insuper Comi-  
tem per ejus quæstorem & literas ea causa scriptas, ut in domus  
meæ ministerium ob innocentia ejus certitudinem destinaretur  
puella dimissa. Post menses verò multos ea cum viro à tanta car-  
nificina soluta est. Antea tamen etiam in Comitum familiam, &  
( nisi memoria fallar ) in fratrem ejus nothum grassatus fuerat suis  
ludibriis præstigiisque cacodæmon. Affigitur & jam læto ipse  
Comes menses plures mutilus in ætate nondum decrecente.

§ 7. Nunc ad articulum 42. Constitut. Imperial. Si quis male-  
ficii se reum statuat, inquiretur causa & circumstantiæ ( ut præ-  
dictum est ) quibus videlicet organis, quomodo & quando, qui-  
bus verbis & quali operatione id perpetratum sit. Si confessioni ad-  
dat, à se aliquid sepultum esse vel conservatum, incantationi per-  
ficiendæ idoneum, hoc ut inveniatur, curandum erit: si au-

tem verbis aut alio opere designatum id intelligatur, similiter attendendum erit, num malefica sint, aut eò spectent: quærendum adhæc, à quo incantamenta edoctus sit, & quomodo huc deven-  
rit: an in aliis quoque ejusmodi maleficio usus fuerit, & in quo, & quod consequutum inde fuerit incommodum.

§ 8. Cum primis hic jubetur, ut prius investigatione prudenti inquiratur, qua materia, quibus modis, quo loco & tempore maleficium sit commissum: an veneficium sit vel ars & ludibrium diabolicum: an etiam in rerum natura existat, & perfici queat: an quoque talibus organis aut mediis: an hæc etiam rei propositæ convenient: quapropter ab iis rogandum consilium, qui substantias earundemque vires penitus intelligunt: quid adhæc detrimenti harum ope invexere, vel inferre potuerunt, quum eæ ut plurimum res nihili & inefficaces, imò quiescentiæ comperiantur, ut postea Capite septimo & octavo fusius docebitur.

§ 9. Artic. 98. Si quis per incantamenta alicui damnum fecerit, punitor hic mortis supplicio, & quidem flammis.

§ 10. Qui verò incantamenti citra alicujus jacturam usus fuerit, pœnas luet pro delicti magnitudine: atque ea in re consilium inquireret judex, quemadmodum de eo quærendo supra scriptum est.

§ 11. Hic in dubium venire omnino non debet, quin incantamentorum vi hic aliquis jacturam senserit: quod si factum sit, veneficium fuisse necesse est, alioqui non: quum intuitu, verbis, imprecatione, aut inepta quavis materia sub ostii vestibulo aut alibi abstrusa, nulla induci possit læsio, quemadmodum in his Libris multifariam demonstratur.

*Magis resipiscentibus proponitur Sylvestris secundi papæ historia.*

C A P. V.

*Sylvest. 2.  
magi in-  
storia, a-  
insigne  
resipis-  
centia.*

**R**esipiscentibus autem, pontificis Romani 81. Sylvestris secundi famosum exemplum ex Platina, Nauclero, Petro Præmonstratenſi, Bennone cardinale, Chronico fratris Martini ordinis Prædicatorum, & aliis, proponere volui. Hic Gilbertus antea vocatus, natione Gallus, malis artibus (ut ajunt) Pontificatum adeptus est. Adoleſcens enim, in Floriacenſi cœnobio dice-  
celis



celis Aurelianæ inauguratus fuit monachus : relictoque monasterio, diabolum secutus, cui se totum mancipaverat, Hispalim civitatem Hispaniæ bonarum artium causa profectus est, ubi se philosopho Saraceuo magiæ perito insinuat. Apud magum verò hospitem viderat librum necromanticum, quem ille clam surreptum cupiit. Cum autem religiosius cautiusque custodiretur, per hospitibus filiam, cum qua illi domestica intercesserat familiaritas, tandem secretò ademptum ut perlegeret, impetravit Gilbertus: qui eo bona fide accepto, meditatur abitionem, periculum tamen ex furto sibi metuens. Gilbertus igitur ambitione & diabolica dominandi cupiditate impulsus, largitione primò quidem archiepiscopatum Remensem, inde Ravennatem nactus : pontificatum postremo, anno 1000. ( ut tradit Petrus Præmonstratensis : ut alii vero, anno 997 ) majore conatu, adjuvante diabolo consecutus est : ea tamen lege, ut post mortem totus illius esset, cujus fraudibus ad illud dignitatis fastigium conscendisset. Quanquam interim artes magicas in Papatu dissimularet, caput tamen æneum in abdito conservabat loco, à quo responsa acceperit, si quando à spiritu maligno quicquam postularet. Demum cum Gilbertus regnandi cupidus, diabolum sciscitaretur, quamdiu in pontificatu victurus esset? respondit humani generis hostis ambiguè, ut solet : Si non attigeris Hierusalem, diu vives. Dum itaque Pontificatus sui anno quarto, mense uno, die decimo in basilica sanctæ crucis in Hierusalem Romæ sacrificaret, gravi statim correptus febre, fato se moriturum cognovit ex demonum strepitu ( teste Petro Præmonstratensi ) qui pensum sibi solvendum existimarunt.

§ 2. At pœnitentia ductus Pontifex, & scelus magici erroris sui coram populo passus deplorat: omnesque primo posthabita ambitione & diabolicis fraudibus, ad bene sancteque vivendum adhortatus est: deinde unumquemque rogavit, ut post mortem truncum corporis sui laceri & disjecti, quemadmodum merebatur, bigæ superimponerent, eoque loci sepelirent, quo sponte ab equis vectum foret. Inter ipsas vero mortis angustias supplicat ( inquit Benno ) sibi manus & linguam abscindi, per quas Deum blasphemasset, demonibus sacrificans. Ferunt igitur Dei nutu & providentia ( ut ait Platina ) equos ipsos spontè ad Lateranensem pervenisse basilicam, eoque in loco sepultum ejus fuisse corpus : ut scelerati sciant, apud Deum veniæ locum sibi relictum esse, si in vita ali-

quando pœnituerint. Cæterum ab hujus funeris tempore circa annum 1001. sepulchrum hoc collisione ossium & sudore emisso, semper Pontificum mortem prædixisse fertur: teste Mario Marco Frylechio Latibano in Catalogo prodigiorum.

*Respicentis & Remissionem consequutæ malificæ Magdalena Crucis, vel à Cruce, Hispanæ, historia admirabilis.*

## CAP. VI.

*Magdalena de Cruce malificæ.*

**A**ccidit circa annum Domini 1545. in urbe Corduba Bethicæ Hispaniæ provinciæ, res non minus stupore quàm admiratione digna. Puella obscuris orta parentibus, quum vix quintum ageret annum, à parentibus aut illis qui ejusdem curam gerebant, monacharum contubernio adjuungebatur, pietatis ne, an paupertatis causa, incertum. In tantula ætate & peccati adhuc nescia (quæ abstrusa sunt Dei judicia) puellam aggressum esse dæmonem specie humana terribissimi Æthiopis traditur. Quæ licet primo intuitu non nihil abhorresceret, tamen blanditiis & pollicitationibus carum, quibus illam ætatem affici noverat veterator ille, eam tandem in familiare colloquium pellexit induxitque, cautione semper strictè injecta, ne hujusmodi societatem proderet meticulosa adhuc. Apparuit autem toto hoc tempore præcox in puella ingenium ac Indoles rara, quæ cæteris virginibus atque etiam provectioris ætatis monialibus mirè commendaretur. Hoc etenim cum primis malo genio fuisse studio videtur, ut juvenculam, qua universæ Hispaniæ illudere voluit, suo instituto idoneam consequeretur, quam ad religionis & sanctimonix speciem ita conformaret, ut ea ratione quæ ad fallendos mortales unica semper est habita, voti demum compos redderetur. Hinc ad annum ætatis duodecimum ferè progressa, de conjugio sollicitatur à dæmonio, se facturum promittente, ut per triginta vel nescio quod annos amplius, ea sanctitatis existimatione per universam frueretur Hispaniam, qua omnes faciliè vel superaret, vel certè æquaret, qui eo laudis genere unquam fuere celeberrimi. Ab illiusmodi contractus opinione, si quandoque Magdalena voluptariis ludibriis in cellula indulgeret, alter dæmon hujus sponsi famulus, interea temporis in veræ Magdalene forma ejusdem vices

ces gessisse in choro, clauſtro, templo, in omnibus demum conuentualibus (quos vocant) congreſſibus magno pietatis ſtudio, ſcribitur: Magdalenæ item denunciaſſe, ubi ab Eccleſiaſtico ſervitio liber eſſet, quicquid rerum in orbe terrarum tractetur: quod quum ipſa iis apud quos in ſummo erat precio, ſignificaret, eximæ ſanctitatis de ſe exiſtimationem mirè augebat, vatique ſibi nomen comparabat. Qua ratione præter ætatis morem in Abbatiffam tandem communi fraterculorum & monachorum ſuffragio electa eſt. Vulgaſiſſimum hoc eſt, quoties moniales contueris ſuis diebus communicabant, ſacrificium ex numeratis panis orbiculis, unum ſemper deſideraſſe, qui talium ſcilicet angelorum miniſterio ad Magdalenam in ter moniales in choro conſiſtentem, clàm perſerebatur, & quem ore acceptum circumſtantibus in miraculi teſtimonium illa oſtendebat. Fertur ad hæc, quodd quum inter miſſæ celebrationem Magdalena non procul abeſſet, interpoſito tamen pariete, hic ad hoſtiæ miſſalis elevationem dehiſceret, conſpectaque eadem ſacrata cibaretur. Haud minus notum habetur, quoties in aliqua ſolenni feria ſacra, hæc abbatiffa à monialibus eſet ducenda, ipſam inſigni atque prodigioſo quopiam miraculo, edito in omnium aſtantium conſpectu, nunc è ſolo elatam ad tres aut amplius cubitos in altum, nunc ferentem parvuli Jeſu recens nati idolum nudum, ad lacrymoſas ſuas preces (lachrymis etenim valebat multum) crescente ad ſmos utque talos capillitio, quod mox ad juſtam priſtinamque formam rurfus contraheretur, cum nudo idolo coopertam: atque id genus aliis præſtigiis diem feſtum actionemque ipſam reddidiſſe ſanctiorem. Quamquam verò eam ſummæ pietatis famam ad tot annos duraturam, in contractus initio Magdalenæ promiſiſſet milleartifex, id tamen inutilibus factum miraculis. Neque enim ulli mortalium ægrotanti contuliſſe ſanitatem, auditum unquam.

§ 2. Interim à pontificibus, Cæſare & Hiſpaniarum proceribus accipiebat literas, qui ſe quoque & ſua negocia ardua ſanctiſſimis ipſius precibus commendabant, quinimò de rebus etiam graviſſimis eam velut divam aut fatidicam quandam Oldam conſulebant: quemadmodum & poſtea detecto iniquitatis myſterio, docuerunt literæ ſummorum Chriſtiani orbis magnatum, in

*Huius memorie quoque Hieronymus Benzo Mediolanensis in hiſtoria novi orbis.*

ipsius repertæ serinio. Erant ad hæc fœminæ non ignobiles, quæ prolem recens natam non aliis involvebant fasciis, quàm prius sacris Magdalenzæ Cruciz manibus contrectatis consecratissque. Neque levi hic sibi applausu placebat universus ille monialium ordo, quicquid illud sanctitatis erat, sanctissimæ suæ Regulæ acceptum ferens. Interea in tanto insignium doctorumque hominum cœtù, qui eas dæmonum imposturas agnosceret, fuit nemo: tam densæ fuerunt tenebræ, tanta hominum caligo & cæcitas. Tandem tamen pro ineffabili sua bonitate sceleratam hanc hypocrisin & satanicam fraudem manifestatam voluit ipse unicus veritatis Pater. Annis itaque ad minus tringinta in dæmoniaca illa familiaritate exactis (duodecim verò monialibus præfuerat) Magdalenam antea actæ vitæ cœpit pœnitere. Quocirca diabolicas detestata artes & nefandam societatem, Visitatoribus Ordinis quos vocant, qui circa id tempus fortè aderant, præter omnium opinionem, scelus illud insigne ultrò fatetur. Sunt autem Hispani non malæ fidei & insigniter docti, qui mihi narrarunt, Magdalenam animadvertisse conventuales suas fraudem suspicari, & ea causa se accusandam, ac propterea scelus spontè fassam fuisse: cum primis quodd apud Hispanos moris sit, si quis crimen ultrò confiteatur, ejusdem remissionem consequi reum.

§ 3. Mirari ac stupefcere tum omnes rei novitate, visumque negotium exactissima inquisitione dignum. Ea ut commodius & legitimo administraretur ordine, in eodem monasterio in carcerem includi jubetur Magdalena. Inquiritur demum: illa fatetur singula: interim à suis artibus non defistit Æthiopicus ille dæmon. Enimverò quum ipsa detineretur captiva, carceres foris observantibus vigilanter ministris, dum acta illius examinantur, monialibus hora noctis duodecima ad matutinas preces, quas vocant, chorum ex more ingressis, en Magdalenzæ spectrum, quo illa assolet loco, in primaria quippe chori sede, conspicitur flexis genibus oranti simile, aliasque moniales ad consuetas preces & conciones expectans, quarum nulla fuit quin ipsam esse Magdalenam crederet. Putabatur verò ea libertate communes observandi preces & conventus, à Visitatoribus donata esse ob insignem quam præ se ferebat resipiscenciam. Sic nocturnis his orationibus solum præfuit spectrum: quibus finitis, ad suam quælibet monacha rediit cellulam, ausa minimè Magdalenam alloqui ob pristinz existimationis

mationis honorem. Insequenti autem die, quum ipsam adhuc carcere coërceri intellexissent moniales, proxima nocte in choro conspectam, Visitatoribus indicant: qui inquisitione penitius facta, ipsam è carcere non fuisse egressam compererunt. Actio in illam instituta, ac juris processus tandem missus Romam, & ob spontaneam maleficii confessionem, veniam & plenariam absolutionem consequuta fuit Magdalena malefica. De qua tetriora quædam habet historia, à me studio omissa, quòd solùm insigni magistratus tanti exemplo, veniam respicientibus deberi, nec diris flammis tam atrociter absumendos, ostendere voluerim.

*Figmentum miserabilis fuit cujusdam maleficæ mulieris.*

C A P. V I I.

**T**RISTIorem maleficæ Anglicanæ finem describit ex Guillertino Vincentius, licet figmentum esse credam: tamen ut miscantur seria joci, Lectorem juvabit fabula, vel historia fabulæ non absimilis. Mulier, inquit, eodem tempore apud Berheliæ Angliæ villam, malefica & divinatricis, cum quodam die convivaretur, cornicula quam in deliciis habebat, vocalius solito nescio quid cornicata est. Quo audito, dominæ cultellus de manu excidit, simul & vultus expalluit: eaque diutissimè ingemiscens, in hæc prorumpit tandem verba: Hodie ad ultimum sulcum pervenit aratrum meum, hodie incommodum grande & audiam & pariar. Adhuc ea loquente, advenit nuncius, eodem die ejus filium & totam familiam subita interiisse morte narrans. Ea re intellecta, continuò faucia dolore decubuit: jussitque acciri superstites liberos, monachum & monacham, quibus cum gemitu ait: Ego miserabili meo quodam fato dæmoniacis artibus hætenus operam navavi, vitiorum omnium sentina, & illecebrarum magistra, spectantùm vestræ religioni innixa, quum à me ipsa desperarem. Nunc itaque, quandoquidem me dæmones habituram exactores pœnæ scio, quos habui scelorum suasores, per materna vos rogo viscera, ut mea tentetis levare tormenta: erit enim de animæ perditione sententia irrevocabilis. Corpus ergo meum, in corio cervino insutum includite in theca lapidea, operculum deinde ferro plumboque confringite, & lapidem ipsum tribus magnis circumdate catenis. Si tribus noctibus ita securè jacuero, quarto die me sepelietis, quan-

*In Spec.  
hist. l. 26.  
cap. 26.*

*Malefica  
& divi-  
natricis  
quod à  
morte ac-  
ciderit.*

tis, quanquam terram corpus non admissuram ob mea maleficia verear. Cantentur pro me Psalmi quinquaginta noctibus, & Missæ celebrentur totidem diebus. Matris voluntatem exequuntur liberi, at nihil promoverunt. Primis enim duabus noctibus, cum clericorum chori Psalmos canerent circa corpus, dæmones ostium templi immenso obice clausum, levi negotio confringentes, duas extremas thecæ funeralis diruperunt catenas, media autem operosior permanfit illæsa. Tertia nocte circa gallicinium, strepitu eorum qui ostio appropinquabant, totius monasterii fundamenta videbantur succuti. Unus autem cæteris vultu terribilior, & statura celsior, januas majori virtute collisas in frusta deiecit, arrogantiusque funus petit: inclamatoque mortuæ nomine, ut surgeret imperavit. Ea mox respondente. Nequeo ob vincula: Solvêris, inquit, & malo tuo. Statimque catenam, quæ reliquorum ferociam eluserat, nullo conamine veluti stupam infregit, thecæque funeralis operculum pede detrusit, & apprehensa manu palam omnibus eam ad templi fores protraxit, ubi in procinctu stabat equus niger superbè hinniens, undiquaque prominentibus uncis ferreis: quibus imposita misera, ab intuentium oculis cum universo comitatu evanuit. Suppetias tamen orantis clamores miserabiles per quatuor ferè audiebantur miliaria.

*Lamias hæreticis non esse annumerandas: item de custodia & carceris discrimine.*

C A P. V I I I.

*Quomodo  
Lamia de-  
lusa dæ-  
monis ope-  
ra putent  
esse sua.*

*Hæreticu  
quis.*

**Q**Uoniam verò Lamia, quas ita nuncupant, sunt sexu mulierculæ, ut plurimum vetulæ, natura melancholicæ, mentis impotes, animum temerè despondentes, exiguæ in Deum fidenciæ, iis velut idoneis organis libentius se diabolus adiungit, ac promptius insinuat, ut earum mentes variis conturbet formis: quarum ludibriis effascinatæ, se fecisse existimant, fatenturque id quod ab ipsis fuit alienissimum. Enimverò si perspicaciori mentis acie rem omnem ad normam exigas eorum quæ à dæmone & agi possunt, & aguntur, ac quæ ab hominibus, illius opera ac instrumentis propositis perfici creduntur: à dæmonio, quicquid id est, designatum esse comperies. Vix itaque inducor, ut eas in hæreticorum numero collocare audeam: quum hoc

hoc nomen nemo, nisi semel atque iterum admonitus, & tamen fanaticis imbutus opinionibus, constanter & præfractè perduret, mereatur. Error in mente non facit hæreticum, sed voluntatis pertinacia. Quare hæ mente prorsus à satana corruptæ, & falsis imaginationibus distractæ, si nihil aliud ipso actu in alium commiserint, erunt examinandæ, & rectius in præcipuis nostræ fidei Christianæ capitibus instituendæ, ut quod in suâ hujus religionis inchoatæ primordiis spoponderint, diabolo renunciantes, atque ejus tamen clandestino fraudulentoque inductu (quod primæ parenti Evæ quoque contigisse scimus) postea declinarint incautæ, id jam resipiscences, ex salubriori institutione præstare per Dei gratiam, omnibus suis viribus satagant. Quid hic dæmonio minus poterit, suasionem contraria fidelis JESU Christi minister? qui ovem satanæ suggestionem perditam requireret, atque ad ovile Christi reducet. Facile verò, factò attentè periculo in ipso articulo Fidei examine, si fortè alicubi aberrarit malè persuasæ, elucescet: & num saniorj doctrinæ pertinacius reluctetur melius doctæ, mereaturque hæreseos notam: an conversa, & à seductionis viciatæque mentis veterno excitata, in Ecclesiæ membrum denuò recipi, & pro se orari ex toto pectore cupiat, obsecretque.

Tit. 3.

Postea  
cap. 21.

§ 3. Propterea non tam proclives esse decet Christianos, ut fide & mente propter sexum ac ætatem imbecilles vetulas, ex sinistra alicujus malevoli opinione, sugillationeque, intetros illos, squalidos, hominum custodiæ non designandos carceres, horrida cacodæmonum captos torquentium domicilia, præcipientes agant, atque crudelissimo cuivis tortori inmaniter excruciantas quovis etiam atrocissimo tormentorum genere, velut in Phalaridis tauro conclusas, in carnificinam, humanitatis profecto affectum omnem exuti tradant: quemadmodum multis in locis non tam prudenter quàm severè fieri constat.

§ 4. Præter exorbitantium cruciatuum dolores iniquè inflatos, animadvertendum etiam, inter carcerem & custodiam multum discriminis constitui à Jurisperitorum schola: quæ, eorum qui postea plectentur vita, custodiam neutiquam vult esse pœnam: quam à carcere horridam irrogari etiam infontibus senserunt, qui præter meritum quandoque in illum fuere detrufi. Verùm ut equitatis commiserationisque ratio labefactata negligitur,

Disseri-  
men in-  
stodia &  
carceris.Cod. lib. 9.  
de custodiam  
responsum, l. 1.

contemniturque : sic & custodiæ nomen cum usu apud plerosque propemodum evanuit. Ita fit, ut solitudine diutina, carcerum squalore, caligine tetra, variisque dæmonum spectris exhorrescentes misellæ Dei creaturæ, antea nonnihil diaboli assidua suggestione, fascino & delusione, mentis sensu luxatæ, & jam denuð torturis. Variis excarnificatæ, dum quæstionibus atrociter subjiciuntur, cum morte semel momento acerbissimam ejusmodi vitam commutare malint, quæcunque proposita flagitia libenter confessæ, quàm ferocius in easdem putidissimorum carcerum speluncas & equuleos præcipientes retrudi.

§ 5. Hoc modo factum est, quoddam haud ita pridem anicula tormentis ed aegerint, ut jam Vulcano litanda, fateretur se hymis proximæ anni sexagesimiquinti supra sesquimillesimum, asperitatem incredibilem, frigus extremum, & durantissimam glaciem genuisse. Nec defuere viri graves, qui veris veriora hæc crederent, quum in universa rerum natura nihil extet insulsius, quemadmodum ad me scripsit D. Antonius Hovæus, vir doctrina, pietate, atque existimatione amplissimus, abbas Echternacensis.

§ 6. Ad truculentæ hujus tragœdiæ actus egregiè perficiendos, ne quid interim desideretur, ut plurimum acceruntur sanguinariî spiculatores, qui flagitiorum inauditorum, & sæpe in rerum natura non existentium confessionem potionibus eliciant : quæ profectò non ex aliis possunt apparari substantiis, quàm quæ vel inebriant, vel dementent. Ab iis itaque, quibus mens ejusmodi potionum vi læsa est, quomodo veritatem, cui in re criminali fidendum, inquisieris ?

*Experimenta in dignoscendis Lamiis fallacissima.*

C A P. I X.

**A**T cheu tanquam ad sacram anchoram in Lamiis citra hæstitationem cognoscendis, & velut digito monstrandis, ad aquas confugitur, ubi manibus pedibusque colligatis, vel pollice manus dextræ, magno digito sinistri pedis, & vicissim pollice sinistræ, digito magno dextri pedis transversè vinculo astrictis, lamias maleficii reas, aquæ injectas nunquam submergi, at supernatare, velut certum experimentum, nec fallax indicium esse, apud magistratum & carnifices in plerisque ditionibus observatur. Næ illud



illud nimis est ridiculum, mirumque, huic insulsæ persuasioni ullum hominem, vel leviter rationis sensu præditum, fidei tantillum apponere. Quandoquidem maleficium si quod est, cumprimis è mente emergit, dum cum diabolo confœderatas Lamias, Deo renunciasse, creditur.

§ 2. Quid hic causæ comminisceris, quo minus in aquis subfingere, quàm aliæ, debeant? Natationis siquidem causas, uti levitatem, raritatem, spiritus sustinentis conclusionem, corporis vivi habilitatem, idque genus reliquas naturales occasiones, non magis inesse his corporibus, etiam fontibus, ut quidem fateor: ita asserere audeo, si quid ejusmodi præter naturæ ordinem vidiatur, id fieri suffulciente feminas, de quibus etiam falsa est suspicio, diabolo, ne submergantur (connivente Deo ob incredulitatem magistratus, fallax hoc experimentum admittentis) quo in sententiam iniquam judicem tandem inducat hac fraude impostor ille, ab initio sanguinarius. Corpus nullo pacto immutat, ut rarius leviusve & natationi convenientius reddatur, fidei abnegatio, voluntas mala, vel corrupta phantasia. Hic profectò credi magis oportet naturali rationi, quàm ementitæ experientiæ, stultæ & ineptæ, nulli etiam nixæ rationis basi, & observatæ sæpenumero falsæ, propterea quoque à diabolo inventæ, & ab homine Christiano profligandæ. Mulierem quoque rariore carne præditam, & tenebriorem esse, quàm virum, docet Hippocrates.

§ 3. Tradit verò Philarchus, in Ponto genus Thibiorum esse, & multos alios, quorum notas in altero oculo duplicem pupillam, in altero equi effigiem assignat: nec eosdem posse mergi, ne quidem veste degravatos. Id si verum est, connatum esse oportet.

§ 4. Similis temeritatis & superstitiosæ dæmoniacæque falsitatis experimentum est, quod in malleo legitur: Die Dominico sotularia juvenum axungia seu pinguedine porci, ut moris est pro restauratione fieri, perungunt: & sicubi ecclesiam intrant, tamdiu maleficæ ecclesiæ egredi nequibunt, donec exploratores aut exeant, aut illis exundi licentiam expresse concedant. Nec absimile erit, quod in hanc dignotionem plerisque in locis observatur admodum impiè, ubi ex terra quam ter spata primùm in sepultura injiciunt pastores, portiuncula Missæ sacrificio scilicet sanctificata, calcando templi limini supponitur: nec sagam, si in templo sit, tum posse egredi putatur. Item assulas sume ligni quercini, in quo

*Natationis causa.*

*Lib. 1.  
De Mor.  
bu mult.  
br. in im.  
tio.  
Pinus  
Lib. 7.  
cap. 2.  
1. Secun-  
do partu.  
quasi. 1.  
in initio.*

aliquis sit suspensus, vel se strangularit: inspergantur illæ aqua lustrali, collocenturque in templi ingressu: nec egredi ea poterit, nisi assulas summo veris.

§ 5. In libello Conjuratiorum Romæ & Avenjoni impresso sic legitur: Ad corrigendum & notificandum maleficam, accipe mulctram novam, & formulam casealem novam, & stancam novam, & mulge de omnibus vaccis, quas habes, tantum lactis, quod possis formare vel facere unum caseum in nomine illius maleficæ, & forma per prædicta vasa unum caseum: & cum tactus est caseus, perfora cum armilla acuta totum caseum: & per hoc denudabitur ipsa malefica in facie, &c. Considera item maleficam in fronte illius, quia diabolus abradit eam cum ungula post consensum ad delendam sacram unctionem baptismatis, ita ut stigma in fronte gerat: id quod tamen semper, quantum potest, cum populo velare nititur. An hoc verè ita contingat, vide lib. 3 cap. 3.

§ 6. Præterea regulus apum à Lamus devoratus, creditur has, ne delictum iumentis fateantur, confirmare. At eadem hic est ratio, quæ in aliis, superstitiosa nimirum credulitas. Contrà, Achemenidon plantam colore electri sine folio nasci in Tardistylis Indiæ, meminit Democritus, cujus radice in pastillos digesta, in diemque ex vino pota, noxii per cruciatus nocte contineantur omnia per vanas numinum imaginationes. Experimentis illiusmodi haud absimile, quodd olim in Norvegia & aliis multis in locis, cum quæstio ageretur de homicidio aut adulterio, candens ferrum suspecto in manum dabatur: quæ si illæsa maneret, absolvebatur suspectus: at si lædebatur, uti reus condemnabatur. Huc pertinet exploratio, quæ alicubi fiebat per ferventem & bullientem aquam. Innocens sine ulla noxa manum in aquam immittere credebatur, nocens verò læsionem sentire. De utraque exploratione, nimirum, per candens ferrum & ferventem aquam, censendum profectò neutram esse approbandam.

§ 7. Duo etenim non levia hic concurrunt peccata, temeraria scilicet Dei tentatio, & ordinis divini perversio. Hinc rectè in Decreto dicitur c. 2. quæst. 4. cap. Consuluiſti: Nam ferri candentis vel aquæ ferventis examinatione confessionem extorqueri à quolibet, iacri non censent canones. Et quod sanctorum patrum documento sancitum non est, superstitiosa adinventione præsumendum non est. Spontanea enim confessione, vel testium approbatio-  
ne pu-

ne, publicata delicta sunt punienda: occulta verò & incognita, illi sunt relinquenda, qui solus novit corda filiorum hominum.

§ 8. Finiam porrò hoc argumentum pulvere Sulati loco arcani habito, & tanquam infallibili experientia comprobato, communicoque cuidam, qui assidue torturis ex officio præerat, qui & me prius consuevit in exploranda ejus virtute, ne in exhibendo lædere, quàm alicui propinaret. Conticitur autem ex seminis hyperici (fugam dæmonum vocant) olibani, & seminis cardibenedicti, uniuscujusque drachma una, quæ est uncie pars octava. Simul cum aliquo liquore ante torturam offertur. Ad cuiusvis flagitii confessionem hoc assumpto incitari impelli que reum, putatur, quodd nimirum dæmonem confessionem criminis impediens, hyperici, ut arbitror, usu fugari credatur. Vide & Caput II. libri hujus nostri Quinti.

*Qua in maleficii perpetrati inquisitione sunt facienda, & confessioni soli non esse standum.*

#### C A P. X.

**R**egulam autem hanc mirimè fallacem à quæstionibus observare decuit, ut de singulis illis flagitiis jam confessis, accuratè cum judicio inquiratur, quas alios passos dicunt, facerenturque ærumna: & calamitates à se illatas lamæ, num ita se habeant, vel in rerum sint natura: & si comperiatur quosdam ita læsos, vel morbos aut danimum perpeffos esse, ut jam ab aliis hæc confessi, designata hujusmodi mala putentur: inde quibus mediis, materiis aut organis perpetrata sint, penitus investigetur: & num illa media, materies aut instrumenta istiusmodi effectibus producendis sint apta, consonaque. Ubi naturalium rerum & virtutum cognitione celebrum medicorum judicia in consilium accersantur, quemadmodum in aliis quoque casibus eos spectantibus fieri volunt leges.

§ 2. Ut enim non est alicujus melancholici, aut mente vitiiati standum confessioni: ita etiam ex illarum confessione non est infligenda temerè punitio, nisi ex certis circumstantiis, & demonstrationibus evidentibus, indubitatum constet veneficium vel venenatio, pharmaco videlicet propinato aut illito: aut eo

*Confessioni  
mente læsi  
non est  
standum.*

loci, unde halitu certò ferire potuit; deposito.

*In actione  
criminali  
oportet  
probatio-  
nem  
meridia-  
na esse  
clariorem.*

§ 3. Oportet siquidem probationes luce meridiana esse clariiores, maximè in actione quam vocant criminali, quæ Jurisconsultorum laudabilis est sententia. Nam in hoc maleficii negotio, multa turbulente, vel ex sinistra opinione aut suspicione, vel malitiosè ex maligno affectu, vel ob morborum difficultatem, aut rerum jacturam, ex incredulitate, quòd non satis Dei justæ voluntari ex animo se totos quidem tradant, subjiciantque, dicuntur. Multa insuper confusè de aliis sparguntur, confessione item illularum à dæmone vetularum sancuntur, diabolo frigidam hic suffundente, & machinationis clavum fideliter dirigente: ut si quis aurem applicet facilè, aëcusationem & confessionem ratas existimans, ita se tandem delusum sentiet, quo tanquam in labyrintho inexplicabili involutus, nunquam sit exitum inventurus, si ad legum normam & juris rigorem cuncta ex auditis exequi stituat.

§ 4. Ea satanæ ars est, res usqueadè tricis subtilissimis implicare, confundereque, ut nec ulla Thesei sagacitate extricari, nec Oedipi prudentia explicari queant. Sic vel in principiis omnino substituisse, & intra metas se continuisse, aut maturè retrogressum esse præstare, ne diabolo ab initio homicidæ, ob aperta mendacia aut veritatem dolo falsitateque vitiata, aperiatur fenestra, per quam se in actiones nostras insinuet, ipsa re & usus observatione comperi. Nec omnem longius grassandi occasionem satanæ præcidendi, compendiosior unquam erit via: alioqui mendaciorum, calumniarum falsarum, veritatis momento interdum mixto ut dolus lateat, criminationum atque accusationum nullus videbitur modus aut finis.

§ 5. Proinde hic suum habere nervum sententiam verè auream Juris pontificii optarim, 30. quæst. 5. cap. Nec illud: & sunt verba Victoris ad Theophilum: Incerta nullatenus judicemus, quousque veniat Dominus, qui latentia producet in lucem, & illuminabit abscondita tenebrarum, & manifestabit consilia cordium. Quamvis enim vera sint, non tamen credenda sunt, nisi quæ manifestis indiciiis comprobantur, nisi quæ manifesto judicio convincuntur, nisi quæ judiciario ordine publicantur, &c.

*De Veri-  
tate lib.  
15. c. 80.*

§ 6. Huc Cardani sententiam adduxisse juvabit. Constat hæc sæpe meritò plecti, inquit, quòd sint maleficæ, aut etiam ob impietatem: cæterum plerunque stultæ solum sunt, nec confessio in-  
tegra,

tegra, nec iudicium, velut de latronibus ac furibus, reliquisque sceleratis hominibus, ad mortis poenam trahi posset. Sed omnia plena vanitatibus, mendaciis, repugnantia, inconstantiaque. Nam illud quod dicitur, convenire & contestari absentes, omnino falsum est: nec nisi de die congregationis conveniunt, cum vulgata sit quænam sit.

§ 7. Id verò argumentum si rectè & diligenter examinetur, ostendit hanc artem esse prorsus falsam, & illas non verè in unum coire: nam una centum aut etiam plures detegere posset, cum illarum muliercularum opinione tot intersint. Verum non nisi fama agnitas, aut visu, accusant, quas non ex ludo (sic enim visionem illam vocant) sed ex auditu & colloquiis agnoscunt: utrum verò vigilantes, an dormientes, certum est quòd in utroque tempore. Eadem autem vident atque audiunt, ob fixam contemplationem, fidemque illius rei: velut Rasis enarrat de illo qui se gallum ob stultitiam existimabat, statis horis gallorum more ad canendum surgens annis pluribus. Hæc autem opinio ac visio mutuis inter se colloquiis multum confirmatur. Neque aded frequenter ad hunc abeunt ludum. Quædam enim vix ter in anno accedere sibi videntur, nec quidem volentes: quamvis & hoc persæpe contingere putetur, maximè unguentorum auxilio. Hæc ille.

*Trium muliercularum ob maleficii opinionem exustarum confessiones proponuntur, penitusque excutiantur.*

## C A P. X I.

**P**ORRò ut exemplis lucidior evadat res per se obscura, tenebrisque involuta, duarum muliercularum in civitate Imperiali paucis abhinc annis captarum, exustarumque confessiones, à me requisitas, Consulisque assensu ex codicillis judicialibus communicatas, hic proponere volui, quibus subjunxi tertiam.

§ 2. Primum una quidem fatetur, se à Deo omnipotente discivisse, & diabolo maleficio adhæsisse, ac amasium suum appellari Bernardum: deinde effecisse singulis vicibus pomo, ut matrona quædam N. sexies partum ediderit mortuum. Confitetur item, se cujusdam viri N. filiam, cerevisiæ haustu per maleficium enecasse: idem.

*Prima  
muliercula  
la uti  
Lamia  
confessio.*

se : identidem & N. uxorem ita jam lecto tanquam ex morbo affixam, maleficio læsisse. Propter hanc confessionem, tradendam igni misellam decrevit magistratus : & quidem non immeritò, si verè compertum fuisset, illa scelera ab ea fuisse designata.

*Confessio-  
nis respu-  
ditio.*

*Ioh. 8.  
1. Ioh. 3.  
Ex diabolo  
est, qui  
peccatum  
committit.  
Matth. 12.  
Luc. 11.*

§ 3. Amabo autem tribus excutiat confessionis verbis. Quoddà Deo descivisse se fateatur, & dæmonio adhæsisse, id in foro civili non erit criminale. Quotusquisque etenim nostrum est, qui ipsum non facit? Si quidem omnis qui facit peccatum, servus est (docente Christo) peccati. Qui committit peccatum, ex diabolo est, quoniam ab initio diabolus peccat. In hoc manifesti sunt filii Dei, & filii diaboli. Omnis qui non facit iusticiam, non est ex Deo : & qui non diligit fratrem suum. Qui non est mecum, ait Christus, contra me est : & qui non colligit mecum, dispergit. Sed admoniti respiscere possumus, & pœnitentiæ locus est. Quid ergo vetat, quo minus & illa redarguta, rectiusque instituta, ad sui cognitionem valuisset reduci? Sortiatur hic locum apud libri Conformitatum patronos, ubi legitur, uxorem ambiisse quendam monachum, ac ut eam adduceret, diabolus orasse, se illius fore pollicitum, tradito chirographo propria manu, & sanguine consignato. Postea pœnititudine ductus, animi morbum fratribus fidis explicuit, qui Missarum plurium turba dæmonio schedulam excusserunt.

*Concubitu  
cum  
dæmone  
imaginari-  
um,  
L. 3. c. 19.  
& postea.*

§ 4. Quodd se concubitu dæmonis Bernardi passam dixerit, phantasticum & imaginarium prorsus fuisse, ex superioribus liquet : ubi ex professo diluitur illud phantasma, ut minus fidei vel hoc saltem nomine confessioni ejus fuerit adhibendum, quæ ex mente hallucinante, erronea quoque censenda est. Quis alius rogo huic proco Bernardi nomen indidit, quàm ipsus sibi : id corrupto auditus sensui vel vi imaginativæ ingerens, ut edito nomine inter Christianos usurpato, in majorem confidentiam, mente titubantem mulierculam illiceret, sibi que devinceret? nec ob hanc fatanæ illusionem, mentis que mulierculæ læsionem, mortis pœna irrogari debuit.

§ 5. Nec pomo interimi potuit fœtus, nisi accesserit venenum, quod solertius indagandum erat : quemadmodum quoque, num ea fuisset illius veneni efficacia fœtui enecando peculiaris, ut matri hinc nihil aliud inferri potuerit incommodi : & unicui illud venenum semel tantummodò exhibitum toties diversis annis fœtum

excu-

excuteret: nec solum invalidæ ejus confessioni standum erat. Quod etenim ex Dei voluntate & arcano consilio contingit, vel diabolo diviniùs permittitur, id vitiato feminæ cerebro dæmon sæpe ingerit, quasi ab illa designatum sit: cujus tamen sceleris illam planè insontem esse comperiet is, qui singula ad rationis perpendiculum non somnolenter expenderit. Idipsum de filia N. cerevisiæ haustu sublata per maleficium, dicendum est. Quid enim cerevisiæ immixtum fuerat, quod interimendi vim deletèriam obtineret, adhibitis in consilium medicis, in earum rerum cognitione insignibus, vigilantius erat investigandum. Nec minori studio inquirendum, quibus organis aut mediis conjugi N. morbum conticivisset. Nec vulgaræ & odiosæ carminis aut maleficii voci pronas adeo offerre decuit aures. Enimvero ubi sola incantatione infortunium quodcunque à se procreatum narrant amentes & inconstantes hæ vetulæ, perversio dæmonis instinctu id fieri, easque falsum contra semet dicere testimonium, & à vera morbi ejulcemodi invectione tam esse liberas, quàm quemvis alium, dejerare non vereretur. Unde cujus se criminis reos faciant, qui tam inconsideratè immaturas effundunt interdum sententias, ipsi viderint.

§ 6. Jam alterius quoque eodem in loco igni adjudicatæ confessionem editam audiamus, levique investigatione excutiamus. Contitetur hæc, quum ante sexennium ferè, hora quadam matutina, præ animi desperatione, de vi sibi inferenda cogitaret, ad se accessisse virum quendam proceræ staturæ, & formæ non invenustæ, pallio nigro, & reliquo ejusdem coloris vestitu ornatum. Hic ejus dolorem solatus, inter alia jussit eam non abjecto, sed confidenti esse animo, suum pollicitus patrocinium, seque semper illi res necessarias & pecuniam abundè prospecturum, si modo vicissim ipsius consilio & voluntati se devoveret: inde & magnum auri cumulum illi ostentabat hic vir. Ea vero in ipsius ausensit consilium, abnegans Deum omnipotentem, Mariam matrem Jesu Christi, & omnes sanctos. Hinc chrisma ei ex fronte exemit, atque se perpetuum fore concubinum spondit, nomen sibi esse Alexander, inquires. Fatetur adhæc, concubinum quater domus in lecto opus venereum secum perfecisse: item, se cuidam cerevisiæ coctori N. felicem rerum fortunam carmine subtraxisse, resinæ vulgaris pauxillo, vasi mancipato huic coctioni, subdi-

*Alterius  
excusæ  
confessio.*

Roterodamo & Scheidamo, ex piscium captura maximè vivitur. Horum incolæ quum haleces piscaturi enavigassent, & piscium copia onustas reducerent naves Roterodami, retia lapidibus onerata Scheidamiretraxerunt. Quod insperatum infortunium maleficio confestim imputabatur. Quocirca mulier injicitur manus, quæ incunctanter faretur maleficis suis artibus id accidisse, & se per vitri foramen (quod ostendebat ejus magnitudinis, ægrè ut digitum transmitteret) dum piscibus illi infidiarentur, transvolasse, & in mytuli testa (mosselscolp nostraribus dicitur) se mari commisisse, illudque trajecisse usque ad halecum stationem, & ibi incantamentis haleces fugasse, & earum loco subjecisse lapides. Lata hinc potissimum sententia, flammis illa devoranda traditur.

*Tertia  
confessio  
ridicula.*

§ 11. In hac confessione expendendum erat, num in rerum natura sit, operante diabolo quomocunque pro suo arbitrio & viribus, per arctissimam vitri rimam, ne digiti quidem capacem, adultum transferri posse hominem, non ex solo spiritu stabilem, aut ex substantia ductili liquabilive concretum: sed ex solidis ossibus, tenacibus cartilaginibus, siccis tendonibus, ligamentis, nervis, membranisque præter musculosam carnem, compactum: qui si etiam in status resolvi potuisset, eorum tamen simul perumpente vi illud vitrum infringi debuit. Ad rationis item normam oportuit vocari, quomodo in mytuli testula provectæ ætatis sæmina cum tanto lapidum acervo, fretum potuerit sulcare varium turbulentumque. Sed nec trajectu hoc in testula opus fuit ei, quæ mox per vitri angustissimum foramen pernicissimè volarit. Tam verò omnis hæc confessio est insulsa, inutilis, dissona, absurda & mendax, ut mulierculam hanc vel delirasse, vel melancholia fuisse agitaram, vel alioqui depravata phantasia ductam, vel à dæmone oblesam, qui vel hujus linguam tæxerit, vel ex ea vocem ediderit, quilibet non omnino mentis impos didicasse valuerit.

*Ejus  
sententia.*

§ 12. Glosas comminiscantur quascunque volent ejuscemodi judices, sententiam ita sanguinariam ratè pronunciari posse in re vel incognita, sive extra rationem & rerum naturam posita, nullis unquam convincent rationibus. Quare autem non citius proniusque credam, ex Dei permissu propter hominum incredulitatem, ut si punirentur, aut etiam probarentur, si adfuerit, fideles, diabolus qui potuit, eos invexisse lapides ut deciperet, quod illi peculiare est: quam admittam, mulierculam, quæ omnino non potuit,



ca perpetrasse? Si cum dæmonis subsidio, illam fecisse occlamarur, & id quidem constanter nego: si etenim diabolus vel millies hoc vellet & conaretur, per exiguam rimam posset neutiquam transferre mulierem: quod tamen accidisse, illa confessa est. Si hoc merum esse delirium, nugas & mendacium obtinero, mi patres descripti, quæ reliquis ejus farinæ naniis debetur fides?

§ 13. Eodem modo infinitæ possent recenseri confessionum formulæ ex publicis magistratuum diplomatibus, quas si penitus expenderis, *admirari* vel impossibilitatem ( si ita loqui liceat, ) inconstantiam, vanitatem, mendacia veritate fucata tectaque, varietatem, labyrinthum, imò fabulas comperies.

*Alia confessio explicata: & verbis aut imprecatione neminem posse ladi: item Lamias esse amentes.*

#### C A P. X I I.

**H**Aud ita pridem quædam invinculis detenta, se plurimas virgines religiosas in cœnobio variis tetani cruciamentis exercuisse, indita ôleribus mixtura ex aspide, bufone & sanguine menstruo simul confusis, fatebatur. Hic omnium primum diligenter inquirendum erat, num ex horum venenorum commixtione, ejusmodi resulerent effectus, vel morbi, vel symptomata. Tandem illa publico judicio flammis tradenda, in hoc extremè perstitit constanter, illam calamitatem à se atque matre ægrotis illis virginibus irrogatam quidem, mortemque perpeti velle: hoc autem se palam confiteri, ne tantillum unquam à se illis per os illatum fuisse. Quo igitur modo diram hanc induxisset sortem, rogata: se mente & imprecatione eam invexisse fassa est. Quibus verò médiis tolli possit illatum malum, deinde interrogata, respondit: Matre & me prius è medio sublati.

§ 2. Unicum hoc dæmonis ab initio homicidæ studium est & machinatio, ut quàm plurimus fundatur sanguis. Utraque enim exusta, nondum desiit horrendum spectaculum: sed à priore sacrifico secundus demum exorcista accessit cæcus, qui ex omnium fermè ægrotarum corporibus dæmonia fugam simulantia abegisse putabatur, à quibus tam atrociter antea fuerant quibusvis convulsio-

*Integram  
historiam  
lege lib 4.  
cap. 11.*

*Mente &  
impreca-  
tione in  
fortunium  
aut da-  
monem al-  
teri non  
posse inve-  
lis. demon-  
stratum  
est Lib 4.  
cap. 18.*

convulsionum speciebus excruciatæ: necdum propterea remisit hæc pestis, at longius hinc in proxima proserpsit oppida. Hic post muliercularum exultationem, se produnt morborum auctores: num verò illæ virginum corporibus dæmones cogitatu impreca-tionēve immittere valuerint Libro quarto decisum est. Ejusmodi hominum impotentiam penitus noverat Imperator Fridericus pri-mus, Barbarossa nuncupatus, in cujus exercitum contra Medio-lanenses ductum, hi mercatorem Arabem ablegarunt, qui Fridericum veneno tolleret: qua re cognita, Arabem cepit Imperator, puniitque. Ac licet Arabs magus graviter Friderico minitaretur, se illum verbis enecare, nisi dimitteretur, velle: nullo tamen mo-do commovebatur Imperator, verbis tantam non inesse vim sciens, propterea & acerbas alter dedit pœnas. Verè itaque vi-detur dicere Aristoteles, incantamenta esse muliercularum figmenta.

§ 3. Cardani verbis & historiæ suus hic erit locus, qui de Lamiis sic scribit: Sunt deformes, pallidæ & sub obscuræ, atram bilem ipso intuitu præ se ferentes. Sunt taciturnæ, amentesque: ac parum ab his quæ dæmonio teneri creduntur, differunt: fixæ in suis opinionibus, atque aded firmæ, ut si solùm ad illarum verba respi-cias, quàm intrepidè, qua constantia ea referunt, quæ neque un-quam fuerunt, neque esse possunt, tamen vera illa esse existimes. Unde nil mirum ab his moribus, iis qui philosophiæ expertes sunt, egregiè imponi. Laborare autem eas atræ bilis morbo, tum vi-ctus ratio, tum aëris qualitas, tum forma atque effigies ipsa vi-lus & corporis, tum verba ipsa stulticiæ, & (ut ita dicere liceat) impossibilitatis plena, ipseque torvus in dicendo aspectus, tum ca-sus quidam qui Philippi vicecomitis Mediolani principis ætate contigit, declarant.

§ 4. Res vero ita gesta est, ut pater meus retulit. Damnatuſ erat profanæ hujus artis villicus quidam nomine Bernardus: alioqui vir simplex & frugi, ob idque domino percharus. Sed quia nec mi-nis nec persuasionibus adduci poterat, ut pœnitere vellet, ad ignis pœnam poscebatur a iudicibus. Dominus, cujus pige-bat, quique principi gratus erat, obtinuit, ut fidejussione data, quanquam illis reluctantiſ, liceret hominem apud se viginti-diebus habere. Cœpit ergo illum alere non ut medicus, sed ut rusticum nobilis amicus. Quatuor ova recentia manè, toridem

Lib. 8.  
de Hist. animal.  
cap. 24.  
De Varietate l. 16.  
Lamia mola-  
cholica, a-  
mentes, à  
dæmonia-  
cis parum  
differen-  
tes, opinio-  
num tena-  
ces.

Quinam  
a iudicibus  
ignis pœnam  
poscebatur  
ab malefici-  
um, respi-  
cit ab amentia  
meliori  
villæ.

vesperi, tum vinum dulce atque jucundum suppetebat, carnes quoque & jura pingua. Postmodum ubi vidit hominem ex longo veterino resipiscere, hortatus est, ut omisissis falsis atque absurdis periculosisque persuasionibus, Ecclesiæ adhærere vellet. Sed paucis opus fuit, resipuit: optimusque Christianus factus, usque ad mortem absque aliorum querela perseveravit: quem atrocitas judicium immeritò crudeli supplicio affecisset.

*Confessio eorum qui se in lupos fuisse transmutatos crediderunt.*

C A P. XIII.

**H**Oc loco subjungam eorum confessionem, qui se in lupos aliquoties fuisse conversos, arbitrati sunt: quam in hoc meo instituto sæpius objecere viri alioqui cordati & magnæ existimationis, eamque velut ex Tripode prolatam cum summa religione & singulari fiducia, tanquam veracem observant, quibus fortè coram à me non esse factum satis videbitur. Ut itaque illis, & quibuscunque aliis, mentis oculi nitidius contra ejusmodi præstigias abstergantur, nec usqueadeò temerè illud se, oculisque nebulas offundi sinant, neque velut cæcæ talpæ, in sordibus à demone obrutis perdurent, sed ab oculorum pupilla nubeculas, quinimò & ungues permittant sanari à medico, qui præsens hoc collyrium gratis offert cuicunque lucidos & à præstringente spiritu liberos oculos cupienti: historiam hanc raram vagamque, nec minus admirabilem, ex Sabaudia finitimisque ditionibus in Flandriam, Brabantiam, Geldriam & regiones alias translata, atque à me in qualemcunque ordinem breviter eà fide ex Gallico scripto contractam, ut jure nihil quod alicujus est momenti, desiderari debeat: deinde excussam, & velut veritatis lapide Lydio exploratam, proponere volui.

§ 2. Ad quæstiones M. Joannis Bom, doctoris Theologiæ, Prioris Prædicatorum in Poligni, & generalis inquisitoris fidei, ordinati in diocesi Befanconensi, confessio Petri Bourgoti, nuncupati Magni Petri, & Michaëlis Verdung, captorum ob maleficii heresin, variis diebus in Decembre extorta, Anno 1521. sed maxime coram multis & spectabilibus testibus repetita postremo ejusdem mensis die.

§ 3. Confessus est Petrus, ante annos circiter novendecim, ipso die

die nundinarum Polignensium tam validam procellosamque defluxisse pluviam, ut non solum nundinae disturbarentur, sed & armenta quibus ille custodiendis tunc praeerat, ita disjicerent, ut ubi requiri, possent, planè ignoraretur. Quum igitur cum reliquis agricolis pecudes variè quæsitum collectumque abiret, & solus alicubi aberraret, tres equites nigros, atrumque indutos vestitum habuit obvios, quorum postremus rogabat: Amice, quo abis? videris esse turbator. Verum est, respondit Petrus. Id autem evenit ob pecora ex sævo tempestuosoque nymbo dissipata, & perdita: & cum nullam ea recuperandi rationem videam, animum equidem prorsus despondeo. Bono hunc animo esse jussit eques ille, pollicitus, si modo fidem ipsi daret, magistrum se donaturum, à quo institueretur, ne in posterum ipsius armentum à lupo vel quavis alia bestia impeteretur, aut ullum sentiret damnum, aut etiam ullum periret pecus: ut item ipsum redderet confidentiorem, perditas reperturum pecudes addicebat, nec desideratum iri ullas: pecuniam adhuc se daturum spondit. Conditionem hic acceptat, se in eundem locum post quatuor aut quinque dies reversurum promittens. Hinc cum villicorum comitatu indagatum pergit, armentumque quærendum investigat, & post quatrimum eodem ad equitem mox agnitum redit. Quærit ille, num operam suam ipsi locare decrevisset Petrus? quo vicissim interrogante, quisnam esset? respondit: Servus sum magni inferorum diaboli: sed ne metuas. Tum ea lege suam dæmoni operam addixit Petrus, si promissis ille in conservando pecore & beneficiis conferendis staret. Inde Deo, D. Virgini Mariæ, omnibus sanctis & paradisi incolis, baptismo & christi renuntiare jubetur: quo facto, illi exosculandam manum porrigit sinistram, nigram, velut mortuam, frigidamque. Hinc in genua provolutus alter, aperto capite honorem satanæ desert, cum appellans dominum. Ne quoque fidei symbolum recitaret, inhibebatur. Perstitit itaque in diaboli ministerio circiter biennium, non prius templum ingreditur, quàm in fine Missæ, vel saltem post aquæ lustralis consecrationem, qua illum noluit aspergi: sic quoque mandat ipsius præceptor, cujus etiam nomen tum adhuc latuit, sed postea se Moyses appellari significavit.

*Spiritus  
carum  
& essan  
habet.  
Lucæ 24.*

§ 4. 1. Interim non erudiebatur Petrus, quomodo jumentum tutari posset: sed hoc officium conservandi pecoris solum præstare videbatur diabolus, si quando conspicerentur lupi, qui tum nihil in-

hil injuriæ inferebant. 2. Pòst verd pascendi pecoris cura exonerata, facìle diabolum neglexit, frequentans templa, fideique confessionem recitans, annos circiter octo vel novem: donec à Michaële Verdung denuo in sui magistri obedientiam dicto in loco excitatus, ea assenserit conditione, si pecuniam ex promisso suppeditaret præceptor.

§ 5. 3. Ita simul in partibus Chastel charlon vespere quodam convenitur in nemore, ubi ab aliis ignotis choreas duci concurrìque visum est. Cernebat autem Pérrus in cujuslibet manu candelam viridem, fiammam cyaneam subobscuram evomentem.

§ 6. Aliàs illi à Michaële proponebatur, si modo fidem adhiberet, effecturum se, ut quantacunque vellet levitate procurret. Consensit Petrus, modò servarentur promissà, pecuniaque donaretur: alioqui se fraudem vereri ait. Pecuniam se curaturum abundè, pollicetur Michaël. 4. Qui exutum Petrum nudum linimento inungit, quod secum ferebat, unde hic se mox in lupum verè mutatum autumabat, & quatuor suos pedes lupinos ac pilos intuitus exhorruit: sed tam celeriter, quàm venti flatus provolat, se concurrìsse asseruit: nec id fieri potuisse, nisi vehentis ipsum magistri opera, qui continuo in ejusmodi excursionum volatu aderat: quamvis cum non prius videret, quàm humanæ restitutus formæ. Michaël itidem inunctus, unà tam pernici ferebatur cursu, quàm optaret, celeritate etiam visum prævertens. 5. Ubi eam fuissent passì metamorphosin horam unam aut alteram, rursus à Michaële illiti, opinione citius in pristinam redière figuram. 6. Unguentum utrique donabatur à magistris, Guillemin scilicet Michaëlis magistro, & Moyset Petri.

§ 7. 12. Ubi de sua lassitudine post ejusmodi cursum, ut se difficulter quandoque erigeret apud magistrum quereretur Petrus: nihil id esse, respondit ille, & mox curatum iri.

§ 8. Contigit quoque Petrum ex Michaëlis institutione inungi, & conversum in lupum, sex vel septem annorum puerum masculum dentibus comprehensum occidere: quem tamen ob clamorem & ejulatum relinquere coactus; ad suas vestes confugit, ubi se herbis ex Michaëlis doctrina fricans, in humanam revertebatur faciem. Simile quiddam Michaëlem cum ipso aliàs tentasse fatebatur, & quodam die in luporum imagine encasce sceminam pisa colligentem: supervenisse autem dominum de Chusnee,

de Chusnee, cui etiam nocere volentes, aliquoties insultabant frustra.

§ 9. 7. Confessus item est uterque, se in ea lycanthropia trucidasse puellam circiter annos quatuor natam, eamque totam devorasse, excepto brachio: ac Michaëlis palato placuisse carnem, licet parum comedisset: non tamen ad Petri identidem vorantis stomachum ita fecisse. Quandam item puellam se jugulasse, ejusdemque exuisse sanguinem, & collum vorasse, falsi sunt: similiter tertiam perdidisse, ejusque orificium ventriculi commedisset ob famelicas Petri fauces. Aliàs etiam se ait in horto puellam interemisisse octo vel novem annorum, cui dentibus collum infraxerat Petrus. 8. Quidd rogatæ ibi eleëmofynæ repulsam aliquando fuisset passus: & hoc perpetrato facinore, evestigio eleëmofynam in Dei honorem ibidem orasse. 9. Hic insuper confessus est, se capram jugulasse prope agrum magistri Petri Bongre: eam scilicet momordisse, & guttur secuisse cultro.

§ 10. 10. Michaël in lupum transfigurabatur vestitus, Petrus vero exutus. 13. Qui etiam se ignorare quo pili devenirent, quando desineret esse lupus, retulit.

§ 11. 11. Lupas etiam se iniisse, & cum tanta voluptate quasi cum uxoribus congressi essent, confessioni addidit.

§ 12. 6. Aliquando transmutationis tempus designatum, opinionione & voto brevius erat.

§ 13. 14. Confessioni tandem subjunxerunt, pulverem quoque coloris velut cinere sibi traditum fuisse, quo confricatum brachium sinistrum, & manus, quodcunque animal contingerent, interiret.

§ 14. 15. Hos autem interrogatos, diversè in eodem facto, & controversè nonnunquā respondiisse, operæ precium est meminisse.

*Confessio sigillatim explicata, & confutata.*

#### C A P. X I V.

**I**Am convellendæ hujus confessionis usque adeo hætenus celebratæ, periculum pro virium nostrarum imbecillitate facere aggrediamur.

§ 2. In hoc rei cardo vertitur, num tota illa confessio sit vera. Spero autem me, suffragante ope divina, ostensurum manifestè, eam in

R r r

- præci-

*Confessio  
erronea.*

præcipuis capitibus veritati claræ adversari : & proinde non modo erroneam, sed & falsam prorsus existere, imaginesque rerum per insomnia tantum cognitarum, vel præstigiöse oculis objectarum, pro ipsis rebus proponi : sic ei nullum deberi locum in concilio sano, sed exhibitari potius oportere, ut veterinosi vel cataleptici fabulam, libere fatebor.

§ 3. Primum de factæ mutua manu stipulationis vanitate, nihil dicam : nec anxie contendam de promissa toties pecunia, & nunquam soluta : & nec de custodiendi illæse pecoris arte ex pacto non tradita : cum tamen fœdus fuerit initium illis legibus, ut pecuniam subministraret, & armenti à bestiis defendendi artem doceret dæmon. Illam ut non habet nisi imaginariam, sic nec hanc tradere ita potuit aut voluit, quum luporum simulachris, quæ pro suo arbitrato offendere quivit. Petrum solummodo territum circumvenire, & in officio continere, sagacius conaretur : à quibus tamen, licet rebus nihili, evanidis, nec ullam relinquentibus noxam, ille dæmonii studio & industria pecudes servatas esse confideret.

*Cap. III.*

§ 4. Quanquam etiã de fidei abnegatione & fœdere ficulneo, in tertio hujus Operis libro, ubi sagarum historiam describo, copiosius disseruerim : id tamen adhuc leviter hoc loco aspergere placuit, 2. fœderis compedes tam omnino fuisse invalidos & exigui momenti, ut quum Petrus à sua pascendi pecoris functione desisteret, contractumque dæmoniacum negligeret, octo aut novem continuis fere annis in veteri religione pie vixerit, unde citius delusi phantasticique hominis stultam fuisse persuasionem dixerim. Dum enim pastorem ageret, & in campis solitudinibusque seorsim versaretur, ubi diabolo promptior erat præstigiis illudendi occasio, ejusmodi exercebatur idolis, non adco renunciationis ratione, quam solitudinis. Proinde & luporum species quandoque evocabat dæmon, quæ nihil damni faciebant, quod nec poterant, ut nudæ rerum formæ : vel si veros demus extitisse lupos, illos eo & egisse & abegisse satanam credibile est, fabula in eum finem ab eo instituta, ut deliris suis inductionibus sibi Petrum arctius devinceret. Quod postea cum hic non amplius ea frequentaret loca, relicto pastoris munere, non ita potuit commode.

*Job. Fin.  
cel. lib. 2.  
Mirac.*

§ 5. Sic anno 1542. apparuit Constantinopoli luporum ingens turba, incolis usque adeo infesta noxiaque, ut inviti domos egredien-

derentur. Turca itaque prius muros civitatis præsidio munitis, postredie cum magno comitatu equestri pedestrique urbem circumivit, tandemque lupos circiter centum quinquaginta ad muri ejus angulum offendit: qui incunctanter impetiti, per murum evestigio simul transilire videbantur, nec ullus postea in urbe aut vicinia apparuit.

§ 6. 3. Chorearum item & candelarum ludicras effigies à dæmone fabricatas fuisse, & solum fictæ oculis apparuisse, vel in somno tantum fuisse cognitæ, ex Augustino, Decretis, atque ipsis rationum fontibus, Libro tertio, & alibi satis superque demonstravi: ubi quoque universam illam *λυσιθεωρίας* fabulam, mera existisse somnia ostenditur.

*Lib. 3.  
c. 9. 10.  
lib. 4.  
c. 22. 23.*

§ 7. Cæterum admirari satis nequeo, ullum mortalium saltem leviter mentis sensu tinctum inveniri, qui eo dementiæ sit dilapsus, ut hominem ad Dei imaginem & similitudinem creatum, conformatumque ex corpore, anima & spiritu, Dei & Spiritus sancti templum, rationis hospitium, cupidum scientiarum organum, sublimem, erectum, & ad cæli quasi cognationis domiciliique pristini conspectum, excitatum, imo *μακροθυμῶν*, cui Deus omnia subjecit, oves, boves, campi pecora, volucres cæli, & pisces maris, eaque propter solum hominem condidit: hunc inquam, in lupum, bestiam irrationabilem, pestilentissimum animalium gurgitem voraginemque, sive in ullam aliam creaturam, rei ullius potentia vel virtute manifesta, occulta aut specifica, vere transmutari credat. Ordinis enim divini providentia non admittit, oclamant Sacræ literæ, contradicunt decreta, ipsa rerum natura atque ratio minime patiuntur.

*Homo  
Genes. 1.  
1 Thess. 5.  
1 Cor. 3. 6  
Lucian.  
l. 2. c. 12.  
Instit. div.  
& de opif.  
ficio Dei  
vel formatione  
hominis  
cap. 28.  
Seneca ad  
Lucilianum  
epist. 77.  
Cic. de  
leg. & 1.  
Offic.  
Aristot. 1.  
Metaph.  
& lib. 2.  
Physic.  
Psal. 8.  
Coryphæ.  
Super  
Matth.*

§ 8. Si itaque obtinuerò, illam metamorphosin non revera fuisse factam, quod etiam nemo mentis sanæ inticiari poterit, & propterea imaginariam esse confessionem, atque hac in parte falsam: quam fidem quæso merebuntur reliqua, quæ concessi sunt, flagitia & homicidia? quæ in ea transformatione & larva lupina solum fuisse designata, nec aliter eo modo fieri potuisse, jam in confessum venit. At mera profecto sunt deliria, & plusquam nugæ, immo insania. Dolendum sane, prudentium virorum oculos hæctenus tam densa caligine fuisse obduetos, ut sibi vel fidei momentum in his ludibriis extorqueri permiserint. Sed ea fuit superioris potissimum seculi labes & cæcitas, quo pro libi-



dine cum hominibus crasse nimis, ridiculè & nocentissimè collusit veterator ille.

§ 8. Utinam animo cujuslibet hoc obstricti fascino, etiamnum ex immensa Dei misericordia insonet dulcissima illa vox Ephphatha, ut quemadmodum ea ex Christi ore potenter prolata, surdo aures aperiebat, veritati inde convertendas: & linguæ vinculum solvebatur, qua porro veritatem prædicaret: ita & ex hac gratia luminis divini radius effulgeat, quo offusis tam impotenter a diabolo tenebris, semel tandem cœlesti luce discussis, profigatisque, in clarissimæ veritatis conspectum, & cognitionem cœtera præstigiæ impedimentum recta perveniri possit. Ne verò quis à me eludi objectiones criminetur, paucis reliquum hujus fabulæ commentum excutiam.

§ 9. 4. Linimentum quo ungebantur lupum induturi, haud dubiè somniferum erat: quale etiam Libro III. capite XVII. descripsi: quod suam fortiebatur vim, cum nudis partibus corporis illiniretur, illicereturque à nativo calore in actum: inde somno oppressis alto, simulachra conversionis eorum in lupos vagabundos, aliis insilientes, puellas jugulantes vorantesque, cum lupis item coeuntes, & quæcunque id genus alia idola ingerebat milleartifex: hinc & pernix ea subsequēbatur velocitas, qualis imaginatione, cogitatu vel somno haud difficulter perficitur. Ubi deinde post horam, vel longius, unguenti soporiferi virtus elanguēsceret, periretque, tunc velut ex gravi veterno expergefæcti, se homines esse videbant, qui antea fuerant. Simile quid leges apud Augustinum de Præstantii patre, libro hujus Operis quarto, capite vicesimosecundo & vicesimo tertio: ubi ex professo argumentum id fusius agitur, explicaturque, *λυπαι-  
θενω* etiam morbus describitur.

§ 10. 5 Aliud autem linimentum, quo in hominem redituri se inungebant, vel phantasticum fuit, & in somno usurpari visum, vel contra unguenti somniferi nocumenta facere potuit, vel etiam nihil efficere, ut eo tantum suos clientes illuserit dæmōn, quasi id peculiare quippiam in ea metamorphosi valeret.

§ 11. Quodd etiam citius quandoque in hominum formam redirent, quàm tempus erat constitutum, id evenit, quodd minus lini-  
menti soporiferi illitum fuisset, vel id ipsum non satis penetrasset: ac propterea celerius vis fatisceret, somniumq; redderetur brevius.

§ 12. 7. Quo-

§ 12. 7. Quomodo insuper hæc cohærent, quodd se horam unam aut alteram, vel eo an pius in lupos conversos, in fine puellam cum ossibus devorasse falsi sunt, & mox hominum conditioni restitutos fuisse? in quo sinu amabo, aut ventre, ipsis tam subito in homines reversis delituere illa puellæ caro & ossa? Adhæc, si integram puellam dempto brachio deglutierint, quomodo se parum comedisæ, eidem confessionis articulo adjungunt? Supervixisse præterea eas adhuc, quas à se jugulatas fatebantur, comperitum forsitan fuisset, si vigilanter fuisset inquisitum: vel si quæ mortem oppetissent, eam citra controversiam quacunque alia occasione naturali accidisse, fuisset deprehensum. 8. Deinde quomodo in Dei honorem eleēmosynam orare potuit diaboli mancipium, suo hero, Dei juratissimo hosti ex fœdere obligatum. Si item verè in lupum conversus erat. 9. Petrus, quarum rogo manuum ope in resecanda capræ gula usus fuit?

§ 13. 10. Licet quoque Michaël vestitus loco veneno somnifero in actiones perducendo commoda, ut temporum & manuum arterias, illinire valuerit, non minus quàm Petrus nudus: quomodo in suis vestibus oberrare, homines mordicus apprehendere, morsuque trucidare potuit ut verus lypus?

§ 14. 11. Porro de venerci congressus cum lupa voluptate, hoc tantum subiectam, eam imagines somnorinas illa in somni profundioris ex linimento somnifico illusionē admodum temerè credere: quemadmodum etiam quotidie usuvenire in sanis observamus, quibus ex ejusmodi idolis voluptas tanta pro objecta in somno specie delectabili gignitur, ut cum multa titillatione seminis subsequatur quandoque effusio. In finitis partibus citius faciliusque in his hominibus id evenire potest, quorum phantasiam proclivem servilemque, quibuscunque vult imaginibus, imbuunt soporis spiritus. Esaia 24.

§ 15. 12. Ad fatigationem à metamorphosi relictam, quæ memoriæ propemodum exciderat, respondeo, ab eo facile intelligi, quam lassitudinem pariat gravis & inquietus somnus, maxime pharmaco violenter cum teterrimis insomniis impressus, qui incubum in solo invadentem somno novit. Eo detentos difficilis comitatur motus, torpidus in somno sensus, suffocationis imaginatio, & velut ingruentis alicujus detentio: vox etiam supprimitur, aut incerta indiscretaque editur: plerique tam inanibus

afficiuntur imaginibus, ut se opprimentes audire credant. Lascos certe reddit tanta facultatis animalis exagitatio.

§ 16. 13. Lavarum rursus, somnolarum vanitatem amplius ostendit, quod ubi pili post humanæ formæ restitutionem manserint, se dixerit ignorare Petrus.

§ 17. 14. Num quoque pulverem illum dæmon vere exhibuerit, vel acceptus ille tantæ etiam fuerit virtutis, dubium est: quum illos cō fuisse usos, non posset convinci. In ea etenim lycanthropia nullum animal præter capram se morsu & cultro jugulasse confessus fuit Petrus, nec alius interempti meminit. Deinde si tantæ erat venenositatis pulvis, ut si vel manus eo confricta, quando-cunque animal etiam pelle crassa densaque, & pilis longis compactisque communitum solo tactu enecaret, quomodo à tam effera pharmaci præsentissimi malicia tuti esse potuerunt hi dementati viri, affricciónem pulveris in brachio sinistro, arteria & manu, unde ad cor proxime celerrimeque penetrare valuit, tam innoxie tolerantés?

18. 15. His ad extremum adde, auditam in confessione Gallica fuisse inconstantiam controversiamque, ut quod aliquando hic affirmabat, negaret alter.

§ 19. Si ejusmodi æquilibrium expendèrentur singulæ confessiones, tormentis crudelissimis frequenter extoræ, vel etiam, si voles, sponte à captivis editæ, graviolem profecto indies tyrannidis suæ jacturam sentiret funestissimus ille homicida: Christi autem, qui veritas & vita est, gloria plurimum accresceret: suam item functionem ex Dei voluntate providentius obiret magistratus: in meliorem quoque usum converterentur ligneorum fascium acervi, quibus infantes crebro exuruntur, & parceretur sumptibus in carnificum mercede solvenda inique faciendis.

*Exempla muliercularum innocenter ob maleficiæ opinionem puniarum.*

C A P. XV.

**A**Dde his, celebre apud nostrates existere, prætorem quemdam ex arioli indicio, delusas id genus mulierculas comprehendisse quam plurimas, easque incendio punivisse: tandem ariolum vel Pythium hunc vatem, cui hætenus ille fidem apposuerat, prætori scorsum pollicitum, adhuc unam maleficiæ ream se indicaturum, nisi iniqui ferret. Prætoze haud difficulter annuente, ejus

*Prætoris  
non falsi  
malefici  
accusatus.*

UXO-

uxorem quoque insimulat index: ac ne quid hac in re hæsitaret, palam se id demonstraturum addidit: horamque præfigit, qua eam reliquarum sagarum conventui & choreis interesse, suis ipse maritus testaretur oculis. Consentit prætor, qui statuta hora quosdam amicos & consanguineos in eadem mensa secum & cum conjuge cœnare voluit, suppressa interim convocata societatis causa. Hinc designata ab ariolo hora, è mensa surgit, jubetque omnes simul cum uxore permanere: nec prius loco dimoveri, quam ipse rediret. Deductus porrò ab ariolo quò is voluit, lamiarum cœtum, choreas, & nescio quas alias voluptatum illecebras, quibus ipsius intererat conjunx, reliquarum delicias sectata, non obscurè videbatur spectare. Mox domum reversus, amicos vocatos eo quo reliquerat ordine, unà cum sua uxore, lætos mensæ assidere comperit. Et cum studiosè, num stationem deserisset conjunx, percunctaretur: eam iidem affixam fuisse loco in ipsius absentia, uno ab omnibus affirmabatur ore. Itaque rem omnem aperuit prætor, ob infictam innocentibus pœnam serò pœnitundine ductus: & si rectè memini, Pythium acculatorem morte multabat.

§ 2. Sic in arce Mindensis ditionis Raed nuncupata, de quibusdam sæminis ob maleficium, paucis abhinc annis extremum fuit sumptum supplicium, ex accusatione mulieris Margaritæ Mindensis nomine, quæ aliàs incarcerata fuerat in castro Huisberch, circa Visurgim sito. Eadem postea in oram & civitatem Verdenssem vocata, quandam denuò accusavit ea lege, ut nisi illa vinculis tradita maleficium confiteretur, se ream fore voverit: nec certè felix defuit successus. Nam altera constanter in carcere flagitium negante, & ex gravissimis fortè tormentis eodem in loco expirante, attrahi in vincula jubetur accusatrix, quæ furibunda tanquam venenum & ignem evomens, tortorem & quoscunque alios exterruit, abegitque: donec quidam rationum præfectus, cui penitus innotuerant ejus technæ, manus injiceret, aliosque ad eam apprehendendam excitaret. Sic illa tandem quæstionibus subjecta, crimen quod alteri confidenter inficianti impeggerat, ipsa luit. Hanc etenim falsa criminatione detulisse alteram in carcere defunctam, atque alias antea flammis absumptas, constanti spargebatur rumore.

*Maleficia  
accusantis  
sua falsa  
pœna.*

§ 3. Nostra memoria Marcoduri, ubi hortorum olera ex grandine dissipata forent, illæsis proximi horti cujusdam vetulæ plantis, qui

ris, qui sæpius esse solet tempestatum tractus, vetula maleficii ac-  
culata in carcerem pertrahitur: deinde maxima tyrannide dirissi-  
mis subiecta torturis, ad nullius criminis confessionem impelli po-  
tuit: sed penes se non esse, tempestatem ciere vel ærem conturba-  
re, Deique solius id opus esse, valde dixit prudenter. Quapropter  
per trabem suspensam, & onerosis ponderibus utrinque pensilibus  
distractam, jamque animam agentem, relicturus in illis cruciamen-  
tis præses, carnificem ut secum simul abiret potatum hortatur: ve-  
tulam, ubi redirent, alia fassuram inquires. Tum illa miserabili-  
ter excarnificata, ut prius accerferetur confessionarius, quam ille  
pocula sequeretur, præsidem suppliciter orat: qui irridens disses-  
sit. Postea autem reversus, eam ita adhuc suspensam offendit mor-  
tuam, mentitus eam sibi manus interea dum abesset intulisse.  
Nec multo post tempore tyrannus hic in ejusmodi incidit ma-  
niam, ut ipse lacerandis vestibus, & excrementis faciei suæ illinen-  
dis, vim sibi faceret.

*Iniqui  
indivisi-  
pæna.*

§ 4. Nec ita procul hinc in alio oppidulo, ubi ulla carnificina  
ad scelceris alicujus confessionem adigi nequiret capta ob maleficii  
opinionem muliercula, hanc blandis adoritur verbis sacrificulus,  
ut se non amplius torturis ita distrabi fineret hortatus: at leviter  
solummodo confiteretur delictum, inde se eam aqua lustrali à ma-  
leficiis expiatam, & velut fartam tectam Deo restituere velle pro-  
mittebat. Hæc ita à sacerdote inducta, circumventaque blandi-  
tiis, se forte quædam hujusmodi mala designasse fassa est, ea ra-  
tione quemadmodum persuaserat sacrificus, se sperans evasuram.  
Ob ejusmodi confessionem fallaciter & dolose eblanditam, ut  
Vulcano ea litaretur, lata fuit sententia. Qua præter expectatio-  
nem audita, Videte quomodo me interficiatis, præmonuit surdos  
misera scæmina.

*Confessio  
fallaciter  
eblandita.*

§ 5. Prope Elten pagum, miliare medium ab Embrica, in du-  
catu Clivenfi dissitum, circa viam regiam loco ericeo ante annos  
circiter quadraginta duos, dæmonium viatores miris variisque  
exercebat modis; cædens, ab equis dejiciens, vehicula subver-  
tens: nec aliud unquam videbatur, quam manus effigies. Ec-  
kerken huic nomen indebatur. Vicini increduli, nec satis hoc dæ-  
monii ludibrium exercitiumque dignoscetes, ad Lamiæ malefi-  
cium referunt id facinus: quare manus mulieri Sibyllæ Duislops  
nomine, servitutis jure Comiti Montensi mancipatæ injicitur:

*Eckerken.*

*Sibylla  
Duislops.*

caque

eaque tandem exusta, desit vexatio. Non aut id evenit ea causa, quod illa præstigioli actus fuerit rea: licet quoque ob crudelem carnificinam, vel etiam incredulitatem à dæmonio illusione in facti confessionem induci potuerit: verum ab ejusmodi divexatione à diabolo solum invec̃ta, hic destitit ultro, & quidem libenter, ut homines altius incredulitatis barathro immergeret, & reos sanguinariæ sententiæ redderet, quam cum primis in infontibus àvide appetit, ut ab initio homicida. Si etenim industrie observatum, inquisitumque solerter fuisset eisdem boris, quibus manus imagine hoc cerneretur ludibrium, Sibylla domi dormiens ut plurimum, vel aliud agens fuisset proculdubio deprehensa. Si confessionem ur̃geas: cam fuisse à lictore extortam, vel à vitiatæ phantasiæ muliercula editam, respondeo. Quo autem modo illa à diabolo corrumpatur, toties dictum est, ut crebræ repetitionis tædeat.

§ 6. Septem viri judices cujusdam civitatis ad Mbsellam eodem tempore, quo mulierem glutinosi ductilisque lactis nomine captam, à me examinatam infontemque pronunciatam, & postea à Reverendissimo dimissam, subicere examini vellent, communi decreto aliam jubent etiam adduci civem maleficii suspectam à multis annis, nulla habita ratione hydropis, qua tantum non agonizaret tantopere, ut paucos ante dies animam, quam Deo reddere cupiebat, consuetis in Ecclesia Romana sacris & ceremoniis expiarit. Quid fit? Asportatur in sedili, & ad arcam arcis, en magnitudine morbi evestigio oppressa, expirat. Nihilominus perseverat plebejorum judicum tyrannis: denegatur sepultura in communi cœmiterio, quæ tandem adhuc ex gratia conceditur. Hinc fit, ut justus Deus etiam quandoque magistratus sinistras sententias & inanem plebejorum credulitatem, plerumque & tyrannidem ulcisci velit: quemadmodum circiter idem tempus, nimirum 9 Septemb. anni 1574. non longe ab hoc oppido prope Linsam accidit, ubi ex iis qui holocausti Lamiarum inspectione afficiebantur, mox circiter quadraginta navigio in Rheno submersi sunt in reditu.

*Plebejorum  
judicum  
sinistra  
decreta.*

*In accusatione ob maleficiū, singularis quorundam principum prudentia.*

C A P. XVI.

*Guiljelmus  
dux  
clivie,  
etc. pruden-  
tia.*

*In impe-  
rial con-  
stit. de  
assum.  
criminal.  
artic. 21.*

**P**orro ut ejuscemodi Syrtēs & perpetua animarum naufragia providentia declinentur, memoria & imitatione dignissimam sententiam, quam haud ita pridem circa quadragesimam anni 1563. pronuntiavit illustrissimus Princeps noster D. Guiljelmus dux Cliviæ, Juliæ, &c. cunctorum oculis velut speculum proponere volui. Agricola quidam ex Marchiæ comitatu, armento numerofo locuples, cujus vaccæ solito minus lactis aliquantisper reddidissent, ad ariolum confugit, capturus consilium: qui protinus se Lamiam ejus jacturæ genitricem ostensurum pollicetur. Hinc ad villici hujus ædes comitatus, filiam ex priori ejus conjugē adhuc virginem apprehendit, huic lactis maleficio imminuti crimen impingens. Hæc mox à dæmone illusa, male persuasa & inducta, verum esse fateatur: sed se non satis esse maleficii peritam subjungit, simul foeminas sedecim accusans, quas ea in arte absolute doctas esse affirmavit. Illustrissimo principi hæc ilico significantur à satrapa, qui eas omnes carceribus incunctanter mancipari oportere consuluit. Ne tamen alicui hic manus injiceret, graviter inhibuit Princeps: stricte etiam mandans, ut quocunque modo aut insidiis in vincula pertraheretur ariolus ille. Puellam vero ab ecclesiæ ministro acciri voluit ejus Cels. Et in præcipuis fidei Christianæ articulis examinari, deinde ab hac dæmonis illusione doctrina saniori ad mentem reduci: eamque cautiorem ea ratione à satanæ strophis redditam, fidejussoribus constitutis, si modo eos consequi posset (ut magis in officio contineretur) sin minus, tum propria fide interpolita, cum bona gratia dimitti. Alias autem niatronas, hoc falsæ criminationis cauterio à corruptæ mentis virgine inustas, ulla omnino re gravari minime permisum est. Ac prudentissimo hoc consilio defuit hic fabulæ actus, & lac vaccarum qua solet copia fluxit. Utinam hoc salubri exemplo moniti alii, principiis harum tragediarum quibuscunque legitimis piisque rationibus irent obviam deliberationes: non profecto in re, ubi parum certi posset statui, velut

velut in extricabili labyrintho implicati, ex simplici errore in mille ita prolaberentur cauti. minus, unde tandem nullus videtur evadendi aut finiendi modus. Ejusmodi telæ genus solerter contexere novit, consuevitque veteratorius ille textor.

§ 2. Sed maximopere dolendum est, in iis qui principibus sunt à consiliis, vel magistratum gerunt, aut rempublicam gubernant, desiderari quandoque maturam deliberationem, discretionem, & absolutam rerum intelligentiam: unde fit, ut præcipientes nimis plerumque ferantur ad sanguinis effusionem tum in hoc negotio dæmoniaco, tum in causis quibusdam aliis non ita definitis. Quanta autem consiliorum maturitate ac providentia contra has dæmoniorum artes, sine innocentium carnificina, cuncta administrantur in amplissimo regno electoris Palatini D. Friderici, principis (quod citra palpum dictum volo) sapientiæ insignis, memorandæ pietatis, & modestiæ incomparabilis, præterquam quod res ipsa non obscure docet, & testantur insignia edicta jam promulgata: accedit id quoque in primis, quod D. Christophorus Probus, Ll. Doctor consultius, & cancellarius vigilantissimus, nuper in proximo Bingæ designato conventu principum electorum Rhæni, ubi hujus mei operis forte incideret mentio, palam diserte ac prudenter suam de harum offuciarum & dæmoniæ tragediæ controversia sententiam explicuerit.

*Palatini  
electoris  
Friderici  
prudens  
sua.*

*Christo-  
phorus  
Probus  
cancellarius  
Palatini.*

§ 3. Optimo jure in hunc referendus erit catalogum generosus & illustris Comes à Nieuwenar D. Hermannus, vir profecto linguarum peritissimus, doctrinæ multijugæ, memoriæ fidelissimæ, & ingenii rari: qui haud ita pridem industrie admodum Lamiæ, quæcunque flagitia satuo huic hominum generi assueta, sed imaginariæ solum nota confessam, exilio puniit, quod hujus mulierculæ vicinos hoc incredulitatis fascino adhuc detentos, eam minime toleraturos videret. Confessionem mihi ab ejus clementia communicatam ipse legi.

*Comes  
Nieuwen-  
aricus  
Herman-  
nus.*

§ 4. Suam quoque hic laudem meretur generosus comes Montensis Guilielmus, qui quum haud ita pridem in vinculis detineret vetulam octogenariam ob in tantamentorum suspicionem, ad illam ingressus, studiosè singula perquiro, licet tremendiis eam onerari, naribus minime obstructis odorarem. Quum vero objectum esset, filium matri captæ, curruque ut aveheretur, insidentem globum terreum, cujus potentia se à vinculis liberaret, porrexisse:

*Guiliel-  
mus co-  
mes Mon-  
tensis.*



eundem quoque matrem promissi admonuisse : quod sinistrè etiam torquebant accusatores , quasi effecturam se , ne ea ratione finem vitæ faceret , pollicita fuisset mater. Hos articulos tam acriter apud Comitem urgebant alii , ut nisi validiore rationis nervo , atque adeo ipsa rei veritate serio restituissem , eam flammæ post dies non multos devorassent. Inter colloquendum in animi deliquium quandoque incidere videbatur : Quare à me ejus os aperiebatur , contrectabantur & manus , & arteriæ motus pensculabatur : inspieciebam item linguam : donabam postremo pecunio-lam , quod vulgo feratur , Lamias virus suum ejaculari posse in eum , à quo beneficium fuerint consequutæ.

§ 5. Cæterum hujusmodi responso objectionem priorem scitissime diluit , à filio scilicet non globum terreum , sed in eam formam involuta lintea matri fuisse suppeditata , quibus exulceratas graviter tibiae curaret , easque mihi ostendit tantopere defœdatas crudelitate tormentorum alias ob eandem suspensionem in car-nificina tolerantorum , quum oleum quippe fervidum in tibiis , ut extorqueretur falsa confessio , infunderetur. En accusationis impudentiam , qua calamitatis hujus extremæ facies deformatur. Hujus etiam mater ea ratione inter tortoris manus antea interiisse perhibebatur.

§ 6. Alteram partem , quod nimirum pollicitationis recordaretur mater , ita explicuit , quod filiis suis in assidua illa vulgi sugillatione ob maleficii famam , addixisset , si forte ad supplicium eapropter abriperetur , se mortis suæ authorem ad æquissimum Christi judicis justis tribunal provocaturam , ut tricesimo die à suo interitu se ibidem sisteret , sententiæ latæ rationem redditurus. Si itaque effectus consequeretur , argumentum fore non obscurum innocentiae , filiosque matrem extra culpam esse intellecturos , quum infantium preces exaudiat Deus justitiæ vindex unicus , qui ad fictas alioqui orationes obsurdescit. Proinde Comes à me admonitus , & rectius in eo delusionum diabolicarum genere institutus , pauperculam causa prius vigilanter discussa dimisit. Nec prætermittendus hic ejus levir insignis , Dominus Adolphus , comes à Nassau , qui studii multum impendit apud Danos in bello contra Suecum anno 1564 , ut ab his præstigiis heroum oculos vindicaret.

§ 7. Pia & laudabilis omnibus sæculis sententia , suum apud hos principes & amplissimos viros pondus & locum habet ; Consul-tius

*Adel-  
phus co-  
mes à  
Nassau.*

*Sententia  
pia.*

tius nimirum esse decem nocentes dimittere, quam infontem unum punire.

*De seductis errore, & hæreticis non interficiendis, sententia, Patrum.*

C A P. X V I I.

Cum vero horum plurimos mente corruptos esse, erroreque à satana seductos, jam satis demonstratum sit, citius hæreticorum pœnam, quam voraces merentur flammæ: qui rectius instituti, si convertantur, corporali punitione minimè afficiendi sunt: quod summorum patrum sententiis probare conabor.

§ 2. Augustinus ad Donatum, pro consulem Africæ: Ex occasione, inquit, terribilium iudicum ac legum, ne æterni iudicii pœnas incidant, corrigi inimicos cupimus, non necari: nec disciplinam circa eos negligi volumus, nec suppliciiis quibus digni sunt exerceari. Sic ergo eorum peccata compelle, ut sint quos pœniteat peccavisse. Quæsumus igitur, ut cum Ecclesiæ causas audis, quamlibet nefariis injuriis appetitam vel afflictam esse cognoveris, potestatem occidendi te habere obliviscaris, & petitionem nostram non obliviscaris. Non tibi vile sit, neque contemptile, fili honorabiliter dilectissime, quoddam vos rogamus, ne occidantur, pro quibus Dominum rogamus, ut corrigantur.

*Epist. 127  
De seductis  
erroribus.  
re. & hæreticis non  
interficiendis  
sententia Patrum.*

§ 3. Idem ad Marcellinum: Pœna illorum, quamvis de tantis sceleribus confessorum, rogo te, ut præter supplicium mortis sit, & propter conscientiam nostram, & propter catholicam mansuetudinem commendandam. Ad eundem Epist. 159. Imple iudex Christiane, pii patris officium: sic succense iniquitati, ut consulere humanitati memineris. Nec in peccatorum atrocitatibus exerceas ulciscendi libidinem, sed peccatorum vulneribus curandi adhibeas voluntatem. Noli perdere paternam diligentiam, quam in ipsa inquisitione servasti: quando tantorum scelerum confessionem non extendente, eculeo, non sulcantibus ungulis, non urentibus flammis, sed virgarum verberibus eruisti. Et contra epistolam Fundamenti cap. 1. Dominus per servos suos regna subvertit erroris: ipsos vero homines, in quantum homines sunt, emendandos esse potius quàm perendos jubet. Nec est quod de conversione fratris in hæresim pro-

*Epist. 158*

lapsi desperemus. Nisi enim qui ejusmodi est, per gratiam Domini posset converti, prorsus inanis esset Jacobi admonitio. Sciebat hoc Augustinus, ideoque se totum convertendis hæreticis mancipabat, atque id juxta Apostoli monita cum magna lenitate ac mansuetudine spiritus, nec absque pii laboris fructu.

§ 4. Sic enim in Epist. 48. ad Vincentium scribit: De multorum jam correctione gaudemus, qui tam veraciter unitatem catholicam tenent atque defendunt, & à pristino errore se liberatos esse lætantur, ut eos cum magna gratulatione miremur. Cum primis autem Christianum magistratum hæc decet moderatio, ut à sævitia & crudelitate abstineat. Omnino citra dissimulationem me inter eos esse fateor, quibus admodum displicet, quod ubi interficiendi sunt errores, interficiuntur homines. Nullis bonis, inquit idem noster Augustinus, in catholica Ecclesia hoc placet, si usque ad mortem in quenquam, licet hæreticum, sæviatur.

§ 5. Et libro primo contra literas Petiliani, cap. 29. Diligite homines, interficite errores, sine sævitia pro veritate certate. Iterum contra epistolam Fundamenti: illi in vos sæviant, qui nesciunt cum quo labore verum inveniatur, & quam difficile caveantur errores. Illi in vos sæviant, qui nesciunt quam rarum & arduum sit carnalia phantasmata piæ mentis serenitate superare. Illi in vos sæviant, qui nesciunt cum quanta difficultate sanetur oculus interioris hominis, ut possit intueri solem suum: non istum quem colitis cœlesti corpore oculis carneis & hominum & pecorem fulgentem atque radiantem: sed illum de quo scriptum est per prophetam, Ortus est mihi justiciæ sol: & de quo dictum est in Evangelio, Erat lumen verum quod illuminat omnem hominem venientem in hunc mundum. Illi in vos sæviant, qui nesciunt quibus suspiriis & gemitibus fiat, ut ex qualicunque parte possit intelligi Deus. Postremo in vos illi sæviant, qui nullo tali errore decepti sunt, quali vos deceptos vident: & cætera. Ergo sævire in hæreticos, etiam admodum detestabiles, quales erant Manichæi, quibus Augustinus ita scribit, non videtur esse peiorum hominum, qui sciunt quanto cum labore verum inveniatur, & quam errores difficulter caveantur, quibusque suspiriis & gemitibus fiat ut ex qualicunque parte possit intelligi Deus.

§ 6. Ex libro Quæstionum Evangelii secundum Matth. cap. 13.

Hinc

Hinc est quod servi dicunt : Vis imus , & colligimus ea ? Quibus *Matth. 4. Luc. 13.* Veritas ipsa respondet : Non ita hominem constitutum esse in hac vita , ut certus esse possit , qualis quisque futurus sit postea , cujus in præsentia cernit errorem : vel etiam quid error ejus conferat ad profectum bonorum : non esset tales auferendos de hac vita , ne cum malos conatur interficere , bonos interficiat , quod forte futuri sunt : aut bonis obsit , quibus & inviti forte utiles sunt : sed tunc opportune fieri , cum jam in fine non restat vel tempus computandæ vitæ , vel proficiendi ad veritatem , ex occasione atque paratione alieni erroris. Ibidem quæst. II. Nec tamen consequens , ut omnis hæreticus vel schismaticus corporaliter ab Ecclesia separetur. Multos enim tales portat Ecclesia , quia non ita defendunt falsitatem sententiæ suæ , ut intentam multitudinem faciant : quod si fecerint , tunc pellantur. Idem de Vera religione , cap. 8. Utamur igitur etiam hæreticis , non ut eorum approbemus errores , sed ut catholicam disciplinam adversus eorum insidias asserentes , vigilantiores & cautiores simus , etiam si eos ad salutem revocare non possimus. Idem , & habetur 24. q. 3. dixit : Dixit Apostolus , Hæreticum hominem post primam & secundam correctionem devota , quia subversus est hujusmodi , & peccat in semetipso damnatus. Sed qui sententiam suam , quamvis falsam atque perversam , nulla pertinaci animositate defendunt , præsertim quam non audacia suæ præsumptionis pepererint , sed à seductis atque in errorem lapsis parentibus acceperunt : quærunt autem cauta sollicitudine veritatem , corrigi parati cum invenerint , nequaquam sunt inter hæreticos deputandi.

§ 7. Chrysostomus homilia quadragesima septima , in caput Matthæi 13. Vis igitur ab euntes colligimus ea ? Dominus autem proliibet , ne forte simul cum zizaniis herbam etiam tritici evelant : quod dicebat , ut bella & effusionem sanguinis prohiberet. Nam si trucidarentur hæretici , absque fœdere pacis atque induciis bellum orbi inferretur. Duabus igitur rationibus prohibuit : altera , quia frumentis parum noceret : altera , quia nisi sanarentur , extrema supplicia non evaderent. Quare si puniri eos vultis , & frumentis nequaquam officere , opportunitas temporis congrua expectanda vobis est. Quid autem est , quod eradicabitis simul cum ipsis etiam frumenta ? Certe aut , quia si arma capietis , inquit , necesse est cum hæreticos trucidatis , multos sanctorum simul

mul interimere: aut quia ab ipsis zizaniis multa commutata, in frumenti conditionem se ipsa converterent. Si ergo prævenientes evellatis, ea frumenta deperibunt, quæ à commutatis zizaniis provenirent. Non prohibet autem conciliabula hæreticorum dissipare, ora obstruere, libertatem loquendi concidere: verum interficere & trucidare.

*Hæreticorum conciliabula dissipari possunt.*

§ 8. Ex Homilia octava, in caput Genescos 2. Hæretici simili modo adfecti sunt, sicut hi qui morbo laborant, & corporalibus oculis cæcutiunt. Illi ob oculorum suorum infirmitatem solis luci adversantur, & ob adversam corporis valetudinem etiam optimos saluberrimosque cibos aspernantur: ita & hi anima ægrotantes, & mentis oculis capti, ad lumen veritatis respicere non possunt. Idcirco nostro fungentes munere, manus eis porrigamus, magna eis mansuetudine loquamur. Nam & beatus Paulus ita nos admonuit, dicens: Ut in mansuetudine erudiantur adversarii, si fortè det eis Deus pœnitentiam in agnitionem veritatis, & emergant è laqueo diaboli, capti ab ipso in illius voluntatem.

2. Tim. 2.

§ 9. Vides quomodo verbis declaravit, quod quasi ebrietate obruti sint? Et iterum: Capti, inquit, à diabolo, quasi laqueis irretiiti sunt. Unde & nobis gemina opus est mansuetudine & longanimitate, ut possimus eos eripere & educere ex laqueis diaboli. Dicamus igitur eis: Emergite & respiscite paulisper, aspiciite lumen justitiæ, &c. Idem in sermone de anathemate: Dogmata impia, & quæ ab hæreticis profecta, arguere & anathematizare oportet: hominibus autem parcendum, & pro salute ipsorum orandum.

§ 10. Athanasius ad Antiochenes tomo XII. Omnes qui vobiscum pacificè agere volunt, in primis autem illos qui in veteris ecclesiæ communione fuerunt, deinde qui ab Arrianis redierunt, elicite ad vos, eosque; ut patres assumite, & ut magistri & tutores recipite, coaptantes vos interim dilecto nostro Paulino, ejusque sociis: nihilque; amplius ab illis exigatis, quam ut execrentur Arrianorum hæresim, confiteanturque sanctorum patrum in Nicæa fidem.

§ 11. Severus Sulpitius quoque D. Martinum noluisse hæreticos puniri, scribit in ejus vita, Libro III. his verbis: Maximus Imperator pridie ex episcoporum sententia decreverat, tribunos summa potestate armatos ad Hispanias mittere, qui hæreticos inquirerent, deprehensis vitam & bona adimerent. Nec dubium erat, quin sanctorum etiam maximam turbam tempestas ista depopulatura

pulatura esset. Sed Martino illa præcipua erat cura, ne tribuni cum jure gladiatorum ad Hispanias mitterentur. Pia enim erat sollicitudo ipsi, ut non solum Christianos, qui sub illa occasione erant vendendi, sed ipsos etiam hæreticos liberaret.

*Quomodo cum hæreticis agendum, sententia Erasmi.*

C A P. XVIII.

**I**N Apologia adversus articulos aliquot per monachos quosdam in Hispaniis, exhibitos, hæc scribit Erasmus ad Alfonso Mauricum archiepiscopum Hispalensem, titulo quarto sic à monachis distincto, contra sanctam Hæreticorum inquisitionem. In Paraphrasi Matth. 13: Servi qui volunt ante tempus colligere zizaniam, sunt qui Pseudapostolos & hæresiarchas gladiis ac mortibus existimant è medio tollendos, cum paterfamilias nolit eos extinguere, sed tolerari, si fortè resipiscant, & è zizaniis vertantur in triticum. Quod si non resipiscant, servantur suo judici, cui pœnas dabunt aliquando. Hæc ille.

§ 2. Ad hunc articulum abundè responsum arbitror in supplicationibus ad Bedæ propositionem 32. respondi & Latomo, qui nonnullis visus est obliquè me suggillare, ut supervacaneum sit hic eadem repetere. Quoties mecum reputo, quàm execranda res sit hæresis & schisma, non possum damnare legis licet durum cauterium: rursus ubi considero quā mansuetudine Christus plantavit, aluerit, provexerit, stabilieritque suam Ecclesiam multis seculis, vix reperio quomodo tuear exemplum quod hodie videmus in nonnullis, qui opiniones scholasticas ilico pertrahunt ad carceres & incendium: veluti nunc exuri videmus sacerdotes, qui puellam qui cum habent consuetudinem, malunt appellare uxorem, quàm concubinam. Equidem talibus mederi solco, non patrocinari: nec in hoc hæc mihi dicantur, quod tales velim esse impunitos: tantum illud admirror, quomodo tanta se veritas conveniat cum ecclesiastica mansuetudine.

§ 3. Non est meum probare aut improbare principum mundanorum lege: habent suum jus, habent sua consilia, habent suum iudicem, cui reddituri sunt rationem. Mea paraphrasis Evangelicæ parabolæ sensum explanat: qui si verus est, si Christo dignus,

T t t

si proba-

si probatis orthodoxis interpretibus placuit, si multis seculis usu ecclesiæ comprobatus est, cur reprehenditur? aut si reprehendendus est, cur non pariter in jus vocentur & illi? Usque ad ætatem Augustini, hoc est plus quam quadringentis post Christum natum annis, nusquam legimus orthodoxos implorasse Cæsaris præsidium adversus hæreticos, quum id frequentissimè factum esset ab ipsis hæreticis. Nunquam tamen hoc exemplum imitari visum est orthodoxis, donec Donatistarum & Circumcellionum huc percelleret pervicax & insanabilis insania, nimium diu tolerata. Nam præter schisma, quo non aliud exitiabilius si processisset, agitabant, vulnerabant, injecta in oculos calce aceto temperata exoculabant orthodoxos, alios occidentes, alios ad homicidium metu mortis adigentes. Nec mitiores erant in se ipsos quàm in alios, ultro sibi vel gladio: vel si gladium non esset copia, præcipitio necem accersentes. Quid multis? tanta erat rabies, ut nec ab ethnicis principibus tolerari debuerint: nec à Christianis, etiamsi nulla fuisset hæresis, aut schismatis crimen. Per hos quum nulli liceret esse quietum, nec ullus esset insaniendi modus aut finis, tandem inter episcopos agitatum de implorando Cæsaris præsidio adversus Donatistarum intolerabilem improbitatem.

Anathe-  
ma.

§ 4. Mansuetioribus, inter quos fuit D. Augustinus, non placuit imploratio prophanæ potestatis ad negotium Ecclesiasticum, existimantibus non decere episcopos aliis armis uti, quam verbo Dei, precibus: & si malum foret insanabile, anathemate, hoc est, separatione à communione. Hoc erat tum extremum ecclesiæ supplicium: & sicut apud Jurisconsultos, civilis mors dicitur exilium: ita apud Apostolos & horum successores, poena capitis erat, ab ecclesiæ consortio submovisse. Ad hanc sententiam non solum invitabant exempla Christi, apostolorum & martyrum: verum etiam metus propellebat, considerantes fore periculum, ut si ageretur terroribus, pro hæreticis fictos haberent Christianos, majore Christiani gregis pernicie. Verum ubi vicisset aliorum sententia, & sive bene cessisset multis hac severitate correctis, qui vel inviti manserant in ea factione, vel ambigui, vel errore modo seducti, fortiter probavit Augustinus, quod prius improbaverat.

§ 5. Sed tamen adversus tam furiosos latrones ac sicarios ve-  
rius

rius quàm hæreticos , lex meo iudicio nimium mitis lata est , quæ primùm nec corpus cuiusquam attingeret , nec quenquam facultatibus excuteret : sed tantùm ecclesiarum hæreticarum facultates ad orthodoxorum ecclesias transferret : ad quas qui transire vellet , & iis quas prius habuerat , & iis quas inveniebat , uti frui posset , tanta mansuetudine , ut nec clericis & episcopis resipiscensibus suis honores adimeretur , tandem & multa cæteris indicta non admodum gravi : qui quum essent pauci , nolent resipiscere . Et adeo nihil tentatum est de occidendis tam immanibus belluis , ut quum prius edictum Macedonii ( ni fallor ) præsidis sic ambiguus verbis esset propositum , ut hæreticis videretur minari necem , ut resipiscerent , Augustinus illum diligenter admonuerit , ne quenquam interficeret , quum hoc jus ex constitutionibus Cæsareis haberet , laudetq; quod edicto posteriore verborum ambiguitatem explicuisset . Idem admonet præter alios Dulcicium tribunum , ne quem capite plectat .

§ 6. Ex his satis liquet , quantum illorum animus abhorruerit ab hac confiscationum , carcerum , suppliciorum , incendiorum sævitia , quæ nunc quibusdam & nimium & sola placet , præsertim ex eorum numero , qui perfectionem Christianæ pietatis profitentur , quorum omne studium esse decebat mederi potius quàm interimere , & legum sinceritatem sua intercessione mitigare . Nunc etiam ultra principum edictum sævitur ab istis clementiæ magistris . Cæsaris edictum habet , Legitimè convictis : quàm hoc interdum fiat legitimè , mea nihil refert : tamen multis incognitum non est . Nam hoc hominum genus ferè nullis legibus paret , nec ecclesiasticis nec prophanis : sed quicquid volunt , sanctum est .

§ 7. Mihi nulla placuit unquam hæresis , nec ulli unquam favi , faveo , fauturusve sum hæretico , nisi spe medicandi , ne quis me suspicetur hæc mea causa dicere . Nullum abstractum ab ecclesiæ caulis adijunxi mihi : sed ipse constantissimè persistens in ecclesiæ consortio , nonnullos ad illius societatem revocavi . Tantùm loquor de quorundam sævitia , quos oportebat esse mitissimos , etiam si principes terrentur gladio , si qui episcopi pro sua autoritate potestatem ad improborum terrorem exercent . Nunc contra fit , ut illorum sævitia monarcharum ac præsulum autoritas cogatur frenum imponere . Eoque hujus negotii principatus summis ecclesiæ proceribus delegari solet , ne istis liceat , quicquid libet . Quid autem quorundam seditionis apud populum vociferationibus , sævitiaque



tiaque profectum sit, res ipsa loquitur. Fortassis è longinqua regione nonnunquam scribunt principi quod volunt: ille rescribit, Si sic habet res, sumatur supplicium.

§ 8. Hoc rescripto non liberantur, sed onerantur illorum conscientia. Præterea cum iudex laicus pronunciat ex illorum relatione, non ex cognitione causæ, totum iudicii pondus in ipsos recidit. Jam mihi confer episcopos ecclesiæ proceres cum monachis; confer sicarios Donatistas cum his qui fortè dixerunt monachorum ordines non esse necessarios ecclesiæ, aut in concionibus Christi spiritum invocari decentius, quam virginem matrem, aut se dubitare, an horum temporum confessio sit instituta ab ipso Christo, & an sacerdotum cœlibatus sit juris divini: confer lenitatem Cæsareæ constitutionis vix impetratæ à Theodosio, & confer atrocitatem suppliciorum, quibus nunc agitur cum idiotis, etiam in qualemcunque inductis errorem, deliderabis planè in nonnullis exemplum ecclesiasticæ mansuetudinis. Sed postea, inquit, lex non sine causa lata est severior. Non damno cauterium, tantùm doleo tam asperum remedium Christianorum peccata meruisse: & parricidarum suppliciis indolesco, tamen hunc dolorem publicæ tranquillitatis respectu consolor.

§ 9. Eodem modo sum affectus erga illos, qui quoniam sanari non possunt, necessariò tolluntur, ne plures trahant in luem. Quicquid agit legum fortassis necessaria se veritas, certè sacerdotum & monachorum est studere sanandis potius, quam extinguendis. Principum constitutiones nunquam improbavi, quauquam & ipsos oportet legum rigorem ad Christianæ moderationis lenitatem, quatenus licet, despectere.

§ 10. Multum enim interesse debet inter principem ethnicum & Christianum: rursus plurimum interest inter prophanum principem & ecclesiasticum. Postremo nonnihil interest inter præfulentem autoritatem publicam præditam, & monachum aut theologum, quorum est cum omni mansuetudine docere. Quale est autem, olim nullis theologiæ scholis institutis, solo Dei verbo feliciter pugnatum esse cum hæreticis: nunc cum orbis celebribus Academiis sit plenus, articulis & fasciculis rem tantum geri? Quid autem reprehendi potest in Paraphrasi, nisi quod non meminerit de Constitutione monarcharum posterioribus annis inventa? id non licuit, eo quod

*Articulis  
& fasciculis agitur  
contra  
eos qui  
dicuntur  
hæretici, à  
monachis.*

quod illic Evangelistam facio loquentem, qui constitutionem illam non noverat: nisi debui sic illum inducere loquentem: Usque ad annos octingentos Christus neminem hæreticum vult occidi, sed post illud tempus exoritur alia lex, ut exurantur. Ineptè nimirum imaginantur, sermonem hunc à me dici his temporibus, cum dicatur ab Evangelista priscis ecclesiæ temporibus. Neque Christus illic agit de gladio principum, cum ecclesia tot à Christo passo seculis egerit sub principibus ethnicis: sed de studio loquitur Apostolico cum mansuetudine pertrahendi omnes ad salutem, exemplo summi pastoris, qui venerat non ad perdendas animas, sed ad servandas.

§ 11. Ita fit, ut hæc mea interpretatio non officiat principum constitutioni. Nam illa docet mansuetudinem evangelicam, non adimit principi jus gladii: illa præscribit quid illi congrueret tempori, non quid in fine seculorum exactura esset hominum improbitas. Nonnullæ principum leges ad terrorem eduntur verius quàm ad exemplum. Atque ut profani judicis est eximere gladium interdum, quo unius interitu servet multos: ita quoties error, aut casus, aut ætas excusat crimen, & spes est correctionis, debet meminisse Christianæ clementiæ. Quin & illud inspicendum, an monarchæ jus habeant, ob quodvis delictum, capitis pœnam indicere. Tum illud etiam videndum, an principes voluerint ob quemvis errorem, qui videri potest hæreticus, hominem tradi flammis. Etenim si certus est error, nihil hic opus est theologis, cum tantum sit cognitio facti: si dubius est, non est cuiusvis theologi, sed Romanæ sedis potissimum, de Articulis fidei dubiis judicare. Multo durius est ob articulos non solum dubios & controversos, verum etiam leviculos hominem flammis tradere. Sed multo durissimum ob titulos, quos ipsi suo arbitrio confingunt subinde novos, hoc est contra doctores scholasticos, hoc est suspectum, hoc scandalodes, hoc contra laudabilem consuetudinem, hoc malè sonans ut jacet, hoc impertinenter dictum, & hujusmodi innumeros, ut nihil sit, quod non aliqua pateat calumniæ, si malevolus accesserit animus: & interim tamen disputant, an ecclesia possit condere novum articulum fidei, quum isti quoties commodum est, gignant eos in ipsa cognitione, nonnunquam & post editam sententiam.

*Proceſſus  
in ſidei  
negotio.*

§ 12. Res agitur per relatores, deputatos, ac judices monachos, nec ſincere, nec legitima juris forma, pronunciant in carcere tres priores, monachis duobus teſtibus, & apparatur roguſ. Hæc neſcit princeps, cujus lex prætexitur, privato quorundam odio ſerviens, cum in publicam utilitatem ſit edita. Hæc quoniam fieri compertum eſt, admonendi erant principes: quæ tamen admonitio nec hæreticos veros & inſanabiles ſublevare, nec ſinceros inquiſitores gravare debet. Conſtitutio quæ in Cod. libro primo. tit. de Hæreticis Manichæis & Samaritanis, fertur octava, ſolos libros & chartas jubet exuri: doctores tantum capite plecti, diſcipulis decem librarum auri mulcta dicitur: eos vero qui non ſolum audiunt illos, verum etiam contemptis principum legibus, libros illorum apud ſe ſervant, manifeſtum hæreſe ſavorem præferentes, in exilium deportari jubet. Nec hæc tantum conſtitutio ferit quoslibet hæreticos, ſed nominatim Manichæos, Apollinaristas, & Samaritanos, qui manifeſtam docebant blaſphemiam.

*Quæ  
conſtat  
conſtitutio  
Imperat.*

§ 13. Hujusmodi fere ſunt quæ præcedunt eodem titulo, quæ jubent inquisitionem etiam uſque ad capitis pœnam extendi: ſed exprimunt certas hæreſes. Similiter eodem libro, titulo de ſummo Trinitate, &c. Arianos exprimit. At hi ſpoliabant Dei filium, & multo magis Spiritum Sanctum veritate divinæ naturæ. Quemadmodum Apollinarista verum hominem negebant, detrahentes illi meliorem hominis portionem, nimirum animam humanam: Donatiani furioſi latrones erant, non ſolum peſtilentiſſimi ſchiſmatici. Non hic agebatur, an hæc confeſſio ſit inſtituta à Chriſto, an conſtitutio hominis pura obliget ad crimen, an ſymbolum ſit fruſtulatim editum ab Apoſtolis, an Apoſtoli calluerint linguam Græcam: ſed de Majeſtate Chriſti, deque ſumma Chriſtianitatis.

*Ariani.*

*Apollinarista.*

*Donatiani.*

§ 14. Jam per Pontificum conſtitutiones, quæ ſunt in Decretalibus libro 5. titulo de Hæreticis, & in ſexto eodem numero ac titulo, convicti, & in errore perſiſtentes, aut in hæreſim abjuratam relapſi, tantum jubentur tradi curiæ ſeculari: quanquam hic Gloſſematographi de ſuo adjecerunt, Aut comburantur: quando Pelagianus aut Jovinianus ex Cæſarum edictis dicta eſt mulcta. Nunc ad ignem pertrahitur, qui dubitet, an Romanus pontifex jus habeat in purgatorium. Et olim in ſynodo episcoporum

rum hæretici citati reddebant suæ doctrinæ rationem: convictis libera erat optio, utrum mallent ipsi in suum dogma pronunciare anathema, an simul cum dogmate seriri anathemate: hoc est, à communione separari. Nam hæc tum erat pœna ecclesiæ gravissima. Berengario, qui non de confessionis origine, neque de purgatorio postulatus erat, sed de veritate corporis Christi, ne tum quidem vis est adhibita, cum semel dimissus in eundem errorem esset relapsus. Nunc interdum monachi vanum spargunt rumorem, mox veluti suspectum pertrahunt in carcerem: ibi disputant suo more, notantur articuli, & parantur fasciculi.

§ 15. Linum fumigans non extinxit Christus, nec arundinem *Isaia 43.* quassatum confregit. Oviculum ab initio persequutus est lupus, illa autem semper tolerantia vicit.

*Censura insignium Iurisconsultorum de Lamiis, quæ pœnitentes, pœnas evitant corporales: nec in criminalibus soli standum esse confessioni.*

#### C A P. XIX.

**A**T in sagarum patrociniū annectam censuram eximii Jurisconsulti pauli Grillandi de Sortileg. 10. volumine Tractatum, quæst. 7. fol. 44. pag. 235. Nota, ait, unum valde singulare, quod istorum apostatarum duæ sunt species. Una est, quæ simpliciter retrocedit à fide, & sequitur cultum & obedientiam dæmonis: altera est, quæ postquam Christi fidem abnegando reliquit, & dejecit ex corde suo, iterum se baptizat expresse in nomine diaboli, & aliud nomen sibi superimponit. Licet utraque species sit damnata: prior tamen, si peccatum suum revocat, admittitur ad pœnitentiam, & evitat pœnas corporales: sicut hæretici. ut l. Manichæos. C. de hæreticis. Indentidem theologi authores Mallei, in tertiæ partis initio, quæstione 35. his verbis docent: Ex corde vero apostatæ si nolunt resiliire, ut hæretici impœnitentes, tradentur curiæ seculari. Si autem velint, recipiuntur prout hæretici pœnitentes. Juxta c. ad abolendam. §. pœnitenti. de hæreticis lib. 6. Concordat Raymun. tit. de apostolica. c. revertentes. Ubi dicit: Quod revertentes ab apostasiæ per-

*Lamie  
pœnitentes  
evitant  
pœnas  
corporales.*

perfidia, cum fuerint hæretici, tanquam revertentes ab hæresi sunt recipiendi: & hic sumitur unum pro alio.

§ 2. Et in 2. parte Decretorum, caus. 26. quæst. 5. episcopi: Ex præmissis authoritatibus colligitur, quoddam arioli, aruspices, incantatores & sortilegi, atque cæteri hujusmodi sectatores ab Ecclesia sunt eliminandi: & nisi resipuerint, perpetuè excommunicandi. Sed quoddam in ultimo Acquirensi ca. Ea quæ fiunt per incantatores, non in corpore, sed in spiritu fieri dicuntur, Augustinus in libro de Civitate Dei idem videtur asserere, ita dicens: Quæ magorum præstigiis fiunt, non vera, sed phantastica esse probantur. Quare criminali actioni hic nullus erit locus.

*Et si de  
e. 9. lib. 8.  
Symb. 26.  
q. 5. cap.  
nec mi.  
cum.*

§ 3. Si urgeatur hic denud propria earum confessio: cum D. Joanne Francilco Ponzivibio Placentino, Tractat. volum. x. de Lamiis, respondere audeo: Cum tales personæ sint illusæ, ut dictum est, ergo debere dici, earum confessionem etiam esse erroneam, nec admittendam. l. error. & l. cum post. C. de Juris & fact. ignor. No. in l. de ætate. §. fin. ff. de Interroga. action. Confessio enim debet continere verum & possibile: ut per gl. Bald. & alios in l. 1. C. de confess. per gloss. in c. fi. de confess. in 6. ff. ad leg. Aquil. l. inde Neratius. §. fin. Sed ista respuunt jus & naturam: ergo non sequitur: Istæ mulieres sic confitentur, ergo sic est. Nam confessio longè distat ab actu (vel actus possibilitate) & quicquid est contra naturam, deficit in suis principiis, ergo naturaliter est impossibile.

*In criminalibus  
non est  
standum  
soli confessioni.*

*Ex sola  
confessione  
non  
judicatur,  
nisi in hæresi.*

§ 4. Præterea in criminalibus regulariter non statuitur soli confessioni rei, ut per Bald. & Ang. in l. 1. C. de confess. & dicam infra in 2. no. Nec obstat, quod dicit Bald. in d. l. si quis non dicam rapere: quia ejus dictum procedit in hæresi, in quantum perficitur sola mente & cogitatione: quo casu bene, ut inquit ipse: quia cogitatio mentis, quam solus Deus novit, non potest aliter probari, quam per confessionem: ideo statuitur soli confessioni. Sed confessio, de qua in casu nostro, continet actum ab extra, & minus possibilem de jure & natura, ac etiam minus verisimilem: & ideo potest dici, quod licet, quoad ea quæ credunt, sit standum confessioni earum, quoad punitionem: quia talis credulitas pendet ab animo & voluntate: non tamen quo ad hoc, ut quia sic sit, vel sic fiat, sicut asserunt. Hactenus ille. Nec est quod hic lex Cornelia de sicariis & veneficis mihi obtrudatur, quæ suum paulo

paulo pòst fortietur locum, ubi de veneficorum poenis agetur.

*Praclara eximii jurisconsulti Alciati sententia, & ex Grillando  
historia de Lamiarum innocentia.*

C A P. X X.

**N**Arrat item D. And. Alciatus, hæreticæ pravitatis ( ut vocant ) inquisitorem in sub alpinis vallibus, advèrsus hæreticas mulieres, quas veteres Lamias, nos Striges vocamus, inquisivisse, & supra centum flammis consumpsisse: quotidieque ceu nova holocausta, alias super alias Vulcano obtulisse, è quibus non paucæ helleboro potius quàm igne purgandæ videbantur: donec rustici arreptis armis vim illam inhiberent, & negotium ad episcopi judicium deferrent. Et post: Et quamvis aliqui ex maritis, magnæ fidei homines, asseverarent eo potissimum tempore, quo illæ in ludo & choreis sub Tellina arbore fuisse dicebantur, se exploratum habere, in lecto potius secum fuisse: tamen respondebatur, non illas, sed cacodæmonem potius, uxoris forma assumpta marito illuisse.

Lib. 1.  
Tavernem  
juris. ca.  
pue 22.

§ 2. Atqui ego replicabam: Cur non potius cacodæmonem cum suis dæmonibus, illam verò cum marito fuisse, præsumis? Cur verum corpus in ficto lusu, phantasticum in vero lecto comminisceris? Quid hic opus est usque adeo augere miracula, & non tam Theologum quàm *πράλογον* agere, sævioremque partem in poenis eligere? Constabat ex illis actis, semel in eo ludicro per quandam mulierculam nomine Jesu appellato, omnem illum apparatus, omnes saltatrices cum amasiis suis repente evanuisse: qui fieri potuit, si vera fuissent corpora, & non phantasmata, & Tantalii horti? quod apud Philostratum libro quarto, etiam Apollonius Tyaneus censuit: & apud Plutarchum in Bruti vita C. Cassius.

§ 3. Nam & medici maximos effectus corruptæ menti, imaginariæque ludificationi tribuunt: unde Ephialtici, afflati, superstitioni, incubitati, amore furentes, imaginosi, Lycaones, Cynanthropi, qui tamen medicamentis curantur: videnturque hæc esse quæ Plinius & alii veteres Faunorum ludibria appellant, pœoniaque herba emendari consueverunt: ut etiam harum pleraque cu-

V u u

rari

rari posse sit verisimile, nisi quod pauperes & sœmellæ omnes sunt, quibus talis facultas non suppetit.

§ 4. Ego certè magis juri Pontificio, communique nostratium doctorum interpretationi hac in quæstione, quam Theologis istis tribuerim, maxime in re à synodo decisa in concilio Anquirens. cap. 1. ubi talia phantasmata mentibus à maligno spiritu irrogari ait. Et rursus: Infidelis, inquit, non in animo, sed in corpore evenire opinatur: quis enim in somniis & nocturnis imaginibus non extra seipsum deducitur? Quæ etiam videtur fuisse Augustini sententia libro 18. de Civitate Dei, cap. 18. ubi: Verum, inquit, corpus nulla arte dæmonum converti potest, sed phantasticum: quod etiam cogitando sive somniando per rerum innumerabilia genera variatur: & cum corpus non sit, corporum tamen formam capit, sopitis aut oppressis corporeis sensibus, ita ut vera corpora alibi jaceant, sensibus obseratis. Nec refert quòd ibi Herodiadi aut Dianæ honor exhibetur. Hactenus Alciatus.

§ 5. Paulus Grillandus de Sortil. 10. volum. Tract. Quidam maritus ex oppido agri Sabinenfis habebat uxorem maleficam sive strigam, ut vulgo dicunt. De crimine autem solum erat suspicio, non certa notitia. Nam cum aliquoties à marito rogaretur, num ejus esset professionis, negabat constanter. Crescente porrò rumore, & viris fide dignis apud maritum ejus flagitii uxorem insimulantibus, quòd ea familiariter uteretur aliis mulieribus hujus criminis ratione cognitis, cum quibus etiam se turpibus miscere sceleribus, & nocturnos agere cœtus videbatur: decrevit maritus ipsam in ejusmodi operibus observare & apprehendere: & cœpit pluribus noctibus diligenter & attentè invigilare: noctesque circiter duodecim egerat insomnes, attendens studiosè, num illa aliquo ad dæmonum lusum vel aliud maleficium noctu evagaretur, num & penes se in lecto permaneret nocte tota, quando lectum conscendisset: nihilque unquam fraudis compèrìt, sed manibus illam semper in lecto contrèxit. Cum vero post dies paucos una cum quibusdam aliis de eodem crimine accusatis in carcerem conjiceretur, subdereturque quæstionibus, confessa est demum, se tali intersuisse lusui una cum aliis mulierculis incarceratis, flagitiique hujus reis, tali die, undecimo mensis, &c. tali nocte, hora tali, &c. Idem fatebantur & aliæ. Maritus vero in conjugis patrociniū asserebat præstito juramento gravissimo,

fimo, eam illa nocte designata, & maximè illa hora, secum decubuisse in eodem lecto: & se eam tum studiosè non semel tantum tetigisse, sed pluries, ac cum ea locutum fuisse.

*Pena, Qua Lamias afficere solent Bononienses.*

C A P. XXI.

**S**olent Bononiæ maleficos utriusque sexus, quorum damnatæ incantationes generi humano, vel vitæ bestiarum minus noceant (quos muliebri in sexu lingua vulgari le strige Itali appellant) nudos ad umbilicum usque veteri ex palatio educere, alino impositos inverso corpore, ita ut ligatis manibus caudam asini, quem lento ductu præibat lictoris minister, retinerent. Capiti imponebatur mitra chartacea, in qua terrifici cacodæmones, qui forcipibus suis ignes infernales moverent, depicti erant. Interea dum solenni hoc progressu circumducuntur, à lictore comitante virgis egregiè in pectore & dorso ceduntur. Cum verò è foro publico perventum esset in cœmeterium ædis Dominicanæ celebris sepulturæ gentis Germanicæ, deponerentur ex asino, & à carnifice in conclave quoddam superum deducebantur, cujus pergula firmata cancellis ferreis, iisque raris, cœmeterium versus spectaret: quæ destinata poenæ hæreticorum à monachis monasterii illius, inquisitoribus hæreticæ pravitatis, perhibetur. Hinc capite galeato sedì curuli, quæ rotis quatuor ferebatur, impositi, ter in pergulam prominentem detruhebantur, ubi & per horæ quadrantem consisterant. Interim à spectante foris turba, ridente, clamanteque lapidibus impetebantur: frustra tamen ferè, ob interpositos cancellos ferreos. Tandem vinculis soluti, & pro delicti qualitate puniti, ablegabantur in exilium.

§ 2. Infinitis certè modis præferri decet hanc moderationem magistratus Bononiensis, quæ nonnihil adhuc vetustatis Italicæ prudentiam sapere videtur, præ aliorum quorundam tyrannide, qui ad igneum illud holocaustum præcipites nimis feruntur: eoque non minus affici, quam innocentis sanguinis effusi fumo dæmones, videntur:

*O cacas hominum mentes, ò pectora caca.*



*Mulieres minus Puniendas esse viris.*

## CAP. XXII.

**D** Ici solet, mulieres in eodem delicti genere minus peccare, minusque puniendas esse viris, cæteris tamen per omnia paribus: nempe ob imbecillitatem animi, mentis & ingenii. I. sacrilegii pœnam, in prin. D. ad legem Jul. pecul. & l. si adulterium. §. stuprum, & §. fratres, & §. incestam. D. ad legem Jul. de adul. & c. sicut dignum, in prin. extra de homicid. & c. indignantur. 32. q. 6. ubi scribitur: tanto gravius viros puniri oportere, quanto magis ad eos pertinet & virtute vincere, & exemplo regere feminas. Et facit text. in l. quisquis. §. ad filias. C. ad leg. Jul. maje. ibi: Mitior enim circa eas debet esse sententia, quas pro infirmitate sexus, & c. Et quod voluit Bald. in l. quicumque. col. 3. versic. Sed pone statuto. Et versic. & in summa. C. de ser. fug. In quam sententiam apud Saxonem historiæ Danicę libro 6. Ericus vir quidam multę prudentię contendit, muliebribus erratis sæpius ignoscendum esse, nec pœnam infligendam, nisi correctio culpam corrigere non potuisset. Et illud *Æneæ* apud Virgil. lib. 2. *Æneidos*:

— *Nullum memorabile nomen*

*Fæminea in pœna est.*

§ 2. Plinius libro 8. Natur. hist. scribit, leonem, ubi sęvit, in viros plus quàm in fæminas fremere: velut natura eum docuerit, mulieres mitius quàm viros, esse tractandas. Aristotel. lib. Problem. 2. 9. cap. 11. Cur, ait, mulierem interficere iniquius sit, quàm virum, quanquam naturæ ratione mas fæmina præstantior est? an quia mulier imbecillior est, minusque proinde injuriam facere potest? etenim eniti adversus id quod longè infirmius est, nihil virile, imò stolidum atque iniquissimum est. Hæc ille, quę tam ad animum quàm ad corpus referri possunt.

§ 3. Tradit Vopiscus, Aurelianum Imperatorem, cum Zenobia ad pœnam vocaretur à militibus, quod sibi imperium usurpasset, illam vita donasse: quod indignum existimaret, mulierem interimere. In quam sententiam Euripides in *Hecuba*, *ὡς ἀνδρῶν ὀλέ-  
ος γυναικας*: Quam invidiosum interficere fæminas? Quandoquidem, ut idem in *Hercule furente* scribit, mulieres quodammodo sunt masculis miserabiores:

τοῦ θῆλυ γὰρ πῦρ μάλλον εἰσπύρει ἀνθρώπου.

Cui astipulatur Bald. consil. 96. factum tale est: Carolus lib.2. Quod mulier miserabilior est viro. Nunc porro filium orationis educatur, ut quo punitionis modo in hoc hominum genere castigando utendum censeam, intelligatur.

*Quomodo lamiae mentis errore à diabolo affecta, nec ulli noxia, sint reducenda, & quæ eis statuenda pœna: nec omnem voluntatem esse puniendam.*

## CAP. XXIII.

Quæ ergo Lamiae errore & phantasia delusæ, & satanæ perversa institutione seductæ cognoscantur: nec alicui ab iis malum revera, at solum imaginatione illatum esse, certo sciatur: saniori doctrina informandæ erunt, ut repudiatis dæmonii ludibriis, Christo sacramentum rursus præstent, arque ut luxata ex corporis compage membra, debita ligatura restituantur pœnitentes. Quantopere hic fidelem mysteriorum Dei dispensatorem eniti deceret, ut ad Christi ovile reduceretur ovis perditæ, nemo non novit.

*Supra  
cap. 6.*

§ 2. Suum quoque hic habebunt locum publicæ & communes preces ex animo fusæ. Admodum pie hic D. Iacobus admonet: Fratres, si quis inter vos erraverit à veritate, & converterit quis eum, sciat quæ qui converti fecerit peccatorem ab errore viæ suæ, salvam faciet animam à morte, & operiet multitudinem peccatorum. Nec hæresis solum in errore, quod quis dæmoniorum doctrinæ adhæret, figitur: sed in sui confidentia quoque, concepto fastu & præfracta pertinacia, ubi nulla admittitur admonitio: errorem etenim seductionemque mentis confessus hæreticus, semper remissionem veniamque ex Patrum consensu & Christiana mansuetudine meretur. Nam, teste Seneca, quem pœniter peccasse, pene est innocens. Et apud Ecclesiasticum legitur: Pœnitentibus, dedit viam iusticiæ.

*In Thyras  
ste.*

*Eccles. 7.*

§ 3. Ejusmodi itaque male à dæmonio persuasæ, & respicienti scemina, rectiusque jam in Christianæ fidei sanctissima basi confirmatæ, pecuniarum quoque (si ejus res ferant) multa in pauperum subsidium imponi potest, & quæcunque alia arbitraria, non

tamen vitæ poena, pro dilecti ratione & magnitudine. Vel si injungere voles mulctam ejusmodi scæminæ irrogatam à Romanis pontificibus in taxa sacræ pœnitentiariæ, ut ipsi vocant, per me licet. Ibi legitur: Mulierem incantatricem, postquam superstitiones abjuravit, in quolibet supradictorum casuum taxari, Turon. 6. duc. 2. Si etiam ex usu ob reipublicæ tranquillitatem conservandam videbitur, ut exilio ad certum tempus puniatur, donec vitæ innocentia vere se conversam esse, & fidelem, persistereque comprober, ac deinde libertate hospitii pristina rursus donetur, non contraherim. Ejusmodi esto poena temeritatis, quod dæmoniæ suggestioni & ludibriis non satis constanter resisteret, imo etiam consenserit fatua.

Non  
omnis vo-  
luntas  
punitenda.  
Vide &  
post in  
epist. prio-  
ri ad  
Brent.

Apoc. 2.  
Lucæ 1.

§ 4. Quod si quis contentiose voluntatem severius puniendam defendat, is primum distinguat inter voluntatem hominis sani perfectam, quæ in actum vere dirigi cœperit: & inter vitiatæ mentis sensum, vel (si voles) corruptam amentis voluntatem: cui suo opere, quasi alterius esset, colludit diabolus, nec alius insulse volentem subsequitur effectus. Tale voluntatis vitium impingi etiam possit melancholicis, fatuis & pueris, qui facile inducuntur, ut vel hæc vel alia se designasse mala falso imaginentur fateanturque: qui tamen à Deo renes & corda scrutante, non æquæ plecti permittuntur, ac alii mentis compotes: multo certe minus ab hominibus id fieri oportuit. De iis quid sentiam, qui elementa commovisse, aërem turbasse, grandinem accivisse calamitosum in frumenti & vinearum perniciem, & rerum aliarum stragem, creduntur, Lib. 3 c. 16. explicui: ubi argumentum ea de re prosequi, ut continuum filium, ad certiore intelligentiam malui, quam eo divulso Lectorem suspendere.

*Adversus caput præcedens objectionum quarundam  
pro ductarum confutatio.*

#### C A P. XXIV.

Exod. 22.

**H**ic Moïsi edictum graviter contra me urgetur, Exod. 22. At φάρμακός ὡς ἐπιβήσεται, alias πικρὰ βήσεται, legis hujus voluntatem explicuerunt septuaginta seniores, Veneficos non patieris vivere, aut si mavis, veneficas (genere scæminino) ut volunt Hebræorum interpretes, quæ nimirum pharmanis malis, hoc est,

est, venenis interimunt. Nec aliæ profecto hic intelligi debent, quam quas Moses & ea novit ætas. Lamias autem vulgo dictas, & à me descriptas, ne quidem Christi temporibus apparuisse, multo minus Mosis, inde colligi potest, quod nulla earum vel ab ipsis læforum mentio fiat in Sacris literis, quum tamen Christus eo in mundum venerit, ut diaboli conatus & opera manifestaret ac perderet. Quorum vero incantatorum meminit Scriptura, magi infames sunt, suis notis antea à nobis depicti. Quapropter illud Mosis decretum ad hujus Libri cap. sequens 23. de veneficarum poenis referendum putavi. Cum vero inveniantur, quibus ejusmodi explicatione legis nondum satisfactum sit, qui & omnibus contendunt nervis, ut sub ea nostras constringere queant Lamias, illis sic quoque responsum volo, decretum nullum promulgari contra id, quod rerum natura, ut dixi, nondum agnovit.

Exod. 7.  
Levit. 19. 20.  
Dent. 18.  
Esa. 8.  
19. 47.  
Psalm. 57.  
2 Paral. 33.  
Eccl. 11.

§ 2. Adhæc non decet, ut translationis septuaginta interpretum fidem temere mihi sinam eripi elevarique, qui sine dubio peritissimè fuere vernaculi patrique sui idiomatis Hebraici, tum & linguæ Græcæ: quos senos ex singulis tribubus singulari religione electos, Spiritus Sancti proculdubio inspiratione & ductu, Eleazarus Pontifex Alexandriam Ptolemæo Philadelpho misit, ut Mosis legem extremo studio & indubitata fide in Græcam commutaret linguam. Quod opus pium sanctumque divini numinis auxilio feliciter absolutum, & à patribus tam longo tempore religiose habitum, non oportet insolenter in dubium vocare, errorisque nota conspurcare, cum primis ob interpretum numerosam multitudinem & unanimum consensum: Quibus profecto & sanctior debetur fides, quam Eliæ Livitæ, aut quibusdam recentioribus. Hic si in conceptæ semel opinionis defensionem de voce φάρμακός contendere quis pergat, nomen φάρμακον, quando in malam accipitur partem, fere apud Dioscoridem, Galenum & totam Græcorum antiquitatem sumi pro veneno, aut medicamento venenoso: & qui ejusmodi medicamentis nocere student, φάρμακόντος vel φάρμακός vocari meminerit. At hic parenthesis admittat benevolus Lector brevem, qua leviter adversario respondeam, à quo mox Dioscorides, velit nolit cap. de Zhamno obruditur: Fertur, ramos ejus, si pro foribus aut fenestris ponatur, ἀποκρίειν τὰς τῶν φαρμάκων ἰακχυρίας. Quod adversarius vertit, Maleficia pharmacorum seu incantamentorum pellere.

70. interpres.

Hieron. præfat. secunda in Paralip. Titulo. Iud. de vita Moysi.

Tertull. adversus gentes apostol.

φάρμακον.

### 3. Cur

§ 3. Cur huic versioni citius credam, non video, & non potius, Malitiam venenorum aut rerum venenatarum, halitus scilicet malignos expirantium, quemadmodum aër quoque in peste infectus agnoscitur. Alioqui quorsum opus fuit conjungere *παραφρην*, quum per solam vocem *φάρμακον* potuisset exprimi, si incantamenta sonet? Veneficia interpretantur alii. Vim siccantem & refrigerantem (quæ aëris putredini & infectioni resistit) illi Galenus tribuit. Nec contra nos facit, quod ex sexto lib. Galeni de Simpl. pharmac. fatult. adducitur de voce Pharmaco: quemadmodum nec omnino liquet ex Galeni verbis, quod non candide objicitur, ubi lib. 2. *παραφρην*, de Archigenis amuletis loquitur, ad capitis dolorem ea se relicturum, ut nullam medicam rationem habentia, ait: Verum quæ ab ipso juxta medicam rationem sunt tradita, selecta tantum relaturum juxta ipsius dictionem, quomodo hætenus de pharmacis facere consuevit. Hæc Galeni verba, ubi prorsus sejungit Pharmaca, hoc est medicamenta naturalia, ab aliis medicam rationem non habentibus, quæ à Galeno Pharmaca illis locis appellari non comperio: sed medicinas naturales prope semper & fere citra numerum in illis libris ipse Pharmaca nuncupat.

L. 6. 8.  
Simplie.

§ 4. Nec profecto satis intelligo, quorsum Galeni sententia ex initio libri 10. de Simplic. adversus me torqueatur, ubi se basiliscorum aut elephantorum & equorum Nileorum, neque alterius cujusquam, cujus ipse periculum non fecerit, mentionem se facere nolle asserit: nec etiam velle meminisse poculorum amatoriorum, *αυγίμων, ίννεσποριών & μελιών*, etiamsi abunde illa expertus esset, sicuti nec lethalium medicamentorum, aut, ut ipsi vocant, *πυλοποιών*. Nam illa sane ridicula sunt, constringere ac vincire alios, ut in judicio nihil eloqui possint, aut gravidæ abortum asserre, aut ut ne unquam concipiat efficere, & quæcunque ejus sunt generis. Sane horum pleraque, vel antequam facias periculum, scire licet esse impossibilia: quædam vero possibilia, ceterum vitæ hominum noxia. Itaque ego per deos admior, qua cogitatione, quove consilio ad ea scribenda quidam acceperint. Hætenus Galenus.

§ 5. Hic vox *φάρμακον* ab interpretibus & medicis affectu minus præ occupatis non secus intelligitur, quam pro medicamento. Quod item Hippocrates libro de Morbo sacro in auxilium accersatur,

fatur, fit potius calumniæ exaggerandæ causa, quàm veritatis defendendæ, velut & aliis locis. Siquidem *φάρμακός τις ἐν ἀνθρώποις* vocare videtur incantatos seu incantatione lætos, cum ibi de curationibus magicis agat: ita scribit adversarius. Verius autem à Cornario verti intoxicatos apparet, hoc est, veneno ab hominibus læsos. Nec ibi de curationibus magicis secus agitur, quàm quod in naturalibus morbis, cujusmodi est epilepsia, magicas adhiberi curationes graviter incuset. Sed ad nostrum institutum. *φάρμακον* Jesabelis veneficia vertit D. Hieronymus, 11. Reg. 9.

§ 6. Quod in hanc sententiam libentius inclinem, facit quoque Flavii Josephus, ex regio & sacerdotali sanguine ortus, Mathathiæ sacerdotis filius, natione Hebræus, patria Hierosolymitanus, genere sacerdos: qui decimumquartum agens annum, eam consecutus est laudem ob intellectus & eruditionis famam, ut de penitiori legum sensu à Pontificibus & Ecclesiæ Hierosolymitanæ prioribus consuleretur. Nec modo patriarum linguarum nemini suæ gentis secundus, sed & externæ literaturæ, nimirum Græcæ studio vel cum Philone conferendus. Proinde & à D. Hieronymo Græcus Livius appellatur, à recentioribus vero Judæis Joseph Berengarius. Eundem Hieronymus in Catalogo Ecclesiasticorum scriptorum digna cum laude recensuit. Hic cum animadvertisset solos quinque libros Moysei apud Græcos extare, opera Ptolomæi regis Ægypti translato, ut dixi, decrevit Epaphroditum viri doctissimi adhortationibus incitatus, universam veteris Testamenti historiam Græcis auribus tradere: quod & effecit, conscriptis primum Hebraica lingua, deinde & Græca, De antiquitatibus libris viginti, in quibus servatis simul & sanctarum Scripturarum veritate, & historiæ legibus, quandam veluti paraphrasin in omnes sermone veteris Testamenti libros accomodavit.

§ 7. Hic cum septuaginta senioribus quoque convenit, nudè & simpliciter Mosis mentem, & presbyterorum *φάρμακός* his explicans, Antiquit. Judaic. lib. 4. cap. 8. *φάρμακον μὴ θανάσιμον, μὴ τῶν αἵματος βλαβῶν ποιεῖν μέντοι ἰσχυρῶς, ἵχθητι καὶ οἱ, καὶ ὁ καταλαμύει τοὺς ὀφθαλμοὺς, τὸ τοῦ πόνου ὁ δίδουσι καὶ οἱ καὶ ὅς τὸ φάρμακον αὐτὸ περιεχόμενον:* id est, venenum neque letale, neque in alios noxios usus præparatum, Israelitarum aliquis habeat: quod si habere deprehensus sit, morte mulctetur, & patiat id, quod facturus erat illis, adversus

X x x

quos

Lex cer-  
nei ff. lib.  
46. tit. 8.

Lex Cor-  
nel. §. lib.  
46, tit. 8.

quos venenum paraverat. Idem fere sonat lex Cornelia de sicariis & veneficis: Qui venenum malum necandi hominis causa fecerit, vel vendiderit vel habuerit, plectitur. Nec ullam legem de veneno prohibito, aut veneficis puniendis inter reliqua Mosis edicta comperies, quam eo loco apud Josephum, qui cum aliis decretis Mosis Exodi 21. & 22. promulgatis conformis est. Adhæc voces illas, magos infames, ariolos & divinos spectantes, quæ Exodi 7. 8. 9. Levit. 19. Deuter. 18. atque aliis locis leguntur, distinctæque à nobis sunt cap. 1. lib. 2. ab iis qui crudelius citra ullam commiserationis notam, Lamiæ excarnificari volunt, minimè confundi oporteret.

§ 8. Urgetur præterea sub homicidii lege comprehendenda esse veneficia, ut & alias occisionis species. Hic affectus seponi optarim, inspicique Exodi caput, 21. Ubi Moses primum de feriando qui hominem occiderit, sententiam pronunciat generalem: inde ad species progreditur, ut qui servum interemerit virga, mortis supplicio mulctetur, sic & qui mulierem uterum gerentem inter lites inter necioni dederit: & post capite sequenti, qui veneno vel exhibitio, vel artibus maleficis, aut quomodocunque apparato occidit sive occidere statuit, aut aliter nocumentum dare vel morbum invehere conatus fuit, puniatur. Proinde etiam hos qui venena usurpant, non semper homicidæ nomen mereri constat. Sunt & aliæ homicidii species explicatæ Deuter. 19. Nec locum hic habet, quod de talionis lege opponitur. Prolixius tamen ad hoc argumentum respondetur in libello nostro peculiari de Lamiis.

§ 9. Si insuper vetus Testamentum ad novum applicare velimus, comperiemus in Apocalypseo Joannis cap. 9. ubi Homicidia tanquam generalis vox cædis prius ponitur, mox φαρμακία subjungi, hoc est, maleficia quæ per venena fiunt: idem inde vocabulum usurpatur & cap. 18. 21. 22. Item D. Paulus veneficia & cædes separat cap. 5. ad Galatas, ubi inter carnis opera recensentur φαρμακία & φόνος. Hic φαρμακία traduxerunt nostrates Ζευβερει, in quo ab Italis vincuntur, qui avelena mento converterunt reatius. Si Paulus aliud maleficii genus intellexisset, alia voce potuisset uti, aut repetere verbum βασκισμοῦ & βασάνου, quod fascinari & fascinare designat: quo significato Theocritus, Dioscorides & veteres utuntur, quinimò & ipse Paulus in eadem epist. cap. 3. O amentes Galatæ, τίς ὑμᾶς ἐβόησεν, quis vos fascinavit, ut non obediatis

φαρμακία  
φόνος.

βασκισ-  
μός.

obediatis veritati? ubi Germani rectè transtulerunt, *wer hatt euch bezaubert?*

§ 10. Non interim ignoro, mechassepha, & mechassephim, <sup>Mechassepha.</sup> <sup>Mechassephim.</sup> ~~anti & παρισηα & παρισηαίμ~~ quandoque liberius usurpari, & ad magicas extendi artes, quemadmodum ex cap. 1. libri Iuvis nostri secundi liquet: at non ad alias, quam eo novè secula. Lamiarum autem à me descriptarum conatus ab actibus illorum magorum, quorum Moses & sacrosancta meminit Scriptura, penitus sunt diversi. Nihil hîc firmi ex historiis veris illo ævo conscriptis, ad rem attuleris. Quæ postea de illis poetæ scripserunt, vanissima ut plurimum sunt commenta, & meræ fabulæ, vel potius mendacia.

— *Pictoribus atque Poëtis*

*Quidlibet audendi semper fuit aqua potestas.*

*Horat. de  
arte Po-  
etica.*

Testimonio sunt Virgilius 4. *Æneid.* & in Pharmaceutria, Ovid. 7. Metamorph. Horat. Epod. 5. Tibull. libro 1. Eleg. 2. item & alii, quos videre licet supra lib. 111. c. 1. quemadmodum & legem duodecim tabularum de incantatis frugibus confutatam cap. 16. Per mechassephim Exodi 7. v. 13. delignari præstigiatores, ipsa res docet, quæ carminibus vel nefariis artibus apud <sup>Videl. 11.  
cap. 8.</sup> *Ægyptios* familiaribus, quædam incredulorum oculis apparenter objiciebant, quæ revera non erant. Id vero nequaquam nostræ possent Lamie, cum etiam maximè velint: ad experimentum provoco. Reliquis locis (legitur enim ea verbi positio in sacris Bibliis tredecim omnino locis) nimirum in Exod. cap. 22. vers. 17. in Deuter. c. 18. v. 10. in 1. Reg. c. 9. v. 22. in Paralipom. c. 33. v. 6. in Isaia c. 47. v. 9. & v. 12. in Jeremia c. 27. v. 8. in Daniele c. 2. v. 2. in Michea c. 5. v. 12. in Nahum. c. 3. v. 4. bis, denique in Malachia c. 3. v. 5. à D. Hieronymo conversa ea vox Malefici vel Maleficia, pro verbi inflexione scilicet: magos infames eorumque actus intelligo. De loco Exodi cap. 22. controversia est. Veneficia Jesabelis reddidit ille secundo Regum, Maleficia alii: cum tamen magicas artes nusquam legatur illa exercuisse, sed cædibus in prophetas sævisse, Nabothum infontem ob denegatum sui agri venditionem obrui lapidibus jussisse, Achabum maritum Israëlitarum regem ad idolorum, cultum perduxisse, quæ simulachris inmolabantur comedisse, artibusque fuisse usam fornicariis.

<sup>2. Reg. 9.  
Maleficia  
Jesabelis.</sup>

<sup>1. Reg.  
18. 22.  
Apoc. 2.</sup>



§ 11. Hinc dilucidè vides, mechassephim ad diversa in Bibliis usurpari flagitia. Adhæc cæteris locis supra citatis ut plurimum cum conjectoribus & somniorum interpretibus atque auguribus, & hoc genus hominibus annumerari, unde quandam actionum communionem licet colligere, & deprehendes. Omnes vero tales divinationum vetitarum modos ignorant nostræ Lamiæ. Quo circa si vocem illam spectare nolles veneficos, ad magos quos dixi inauspicatos, & quidem secundum leges puniendos, si hoc malis, referre per me licet. Similiter in distinctius licentiusque Germanis nomen *Zeuberer* torquetur, ad quod exhorrescit, fascesque apparat sere quilibet, citra exactam circumstantiarum totius causæ inquisitionem, multo minus notionem.

*Magica  
artes ca-  
pitales.*

§ 12. Atqui eo adhuc confugitur, quod scilicet Magicæ artes sint capitales: & quia sub illarum complexu contineantur Lamiarum conatus, eas pari supplicio afficiendas. Antecedens à me non negatur, quinimò in libris mōis constantissimè defenditur: verum applicatam consequutionem nequaquam admitto: magnum siquidem discrimen est inter Magos & Lamas, uti supra explicui. Adhæc Magi à seipsis initium discendi artem vetitam habent, conquisitis præceptoribus & libris, ac ad eam impelluntur propriæ naturæ curiosa inclinatione: Lamiæ vero extrinsecus: siquidem non petunt instrui, nec præceptorem habent aut quærunt: sed quomodo illis diabolus se insinuet, uti organis suæ delusioni aptis, suprà satis monstratum est.

*Deut. 19.  
22.  
Exod. 22.*

§ 13. Tandem, quod adversarii adferunt, scelera ad mores pertinentia, quæcunque Moses capitalia fecit, ultimo quoque supplicio hodie à magistratu puniri debere: quanquam isthæc quæstio non versetur circa punctum nostræ controversiæ, tamen non tam facilè mihi, ut credam, persuaderi potest. Nam apud Mosen falsum testimonium mortis vindicta cluitur: sponsa, si non comperiatur virgo, lapidatur: is qui furem interdum in ædes irrumpentem occiderit, morte punitur: & multa inveniuntur ejusdem severitatis exempla, quæ tamen nunc temporis mitigantur. Quare etiam cum scribæ & pharisæi mulierem in adulterio deprehensam juxta Mosis edictum, lapidibus obruere vellent, quodnam ex Christi servatoris nostri ore decretum audiebatur? Qui sine peccato est vestrum, primus in illam jaciat lapidem. Ita eam non solum in foro Mosàico defendit, sed sua etiam

*Joan. 8.*

beavit

beavit misericordia, commiserationis documentum relinquens. Alias de his fusius.

§ 14. Alterum adversæ partis argumentum, cui cumprimis nititur, est, quod fœdus Lamiæ cum satana incant, verumque Deum abjurent. Hoc licet supra lib. 3. cap. 3. & 4. satis sit confutatum: ut tamen nonnihil præterea addam, quæro unde hoc, quod pactum cum dæmone conslarint, tibi constet? Profecto hoc mihi donabis, quod nec videris, nec à fide dignis qui viderint, habeas. Ergo ex propria stupidarum delusarumque anicularum confessione. At quæ fatentur, vel faciunt coactæ, vel sponte: si coactæ, confessio est mutila & nullius ponderis, quia cruciatibus torturæ intolerabilibus expressa. Quid autem periculosius, quam in diabolicis negotiis sine maleficii patrati testibus, pendere salutem ex confessione anus dementatæ, per vim extorta? Sileres haud dubie, si vidisses oleum illarum tibiis infundi servens, candelis ardentibus torreri axillas, & infinita summæ barbariei & immanitatis tormenta in decrepitas exerceri vetulas, sicuti nos in infantibus, partim etiam dimissis ob innocentiam ex nostro patrocinio, spectavimus.

*Fœdus  
cum satana  
incantum  
est imaginari-  
um.*

*Confessio  
Lamiæ  
tum erro-  
nea.*

§ 15. Si sponte, aut impossibilia sunt, quæ fatentur, uti grandes provocasse, per aërem volasse, in bestias se fuisse transmutatas, cum dæmonibus venereos explevisse actus, & id genus similia: aut fatentur quæ factu sunt possibilia, ut venenum exhibuisse alicui, sed tamen non est factum: aut fatentur quæ facta sunt, & vere acciderunt, sicuti eo in loco aliquem morbo correptum, infantem interiisse, segetes aut vineas tempestatibus damnum perpeffas.

§ 16. Confessio primi generis non potest puniri, quia versatur circa *admirabilia*, & propterea omnino est erronea: legitima enim debet continere verum & possibile. Secunda multo minus: quia caret effectu, tertia manca est: quoniam diabolus ex eventu rei statim inculcat miserarum muliercularum phantasias, ipsas fecisse, quod naturaliter factum, aut ipsemet fecit. Et hæc est rupes, ad quam suâ offendunt capita plerique nimis præcipites & sanguinariii iudices, ut animadvertere nequeant dæmonis Dialecticum sophisma, non causæ pro causa, ut cum barbaris balbutiam. Profecto hoc satis evincit illarum phantasiam vana persuasionem imbutam, quod sponte & voluntarie agnoscant sæpe fœdus &

*Supra l. 6  
c. 3. 12  
27.*

XXX 3

mira-

mirabilia quæ faciunt: si etenim scirent, non tam prompte aliquando faterentur, quum de earum vita agatur. Neque etiam verum est quod obijcitur, Lamas summo studio scelera sua tegere semper, tantaque constantia negare facta, ut ne quæstionibus quidem subditæ confiteantur, quantisper tormenta ferre possunt.

§ 17. Contrarium ego sæpius deprehendi, quum citra quæstionum rigorem ultro fateantur a se facta, quæ nec facta fuere, imo ne quidem natura rerum passa fuisset, propterea & impossibilia. Vnde mihi non inanis suspicio movetur, aduersarios vel res ignotas proponere, vel quorum admodum tenuem habent experientiam. Si nanque ipsarum sensus non forent effascinati, certè talis non consequeretur confessio: At multo magis ipsum supprimerent facinus, nec de illo gloriarentur. Quod autem tam atrociam sæpius sustinent fortiter tormenta, sit quod ejusmodi flagitiorum confessio expostuleretur, quæ in illarum phantasiam nunquam pervenire. Sed antequam hinc abeamus, proprio aduersarium gladio confodere conabor, ut agnoscat fœdus esse imaginarium & præstigiosum. Fatentur se per aërem volare, in bruta transformari, tempestates excitare, morbos immisisse imprecatione. Et hæc quidem omnia affirmare videntur tanta cum sensuum integritate, ut vix possis de iis dubitare.

§ 18. Attamen & ego demonstravi, & tu mecum fateris: omnia illa esse vana & commentitia, diabolicisque tincta figmentis. Si illa vana, cur reliqua quæ fatentur, debent esse vera, nempe apostasia à Deo, fœdus cum diabolo, homicidia, & id genus scelera, tum & deliria? Posteriora enim si fatentur sensibus integris, cur in fatendis prioribus sensus erunt corrupti? aut si in prioribus consistendis vitiata erravit phantasia, quid est quod minus in posterioribus etiam aberraverit? Cuncta liquidem hæc dicunt agnoscuntque in una hora conjunctim, separatim eadem constantia, iidem moribus. Quid hic philosophum decipiat, non ignoro. Illa omnia videt fieri non posse, & propterea mecum falsa & inania pronunciat: hæc autem quia fieri possunt, & ipsæ Striges fatentur fieri, putat hic etiam facta: annon animadvertit novam diaboli fallaciam, quod ex possibili concludere velit impossibile? At non opus est multis ad refellendum, nosti à posse ad esse non procedere argumentum: decebat in defensionibus posteriora coherere cum antecedentibus.

§ 19. Ad aliud procedamus argumentum. Cum ad supplicium pertrahantur Lamiae, aut in fœdere diabolico perseverant, non implorata Dei misericordia: tunc diserte dico, non esse mox occidendas, alioquin non solum corporis, sed etiam animæ interfectores erunt iudices. Aut à Deo veniam poscunt, nec alicujus vitæ nocuerunt: tum multo magis dignæ commiseratione & arbitria pœna. Omnes autem fere Striges, antequam exuruntur, invocant æternum Deum, ipsiusque implorant misericordiam, & sæpe numero etiam testem suæ innocentiae appellant, sanguinariis præsidibus ad cœleste tribunal citatis.

§ 20. Jam rogo, cum se juxta vestrum decretum satanæ manciparint, unde ulla resipiscentia: non à diabolo: astutior enim est, quam ut secum pugnet: ergo à Deo. Si itaque Deus agnoscit & recipit animam, cur tu Prætor usque adeo inclementer agis, cum nulli injuriam fecerint, ut corpus repudies, maxime cum in tuo non deliquerit foro, & tibi nullum in divino judicio relinquatur tribunal? quin ex me audi sapientissimum Theologi recentioris consilium, cujus nomen ob quorundam morositatem, prætereo. Is studiosum quendam, qui variis desperationis ex paupertate insidiis adactus, animam suam scienter tradidisset satanæ ad præscriptum diem ab eo possidendam, deduxit in templum, & cum piis aliquot viris pro ipso Deum oravit, sanavitque afflicti hominis animam. Ita etiam, si nostræ verulæ à vera fide defecissent, non oportuit eas in illa defectione enecari, sed sanis admonitionibus; ut dixi, in viam reduci: at in carceribus Deum æternum profitentur & invocant, & multo magis in agone. Non diu est, quod quædam animam suam Deo commendabat justo judici & misericordii, quia se putabat submersum iri, cum in Rhenum præcipitaretur juxta plebejum falsumque experimentum, num Lamia esset. Si enim supernaret, nec subsidat, illam criminis ream, ~~maxime~~ creditur esse. Verum supra cap. 9. experientiae vanitatem demonstravi.

§ 21. Præterea, nec est ad hoc connivendum, ut quis difficiliora loca prætergrediatur, & circa faciliora nonnihil velitare conetur. Quare te velim sistere, donec paulo limatius expendamus D. Petri exemplum, non solum abnegantis, sed etiam licet mox præmoniti, Christum Dominum suum præsentem abjurantis. Non etenim Petrum infirmitate lapsum dicere sufficit. Ecquæ illa est

*Mat. 26.  
Marc. 14.  
Luc. 22.  
Joan. 18.  
Petri ab-  
negatio.*

*Peccata  
inæqua-  
lia.*

est infirmitas ? non carnis (ut sic opinari liceat) imo ex ejus nimia vastitate & potentia peccamus : ergo spiritus. Sic & Lamias nostras excusabo. At ut Petri transgressionem non prorsus fuisse levio-  
viorem intelligas , elargieris mihi peccata esse inæqualia , unum altero majus. Supposita jam una eademque specie , primum rogo , annon illud gravius , quod homo excelsus & illuminatus commit-  
tit , quam quod vulgaris & infimus peccator ? Enimvero quo al-  
tius quis ascendit , eo declivio-rem & periculosiorem patitur ex  
casu ruinam , quam is passurus sit , qui pauciores absolvit gradus.  
Secundo quæro , annon ille magis suum abneget principem , quo  
ipsi vicinior est , & ornatus ab eo tum spectabiliore digni-  
tate , tum pluribus beneficiis ? Annon abominabilius , si lega-  
tus deficiat à suo Imperatore , quam si in defectionis crimen  
impegerit gregarius aliquis miles ? Tertio sciscitor , an reliquis  
paribus pastor non delinquat inexcusabilius tum ob repræsentationem  
sublimioris personæ , tum ob scandalum , quam aliquis ex  
grege ? Quarto , annon peccatum eo censetur indignius , quo  
plures & vehementiores conspirant illecebræ , quam ubi minores ?  
Quinto , annon turpior sit nota peccati in eo qui haud ita  
dudum antea præmonitus , non tamen sibi à delinquendo cavet ?  
Postremo , annon ad simplicem ancillarum ac ministrorum in-  
terrogationem ter negare cum juramento herum , sit peccatum  
majus , quam si quis flexuosis satanæ persuasionibus excæcatus ,  
simile committat ? Ejusmodi propositionibus te subscripturum  
arbitror : concludas ergo ipse. At nemo ista à me adducta exi-  
stimet ad D. Petri Apostoli exaggerandam abnegationem , sed  
ad castigandum eos qui propriis viribus tantum ascribunt , & non  
divinæ soli gratiæ , quo minus in singulas horas , imo momenta  
nomen Christi abjuremus : deinde etiam , quod sicuti Petrus suæ  
pœnitentiæ interventu consequutus est gravissimi lapsus sui , ab-  
negationisque veniam & misericordiam , ita & Lamiæ & nos  
omnes mortales à Deo remissionem delictorum impetrare quea-  
mus , quamvis semel atque iterum defecerimus .

*Charac-  
ter.*

§ 22. Character , de quo non parum clamatur , difficulter  
ostendetur à dæmone impressus. Quod si sagæ fateantur , ad  
mendaciorum è delusa mente ortorum cumulum erit referendum ,  
vel ostendant : nunquam enim in examine confessas scio , quibus  
equidem adsui. At cedo , quid mali extremo supplicio digni ex cha-  
racteris

raſteris impreſſione convincere potes? Id quod citra aliorum injuriam impreſſum eſt, abſque aliorum læſione rurius exigi poteſt: At abnegationem fidei eo confirmatam dicis. *Quæſo unde fidei renunciatae perſuaſio?* Ex diabolinae inſtinctu? Proclive conſilium adest: ſaniori rurius, & Chriſtiana inſtitutione adducatur ſaga; ut repudii libello ſatanæ miſſo, veram & orthodoxam amplectatur religionem, ac in matris Eccleſiæ gremium ſupplicem ſe inſinuet demittatque: hinc & exempto characteris dæmoniacy, ſi appareat, veſtigio, ejusque loco crucis. vel Tau ſigno, aut cruciformi cauterio firmius infixio, ſi ita videbitur, publicum agere & oſtendere jubeatur pœnitentiam, injuncta & arbitraria pro delicti qualitate, ut dixi, mulcta. Hæc eo modo ſanitati integræ reſtituta aſſumatur, & pro ea continuo oretur, nec uique adeo temerè ſlammis crudeliter obijciatur devoranda, ſi nullo inſigni flagitio, aut damno dato alios læſerit, unde illiuſmodi exitum ſit merita. Nec ſemper contractus inter Deum & homines ſancitus, & poſtea violatus, ſi in alterius detrimentum non tranſierit, mox in foro civili erit criminalis. Omnis etenim qui peccatum committit, ex diabolo eſt, ut D. Joannes ait, & propterea à pacto cum divina majeſtate inito deſciſcit.

2. cap. 1.

§ 23. Cæterum phantaſiam in illis corruptam eſſe, tam multis argumentis, item ex Auguſtino & Decretis atque aliis, ad nauleam uſque demonſtratum eſt lib. III. cap. 8. 9. 10. 11. 14. 15. 16. 22. 26. 27. 30. 34. Et paſſim per reliquos libros, ut in media luce cæcutire malit, quam nudam amplecti veritatem, qui contradicit.

§ 24. Ne quid hinc ad Lamiarum carniſcinam requiratur, eaſdem & idololatrarum pœnæ ſubjiciendaſ eſſe, conſequitis hinc inde neſcio quibus documentis, obijcitur. Tales autem eſſe, nemo mihi facile perſuaſerit. Nullum ſiquidem idololatram agnoſco, quam qui aliud ſibi in animo præſumat certa fiducia, unde ſuam ſperet conſidatque ſalutem, quam à Deo: quemadmodum infinita idola tum apud Ethnicos, tum Chriſtianos paſſim ſunt obvia, quibus relicto Deo vero fiditur. Item, ſi quis pecuniæ, aut alicui creaturæ tam firmiter animo agglutinetur, ut Dei omnipotentis patrocinio neglectum habito, aut contempto, inde idolum vel numen ſuum efficiat. Lamiæ vero ex diabolo niſil ſalutis quærun, aut credunt: ſolum ab il-

Lamia  
non ſunt  
idololatras.  
Idolola-  
tra.

lo, phantastici spiritus organis vitiatis deluduntur, ut admiranda vel mala, vel ludicra efficere ejus operâ se opinentur, quæ vel rerum natura non patitur, sive ad quæ perficienda ipsæ etiam inidoneæ sunt, quamvis constanter fateantur illa se fecisse, ita à diabolo infatuatæ. Si idololatria sit dicenda ejusmodi delusio, non satis equidem intelligo. Sin vero istes, sagas esse idololatrias, & tales mortis pœna afficiendos: quomodo eos cedo, qui mente sana ad aurum, argentum, saxa, ligna, & ad nescio quæ simulachra, resque vetitas & abominandas, necessitatis tempore confluunt, salutem & temporalem & æternam quæritantes, credentesque, à tam acerbo vindicaveris supplicio?

*Apostata.*

§ 25. Ut insuper criminali actioni hic pondus accedat, apostatas crimen in subsidium accititur. Ea autem nemini merito impingitur, quàm qui ab agnitæ veritatis mysterio sensu integro decivit, mordicusque assumptam impietatem pro ipsa veritate non modo tutatur, sed & hanc præfractæ oppugnat. Nostræ autem insipientes nullique noxiæ Lamiæ, quas mitius clementiusque tractandas ratus sum, tantum abest ut impietatem defendere conentur, quo etiam resipiscere, & publicam agere poenitentiam velint, admonitæ, rectius institutæ, & ab errore revocatæ. Nec talibus sinum præcludit Ecclesia, quam potissimum etiam spectat defensionis censura.

*Hinc facit  
Tarsi exemplum  
paulo ante  
propositum.*

§ 26. Homicidii præterea insimulantur nostræ Lamiæ. Fateor, si homicidii convincuntur, interficiendas juxta legem Moisaicam & jus commune. Atqui agnoscis eas exhibere res innoxias: ergo cum illæ ne hilum prorsus noceant, multo minus periment: non igitur criminis reæ sunt. Proinde nec hac ratione de iis capitis supplicium sumi debet. Si dixeris, in eis necandi esse animum & voluntatem, quamvis non respondeat successus: etsi hic responsum abunde putarim in fine proximi capitis, tamen hoc tibi adhuc objiciam, voluntatis delictum à Deo puniri, non, nisi in actum cœperit dirigi, à magistratu, cui exteriora saltem commissa sunt: alioquin quotidie eorum qui necem aliorum desiderarunt & voluerunt, ad carnificinam traherentur aliquot myriades.

*Lamia  
non sunt  
homicida.*

§ 27. Inde etiam defenditur, dæmones cum Lamiis revera carnalem explere libidinem, & inter scædos amplexus in familiari colloquio eas interrogare dæmones quæ volunt, & responsa quærere.

querere. Hoc etsi satis superque sit confutatum supra, ut non tam vanam illarum confessionem, quam stultam aduersariorum credulitatem mirer: denuò tamen tribus hîc respondeo verbis, diabolum spiritum, nec carnem, nec ossa habere, quæ ad hoc opus perficiendum desiderantur: organa desunt, nimirum penis testiculique: & materia, semen scilicet, ex sanguine & idoneo spiritu genitum. Scitè hoc ipsum D. Augustinus comprobat, dæmonem nihil posse, quod per instrumenta naturalia effici nequeat. Hunc actum ludibriosum esse demonstravi, qui tamen à quibusdam verè & realiter peractus esse contenditur, quemadmodum & choreæ, comestiones cum dæmonibus, & nescio quæ rerum ludibria, copiosè multis documentis tertio libro confutata: quapropter & ea repetere, quæ in rerum natura non sunt, longioremque disputationis telam contexere, profecto piget. Nihilominus illius quod imaginatione vel in somno contingit, ut scelus exaggeretur, & supplicii crudelitas aggravetur, collatio sit cum enormi flagitio: verè perpetrato: nimirum, quodd si is qui cum jumento concubuerit, morte sit plectendus ex Mosis decreto, quanto acerbiori pœna erit tollendus, qui opus illud carnale cum diabolo exercuerit? à minori scilicet ad majus producto argumento. Ego autem illud inverterim justius, videlicet à crimine imaginario, vel per somnum ex dæmonis artificio subdolè impresso, ad foedissimam spurcitiam indubitatè peractam, æquissimo judicio severiter puniendam. Nec minus absurdum est, quodd inter foedos amplexus (qui revera nulli sunt) in familiari colloquio dæmones rogent quæ volunt, & responsa quærant lamæ, id quod aduersarius inter cætera urget. At meræ sunt imaginationes, quibus veri nihil inest. Quodd etiam sæpenumero dæmon in specie canis, hirci, aliufve bruti animalis, sive speciem eorum assumpserit tantum, sive revera invalerit & obfederit, ad Lamias accedere, à plerisque feratur, ipse veras Luciani narrationes recentatur. Absurdus relationibus actiones criminales exaggerare, decet minimè prudentes, sed potius demonstrationibus sole meridiano clarioribus uti.

Luc. 24.

Imaginarius diabolus comendatur.

Ezech. 21.

§ 28. Cum adhuc in lupos linimenti virtute, vel si voles, diabolica arte momento se revera mutatas, & alia inunctione denud in homines transformatas constantissimè fateantur edentulæ anus,



læ anus, qua fronte aut impudentia quis realem metamorphosin defenderit? Si docuero, profundum somnum unguenti potentia inductum, & à diabolo somnorina ejusmodi simulachra interim impressa, quomodo phantasiam hîc illæsam esse quis pertinaciter reclamât? Similia à me confutata passim in his libris obvia, si hoc sit insanire, quid sapere sit non satis capio. Quorsum ea quæ natura non patitur, nunquam fuere, vel esse possunt, temerè admittam?

*Alios non  
seducere  
Lamias.*

§ 29. Nec certè prætermittenda silentio illa oppositio, quod alios seducant Lamix. Cum phantasia sint delusæ, quomodo alios seducere queunt? nisi phantasmata sibi falso à dæmone impressa pro veris actionibus, tanquam res gestas narrare, appelles seducere: quod etiamsi fit, esse quàm rarissimum, nemo dubitet: secus licet fateantur, quemadmodum & multa alia, quæ per somnia solum ipsis apparuere, & tamen pro veris defendunt. Quotquot vero hoc fascino sunt divexatæ, nullum universæ hujus delusionis agnoscunt alium magistrum quam dæmonem, suis illis technis deludentem. Quantum hæc virium in seducendo illis sit tribuendam, attestantur & iners sexus & stupida ætas. Si etiam apud illas quæ seducere & seduci dicuntur, diligenti attendatur animadversione eorum quæ in hanc rem fatentur, tam insulsa intelliges, varia nec cohærentia, ut utrasque in ea institutione fuisse deliras, nec mentis compotes, & à dæmone agitatæ obsessasque, imò ipsum satanam in eisdem locutum, facile agnoscas, si veritatis æquilibrium spectes solum, sepositis affectibus, perversæ opinionis jamdudum imbibitæ præjudicio obfirmatis. At lamias, in fœderis contractu pollicitas esse, quod in hanc societatem alios quoque traducere satagent, dices. Nimis profectò multis diversisque supra docui testimoniis, pactiorem illam esse phantasticam, & varia simul in ea agitari tum de vetularum volatu, tum de coitione dæmoniaca, tum de transformatione mox dicta, tum de reliquis ad nauseam non repetendis, quæ ipse velis nolis, falsa & imaginaria esse fateberis.

§ 30. Mirum est quoque hic ad actus criminales agglutinari, quodd vetitas monstrosasque ediscant artes Lamix: cum nullas certè norint. Sunt etenim indoctæ, vetulæ, deliræ, mentisque nimis quam stupidæ: unde & à satana citius delusæ, quibusdam apparitionibus, umbris, præstigiis & inanibus imaginationibus fixæ, velut

velut bis pueri senes, quæcunque ludibria pro veris amplectuntur. Eo autem pertinacius hoc urgetur argumentum, ut cautius nostræ Striges possent illaqueari damnarique decreto promulgato, L. multi. C. de maleficis & mathematicis. Vtrum hoc illas non concernere, ostendi tum alibi tum in epistola priori ad Brentium. Qui vero artes curiosas magicalque exercuere, magi fuerunt prophani, qui & libros habebant, flammis postea traditos jure, ex Pauli doctrina, Actor. 19. Quoscumque hujus factionis homines condemnat Moses, & lex Imperatoria.

*Supra  
l. vi. c. 3.  
in libro  
Apolog.  
Supra  
l. vi. c. 2.*

§ 31. Huc item pertinet, aliquem occidi posse diris imprecationibus, infandis carminibus, dæmonum invocationibus, & exorcismis, non citra rationes multas me fortiter pernegare: quemadmodum & stupidas nostras Lamias nunquam iis frivole inutiliterque uti, sed magos quos descripsi infames, ipsosque divinatores, iisdem esse celebres famososque citra magistratus castigationem, etiamsi alios in perverfas ducant opiniones, lites accumulent, & cædes struant, vicissim asseveranter concedo.

§ 32. Præter hæc, qui Lamiarum phalarides diriter construere satagunt, spiritus immundos quoque ab illis in alia corpora immitti contendunt: quod fieri omnino non posse, lib. iv. cap. 18. satis convictum arbitror.

§ 33. De rebus incantatis, quod etiam objicitur, libere dictum volo, eas nullum dare damnum, nisi naturali virtute venena sint, nec quicquam operari extra vim in rerum primordiis à Deo inditam.

*Res incantata.*

§ 34. Ut crimine adhæc magis onerentur sagæ, subnectitur, dæmones sæpe non cogituros, quæ incitati & exorati à Lamiis tentant, & Deo permittente perficiunt. Quasi vero illi non propria malitia ineffabili continuo advigilent, nocte diuque nos circummeantes, velut rugientes leones, quærentesque quibus noceant, & quos devorent. Sed & non modo quæ insatiata anus desiderant forte, nequeunt illi: Vtrum etiam multa quæ ipsi velint, naturali impotentia, vel inhabilitate, non possunt, veluti res novas creare, vel creatas vere immutare, aut cum hominibus concumbere, & id genus reliqua: & quæ quidem possunt, non semper permittuntur. Quinimo ipse subtilissimus spiritus stupidarum muliercularum phantasiæ ingerit, ab ipsis non se excitatum talia effecisse, sed illas ipsas perpetrasse, quæ vel ipse præstitit, vel

*Vide supra lib. 3. cap. 35.*

*Lamias  
pati, &  
non agere.*

aliunde acciderunt: unde pati eas, & non agere, dicendum esset. Nec sane credendum, iustissimum & misericordissimum Deum aliquid ex maleficanæ anus phantasia, aut voluntate (si ita voles) concessurum, & non iusto suo iudicio, & decreto in æternæ consilio trinitatis pronunciato. Quocirca calamitatum satanicarum auctores esse striges nostras, vel instrumenta, nondum est convictum. Neque hic locum habet: Non innocens est, qui iubente alio interficit hominem.

§ 35. Hic ad objectiones quasdam, ut obviæ fuerunt, obiter nonnihil dictum: quid desiderabitur, suis locis passim per hos libros dilutum comperies, veluti & quod in redarguendis hujus argumenti vanis Paracelsi & Joannis Campani opinionibus requiretur.

§ 36. Si quos adhuc immodestius adversus me suas eructare calumnias lubeat, ad æqui Lectoris censuram provoco.

§ 37. Quod maleficas mulieres non magis pœna dignas me existimare dicatur, quam ex melancholico, vel alio quodam morbo desipientes, sit mihi injuria, & a calumnia me liberabit præcedentis capitis initium, ubi de illis loquor, quæ mentis errore à diabolo affectæ, nec ulli fuerunt noxiæ, quomodo sint reducendæ, & quæ eis statuenda pœna. De his quæ aliis damnum dedisse comperiuntur, ut pro criminis qualitate & magnitudine ex legum decreto supplicium sumeretur, perpetuo mea sunt sententia. Si quis interim sanguinis infantis sitientior omnes nervos viresque in hoc extendat, quibuscunque conquestis rationibus, ut citra ullum commiserationis momentum nostras Lamias à dæmone illusas, phantasia vitiatas, nec ulli noxias, æque ex Mosis & Imperatoris edictis non modo puniri debere, sed & diriter torqueri perdique, contentiosius urgere pergat, & magistratui in hoc negotio nimis sæpe inhumano falces flammalque subministrare mordicus velit, is ut in suo abundet sensu, sitimque expleat, per me sane licet: quorsum multa contentione opus est?

§ 38. Sufficit mihi ingenuæ sententiam proposuisse meam, quæ à consuetâ punitionis atrocitate, quæ citra iustam veritatis inquisitionem, & exactam circumstantiarum trutinam, hæctenus indiscriminatim exercita nimis, aliquam commoustrare viam conatus fui: testis ille quem nihil latet. Si operæpretium fuerit præstitum, cum iudicio admittant prudentiores & pii: Sin minus, bene volenti

volenti ignoscant. Medicum me esse agnosco, non caularum forensium judicem. Proinde neque hic, quin à me plerique dissentiant, recusare aut possum, aut volo. Verum à disceptationibus & continuis litigiis naturæ ductu abhorreo, quæ illis qui iisdem afficiuntur, relinquo libera. Si qui itaque ejusmodi altercationibus delectati, adversus me quicquam adhuc olim moliuntur, responsi nihil se posthac à me expectaturos sciant, ne ex meo silentio victoriæ trophæa sibi polliceantur.

*Diluitur sententia Georgii Pictorii, qua Lamias ille crudeli morte puniendas esse, defendit.*

## C A P. XXV.

**A**Rgumenta, quibus Georgius Pictorius medicus, in libello de Sublunariis dæmonibus, defendit, Lamias inclementer vel igne vel alio quovis tormento esse tollendas, sparsim in his nostris libris tam solide confutata esse arbitror, ut supervacaneum certe judicem, illi vel paucis respondere, vel plura his adjicere. Enimvero earum phantasiam à dæmone vitiatam esse, ut neminem nisi opinione læserint, satis superque demonstratum est. Quemadmodum etiam manifeste ostendi, dæmonem, uti spiritum, ossibus, carne & halituoso humore, quæ in actum venereum requiruntur, carentem, cum fœmina congredi neutiquam posse.

*Organi  
nulli ubi  
necesse ubi  
desunt,  
desidera-  
tur esse  
illi.*

§ 2. Quod tamen Pictorius hic negat, & se Augustini & Conciliatoris sententiæ præferre ait cujusdam Marci testimonium, qui insignis satanæ cultor, in Cherfonneso vitam egit solitariam Michaëli Psello familiaris: atque dæmones genitalia habere, & fecundos esse semine, docuerit: Quod hi salaces istis deformissimis pecoribus (sic Lamias appellat) generandi studio in locellos infundunt, & proles excitant, sed nostris dissimiles, & nanos ferme simias referentes. Unde hæc Marcus novisse potuit, nisi quod, dum familiariter dæmonum consortio uteretur, in ea forma ab ipso descripta, oculos illius deluserint, & præstigiis umbram pro re objecerint, aut ejus phantasiam, ut & Lamiarum, hujusmodi suggestionem vitarint? Debuit adhæc, ut philosophus, considerare, omne semen generare suum simile. Quorsum ergo nani ex dæmonum,

num, qui spiritus sunt, semine gignentur? quæ eorum similitudo? in quibus conveniunt? in quantitate ne, aut in substantia? simiasne itidem referunt in generando dæmones, in formam norunt mentiri quamcunque, etiam angelorum lucis? Si procreandi his potentiam tribuere voles, malos gignent genios vel spiritus. Analogiam etenim rerum hic statuere oportet. Accedit quoque immortalitas, qua ratione à creationis primordiis in tam numerosam excreverint sobolem ad hoc usque seculum, ut nihil præter has larvas nostris sedulo obversari oculis, nec usquam hominem ab harum infinitis myriadibus secutum fore, non mirum sit. Hanc sententiam qui convellere volet, rationes adducat, quibus, ut nugis his, imo apertissimis mendaciis credam compellar. Demiror sane, doctum virum hic sibi illudi, sensulque perstringi sine.

§ 3. Aliam insuper punitionis occasionem nimis frivolum adjungit, quod harum Erynnarum numerus in tam immensum excreverit pelagus, ut ab earum incantationibus tutus degeret nemo, nisi comburerentur. Imo nusquam ab harum læsione securius vivitur, quam ubi hæc victima locum habet nullum, nec eæ igni mandantur: nimirum ubi diaboli dolus, artes & præstigiæ, quibus nocte diuque in suam illicere narsam homines incredulos, vel modicæ fidei satagit, innotuere: ubi in cunctis afflictionibus Deus omnipotens, justus & misericors cognoscitur imploraturque: ubi ad Christum unicum diaboli supplantatorem, ejusdemque regni strenuum everforum confugitur: ubi ordinata à Deo media non negliguntur: ubi quod solius divinæ majestatis est, salutæ aut malevolæ animi non attribuitur.

§ 4. Ad Ludovici Milichii censuram de Lamiarum pœnis, uti quoque ad Jacobi domini in Lichtenburch judicium, abunde toto hoc Libro responsum esse existimavi, ut frequentiori repetitione minime opus esse sentiam.

### *Veneficarum pœnæ.*

C A P. XXVI.

*Veneficarum pœnæ.*

**N**on alio torquenda erit lex Cornelia; quam in veneficas, Quæcunque enim fœminæ morbos, sive mortem, aut jacuram, alicujus veneni potentia cuiquam induxerunt, Venc-

Veneficarum nomen & punitionem merentur : atque his pro criminis qualitate poenam vel aggravant , vel moderantur leges. Quemadmodum si quæ philtro vel amatorio poculo apud præcos, amafios , aut alios , amorem extorquere contendunt , eosque interrim vel dementant , vel morbis excruciant , non tamen vita orbant : iis noxæ magnitudinem & voluntatis studium , poenæ gravitatem vel moderationem præscribere justum est. Quod de quocunque illato rerum dispendio dictum semel volo.

§ 2. Lex Cornelia de sicariis & veneficis sic habet: Qui venenum malum necandi hominis causa fecerit , vel vendiderit , vel habuerit , plectitur. Ejusdem legis poena afficitur , qui in publicum mala medicamenta vendiderit , vel hominis necandi causa habuerit. Et ex Senatusconsulto relegari ea est iussa , quæ non quidem malo animo , sed malo exemplo , medicamentum ad conceptionem dedit , ex quo ea quæ conceperat decessit. Alio Senatusconsulto effectum est , ut pigmentarii temerè cicutam , salamandram , aconitum , pityocampas , mandragoram , cantharidas , aut quid lustramenti causa dantes , poena teneantur ejusdem legis. Ante Q. Fabium Maximum ædilem Curulem in nullam de veneficio fuisse inquisitum , supra ostendi libro. III. cap. III. ubi & veneficarum poenæ exemplum.

*Lex Cornelia. ff. lib. 45. tit. 8.*

§ 3. Porro fœminas ab initio ad veneficium fuisse procliviores viris , gravissimi testantur authores. Refert Diodorus libro quinto de Antiquorum gestis , Hecatem fœminam omnium primum aconitum invenisse , & ad venena mortifera conficienda summum studium operamque impendisse. Quin apud Romanos fœminæ veneficiis primum usæ sunt , ut testantur Livius libro 8. & Valerius lib. 2. tit. de Institutis antiquis : & nonnihil D. Augustinus libro de Civitate Dei 3. cap. 17. Plinius autem lib. 25. cap. 2. scribit , scientiam fœminarum in veneficiis prævalere. Quid enim ( ut subdit ) non replevere fabulis Colchis Medea , aliæque in primisque Italica Circe , diis etiam ascripta , quemadmodum & Thracia apud Thraces , quorum regioni & nomen dedit?

*Fœmina ab initio ad veneficium proclivior.*

*Valer. l. 2. cap. 16.*

§ 4. Sed & præter istas , apud Horatium nunquam non videbis magas & veneficas mulieres memoratas: Gratidiam , quam & Canidiam appellat , Saganamque & Vejam Neapolitanas , Foliæ Ariminensem , & alias : viros autem neutiquam. Quin & apud alios scriptores , plures etiam alias reperies : Mycalen scilicet ,

Ovid in  
epist.  
Sapphus.

cet, Erichthonen, Dyspadem, Eriphiam, Guthrunem, Gygen illam Parysatis matris Cyri famulam, Martinam quandam Cornelio Tacito memoratam lib. 2. Annalium, & Locustam apud eundem, ad finem propemodum lib. 12. & alias ferè infinitas. Vetus est proverbium de mulierum veneficiis, *θεσπιάων γυνή*, id est, Thesfala mulier, Suidæ memoratum, quo scilicet utimur in veneficis mulieres: quoniam ea gens, & præsertim scæminæ, præ cæteris hoc nomine sunt notatæ. Quintilianus libro 5. Orator. instit. tit. de Argumentis: Latrocinium, inquit, facilius in viro, veneficium in scæmina credam.

§ 5. In Perside veneficos plecti, ut in amplo lapide caput impingerent, rursusque alio superinducto lapide illud effringerent, fertur. Quid autem hic statui debeat de iis, qui venena in hominum vel pecorum perniciem appararint, sive mares sive scæminæ sint, prudentis Magistratus æquitati & iudicio relinquendum censui: ne sibi extra professionis mæ limites quicquam præjudicari queratur ille, cujus ordinationem à Deo esse testantur literæ Sacræ. Sententiam tamen incomparabilis prudentiæ Atheniensium Arcopagitarum raram, consilioque certè maturo pronunciatam adversus veneficam, tanquam iudicii deliberati discretique exemplum, colophonis loco ex Aulo Gellio subungere volui: cujus hæc sunt verba.

Lib. 12.  
cap. 1.  
Val. Pa-  
llium.

§ 6. Ad Cn. Dolabellam, pro consulari imperio provinciam Asiam obtinentem, deducta mulier Smyrnæa est. Eadem mulier virum & filium, eodem tempore, venenis clam datis, vita interfecerat. Atque id fecisse confitebatur: dicebatque se habuisse faciendi causam, quoniam ille idem maritus & filius, alterum filium mulieris ex viro priore genitum, adolescentem optimum & innocentissimum, insidiis exceptum occidissent. Idque ita factum esse, controversia non erat. Dolabella retulit ad consilium. Nemo quisquam ex consilio sententiam ferre in causa tam incipiti audebat, quod & confessum veneficium, quo maritus & filius necati forent, non admittendum impunitum videbatur: & digna tamen poena in homines sceleratos vindicatum fuisset. Dolabella eam rem Athenas ad Arcopagitas, ut ad iudices graviore exercitatioresque rejecit. Arcopagitæ cognita causa, accusatorem mulieris, & ipsam quæ acculabatur, centesimo anno adesse iusserunt. Sic neque absolutum mulieris veneficium est, quod per leges non licuit: neque

que nocens damnata punitaque est, quæ digna venia fuit. Ex Valer. Max. libro VIII. cap. 23. scripta hæc historia.

*Iuridica anacephalaosis de Lamiis.*

C A P. XXVII.

**I**Am tandem Lamiæ earum rerum omnium quæ illis ascribuntur passim, nec naturali ratione, nec in factis causas esse, comprobatum satis arbitror. Nam si quid ejusmodi hæc efficiunt, utique possunt etiam. Actus enim præsupponit potentiam. Si vero posse concludere volumus, definiendum omnino prius est quo modo, quaque ratione possint. At neque per se, neque per incantationes, neque per dæmonem, neque dæmones per ipsas ea præstare queunt.

*Lamiæ  
sæpius  
pos-  
sunt,  
quod  
creduntur  
facere.*

§ 2. Per se quidem ipsas non posse, triplici ratione demonstravimus. Quæ enim ad omnem actionem, siue simplex illa sit, siue certo fine fiat, requiruntur, agentis nimirum facultas, aptitudo patientis & subjecti, conveniens & possibilis applicatio, tribus his planè carent. Nam quod ad ipsas spectat, mortales sunt: quorum omnis facultas cum ex analogia consonantiaque corporis & animi pendeat, hoc quidem nihil nisi intelligere & velle: illo verò tantum possunt, quantum terrenorum sensuum termini patiuntur. Itaque nec ad superiora sua potentia pertingunt, nec quicquam omnino possunt operari, quod sensibus non respondeat.

*Per se n. n.  
possunt.*

*Agentis  
facultas.*

§ 3. Sicut enim diximus, ad efficiendum aliquid, vel ad effectum producendum in aliquid, necessaria prorsus est virtus ac potentia causæ efficientis, haud secus atque *ἡ φύσις*. Quantum etiam attinet ad id in quod agere creduntur, hac ipsa ratione fieri non potest ut terram concutiant, nubes dissolvant, grandines provocent, ventos cicant, imbres inducant, fulmina evocent, tonitrua eliciant. Nullus enim vel noster esse potest actus vel alterius agentis, nisi in patiente apto, beneque disposito. Non est autem ea aut universitatis ratio, aut elementorum conditio, ut homines in ea vel agere possint, vel ea ratione possint qua lamix creduntur, ut superioribus libris latius explicavimus. Per incantationes igitur multo minus hæc consequentur. Nec

*Subiecti  
inaptitudo.  
L. si adro-  
gator. D.  
de adopt.  
l. jurispe-  
ritos. §.  
cum ori-  
undus. D.  
de excus-  
tus l. pu-  
pill. D.  
de tut.  
& cur.  
Alex.  
C. inf. l. 23.*

Z z z 2

vero

vol. 1. l. in omnib. 2. D. de oblig. et. aff. l. 1. C. de her. instis. l. si ego 1. D. si cert. petat. 2. §. hoc autem qui scind. dare poss.



vero causato, ut loquimur, plus virtutis inesse potest, quam ab influxu beneficioque suæ causæ proficiscitur.

§ 4. Incantationum carminumque causæ sunt lamiae, & ii qui iis utuntur, quemadmodum verborum omnium, quorum quis sit effectus, Aristoteles in secundo de Anima subtilissimè docet. Lamias autem hæc augendi nullam habere vim, nullam facultatem, jam ostendimus. Ergo nec incantationes talium effectuum sunt causa, nec Lamiarum potentia suffragatur illa regula: Quicquid est causa causæ, etiam est ejus causa quod causatum dicitur.

*L. esp. a.  
micit.  
D. ad l.  
Int. de ad-  
nis. D. d. l.*

*L. fin. D.  
de flu. l.  
ant. fella.  
§. fin. D.  
de sent.  
rust.  
Macrob.  
in Som.  
Scip.*

Etenim licet priora duo quæ in omni actione requiruntur, non decissent, tertium tamen hic deficere videmus. Incantationes enim non esse medium aptum inter homines & corpora cælestia, aliis in locis docuimus. Itaque vel hoc ipso totum negotium non solum impediretur, sed nec institui posset. Medium enim inhabile & inconveniens, impedit ut extrema vel jungantur, vel in agendo quid consentiant. Nisi fortè cum Platonici constituamus, mundum hunc esse quoddam animal quod etiam sentiat, & aures oculosque habeat: cumque Pythagora, cantibus cum delectari & moveri.

§ 5. Sed nec per diabolum eas hæc præstare ostendimus. Nam ut concedam etiam, quod aut diabolus incantationibus suis possint cogere, aut diabolus hæc sponte faciat, cum invocatur ab illis: tamen nec ad id agendum compellere, nec illud per ipsum possunt efficere, quod in ejus potestate non est. Licet enim ipse & omnia quæ commemoravimus, & multa alia possit, quæ nobis miracula modo sunt, modo videntur esse: non tamen ea præstare potest, quæ vel ipse, vel homo vellet: nec eo momento, quo vel ipse cuperet, vel clientes optarent & juberent: sed ea quæ vult summus Deus, & tum demum cum illi placuerit. Itaque, si quando post incantationes id quod volunt consequatur, quia non ex libito, imperioque dæmonis aut illarum procedit, sed ex voluntate jubentis aut permittentis Dei, quæ nullius aut spiritus aut hominis non solum in potestate, sed etiam in scientia est: fortuitum (si ita voles) id & hominibus & dæmonibus esse oportet. Quare nec magis eorum causa sunt, quam omnium rerum quæ non à nobis fiunt, sed fortuito nobis licet optantibus accidunt. Nec denique diabolicæ naturæ vis objectionem illam nobis subministrat, idem esse sive per se, sive per

per dæmonem ea quæ ipsis attribuuntur, faciant Lamix: nec differre, utrum effectum producant, aut causam immediate præbeant.

§ 6. Postremum est, quod dici posset, dæmonem per anus hasce quæcunque supra diximus, operari, ut miseræ Lamix causæ sint instrumentales. Quasi vero milleartifex earum egeat opera? Sed ut hoc non sit, quis non videt inepta prorsus ad cælum, ætrem, nubes ac ventos commovendos edentulas anus esse organa? Ne igitur illos nequam spiritus tantæ putemus & insipientiæ & inertix esse, ut has adeant: & naturam eo recidisse, ut per eas moveatur. Ad agendum enim aliquid, instrumenti convenientia requiritur, & habilitas. Quanquam etiam, si Lamix dæmonum ad ea quæ Deus Opt. Max. iis permittit efficienda, necessaria essent, aptaque organa, quam inde poenani mererentur miseræ? Primum enim hoc eas pati videremus: Ergo minime facere. Simul enim hæc non concurrunt. Tum etiam certum est, ex causa instrumentali actiones non censerī, nec finem eorum quæ fiunt, ab organo dependere. Argumento l. qui mihi donatum. D. de donat. Finis autem in maleficiis tantummodo punitur. l. divus. D. ad l. Cornel. de sicar. Atque his propemodum rationibus fusius explicatis, firmissimisque argumentis stabilitis, per naturam rerum, testem veritatis optimam, fieri non posse declaravimus, ut quicquam eorum quæ dicta sunt, Lamix vere possit. Quod primum est argumentum, eas quoque nihil ejusmodi facere.

§ 7. Secundum erat ex facto petatum, quod optimum veritatis fundamentum est: quia veritas est certæ rei notitia, habita maxime per visum. Usu autem ipso deprehendimus, hos effectus falsissime Lamix tribui. Non solum enim illæ calamitates, quarum causæ dicuntur esse, durant, atquo adeo redeunt, postquam jam è medio sublata, in cineres redactæ sunt: sed ibi quoque tam crebræ tamque vehementes, quandoque sunt, ubi lamiarum nec potentia nec nomen cognita sunt. Effectus autem non debet ascribi causæ, qua remota, idem nihilominus contingit. l. conditionibus pupillis, in pr. D. de condict. & dem. argumento l. antep. D. ex quibus causis major. Cessante enim causa, necessario quoque cessat effectus. Cum ergo ex facto habeamus, lamias neque per se neque per alium hæc efficere: sed alium absque illis, hoc est vel Deum a pueris, vel diabolium, summi & omnipotentis Dei permisso: profecto nec æquum est, ut aut ex facto alieno onerentur, aut ibi

l. is dem num. D. de reg. jur. l. §. de cessante. D. de vi & vi arm. l. nihil interest. D. ad l. Cornel. de sicar.

Instrumenti habilitas. l. §. ceterum. D. de Acq. poss. l. Vramus. D. de fideiuss. l. testium. C. de test. Bald. 7. col.

Experientia docet, lamias id non facere, quod eis impossibile videtur. gl. in Auth. de missr. cautel. in prin. l. adigere. 9. quamvis. D. de jur. patron. c. cum cessante, ext. de appell. l. in causa. D. de precum.

*l. utime  
pater-  
num. D.  
de pan.*

*l. mul-  
tum. C. si  
quis alie-  
ri vel sibi.*

*Nec nisi  
possibile  
probitur.*

pœna sit, ubi noxa non est. l. sancimus. C. de pœn. Satis est ut unusquisque ex suo admissio forti subjiciatur. Cum vero natura sit impossibile, ut non modo lamia, sed & reliqui homines ejusmodi rerum causæ sint efficientes: nostrum sane non est, in præjudicium alterius id esse possibile defendere. Neq; vero de jure quid est possibile, quod natura sit impossibile. l. i. gl. i. filius D. de condit. instit.

§ 8. Et nihil est certius, quam defectum potentia non solum actum, sed etiam actus præsumptionem impedire. Quam etiam ob rem non quæ quis aut voluisse dicitur, aut potuisse probatur, attendunt judices: sed ea quæ quis commississe & fecisse demonstratur, quæque per naturam rerum tam in potestatem quæ voluntatem hominis cadunt. Quod adeo verum est, ut etsi quis vel sponte vel aliter confiteretur delictum, quod aut simpliciter committere non potuit, aut certis de causis naturaliter commississe non videtur: tamen ex eo puniri nequeat. Confessionem enim & verum possibile continere debere, supra docuimus. l. inde Neratius. D. ad l. Aquil. c. fin. de confess. in 6. & ibi gl. l. i. C. de confess. ibi Bal. Et Angelus conf. i 16. vol. 4. refert, mulierem quandam confessam, se marito venenum propinasse, ex eoque illum interiisse, ex tali confessione condemnari non debere: quia judicio medicorum non erant lethalia pharmaca, quæ se dedisse confitebatur.

§ 9. Anno quoque 1563, viderunt filii mei Patavii puerum rapientem in foro poma ab invita muliere, leviter virga in dorso percussus, statim concidisse mortuum. Non tamen verisimile erat, ex eo mortuum. Difficillimum namque medicis videbatur. Impossibile autem & valde difficilium idem propemodum est in jure judicium. l. apud Julianum. § constat. D. de leg. i. Quod etiam ad lamiarum spectat patrociniū. Ut enim fieri posse per eas concedamus, quæ posse creduntur: quid tamen iis ipsis homini esse posset difficilium? Vix igitur etiam vero sunt similia. At quod verisimile non est, attendi non debet. c. quia verisimile. De Præsumpt. l. fin. in prin. D. quod metus causa.

§ 10. Adhæc cum de causa calamitatum earum, quas lamiis impingimus, certo non constet, hoc unum miseras etiam excusaret, quod multiplices ac variae earum possint esse occasiones & causæ. Effectus enim qui multiplici ex causa colligi potest, iustiori semper ascribitur. c. estote, de reg. jur. in antiq. Nec in dubio delictum omnino præsumitur. l. i. C. ad l. Cornel. de sicar. Jam vero

*Causa s-  
nales cau-  
lamita-  
tum qua  
Lamiis  
imputan-  
tur. c. ca-  
tero. de  
homicid.  
gl. i. &  
Paner.*

vero cum & de remota constet, & de propinqua, quæ propriæ causæ appellatione continetur, non solum innocentes affligerentur respectu nocentis, quo nihil est periculosius (l. fin. infr. C. de his qui latr. l. prægnantis. D. de pœn.) sed ipsi quoque Deo summam injuriam inferremus, si manum ejus non agnosceremus: hoc est, si quæ nobis vel ad pœnam, vel ad probationem, vel ad monitionem immittit, ea vel ab alio quam ipso, vel ob alias causas quæ legitimas, vel per alia media quam quibus à mundi primordiis usus fuit, proficisci, & nobis imponi crederemus.

*Injuria  
Dei qua  
modo fit.*

§ 11. Non obstat igitur l. eorum, nec l. multi. C. de maleficis & mathematicis. Nec earum auctoribus Divo Constantino Constantioque fit injuria, licet alioquin legum emendationem summè vitandam esse non negemus, l. præcipimus. infr. C. de appellat. Nam cessante ratione legis, cessat lex. l. quod dictum. D. de pact. l. adigere. §. quamvis. D. de Jur. patron. Ratio enim est anima legis. l. cum ratio. D. de bon. damn. c. ratio nulla. infr. ext. de præbend. Ex ratione lex omnis interpretationem accipit. l. cum pater. §. dulcissimis. D. de leg. 2. Doctores ibi. In l. multi, dicitur, multos artibus magicis elementa turbare, vitam infantium labefactare, manes accire posse. In l. eorum, dicitur, maleficos, morbos, imbres, grandines, ventos & remove posse, & avertere: nec eos esse puniendos, qui incantationibus utuntur ad finem boni, sed eos qui ad finem mali. Bart. & Salyc. in sum. Atqui jam & ratione, & experientia, & auctoritate probatum est, nihil istorum vere per homines fieri. Correcta ergo ratione legis, correctæ mihi videtur lex. gl. ord. in l. 1. in verb. Providentia. D. de legit. tut. & in l. qua ratione. §. literæ. verb. Directam. D. de acq. rer. dom. Rationes autem non leves, quod tempestates & aërem commovere non possint Lamix, Libro 3. cap. 16. adduximus.

*Bart.  
conf. 6.*

*Ratio ani-  
ma legis.*

*Leges de  
maleficiis  
an secum  
habeant.*

§ 12. Experientiam supra attigimus, nec certiorē habere possumus, quam è Libro quarto, quem ex meris prope composuimus exemplis eorum qui cum vel dæmoniacis, vel naturalibus morbis ac vitiis laborarent, maleficio tamen Lamiarum affecti credebantur. Sed & illa clarissima est, quod quæ posse videntur inducere & accire, nulla vi remove possint, atque abigere: quemadmodum etiam nec magi infames quidem valere, id quod supra in Pharaonis magis notavimus, qui nec ranas nec cyniphes pel-  
lere, nec cavere sibi potuerunt, quin ulceribus affecti, suarum  
artium

*Lev. 1. c. 8.  
Exod. 9.*

*l. si bona  
fidei. D.  
de nox.*

artium vanitatem detegerent. Ut enim facere videtur, qui cum possit, non prohibet, l. adigere, in prin. D. de Jur. patr. ubi gl. ita non facere, qui cum velit, non potest. Per spiritum Dei non poterant. Quod si per ipsos stetisset quo minus abigerent, potuissent non incitariemur. Idem hoc est, aliquem posse, vel stare per ipsum quo minus possit.

*Leges ha  
ex opinio  
ne vulgi  
scripta.*

§ 13. Restat autoritas, quam habemus maximam ex concilio Ancyrensi, 26. q. 2. c. Episcopi. Nec minorem à sanctis Patribus eorumque canonibus. 26. quæst. 2. c. illos. c. ex tuarum. c. fin. ext. de Sort. ubi Glossæ, & Doctores: qui omnes expresse testantur, hæreticum esse, qui credat huiusmodi per magos ac sortilegos fieri posse. 26. quæst. 4. c. igitur. § plane. de hæretic. in. 6. quia tribuit creaturæ, quod uni solique Deo convenit. 26. quæst. 2. c. qui sine Salvatore. Joan. And. in rub. ext. de Sort. & c. 1. cod. Panor. Andr. Sic. in conf. 55. Oldr. in conf. 210. Quæ cum ita sint, legum illarum verba non eo sunt torquenda, quasi Christianus Imperator, vel ipse crediderit, vel alios credere voluerit, ejusmodi siue miracula siue calamitates ab hominibus per malas magicasve artes edi ac perfici: sed ita potius accipienda, quasi desumpta & scripta ex opinione vulgi, & secundum communem loquendi formam: quam quidem observant & retinent plerumque legum latores. Id quod ex l. nullus. eod. tit. aliisque ll. optime patet. Etenim leges legibus conciliare modis omnibus debemus. l. uni. C. de in off. dot. Quanquam si autoritatem spectemus, quis est qui ambigat, in hoc negotio juri divino summam tribuendam & fidem & reverentiam? In causis enim definiendis, iis præsertim quæ spectant ad animum, ejusmodi nostra est, dicta Patrum & Canonum, legibus sunt præferenda. Panor. in. c. super illa. de secundis nuptiis. neque leges ipsæ dedignantur sacros Canones imitari. Auth. ut cleric. apud proprium episc. in fine.

*Voluntas  
Lamiae-  
rum.*

§ 14. Cæterum adversus ea quæ diximus pro defensione duarum istarum ll. instabunt fortassis & Molitor & alii, licet Lamias nihil eorum quæ dictæ ll. exprimunt, aut posse aut efficere concedatur, cupere tamen & velle afficere: Eadem autem severitate voluntatem sceleris, qua exitum, esse puniendum. l. quisquis, in prin. D. ad l. Jul. majest. l. si quis non dicam. C. de episc. & cleric. Illud vero primum exceptione clarissima possem elidere, quod nullam aliam ob causam miseras & infontes anus vel capi vel plecti fatean-

ur

rum oportet, quam quod ejusmodi quid vel fecisse vel procurasse credantur: alioquin proprio se jugularent gladio. Nec enim aliter legitime non modo condemnari, sed etiam torqueri possent. Secundo respondeo, illam juris regulam, In maleficiis voluntatem spectari, non eventum, l. divus. D. ad l. Corn. de sicar. præterquam quod varias habeat limitationes, hic quoque non adduci posse. Est enim voluntas illa, potentia facto proxima: & maleficium nihil aliud, quam malum hominis factum. At facit, qui facere potest: & id facit demum, quod fieri per ipsum potest. Unde nihil aliud illa definitio denotat, quam paria esse, delinquere, vel delictum attentare. Dictis ll. l. is qui cum telo. C. de sicariis.

§ 15. Lamias vero nostras hæc non posse, sæpe multumque demonstravimus. Itaque nec facere quid ejusmodi (defectus enim potentia impedit actum) nec velle censendum est. Neque vero quis id velle videtur, quod non potest. l. Lucius. §. Impp. D. ad municip. l. si tibi. §. unius. D. de opt. leg. c. cum a nobis. de sentent. excom. Quæ igitur horum facinorum voluntas in Lamias cadit, si modo voluntas judicanda sit, non nisi vana esse potest & debet. Inanis enim est voluntas, nisi facultas adsit, & potentia. l. nolle adire, in prin. D. de Acq. hæc. & ibi notat. Alex. l. pater Severinam, in prin. D. de cond. & demonst. Nihilque est aliud quam vel puerilis animi persuasio, vel fallax opinio, vel simplex destinatio, quæ in viventium actionibus sola nihil efficit. l. si nondum. C. de furt. Vel cogitatio tantum, qua cum nihil sit liberius, ejus nemo poenam patitur. l. cogitationis, D. de poenis. c. cogitationis. distin. i. de poenit. l. si fugitivus. l. sæpe, in fin. de verb. sig. d. l. inficiando, in prin. de furt. Propositum enim in mente retentum, nihil operatur aut in publicum, aut in privatum alicujus detrimentum. Ideo cogitatio flagitiorum quorumlibet impunita manet, quæ quis & aggredi & perficere potest. Bald. in l. non ideo minus. C. de accusat. cum suis terminis contenta est: c. cogitatio non meretur, distin. i. de poenit. Quanto magis earum rerum quæ & naturaliter impossibiles sunt, & in nullius hominis potestatem cadere possunt?

§ 16. Enimvero hujusmodi cogitationes ac desideria non hominis sani, sed amentis revera sunt. Sanæ mentis voluntas, rei possibilis est voluntas. In ea paria sunt, nolle, & non posse. lib. 111.

A a a

C. de

d. i. multum. C. si quis ait. versib.

Voluntas, destinatio, cogitatio maleficia.

*Lamia  
constitutes  
ea qua sibi  
imponun-  
tur amen-  
tes sunt.*

*Bald. in  
l. i. col. 5.  
C. de sacr.  
eccl'es.  
Aristot.  
in Ethic.*

C. de hæret. instir. l. i. §. usus. D. de procur. Amens autem & ratione caret, & voluntate. Itaque nec dolus in eo præsumi, nec culpa quidem ei qui suæ mentis non est, imputari potest. l. sed et si. §. i. D. ad l. Aqu. Lamia autem nostris tum ætatem decrepitam, tum ex miseria desperationem, tum phantasie vitium, tum pharmaca furorem inducentia, tum dæmonem ita penitus omnem eripere mentem docuimus, ut quæ nec fecere, nec potuere, fecisse tamen se confiteantur, seque ipsas in apertam præcipitent sua sponte mortem. Quod nemo sanus, quantumvis fortis, unquam fecerit: quia voluntas ejus talis est, qualis esse debet. Est autem omnium terribilium maximè terribile mors. l. ultimum. D. de pœnis. Furiosorum illud est; amentium, ac infantium. His nullum omnino delictum imputatur. l. infans. D. ad l. Corn. de sic. Non si committant quod perduellionis & majestatis rei. l. famoli. D. ad l. Jul. majestatis. Cur ita? quia judicio carent: hoc est, ea voluntate quæ in maleficiis spectatur & punitur. l. qui injuriæ. l. fin. l. verum est. D. de furt. Quam etiam ob causam ut maximè Lamia nostræ possint quæ facere creduntur, & faciant quæ posse dicuntur: nihilo tamen magis puniri possent, quam illi: quia non minus illa voluntate carent malefaciendi, quæ pœnam meretur in maleficiis tantum, dictis l. l. si servus, §. et si puerum. D. ad l. Aquil. l. si quis testamentum, in fin. D. de furt. Hic enim locum haberet illa regula.

§ 17. Veruntamen, quoniam initium cujusque rei spectandum est, l. Pomponius. D. de neg. gest. & causa: nodus hic alter injicietur, originem scilicet & causam hujus sive vitiatæ voluntatis, sive amentiaæ attendi. Nam etsi necessitatis esse videatur, tamen ab initio voluntatis fuit. Deo etenim relicto, cum diabolo contraxere, eumque secutæ sunt lamia, deviantes à tramite Catholicæ religionis: quod non solum hæreticum est, l. 2. in fin. C. de hæret. & Manich. sed apostaticum etiam, l. 3. in princ. C. de apostat. Denique delictis semper obligatio naturalis inest ex tacito consensu delinquentis: quia delinquendo, ipso facto sequenti pœnæ consentire, ad eamque se obligare videtur. gl. in l. i. §. fin. D. de postul. & in l. si servus. D. qui not. inf. l. Impm. D. de jure fis. vers. Tu huic pœnæ te subdidisti. Et sanè nulla potest misellis alia imputari culpa, nullaque justior earum puniendarum causa vel à Grillando vel à Molitore vel ab aliis Jureconsultis assignatur.

§ 18. At-

§ 18. Atqui rationibus innumeris ostendere possem, contractum ac fœdus hoc nullum esse: itaque nihil in alterutram partem operari posse, nihilque huc facere regulam, uniuscujusque contractus initium spectandum esse, & causam. l. si procuratorem, in prin. ff. mandati. l. 1. §. non solum. depos. l. si tamen. ad Maced. Ac primo quidem ratione personarum: quia inter quos nulla est communio, inter eos quoque nullum potest esse jus, nullus naturaliter contractus. Ratione rerum: quia quæ dari herive nec de jure nec naturaliter possunt, eorum nulla penitus est obligatio. Ratione conditionis adjunctæ stipulationi, pactove: quia nec in stipulantium est potestate, nec ita in casu posita ut natura sit possibilis. Ratione formæ: quia non ea fit quæ dat esse rei, cujusque omissio vitiat actum. Ratione dissensus: quia semper & de alio & aliter sentit dæmon, quam homo. Postremo non nisi imaginarium est universum negotium. Quæ autem in spiritu tantum fiunt, eorum per testes veros ac certos, hoc est ocultos, non potest haberi veritas. Itaque fœderis hujusmodi notitiam per experientiam, & ex facto consequi nequimus. Eorum enim quæ non apparent, quæve non sunt, nulla qualitas est. l. ejus qui in provincia, j. D. si cert. pet. l. fin. D. pro loc. Cæterum quoniam non id solum Libro tertio satis declaratum est: sed etiam ipsas aniculas, quæ plerunque lamiæ dicuntur, dolo circumventas, vi coactas, metu compulsas, errore inductas, ignorantia deceptas in hanc credulitatis temeritatem incidisse: profecto nec hoc objici miseris poterit, quod in contractibus attenditur, quæ ab initio sunt voluntatis, ex post facto fiunt necessitatis. l. sicut. C. de act. & oblig. nec illud quod in hæresi, delictum hoc sola voluntate, & in mente committi. c. excommunicamus. §. credentes. de hæret. Bald. in l. si quis non dicam. C. de episcop. & cler. & alii doctores. Nam ubi nullus est contractus, ibi nec contractus initium: ubi vero dolus, vis, metus, error, ignorantia, ibi neque voluntas, ut dixi supra, neque consensus esse potest: quare nec hæreseos, nec alterius delicti, quod à solo animo pendet, suspicio, aut pœna.

§ 19. Sunt enim ea omnia voluntati consensuique contraria: in primis dolus ac vis. l. & eleganter. D. de dolo. l. in causæ. §. 1. de minor. l. 4. de reg. Jur. l. 1. quod metus causa. ibi: Propter necessitatem contrariam voluntati, Labeo enim dolum esse definit, callidita-

*Fœdus inter dæmonem & lamiæ nullum.*

*L. non solum, de act. & oblig.*

*L. cum hi. §. si præter D. de trans.*

*L. 1. de har. instit. l. 4. §. si de act. empt. l. fin. de test. bon.*

*L. in commutato. §. sicut. D. commutato. l. si quis argentum. §. cum empt. C. de don.*

*Lamia nihil voluntate, sed omnia vocata & decepta faciunt.*



*Apo. 12.  
1. Pet. 5.  
Coryss.  
Super  
Matth.  
lib. 1.*

tem, fallaciam, machinationem ad circumveniendum, fallendum, decipiendum alterum. l. 1. §. 1. D. de dolo. Quid autem ad hæc tria gravius efficaciusque lamiis simplicibus accidere potest, quam dæmonis tentatio? cui lib. Primo docuimus nec voluntatem deesse, ut totum orbem terrarum seducat: neque diligentiam, quia alium actum non habet: neque technas artesque quibus circumvenire, fallere, decipere non modo scæminam, sed constantissimum, prudentissimumque quemque hominum potest. 3. Sent. distin. 19. quæst. 3. num. 22. 23. verba S. Bonaventuræ. His illum nostris 26. q. 5. mulierculis imponere, mentemque earum capere, tum Canones *episc.* docent, tum liber tertius: partim intrinsecus, cum mala pro bonis, bona pro malis proponit, suadetque miris & invisibilibus (ut D. Augustinus ait) modis, per illam substantiam suorum corporum, miserrimarum corpora non sentientium penetrando, seque cogitationibus earum miscendo: partim vero extrinsecus, cum per imaginum simulandarum callidam operationem, ut idem inquit, se coram illis in angelum lucis transformat, & Deum mentitur. Quare quomodo sæpe homo hominem dolo inducit ad aliquid instituendum, quod alioquin ne cogitaret quidem: ita mirum non est, inquit Grillandus, ut mulier ex se pudica, dæmonum tentationibus ad eam quam alioquin odit, delabatur impudicitiam. Illecebras enim omnes & intus suggerunt, & foris ostentant, ut in Libro primo demonstravimus.

*d. q. 26.  
De civit.  
Dei lib. 11  
cap. 10.*

§ 20. Veniamus ad vim, quæ majoris rei impetus est, qui repelli non potest. lib. 11. D. quod metus causa. Quid autem dæmonis impetu violentius? quo cum repentinos & extraordinarios animæ infligat excessus, ut inquit Tertullianus, primum mentem harum muliercularum ita subjugat, captivamque ducit, teste concilio Ancyrano, & D. Augustino, ut credant ei quod nec est, nec esse potest. Deinde corpus universum ita obsidet, ut contra corporis naturam moveatur: denique linguam earum sic occupat, ut non nisi quando vult ipse, nec aliud quam quod ipsi placet, eloqui possint. Suppetit illis, ait Tertullianus, ad utramque substantiam hominis lædendam subtilitas & tenuitas sua multum spiritualibus viribus, quas vel eo magis attendere debemus in hac quæstione, quod & invisibiles & insensibiles in effectu potius quam in actu appareant, eodem teste in Apologet. cont. gent. cap. 22. Proinde neque culpa sua, neque violentibus hæc accidunt,

dunt, quæ vel in mente, vel ope corporis, vel in lingua committuntur. Primum enim, cui volenti fit vis ac injuria? deinde quis vi resistere potest? l. ex conducto. §. 1. V. Servius. D. lati. Denique qua custodia consequi posset hominum quisquam, ne damnum injuria dari possit? l. sed de damno. d. tit. l. si ea de act. empti.

*l. 1. §. filii. de injuriis. l. cum donatio. nis. C. de transact. Metum.*

§ 21. Tertium erat metus: qui quid aliud est, quam instantis vel futuri periculi causa, mentis trepidatio? l. 1. D. quod metus. At supra docuimus, ea omnia quorum metus merito & in homine constantissimo cadat, l. 6. d. tit. pericula, cruciatum corporis, mortem & violentam & naturalem, l. interpositam. de transact. Partim revera miseris aniculis dæmonem intentare ac minari, partim ipsis etiam captis ac circumscriptis earum mentibus, ut ait Tertullianus, tanto errore objicere ac inferre, ut cum eorum omnium sibi potestatem esse fingat, eas facile quidvis videri facere ac pati cogat. Nam & præsentia mala quibus premuntur ac exercentur, paupertatem, odea hominum, calamitates, vel se menti-um immisisse, vel etiam Deo permittente immittit, vel ita delusis earum sensibus imprimit, ut licet nihil eorum patiantur, tamen quasi perpetiantur doleant, ut aut amolitionem eorum ostentans, aut successuum meliorum spem injiciens, fidem ac obsequium miscellis extorqueat. Hic est certe illatus timor. l. metum autem. d. tt. Enim vero quoscumque superat dæmon, per mœrorem superat, teste Chrysostomo lib. 3. de Provident. Timor autem, & tristitia quædam est. Omnes enim ex malo æque timemus, si immineat, ut affuturum: & dolemus, si præsens jam sit, & lædat. Nam quod lædit, naturæ contrarium, ac voluntati est. Quicquid autem fit occasione alicujus involuntarii, involuntarium & est & dicitur l. qui levandæ. D. ad l. Rhod. Hoc est, propter quod credulitatis temeritatem in lamiis perfectæ voluntati nequimus imputare.

*7. Eibie. Aristot.*

§ 22. Restat error & ignorantia. Clarum autem est, errantis nullam esse voluntatem, & ignorantis nullum consensum. l. si per errorem. de jurisfd. omnium jud. l. sed hoc. D. de publ. & rect. Quin & hunc invito similem esse, l. qui potest. §. 1. de reg. jur. & furioso, l. si à furioso. D. si cert. pet. cui parcur in omnibus, ut dictum est supra. In lamiis autem nostris, error mentis ac cæcitas voluntatis primum à morbo pendet naturæ, cujus factum æquo animo ferendum est, l. in summa. §. apud. de aqua plu. arc. Melan-

*Errat.*

Cap. 5. 6.  
Lib. 6.  
cap. 18.

cholicis enim morbis tam graviter omnes plerunque vexari, nos Libro tertio, & Alciatus supra singulari capite, docuimus, ut nec apprehendere, nec dijudicare quicquam recte possint, multo minus eligere, quodque electionem consequitur velle, quod omnino liberum denotat arbitrium. l. fideicommissa. §. quanquam. de leg. 3. Tanto majus mentis vitium est quod patiuntur, quam amoris furor: quo tamen nihil esse vehementius, dicitur in Aut. quibus mod. eff. leg. §. illud quoque: minusque puniendum.

Ignoran-  
tia facti  
proprie  
in lamiis.

§ 23. Secundo, in tantam mentis alienationem incidunt diaboli ludibrii, quibus diximus & mentem earum capi, ut nesciant quid agant, & oculos perstringi, ut scilicet videant credantque quod non est. Adeo facti quoque non alieni modo, verum etiam sui, quod mirum est, probabili certaue laborant ignorantia, quo magis divini juris ignorantiam in iis præsumendam excusandam censeo. Nam si corruptum sensum omnibus animantibus communem habent, si depravatam phantasiam & apprehensionem, si diaboli tum internis tum exteris sit ludificationibus, ut idipsum quod & agunt, & velle videntur, nesciant: qui vel intelligent, quale sit id ipsum, in quo consentiunt: vel dijudicare poterunt, faciendum sit, an secus? Adhæc ut nec morbus vitiatæ rationis, nec tantæ fraudes quantas adhibet dæmon interveniant: sit quandoque per neglectam divini juris ac sermonis tum promulgationem, tum interpretationem, eorumque culpam ad quos ex pertinent, ut in hanc credulitatis temeritatem incidunt: nonnunquam ætatis infirmitate: semper autem sexus tum imprudentia, tum imbecillitate: cui propter eas causas quas Libro tertio retuli, specialiter indulgeri & savori, supra singulari capite docuimus, præterquam quod generaliter deceptis subveniatur, l. & primo. §. verba. ad Vell. & impotentib. l. non enim. D. ex quib. caus. major.

Cap. 5. 6.  
Lib. 6.  
cap. 20.

§ 24. Nunc igitur satis arbitror constare, in animum harum muliercularum delictum omnino, quod in sola mente consistit, ac voluntate, nulla ratione cadere posse: Nec eandem earum in fide rationem esse, quam aut hæreticorum, aut apostatarum. Hæreticum enim schisma facere, & pertinaciam voluntatis, supra docuimus: apostatam vero spontanea ac voluntaria animi malitia reddit.

§ 25. Quæcunque vero jam summam diximus, eo recidunt omnia, ut quod Grillandus & Molitor Lamias animo committere, & voluntate facere volunt, potius in mente pati, quam facere, vide-

videamus. Nihil enim agit in seipsum. l. ille à quo. §. tempestivum. D. ad Trebell. Nihil autem magis differt inter se, quam agens & patiens. l. Uranius. D. de fidejuss. argumento l. prator. de tur. & cur. Quare commiseratione potius quam pœna enormi dignæ sunt, omnique potius auxilio, quod dolum, vim, metum passis, furiosis, deceptis, ignorantibus, impotentibus aut ipso jure competit, aut ratione suadente tribuitur. Neque vero pœna pœnæ potest esse, nec afflictionem afflicto addere debemus. l. navis onustæ. §. cum autem. D. ad l. Rhodiam. c. ex parte. de cler. ægrotan. §. quod si vis fluminis. Instit. de rer. divis. & 7. q. 1. c. cum percussio. *Lamia commiseratione digna, non pœna.* *Ecclef. 4.*

§ 26. Atque hæc sane naturalis est ratio, cur neque furiosi, neque phrenetici puniendi sint ex aliquo delicto, quod satis suo furore torqueantur, & sua calamitate puniantur. l. divus. D. de offic. præf. l. pœna. §. sane. D. ad l. Pomp. de parric. Itaque fati ut illos, sic & nostras, infelicitas exculat. Animo enim illi ac rationis vi destituti sunt, nec fere ullum habent aut sanæ mentis aut perfectæ voluntatis consensum, ut satis est superque dictum. l. 2. C. de contrah. empt. Atqui neque delictum sine consensu potest committi, ac proposito. l. 1. ff. si quadrupes paup. fec. dic. neque injuria inferri sine animo injuriandi. l. illud. §. sane. D. de injur. Ergo nullo modo ex delicto vel Canones eos irregularitate puniunt. Clem. un. de homicid. neque leges suis pœnis. l. infans. ff. ad l. Corn. de sicar. Nullo modo ob parricidium commissum culeo insuuntur. d. l. pœna. §. fin. Nullo modo inferunt injuriam, sed etiam patiuntur. d. §. sane. Nullo modo tenentur Aquilia, ob damnum datum. l. sed etsi quemcunque. §. igitur injuriam. ff. ad l. Aquil. Nullo modo eorum factis leges vel præmium vel pœnam proponunt: sed pro talibus habent, ac si fortuita sint, in quibus nullius spectari possit hominis vel deliberatio, vel actio, vel conscientia, l. fin. in fin. ff. de administ. tutor. At & nostras, de quibus agimus, animo (sine quo delinquere, usucapi, possideri nequit) item mente, voluntate, ratione, consensu, deliberatione, *Βούλην*, consilio carere, jam ad nauseam ostendimus.

§ 27. Quid igitur gravius delinquant, quam furiosi, quam phrenetici, quam dormientes, qui illis æquiparantur? c. majores. §. si. ext. de bap. Neque profecto ab similes sunt nostrarum muliercularum actiones, seu potius passionēs, illis dormientium, quas Bart.

Bart. in l. ut vim. ff. de iust. & jur. recenset, & Cardin. Zabar. in d. Clem. un. de iis qui de nocte surg. hom. commiss. Et tamen ille legum Coryphæus, talia commissæ recte excusat, tanquam ea hominis peracta operatione, quæ sensu, quæ voluntate careat. Dd. l. poena. ff. ad l. Pomp. de parr. non secus atque à furiosis ac insipientibus patrata, l. fluminum. §. vitium. ff. de dam. infect. l. qui occidit. ff. ad l. Aquil. Cur ergo nostræ, quarum similis est ratio, magis peccent illis qui dicuntur non peccare? gl. in c. testamentum. 6. dist. Quid magis illarum urgetur confessio, quam furiosorum, quibus calamitate non pares, sed superiores sunt? cum tamen illorum confessio nulla sit: uti probavimus ex l. in negotiis. D. de reg. jur. l. 2. §. furiosus. D. de jur. codicil. c. fin. ext. de successionibus ab intestato.

*Augustinus lib. 11  
de Pecc.  
mort. &  
remiss.  
c. 33.  
lib. 23.*

§ 28. Nisi forte replicent, eas pro meritis voluntatum divino iudicio tradi illudendas ac decipiendas, illudentibus ac decipientibus eas prævaricatoribus angelis, ut ait D. Augustinus lib. 11. de Doct. Christ. c. 23. Atqui fateor, divinam iustitiam generaliter hominis meritum præsupponere, diverso tamen effectu: Quia sanctis afflictiones, post peccatorum remissionem, certamina sunt, & exercitationes, ut probentur: reprobis, sine remissione supplicia, poenæque iniquitatis. Itaque non solum improbi & in corpore & in anima affliguntur, sed etiam boni, quos Deus diligit: nec ex virga Dei flagellantis aliquem, præsumendum statim est facinus aliquod ejus, quod etiam ab hominibus puniri debeat.

*Magistratus in  
qua animadvertit.*

§ 29. Nam ea ratione dæmoniacos quosque majori poena esse aggravandos à magistratu diceremus. Sed illa sibi relinquenda esse, vel uno hoc innuit Deus, quod ipse puniat, ac exerceat eos. Quod enim à magistratu puniri vult, id ipse vicissim illi detegit & relinquit, cujus opera sunt misericordia & iudicium. Etenim cum tribus tantum modis peccare possimus, quorum Primus completitur omnem interiorem motum ac conceptum in intelligentia vel affectibus, etiamsi voluntas non consentiat: Secundus tum incidit, quoties voluntas cum motibus & affectibus consentit: Tertius, quoties re exequi conamur, quod cogitamus & volumus: magistratus non ulterius procedit ad animum aut voluntatem puniendam, quam si emerferit & constet.

*Quæ Deus  
sibi reservat  
punire.*

§ 30. Deus autem in illa secretiora, inque animum ipsum ac cogitationem hominis animadvertit. Ea enim solus Deus cognoscit.

scit. In Clement. cxvi. §. quamvis. de verb. signif. Scrutator enim cordium ac renum est : & tota intelligentia , tota anima , toto corde vult à nobis diligi. Nos vero animum probamus verbi factive præsumptione , nec alia habemus animi indicia. l. 15. qui. §. divus. C. de tut. & cur. dat. l. Labeo. C. de sup. leg. l. reprehendenda. C. de institutionibus & substitutionibus. Neque iudex vel voluntatem vel maleficium punire potest , nisi consideret prius , & habeat factum quod animo metitur. Alber. in l. aut facta , vers. qualitate. de pœn. Breviter , non nisi externa inter homines puniuntur : Per ea interna probantur. l. fin. infra. C. de sicar. & passim Dd.

§ 31. Sed illud etiam omittendum non est , etiam si vim hanc & metum ex præcedenti delicto patiantur : nec tamen facere. posse quod pati miseris videmus : nec ex eo quod non voluntate faciunt , & animi iudicio , sed ex ipso præcedenti delicto puniendas esse. l. nec timorem. D. quod metus causa. Quin cum dæmon etiam nihil ejusmodi recte possit inferre sicut magistratus , l. 1. d. tit. l. vers. succurrendum illis esse potius , ex eo videtur. Nam & contra dæmonis dolos officium sacerdotum sancti Patres in Concilio Ancyrano requisivè , ut probent ea omnia esse falsa , quæ miseris persuader : tum etiam singulorum Christianorum , ut commonefaciant se invicem de tanti hostis fraudibus & potentia ac profunditatibus , ut vocantur in Apoc. cap. 20. Contra vim autem habemus in primis panopliam Christianam , quam supra descripsimus Lib. v. cap. 1. 28. dein vero preces & obsecrationes tum publicas , quibus Deus moveri se confirmat : tum privatas. Mulcum enim valet oratio iusti , & oratio humilis penetrat coelos. Contra morbum , medicorum opera adhibetur , qui postquam unxerunt afflicta , hoc est , postquam adhibuerunt ea quæ oportet , commendant eas Deo , sicut præcipit. D. Augustinus. Oratio fidei salvabit infirmum , hoc est S. Jacobi consilium. Contra metum diligens ad tolerantiam & constantiam admonitio , ut resistamus diabolo juvabit : quemadmodum Libro v. cap. 20. præscripsimus. Contra errorem prædicandus sermo , instandum tempestive , interpestive , arguendum cum omni lenitate & doctrina. Semper autem orandus est Deus , ut ipse intellectum earum meliorcularum aperiat , cum proficiuntur in Eman. : hoc est , cum in hos errores animi iudicii que delabuntur. Contra ignoran-

*Quomodo  
lamia sint  
restituenda : 26.  
q. 1. cap.  
episcopi.*

*Coloss. 3.  
Ephes. 6.*

*1. Tim. 7.  
Matt. 18.  
Jacobi 5.  
Eccles. 35  
Vide supra  
lib. 5.  
cap. 32.*

*De Nat.  
& grat.  
cap. 26.  
Jacobi 5.  
Jacobi 4.  
1. Tim. 5.*

*Augustinus  
in  
Joan.*

tiam autem, magistratus officium postulandum, ut pastorum somnolentiam excutiat: ut quo tales oves & debiliores sunt, & incautæ magis propter ætatem deliram, & sexum fœmineum: hoc diligentius ac melius iis caveant à lupis, easque instruant de insidiis eorum. Hac demum ratione in integrum restituendæ sunt.

*Isa. 1.*

*Ephef. 6.  
Sexus, &  
aliquid  
m. m. m.*

§ 32. Etsi quoque nec assidua spiritualium astutiarum tentatio, nec tanti adversarii inevitabilis impetus, nec tam justus metus, nec tantum corporis, mentisque vitium miseræ omni voluntatis culpa liberaret, licet vel hæresi vel apostasia laborare concederem: unica tamen aut ætatis infirmitas, aut sexus simplicitas, vel id ipsum præstaret illis, vel pœnam certè mitigaret. Sic enim & crimen quodlibet attenditur, & animus delinquentis in quolibet crimine, ut expendatur an ignorantia quadam, imperitia, vel simplicitate, an vero dolo, malitia, pertinaciaque delinquat: ut iis perspectis, officio judicis pœnæ temperetur. l. respiciendum. l. aut facta. D. de pœn. l. quid ergo. de his qui not. infam. Dd. in l. 1. §. divus. l. in lege Cornelia, D. ad legem Corneliam de sicariis. l. penult. D. ad legem Pompejam de parr. Quarum autem fœminarum causam agimus, secundum plerumque senectutis gradum, & eam attingere partem, quæ decrepita dicitur & est. l. III. §. ignoscitur. D. ad Syllon. & c. ult. distin. 80. &c.

*Isa. 1.  
Ephef. 6.  
Sexus, &  
aliquid  
m. m. m.*

§ 33. Quæ & ipsa morbus est, ut Menander ait, & fere semper cum animi delirio & iudicii lapsu naturaliter conjuncta est. Itaque removetur à republica gerenda, honoratur tamen. tit. C. qui se ætat. excus. l. majores. l. semper, in princ. de jur. immuni. l. non tamen, in princ. de mun. & hon. & in criminibus pœnæ relaxationem & veniam meretur, ut quos premit, eos & culpæ suspicionem liberet. d. §. ignoscitur. & tormentis eximat. Bart. in d. l. & in l. de minore, in princ. de quæst. Angel. in tractatu Malefic. gl. fama publica. vers. quæro quæ Hippol. in l. edictum. 3. col. de quæst. Anus autem nostræ non modo tum delirant, cum viri, hoc est, in secundo ac extremo senectutis gradu: sed etiam quia mulieres sunt, magis repuerascunt: vel certe non minus in primo, quam viri in secundo & ultimo: Primum igitur vix est, ut crimen in mente ac voluntate magis committant, quam pueri, quique iudicio animi destituti sunt. Deinde verò, ut tantum favoris ac excusationis, ætatis lapsus non præstet: propter eum tamen nec torqueri debent, ut nunc fit; nec ea pœna affici, qua pessimus quilibet mulctatur.

*Isa. 1.  
Ephef. 6.  
Sexus, &  
aliquid  
m. m. m.*

§ 34. Quod

§ 34. Quod etiam ad sexum pertinet, cujus, ut Libro III. diximus, tanta est tum simplicitas tum lubricitas, ut in eodem gravius peccet vir quam mulier. l. in multis. de stat. hom. 32. q. 6. c. indignantur. & c. seq. c. forus. de verb. sig. Itaque leniorem etiam meretur poenam: ut in adulteriis, vir ut sacrilegus punitur. l. quamvis adulterii. C. ad l. Jul. de adul. Fœmina castigata vel mulieribus incarcerationa datur, vel in monasterium condemnatur ad biennium. ext. de testam. c. Rainutius. & Auth. sed hodie. quæ est C. de offic. civil. jud. & Nov. ut nulli judic. §. adulteram vero. §. necessarium. Aut. sed novo jure. quæ est l. quamvis. C. ad l. Jul. de adulter. sed & in crimine majestatis: subvenitur enim simplicitati & ignorantie. l. 3. de jur. & fact. ignor. l. juris ignorantia. C. qui admitti. Dd. & Bartolus in l. si quos id quod de jurisdic. omnium judic. latissimè docent, quomodo propter ætatem & sexum mulierem doli præsumptio cesset, etiam in jure civili errent. Alex. conf. 103. vol. I. Cepol. conf. 21. col. 6. & conf. 24. Bald. in l. error. C. de jur. fact. ignor.

§ 35. Nec obstat hisce favoribus ætatis ac sexus, primum quod longè gravius sit æternam quam temporalem offendere majestatem, l. hi qui sanctam. C. de hæred. Aut. garazos. c. ubicunque. de poen. Secundo, quod eam ob causam nulla sexus aut ætatis habeatur ratio in hæresi, Dd. in l. quisquis. C. ad l. Jul. majest. Canonistæ in c. vergentes. de hær. in antiq. & in c. tum secundum leges. eod. tit. lib. 6. Tertio, quod in crimine maleficiorum ac sortilegiorum specialiter excipiantur. l. etsi excepta. C. de malef. & math. quia in iis omnes sine exceptione torqueri, notat. Hippol. in l. editum. 3. col. de quæst.

§ 26. Nam ut à posteriori incipiam, magis ac veneficis hic advocatus non sum: sed delusis lamiis, quas multum tum à magis infamibus, tum à veneficis distare declaravi Libro III. Ad alterum primo respondeo, quod illi textus specialem prærogativam sexus & ætatis limitant tantum, quoad torturam, ut & in crimine læsæ majestatis, l. quisquis. C. ad l. Jul. majest. non etiam causam criminum. Semper enim hoc manet, qui judicio animi caret, cum male facere non posse. Secundo respondeo, satis magnum inter lamiæ & hæreticas esse discrimen, quod singulari capite demonstravimus.

§ 37. Demum cum Oldrado dico, quod etiam in his quæ formaliter,

Lib 6. c. 8  
Confil.  
110.



maliter, ac secundum leges canonesque non sunt hæretica, licet hæresim sapiant, detrahendum sit ob eam quam diximus mulierum simplicitatem & lubricitatem. l. x. C. de jur. & fact. ignor. l. ult. §. fin. de jur. delib. l. pen. de his quæ sibi ascrib. Et hoc, etiamsi in articulo fidei errent, ut idiotæ ac rustici. Sufficit enim iis, ut loquantur, implicita fides, & ne pertinacia contumaciaque quadam errorem suum defendant. Bald. in l. error. C. de jur. & fact. ign. Atque hac etiam ratione prima cadit objectio. Quanquam ut gravius esse non inficior, in majestatem divinam delinquere: sic illud quoque sciendum est, & facilius & citius homines in hoc delictum incidere.

§ 38. Incomprehensibilis est enim, & longe à nostris remota sensibus, illa æterna, infinita ac spiritualis majestas ac voluntas. Quare qui in terrenis negociis lyncei sumus, in spiritualibus & iis quæ ad Deum spectant, talpæ statim efficimur: non secus atque ii qui cum summa se putent oculorum acie præditos, quando in terris ea quæ sensu percipi possunt, acerrime contuentur: si solem aspicere velint, omnem illam aciem, extremam esse præ tanto fulgore sentiunt caliginem. Duabus igitur de causis facilius hominum in spiritualibus est lapsus: primum, ob divinorum naturam omni cogitatione humana superiorem: deinde, propter nostræ tum intelligentiæ cæcitatem, tum voluntatis depravationem. Quare si quis hac in parte delinquat & erret, mitior esse debet poena, ac justior venia: & id quidem eo magis, si mulier, magisque, si decrepita muliercula cadat.

*Determinatio Parisiis facta per aliam facultatem Theologicam, Anno Domini 1398. super quibusdam superstitionibus noviter exortis.*

UNIVERSIS orthodoxæ fidei zelatoribus Cancellarius ecclesiæ Parisiensis, & facultas Theologiæ in alma universitate Parisiensi, matre nostra, cum integro divini cultus honore spem habere in Domino, ac in vanitates & insanias falsas non respicere. Ex antiquis latebris emergēs noviter errorum fœda coluvio, recogitare commonuit: quod plerunq; veritas catholica apud studiosos in Sacris literis apertissima est, quæ cæteros latet: nimirum

rum cum hoc proprium habeat omnis ars , manifestam esse exercitatis in ea, sic ut ex eis confurgat illa maxima, Cuilibet in sua arte perito credendum est. Hinc est Horatianum illud , quod Hieronymus ad Paulinum scribens assumit : Quod medicorum est, promittunt medici, tractant fabrilia fabri.

§ 2. Accedit adhæc in Sacris literis aliud speciale, quod nec experientia & sensu constant ut aliæ artes, nec possunt ab oculis circumvolutis nube vitiorum facile deprehendi. Excæcavit enim eos malicia eorum. Ait siquidem Apostolus, quod propter avaritiam multi erraverunt à fide. Propterea non irrationabiliter idolorum servitus ab eodem nominatur : Alii propter ingratitudinem, qui cum cognovissent Deum, non sicut Deum glorificaverunt, in omnem idololatriæ impietatem ( sicut idem commemorat ) corruerunt. Porro Solomonem ad idola, Didonem ad magicas artes pertraxit dira Cupido. Alios postremo misera timiditas tota ex crastino pendens in observationes superstitiosissimas impiasque depulit : Quemadmodum apud Lucanum de filio Pompeii Magni, & apud historicos de plurimis notum est.

§ 3. Ita fit, ut recedens peccator à Deo, declinet in vanitates & insanias falsas, & ad eum qui pater est mendacii, tandem impudenter palamque apostatando, se convertat. Sic Saul à Domino derelictus, Pythonissam, cui prius adversabatur, consuluit. Sic Ochozias Deo Israël spreto misit ad consulendum deum Accaron. Sic denique eos omnes qui fide vel opere absque Deo vero sunt, ut à deo falso ludificentur, necesse est. Hanc igitur nefariam, pestiferam, mortiferamque insaniarum falsarum cum suis hæresibus abominationem plus solito nostra ætate cernentes invaluisse, ne forsan Christianissimum regnum, quod olim monstro caruit, & Deo protegente carebit, inficere valeat tam horrendæ impietatis & perniciosissimæ contagionis monstrum, cupientes totis conatibus obviare, memores insuper nostræ professionis, proque legis zelo succensi, paucos ad hanc rem articulos damnationis cauterio, ne deinceps fallant incogniti, notare decrevimus, rememorantes inter cætera enumerata dictum illud sapientissimi doctoris Augustini de Superstitiosis observationibus : Quod qui talibus credunt, aut ad eorum domum euntes, aut suis domibus introducunt aut interrogant, sciant se fidem Christianam

nam & baptifmum prævaricaffe: & pagānum & apoftatam, id eſt, retro abeuntem, & Dei inimicum, & iram Dei graviter incurriſſe, niſi eccleſ. poenitentia emendatus, Deo reconcilietur. Hæc ille.

§ 4. Neque tamen intentio noſtra eſt; in aliquo derogare quibuſcunque licitis & veris traditionibus, ſcientiis, & artibus: ſed inſanos errores atque ſacrilegos inſipientium & ferales ritus, pro quanto fidem Orthodoxam & religionem Chriſtianam lædunt, contaminant, inficiunt, radicitus, quantum fas nobis eſt, extirpare ſatagimus, & honorem ſuum ſincerum relinquere veritati.

§ 5. Eſt autem primus Articulus, quod per artes magicas & maleficia, & invocationes nefarias quærere familiaritates & amicitias & auxilia dæmonum, non ſit idololatria: Error. Quoniam demon adverſarius, pertinax & implacabilis Dei & hominis judicatur: nec eſt honoris vel domini cujuſcunque divini vere ſeu participative vel aptitudinaliter ſuſceptivus, ut aliæ creaturæ rationales non damnatæ: nec in ſigno ad placitum inſtituto, ut ſunt imagines & templa, Deus in iſtis adoratur.

2. Quod dare vel offerre vel promittere dæmonibus qualemcunque rem, ut adimpleant deſiderium hominis, aut in honorem eorum aliquid oſculari vel portare, non ſit idololatria: Error.

3. Quod inire pactum cum dæmonibus tacitum vel expreſſum, non ſit idololatria, vel ſpecies idololatriæ, vel apoſtaſiæ: Error. Et intendimus eſſe pactum implicitum in omni obſervatione ſuperſtitioſa: cujus effectus non debet à Deo vel natura rationabiliter expectari.

4. Quod conari per artes magicas dæmones in lapidibus, annulis, ſpeculis, aut imaginibus nomine eorum conſecratis, vel potius execratis, cogere & arctare, vel eas velle vivificare, non ſit idololatria: Error.

5. Quod licitum eſt uti magicis artibus vel aliis quibuſcunque ſuperſtitionibus à Deo & Eccleſia prohibitis pro quocunque bono fine: Error. Quia ſecundum Apoſtolum, Non ſunt facienda mala, ut eveniant bona.

6. Quod licitum ſit aut etiam permittendum, maleficia maleficiis repellere: Error.

7. Quod aliquis cum aliquo poſſit depenſare in quocunque caſu, ut talibus licite utatur: Error.

8. Quod artes magicæ & ſimiles ſuperſtitiones, & earum obſerva-

servationes sint ab Ecclesia irrationabiliter prohibitæ : Error.

9. Quod Deus per artes magicas & maleficia inducatur compellere dæmones suis invocationibus obedire : Error.

10. Quod thurificationes & suffumigationes, quæ fiunt in talium artium & maleficiorum exercitio, sint ad honorem Dei, & ei placeant : Error & blasphemia, quoniam Deus alias non puniret vel prohiberet.

11. Quod talibus & taliter uti non est sacrificare seu immolare dæmonibus, & ex consequenti damnabiliter idololatrare : Error.

12. Quod verba sancta & orationes quædam devotæ & jejunia & balneationes & continentia corporalis in pueris & aliis, & misærum celebratio, & alia opera de genere bonorum, quæ fiant pro exercendo hujusmodi artes, excusent eas à malo, & non potius æcuscunt: Error. Nam per talia sacræ res, imò ipse Deus in Eucharistia dæmonibus tentatur immolari: & hæc procurat dæmon, vel quia vult in hoc honorari similis Altissimo, vel ad fraudes suas occultandas, vel ut simplices illaqueet facilius, & damnabilius perdat.

13. Quod sancti Prophetæ & alii sancti per tales artes habuerunt suas prophetias, aut miracula fecerunt, aut dæmones expulerunt: Error & blasphemia.

14. Quod Deus per se immediate vel per bonos angelos talia maleficia sanctis hominibus revelaverit: Error & blasphemia.

15. Quod possibile est per tales artes cogere liberum hominis arbitrium ad voluntatem seu desiderium alterius: Error. Et hoc conari facere, est impium & nefarium.

16. Quod ideo artes præfatæ bonæ sunt, & à Deo, & quod eas licet observare: quia eas quandoque vel sæpe evenit, sicut utentes eis quærunt vel prædicunt, vel quia bonum quandoque provenit ex eis: Error.

17. Quod per tales artes dæmones veraciter coguntur & compelluntur, & non potius ita se cogi fingunt ad seducendos homines: Error.

18. Quod per tales artes & ritus impios, per sortilegia, per carminationes & invocationes dæmonum, per quasdam insultationes & alia maleficia, nullus unquam effectus ministerio dæmonum subsequatur: Error. Nam talia quandoque permittit Deus contingere: ut patuit in magis Pharaonis, & alibi pluries; vel quia utentes seu consulentes propter malam fidem & alia peccata

peccata nefanda , dati sunt in reprobum sensum , & demerentur sic illudi.

19. Quod boni angeli includantur in lapidibus , & consecrent imagines vel vestimenta , aut alia faciant quæ in istis artibus continentur : Error & blasphemia.

20. Quod sanguis upupæ vel hœdi vel alterius animalis , vel pergamenum virgineum vel corium leonis & similia habeant efficaciam ad cogendos vel repellendos dæmones ministerio hujusmodi artium : Error.

21. Quod imagines de ære , plumbo vel auro vel de cera alba vel rubea vel alia materia baptisatæ , exorcisatæ & consecratæ , seu potius execratæ secundum prædictas artes & sub certis diebus habeant virtutes mirabiles , quæ in libris talium artium recitantur : Error in fide & philosophia naturali , & astronomia vera.

22. Quod uti talibus ; & fidem dare , non sit idololatria & infidelitas : Error.

23. Quod aliqui dæmones boni sunt , alii benigni , alii omnia scientes , alii nec salvati , nec damnati : Error.

24. Quod suffumigationes , quæ fiunt in hujusmodi operationibus , convertuntur in spiritus , aut quod sint debitæ eis : Error.

25. Quod unus dæmon sit rex Orientis , & præsertim suo merito : & alius Occidentis , alius Septentrionis , alius Meridiei : Error.

26. Quod intelligentia motrix cœli insit in animam rationalem , sicut corpus cœli insit in corpus humanum : Error.

27. Quod cogitationes nostræ intellectuales & volitiones nostræ interiores immediate causentur à cœlo , & quod per aliquam traditionem magicam tales possunt sciri , & quod per illam de eis certitudinaliter judicare sit licitum : Error.

28. Quod per quasunque artes magicas possimus devenire ad visionem divinæ essentia , vel sanctorum spirituum : Error.

§ 6. Acta sunt hæc & post maturam crebramque inter nos & deputatos nostros examinationem , conclusa in nostra congregatione generali Parisiensi apud sanctum Mathurinum de mane super hoc specialiter celebrata , Anno Domini M. CCC. XCVIII. die XIX mensis Septemb. In cujus rei testimonium , sigillum dictæ Facultatis præsentibus literis duximus apponendum. Originale hujus determinationis est sigillatum magno sigillo facultatis Theologiæ Parisiis. Ego inveni subjectam in fine Magistri sententiarum.

Epi-

*Epilogus operis.*

**N**ON dubium mihi est, candide Lector, plurimos fore, apud quos malam iniero gratiam, calumniam mihi pro opera qualicunque præstita reposituros: quorum plerique, quod iniquorum est iudicium, id quod non intelligunt, criminabuntur: alii, opinioni longa annorum serie, hominum animis irradicata, & velut jure consuetudinario obfirmata, quacunque ratione patrocinari volent: nec deerunt qui dentis Theonini pruriginē insolescentes ex more, mordendi occasionem avidius quaerent. Ad causas naturales quarumcunque rerum miracula & monstra referent pugnaces Peripatetici: ac sacrosanctæ Scripturæ religioni, Aristotelis Platonisque rationes præscribere, vehementi pertinacia contendunt.

§ 2. Hic Petri Pomponatii Mantuani, summi & clarissimi suo tempore philosophi, de Naturalium effectuum causis, sive de incantamentis Opus, abstrusioris philosophiæ plenum, requiretur, accuratiusque evolvetur, ut oppugner, pessumque eam: nisi in invictis Christianæ philosophiæ fundamentis constabilibus, sermonis probabilitatem contemnā, ex D. Pauli, vasis electionis, consilio, qui studiosè præmonuit, videndum esse, ne quis sit qui nos deprædetur per philosophiam, & inanem deceptionem, juxta constitutionem hominum, juxta elementa mundi, & non juxta Christum. Quoniam in illo inhabitat omnis plenitudo Deitatis corporaliter. Porponatium quoque ante redditum spiritus extremi halitus resipuisse ex singulari Dei miseratione, nec permansisse ætèr, sperare volo. Talem etenim fuisse, à clarissimo medicinæ ornamento D. Helidæo Foroliviensi, ejus olim discipulo, non semel auditum est.

§ 3. At sibi injuriam fieri a medico, quædam Scripturæ sacre loca excuriente, & suæ vocationis metas transiliente, acclamabunt morosiores plerique Theologi: Ne sutor ultra crepidam, mordacius oblatrantes. His nihil aliud responsum volo, quàm, D. Lucam Evangelistam medicum Antiocheniensem fuisse: ac me ex eorum esse numero, quorum huc spectat studium, ut si quo modo tandem ex immensa Dei misericordia atque ineffabili Christi gratia, ad regale illud sacerdotium pertingere queant, cujus D. Petrus: post-

C c c c

lus,

*Regale  
sacerdo-  
tium  
1. Pet. 2.*

*Apocal.  
1. 5. 20.  
Esaia 62.*

lus, beatus, Joannes Theologus, & propheta Esaias meminerunt.  
§ 4. Quod maleficii quosdam Ecclesiastici collegii homines impuros insimularim, si quoque ægre ferant: id certè non debui non facere, argumenti ratione: atque apertius etiam nominibus eorum expressis potuissem, nisi modestiam hanc ex Theologia edoctus, hos Christianæ fidei eversores ac reipublicæ sedatæ turbatores, ut adhuc desistant, statuissem præmonere. Cum magico- rum flagitiorum reis mihi controversia est, non cum viris piis, quos unice veneror & colo, ut si quis alius. Si injuste se tractatos illi conquerantur, ut in theatrum palam mecum prodeant, suamque tueantur causam, non detrecto.

§ 5. Doctioribus quibusdam nostri ordinis viris, vel etiam delicatoribus, si à me non sit factum satis (quod equidem libenter fateor: quam sit mihi curta supellex, non ignarus) iis tamen rem exactius perpendendi, altiusque perferutandi, ac methodo doctiore, ordine magis cohærente, oratione dilucidior, verbis aptioribus, & veritatis argumentis validioribus describendi, qualemcunque subministrasse occasionem pro ingenii tenuitate (quam certè magnam agnosco) videor. A quibus si alicujus lapsus etiam admonear convincarque, plurimum à me reportabunt gratiæ: quemadmodum reliqui omnes, eodem me prosequuti studio: nec me errata retractasse pudebit unquam. Non mihi usque adeo Suffenus sum, nec ita *φλαυρίας* afficit libido. Est aliqua prodire tenus, si non datur ultra.

§ 6. Quod contra legum duodecim Tabularum auctoritatem, de iis qui menses excantant, à vulgari opinione & Poëtarum figmentis dissentiam, si graviter tolerant Jurisperiti, mala mihi pro beneficio reponitur gratia: quod veritatis in hoc argumenti genere ab aliis inquirendæ, & criminalis sententiæ hic non secundum placita cæci in religione Christiana seculi, verum ex ipsis veritatis mysteriis, debito ordine eruendæ pronunciandæque ansam porrigere qualemcunque voluerim. Enimvero si alicui in legitima sua vocatione præjudicandi animus mihi fuerit, temerarii hominis notam meo quodam merito haud recuso. Cæterum si hac mea purgatione non contentis mordacibus invidisque ingeniis, me confitiis proscindere, imperitiæ redarguere, flagitii inique insimulare, & calamum petulanter in me stringere lubeat: ea me Deum omnipotentem confirmaturum tolerantia confido, ut quoscumque adversa-

adversariorum dentes & insultus, patiendo sim exuperaturus.

§ 7. Irritas præterea suas apud me vident machinationes impii sacrilegique magi, quorum nec præstigiis, nec terculamentis culmum quidem latum moveor, etiamsi me diris suis imprecationibus aut diabolicis exorcismis transformare studeant: aut *εις κέρανας*, vel (si malint) cloacas execrandis suis artibus compellere nitantur monstrifici malefici. Delphica in me divinorum oracula, quibus nihil non sinistri mihi in Pythii templo cacanti, & ob id a Pisistrato tyranno statutz pœnz subjiendo, vaticinabuntur homines perdit, prorsus contemno. Incassum me nocturnis lemuri- bus, aut defunctorum manibus vel larvis terrebit tenebricosus necromantes. Nec contra Geoticorum umbras aquæ lustralis asperginem, vel tædarum ignem juxta sepulchrâ arcesso: suis hi spectris me nequitquam fatigabunt. Tartaræarum vocum barbarie aut murmurum ludibriis si me lacestat nefarius exorcista, non mihi curæ est. Incantatorum ligaturas, quibus prodigiosos accersere morbos, congressum impedire naturalem, imò ejus organâ pro suo arbitrio auferre & restituere posse creduntur, ne pili quidem facio, rideoque. Si quid maligna imprecatione aut vitiata voluntatis affectu in me possunt deliræ sagæ, eis & permitto, & remitto. Bre- viter, ut Horatius ait:

*Somnia, terrores magicos, miracula, sagas,  
Nocturnos lemures, portentaque Thessala visu  
Excipio.*—

§ 8. Unicum solummodo veneficarum pertimesco artem, quæ suis venenis vel propinatis, vel admotis, vel spiritus attractione ferientibus plurima vere, non phantastice inferre nocumenta valent: harum causam defendendam hic cepi minime, sed justa magistratus censura discutiendam decidendamque relinquo.

§ 9. At ex labyrintho præstigiarum dæmoniæarum incantamentorumque nonnihil extricatus, finem dicendo faciam de monstrosis his ludibriis, excogitatis certè ut gloriam Dei, & doctrinæ utriusque, sacræ & physicæ, veritatem obscurant, atque maleficas diaboli artes occultent vestiantque, quæ Domino Deo *βδελύγματα* sive abominationes sunt: has aversemur, fugiamus & execremur, quacumque etiam artificiosa proponantur specie. Repugnemus & earum illecebris & occasionibus objectis, quæ prima fronte blandiri & allubescere videntur. Nec solum corpora nostra, non spon-



tè mœcipia & domicilia satanæ faciamus : verum etiam illi , licet astutissimo *πρωτοπλάτης* , vera fide & vitæ sanctimonia omnes adoriundi nos aditus præcludamus , auxilium à Dei filio assidue ardentibus votis implorantes , nosque vivo Dei verbo & Spiritus sancti ope vigilanter , veluti in excubiis sedulo constituti , ita munientes , quo etiam si hujusmodi munimento tanquam firmissimo vallo undiquaque obseptos audacius insultet juratus ille hostis , non tamen valida hæc septa perfringat , expugnetque.

§ 10. Qualescunque etiam afflictiones nobis impositas , æquo animo cum Jobo fortiter toleremus , adversus Deum neutiquam cum gentibus frementes , nec vitæ opem cum Saule inquirentes. Neque etiam curiosi , cum Ephesiis , vel lascivi , quæ novisse nos aut non interest , aut non licet , sive minus expedit , anxie indagemus : vel ex iis , à quibus exquiri severe inhibuit Deus , sciscitemur : sed illis quas Evangelii veritas commonstrat , semitis insistamus , inhæreamusque , furiosas diaboli præstigias & lubrica trivæ declinantes , ne quemadmodum Jannes & Mambres resistebant veritati , nos quoque Dei præcepto recalcitrantes , cum his qui à sinistris erunt , horrendam olim Christi sententiam audiamus : Discedite à me maledicti in ignem æternum , qui paratus est diabolo , & angelis ejus.

§ 11. Nihil autem hic ira assertum volo , quod æquiori judicio catholicæ Christi Ecclesiæ non omnino submittam : palinodia mox spontanea emendaturus , si erroris alicubi convincar. Proinde si adversus hos meos libros prius à quoquam pronuncietur , quam error evidenti demonstratione appareat , contra hunc , mihi summam fieri injuriam , jure optimo palam & libere protestor.

F I N I S.

JOAN-

171 1134573







